


Juziñamui Ñuera
Uai



New Testament in Huitoto, Minica

Juziñamui Ñuera Uai
New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files dated 29 Jan 2022
740f11a2-2e26-57f5-a3a7-5deb2d20bd24

Contents

SAN MATEO	1
SAN MARCOS	61
SAN LUCAS	98
SAN JUAN	160
LOS HECHOS	201
ROMANOS	254
1 CORINTIOS	282
2 CORINTIOS	307
GALATAS	324
EFESIOS	333
FILIPENSES	343
COLOSENSES	350
1 TESALONICENSES	357
2 TESALONICENSES	362
1 TIMOTEO	365
2 TIMOTEO	373
TITO	379
FILEMÓN	383
HEBREOS	385
SANTIAGO	409
1 PEDRO	415
2 PEDRO	423
1 JUAN	428
2 JUAN	434
3 JUAN	435
JUDAS	436
APOCALIPSIS	438

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

Jesucristo nánoramaci (Lc 3.23-38)

¹ Benomo cuega mámečiai Juzíñamui Jitó Jesucristo nánoramaci. Jesucristo jaiái illaíma David náiraimona comuídime. Daje izói afémie David nánoramie Abraham náiraimona comuídime.

² Afe Abraham Isaac moo, íemo jiái Isaac Jacob moo. Iemo Jacob Judá ie ámatiairi íaiói moo. ³ Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴ Iemo Aram Aminadab moo. Iemo jiái Aminadab Naasón moo. Iemo Naasón Salmón moo. ⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo. ⁶ Iemo Isaí illaíma David moo. Iemo illaíma David, Urías tiilla mei Urías ai ote. Iemo David íaillinoi jitó Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo. ⁸ Iemo Asa Josofat moo. Iemo Josofat Joram moo. Iemo Joram Uzías moo. ⁹ Iemo Uzías Jotam moo. Iemo Jotam Acáz moo. Iemo Acáz Ezequías moo. ¹⁰ Iemo Ezequías Manasés moo. Iemo Manasés Amón moo. Iemo Amón Josías moo. ¹¹ Iemo Josías Jeconías naa ie ámatiairi moo. Aféruillaído Israel nairai Babilonia éniemo lláviano uigáiaíoi.

¹² Afe mei Jeconías Salatiel moo. Iemo Salatiel Zorobabel moo. ¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo. ¹⁶ Iemo Jacob José moo. Afe José, María ini. Aféngomona comuide Jesús. Afémie jiáici Cristo.

¹⁷ Be daíí Abrahámona Davidmo itígima catorce méidigimaíai. Daje izói David illáigimamona Israel nairai lláviano Babilonia éniemo uilláigimamo catorce méidigimaíai. Iemo jiái afénomona catorce jiáigima Cristo comuíllanomo.

Jesucristo comuúllafue (Lc 2.1-7)

¹⁸ Jesucristo jocoina bie izói joide. Ie ei María ja jicánogango Josemo iníreillena. Nai José diga iñena llezica, María Juzíñamui Ñuera Joreño rínodo, ja úruereacade. ¹⁹ Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jiáífodo báinino buna onóñeno aféngona oni fiéacade. ²⁰ Bíemo comécilla llezica, ie ínia anado ángel dainámie, Juzíñamui abi ímie íemo cíocaide. Iena daide:

—José, David izíe ímie, meáiruiñeno o iri. María o aiza o oíri, mei afengo jocolle jitó Juzíñamui Ñuera Joreño comuúdeza. ²¹ Afengo jitó jócoite; ie mei Jesuna ie mámeçi jítaitio. Afémie daíí mámeçireite, mei ie comínina íaiói fiénidífuemona jílloteza, —daide.

²² Nana bie íficaide, jaiái Juzíñamui uai jino llóraíma dáinana ñue ícoímo fúitallena. Afe uai llóraíma bie izói daide:

²³ Nai inínide jitaingo úruereacade; íemona jitó cómuite.

Afémie mámeçi Emanuel daílle.
Afeci daííacade, Juzíñamui caí diga ite.

²⁴ José nicáirillamona cazillano Juzíñamui abi ímie íemo ocuilla izói finode. Maríana ie ai izói ote. ²⁵ Mei íadi María jitó jócuano, afe íaillinoi ua ini izói iñédaillinoi. Jócuanos Jesuna ie mámecei jitade.

2

Magos daínámacei ucúduaido ráfuena baitáđino Jesuna méiñuabitiaioi

¹ Jesús Belén jófuemo jococa. Afe Belén Judea éniemo ite. Aféruillaído Herodes aféniemo illáimana ite. Iemo dáamacei jitoma billáfene imacei Jerusalemo dúcídiaoioi. Afémacei ucúduaido ráfuena baitáđino. ² Dúciillano jicánotiaoioi:

—¿Ninomo ite jococa Judíuai illaíma? Mei jitoma billáfenemo ie illano onótate ucúduna ciódicaiža. Afémie cáimadollena benomo biticai, —daídiaoioi.

³ Bífuena Herodes fídiamona, afémie comeci llícide. Daje izói jíái nana Jerusalén comini áfemo comeci llícíoidiaoioi. ⁴ Iemona Herodes nana lletáriraini illaini, íemo ocuica uailai llófuetino diga dánomo jíirillano jicánote. ¿Mei nie jófuemo afe Cristo jéicille? ⁵ Jira íena daídiaoioi:

—Afémie Belén jófuemo jéicille, mei jaiai Juzíñamui uai llóraini bie izói dáideza:

⁶ Belén jofue Judá éniemo ite.

Afe éniemo ite jamánomoide jófuemona afe Belén dinó dúeñeite;

mei afénomo cue nairai Israel úiñoite illaíma cómuiteza, —daíí daídiaoioi.

⁷ Afe mei Herodes ucúduaido ráfuena baitáđinona báinino uáidote. Uáiduanos íaioimo jicánote: “¿Níie monado afe ucúduna ciódiomoi?” ⁸ Íaioi llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báíadi, cuemo lluíbiri, mei afézana cáimaduaiacadícue, —daide.

⁹ Afe illaíma daíí íaioina daina mei, ucúduaido ráfuena baitáđino jáidiaoioi. Ie mei jitoma billa dibénemona íaioi ciona ucudu, meine abido íaioina ífóicaide. Ífóicaillano afe úrue illánomo mózizaide. ¹⁰ Baitáđino afe ucudu mózizaillana cióillano, íere cáimacaidiaoioi. ¹¹ Iemo afeco eromo jaillano, afézana ie ei María diga cióidiaoioi. Iemona afézamo cañici ana dújuillano, íena cáimadotiaoioi. Afe mei íaioi atica raa túiñuano, afézamo fecádiaioi. Ua oro, íemo uguci, íemo “mirra” daina ráifide ziórede raa, afézamo fecádiaioi. ¹² Afe méifomo, Juzíñamui nicáirillado íaioimo llote; Herodes illánomo íaioi jáiñeillena íaioina daide. Afemona oni jíáie iodo íaioi éniemo jáidiaoioi.

Jesús moo íaillinoi Egíptomos bótaja

¹³ Ucúduaido baitáđino meine jailla méifomo, Juzíñamui abi ímie (ángel daínámie) nicai anado Josemo cíocaiide. Cíocaiillano íena daide:

—¡Náidacai! Náidacaiillano úrue ie ei diga Egipto éniemo omoi bota. Afénomo cue daíílle dinó omoi iri. Mei Herodes bie úrue fállena jénoiteza, —daide.

¹⁴ Mei jira José náidacaiillano, úrue naa ie éioiri naio Egíptomos botádiaioi.

¹⁵ Afénomo ua Herodes túille dinó itíaoioi. Bie izói íficaide, Juzíñamui uai llóraíma jaiai daina uai ñue ícoimo fuitállena. Afe uai be níie: “Egíptomona cue Jitó uáidotícue.”

Herodes nana úruiaína fazítate

¹⁶ Iemo Herodes ucúduaido baitáđino afémie jifánodoiana fidíillano, afémie jamánomo ríicaide. Iemona nana Belemo ite mena fimona fuitade úruiaína fazítate. Afe jofue áinodo ite úruiaína daje izói fazítate. Naui ucúduaido baitáđino úrue jocóinana Heródesmo llua izói, mena fimona fuitade úruiaína

fazitate. ¹⁷ Bie izói jaiai Juzíñamui uai llórama Jeremías lloga uai fuite. Be níuui:

¹⁸ Rama jófuego zúurede uai cácaite; cáillicaili eia uai cácaite.

Nairai uzuma Jacob ai Raquel báifene jica ia cómitaga úruiairi éhena.

Aféngomona jica ia úruiai cómitatino eia jaca buna fíranide, mei afengo úruiai fazilliaioiza, daí Jeremías daide.

¹⁹ Mei afe Herodes tilla méifodo Juzíñamui abi ímie nicai anado batí Egíptomo Josemo cíocaide. Cíocailano íena daide:

²⁰ —¡Náidacai! Náidacailano úrue naa ie éioiri abido Israel éniemo omoi jairi, mei nau baie fáiacadino nana ja tíidiaioi, —daide.

²¹ Afemona José afe úrue naa ie éioiri abido Israel éniemo jáidiaioi. ²² Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juzíñamui nicai anado afémiemo llúamona, afémie afénomo jáiñeno Galilea éniemo jaide. ²³ Afe Galiléamo dúcia méifodo, Nazaret jófuego fiébizaide. Bifue bie izói joide, jaiai Juzíñamui uai llórama daina uai ñue ícoimo fuitállena. Be níuui: “Jesús Nazaret ímie daírena.”

3

Juan Bautista táizicimo rafue jino llotte (Mr 1.1-8; Lc 3.1-9, 15-17; Jn 1.19-28)

¹ Aféruido Juan Bautista Judea éniemo ite táizicimo lletámaizabite. ² Daide: —Omoi comeci ífuii mai méidori, mei monamo ite Juzíñamui illáimana illirui ja íanori íteza, —daide.

³ Bie Juan jaiai Juzíñamui uai llórama Isaias llogámie. Afémie jica ia bie izói Juaado cuete:

Ficire úritimie uai táizicimo cácaite.

Afémie daide: “Juzíñamui bille io ñue fínua izói, omoi comeci ñue omoi finori.

Afémiemo io jaícina dénu izói,

Omoi comeci íaifuii omoi féitari”, —daide.

⁴ Aféruillado Juan jítáigaroi camello itíraiai níinaroi. Ie ciraigi ife rille igoi finoia. Afémie jaca fíuui rífirede. Daje izói cíiji jírofirede. ⁵ Jerusalén comini afémie úrillamo cacáreizaibitiaioi, daje izói nana Judea énie imaci, íemo jáí Jordán imani abi comini ie úrillamo cacáreizaibitiaioi. ⁶ Iaióimo ite fiénidífuiai jino íaioi llua méifomo afe Juan Jordamo íaioina báutizade.

⁷ Mei íadi fariséuaimona, jáí saducéuaimona aillo comini Juan diné ie báutizajano bitiaioi. Afémaci bíllana Juan cíoillano, íaioina daide:

—¡Títade jaíóniaimona comuídino izóidíomoi! Ja áinozide duere ze-fuillifue mona omoi botállena ¿bu omoi llua? ⁸ Omoi comeci ifue méidoiacanana ñéfuedo uáfodo jino ácatari. ⁹ Dani ómoimona “Abrahámona comuídínodicai cai íllamona Juzíñamui íena iticai,” afe izói daíñeno iri, mei táinoza. Mei bie noficiaimona, Juzíñamui jítáíadi Abraham comínina comuítaredeza, daí ómoina daidícue. ¹⁰ Fiénide amena tiéllena jata jicaida jóonia izói, fiénidino duere finoille jae ñue mameca. Nana figo llizíñede amena tíiano iraimo zocana uillano jobaica. (Tíéfirega zena izóidíomoi.) ¹¹ Uáfueña bimaci comeci ifue íaioi méidua jira, jáinoido íaioina báutizadícue. Mei jáífodo cue méifodo bíitimie, comínina Ñuera Joreño úicaitaite. Daje izói iraimo raa ñue zia izói afémie comínina íainino ñue fínoite. Afémie iere cue baimo rínorede, cue bie jamáimedicueza afémiena dama ñue jacíruiredícue. ¹² Afe cue méifodo

bíitímie arroz biájidímie izóí ja ie llocofe llícabite. Afémie arroz bíamona ícuai oni eneno ua izóí, ñúemacimona fiénidinona oni eneno óite. Ñúemacina ie illánomo ñue ráiruite, mei jiáifodo fiénidícuai izóidinona jaca dúiñeite iraimo jóbaite, —dinori Juan úrite.

Jesús bautizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie bautizallena. ¹⁴ Jesús bítemo Juan íena bautizaacañede. Jira Jesuna daide:

—Cue bie odo bautizaregacue. ¿Ñibái mei cue dínena bitio? —daide.

¹⁵ Jira Jesús íena daide:

—Dama daiítadeza, birui cue daína izóí fino, mei nana Juzíñamui jítaina izóí finóredicocozá. Afe coco finolle cócomo ñue jóbide, —daide.

Iemona Juan ja fairíote. ¹⁶ Afemona Juan Jesús bautizade. Bautiza mei Jesús jáinoimona jino bite. Afe llezica mona raire tújicaide. Afe dáaruido Jesús Ñuera Joreño fiiciri ana billa izóí bíllana ciode. Afémiemo ráinazaibite. ¹⁷ Mei íemona monámona daa úrilla uai cácaide. Afe úrilla daide:

—Bie iere cue izíruiga Jitó. Afémiemo jamánomo ióbioidícue, —daide.

4

Taife Jesús facátate

(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fienu facátallena.

² Afénomo Jesús cuarenta dígarui güiñeno ite. Mona naio díga afénomo güiñeno ite. Afe mei afémie iere jamánomo juffínaite. ³ Ie juffínailla llezica, Taife Jesús facátallena áinozide. Iena daide:

—Ua Juzíñamui Jitona o íadi, mai bie nofíciái paana mei fino, —daide.

⁴ Jira Jesús uai ote:

—Jaiái Juzíñamui Cuegáuai daide: “Fia güílledo come ínide, mei jiáifodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófuemo uite. Afénomo ite gairíracó emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izóí dáideza:

Juzíñamui ie abi imácina ona uíñotaite.

Iaiói ónoído ona mozíñoitiaíoi, o éiba nofíciáimo íziñeillena, —daide.

⁷ Jira Jesús uai ote:

—Jaiái Juzíñamui Cuegáuai nane daide: “O ocuide Juzíñamui mai facátañeno,” —daide.

⁸ Nane dáanomó Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaióimo ite ebíredífuiairi. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo ííticue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairéna. Dama afémie ocuífiregaména o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímíai Jesuna cánuaibite.

Jesús Galilea éniemo como fueñe táijizaide
(Mr 1.14-15; Lc 4.14-15)

¹² Jesús Juan Bautista llavéinana fidíillano, oni Galilea éniemo jaide. ¹³ Mei íadi Nazaremo fiébiñeno, Capernaum jófue mo jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiai Juziñamui uai llóraima Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daina énie.

¹⁶ Aféniainomo ite comini jítinomo itino izói Juziñamuina onóñediaioi.

Mei íadi ja birui afémaci como aillo egáiñotena ciódino izói, Juziñamuina uáfodo onódiaioi.

Iemo jái afe tíide izói Juziñamuina ónoñedino jae egáiñogaiaioi, Juziñamui ziiñona illífueña íaioi maiñóllena.

¹⁷ Afe mei Jesús jino cominimo ie llófuella uai fueñe tainede. Daide:

—Omoi comeci ífuiai méidori, mei monamo ite Juziñamui illáimana illirui áinozideza, —daide.

Jesús cuatro dígamie facófredino uáidote
(Mr 1.16-20; Lc 5.1-11)

¹⁸ Jesús Galilea jorai fuédado macádemo, mena ama íaillinoina baite. Dáamie mámece Simón, afémie jáifodo mameina Pedro. Jáie baigámie mámece Andrés. Afe íaillinoi facóraini. Afe llezica llóiji jóraimo dotádiaillinoi. ¹⁹ Iemo Jesús íaillinoina daide:

—Mai cuedo bi, comini llófuella íaioi jénoitimiéna ómicoina jóneiticue, —daide.

²⁰ Íaillinoi llóiji fiénocaillano afémiedo jáidiaillinoi.

²¹ Nane afe báfenemo Jesús mena jáie ama íaillinoina cíozaida. Afe íaillinoi Zebedeo jító Santiago Juan diga. Afe íaillinoi áillue nocaemo ie moo diga íaioi llóiji ñue finódiaioi. Jesús íaillinoi uáidote. ²² Afe llezica, áillue nocaemo íaillinoi moo fiénocaillano, Jesudo jáidiaillinoi.

Jesús nágagobiaimo aillo comini llófuete
(Lc 6.17-19)

²³ Afe mei Jesús Galilea éniemo nágafenedo jaide. Nana Juziñamui uai llófuerracuaimo llófuerrite. Afémie Juziñamui illáimana illirui ñúefuedo jino llócaide. Daje llezica nana jáifodorie irárede comini jíllotate. ²⁴ Nana Siria éniemo Jesús finoca ñúefuiai jalleide. Iemona Jesumo jáiforiede dúicuaimo duere zefuídino atídiaioi. Iemo jáiforie izi cácadino, íemo fiénide jóraia uícaigamaci, íemo chémemo raamo jíridino, íemo tízitaitino, nana bie izóidino Jesumo atídiaioi. Iemo nana afémacina Jesús jíllotate. ²⁵ Iemona diga jáinuiaimona bitíaioi Jesudo jáillena. Galilea éniemona bitíaioi, íemo Decapólis jófuiaimona bitíaioi, íemo Jerusalén naa Judea éniemona bitíaioi. Daje izói imani Jordán ruicáfellemona Jesudo bitíaioi.

5

Caifónedumona Jesús lloga are uai

¹ Jesús afe aillo iedo jáidinona cíoillano, caifónedumo ráinazaide. Iemona ie llófuegamaci afémie abido ofídiaioi. ² Afe mei Jesús bie izói como íaioina llófuete:

Caimore íóbidino
(Lc 6.20-23)

3 “Comeci dinena dúredica” daífredino íobidiaíoi, mei monamo ite Juzíñamui illáimana illarui afémacimo dúideza.

4 Comécina zúuredino caimare itíaíoi, mei Juzíñamui íaíoi fíraiteza.

5 Comécina mánaidino caimare íobidiaíoi, mei Juzíñamui jica ia íaíoi ena mameca énie máíñoitiaíoi za.

6 Júbiena méinegamie iere güíacana izóí, Juzíñamui comece jítaina izóí iere íacadino caimare íobidiaíoi, mei Juzíñamui afe íaíoi íacanana izóí íaíoi íllena afémacina cánoiteza.

7 Jiáimacimo dúecaífredino caimare íobidiaíoi, mei Juzíñamui íaíoi mo dúecaiteza.

8 Comécina íainidino caimare íobidiaíoi, mei Juzíñamuina cíoitiaíoi za.

9 Icírafuena oni orédino caimare íobidiaíoi, mei Juzíñamui afémacina “Cue jítódiomoi” dáiteza.

10 Juzíñamui jítaina íaíoi fínuari duere zefuídino caimare íobidiaíoi, mei monamo ite Juzíñamui illáimana illarui íaíoi mo dúideza.

11 Comini omoi báíñua, omoi duere íaíoi fínua caimare íobidiomoi. Daje izóí cue ícoina taino uailai ómoimo íaíoi nitáadi caimare íobidiomoi. 12 Afena náfuéñeno íóbicana caimare omoi iri, mei monamo ite áillue ebíredifue jirídoitioimoza. Mei jaijai nai omoi íñena llezica ite Juzíñamui uai llóraini daí duere finóllena racácaiaíoi.

Sal ñue fínua izóí, afe izóí comini ñue finódinona itíomoi; daje izóí bínie egáíñotinodíomoi

(Mr 9.50; Lc 14.34-35)

13 Omoi, sal izóí, bínie comini ñue finódinona itíomoi. Mei íadi sal ie ríino íñenia güíllena caimáretañede. Afe ríinonide sal ¿minícado meine ríiretade? Jaca meine ríiretaninamona jaca ráííñede. Comini zaizíllena macáranomo dotárega.

14 Omoi finoca ñúefuiai fínuamona, bínie comini ñue íllena egáíñote raa izóidíomoi. Iemona caifónedumo ite uáfori cíocaide jofue jaca retáidonina izóí itíomoi. 15 Uneca mechera nogo eromo retáidollena unéñediomoi. Mei jiáífodo caífo uáfori cíoidinomo uneda ráinafiredíomoi, jofo eromo itínomo ñue egáíñollena. 16 Afe izóí ómoimo Juzíñamui comuitaga omoi finófirega ñúefuiai jino comini erócana finócana omoi uiri. Daí omoi ñue finócafuiaína ñue íaíoi cíoillega. Uáfori íaíoi mo cíotari, monamo ite omoi Moomo ñúefuiai íaíoi jónellena.

Jesús Moisés ocuica uai dibénedo llófuet

17 “Moisés ocuica uai cáitajaíbite,” daí cuemo omoi comécíñeno iri. Daje izóí jaijai Juzíñamui uai llóraini llófuia féitajaíbiñedicue. Jaca afe uailai féitajaíbiñedicue, mei jiáífodo afe uailai ñue ícoimo fúitaíbiticue. 18 Uáfuenta ómoína dáititcue, mona naa énie díga nai fúíñeille dino bie ocuica uáillaimona daa uai oni ónide. Nana áfemo lloga ífcaítifuiaí nai zuíñena llezica, afe uailai jaca íite. 19 Ie jira afe ocuica uáillaimona daa uai iere duere íadi dáamie náfuéñenia, monamo ite Juzíñamui illáimana illáruimo afémie jamáimiena jáite. Daje izóí afémie náfuéñena izóí jiáimacina “Cai náfuéñeilli” daíadi, iere jamáimiena jáite. Mei jiáífodo aféuailai náfuetinona íemo jiáimaci afe uaina náfuetadinona, “Bimaci Juzíñamui illáimana illáruimo jamánomoidinona,” daíille. 20 Mei birui ómoína dáititcue: Juzíñamui jítainana ñue ícoimo fuitállena, ocuica uai llófuetino, fariséuai díga iere áfena nícidotiaíoi. Mei íadi íaíoi

nícidoga baimo omoi fínoñenia, monamo ite Juzíñamui illáimana illáruimo dúciñeitiomoi.

Jesús comini icírilla dibéndo llófuete
(Lc 12.57-59)

²¹ Omoi jaiáidigimaci dáinana cacádiomoi. Afe daina be ñie: “Jiáimana titáñeno iri, mei jiáima titádimie jicánuano duere finolle.” ²² Mei íadi afe emódomo nane dáitícue. Ninó dáamie ie aino come diga icírria, afémie áferi jicánuano duere finolle. Daje izói ie ámana iaire daidímie Jamánomo Ríillaini afémiemo jicánuano duere finolle. Iemo jiái ie ámana “O abina onóñedimiedio,” daíadi afémie áferi jaca ninomo dúñede iraimo orérede.

²³ Iemona Juzíñamuimo o úriacana llezica, daje izói afémiemo fia fecácaga raa o izájiacana llezica, o aino come diga o icírillamo o uibíoicaiadi, ²⁴ afe o izájiacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fínua méifomo, o izájiacaga raana fecáredio. Ja Juzíñamuimo úriredio. ²⁵ Iemo jiáifuemo omoi cacai. Íaifue omo mamédimie diga raire o úrizairi, afe íaifue záilleza. Jicánoracomo nai ona uíñena llezica, mai jino io anamo ñue ómicoi záitari, jicánoraimamo o ie úiñeilleza. Daí o fínoñenia, afe jicánoraima fiénidino llaitáfioredinomo ona izájite. Iemo afémaci ona llavéracomo íbaitiaioi. ²⁶ Uafue ona dáitícue, o llavétatimie jicaca úcube ie jícaja ñeze o íbañenia, afécomona jaca jino bíñeitió, —daidícue.

Jesús comini finoca jiruifue dibéndo llófuete

²⁷ Jaiái daináuai cacádiomoi. Afe be ñie uai. Jiáie ringo diga jiruídoñeno o iri. ²⁸ Mei íadi ómoína daidícue: Omoimona dáamie ringomo eróicana fiéni comeci facáadi, afémie jae afengo diga ie comécido jiruifue finode.

²⁹ Mei o ciona raamo o éroillamona fiénidífuemo ona baiítaia afemo eróiñeno o iri. Ua, o úji nabeji o fítajamona o eróinino o illa izói, afe izói o fiéniruitate raamo eróiñeno o iri. Afe úji júbene o fítañenia izói, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi íñena izói, nana o abi táinocaille baimo iere ñuera. ³⁰ Daje izói o finóacanafuiái fiénidífuemo ona baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiéniruitate ráfuiaina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi íñenia izói, nana o abi táinocaille baimo iere ñue ite.

Come ai dótafirena dibéndo Jesús llófuete
(Mt 19.9; Mr 10.11-12; Lc 16.18)

³¹ Daje izói jiáie jaiái daina uai bie izói joide: “Ninó daa come ie ai dotáadi, afe bie ringona benómona óñeítícue dainabe aféngomo írena.” ³² Mei íadi birui ómoína daidícue: Dáamie ie ai dotáadi, afémie aféngona jiruíretaitaite. Mei íadi daa ráfuedo dotárede. Afefue be ñie: Afengo inírede ia jiáie iima diga íadi afengo dotárede. Daje izói dotácango aina otímie afe úamona afémie afengo diga jiruifue finode, mei Juzíñamui eróicana, afengo nai fueñeidimie ai.

Jesús táinona uafue daíllena Juzíñamui mámecei llínuado llófuete

³³ Daje izói omoi jaiáidigimamona cacádiomoi. Afe be ñie uai: “Juzíñamui eróicana ie mámecei o llínuano o dáinana ñue ícoimo záitari.” ³⁴ Mei íadi birui ómoína daidícue: Uafue daíllena jaca mona mámecei llínonidiomoi. Mona Moo Juzíñamui illánoza, áfedo iere uafue daíñeno iri. ³⁵ Daje izói énie íbogido uafue daíñeno iri, mei aféñenia Juzíñamuimo jaináideza; fia ie ídai jóonera izóideza. Daje izói o llógana uafue daíllena Jerusalén mámecei llínoñeno iri,

mei afe jofue Nahíllamamo, ua Juzíñamuimo dúideza. ³⁶ Daje izói dama o ifócido uafue daiñeno iri, mei o ifótirai úzetiraina méidonidiomoiza, daje izói jítitiraina orénidiomoiza. ³⁷ Iemona jáie uaina nabáiñeno “Jíi fínoiticue” daiíri. Mei jáífodo “Jíi fínoiñeiticue” daiírena. Uafue daiíllena bie izói o daina baimo jáie uaina o nabáiadi afe uai Taifémona bite.

Jiámamo iba úado Jesús llófuete
(Lc 6.29-30)

³⁸ Daje izói jáie jaiai nanómona dáinana cacádiomoi. Afe daina be ñie uai: “Dáamie jáimie ui fitáadi afe ibana afémie ui fitárega. Daje izói dáamie jáimie ízido ditáadi afe ibana afémie ízido ditárega.” ³⁹ Mei íadi birui ómoína daidicue: Dáamie fiñi omoi finóadi, ibana afémiemo riire úriñeno o iri. Mei jáífodo dáamie o uiéco putáadi daje llezica enéfene putari íena o daiíri. ⁴⁰ Dáamie taino omo jítajano, o caifóferoi bairóadi, afe llezica o jinófenemo jítáraroi caifóferoi diga naga afémiemo o fecari. ⁴¹ Daje izói dáamie mei policía izóidimie méerederaana daa kilómetro ríifuedo o abítaiadi, afe baimo mena kilómetros icíriñeno o uíri. ⁴² Nane dáamie raa ómoimo jicáadi, afe íemo o fecari. Jáimie “Nano íanori cuemo fia fecar” daiíadi, afémiemona oni jíjicaiñeno o iri.

Cai icíriillacina izíruiredicai
(Lc 6.27-28, 32-36)

⁴³ Daje izói jaiai nanómona daina uaina cacádiomoi. Afe be ñie uai: “Omo caimare úrifrenamiéna izíruiri, íemo o icíriillacina éoiri.” ⁴⁴ Mei íadi birui ómoína daidicue: Omoi icíriillacina omoi izíruiri. Omoi faidódimiéna caimare íemo omoi finori. Omoína éoidinona ñue omoi finori. Omoi báñotino, íemo jái ómoína fiñi finóacadino diga afémaci íena Juzíñamuimo omoi jicari. ⁴⁵ Daií omoi íllemona monamo ite omoi Moo Juzíñamui jítótaiña jáitiomoi. Mei afémie ñúemaci ie jítómana egáiñotadeza, daje izói jáie fiénidimaci íena egáiñotadeza. Iemo, comécina jaícina jóidinomo afémie nocina bíitate, daje izói comécina jaícina jóiñedino íena nocina bíitate. ⁴⁶ Mei daní ómoína izíruitinona omoi izíruiaí, ¿áfemona minica jírídoitiomoi? Jaca jírídoñeitiomoi. Omoi jámairuiga gobierno raiñoca úcube llínofiredino da afémaci izíruitinona izíruitiaí. Afémaci baimo izíruirediomoi. ⁴⁷ Dama omoi ámatiai caimare omoi uáidoiaí, ¿ñie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidorediomoi. ⁴⁸ Monamo ite omoi Moo Juzíñamui íaífuenide comécina figomiéna illa izói, afe izói omoi iri.

6

Jesús cai finófirega ñúefuiai dibéndo llófuete

¹ Jesús nai úrite; daide: Omoi finófirega ñúefuiai comini eróicana afémaci ómoimo cáimacaillena omoi finóñeno iri. Daií omoi finóadi monamo ite omoi Moo Juzíñamui ómoína minicana jírídotañeite. ² Ie jira dúeredino o cánua llezica nana comini lloñeno, uái daií omoi canori. Jino omoi macáramo, daje izói Juzíñamui uai llófueriraco eromo diga táinona abíñnotino bífirediaí. Afémaci comeci figóñedimaci illa llezica jino finócafuiamona ñúemacina eróidiaí. Iaií finua izói finóñeno omoi iri. Afémaci daií finofirediaí jáimaci íaíido ñue úrillena. Mei uafue ómoína dáititue: Comini íaíido caimare úrillado, íaíi jírídoacaga raana jae íaíi jírídoga. ³ Mei jáífodo dúeredinomo daa raa o fecalle llezica o izíruiga aino cómemo lloñeno uái daií o fecari. ⁴ O finófirega ñúefue báinino o finori. Iemona o Moo Juzíñamui o báinino finoca raana cóiteza. Afemona óiena mameca raana o jírídotaitaiza.

*Jesús Juziñamuimo úrillado llófuete
(Lc 11.2-4)*

⁵ Juziñamuimo omoi úrilla llezica, abi diné ñue cíoidimaci finua izói finóñeno omoi iri. Afémaci Juziñamui uai lloraco eromo caifo naidáillano ficírede uaido Juziñamuimo úrilla izói finódiaioi. Iemo jofue cígimo ite aillo comini ofíranomo daje izói finófirediaioi, comini íaioina cíoillena. Uáfueña ómoína dáitícue, afe bie comini íaioido ñue úrillado, íaioi jirídoacaga raana jae jirídotiaioi. ⁶ Mei jíáifodo Juziñamuimo o úrilla llezica, o jofo eromo jaillano o naze íbairi; íemo afénomo o díga ite Moo Juziñamuimo o úriri. Afemona o Moo Juziñamui o báinino úrilla uaina cacáillano, óiena mameca raana o jirídotaitaite.

⁷ Juziñamuimo o úrilla llezica, Juziñamuina onóñedino finua izói, taino uaillai díga icaiño lloñeno o iri. Afémaci bie izói comécídiaioi: “Are cue úrillado Juziñamui níbai cuemo cacáreite,” daídíaoi. ⁸ Afémaci izói iñeno o iri, mei nai o jítaille raa o jícañena llezica o Moo Juziñamui uícodo onódeza. ⁹ Ie jira bie izói afémíemo omoi úrifireiri:

Cai Moo Juziñamui, monamo itio; o mámeçido ñúefue nitácaza.

¹⁰ O illáimana illirui raire bíteza.

Dinomo monamo o comeci jítaíllafue íaioi finua izói, afe izói bie éniemo finótaibiteza.

¹¹ Cai nágarui jitaiga güílleniai, birui caimo fecari.

¹² Cai finoca fiénidífue íba caimo oñeno iri, mei afe izói jíáimaci fiéni caimo finódiaioi íadi, afémacimo íbana oñédícaí.

¹³ Íaífueemo cai baíññellena caina uíñori.

Iemo afe llezica nana fiénidífuiaimona caina jíllotari.

Mei bíníe comini jaca o illáimana illa anamo itíaoi.

Afémaci illáimaillena ríino jaca omo ite.

Daje izói jamánomo ñue ébífue jaca omo ite.

Ja daítadeza.

¹⁴ Mei uafue, ómoimo fiéni finódino finoca fiénidífuena omoi féitaia, afe izói monamo ite o Moo o finoca fiénidífuena féitaite. ¹⁵ Mei íadi aféfuiaí omoi féitañenia, omoi Moo omoi fiénidífuiaína féitañeite.

Jesús comini fímairilla díbénedo llófuete

¹⁶ Iemo nane Jesús daíde: Dama Juziñamuimo izire omoi comeci facállena güíllena güíñeno omoi fímairilla llezica, omoi uíécona zuure finóñeno omoi iri. Jínofene ñue cíoina mei íadi comécina íáiredino daí finódiaioi. Íaioi fímairilla llezica abina iere zuure finódiaioi, comini íaioina cíoillano “Baie fímairitino,” íaioi daíillena. Uafue ona dáitícue, afe izoide comini íaioina dánado íaioi jirídoacaga raana jae jirídotiaioi. ¹⁷ Mei jíáifodo güíñeno o fímairilla llezica o uíéco ñue jocori; o ífo ñue júiri, ¹⁸ ona comini “Baie fímairitímie” dáíñeillena. Iemona o díga ite báinidena cíófirede Juziñamui, áfena dama cíoille, íemona afémie áfena ona jirídotaitaite.

*Monamo cai jirídollena ofítaredícaí
(Lc 12.33-34)*

¹⁹ Iemo nane Jesús daíde: Bíníemo aillo ráaniaína ofítañeno o iri, mei bíníemo díga raa ícuai güífiregaza, íemo jíáie raana ráataífiredeza, íemo jíái merírífredino merífiredeza. ²⁰ Mei jíáifodo Moo Juziñamui jítainana o finófireiri; caifo monamo íe illánomo ñúefuiaí o ofítari, mei afénomo ite raana ícuai güíñédeza, íemo jíái afeno raa zabíñede, íemo afénomo merírífredino

meríndiaioi. ²¹ Mei uáfueza, o gaiga raa ofítajanomo dáanomo daje izói o comeci íteza.

*Cai illafue ñue egáñote raa
(Lc 11.34-36)*

²² Ñúefuemo o comécilla omo ñue egáñote raa izoide. Jira bobaie egáioinamona o uído ciónana o íóbitaja izói, afe izói ñúefuiai o jítáigana o comeci ífueña caimare itátaite. ²³ Mei íadi ñúefuemo o comécíñenia, fiénidífuedo mácaja izói itio. Nana o comeci ífue zuure íteza. Mei Juzíñamui omo jónega ñuera comécido dama fiénidífuedo o comécía ñi jamánomo jítifomo o illa izoide. ¡Ñi jamánomo jítirena!

*Juzíñamuimo cai jainaina llezica úcubemo jaináinidicai
(Lc 16.13)*

²⁴ Daje llezica mena ocuídime anamo buna ínide, mei ménamiende anamo o íadi dáamie éoitio, íemo jíaimie izíruitio. Daje izói dáamiemo ñue táijítio, mei íadi jíaimiena jamairuitio. Afe izói Juzíñamuina abi o náamataja llezica úcubemo abina náamatanidio.

*Juzíñamui ie úruiana jáidinona ñue úñote
(Lc 12.22-31)*

²⁵ Jira ómoína dáitícue, nágarui omoi jitaiga güille naa jirole diga áfemo comeci faiñeno omoi iri. Daje izói daa o jitalle inícuromo comeci faiñeno omoi iri. Cai ñue illafue güille baimo ráifide. Daje izói cai caana abi iniroi baimo ráifide. ²⁶ Mai monamo feede ófocuizaimo omoi comécíiri. Afémaci güilleniaina riñediaioi. Daje izói llíziena jofo oñediaioi, íemo jíai güille ñue finóranomo ofítañediaioi. Mei íadi monamo ite omoi Moo afémacina ecáfirede. Omoi bie ófocuizai baimo iere ráifina. ²⁷ Omoimona, comeci iere faíamona ¿mei bu ie zairilla caifomo medio metro zairirena? Buna jaca daí ínide. Dama Juzíñamui ona dinori o zairítaja. Afe izói o güillena ócuite, jira áfemo comeci faiñeno omoi iri.

²⁸ Iemo jíai ¿ñibái mei inícuromo iere comeci fáifiredíomoi? Jazícimo ite záfiamo omoi comécíiri. Raamo táijíñediaioi, daje izói iníroina niñediaioi. Mei íadi iere ebire cíoidiaioi. ²⁹ Iemona ómoína dáitícue jaii illaima Salomón iere ráarede íadi, bie záfia ebirena izói, ebíredíroina jítáñede. ³⁰ Mei Juzíñamui ráitiamo ebire cíotaiadi, afémie ómoimo jeruñeno iníroina jítáite, mei afe ráitíai íanori ebire eróideza. Iemo afe jíáiruido ja jobáicaza.

³¹ Iemona nana jíai raamo comeci faiñeno omoi iri. “Cai güille iñédeza, ¿minica güíticai?” daíñeno omoi iri. Daje izói jíai “¿Minica jíroíticai?” daíñeno omoi iri. Iemo jíai, “Iníroinidicaiza, ¿minica jítáitíca?” daíñeno omoi iri. ³² Mei uafue, bíniemo ite Juzíñamuimo íinoñede comini bífuiaimo iere comécíidiaioi; mei íadi omoi Moo monamo ite. Afémie bie izoide raana omoi jítáillana onode. Jira ómoimo iñede raamo comeci fáinidíomoi.

³³ Mei íemona Juzíñamui illáimana illáruimo duide raamo raire uícodo járitáifireiri. Daje izói jíai ie ocuícáfue raire uícodo omo finofireiri. Afe mei nana bie omoi jitaiga raana óitíomoi. ³⁴ Uire jiti cómuitífuedo comeci faiñeno omoi iri, mei uire aferui dama ie comeci uille ráfueníai átiite. Nágaruillaido comuide comeci faille ráfuiai ja figo báiteza, baimo nabáinide.

7

*Jíaima jánana fiéni úriñeno o iri
(Lc 6.37-38, 41-42)*

¹ Juzíñamui ómoimo izire jícanoñeilla, mai jíáima jánana fiéni úriño o iri. ² Mei jíáima jánana riire o úrilla izói, afe izói Juzíñamui riire ómoimo jícanoite. Jíáimamo raana fácano omoi feca izói, afe izói afémie ómoimo fácano fécaite. ³ ¿Mei ñie izói o ama uimo ite jéenide ráaruaina cíodio, mei íadi afe dáaruído dama o uimo jéerie rarúnguai íllana náfuenedio? (Afena dáiacade: Aillo fiénidifue omo illa llezica, ¿ñie izói due jiza oni nibéfodo baídimie jánana úriredio? Urinidio.) ⁴ Iemo afe jéerie rarúnguai dama o uimo íadi o ámana ¿ñie izói daíredio: “O uimo ite jéenide ráaruai cuena otátari”? Daínidio. ⁵ ¡Abi ñue cioide comécina íairedimiedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.

⁶ Juzíñamui ñue finoca raa, Juzíñamuina íairuitinomo fecáñeno iri; fecádíomoiniadi áfena jámairuillano afémaci ómoína tíbitaitiaioi. Daje izói perla izoide ráifidifuiái meróniaí izoide íaifuiairedinomo lloñoeno iri; llotíomoiniadi meróniaí ríirifirena izói bimaci ómoína uáitaibitiaioi. Afe izoide ñúefuiái fiéni íacadinomo llónide.

Juzíñamuimo cai jícalle bie izói jóide

(Lc 11.9-13; 6.31)

⁷ Mai omoi jícarí, íemona Juzíñamui ómoimo fécaite. Mai omoi jenori; baítíomoiiza. Nazémoma caimare omoi uáidori; ómoimo tuizáibiteza. ⁸ Mei jícadimie llínoteza. Daje izói jenódimie báiteza; íemo jíái nazémoma caimare uáidotimiemo túigaza.

⁹ Mei ómoimona dáamie ie jitó pan jícaja llezica ¿meita nofícina írede? ¡Jaca ínide! ¹⁰ Iemo afémie chamu jícaja llezica ¿meita jaiona írede? ¡Inide! ¹¹ Mei fiénidinodicaí íadi, ñuera raa cai úruiaimo fécajana onódicaí. Mei íadi afe baímo monamo ite omoi Moo, afémiemo jícadinomo jamánomo ñuera raa fécajana onode.

¹² Mei íemona omoi jitailla jíáimaci íaioi ómoimo finua dieze, dájeze afémacimo finóredíomoi. Mei Moisés ocuica uai bie izói jóideza. Daje izói jaiaí Juzíñamui uai lloraini cuela uai afe izói jóideza.

Rillírede monamo duide io rafue

(Lc 13.24)

¹³ Mei afe rillírede monamo duide iodo omoi jai. Niné táinocaitaitinomo jóide io iere áilloo. Daje izói áfeo boilla jamánomo áillue. Afeodo aillo comíni jailla. ¹⁴ Mei jíáfodo zíñona cai cáaillinomo jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizíllado onórede

(Lc 6.43-44)

¹⁵ Díga comíni “Juzíñamui dibénedo úriticaí” daídíaioi, íadi taino llotíaioi. Afe izoide comínimona abí omoi rairuiri. Afe bimaci ebire jíféidino izói ómoimo bitíaioi. Uáfueza, illáinide ovéjaiaí izói ómoimo bitíaioi, mei íadi comeci ñue illáirede jánallari izóidino. ¹⁶ Afémaci finócafuaíado íaioína uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliaí óñegaza. ¹⁷ Mei daí nana ñuera amena ñue llizide. Daje izói nana fiénide amena fiénidijiaína llizide. ¹⁸ Ñuera aménamo fiénide ráajiaí llizínide. Daje izói fiénide aménamo ñuera ráajiaí llizínide. ¹⁹ Nana ñuera ráajiaína llizíñede amena tíano iraimo jobaica. ²⁰ Bie izói baie ómoimo bitínona íaioi finócaigafuedo uáfodo ónoitiomoi.

Nana comini monamo ite Juziñamui illáimana illíruimo jáiñeitiaoi
(Lc 13.25-27)

²¹ Nana cuena “Ocuíraima” daiñfiredino monamo ite Juziñamui illáimana illánomo jofo jáiñeite. Dani monamo ite cue Moo comeci jítailana finódino jofo jáirena. ²² Aféruillaimo dúcia llezica, diga comini cuena dáititiaoi, “Ocuíraima, Ocuíraima, o mámecido úrifiredicaí. Daje izói o mámecido fiénide jóriaina jino orédicaí. Daje izói o mámecido ciórainina raana uaido comúaticai.” ²³ Mei íadi afémacina dáiticue: “Jaca ómoína onóñedicue. Diga íaifuiaí comúidíomoiza, cúemona oni ii,” dáiticue.

Ménade jofo nillino rafue
(Lc 6.47-49; Mr 1.22)

²⁴ Mei afe bie izói joide. Cuena cacádimie íemo cue ocuícana finódimie jofo nillana baitádimie izoide. Afémie mairídnomo ie jofo nite. ²⁵ Riire noci biide, íemo ille riire renaide, íemo riirede jairifo afécomo jaiñode; mei íadi afeco jainóñede, mei mairide éniemo nígaza. ²⁶ Mei jáífodo cuena cacádimie mei íadi cue ocuícana finóñedimie jofo nillana figo baitáñedimie izoide. Afémie ídiáidnomo ie jofo nite. ²⁷ Afe mei riire noci biide, íemo ille riire renaide, íemo riirede jairifo jaiñode. Iemona afécona jainode. Nana ana baiíllano due fiébiñeno niné táinocaide. Jesús dnori úrite.

²⁸ Jesús úrilla méifomo, nana comini ie llófuemarillari caimare fáigacaidiaoi, ²⁹ mei ríinoredimie izói íaioína llófuezeza. Jaiái ocuica uai llófuefiredino ríinonide llófuia izói afémie llófueñede.

8

Jesús chíinaitimie jíllotate
(Mr 1.40-45; Lc 5.12-16)

¹ Jesús caifónedumona ana billa llezica, diga comini afémiedo jáidiaoi. ² Iemo irárede chíinaitimie Jesumo ánozide. Afémie Jesús anamo dújuillano daide: —Ocuíraima, o jítáíadi bie dúicono cúemona oréredio. Cúemona oreri, —daide.

³ Iemona Jesús ie ónoido afémiena jétano daide:

—Jii, ona jíllotaiacadícue. Benómona ja íainitioza, —daide.

Daií daina llezica ie iráretade chiie jacáibicaide. ⁴ Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daiítate raa afénomo mai o fecari. Afemona nana comini o chiie ja jacáillana ónoitiaoi, —daide.

Romano illaíma ocuífíregamiéna Jesús jíllotate
(Lc 7.1-10)

⁵ Capernaum jófuego Jesús jailla llezica, Romano illaíma Jesumo billano izire jicade:

⁶ —Ocuíraima, cue ócuífírega jítócome iere irárede. Batí jofomo bíide. Afémie tíziri iere jamánomo izi cácade, —daide.

⁷ Jira Jesús íena daide:

—O jofomo jaillano afémiena jíllotaiticue, —daide.

⁸ Jira illaíma Jesús uai ote:

—Ocuíraima, cue jofomo o jáillena, cue iere jamáimiedícue. Jicana o uaido o ocuiri, afémie jílloillega. ⁹ Mei dama cue jáíllaíma uai anamo iticue. Daje izói cue anamo cue úiñoga fuiríraini ite. Dáamiena “Bi” cue daiía, afémie bírede. Jáámiena “Jai” cue daiía afémie jaide. Daje izói cue ocuífíregamiéna “Bie fino” cue daiía, afémie áfena finode, —daide.

¹⁰ Jesús áfena cacáillano, caimare fáigacaillano afémiedo jáidinona daide:

—Uáfuenta ómoína daidicue: Nana Israel náiraímo bie izói ínote come jaca baiñédicue. ¹¹ Omoína daidicue, nágafeniaimona aillo oni jicánemaci bíitiaíoi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaíoi. ¹² Mei íadi fueñe jáiredino, jino jítinomo dotálliaíoi. Afénomo afémaci iere éenaicana murímuritiaíoi, —daide.

¹³ Iemona afe illáimana daide:

—Mai o jofomo jai. O ínuaze íteza, —daide.

Daí daina llezica afe irárede jítócome jíllode.

Jesús Pedro jifaiño jíllotate

(Mr 1.29-31; Lc 4.38-39)

¹⁴ Afe mei Jesús Pedro jofomo jaide. Afénomo Pedro jifaiño abi cuaríllari irare bíinana cíozaide. ¹⁵ Iemo Jesús afengo onoi llínua llezica ie abi cuarilla llícaide. Afemona afengo náidacaillano afémaci jitailla bai atide.

Jesús aillo iráredinuiaí jíllotate

(Mr 1.32-34; Lc 4.40-41)

¹⁶ Aferui jitoma jímaicaidemo diga fiénide joríaí ogano Jesumo atídíaíoi. Iemona daade uaido afe fiénide joríaí jino orede. Daje izói nane nana duícotaidinuiaí afémie jíllotate. ¹⁷ Nana bie izói zúide, jaiái uai lloiraíma Isaías lloga uai fuitállena. Be afe uai: “Cai íraniaí afémie uite. Daje izói cai duícuaí afémie oni orede.” Daí Isaías llote.

Jesudo jáiacadino bie izói írediaíoi

(Lc 9.57-62)

Afe mei jorai fuédamo illa llezica, ¹⁸ diga comini Jesús abido nágafene gairíllana cíollano, afémie “Mai jorai ruicáfenemo cai jai,” daide. ¹⁹ Iemo ocuica uai llófueraima Jesumo billano daide:

—Llófueraima, nana o jáiacana diné odo jáiacadicue, —daide.

²⁰ Jira Jesús ie uai ote:

—Nana jazici rílleniaí uái ífireillino ite. Daje izói caifodo féedinuiaí uái íaíoi ráillino ite. Mei íadi Nanoide fima Jitódicueza, dáanori uái cue illino íñede, —daide.

²¹ Iemo jáiae ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tílle dinó cue ílleza, íemo íena ráiacadicue; afe méifomo odo jáiticue, —daide.

²² Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitimie afémaci ráilleza. O cuedo bi, —daide.

Jesús jairifo naa jorai bagua diga llícaitate

(Mr 4.35-41; Lc 8.22-25)

²³ Ie mei Jesús naa ie llófuegamaci diga áillue nocaedo jáidiaíoi. ²⁴ Afe mei jorai ruicáfenemo jáidiaíoi, daa jamánomo rírede jairifo náidacailla. Afe jairífoimona jorai bagua afecae acónillaina íbáiacade izoide. Mei íadi afe llezica Jesús inide. ²⁵ Iemona ie llófuegamaci ie cazítatiaíoi. Cazítajano íena daidíaíoi:

—¡Ocuíraíma, cai jíllota! ¡Ja buízaidicaíza! —daidíaíoi.

²⁶ Jira afémie uai ote:

—¿Nibái mei iere jacínaitiomoi? ¡Omoi nai figo íñoñediomoi! —daide.

Iemona afémie náidacaillano jairifo naa jorai diga lletade. Daií ie daina llezica jorai bagóñeno uái ite. ²⁷ Iemona afécaemo itímiaí caimare fáigacaidiaíoi. Fáigacaillano daidíaíoi:

—Bie mei, ¿ñie come? ¡Bímie daina uaina jairifo naa jorai diga ñnote! —daidíaíoi.

Gerasa éniemo ite fiénide joríaí úicaiga íaillinoí rafue
(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena iima raiáfuaímona Jesús diné bite. Afe íaillinoí fiénide joríaí úicaiga. Afe íaillinoí jamánomo jacire illáirede. Afedo jóide iodo buna jáinide. ²⁹ Jesús afe íaillinoí lleta llezica caillíoidiaillinoí:

—Jesús, Juziñamui Jitódioza. ¿Ñibái mei cócomo jíricaidio? ¿Nai aferui dúciñedemo benó coco duere fínuaíbitio? —daidíaillinoí.

³⁰ Afe llezica afe áinori tóica meróniaí güitíaíoi. ³¹ Jira afe fiénide joríaí Jesumo izire jicádiaíoi:

—Bie come íaillinoímona jino cai o oréadi, táinomo oréñeno baie meróniaímo cai oreri, —daidíaíoi.

³² Jira Jesús íaioina daide:

—Mai afénomo omoi jai, —daide.

Afe fiénide joríaí afe íaillinoímona jino billano meróniaímo jaide. Afe mei afe meróniaí jorai arimo ite íconido jabida jóraímo cocídiaíoi. Afénomo coróbaizidiaíoi.

³³ Iemona afe meróniaí úiñotino jacínaillano botádiaíoi. Jófuemo dúciillano nana aféfuiaí llotíaíoi. Daje izói fiénide joríaí úicaiga íaillinoímo finócafue llotíaíoi. ³⁴ Iemona nana afe jofue comini Jesús illánomo jáidiaíoi. Afémiena cíoiillano, afe íaíoi éniemona oni jáillena izire jicádiaíoi.

9

Jesús tízitaitímie jllotate
(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide. ² Afénomo tízitaitímie Jesumo atídiaíoi, naa ie bírallu diga. Afémaci ñnuana Jesús cíoiillano, iráredimiena daide:

—Cue izíruigamie, mai caimare ii, mei omo ite fiénidifuaí jae dógaza, —daide.

³ Jira ocuica uai llófuetinomona dáarie comeci anado daidíaíoi: “Bímie baie jáímie fiénidifuaí dóina dainado Juziñamuina icíritade.” ⁴ Jesús afémaci comécido dainana onóillano daide:

—¿Ñibái mei fiéni omoi comeci facádiomoi? ⁵ Mei daií daina ménade uáimona ¿ñie uai iere llotáinina? Afe ménade uai be ñie: O fiénidifue muiñócaza. Iemo jáíe uai bie izói daina: Náidacaillano, maca. (Iraíe uai jamánomo llotáirede, mei omoi eróicana íficaideza.) ⁶ Ie jira Nanoide Iima Jitódicueza, biniemo cue illa llezica, comínimo ite fiénidifue cue muiñolle ríno jino ómoímo cíotaiticue, —daide.

Afemona afe tízitaitímiena Jesús daide:

—Mai náidacai, náidacaillano o bírallu llínota o jofomo jai, —daide.

⁷ Afemona tízitaitímie náidacaillano, ie jofomo jaide. ⁸ Nana comini áfena cíoiillano iere jacínaitiaíoi. Afemona Juziñamuimo ñúefuena nitádiaíoi: “Mei Juziñamui áillue ríno bie cómemo fecádeza,” daidíaíoi.

Jesús Mateo uáidote
(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena ciode. Afémie gobierno ibátaga úcube llínoraíma. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jiáiruido Jesús naa ie llófuegamaciri jofo eromo íaioi güilla llezica, aillo jiáie úcube llínofiredino naa jiáie fiénidino dáanomo güitíaioi. ¹¹ Mei íadi Fariséuai áfena cioillano afémie llófueganomo jicánotiaioi:

—¿Níbái mei omoi llófuetimie úcube llínofiredino diga naa fiénidinori güite? —jicánotiaioi.

¹² Afena Jesús cacáillano, íaioina daide:

—Iociredino iránidino daje izói manóriraimana jítaiñediaioi, mei jiáfodo iráredino manóriraimana jitailla. ¹³ Bie jaiai Juzíñamui Cuegáuai dainana omoi onóizairi. Afe be níuui: “Conímána omoi duéruillena daje izói cuena omoi duéruillena jitáidicue. Mei íadi omoi fatá cuemo fia fecaca rílleniai jítaiñedicue,” daide. Ie jira dani ñúemacina abi mamédinona uáiduaibiñedicue, mei jiáfodo fiénidino íaioi comeci ifue méidollena biticue, —daide Jesús.

Íaioi fimairillena Jesumo jicánotiaioi
(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo dúcillano jicánotiaioi:

—Mei cai bie fariséuai diga ¿níbái fimairitagacai, mei íadi o llófuegamaci fimairiñediaioi? —daidíaioi.

¹⁵ Jira Jesús uai ote:

—¿Airena rafue llezica áfemo uáidogano, meita zúurenari güinidiaioi? Daií iñédeza; ringo otímie íaioi cígimo illa llezica caimare güitíaioi. Mei íadi ringo otímie íaioimona báiruaibillirui dúcite. Aféruído comeci zúurenari güiñeitiaioi. Ringo otímie izói birui cuedo jáicadino cígiri itícueza, —daide.

¹⁶ Jesús nane jiáie onótatifue llote:

—Jaca ninomo dáamie tífoñegaroimona jaitada jácaie inícuirromo nitáñediaioi. Daií nitáadi afe cómoroi jácaroina fiene finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide. ¹⁷ Daje izói comue vino jácara igorai finoína iciru izoide raamo totánide. Dámie daií totáadi afe comue vino afe jácara iciruna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoína iciruna eróidemo jónefirega. Iemona afe naga ñue éenoga. (Afe bie dainado Jesús ie comue llófueinafue, íemo íaioi jaiai llófuegafue dáanomo inonide, dáanomo náfuenide, íaioimo llófuete.)

Jairo jiza íemo jíáingo Jesús iniroi jétaibitíngo Jesús jíllotate
(Mr 5.21-43; Lc 8.40-56)

¹⁸ Jesús bífuiaido úrilla llezica, judío illaíma Jesumo dúcide. Dúcillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jíllolleza, —daide.

¹⁹ Afe jira, Jesús náidacaillano afémie diné jaide naa ie llófuegamaciri.

²⁰ Afémie iodo jailla llezica, jiáie iráredíngo afémiemo bite. Afengo afe irárenamona doce diga fimona dícotaite. Jesús comini cígido rillire jailla

llezica, afengo Jesús jinófene dinena ie iniroi fueda jétaibite. ²¹ Mei afengo comécido daide: “Daa ie iniroi cue jetáadi jilloiticue,” daide. ²² Iemona Jesús meine abido gírecaillano aféngona cíoillano daide:

—Ízíruigango, caimare o iri. O ínuamona ja jíllodioza, —daide.

Daí daina llezica afengo jíllode. Afemona afengo ja íocirede.

²³ Jesús illaíma jofomo dúcia llezica, aillo comini come tíllari cáillcailli éediaíoi. Afe llezica jíáimaci toticai zuure fúudiaíoi. ²⁴ Jesús áfena cíoillano daide:

—Benómona oni omoi jai. Afeza tíñedeza fia inide, —daide.

Afémie dánari comini íemo zadáidiaíoi. ²⁵ Mei íadi Jesús afémacina jino orede. Oriano jofo jaide. Jofo jaillano afe tídingo ónoído llínote. Llínua llezica afengo caífo náidacaide. ²⁶ Iemona Jesús finócafue nana afe éniemo itígobiaído jica jalleide.

Jesús mena uínidímie jíllotate

²⁷ Afénomona Jesús jáidemo, mena uínidímie ie óodana caillícana bite. Daidíaillinoi:

—Davidmona comuidímie Juzíñamui oreca Mesía ímie, mai cócomo dúecai, —daidíaillinoi.

²⁸ Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jíacafuena finóredicueza ¿meita ínotiomicoi? —daide.

Jira afe íaillinoi daide:

—Ocuíraíma, jí ínoticoco, —daidíaillinoi.

²⁹ Iemona Jesús íaillinoi ui jetánota daide:

—Ómicoi ínua díeze, ómicoímo cómuíteza, —daide.

³⁰ Daí ie daina llezica, íaillinoi ui ñue cíoide. Afe mei Jesús íaillinoína riire daide: “Bie ómicoímo cue finócafue bumo lloñeno ómicoi iri,” daide.

³¹ Afena afémie rairuide íadi, afe íaillinoi jino billano, nana afénomo Jesús ui mánuana llócadiáillinoi.

Jesús uáinidímie jíllotate

³² Afe mei Jesús afénomona jáidemo, fiénide jóríai úicaiga uáinidímie, Jesumo atídiaíoi. ³³ Iemona Jesús afe fiénide jóríai jino orede. Afemona uáinidímie ja úrite. Aferi comini caimare fáigacaillano daidíaíoi:

—Bie izóidífueña jaca Israel nairai cígímo cíóñedicai, —daidíaíoi.

³⁴ Mei íadi fariséuai daidíaíoi:

—Jesús dama fiénide jóríai illaíma ríinodo afe úicaigámie fiénide jóríaina jino orede, —daidíaíoi.

Jesús comínimo dúecaide

³⁵ Afe mei Jesús nana aféniemo ite jófuiáimo naa onífedo itícuaído llófuiáide. Afénuiáimo ite Juzíñamui uai llófueriracuaído llófuete. Afémie Juzíñamui illáimana illarui ñuera rafue llocana uite. Iemo nana jíáíforiedemo izi cácade iráredinona jíllotate. ³⁶ Meita nana daí itínona cíoillano, afémacimo Jesús dúecaide, mei úiñoñegano izóidiaíoi. Ie jira oni ráide ovéjaíai izóidiaíoi. Afémaci duere finócaíai, daje izói duere zefuide buna ráiruiñegano izói itíaíoi. ³⁷ Afemona Jesús ie llófuegamacina daide:

—Uáfueza, jacáfáimo ite raa ailla llezica jofo óitino íñena izói, birui Juzíñamui illáimana illánomo jofo órega comini aillo ite. Mei íadi afémaci jofo óitino figo íñede. (Afe jofo óitino jíáimacimo ñúefue llóitino.) ³⁸ Ie jira jacafai Naama izóidímie mo jíáie ñúefue llóitímacina omoi jícarí, afémaci afémie oréllena.

10

*Jesús doce dígamie ie oni oréllino nizede
(Mr 3.13-19; Lc 6.12-16)*

¹ Afe mei Jesús doce dígade ie llófuegamaci uáidote. Uáiduanu fiénide jóriaí comínimona oni orelle ríino íaioimo fecade. Daje izói nana jíáiforiede duico ogano jíllotalle ríino afémacimo fecade.

² Be afe doce dígadimaci oni oréllino mámeciaí: Nánoramie Simón, dáamiena Pedro daína, íemo ie ama Andrés, íemo Zebedeo jító íaillinoí Santiago Juan díga, ³ íemo Felipe, íemo Bartolomé, íemo Tomás, íemo gobierno íbátaga úcube llínoramia Mateo, íemo Alfeo jító Santiago, íemo Lebeo dáamie mámecei Tadeo, ⁴ íemo Iere Járidotimacimo jaináidimie Simón, íemo uire Jesús fécaítimie Judas Iscariote.

*Jesús ie llófuegamaci jíáígobiaimo llófuellena orede
(Mr 6.7-13; Lc 9.1-6)*

⁵ Jesús bie doce dígamiena ie oréacana llezica íaioí táijille izói llote. Daíde: —Judíoñedino éniemo omoí jáiñeno iri. Daje izói Samaria éniemo ite jófuaímo jáiñeno iri. ⁶ Mei jíáífodo Israel náiraimo ovejai féiraila izói féiraitinomo omoí jairi. ⁷ Monamo ite Juzíñamui illáimana illirui áinozillana llocana omoí uiri. ⁸ Iráredinuíai omoí jíllotairi. Tíidinuíai meine abido omoí cáatari. Daje izói íaire chíñaitimíaina ñue omoí finori. Daje izói comínimo ite fiénide jóriaí jino oreri. Bie izói omoí táijille ríinona raiñóñeno ómoímo fecádícue, íemona áfedo jíáímacina raiñóñeno omoí canori.

⁹ Jabe omoí jaille llezica úcubena uíñeno iri. ¹⁰ Omoí cirítico uíñeno iri. Jaca daa o abímo jíidíroi díga jairi. Daje izói ídaí icona uíñeno iri, íemo jíáí macara jigüida uíñeno iri. Mei jíáímacina omoí cánua jira, áfemo táijiraíma jaca raiñóñeno écafiregaza.

¹¹ Omoí jáillinomo ite comíní jófuemo omoí dúcia llezica, ñue ínofiregamie illano omoí jeno. Afénomo naí oni omoí jáiñeille díno uái omoí iri. ¹² Jofo jaillano, afémaci ñue daí uáidori. “Caimare uái omoí iri,” afémacina daíri. ¹³ Afe jofo comíní caimare omoí llínoíadi, omoí afémaci ie ñue mameca uai afémacimo fiébiteza. Mei íadi omoí daína uaina afémaci náfueñenia, afémacimo omoí mameca ñue uai abido ómoímo bíteza. ¹⁴ Mei íadi afémaci ómoína llínoacañenia, daje izói omoí llógamo cacáreacañenia, afe jofómona, daje izói afe jófuemona oni omoí jai. Omoí jailla llezica omoí éíbamo ite íaie afémacimo teténocairi. Afedo íaioí comécimo ite íaífue naí íaioímo íllana ónoítiaioí. ¹⁵ Mei ua ómoína dáítícue, íraícaíño ríire jícanollíruimo dúcina llezica, bie ómoína ruifíruite comíní, Sodoma Gomorra díga jofue comíní duere zefuilla baímo, íere duere finólliaioí.

Cristo ícoínia duere caí zefuillí fue

¹⁶ Omoí cacai. Ovejai illáírede jazici jíco cígímo ória izói ómoína orédícue. Jaió abí rairuilla onona izói abí omoí onoiri. Mei íadi afe llezica fíiciri illáíenina izói omoí iri. ¹⁷ Ñue abí omoí rairuiri, mei comíní jabóidíllainímo ómoína fécaítiaioíza. Juzíñamui uai lloraco eromo omoí fáítiaioíza. ¹⁸ Iemo ríillainímo, daje izói jamánomo ocuídíllainímo cue ícoínia ómoína uitíiaioíza. Iemo afe omoí íaioí úilledo afe illáínímo cuedo úritíomoi. Daje izói afe judíoñedíno cuedo úritíomoi. ¹⁹ Mei íadi illáícomínímo omoí íaioí uille llezica, “¿Ñíe izói úritícaí?” dáínamo comeci faíñeno iri; daje izói “¿Ñíe uailaí llóítícaí?” daíñeno iri. Mei omoí úrille llezica, Juzíñamui ómoína úritaíteza.

20 Afe llezica dani omoi comeci izói úriñeitiomoi. Moo Juzíñamui Ñuera Joreño ómoído úrilleza.

21 Afe llezica comini dani íaioi nahí ámana Crístomo ínotimiena illa jira, jíaimacimo íena fállena fécaitiaioi. Daje izói móotiai dani íaioi Crístomo ínote jítótiai fállena fécaitiaioi. Iemo jíai jítótiai dani íaioi móotiaido éoicana eróitiaioi, íemo íaioina titátaitiaioi. 22 Nana comini cue ícoinia ómoído éoicana eróitiaioi. Mei íadi fuillínomo fáicanocaiñeno ñue ínoicaitimie dama jíllote. 23 Daa jofue comini omoi duere finóadi, jíaié jófuego omoi jairi. Mei ua ómoína dáitícue, nana Israel jófuaído nai omoi jáiñenia uícodo raire dúciitícueza; mei Nanoide íima Jitó Crístodícue.

24 Llófuegamacimona llófuetimie baimo jamánomoidimie íñede. Daje izói ocuífíregamie ie ocuídímie baimo ocuínide. 25 Llófuegamie ie llófuetimie illa izói írede. Daje izói ocuífíregamie ie ocuídímie illa izói írede. Jofo naama izóidícueza, Beelzebú daina Taife mámece cuemo íaioi jítaadi, jofo ero úruiaí mámeceína dájena jítaitiaioi. Iemo afe úruiaína cue baimo fieni úritiaioiza.

*¿Níimiena jacíruiédicai?
(Lc 12.2-7)*

26 Ie jira comínina jacíruiñeno iri. Mei nana báinino daina uailai jino uáfodo cíozite. Daje izói nana báinino ífúiaína jino uáfodo onuille. 27 Birui jíitífono úrilla izói báinino ómoimo cue llógana, uire uáfodo monari comínimo omoi lloiri. Daje izói ómoína báinino cue daina uai, comini dáanomo uáidota ficire lloiri. 28 Omoi íeizi titáitínona jacíruiñeno iri; mei omoi joréñona titánidiaioiza. Mei jíáifo boode iraimo cai íeizi naa cai joreño duere finótaitimiena omoi jacíruiiri.

29 Onódiomoiiza mena duera ófocuizai duera úcubedo íbárega. Mei daíí íaioi ráifíñede íadi, afémacimona omoi Moo Juzíñamui daííñenia dácuíño tíide izói ana báíñeite. 30 Mei uafue, omoi ífócimo ífótiraíai illa dígatiraí facádoga. 31 Mei daítadeza jacíruiñeno omoi iri. Omoi, aillo ófocuíñuai baimo ráifídiomoi.

*Comini eróicana Jesuna jíeruitino
(Lc 12.8-9)*

32 Comini eróicana nana cuena jíeruitínona monamo ite cue Moo eróicana jíeruitícue. 33 Mei íadi comini eróicana cuena jáanotínona, afe izói monamo ite cue Moo uíecori afémacina jáanoitícue.

*Comini conímana ruifíruitatallena bitícue
(Lc 12.51-53; 14.26-27)*

34 Comini dájena uái illífue bíniemo lluíbitícueza daííñeno iri. Mei jíáfodo dájena uái illífue lluíbíñeno, fuirilla izoide lluíbitícue. 35 Cuemo ínuamona dáamie ie moo dínená íena ruifíruicaite. Afe daíí cue bíllamona dájena uái íñeitiaillinoi. Daje izói ei cuemo ínua jira afengo jiza dínená ruifíruibicaite. Afe daíí cue bíllamona dájena uái íñeitiaínguái, íemo jíai cuemo ínuamona mio ie jífaíño dínená ruifíruibicaite. Afe daíí cue bíllamona dájena uái íñeitiaínguái. 36 Iemona illa dígamie dama ie jofo ero comini dínená éoigamiena mámeitiaioi.

37 Nínó daa come ie moo, ie eina cue baimo izíruia, afémie cuemo dúinide. Daje izói nínó daa come ie jítóna, níbai ie jízana cue baimo ie izíruia, afémie cuemo dúinide. 38 Iemo jíai, comini dama afémie titácanamo náfuiano cuedo jáiacañedímie afémie cuemo dúinide. 39 Ie jira ie cáanano rairuíacadímie áfena táinomo fáífitáite. Mei jíáfodo cue ícoinia ie cáanano táinomo fáífitímie afe fáífidena baimo ziiño illínona máíñoite.

Jirídua izóidifuiái
(Mr 9.41)

⁴⁰ Iemo Jesús nai úrillano daide: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena orédimiena caimare uáidote. ⁴¹ Juzíñamui uai jino llóraima Juzíñamui dibénedo bíllado afémiena caimare uáidotimie, dájeze afémie jirídua izói jirídoite. Daje izói ñüemiena caimare uáidotimie afe jiáimie ñue íllado, afémie jirídua izói jirídoite. ⁴² Daje izói ninó daa come cue llófuegamacimona jabóidimie daa due jiza mánaide jáinoina jirótaadi, afémie cuedo jailla jira, afe jirótatimie uáfueña íeiena mameca raana jirídoite, —dinori Jesús ie oréllimacimo llófuete.

11

Juan Bautista orécano
(Lc 7.18-35)

¹ Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

² Aféruido Juan Bautista llavéracomo illa llezica afémie Jesús finócafuiaina fídide. Ie jira iedo jáidinomona dáarie Jesumo jicánuaítate. ³ Jesumo dúcillano jicánotiaioi:

—¿Meita o biite Cristo dainámiedio? ¿Nibai nai jiáie bítimie úiñoredicai? — daidíaiói.

⁴ Jira Jesús afémacina daide:

—Omoi ciona, omoi cacana izói Juaamo omoi lluájiri. ⁵ Bífuiái afémieemo lluájiri: Uínidino ñue ciódiaioi, macáñedino macádiaioi, íaire chíñaitino íaioi chíemona ñue jacáitagaiaioi. Iemo jefona cacáñedino ñue cacádiaioi, íemo dáarie tíidino meine abido cáadinona jáidiaioi. Daje izói dúredino jíllona uaina llogáiaioi. ⁶ Cuemo íñoñeilli uaina baiñédimie ióbite.

⁷ Juan orécano meine abido jailla méifomo, Jesús Juaado comínimo úrite; daide:

—Mei táizicimo ¿minícana cióizaidiomoí? Nibai dáamie ie daína uaina méidofiredimiena cióizaifirediomoí. ⁸ Afe izóidimiena omoi cióizaiñenia, ¿mei nie izóidena cióizaidiomoí? ¿Meita nibai ñue cíoide ráifide iniroi jitáoidimie cióizaidiomoí? Onódiomoíza ráifide ñúecuiroi jitáoifiredino jaca illaini jofomo ífirediaioi. ⁹ Mei írainomo ¿minícana cióizaidiomoí? ¿Nibai Juzíñamui uai jino llórainmana cióizaidiomoí? Jii. Uáfueza. Juzíñamui uai llóraima baímo jamánomoidimiena cióizaidiomoí. ¹⁰ Juan baie Cuegáuai dainámie. Jaiái uícodo nai cue biñena llezica, aféuaimo Juzíñamui, afémie dibénedo cuena daide:

O bille io ñue finóllena izói, comini íaioi comécido ñue omo jieruillena, cue lluájitimie o uícodo orédicue.

¹¹ Uáfena ómoína dáitícue, nana comínimona ite Juzíñamui uai llórainimona Juan Bautista baímo jamánomoidimiena íñede. Mei jiáifodo Juzíñamui illáimana illánomona jabóidimie Juan baímo jamánomoide.

¹² Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juzíñamui illáimana illánomo iere izire jofo jáiacadiaioi. Afe ríifuedo afénomo jofo jáiacadino bie izói comécidiaioi: “Afe illánona anáfenuano jofo jáitícaí,” daí comeci facádiaioi. ¹³ Nana Juan uícodo ite Juzíñamui uai llóraini naa Moisés lloga ocuica uai diga Juzíñamui illáimana illáruido úritiaioi. Íaioi úrilla méifodo Juan bite. ¹⁴ Iemo jiáifue ómoímo llóitícue. Omoi ínoiacaniadi, bífueña íñorediomoí. Naui lloga bíite Elías be nímie Juan; mei Juan Elías dainámiena bíteza. ¹⁵ Mai cacárecadino, omoi cacai.

16 Iemo Jesús nai úrillano daide: Biruúllaido itínona, ¿níie izói íaioina mámeiticue? 17 Jofue cigi ibírimo jifánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado fíraacadiaioi, mei íadi daje izói áfemo cacáreiacañediaioi. 18 Afe bie izói ómoimo ite. Mei Juan Bautista billa llezica afémie fímarillano figo güiñede, daje izói ríiji jiróñede. Ie jira “Fiénide jóriaí úcaigamedio” íena daidíomoi. 19 Afe mei cue, afe Nanoide Hima Jitó dainámiedicue biticue. Billano, jiáimaci izói güiticue, íemo jiródicue. Afemona nane bie izói cuena daidíomoi: “Bímie iere güilláredimie, jéerie jírofredimie. Fiénidino nabáidimie. Daje izói gobierno íbátaga úcube llínoraini nabáifiredimie.” Daíi cuedo úritiomoi. Comini Juziñamui orécanona bie izói fiéni daidíaoi íadi, Juziñamui baitácafue dama íe finócafuiaido jino cíozite, —dinori Jesús daide.

*Jófuiaimona dáarie Jesús uaina cacáreacañediaioi
(Lc 10.13-15)*

20 Iemona Jesús jiáie jófuiaí comini íaioi íinoñena jira fueñe lletade. Mei afémie uaido daina comuide cíorainina ráamona nabene afémaci cigimo finódeza. Mei íadi afeno comini íaioi comeci ífuenta nai méidoñediaioi. Afémie daide:

21 —¡Corazín jofue comini níi dúerena! ¡Daje izói Betsaida jofue comini níi duere zefuilla! Mei íaioi cigiri cue finoca cíorainina raa, áfena Tiro comini daje izói Sidón comini cigimo nauí finódicuenia, níbai raire jaiaí úcodo íaioi comeci ífuenta méidotiaioi. Uafue íaioi comeci ífuenta méidua mona, ja diga fimona jaide. Afe llezica zúunaia jítáfirega jítiroi jítáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. 22 Mei jiáífodo ómoína dáitícue, íraicaiño ríire jicánolliruimo Tiro Sidón diga duere finóbina baimo Corazín íemo Betsaida comini duere finólliaioi, —daíi daide.

23 Iemo Capernaum jofue comini Jesús lletade. Afémaci dibénedo daide:

—¿Meita íaioi ínoga jofue monamo úirede? ¿Daíi comeci facádiaioi, ero ua? Mei jiáífodo íaioína daidícue, tíidino illánomo ana dotaca izói níne táinocaitalliaioi. Mei íaioi cigimo cue finoca cíorainina raa nauí Sodoma jófuego finódicuenia, afe jofue nai biruimo nia ite. 24 Mei íadi jiáífodo Capernaum comínina dáitícue, íraicaiño ríire jicánolliruimo Sodoma comini baimo jicánolliaioi, —aquíe izói Jesús íaioína lletade.

*Cuomo billano omoi ocózinairi
(Lc 10.21-22)*

25 Aféruillaido Jesús daide:

—Mona Ocuíraima Moo Juziñamui, omo ñúefue jóoneiticue, mei Juziñamui dibénedo onóigafuiaí úrue izoide, comécina níffuenide jamai comínimo jino cíotatioza; mei íadi bíníe ráfuenta baitádinomona aféfuiaí o retáidoga. 26 Jii, Moo, mei o daíi jítáidíozá.

27 Jesús nai úrioide: Cue Moo, nana uafue onóigafuiaí ja cuemo llotio. Moo Juziñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódicueza, dama ona ñue onódicue. Iemo jiáí daje izói o Jitó onótaacagano ñue ona ónoitiaioi.

28 Iemo comínina daide: Omoi ñúefuiaí finóacanamona zefuínaitino cue diné omoi bi; íemo jiáí fiénidífue ábiana méeruitino daje izói cue diné omoi bi. Omoína ocózinaitaiticueza. 29 Mai cue diga táijifirena izói ñúefuiaína

finóllena omoi onoiri; mei omoi diga táijifiredicueza. Afe dájena táijinana cúemona omoi onoiri. Mei comécina járidoñedicueza. Daje izói comécina mánaidicueza. Afemona omoi comeci uái ocózinailinona báitio moiza. ³⁰Omoi diga cue táijinana féinide. Daje izói ómoimo cue ocuillafue jaca ómoina zéfuitañeite, —dinori úrite Jesús.

12

Jesús llófuegamaci ocózinailaruimo trigo ímoiaí dícioano otá güitíaióí
(Mr 2.23-28; Lc 6.1-5)

¹ Aféruido Jesús naa ie llófuegamaciri ocózinailaruimo trigo ritino jacafai cígido macade. Afe llezica ie llófuegamaci iere jufínaillano, trigo ímoiaí otá güitíaióí.

² Afena fariséuai cíoillano Jesuna daidíaióí:

—Ero, o llófuegamaci ocózinailaruimo rairuírede táijinamo táijidiaíóí.

³ Mei íadi Jesús íaióina daide:

—¿Omoi ico jaiái illaíma David finócafue cúegana facádoñediomoí? Afémié naa ie nabáíñiaíri iere jufínaitiaíóí. ⁴ Afe llezica Juzíñamui gairíracomo jofo jaillano rairuica panes otá güitíaióí. Mei íadi afe páaniaí afémiemona rairuírede, daje izói ie nabáíñiaímona rairuírede. Afe pan dama lletáriraini güirede. ⁵ ¿Mei nane jíáie Moisés ocuica uai cúegana facádoñediomoí? Afénomo daina: Juzíñamui gairíracomo táijide lletáriraini, ocózinailaruimo ocózinaiñediaíóí, mei daí íaióí illa fiénidífueñede. ⁶ Mei ómoína dáitícue, birui benomo afe gairíracó baimo jamánomoidimie ite. ⁷ Bie jíáie Juzíñamui Cuegáuai llógana nai onóñediomoí. Afe be níuui: “Fatá fia fecaca rille baimo cuena izíruillena jitáidícue.” Búuaina omoi onóadi níífueña finóñedinona “Duere cai finótalli” dáíñeitiomoiza. ⁸ Mei uáfueza, ocózinailaruí Nanoide fima Jitó Cristo dainámie ocuilla uai anamo ite.

Onoína llirídímie rafue
(Mr 3.1-6; Lc 6.6-11)

⁹ Afe mei Jesús afénomona jaide. Jaillano Juzíñamui uai llorácomo jofo jaide.

¹⁰ Afeco eromo ónoína llirídímie ite. Afe comini Jesumo fiénidífue jitállena jenódiaíóí. Iemona afémiena jicánodoídiaíóí:

—¿Meita iráredímie ocózinailaruimo jíllotarede? —daidíaióí.

¹¹ Jira Jesús afémaci uai ote:

—Omoimona daa cómemo oveja íadi, afe oveja ocózinailaruimo ifomo baíadi ¿meita caífo óñega? ¹² Mei uafue, daa come oveja baimo jamánomo ráífide. Afemona ñúefue fínuana ocózinailaruimo rairuíñega.

¹³ Iemona Jesús afe iráredímiena daide:

—O onoi jino zúita, —daide.

Jira ie onoi zúitamona, enéfene izói ñuera. ¹⁴ Iemona fariséuai jino jaillano, Jesús fállena mamérizaidiaíóí.

Jaiái uai llóraíma Jesudo daina uai como zuilla

¹⁵ Aféfuena Jesús fidíllano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate. ¹⁶ Afe llezica afémie íaióina llotátañede: “Cue bie izói íllana bumó lloñeno iri,” íaióina daide. ¹⁷ Bie izói zuide jaiái uai llóraíma Isaías lloga uai ñue ícoímo fuitállena. Afe uai be ñie:

¹⁸ Bímie nizada cue oga ocuífíregamie.

Afémiena iere izíruitícue, íemo afémieri iere íóbidícue.

Cue Ñuera Joréñona afémie úicaitaitícue.

Afémie cue mameca jaícina jóidífuiaina náiraímo jino llóite.

19 Afémie ríifuedo llóñeite.
Daje izói cáillicailli úriñeite.

Iemo jiái jofue cigi macáraodo ie uaina cácaiñeille.

20 Comécina náinidinona ruifíruñede. Afémie íaioi comécina náiretaite.
Daje izói dúiacade uillide mechera meine abido omoi boota izói, afe izói
jabo ínote comini afémie fáicanocaiñeite. Fáicanocaiñeno ñue íaioina
ínotaite.

Afe ícoimo nana duéredinona fáicanocaiñeitemo afémie jaícina illáimana
illíruimo dúciite.

21 Iemona nana náiraiaí afémiemo ocúritiaioi.

*Taife ríino Jesumo illa afémiemo jitádiaioi
(Mr 3.19-30; Lc 11.14-23; 12.10)*

22 Afe mei uínidimie Jesús diné atídiaioi. Afémie fiénide joríaí uícaiga
úrinidimie. Afémiena Jesús jíllotate. Iemona afémie ja ciode, daje izói ñue úrite.

23 Ie jira nana comini áferi caimare fáigacaillano daidíaioi:

—¿Meita afe be níimie jaiái illaíma Davidmona comuítagamie? —daidíaioi.

24 Fariséuai áfena cacáillano daidíaioi:

—Bímie fiénide joríaí illaíma Belzebú daínámie ríinodo afémacina jino
oréfirede, —daidíaioi.

25 Jesús daí íaioi comécido daínana onóillano íaioina daide:

—Ninó daje náiraína ite comini conima diga fuiriadi, afe nairaí ráidoizillano
niné táinocaite. Daje izói daje jofue comini eneno ráidoiziadi, afe jofue
are íñeite. Iemo jiái daaco ero comini eneno ráidoiziadi, afémaci are íñeite.

26 Iemo daje izói, mei Satanás dama íemo jaináidino jino oréadi, dani Satanás
mairídino oni éenorie jáitiaioi. Mei íemona afémie ocuille ríino íñeite. 27 Omoi
cuena: “Belzebumo ite ríinodo fiénide joríaí jino oréadio,” daidíomoi. Afe omoi
daina uáfuedenia, jíáfue ómoimo jícanoíticue. ¿Mei bu ómoido jáidino fiénide
joríaí jino orelle ríino iga? Ie jira dani afémaci ñue onóñeno taino omoi llua jino
cíotatiaioi. 28 Mei jíáfodo Juzíñamui Ñuera Joréñodo afe fiénide joríaína jino
orédicue. Iemo bifue bie izói daíacana: Juzíñamui illáimana illarui ja ómoimo
dúcide.

29 Mei uáfueza, ríiredimiena fueñe o máíñenia, ¿ñie izói dáamie ie jofomo
jaillano ie jofo ero ráaíena bairóredio? Bairónidio. Nano fueñe afémie
máirede. Ie mei ie ráaíena bairórede. (Afe daí Cristo Taífena jaca anáfenorede.)

30 Cue dibénemo íacañedimie cuena uáitate. Cue diga dájena táijiñedimie, cue
raana oni jutádimie izoide, mei afémie jíáimaci cuena ínotañedeza.

31 Ie jira ómoína dáíticue, naga come ie finoca fiénidífue, Juzíñamuimo
jicáadi dórede; daje izói nana ie úrilla fiénidífue dórede. Mei íadi ninó dáamie
Juzíñamui Ñuera Joréñona íaire dáiiadi, afe uai jaca dónide. 32 Iemo jíái ninó
dáamie Nanoide íima Jitó Crístona íaire dáiiadi, afe afémiemo ie lloia dórede.
Mei íadi Juzíñamui Ñuera Joreño jánana fiéni úritimie afe ie úrilla íaífue birui
dónide. Daje izói uire jaca ninomo dónide.

*Naga amena ie llizíllajido onórena izói, daje izói naga come ie úrillafuíaído
ónorede
(Lc 6.43-45)*

33 Ñuera aménamona ñuera ráajina llizide. Daje izói fiénide amena jaca fiéni
llizide. Mei uáfueza naga amena ie llizíllado ónorede. 34 Jaio izóidinodíomoi.
Ja fiénidinodíomoiiza ¿ñie izói ñue úriredíomoi? Mei uáfueza, cai fue cai
comécimo jebuide raado úrite. 35 Ñuera come ñúfuedo úrite, mei ie comécimo

ñúefue illaza. Daje izói fiénidimie fiéni úrite, mei ie comécimo fiénidifue illaza. ³⁶ Iemo nane ómoína dáitícue, íraicaiño Juzíñamui caimo riire jicánolliruimo, nana ráiruínega fiéni cai úrilla uai, daje izói abi cai rairuínena úrilla uai diga, jáanoñeno “jii” daíredicai. ³⁷ Mei uafue, o úrilla dieze Juzíñamui omo izire jicánoiteza. Jiáimiena “O níifuenidimiedio” dáite; ie mei jiáimiena “Dama o ícoinia daí itio,” dáite.

Fiénide comini ciórainina raa finóllena Jesumo jicádiaioi
(Mr 8.12; Lc 11.29-32)

³⁸ Afe mei fariséuaimona dáamierie Jesuna daidíai, daje izói Ocuica Uai llófuefiredino diga:

—Llófueraíma, ciórainina raa o fínuana cióacadicai, —daidíai.

³⁹ Jira Jesús afémaci uai ote:

—Bigíma fiénidino botade jiruiredingo izoide ja Juzíñamuina zóofetiaioi. Iemo ciórainina raa cuemo jicádiaioi. Mei íadi nauí Juzíñamui uai llóraíma Jonás onótagafue baimo jiáifuena llóñeilliaioi. ⁴⁰ Mei Jonás daaruiámani íemo daámani naio afe áillue chamu eromo illa izói, afe izói Nanoide íma Jitó Cristo énie anamo daaruiámani íite, daje izói daámani naio. ⁴¹ Jaiaí Nínive jófuemo ite comini bigíma comínimo riire jicánolliruimo bimácimo fiénidifue jítaitiaioi. Mei Nínivemo ite comini Jonás Juzíñamui uai íaioimo llua llezica íaioi comeci ífuea méidotiaioiza. Mei íadi birui benomo Jonás baimo jamánomoidimie ite. ⁴² Daje izói sur dibénemo jica ite nairaí illaingo, bigíma comínimo riire jicánolliruimo, bimácimo fiénidifue jítaitaite, mei afengo jica énie fuédamona Salomón comeci onóigafuemo cacáreizaíbiteza. Mei íadi birui benomo Salomón baimo jamánomo baitádimie illa.

Jino oreca fiénide joríaí meine dáamíemo bite
(Lc 11.24-26)

⁴³ Jesús nai llíicaiñeno úrite: Fiénide joríaí cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade: ⁴⁴ “Meine abido cue billa cómemo jáitícue,” daide. Afe joríaí meine afe cómemo bítemo, jofo taico izoide baizáíbite. Daje izói rafode ñue finócaco izói baizáíbite. ⁴⁵ Iemona afémie siete diga jamánomo afémie baimo fiénide joríaí uájide. Afémaci nana afe cómemo jofo jáidiaioi. Afemona afe come nauí ie fiénina baimo birui jamánomo fiénide. Afémiemo illa izói, afe izói ómoimo íficaite, mei bigíma fiénidigimaza.

Jesús ei naa ie ámatiaíri
(Mr 3.31-35; Lc 8.19-21)

⁴⁶ Jesús nai comínimo úritemo, ie ei naa ie ámatiaíri dúcide. Afémaci jofo jinófecomo itíaioi. Afémie diga úriacadiaioi. ⁴⁷ Afe llezica dáamie Jesuna daide:

—O ei, o ámatiaíri jino benomo itíaioi. Afémaci o diga úriacadiaioi, —daide.

⁴⁸ Mei íadi Jesús afe lluáíbitimiena daide:

—¿Mei bu cue eina? Daje izói ¿mei bu cue ámatiaína? —daide.

⁴⁹ Daí dáinamona afémie llófuegamacina fuedo uidánote. Uidánuano daide:
—Bimaci cue eina, daje izói bimaci cue ámatiaína. ⁵⁰ Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daí Jesús afémacina daide.

13

Afémaci onótaita ríjifiredimie rafue
(Mr 4.1-9; Lc 8.4-8)

¹ Afe monado Jesús jofómona jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráizzaide. Afe llezica nana comini fuédamo fiébidiaioi. ³ Mei áfemona diga ráfuiaina afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífiredimie rizájilla. ⁴ Ricana ie uilla llezica, afe júdaica íjiaimona dáarie iomo baiide. Baiilla mei ófocuiñuai güizáibitiaioi. ⁵ Ie mei jiáijiai énie figo iñena noficiaimo baiide. Aféjiai raire zicode, mei afe énie líiaideza. ⁶ Iemo jáinaonideza jitoma egáinuamona, zafénaillano tíidiaioi. ⁷ Ie mei nane jiáijiai éegiai cígiri cocídino. Afe éegiai mónaillamona aféjiai íracotaillano tíidiaioi. ⁸ Mei íadi jiáijiai ñuera éniemo baiide. Aféjiai ñue ailla. Dáaride cien diga llizíllajiai comúitate. Jiáiri sesenta diga llizíllajiai comúitate. Iemo jiáirimo treinta dígaji comuide. ⁹ Bíemo cacáiacadino mai cacai.

*Ñibái mei bie comini onoiga izóidedo úrilla, Jesús jino llote
(Mr 4.10-12; Lc 8.9-10)*

¹⁰ Iemona ie llófuegamaci billano Jesumo jicánotiaioi:

—¿Ñibái mei cominimo íaioi onoiga izóidedo úritio? —daidiaioi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoina onótate. Mei íadi baie comini áfeniaina ónotanidiaioi. ¹² Mei ua, Juzíñamuina iere onóacadimie mo ie báitaja baimo jiáiena írede. Iemona afémie mo aillo íite. Mei íadi Juzíñamui dibénedo onóacañedimie mona íemo ite due jiza onónana bairórede. ¹³ Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cíoiñedino izói itíaioiza. Daje izói cacádiaioi, mei íadi nai cacáñedino izói itíaioi. ¹⁴ Mei áfemona Juzíñamui uai llóraima Isaías afémacina jicana daína uai ñue ícoimo fuilla. Be níuui: Omoi uáfodo cácaitiomoi mei íadi afe dánana ónoñeitomoi.

¹⁵ Mei bimaci comeci riiredinona abido jaide.

Daje izói afémaci figo cacáacañediaioi.

Afémaci ui ibaica izói ite. Daí itíaioi íaioi uído cíoiñeillena, íemo jiái íaioi jefodo cácañeillena; daje izói íaioi comécido ñúefuiái ónoñeillena.

Iemona íaioi cue jíllotallena abido cuemo bínidiaioi, daí Isaías daide.

¹⁶ Mei íadi dani omoi uído omoi cíonamona, daje izói dani omoi jefodo omoi cacánamona íobidinodiomoi. ¹⁷ Uáfueña ómoina dáititcue, diga Juzíñamui uai llóraini bie omoi cíonana cióacadiaioi, naa aillo jiáie ñue cominiri. Mei íadi áfena cíoiñediaioi. Daje izói bie omoi cacánana cacáacadiaioi, mei íadi cacáñediaioi.

*Jesús ríjifredimie rigájiai rafue ñue jino llote
(Mr 4.13-20; Lc 8.11-15)*

¹⁸ Jira bíemo omoi cacáreiri. Rífiredimie rafue bie izói jino daide. ¹⁹ Monamo ite Juzíñamui illáimana illarui uaina dámie cacáadi, mei íadi afémie áfena íinoñeniadi, afémie comeci afe bie io izoide. Ji, afe rigájiai iomo baiídino izoide. Afe izói comécido jabo ie onoiga ñuera uaina Taife báiruabite. ²⁰ Afe rigájiai ní afe noficiai emódomo cocídino jana, ñúefuiaina raire cacáillano caimare otino coméciai. ²¹ Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñediaioi. Mei íadi ñuera uai ícoinia jacire facátafuiái, íemo duere finóllena rácafuiái afémacimo comúadi, ñúefuena fáicanocaitiaioi. ²² Afe éegiai illano jana Juzíñamui ñúefuena cacádiaioi ia, bínie ráaniaimo comécina fáifiredino. Iere ráaniaacana afémacina jífuete. Nana aféfuiái Juzíñamui ñúefuena íracotailla izói ínotañede. Iemona

afe uai afémiemo ñue áide izói iñede. ²³ Mei íadi afe rigájiái nñi afe ñuera éniemo baídino jana bie izói ite. Bimaci Juzíñamui ñúefuena cacáillano afe uaina jeire otíaiói, mei áfena ñue onódiaíoi. Uamona iere aite rigájiái izói afémaci aillo ñúefuiai finófrediaíoi. Afémacimona dáarie jamánomo aillo ñúefue finódiaíoi, Iemo jiáimaci aillo ñúefue finódiaíoi. Iemo nane jiáie fia jabo aillo ñúefue finódiaíoi.

Riga trigo cígimo fiénide raróciai zñcua rafue

²⁴ Iemo nane Jesús bie íaiói onoiga izóidifue llote:

—Monamo ite Juzíñamui illáimana illarui bie izoide. Dáamie ñuera íjiaí ie jacáfaimo rite. (Aféruillaído comíni diga ráaniaí daane riñeno énenorie ritíaiói.) Bímie ie jacáfaimo jiáiena jaicuíñeno daa trigo rite. ²⁵ Mei íadi naama ínia mei ie diga icíritimie trigo cígimo fiénide raróciai rizáibite. Rillano oni jaide. ²⁶ Afe trigo móonailamona ímoiaí comuilla llezica riga fiénide raróciai cíozite. ²⁷ Afemona táijitafiregano jacafai náamamo llujáide: “Ocuíraima, o ritátaga cai ríganíai nibai ñuera. Mei afe cígimo fiénide ráitiaí ¿ninómona comuide?” ²⁸ Jira afefai naama daide: “Nibai ninó cue diga icíritimie bie rizáibiga.” Mei jira afe táijitafiregamaci íena daide: “¿Afe fiénide ráitiaí cai áiruailleza meita airótatio?” ²⁹ Mei afémie íaióina daide: “Dama íteza, aiñóñeno iri, mei afe fiénide ráitiaí aiñódiomoinia naa trigo diga aiñódiomoiza. ³⁰ Dama trigo diga daane móonaiteza, aíñoñegania ñuera. Afe mei jofo ollíruimo, cue táijitafiregano óreiticue fueñe afe fiénide ráitiaí óllena. Afe uano afe ráitiaí jobaille eneno icútuaina maitátaiticue. Afe mei cue trígona éenoracomo énotaiticue.”

Mostaza daína riga raa íjiaí rafue

(Mr 4.30-32; Lc 13.18-19)

³¹ Iemo nane Jesús bie jiáie onótaitifue llote:

—Monamo ite Juzíñamui illáimana illarui mostaza daína riga raa íjiaí izoide. Dáamie afe íjiaí ie jacáfaimo rite. ³² Uáfueza, afe íjiaí nana jiáie rífiregajiaí jofomo jéenide. Mei íadi móonaila llezica nana juzítotíai caifomo are zairide. Afe llezica caifo amena dinori aillo zairide. Afemona áfena ícairuaimo feede ófocuíñuai jillaina nizáibitiaíoi, —daide. (Afe izói Juzíñamuimo ínotino dúemaci íadi, jamánomo aíllomacina jébuioicaitiaíoi.)

Levadura daína pan fáitara rafue

(Lc 13.20-21)

³³ Iemo nane Jesús bie jiáie onoiga izóidifue llote:

—Monamo ite Juzíñamui illáimana illarui pan aillo fáitara levadura izoide. Daa ringo daámani julleco harínana oruítajano, afemo due jiza levadúrana tamede. Iemona nana afe iféllana mullétano oni aillo fáitara, —daide. (Afe izói diga jiáimaci Jesumo ínuamona, Juzíñamuimo jaináidino aillo jébuítiaíoi.)

Jiaí daínauai fuitállena Jesús íaiói onoiga izóidifuiáido comínimo úrite

(Mr 4.33-34)

³⁴ Nana bífuiái Jesús íaiói onoiga izóidifuiáido comínimo llote. Onótaitifue afémie llóñenia comínina nñie izói daíñede. ³⁵ Jiaíai Juzíñamui uai llóraima daína uai ñue ícoimo fuitállena, afémie daí llófue. Afe be núuai: Onótatífuiáido jino úriticue.

Juzíñamui énie fínua llezícamona figo óñoñegafuiai jino llóitacue.

Trigo cígimo comuide fiénide ráitiaí ifue Jesús jino llote

³⁶ Afe mei Jesús nana comini jino fiano jofo eromo jaide. Afécomo Jesús llófuegamaci aféniemo jicánuaibitiaioi:

—Jacáfaimo comuide fiénide ráitiai rafue caimo jino ñue llóiri, —daidíaiioi.

³⁷ Jira Jesús íaioina daide:

—Afe ñuera íjiaí ritímie jana Nanoide fima Jitó Cristo. ³⁸ Afe jacafai jana bie énie. Afe ñuera rigájiaí jana Juzíñamui illáimana illáruimo jaináidino. Afe fiénide ráitiai jana Taifemo jaináidino. ³⁹ Afe fiénide ráitiai rizáibitimie dama Taife. Afe llizíllajiaí jofo otá éenua jana énie fuillírui. Iemo afe llizíllajiaí jofo otino jana Juzíñamui abi imaci. ⁴⁰ Ie mei afe fiénide ráitiai jobáillena oni eneno jóonia izói, afe izói énie fuillírui fiénidinomo zúite. ⁴¹ Aféruimo Nanoide fima Jitó Cristo ie abi imaci óreite, jíaimana fiénidifue finótatino eneno óllena, naa fiénidifue finódinori. ⁴² Afémacina iraimo dótaite. Afénomo iere éenaitiaioi; iere izi cácaillamona murímuritiaioi. ⁴³ Ie mei Juzíñamui jitailla izói finódino íaioi Moo illáimana illírui jitema uiéco meáire egáíña izói íaioi maiñoca Juzíñamui ebíredifuenta jino cíotaitiaioi. Omoi cacáacania, cacai.

Retáidoga ráifide raa jino onótaitifue

⁴⁴ Monamo ite Juzíñamui illáimaitagamacina íacadino bie izói fínoitiaioi. Enie anamo ónonino retáidoga ráifide raa jénua izói fínoitiaioi. Nñie monado daa come afe retáidoga ráifide raa baite. Bailla mei, abido dáanomo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daína iere ráifide zírjij jino onótaitifue

⁴⁵ Nane daje izói monamo ite Juzíñamui illáimaitagamacina íacadino perla jenoda fécafiredimie izói fínoitiaioi. Afémie jicado jenode. ⁴⁶ Iere ráifide perla daa ie baía, nana íemo ite ráaniaí fécajano, ie ciona ráifidijí íbajide.

Chamu ora llóiji onótaitifue

⁴⁷ Daje izói nane monamo ite Juzíñamui illáimana illarui, jóraimo dótafirega chamu ora llóiji izoide. Afe llóiji nana jíáiforiede chámuna ote. ⁴⁸ Afe llóiji oruilla llezica, facódino oni fuédamo jainácana uite. Afénomo raináillano, ñuera chamu diga nizédiaioi. Fiénidino oni dótano ñuera chamu íaioi cirígaimo iráidiaioi. ⁴⁹ Afe izói énie fuillírui comínimo íite. Juzíñamui abi imaci billano ñúemaci fiénidimacimona oni eneno ofítaite. ⁵⁰ Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie diga

⁵¹ Afe mei Jesús íaioina jicánote:

—¿Meita omoi nana bífuiaina onódiomoi? —daide.

Jira afémaci daidíaiioi:

—Jii, Ocuíraima onódicai, —daidíaiioi.

⁵² Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illírui dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jíáiruido jácara raa mei íadi nai ñuera raa, jino úana onode. Afe izói afe ñue llófuefiredimie nana ie onógafuiaimona cue cómfue naa jaiaí lloga jácafue diga jino llúana onode, —daide.

Jesús Nazaret jófuego jaide
(Mr 6.1-6; Lc 4.16-30)

⁵³ Jesús nana bie jino ñue onótatifuiaí llua méifomo dama ie éniemo jaide.
⁵⁴ Dúci zaillano afénomo ite Juziñamui uai llorácomo llófuete. Aferi comini caimare fáigacaidiaíoi. Daidíaíoi:

—Bímie ¿ninómona diga ráfuiaína onode? Bie ciórainina raa ¿ñie izói finode?

⁵⁵ Bímie baie rabíciáimo táijifiredimie jitó. Ie ei María. Daje izói afémie ámatiaí Santiago, José, Simón, Judas benomo cairi ite. ⁵⁶ Daje izói ie miríngotiaí cai cigimo itíaíoi. ¿Mei ninómona nana bífuena onode? —daidíaíoi. ⁵⁷ Iemona afémie llógamo náfuacañediaíoi. Mei jira Jesús íaioína daide:

—Nana jáímaciaí Juziñamui uai llórainana jíeruitiaíoi, mei íadi dama ie comuillano comini íena jámairuitiaíoi, daje izói naa ie jofo ero comínari, —daide.

⁵⁸ Ie jira afénomo ciórainina raana aillo finóñede, mei afémaci aféniemo ñinoñediaíoi za.

14

Juan Bautista tílla

(Mr 6.14-29; Lc 9.7-9)

¹ Aféruillaído Galilea énie ocuídillaíma Herodes, Jesús jalléinana fidide.

² Fídiano ie diga itínona daide:

—Bímie tíllamona meine abído cáadimie Juan Bautista. Iemona aféniemo ciórainina raa finolle ríino ite, —daide.

³ Mei jaiái nano Herodes Juaana maítá llavéracomo uitátate. Mei nauí Herodes ie ama Felipe ai Herodías daínango aina ote. Ua mei, Juan Heródesna riire lletádeza. Ie lleta jira íena llavétate. ⁴ Juan daína uai be ñie:

—O bie ringo o ai izói uícainidio, —daide.

⁵ Daí daína jira Herodes Juaana fáiacade. Mei íadi comínina jacíruite, mei “Afe Juan Juziñamui dibénedo úrifiredeza,” daidíaíoi. ⁶ Afe méifodo, Herodes ie jocóinamona jáíe fimona fuilláruimo dúcide. Aféruído ie cumpleaños rafue fínua llezica, iráizillena llogano eróicana Herodías jiza bai zaizáijide. Afengo záillana Herodes iere ebíruite. ⁷ Afena iere gáinamona Herodes riírede uaido daide:

—Nínó o jicáacanana rairuñeno íredicue, —daide.

⁸ Iemona afengo ei uícodo llua izói Heródena daide:

—Juan Bautista ífoci plátomo jóoneta cuemo atí, —daide.

⁹ Aferi ocuídillaíma Herodes zúucaide. Mei íadi uícodo riírede uaido daínana nana iráizillena llogano cacádiaíoi. Jira jáífodo méidoñeno nano fueñe ie daína izói ocuide. ¹⁰ Iemona llavéracomo llaveca Juan ífócina jaitátate. ¹¹ Afe mei jáitano plátomo jóoniano aféngomo izájidiaíoi. Afe méifodo afengo afe ífócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raíájidiaíoi. Afe mei Jesumo lluíjidiaíoi.

Jesús cinco mil comini ecade

(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiaímona ie illánomo arído jáidiaíoi. ¹⁴ Iemo Jesús afe nocáemona ari jailla llezica, diga comini ofíllana ciode. Cíoillano íaioímo dúecaide. Aféniemo atica iráredinuiaína jíllotate. ¹⁵ Ja nauízaila llezica ie llófuegamaci aféniena daíízaíbitiaíoi:

—Ja nauide. Benomo buna iñede. Nana comínina mai jófuemo oreri, afe áinori ite dúegobiaímo íaíoi güille íaíoi íbajillena, —daidíaíoi.

16 Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

17 Jira afémaci uai otíaioi:

—Cinco diga páaniai, íemo mena chamu afe baimo jiáiena caimo iñede, —daidíaioi.

18 Jira Jesús íaioina daide:

—Mai áfena cuemo ati, —daide.

19 Afe mei nana comínina daide: “Ráitiai emódomo ana omoi ráii,” daide. Afe llezica Jesús cinco diga páaniai mena chamu diga llínota, monamo érocaillano Juziñamuina “Figora” daide. Daií daina méifodo Jesús afe pan ditada ie llófuegamacimo ite, afémaci nana comínimo fecállena. 20 Afe güillano nana comini ñue jeírediaioi. Iaiói güilla mei, güiga állana ie llófuegamaci doce cirigai oruitatiaioi. 21 Afe güitino cinco mil diga iñiaí. Iemo afe baimo ringóniaí naa úruiaíri fácadoñega.

Jesús jainoi emódodo macade
(Mr 6.45-52; Jn 6.16-21)

22 Afe mei Jesús ie llófuegamacina daide: “Mai ifódino ruica enéferaimo nocaedo omoi jairi. Afe llezica bie comini ráinoiticueza,” daide. 23 Comini ráinua mei Jesús caifónedumo dama Juziñamuimo úrizaide. Nauízailla llezica Jesús afénomo dama ite. 24 Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide. 25 Como monáioicaidemo Jesús jainoi emódodo afémaci diné macácana jaide. 26 Afe jainoi emódodo jáillana cíoillano, caillíoidiaioi. “Janaba billa,” dainano iere jacínaitiaioi.

27 Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

28 Jira Pedro afémiena daide:

—Ocuíraima, mei ónia, o illánomo mai jainoi emódodo cue mácata, —daide.

29 Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide. 30 Mei íadi jairifo riire jáiñua cacáillano abi jácidote. Afe llezica afémie ja anábaiacade. Anábaioicailla llezica afémie caillide:

—¡Ocuíraima, iñédicueza, cue llíino! —daide.

31 Daií daina llezica, Jesús ónoído llínota daide:

—¡Ñii o due íinua! ¿Ñibái mei o íinogafuena fáicanocaidio? —daide.

32 Nocaemo caifo íaillinoi jailla llezica, afe jairifo llícaide. 33 Iemona afécaemo itino, Jesús anamo dújuillano íena daide:

—Uáfuenta, Juziñamui Jitódioza, —daidíaioi.

Jesús Genesaret éniemo ite iráredino jíllotate
(Mr 6.53-56)

34 Jorai ruica jáitajano Genesaret éniemo dúcidiaioi. (Afe énie jiáifodo mameina Galilea.) 35 Iemo afeno comini ñue afémiena onónamona, nana afénomo itígobiaimo conímama fidítatiaioi. Afemona afénomo ite iráredinuiaina Jesumo atídiaioi. 36 Daa afémie inícuuro fueda jetánollena izire jicádiaioi. Iemona nana ie inícuuro fueda jetáidino jíllodiaioi.

15

Cómena iaire finode raa
(Mr 7.1-23)

¹ Afe mei dáarie Jerusalémona bite fariséuai naa ocuica uai llófuefiredinori Jesumo jicánuaibitiaioi:

² —¿Nibái mei o llófuegamaci cai uzútiai daina uaina oni caitáfirediaioi? Mei afémaci fiénidifue múiñua jana, nai güiñena llezica onoi jócuana finóñediaioiza, —daidíaioi.

³ Mei afe ibana Jesús íaiomoi jicánote:

—¿Mei nibái omoi Juzíñamui riire ocuica uai oni caitáfirediomoi dani omoi jaiiai daina uaimo náfuellena? ⁴ Mei Juzíñamui caina daide: “O moo o ei diga caimare omoi úcairi. Dámie ie moona ie ei diga íaire dáia, afémie tíiteza,” daide. ⁵ Mei jiáifodo daíifirediomoi. Dámie ie moona ie ei diga bie izói daíirena daíifirediomoi: “Moo, ona canónidicue, mei nana cuemo ite raa Juzíñamuimo fecállena cue mamécaza.” ⁶ Iemo ninó dáamie daíí dáiaidi, ie moo ie ei diga canolle afémiemo dúñede, daíí daíifirediomoi. Daíí omoi dánamona Juzíñamui ocuica uai jámairuitadiomoi, dani omoi jaiiai daina uáillaimo náfuellena. ⁷ ¡Comeci diné ráatailla mei, abina ñue cíoidinodiomoi! Jaiiai Juzíñamui uai llóraima Isaías ie ciegánicomo omoi dibénedo uáfodo úrite. Be afe uai:

⁸ Bie comini fia fuedo cuemo ñúefue mamédiaioi, mei íadi íaioi comececi diné íairedeza, cuemo jaináñede.

⁹ Diga ebírede ráfuiaido cuemo caimátaidiaioi íadi, afe caimátailla ráifiñede, mei afémaci jiáimaci llófuia jamai come ocuica uáillaiza.

Isaías Juzíñamui daináuai bie izói cuete.

¹⁰ Afe mei comini uáidota Jesús íaioina daide:

—Cacáillano ñue omoi onoiri. ¹¹ Come fuedo jofa jaide raa afémiena íairetañede. Mei jiáifodo come fuémona bite uai, afémiena íairetate, —daide.

¹² Afe jira ie llófuegamaci Jesuna daíízaibitiaioi:

—¿Meita onódioza, o daina uáillaína cacáillano fariséuai icíritiaioi? — daidíaioi.

¹³ Mei íadi Jesús jiáifodo uai ote:

—Naga Juzíñamuimo uáfueña jaináñedimie monamo ite cue Moo ríñega raa izóidiaioi. Afémaci come gáñega riga raa naa jáinaori aiñólle izói táinocaitalliaioi. ¹⁴ Afe baie fariséuai dama daítadiaioiza; áfemo lloñeno. Mei afémaci uínidino izóidino. Iemo afe llezica jiáie uínidino ifódiaioi. Uínidimie jiáie uínidimie ifóadi, nágaillinoi dáafomo báitiaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jicánote:

—¿Omoi jiái nai onóñediomoi? ¹⁷ ¿Onóñediomoiiza, fuedo jofa jaide raa jébegoimo jaide; afe mei abímona jino faiga? ¹⁸ Mei íadi come fuémona jino bite uaillai ana comécimona comuide. Afe bie uaillai dama afémiena íairuitade.

¹⁹ Mei diga íaifuiiai come comécimona comuide. Fieni comececi fácafuiiai comuide. Daje izói daje comécimona jiáima fáiacanafuiiai comuide. Iemo jiáima ai diga íacanafue come comécimona comuide, naa jiáie iere jiruírenafuiiairi. Iemo jiái merírillafuiiai come comécimona comuide. Daje izói táinona úrilla uaillai, naa jiáimana íaire daináuaillairi come comécimona comuide. ²⁰ Afe bífuiiai cómena iere íairuitanona orede. Mei íadi fiénidifue múiñua jana onoi jócuana finóñeno dáamie güíadi, áfena cómena íaifueredimiena oréñede, — daide.

Jicánemaci ringo Jesuna ñnote
(Mr 7.24-30)

²¹ Afénomona Jesús oni jiáie éniemo jaide. Afénomo Tiro jofue Sidón jofue diga ite. ²² Afénomo Canaán énie ingo Jesús diné caillícana bite:

—Cai ocuífiredede jaiái illaima David comuítagamie, cuemo dúecai. Cue jiza fiénide jóriái uícaigaza, iere duere zefuide, —daide.

²³ Mei íadi Jesús aféngona ñie izói daiñede. Mei jira ie llófuegamaci íemo izire jicai bitiaíoi:

—Mai ie uai fáirio, mei cai méifodo duere caillícana bíteza, —daidíaíoi.

²⁴ Jira Jesús daide:

—Juzíñamui dani Israel náiraimona oni féiraite ovejai izóidino mameda cuena orede, mei afémaci Juzíñamui lloga uaillai jeire oñediaíoi za, —daide.

²⁵ Mei íadi afengo Jesús diné billano afémie anamo dújude. Dújuillano afémiemo jicade:

—¡Ocuíraima, mai cue cano! —daide.

²⁶ Jira Jesús aféngona daide:

—Uruiaí izoide Judíuai ónoimona pan bairoda jicóniaí izoide jicánemacimo illa fiénide, —daide.

²⁷ Mei afengo jaca nai daide:

—Cai Ocuíraima, jii uáfueza, mei íadi jicóniaí naama güígamona ana baiide íruaína güífirediaíoi, —daide.

²⁸ Mei jira Jesús aféngona daide:

—O ico iere ñnotioza. Cuemo o jícaze, daií íteza, —daide.

Daií daina llezica afengo jiza jíllode.

Jesús aillo iráredinuaí jíllotate

²⁹ Afénomona Jesús oni jaillano Galilea jorai fuédado jaide. Afe mei caifónedu ícoimo ráizaide. ³⁰ Iemo afémie illánomo aillo comini gairilla. Afe jáidino diga jiáiforie iráredino uitiaíoi. Afémiemo ídainidino atidiaíoi, íemo únidinuaí, íemo uáinidino, íemo ónoinidinuaí, íemo diga jiáie iráredino afémiemo atidiaíoi. Dieze átiano Jesús anamo jóonetiaíoi. Iemona afémie nana afémacina jíllotate. ³¹ Afe afémie fínuari comini caimare fáigacaidiaíoi, mei eróidiaíoi mo uáinidino úritiaíoi za. Iemo ónoinidino ñue jíllodiaíoi za. Iemo ídainidino ñue macádiaíoi za. Iemo únidino ñue ciódiaíoi za. Iemona Israel nairai Juzíñamuimo ñúefue nitádiaíoi.

Jesús cuatro mil dígade comini ecade
(Mr 8.1-10)

³² Afe llezica Jesús ie llófuegamaci uáiduano daide:

—Bie comínimo dúecaidicue. Ja daruiámani benó cue diga itiaíoi za. Iemo íaíoi güillena ja iñede. Afémacina íaíoi jofomo ecáñeno oréacañedicue, io anamo íaíoi zafénaiza dáii, —daide.

³³ Iemo ie llófuegamaci íena daidíaíoi:

—Mei benomo comini jofue iñedeza, bie aillo comini ecállena ¿ninómona óiticaí? —daidíaíoi.

³⁴ Jira Jesús afémacimo jicánote:

—¿Omoimo ñiga páaniaí ite? —daide.

Jira afémaci daidíaíoi:

—Siete diga pan ite íemo due chámuna ite, —daidíaíoi.

³⁵ Afe mei nana comínina: “Ana omoi ráii,” daide. ³⁶ Daií daina méifomo siete dígade panes naa chamu diga llínota, Juzíñamuina “Tere figora” daide. Afe

mei ditada, ie llófuegamacimo ite, afémaci nana comínido fecállena. ³⁷ Afena nana güitíai. Iai güilla mei nana ñue jeírediaí. Afe mei íai güiga állana siete diga cirigai oruítatíai. ³⁸ Afe güitino cuatro mil dígadimaci. Afe baímo ríngóniaí naa úruiaíri fácadofiega. ³⁹ Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

16

Fariséuai naa saducéuai diga cíorainina raa finóllena jicádiaí
(Mr 8.11-13; Lc 12.54-56)

¹ Fariséuai naa saducéuai diga Jesumo eróizaidiaí. Iemo afémie fiéni facátallena monámona comuide cíorainina raana finótaacadiaí.

² Mei íadi afe llezica afémie jíáfodo uai ote:

—Nauíacana llezica mona jáirenia uire jiti ñue mónaite daífiredíomoi.

³ Iemo jítramo dibénemo mona jáire nairíadi, bie mona fiénite, daífiredíomoi. ¡Comeci jáirena mei, jino abí diné ñue cíoidinodíomoi! Uire jítramo ñue mona monaille llote raana ñue onódíomoi. Mei íadi birui omoi cígimo cue finoca onótatífuiaina onóñediomoi. ⁴ Biruido ite íñoñede fiénidino cíorainina raana finóllena jicáfirediaí. Mei íadi nauí Juzíñamui uai llóraima Jonásmo zúidífue íai onótatífue. Afefue baímo jíáfueña llóñeilliaí, —daide.

Daí daina mei, afémacina fáicanocaillano Jesús oni jáinomo jaide.

Fariséuai taino llófrenafue levadura daina pan aillo fáitate raa izoide
(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uíñediaí.

⁶ Afe mei Jesús íaíoina daide:

—Ero, fariséuai naa saducéuaimo ite levadura daina pan aillo fáitate raa izóidemona abí omoi rairuiri, —daide.

⁷ Mei jira llófuegamaci dani conímana daidíaí:

—Nibai pan cai atíñena jira afémie daí daide, —daidíaí.

⁸ Jesús áfena comécido onóillano daide:

—¿Nibái mei páanidicaí daidíomoi? ¡Omoi íco nai figo íñoñediomoi! ⁹ ¿Nauí cinco páaniaí ditada cinco mil comini cue écamo jaca uíbicaíñediomoi? ¿Nai áfena ñue onóñediomoi? Aféruido fiébidinona ¿niga cirigai oruítatíomoi?

¹⁰ Iemo daje izóí siete dígade páaniaí cuatro mil comínimo cue feca mei ¿niga cirigai fiébidinona iráidíomoi? ¿Afemo jíai daje izóí uíbicaíñediomoi?

¹¹ ¿Minícamo jizídíomoi levadúrado cue úrillana nai onóñena? Nauí fariséuai, naa saducéuaimo ite levadúramona abí omoi rairuiri cue daina uaina jamai paando úriñedicue; jíáfue llotícue.

¹² Afemona ie llófuegamaci ie dáinana ñue onódiaí. Pan aillo fáitate levadúramona abí rairuillana lloñédeza. Mei jíáfodo fariséuai naa saducéuai jino lloga taino llófuiamona abí rairuíredeza.

Pedro Jesús Crístona jino jáicina llote
(Mr 8.27-30; Lc 9.18-21)

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide Iima Jitódicueza. Afe dibénena ¿niie izóí comini daidíaí? —daide.

¹⁴ Jira afémaci daidíaí:

—Dámierie “Bie Juan Bautista” daidíaí, jíaimaci “Bie Elías” daidíaí, íemo nai jíaimaci “Nibai Jeremías, nibai jíaíe Juzíñamui uai llóraima,” —daidíaí.

¹⁵ Mei jira Jesús daide:

—Omoi ¿mei nñe izói cuena daidíomoi? —daide.

¹⁶ Jira Simón Pedro uai ote:

—Juziñamui nizeca Cristo dainámiedio. Daje izói caade Juziñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llónegaza. Mei jiáifodo monamo ite cue Moo Juziñamui omo lloga.

¹⁸ Ona Pédrodio dáitícue. Mei jae cuena o daina uai riírede oni dotánide nofici izóideza. Iemona afe bie riírede nofici izoide uáitanide, dainamo cuemo inotinona comúitáitícue. Iemona titáfírede riino cuemo inotinona anáfenóñeite. ¹⁹ Iemo jiái monamo ite Juziñamui illáimana illano naze zuitáfírena llave izoide raa omo íitícue. Iemona biniemo o rairuícafueña, daje izói monamo ráiruíteza. Afe izói biniemo o ráiruíñegafueña monamo ráiruíñelle, —dinori Jesús daide.

²⁰ Afe mei Jesús ie llófuegamacina Crístona ie íllana bumo jino llotátañede.

Jesús ie tílle llote

(Mr 8.31–9.1; Lc 9.22–27)

²¹ Aféruimona Jesús Jerusalemo ie jáizaillena ie llófuegamacimo jino uáfodo llote. Iaioina daide: “Jerusalemo cue dúcille mei ocuífírede éicomini, naa lletáriraini illáiniri, íemo jiái ocuica uai llófuefíredinori nana iere cuena duere fínoitiaioi. Omoimo llotícueza cuena titáitíai, mei íadi daruíamani íllemona meine abido cáadimíena íitícue,” daide. ²² Afe jira Pedro Jesús bai uillano íena lletade. Daide:

—Ocuíraíma cacai, Juziñamui afe izói gáíñede. ¡Aféfuiái jaca omo zúíñeíteza! —daide.

²³ Mei jira Jesús oni gírecaillano afémíena daide:

—Satanás uícaigaoza. Cúemona oni jai; cue llótáidotioza. Juziñamui comeci faca izói o comécina facáñedio. Jamai come comeci faca izói o comécina facádio, —daide.

²⁴ Afe jira Jesús ie llófuegamacina daide:

—Ninó dáamie cuedo jáiacania dama ie comeci jitáillana féítarede. Féítano cuedo jáirede. Afémie cuedo jailla ícoínia tíidena, afémie áfena izire ónide.

²⁵ Mei ninó dáamie ie cáananona rairuíacadimie áfena táinomo fáífitáite. Mei jiáifodo cue ícoínia ie cáananona táinomo fáífitimie afe fáífidena abido máíñoite, jaca ninomo zúíñoia ie íllena. ²⁶ Mei daa come nana binié ráaniai aillo náamataadi, íemo afe llezica dama ie comeci afémie táinocaitaiadi, nana ie maíñoica ráaniai afémíena jíllotañeite. Mei daa come ie comécina ¿nieze íbárede? ²⁷ Mei uáfueza, Nanoide íima Jitódícueza. Cue Moomo ite ebíredinuiái naa ie abi ímácri uire bítícue. Iemona illa dígamie íaiói finócaza fécaítícue.

²⁸ Uáfueña ómoína dáitícue, benó cue díga ítinomona dáarie nai tííñeítíaióimo illáimana cue bíllana cíoitíai, —daide.

17

Jesús abi jiáífo méidoficaide

(Mr 9.2–13; Lc 9.28–36)

¹ Seis dígarui jailla mei, Jesús Pedro, Santiago, Juan díga uite. Dígamie dani eneno iere caifónedumo uite. ² Afénomo íaiói eróicana ie abi jiáífo méidoficaide. Ie uiéco jítoma izói queníreficaide. Daje llezica ie inícuíro jamánomo úzereficaide. Luz egáíñua izói úzere. ³ Afe llezica, Moisés, Elías, Jesús díga úrillana cíódíai. ⁴ Jira Pedro Jesuna daide:

—Cai Ocuíraima, nii cai benó caimare cai illa. O jitáidi daámani jofóchupi benó cai nilli; daa óochupi, jiáie Moisés ie, íemo jiáie Elías ichupi, —daí daide.

⁵ Daí Pedro úrioina llezica, iere quenírede mona ero uíllie, íaioi ferínocaide. Afe uílliemona da uai cácaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

⁶ Afe uaina cacáillano ie llófuegamaci éniemo fueco diné bíjicaidiaioi. Afémaci iere jacínaitiaioi. ⁷ Afe méifomo Jesús íaioina jetánota daide:

—Jacíruiño caifo omoi náidacai, —daide.

⁸ Afemona érocaidiaioimo, ja buna cióñena. Dama Jesús ciódiaioi.

⁹ Afe íduaimona fei íaioi billa llezica, Jesús afémaci ocuide:

—Bie omoi ciona rafue bumo lloñoeno iri. Nanoide íima Jitódicueza, tíllamona nai meine abido cue cáañeille dinó lloñoeno omoi iri, —daide.

¹⁰ Iemona ie llófuegamaci Jesumo jicánotiaioi:

—¿Níbái mei ocuilla uai llófueraini Elías raire uícodo bírena, daíírediaioi? —jicánotiaioi.

¹¹ Jira Jesús uai ote:

—Uáfueña Elías fueñe bille. Billano naga ráaniaina ñue fínoite. ¹² Mei íadi: “Elías ja bite” ómoína daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide íima Jitódicueza, afe izói cuena duere zefuítaitiaioi, —daide.

¹³ Iemona ie llófuegamaci, Jesús Juan Bautístado íaioimo úrite, comécido daidíaioi.

*Jesús fiénide joríaí uícaiga jitócomena jíllotate
(Mr 9.14-29; Lc 9.37-43)*

¹⁴ Idumona ana comini illánomo bitiaioimo, dámie Jesús anamo dújuzaibite. Dújuzaibillano daide:

¹⁵ —Cai Ocuíraima, mai cue jitomo dúecai. Fiénide joríaí íena naíllafirede. Aferi afémie iere duere zefuide. Afémie diga ícaíño iraimo baíífirede; jiáiruido illemo baíífirede. ¹⁶ Benomo o llófuegamacimo cue atica, mei íadi afémaci afémiena jíllotaniaioi, —daide.

¹⁷ Jira Jesús uai ote:

—¡Aííí! ¡Ñíena jamánomo ínofinidiomoi! Ñúfueña jamairuitiomoi. Omoi ñue cue rairuíllena, ¿ñie dinó omoi cígimo íredicue? Afe jitócome cuemo ati, —daide.

¹⁸ Atia mei, Jesús afémiemo ite fiénide joríaí izire rairuide. Rairuíllano jino orede. Afe daí daina llezica, afe jitócome jíllobicaide.

¹⁹ Afe mei Jesús llófuegamaci bai eneno Jesús diga úrite; jicánotiaioi:

—¿Mei níbaí cai afe fiénide joríaí orénidicai? —daidíaioi.

²⁰ Jira Jesús íaioina daide:

—Omoi nai figo íñoñediomoiza, afe fiénide joríaí nai jino orénidiomoiza. Uáfueña ómoína dáiticue, ua due omoi ínoiadi iere juáredifueña finórediomoi. Omoi ínogafue mostaza íji jamánomo dúena izoide íadi, áfedo iere juáredifueña fínoitiomoi. Bie áillue caifóneduna “Oni jai” o daííadi, afedu oni jíánomo jáite. Uáfueña omoi ínoiadi, jánaideza finónide raa ómoimo íñeite. ²¹ Mei íadi bie izoide fiénide joríaí dama cai güíllena güíñoeno fímaírrillado íemo jíái Juzíñamuimo cai úrillado jino orérede.

*Jesús nane ie tílle dáanomo jino llote
(Mr 9.30-32; Lc 9.43-45)*

²² Galilea éniédo íaiói macácailla llezica, Jesús ie llófuegamacimo ie tíillifuenta íaióimo lloste; daide:

—Nanoide íima Jitódicueza, nairai duere finóllena uillicue. ²³ Afe mei cuena títaítaiói. Mei íadi daruíámani íllamona meine abido cáadimiena ííticue, —daide. Aféfuena cacáillano iere zúucaidiaíói.

Juzíñamuimo gairíracomo dúide úcube Jesús ibade

²⁴ Jesús naa ie llófuegamaciri Capernaum jófuemo dúcídíaíói. Dúcina llezica, Juzíñamuimo gairíracomo dúide úcube jicáfiredino Pédro mo jicánuaidiaíói:

—¿Omoi llófueraima afe raiñoca úcubena íbaiñete? —jicánotiaíói.

²⁵ Jira Pedro:

—Jii, íbaite, —daide. Afe mei Pedro jofa jailla llezica, Jesús fueñe Pédrone daide:

—Simón, ¿ómona ñie izói cíóide? Bínie illaini ¿ñie comínimo úcube jicáfirediaíói? ¿Meita dani ie comínimo? ¿Mei jíáífodo jicánemacimo? ¿Ñie comínimo? —daide.

²⁶ Jira Pedro:

—Jicánemacimo, —daide.

Iemo Jesús íena daide:

—Ie jira dani ie comini íbánidiaíói. Iemona afe ailli omo íaiói jicaca raiñoca úcube íbánidicue, ¿ero ua? Jii, íbánidicue. ²⁷ Mei íadi bu cai ícíñeillena, áfena íbaiticue. Ie jira jóraimo jaillano fácuai. Fueñe riáíbite chamu o oíri. Otá ie fue eromo daa úcubetuni báitioza. Afe úcubetuni cócomo jicaca úcube záitaiteza. Afétuni uano afémacimo o ibari, —daide.

18

¿Ñie come iere jamánomoina?

(Mr 9.33-37; Lc 9.46-48)

¹ Aféruido ie llófuegamaci dáanomo gairíllano Jesumo jicánotiaíói:

—Monamo ite Juzíñamui illáimana illáruimo ¿ñie come iere jamánomoina? —daidíaíói.

² Afemona Jesús daa jíza uáiduano íaiói cígiri naidánete. ³ Daí ñiano daide:

—Uáfuenta ómoina daidicue, omoi illafue jamai comécina mánairede úrue illa izói méidoredíomoi. Afe izói omoi íñenia jaca monamo ite Juzíñamui illáimana illánomo jofa jáíñeitiomoi. ⁴ Mei íadi bie úrue izoide dama ie abi jacire maméñedimie monamo ite Juzíñamui illáimana illáruimo jamánomoidimie. Iemo daje izói bie nífuenide úrue illáfuenta dama ie illáfuenta méidotimie, afémie jamánomoina. ⁵ Daa come cue mámecido bie izoide dúeza llínoiadi afémie ja dáaruído cuena llínote.

Fiénidifuemo come baiílla iere jacírede

(Mr 9.42-48; Lc 17.1-2)

⁶ Ñie come daa bie izoide cuemo ínote dúeza fiénidifuemo baiítaiadi, afémie jamánomo duere finórede. Monáillaji iere afóredinomo ie cimomimo áillue nofici cuinada dotalle baimo ñuera. ⁷ Jíáie comínina fiéni finótaoicaidino ñii dúerena! Oni níbéfodo fiénidifuemo baiítifuiaí jaca ífiredi; mei íadi afémie afémaci fiénidifuemo baiíta ícoínia afémie ñii dúerena!

⁸ Iemona, o finócafuedo oni níbéfodo fiénidifuemo o baiíadi, dama o onoi jáitaja izói, afefue fínuana fáicanocairi. Daje izói ñinó o jáillado fiénidifuemo o baiíadi, dama o idai jáitaja izói, afénomo jáillana fáicanocairi. Mei júbene onoi díga daje izói júbene idai díga izói o íllana zíñona illínomo o jáiadi iere

ñuera, mei íadi nágafezi diga, comini duere finólliraimo o baiíadi iere figóñede. ⁹ Daje izói minícamo o eróillamona fiénidifuemo o baiíadi, dama o uíji cuerónota oni jica dota izói, áfeniáimo eróillana fáicanocairi. Mei júbene uina ffidimie ziiñona illínomo o jáiadi jamánomo ñuera. Mei íadi mena ui diga comini duere finólliraimo o dotábiadi iere figóñede.

Oveja oni féiraila izoide rafue
(Lc 15.3-7)

¹⁰ Bie úruiaimona daaza jámairuiñeno omoi iri. Mei ómoína daidícueza, afémacimo uíñote Juziñamui abi imaci, monamo ite cue Moo uíécomo jaca ífirediaioiza. ¹¹ Mei Nanoide fima Jitódicueza, oni nibéfodo féiraitino jíllotaibiticue.

¹² Omoimona ¿ñie izói comeci facádiomoi? Daa cómemo cien diga ovéjaiaia, íemo afémacimona daa oveja féiraiadi, afémie afe noventa y nueve diga ovéjaiaia ie cirínoracomo fiénocaite, afe féiraite oveja jénuailena. ¹³ Afe féiraite oveja bailla llezica, áferi afémie jamánomo ióbide. Ua nana jáiae noventa y nueve diga féiraiñede ovéjaiaia baimo, afe baiga féiraitimieri jamánomo ióbide. ¹⁴ Afe izói monamo ite Moo Juziñamui bie dúezaaimona jaca daa féiraitacañede.

Cai ámatiaimona dámie omo fieni íadi, afémiena caimare uáidorediomo
(Lc 17.3)

¹⁵ O ama omo fieni úriadi, uái daíi jaillano dama afémiemo úrizairi; afémie fieni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio. ¹⁶ Mei íadi afémie áfena náfueñeniadi o uai nábitena mena come jíriri. Afe mei afémiemo úrizairi, mei afémiemo nana nitácafuiia mena come nibai daámani come uai nabáifirenado záitarede. ¹⁷ Mei íadi afémie afémacimo cácareacañenia, Juziñamuina ñnote aillo dáanomo gairídinomo lloiri. Iemo afémie afémacina nai náfueñenia mai afémie Juziñamuimo ñnoñedimiena omoi mameri. Daje izói gobierno raiñoca úcube íáirede jicáfiredinona omoi jámairuia izói afémiena omoi jámairuigamiena mameri.

¹⁸ Uáfueña ómoína dáititue, biniemo nana omoi féitañega jáímaci fiénidifuiia, daje izói monamo féitañega. Iemo jáífodo biniemo omoi féitaga jáímaci fiénidifuiia, afe izói monamo féitaga.

¹⁹ Nane dáanomo ómoína dáititue, ómoimona ménamie bie éniemo dájena mameda Juziñamuimo jicáadi, monamo ite cue Moo ómicoi jica izói finoiteza. ²⁰ Mei mena come, nibai daámani come cue mámevido dáanomo gairiadi, afénomo afémaci cigimo iticue, —daide.

²¹ Iemo Pedro Jesumo jicánote:

—Cai Ocuíraima, cue ama cuemo fieni ítena ¿nigacaiño caimare íena uáidoredicue? ¿Meita siete dígacaiño caimare íena uáidoredicue? —daide.

²² Jira Jesús uai ote:

—Siete dígacaiño daíñedícue. Mei jáífodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caimare uáidoiacañede táijitafiregamie izoide rafue

²³ Jesús nai úrioicaide; daide:

—Íe jira monamo ite Juziñamui illáimana illirui biniemo ite illaíma finócafue izoide. Aféllaíma nana ie táijitafiregano íemo íbáacaga raana záitaiacade.

²⁴ Afe zátalle táinia mei daa táijitafiregamie illáimamo atídiaoí. Afémiemo jamánomo aillo íballe ite. ²⁵ Mei íadi afémie úcubenide. Íe jira íe ocuidimie

daide: “Mai bímie, ie ai naa ie úruiai riire ocuífirellinona feca, cuemo dúide ie ibárega raa záitalleza,” —daide. ²⁶ Iemona afe táijitafiregamie ie ocuífiredimie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaiticue,” daide. ²⁷ Iemo afe ocuídímie afémiemo dúecaide. Dúecaillano afémie ibárega raa íbátáñede. Afe llezica ja afémiena rairuíño macátate. ²⁸ Mei íadi afe táijitafiregamie oni jailla llezica, jíáie afémie izói táijitafiregamie baizájide. Afe táijitafiregamie fuéñeidimie ibállena due ite. Ie jira ie cimoi llínota íena títaite izói finode. Afe llezica daide: “Mai cuemo ibárega raa íba,” daide. ²⁹ Iemona ie llaitádimie anamo dújullano íemo izire jicade: “Cuemo raire járitaño. Fíaicana nana omo íbaiticue,” daide. ³⁰ Mei íadi afémie áfena náfuéño llavéracomo íena llavétate, ie ibárega íbañelle dino. ³¹ Jíáie táijitagano áfena cíoillano, iere zúucaidiaioi. Iemona nana afe llezica íficaillafuena íaioi ocuídímie llujíidiaioi. ³² Iemona ocuídímie nanóidímiena jírítate. Jírillano íena daide: “Iere fieni táijitafiregamie. Mei izire cuemo jicádioza, nana cuemo o ibárega raana dínó fáicanocaidicue. ³³ Omo cue dúecailla izói, daje izói o nabaimo dúecairedio,” daide. ³⁴ Afe jira afe ocuídímie iere rícaide. Rícaillano ie nabaimo dúecaíñedímiena riire duere finótate, nana ie ibárega íbañelle dino.

³⁵ Bie izói dainado Jesús ie úrillana záitate. Daide:

—Illa dígamie comécido ñue ie ámana uáidoñenia monamo ite cue Moo afe izói ómoína duere fínoite, —daide.

19

Fima ie ai dótajado Jesús lletade (Mr 10.1-12)

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Díga comini Jesudo jailla, íemo afénomo aillo iráredinuiaína jíllotate.

³ Afe mei fariséuaimona dámerie Jesús zanóllena facátaíbitiaioi. Afémiemo jicánotiaioi:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidiaioi.

⁴ Jira Jesús uai ote:

—¿Jaiái Juzíñamui Cuegáuaina facadóñediomoi? Afénicomo bie izói llote. Fueñe comini comútatímie ringo iima díga finode. ⁵ Nane dáanomo daide: “Bie izóidemona dáamie ie moo ie ei díga fáicanocaite, afe ie ai díga dájena íaillinoi íllena. Iemona afe íaillinoi daade come izói íite.” ⁶ Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo níbaí mei Moisés lloga uaimo áina dotárede daide? Dótaitímie ie dotaca aimo cuegábena írena. Afébena aféngomo íllano, afémie aféngona dotárede, —daide.

⁸ Jira Jesús íaioína daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómona daíí mámeñega. ⁹ Cue ómoína dáitícue, daa come ai jiruíreiñeniadi dotáadi, jíáie ringo óiadi afémie fiénide jiruífue finode. Daje izói oni dotácango otímie jiruífue finode, —daide.

¹⁰ Iemona ie llófuegamaci íena daidiaioi:

—Mei o lloga ringo ñima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíai.

¹¹ Jira Jesús íaiaina daide:

—Nana comini bífueña ónonidiai. Dama Juzíñamui onótallino bífueña ónoite. ¹² Íñiaimona dáamierie áina ónidiaí. Dáarie fieni jocóinamona áina ónidiaí. Jáimiai cominimona finócari áina ónidiaí. Iemo jáimiai Juzíñamui illáimana uai llócaillena jaca áina oñediaí. Bie uai jeire óredimie jeire óiteza, —dinori Jesús úrite.

Jesús úruiai ñue íllena finode

(Mr 10.13-16; Lc 18.15-17)

¹³ Afe mei úruiai Jesumo atidiaí, ie onoi afézaímo bítano afémie Juzíñamui afémacido úrillena. Mei íadi ie llófuegamaci úruiai atidino rairuide.

¹⁴ Mei jáífodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaí, —daide.

¹⁵ Jesús afe úruiaímo onoi bítano íaiaina ézicite. Eziciano oni jáígobemo jaide.

Ráarede jitócome Jesús diga úrilla

(Mr 10.17-31; Lc 18.18-30)

¹⁶ Iemo jáíruido daa jitócome Jesumo úrizabite. Dúciillano íemo jicánote:

—Ñuera Llófueraima, ziiñona cue illino cue maiñóllena ¿nie ñúefue fínoiticue? —daide.

¹⁷ Jesús íena daide:

—¿Ñibái mei cuena ñúemiedio daidio? Dama Juzíñamui ñuena. Abi diné jáie ñúemiena ñede. Mei jáífodo ziiñona illinomo o jáiacania, Juzíñamui cai ocuilla uai jeire o oíri, —daide.

¹⁸ Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jáimana titáñeno iri. Jiruíreiñeno iri. Meríreiñeno iri. Jáie cómemo taino lloñeno iri. ¹⁹ O moo o ei diga camare jacírui. O abina o izíruilla izói, o jáie cómena o izírui, —daide.

²⁰ Jira afe jitócome íena daide:

—Nana bífuiaina jízananomona jeire oticue. ¿Afe baimo ñifue nai cuemo fiébilla? —daide.

²¹ Jira Jesús íena daide:

—Ñifuenino comécina jáicina jóidimie o íacania, mai jaillano omo ite ráaniai o fecari. Fécano afe iba úcube dúredinodo fecari. Afemona monamo ite ziiñona ráifide raa óiena íiteza. Afe nana o fecalle mei, mai cuedo bi, —daide.

²² Mei íadi afe jitócome Jesús daí dáinana cacáillano abido zuure jaide, mei afémie iere ráaredeza.

²³ Iemona Jesús ie llófuegamacina daide:

—Uáfueña ómoína dáiticue, iere aillo ráaredimie mei íadi ie ráaniaina cue baimo afémie izíruiadi, iere féirede Juzíñamui illáimana illíruimo jáillena.

²⁴ Nane dánomo dáiticue, caméllona mameide áillue rille eedo uífodo enéfemo jailla juánide, mei jáífodo aillo ráaredimie Juzíñamui illáimana illíruimo jaillie iere juárede, mei ie ráaniai cue baimo afémie izíruteza, —daide.

²⁵ Ie llófuegamaci áfena cacáillano iere fáigacaidiaí. Iemo dani jofu conímaímo jicánotiaí:

—Iemona ¿ñimie jíllorede? —daidíai.

²⁶ Jesús íaioimo eróicana daide:

—Comínimona bie izóidífue finónide, mei íadi Juzíñamuimona nana finórede.

²⁷ Iemona Pedro íena daide:

—Cai Ocuíraima, caimo ite raana nana fiénocaillano odo ja jáidicai. Iemona mei ¿minica máíñoiticaí? —daide.

²⁸ Jesús íaioina daide:

—Uáfueña dáitícue, uire jíáiruido naga ráfuiái cómofuiaina jáite. Aféruimo Nanoide Hima Jitódicueza ebírede illaíma ráirranomo ráitícue. Afe llezica omoí cue díga jáicana jira, doce dígade illaíma ráirranomo ráitiomoi. Afénamona doce dígade Israel náiraíai ñue jaícina jicánoitíomoi. ²⁹ Iemo cue ícoínia naga jofona fiénocaidímie, daje izóí ámatíai naa ie móotiáiri fiénocaidímie, daje izóí naa úruiaíri fiénocaidímie, íemo jíái ie illano zóofenocaidímie, afémaci cien dígacaiño íbálliaíoi. Daje llezica afémaci zííñoña illínona máíñoitiaíoi. ³⁰ Mei íadi birui aillo uícoficaidíno aféruimo óodaficaíte. Daje izóí birui aillo óodaficaidíno uícoficaitiaíoi.

20

Jírícoremo oreca táijiraini izoide rafue

¹ Monamo ite Juzíñamui illáimana illírui jíricore naama finoca izoide. Afémie jítiramo raire ie táijiramaci jénuaide, ie jíricue óllena. ² Afémie ie táijiramaci íbállena afémacimo jaícina llote: “Daarui táijina íba dieze úcube illa dígamíemo íbaitícue,” daide. Daíí daí nano ie jacáfaimo táijillena orede. ³ Afe mei jíitoma nuévemo ítemo oni gairíranomo jíáie táijitino jénuaide. Afe gairíranomo dáarie táijíñeno itino baite. ⁴ Íaioina daide: “Mai batí cue jacáfaimo táijizairi. Nauife díbenemo ómoimo ñue íbaitícue,” daide. Iemo afémaci dínomo táijizaidiaíoi. ⁵ Afe jacafai naama jíitoma jaíciri ítemo meine nane jíáie táijitino jénuaide. Daje izóí nane nauife díbenemo jénuaide. ⁶ Iemo nane ja nauízaidemo ocuídímie gairíranomo jíáie táijitino jénuaide. Dínomo jíáie táijíñedíno baizájide. Íaioina daide: “¿Níbaí mei omoí nágarui táijíñeno benó ífiredíomoi?” daide. ⁷ Jira afémaci íena daidíaíoi: “Mei bu caina táijitañede,” daidíaíoi. Iemona afémie íaioina daide: “Omoí daje izóí cue jacáfaimo táijizairi. Iemona ómoimo dúide dieze ñue íbaitícue,” daide. ⁸ Ja nauídemo, jacafai naama táijitagano úíñotímiena daide: “Mai táijidíno dáanomó uáiduano íba. Íirainomó jáidíno fueñe íbari, íemo nano fueñe jáidíno méifodo íbari,” daide. ⁹ Iemona nauízaiacademo jáidíno dúcidiaíoi. Afémacimona illa dígamie ñue íaíoi táijina íba llínotiaíoi. Daa denario daína úcube illa dígamie llínotiaíoi. ¹⁰ Afe mei nano fueñe táijizaidíno ducina llezica, “Jíáimaci baímo aillo úcubena llínoiticaí,” daíí comécido facadíaíoi. Mei íadi nana illa dígamie dájerize daarui táijina íba dieze úcube llínotiaíoi. ¹¹ Ucube llínua llezica, ocuídímíemo ríicaidiaíoi. ¹² Iena daidíaíoi: “Bie íirainomó dúcidíno daa hora táijidíaíoi. Mei íadi daa cai o íbaze íaioina íbádío. Cai náamonaze uzíredemo táijidicai,” daidíaíoi. ¹³ Mei íadi afe ocuídímie íaioina daide: “Omoí cacai. Omoimo fiéni íñédícue. Fueñe cai úrilla llezica ¿ómoimo dáaruina táijina íba dieze úcube íbaitícue daííñédícue? Jíí, daidícue. ¿Afe llezica áfena jíéruíñédíomoi? Uáfueza, jíéruítíomoi. ¹⁴ O táijina íba llínota, mai jai. Bie íirainomó dúcidínona daa o cue íbaze íbáacadícue. ¹⁵ ¿Meita cue úcube cue dotáacana dieze dotánidícue? ¿Meita jíáímie cue dúecaillano aillo cue fécarí úradoidío?” dínorí ocuídímie úrite. ¹⁶ Afe izóí fueñeidíno óodaficaitiaíoi, íemo jíái

óodaidino uícoficaitiaioi. Mei uafue, jíriganano aillo ite, mei íadi nizécano dúemaci, —dinori Jesús daide.

Jesús nane dáanomo ie tílle llote
(Mr 10.32-34; Lc 18.31-34)

¹⁷ Jerusalén iodo Jesús jailla llezica, doce dígade ie llófuegamaci bai eneno uillano daide:

¹⁸ —Birui omoi ciona izói Jerusalemo jáidicai. Daje izói Nanoide fima Jitódicueza onódiomoi. Afénomono lletáriraini illaíma, naa ocuica uai llófueraini cue titállena mámeitiaioi. ¹⁹ Mámiano onínemacimo cuena fécaitiaioi, cue íaioi jifánodoillena. Daje izói ráziaido cuena fáitiaioi. Afe mei cuena cruzmo córaitiaioi. Mei íadi daruíamani illemona meine abido cáadimiena jáiticue, —daide.

Santiago Juan diga íaillinoi ei Jesús diné daa rafue jicánuaibite
(Mr 10.35-45)

²⁰ Afe mei Santiago Juan diga íaillinoi ei Jesuna daízaibite. “Mai cuemo dúecari,” daide. Bíaillinoi moo Zebedeo. Afengo naa afe íaillinoiri Jesús anamo dújuzaibitiaioi. ²¹ Jira afémie aféngona jicánote:

—¿Mínica óiacadio? —daide.

Jira afengo daide:

—Ílláimana o illíruimo dúcille llezica, cue jitó íaillinoimona dáamie o nabézimo rainari, íemo jíámie o jarífezimo rainari, —daide.

²² Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuille izói zefuírediomicoi? Cue duere íaioi finolle izói ¿meita ocuírediomicoi? —daide.

Jira afe íaillinoi: —Jii, —daide.

²³ Iemona íaillinoina daide:

—Íere uáfueza. Duere cue zefuilla izói duere zéfuitiomicoi. Daje izói cue duere íaioi finua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daínidicue. Dama cue Moo uícodo mamécamié ráirena, —daide.

²⁴ Jíáie diez dígade ie llófuegamaci afe jicánuana cacáillano, afe íaillinoimo rícaidiaioi. ²⁵ Iemona Jesús dáanomo nana íaioi uáiduano daide:

—Onódiomoi za náiraiaí illaini íaioi úiñoganona ocuíofirediaioi. Iemo íaioimona iere ocuídillaini afémacimo ite ríinodo iere jacire ocuífirediaioi.

²⁶ Mei íadi omoi cígiri daí íñeite. Mei jíáfodo ómoimona jamánomoidimiena íacádimie, omoi anamo táijidimie izói írede. ²⁷ Daje izói ómoimona uícofiacádimie omoi riire ocuícamie izói írede. ²⁸ Afe izói Nanoide fima Jitó omoi cígimo ite. Mei jii, jíámaci cuena canóllena biñédicue, mei jíáfodo nana comini cánuaibiticue. Uafue aillo comini íaioimo ite fiénidifuiaí oni dóllena tíizaibiticue, —dinori Jesús úrite.

Jesús mena uínidimie jíllotate
(Mr 10.46-52; Lc 18.35-43)

²⁹ Jesús naa ie llófuegamaciri Jericó jófuemona jino jailla llezica, diga comini afémiedo jáidiaioi. ³⁰ Jáidiaioimo afe io abimo mena uínidimie ráidiaillinoi. Ja Jesús afe íaillinoi abido jáizaillana cacádiaillinoi; cacáillano riire daidiaillinoi:

—Ocuíraíma, jaiaí illaíma Davidmona comuítagamie mai cócomo dúecai, —daidiaillinoi.

³¹ Jira comini íaillinoina rairuídiaioi. Afe íaillinoina, “Uriñeno, llícaí,” daidiaioi. Mei íadi afe íaillinoi llícaíñeno jamánomo caillíoidiaillinoi:

—Ocuíraima, jaiai illaíma Davidmona comuítagamie, mai cócomo dúecai, —daidíallinoi.

³² Jira Jesús mózide. Mózillano afe íallinoi jírrillano jicánote:

—¿Nie izói jitáidiomicoi afe izói ómicoi cue finóllena? —daide.

³³ Jira afe íallinoi uai ote:

—Ocuíraima, cióacadícoo, —daidíallinoi.

³⁴ Jira Jesús afe íallinoimo dúecaillano, íallinoi ui jetade. Jeta llezica ñue ciódiaillinoi. Afe mei Jesúsóri jáidiaillinoi.

21

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

¹ Ja Jerusalemo ánozidiaímo, Betfagé duera jófueмо dúcidiaíoi. Afe jofue Olivo daína idu áinori ite. Afénomona Jesús ie llófuegamacimona ménamie orede. ² Oriano íallinoína daide:

—Baie ómicoi uícomo ite duera jófueмо ómicoi jai. Afénoмо cuinaca búrrana cíoitíomicoi, naa ie úrue diga. Afe zuitada cuemo atíri. ³ Afénoмо comíni jíáifodo dáíadi, “Cai Ocuíraima jitáillano jicácaza; bie búrrana raire abído omo órite,” daíri, —Jesús daide.

⁴ Bífuiái íficaide jaiai Juzíñamui uai llóraini cuega uai ñue ícoímo fuitállena. Afe uai daide:

⁵ Jerusalena mameide jofue comínina daíri:

“Ero, o illaíma comécina mánaidímie izói billa.

Burra emódomo ráicabite.

Afe méerede raa abífirede burra úrue emódodo bite,” —daide.

⁶ Afe mei ie llófuega íallinoi jaillano Jesús íallinoi ocuilla izói finódiaillinoi.

⁷ Afe burra naa ie úrue atídiaillinoi. Atiano íaíoi inícuirona afe búrrana jobédaíoi. Afe mei Jesús afe emódomo ráinazaide. ⁸ Afe llezica aillo comíni Jesús jáillao inícuirona jobédaíoi. Jáímaci rafóruai jáitajano íemo jobédaíoi.

⁹ Dáarie Jesús uícodo jáidiaíoi; jíáímaci óodana jáidiaíoi. Nana daje izói riire úritiaíoi:

—Jaiai illaíma Davidmona comuítagamieмо ñúefue mai cai daíilli. Juzíñamui mámedo bitímie caimare íiteza. Juzíñamuimo ebíredí fue cai mamelli, —daidíaíoi.

¹⁰ Jesús Jerusalemo jofo jailla llezica afe jofue comíni diga rafue júfidotiaíoi. Diga comíni afémie dibénedo jicánotiaíoi:

—¿Bie bu? —daízitiaíoi.

¹¹ Jira jíáímaci daidíaíoi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraíma, —daidíaíoi.

Jesús Juzíñamuimo gairíraco ráfua izói ñue finode

(Mr 11.15-19; Lc 19.45-48; Jn 2.13-22)

¹² Afe mei Jesús Juzíñamuimo gairíraco jofo jaillano, afeco eromo ite ráaniai fecáдино naa íbároidínori jino jíude. Afénoмо ite úcube méidofiredíno táíjinabani Jesús oni cáicoide. Daje izói fíicirillaí fecáдино íaíoi ráíracuai Jesús oni cáicoide. ¹³ Afémacina daide:

—Juzíñamui Cuegáuai daide: “Cue jofo daa cuemo úrifíracona íite.” Mei íadi bicona merírifiredíno jofo izói finódiomoi, —daide.

¹⁴ Afe Juzíñamuimo gairíraco Jesús illa llezica dáarie uínidímiaí, naa ídainidíno Jesumo bitíaíoi. Afémie afémacina jíllotate. ¹⁵ Mei íadi lletáriraini illaini, naa ocuica uai llófuetínori Jesús uaido dáinamona comuídena cíoillano

rícaidiaioi. Daje izói afe gairíraco eromo ite úruiai Juzíñamuimo caimátailla uai cacáillano bimaci iere rícaidiaioi. Mei afe úruiai daidiaioi: “Jai ai illa ma David-mona comuítagamie iere ebíredeza,” daidiaioiza. ¹⁶ Jira bimaci rícaillano Jesuna daidiaioi:

—¿Baie úruiai úrillana cacáñedio? —dadiaioi.

Jira Jesús íai oi uai ote:

—Cacádícue. ¿Bie rafue úrilla cúeina uaina facadóñedi omoi? Afe jai ai David daina uai Juzíñamuina bie izói daide:

Uruiai ebire ñúefuena óiena jae rotátatio, —afe daí Jesús íai oimo llote.

¹⁷ Afe mei ie jicánotinona fáicanocaillano Jesús oni Jerusalémona Betania jófue mo íniaide.

Jesús lliziñede higuera daina amena faidode

(Mr 11.12-14, 20-26)

¹⁸ Afe jítiramo Jesús meine Jerusalemo bítemo iere jufínaite. ¹⁹ Afe io abiri higuera daina aménana cide. Jesús afénomo áinozide, afena llizilla riéllena. Mei íadi llizíllajiaina inédeza, daa ie íbiaina cide. Mei jira Jesús afe higuérana daide:

—Jaca benómona lliziñeítio, —daide.

Daí daina llezica afe higuera dúide. ²⁰ Ie llófuegamaci áfena cíoillano fáigacaidiaioi. Iemo Jesumo jicánotiaioi:

—¿Nie izói ite bie higuera amena raire dúilla? —dadiaioi.

²¹ Jesús íai oi uai ote:

—Uáfue na ómoína daidícue, ua o ínoiadi daa bie aménamo cue fínua izói finóredi omoi, íemo jíái afe baimo aillo finóredi omoi. Bie caifóneduna “Caifo áijicaillano oni monáillaimo báizai” o dáíadi, afe bie caifónedu o uai jeire uano, oni dinomo baízaité. ²² Juzíñamuimo omoi úrilla llezica, ua o ínoia nana omoi jicácana ñue llínoitio moi, —daide.

Illáicomini Jesús ocuífírena ríino jicánotiaioi

(Mr 11.27-33; Lc 20.1-8)

²³ Afe mei Jesús Juzíñamuimo gairíracomo jofu jaide. Jaillano afénomo llófue marite. Afe llezica lletáriraini illaini naa judíuai eicomíniri Jesumo jicánuaidiaioi:

—¿Níe ríinodo o raana finófi redio? ¿Afe ríino bu mei omo fecaca? —dadiaioi.

²⁴ Jira Jesús íai oi uai ote:

—Cuemo omoi jicánua izói, ómoimo daafue jicánoitícue. Cue jicánolle uai ñue omoi óiadi, bie raa cue fínua ríino ómoimo llóitícue. ²⁵ Mei Juan ¿bu comini bautizallena ocuica? ¿Meita Juzíñamui ocuica? ¿Mei nibai comini ocuica? —daide.

Mei íadi uai oñeno, áfena dani conímamo júfidotiaioi; daidiaioi:

—Juzíñamui ocuica cai daíadi, Jesús caina dáíte: “¿Níbái mei afémiena ínoñedi omoi?” ²⁶ Mei jíáfodo, comini ocuica, cai daíadi, comínina jacíruiticai; mei nana comini “Juan Juzíñamui dibénedo úrifirede” daidiaioiza.

²⁷ Iemona bie izói Jesuna daidiaioi:

—O jicánoga jaca onóñedícai, —dadiaioi.

Jira Jesús íai oina daide:

—Daje izói bie raa cue fínua ríino ómoimo llóñeítícue, —daide.

Mena jító íaillinoi illa izoide rafue

²⁸ Daií daina mei, Jesús íaioina daide:

—Bíena ¿nie izói daidíomoi? Daa iima mena jitórede. Iaillinoi moo dámienna daide: “Cue jitó, mai cue jíricore illánomo táijizairi,” daide. ²⁹ Afe jitó uai ote: “Jáiacañedicue.” Mei íadi afe mei ie comeci jíáfodo fácano, afénomo táijizaide. ³⁰ Afe mei afe moo jíáie jitomo úrizaide. Daje izói íena daide. Iemo bie jíáito íena daide: “Jíi, táijizaiticue.” Mei íadi afémie táijizaiñede. ³¹ Meita bie ménaillinoimona ¿nie jitó ie moo jitáinana fínua? —daide.

Jira íena daidíaiói:

—Nanóidimie, —daidíaiói.

Jira Jesús íaioina daide:

—Uáfueña dáitícue, gobierno jícatáfirega úcube llínotino, naa ímamo jíruírefirede ringóniari naa jíáie afe izoide fiénidino Juzíñamui illáimana illánomo raire omoi uícodo jáitiaíoi. ³² Mei nauí Juan Bautista ñue omoi íllena llófuiaibite, mei íadi áfena íñoñediomoi. Mei jíáfodo afe úcube llínoraini naa jíruíredingotíari ie dánana ínotiaíoi. Mei íadi omoi baimaci comeci ífue méiduana cíodiomoi íadi, afémiemo ínollena omoi comeci ítífuiaina méidoñediomoi, —daide.

*Fiénide táijinamací izoide rafue
(Mr 12.1-12; Lc 20.9-19)*

³³ Mai bie jíáie ráfueño omoi cácarei. Jacafai naama jíricojiai éroide úvaiai rillino fínodo. Fínuaño afeno nágafene cirínote. Cirínuaño afe úvaiai zaizíllico fínodo. Afe llezica caífo jíca tígicaco nite nana afe rigániaimo ñue rairuíllena.

Afe mei afémie afécaie ie úiñotimacimo fecade, ie biñena dino. Afe dígamona íemo íbádiaíoi. Daií fécano afémie jíáie éniemo jaide. ³⁴ Afe mei úvaiai llizille llezica, ie ocuífiregano orede, náamamo dúide díbene jícallena. ³⁵ Mei íadi afe táijidino jacafai naama orécano llaitádiaíoi. Llaitano dámienna rázido fatíaíoi. Jáimiena titádiaíoi, íemo jíáimiena nófienna níjidiaíoi. ³⁶ Ie mei jacafai naama nane jíáie ocuífiregano orede. Nano fueñe ória baimo orede. Mei íadi afénomo táijidino daje izói nane nana afémacina fiéni finódiaíoi.

³⁷ Iiraínoño afe jacafai naama ie jitó orede. “Afémiena níbai caimare náfueitiaíoi,” daide. ³⁸ Mei íadi naama jitó bíllana cíoillano afe táijidino conímana daidíaiói: “Bímie bie énie uire máíñoitimie. Mai cai fallí. Afe mei bie énie dani cáieiteza,” daidíaiói. ³⁹ Afe mei afe jitó llaitádiaíoi. Llaitano jacafai baimo uillano íena titádiaíoi.

⁴⁰ Mei jira Jesús jícanote:

—Afe jacafai naama billa llezica, afénomo táijidinona ¿nie izói níbaite? —daide.

⁴¹ Jira íena daidíaiói:

—Afémie afe táijitatinomo dúecaiñeno íaioina títaite. Afe mei jíáie ñue táijidinomo ie énie nano íanori fécaite, mei náamamo dúina díeze llizillají raire afémiemo izájífireitiaíoiza, —daidíaiói.

⁴² Jira Jesús daide:

—¿Cue díbéneo Juzíñamui Cuegáuaina jíca facádoñediomoi? Aféuai bie izói daide:

Jofo níraíni jámairuillano oni fádoica jíaíllirai ja ñuera jíaíllirai izóidena jaide.

(Bie daííacade comíni jámairuillano ruíffruigamie ja ñuera jíca jalleide illáimana jaide.)

Bie cai Moo Juzíñamui finoca.

Afefue íere caimo ebire cacaide.

⁴³ Mei íadi ómoína dáitícue, Juzíñamui illáimana ómoimona oni bairolle. Afe mei Juzíñamuimo duide dibene ízaifiredinomo ie illáimana fécaite. ⁴⁴ Iemo afe nofici dainámiemo éicitaitimie niné tibérotaita. Iemo afe nofici jíáimie mo baiíadi jízefo izói afémiena fínoite, —daide.

⁴⁵ Lletáriraini illaini naa fariséuairi Jesús afe izoide ráfuiai llúana cacáillano daidíai, “Afémie ico caído úrite,” daidíai. ⁴⁶ Iemona afe Jesuna llaitáacadiaí, mei íadi comínina jacíruillano llaitáñediaí. Mei nana comini, “Jesús Juzíñamui dibénedo úrite,” daidíai.

22

Airena llezica fínoca ráfue mo mameca uai

¹ Jesús nane dáanomo úrizaide. Afémie jíáifue mo mameca uaido úrizaide. Iaióina daide:

²—Monamo ite Juzíñamui illáimana illirui bie izoide. Illaima ie jító áirena llezica rafue fínua izoide. ³ Ie ocuífregano orede, nauí uícodo llogano jíirillena. Mei íadi afe uáidogano bíacañediaí. ⁴ Ie jira afémie jíáie ocuífregano dáanomo orede. Uáidoganona bie izói daiíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfue mo mai nana omoi biri.” ⁵ Mei íadi áfemo irázillena llogano náfueñediaí. Afémacimona dáamie ie jacáfaimo jáizaide. Jíáimie ie ráaie oni fécajide. ⁶ Jíáimaci illaima oreca jírizaidino llaitádiaí. Lláitano íaióina duere finoda titádiaí. ⁷ Jira afe illaima iere ríicaide. Ríicaillano ie úiñote fuiríraini orede, ie orécano fatino titállena; afe llezica afémaci jofue jobáillena. ⁸ Afe mei nane jíáie ie ocuífreganona daide: “Airena fue ñue finoca. Mei íadi fueñe uáidogano fieni itíaióiza bínidiaí. ⁹ Iemona jofue cígido macáraomo omoi jai. Afénomo nana o cíoillimacina irázizaíbiri o daiíri,” daide. ¹⁰ Iemona afe ocuífregano jino macáraomo jáidiaí. Jaillano nana íaióí cíonamacina: “Íráizizaíbiri,” daidíai. Fiénidino naa ñúemaciri nana dáanomo íaióina gairítate. Afemona irázizillico ja comínina oruide.

¹¹ Afe mei afe illaima ie jíiriganona onóillena jofo jaide. Iaióimo eroilla llezica daa áirena ráfue mo jíatífregaroi jítaíñedimiena cíode. ¹² Jira íena daide: “O áirena ráfue mo jíatífregaroina jítañeno ¿o nie izói jofo bitio?” daide. Mei íadi afémie uai ollúuai íñede. ¹³ Ie jira illaima güirábanimo tájídina daide: “Bímie riire omoi maiíri; maiáno afémie jino jítifomo dotari. Afénomo afémie duere éheiteza, daje izói izírenari murímuriteza,” daií afe illaima ocuide. ¹⁴ Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

Gobierno íbátaga úcube rafue

(Mr 12.13-17; Lc 20.20-26)

¹⁵ Iemona fariséuai Jesús úrilla uai féitaiacadiaí. Féitajano fiénidífue afémie mo jóoneacadiaí. Afe izói finóllena dáanomo maméritiaí. ¹⁶ Iemona afémacimo jaináidino, daje izói naa Heródesmo jaináidinori Jesuna daiíllena orédiaí:

—Llófueraima, onódicaiza ua rafue daiífredio. Daje izói Juzíñamui diné cai jáillio uáfue na llófuefredio. Afe llezica comini daináuaimo náfuefinidio. Iemo jino cíoidífuiaina comínimo riire jícanoñedio. ¹⁷ Ie jira o comeci dainafue jino caimo lloiri: ¿Romano jamánomoidillaima íbátaga úcube íbádicaínia ñuera? ¿Ñibai fiénide? —daidíai.

¹⁸ Mei íadi Jesús afémaci facátamarillana onode. Jira íaióina daide:

—Comeci íairena mei abina ñue cíoidinodiomoi. ¿Ñibái mei cuena jíitaiacadiomoi? ¹⁹ Afe íbátafirega úcubetuni cuemo ácata, —daide.

Iemona daa denario daína úcubetuni atídíaioi. ²⁰ Afena cíoillano Jesús íaiomoi jícanote:

—Afétunimo ¿bu uieco jana illa? Iemo afétunimo ¿nie come mámecei cúeina? —daide.

²¹ Ie uai otíaioi:

—Romano jamánomoidillaíma mámecei illa, —daidíaioi.

Jira Jesús íaiomoi na daide:

—Jamánomoidillaímamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

²² Afena afémacei cacáillano íere fáigacaidiaioi. Iena zóofiano oni jáidiaioi.

Tiide comini meine abido cáaillena jícanotiaioi

(Mr 12.18-27; Lc 20.27-40)

²³ Aféruido saducéuaimona dáarie Jesumo úrizaidiaioi. Saducéuai: “Tíidino meine abido cáaiñeite,” daíífrediaioi. Afe daí Jesumo jícanuaíbitiaioi:

²⁴ —Llófueraíma, Moisés caimo cuetá fiécabemo daide: “Daa come tíia, afémie ama íe fecíngona órede, afémie úruiaí íe tíide ama méifomo comuíllena.”

²⁵ Mei nauí caí cígímo siete diga ámaredimíiaína íte. Nanóidimíe áíreillano nai úruenidemo tíide. Tíillano íe méifoide ama afe fecíngo ote. ²⁶ Iemo daje izói afémieri íficaide. Afe mei nane jíáimíe daango ote. Afémíemo daje izói íficaide. Daíí fiébiñeno nana fuitíaioi. ²⁷ Afémacei nana tílla méifomo afengo nane tíide.

²⁸ Iemona tíidino meine abido cáaillíruimo, mei siete dígamíe daango óteza, ¿afengo nie íima aína mámeite? —daidíaioi.

²⁹ Jira Jesús íaiomoi uai ote:

—Juzíñamui Cuegáuai naa afémíemo íte ríinori omoi onóñenamona fienu íritiomoi. ³⁰ Tíidino meine abido cáaillano áínitiaioi. Daje izói jíáínomoi íaiomoi jízaníai íníreitañeítiaioi. Mei jíáífodo monamo íte Juzíñamui abí ímací ízoítiaioi. ³¹ Mei íadi tíidino meine abido caana díbénedo ¿afe Juzíñamui ómoímo Cuegáuaina facádoñediomoi? Afémíe bie izói daide: ³² “Dáaruído Abraham Juzíñamuidícue, naa Isaac, Jacob diga,” mei afémacei Juzíñamui illánomo cáadiaioíza. Mei uáfueza, Juzíñamui tíidino íeñede mei jíáífodo cáadino íe, —daide.

³³ Daíí Jesús dáínana cacáillano comini íe llófuemarillari fáigacaidiaioi.

Íere jamánomo íñnorega caímo ocuina uai

(Mr 12.28-34)

³⁴ Fariséuai Jesús saducéuai llícaítajana cacáillano, dáanomo gairídíaioi.

³⁵ Afémacimona daa ocuica uai llófueraíma Jesús facátaíacade. Jira íemo jícanote:

³⁶ —Llófueraíma, nana ocuica uáillaímona ¿núuaina jamánomoina? —daide.

³⁷ Jira Jesús daide:

—“O Juzíñamui nana o comécido izírui, naa o joréñori, íemo o ífoci úrillado.”

³⁸ Aquíe uai nana ocuica uáillaímona jamánomoina. Afe uai raíre uícodo íñnorede. ³⁹ Afe méifoide uai daje izoide. Aféuai daide: “Dama o abina o izírui ía izói, afe izói o jíáíe cómena izírui.” ⁴⁰ Bie ménade ocuilla uai nana Moisés ocuilla uailaí jillací. Daje izói Juzíñamui uai jino llóraíni llócaiga uai bíemona comuide, —daide.

¿Mei bu jíto Cristo?

(Mr 12.35-37; Lc 20.41-44)

- ⁴¹ Afe fariséu*ai* nai dáanomo ití*ai*oimo, ⁴² Jesús í*ai*oimo jicánote:
—¿Cristomo nie izó*i* comécido daidíomoi? Afémie nano ie comúitaimie ¿mei bu? —daide.
Jira íena daidí*ai*o*i*:
—Afémie Davidmona comúitagamie, —daidí*ai*o*i*.
- ⁴³ Iemona Jesús í*ai*o*ina* daide:
—Mei ¿nie izó*i* David, Juzíñamui Ñuera Joreño llúado afémie jítone “Cue Ocuíraima” daírede? David daí daína uai cúeina:
⁴⁴ Monamo ite cai Moo Juzíñamui cue Ocuíraimana daide:
“Bené cue nabézimo o ráiiri, o éoigamac*i* cue anáfenolle dino.”
⁴⁵ Mei David afémiena “Cue Ocuíraima” dá*i*adi, ¿nie izó*i* Cristo Davidmona comúidimiena maméirede? —daide.
⁴⁶ Daí daína uai buna ónide. Iemo aféruimona jí*ái*e facátalle jicánua uai maméñediao*i*.

23

*Jesús fariséu*ai*mo naa ocuica uai llófu*e*tinori í*ai*o*i* f*é*nidifue llote
(Mr 12.38-40; Lc 11.37-54; 20.45-47)*

- ¹ Afe jira Jesús nana comínina naa ie llófuegamaciri daide:
² —Ocuica uai llófuefiredino naa fariséu*ai*ri Moisés ocuica uai jino llóllena maméca*ai*o*i*. ³ Afemona afémac*i* llógana jeire omoi oíri. Daje izó*i* nana afémac*i* ómo*ina* dáinana náfu*er*i. Mei íadi afémac*i* illa izó*i* iñeno iri. Mei comínimo í*ai*o*i* úrilla izó*i* iñediaoiza. ⁴ Afémac*i* comínina iere riire ocuide. Afe í*ai*o*i* ocuica uaina cominí finónide. Mei íadi daní afémac*i* afe ocuica uaina due jiza jetáacañediao*i*. ⁵ Ñúemac*i* daíllena nana í*ai*o*i* finócafu*ai* cominí eróicana taino finófirediao*i*. Daje izó*i* ñúemac*i* daíllena Juzíñamui uai cúeina ozócimo jítajana gáidiao*i*. Afe izó*i* afe uai jí*ái*mac*i* ie ónoimo maitá úcaillena gáidiao*i*. Iemo jí*ái* í*ai*o*i* jítáfirega áre*er*o*i* fuemo ite ebire cíoillena jí*ái*mac*i* baímo finórfirediao*i*.
⁶ Iemo ráfue*er*o í*ai*o*i* güizá*ji*adi afémac*i* ñuera ráillinuai jenófirediao*i*. Daje izó*i* Juzíñamui uai llorácomo í*ai*o*i* jáiadi illainí ráiranuai jenódiao*i*. ⁷ Afe izó*i* jino jofue cígimo ite macáraodo í*ai*o*i* jáiadi, cominí caimare í*ai*o*i* uáiduana gáidiao*i*. Daje izó*i* “Cai Llófueraimadio” dáinana gáidiao*i*.
⁸ Mei íadi “Cai Llófueraimadio” daí daítañeno iri. Mei nana omoi ámatia*i*; íemo jí*ái* omoi Llófueraima jaca daade; afémie Cristo. ⁹ Afe izó*i* bie éniemo buna cue Móo*er*o daítañeno iri. Mei omoi Moo dáadeza. Afémie monamo ite. ¹⁰ Daje izó*i* jí*ái*macina “O cai Illáimadio” daítañeno iri. Mei o Ocuídime dáadeza. Afémie Cristo. ¹¹ Omoimona jamánomoidimiena jí*ái*mana canófiredimie. ¹² Mei uáfueza, jamánomo abí jacire mamédime jamáimiena jáite. Mei jí*ái*fodo abí íinoñeno jiba cómedicue daidíme jamánomoidimiena jáite.
¹³ Ocuica uai llófu*e*tino naa fariséu*ai*ri, comécina íairena mei abina ñue cíoidiomoiza, ¡n*ii* omoi dúerena! Mei cominí jofo jáiñeillena, monamo ite Juzíñamui illáimana illano nazena íbáifrediomoi. Mei diga Juzíñamui ñue ocuícacu*ai* lluano, aféfuiaina abido náfueñediomoiza, daní o illafue ñue jaícina jóiñena jira. O lloga iodo uáfue*er*o jáiñedioza. Afe llezica afénomo jofo omoi jáiacañediomo*i*. Daje izó*i* afénomo jofo jáiacadino rairuídio*er*o.
¹⁴ Ocuica uai llófu*e*tino naa fariséu*ai*ri, comécina íairena mei abina ñue cíoidiomoiza, ¡n*ii* omoi dúerena! Fecíngotia*i* jofónia*i* bairófirediomoi. Afe llezica ñúemac*i* daíllena cominí eróicana Juzíñamuimo are úrifrediomoi. Ie jira omoi jí*ái*mac*i* duere zefuille baímo duere finólliomoi.

15 Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Nágagobiaido jáidiomoi daa come omoi íinoga uai dibénemo omoi itátallena. Itata mei, afe come omoi baimo fiénidimiena oréidiomoi. Iemona omoi afémieoiri, comini duere finolle iraimo zíñona duere zefuillena mamécaomoi.

16 Uina cíoiñede io ifódino izóidiomoiza, ¡nii omoi dúerena! Comínina bie izói daiífirediomoi: “Daa come iere uafue daiíllena, Juzíñamui ico mámecei llínoiadi afefue ráañede. Mei íadi afémie afécomo nitaca oro mámecei llínoiadi ie daina uai jeire órede,” daidiomoi. 17 ¡Abina onóñede uínidino izóidiomoi! ¿Ñie mei jamánomoina? ¿Meita afe jamai oro? Ieñedeza. Mei afe oro Juzíñamui ico jóniamona ñuera raana jáideza. 18 Nane jiáifue daiífirediomoi: “Daa come iere uafue daiíllena, altar daina Juzíñamui íena rille fecárabani mámecei llínoiadi afefue ráañede. Mei íadi afémie afénomo fecaca raa mámecei llínoiadi ie daina uai jeire órede,” daidiomoi. 19 ¡Abina onóñede uínidino izóidiomoi! ¿Ñie mei jamánomoina? ¿Meita afe fecaca rille? Ieñede. Afe Juzíñamuimo fecárabani afénomo fecaca raana ñue finode. 20 Mei jii, Juzíñamui íena rille fecárabani mámecei llínotimie daa afe ibani llínoñede, mei jiáifodo nana afébanimo fecaca raana llínote. 21 Daje izói Juzíñamuimo gairíraco mámecei llínotimie daa afe gairíraco llínoñede, mei jiáifodo afeco ite Juzíñamui mámecei llínote. 22 Nane daje izói iere uafue daiíllena mona mámecei llínotimie, Juzíñamui illáimana ráirano mámeceina llínote. Daií llínua llezica Juzíñamui mámecei llínote, mei afe Juzíñamui afénomo ráideza.

23 Ocuica uai llófuetino naa fariséuairi, comécina nai íairena mei abina ñue cíoidiomoiza, ¡nii omoi dúerena! Nana omoi ríganiamona jamánomo jéenide rábiaina Juzíñamui íena oni jónefirediomoi. Menta daina jéenide rábiai, naa anis daina dúebiai diga, íemo jái comino daina rábiai facádota oni eneno jónetiomoi. Mei íadi ocuica uáimona jamánomo jitáiredifuiaina náfueñediomoi. Afe jitáirediui be ñie: come comecei jáicina jóoinana, íemo jiáimaci dúecaifirena, íemo Juzíñamuimo ínofirena. Nai afe jiáifuiai omoi zóofeñena llezica, afe bífuiai raire fueñe jeire órediomoi. 24 Táino omoi llúamona uina cíoiñedino io ifódino izóidiomoi. Ráañede uáillaimo iere izire nícidofirediomoi, mei íadi jamánomoide ñuera uaimo náfueñediomoi.

25 Ocuica uai llófuetino naa fariséuairi comécina nai íairena mei abina ñue cíoidiomoiza, ¡nii omoi dúerena! Mei jiróraco naa plato diga jinófene ñue jocódiomoi, mei íadi afe ero dinena íairede. Daje izói comini cíoicana abi ñue finódiomoi, mei íadi omoi comecei dine merírilla, naa jiáie comini raa báiruamona ógana oruide. 26 Uina cíoiñede fariseo ímie: Mai jiróraco naa plato diga ero jócuia izói omoi illafue ñue méidori. Iemona omoi comecei ñúefuiaina oruíbicaite. Afemona afe jiróraco jinófene íainina izói, afe izói omoi jinófene íainiteza.

27 Ocuica uai llófuetino naa fariséuairi, comécina nai íairena mei abina ñue cíoidiomoiza, ¡nii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero dine tíidino ícuruaina oruide, nana jiáifoide íáiredinuii diga. 28 Omoi comecei dine afe izóidiomoi. Comini eróicana jinófenena ñue cíoidinodiomoi. Mei íadi comecei dine jiáimacina fiene jífuefirenana oruide, íemo jiáie fiénide uáillaina oruide.

29 Ocuica uai llófuetino naa fariséuairi, comécina nai íairena mei abina ñue cíoidiomoiza, ¡nii omoi dúerena! Mei jaii Juzíñamui uai jino llóraini raiafo

ebire finófirediomoi. Daje izói jaii ñue itino emódomo jónega noñibicina ebire finódiomoi. ³⁰ Daií finuano daiífirediomoi: “Cai jáiaigima illáruillaído itícainia, afe Juzíñamui uai jino llórainina fatátañedicaí,” daiífirediomoi. ³¹ Daií daínado afe Juzíñamui uai jino llóraini fatino erófene igímadicaí daidíomoi, —daide. Jira Jesús afémaci diga icírillano bie izói daina:

³² —¡Omoi jáiaigima taineca fiénidifue ñue ícoimo omoi fuitari! —daide.

³³ Jesús nai afémacimo úrite:

—¡Jaióniaí izóidiomoi! ¡Omoi nairai titade jaizai izoide! ¿Mei ñie izói duere finóbille iráimona jílloitiomoi? ³⁴ Afe jira Juzíñamui uai llóraini, íemo iere baitáðino naa llófuefiredínori ómoimo óreitícue. Mei íadi afémacimona dámerie titaitiomoi. Daje izói jáíimacina córaitiomoi. Iemo jáíimacina Juzíñamui uai lloraco eromo rázido fáitiomoi. Iemo jáíimacina naga jófuaído rácaitiomoi. ³⁵ Daií omoi íllamona nana jaii ñúemaci titáfírena ícoiniadi ómoimo daií íficaite. Uáfueza, jaii Abel fáinamona benomo Berequías jitó Zacarías omoi faja llezica, nana afémaci ícoinia duere zéfuitiomoi. Juzíñamuimo gairíraco íemo Juzíñamuimo rille fecárabani dáafenedo afe Zacaríana fatíomoi. ³⁶ Uáfueña ómoína dáitícue, nana bie fagano ícoinia birui itino duere zéfuitiaíoi.

*Jerusalén jófueri Jesús eede
(Lc 13.34-35)*

³⁷ Jerusalén comínimo dúecaidícue. Juzíñamui uai llórainina fáfirediaíoi. Daje izói Juzíñamui orécanona nóñena níjidiaíoi. Diga icaiño átava ie úruiaí íaícona bícuá izói íaíoi ríidoiacadícue. Mei íadi íaíoi cue ríiduana gáíñediaíoi. ³⁸ Cacaí, Juzíñamui ómoína zóofeiteza. ³⁹ Mei ómoína daidícue, meine abido cuena cíñoñeitiomoi. “Juzíñamui mámedido bitímie ñue finóbilleza,” omoi daílle dino cuena cíñoñeitiomoi, —dínó Jesús úrite.

24

*Juzíñamuimo gairíraco júdaizille Jesús llote
(Mr 13.1-2; Lc 21.5-6)*

¹ Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaíoi.

² Mei íadi Jesús íaíoi uai ote:

—¿Bie nana cíódiomoi? Uáfueña ómoimo llóitícue. Bie niroca nóñie daa fiébiñeno nana niné jújicaite. Afeno jofue nana niné táinocaite, —daide.

*Enie fúiacana cai onuille rafue
(Mr 13.3-23; Lc 21.7-24; 17.22-24)*

³ Iemona Olivo daina ídumo jáidiaíoi. Afénomo Jesús ráinana mei ie llófuegamaci báinino íemo jicánotiaíoi:

—O daina jofue niné táinocaillifue, ¿ñiruído daií zúite? Afena cai llone. O meine bíllena cai onótaite raa, ¿ñie izói eroide? Daje izói éñie fúillena ¿ñie izói onóiticaí? —daidíaíoi.

⁴ Jira Jesús íaíoi na daide:

—Comini omoi jífueiza abí rairuiri. ⁵ Mei diga comini cue mámedido billano “Crístodícue” dáitíaíoi. Afémaci aillo comínina jífueitiaíoi. ⁶ Aillo jobáirillana fídiitiomoi. Dáarie áinori cácaitiomoi, íemo jáíiena jica cácaitiomoi. Mei íadi áferi jacínaiñeno omoi iri, mei daií íficairedeza. Mei íadi éñie fuillíruíñede. ⁷ Mei jii daa nairai jáíie nairai diga fúirite. Iemo daa éñie jáíie éñie comini diga jobáiritiaíoi. Afe llezica aillo náraiaí júbietaitiaíoi, íemo aillo dúicuaí íite, íemo

ñuizaingo diga ígobiana ñúite. ⁸ Comini duere zefuíllemona nana bífuiaí como tainéinafue.

⁹ Afe llezica ómoína duere finóllena fécaitiaíoi. Duere finoda ómoína títaitiaíoi. Cue ícoinia nana comini ómoína éoitiaíoi. ¹⁰ Aféruillaído aillo comini Juziñamui mo ínuana féitaitiaíoi. Dani conimana éoitiaíoi. Daje izói conimana fállena fécaitiaíoi. ¹¹ Afe llezica taino llotino iere íite. Afémaci: “Cai bie Juziñamui dibénedo úriticai,” dáititiaíoi. Afémaci aillo cominina jífuecana uite. ¹² Aféruimo diga fiénidífuiaí comuillamona, aillo comini conimana izíruillana féitaitiaíoi. ¹³ Mei íadi fuitállinomo ñue nífuenino íitimie jíllote. ¹⁴ Iemo afe bie Juziñamui illáimana illano ñuera rafue nágagobiaído llóitiaíoi, nana náiraiaí áfena onóillena. Afe mei énie fuillíruimo dúciite.

¹⁵ Jaiaí Juziñamui uai jino llóraima Daniel, íraíruimo biite íaire fínuaíbitimiedo úrite. Afe bíitimie diga ráaniaina táinocaitaite. Afe fiéni fínuaíbitimie Juziñamui gairíracó eromo ite rairuírede ñúenomo jáillana o cíoadí, jica botáredíomoi. Bíuai facádotimie afe uaina ñue onoiri. Onóillano abí rairuiri. ¹⁶ Afemona Judea éniemo itino oni caifóneduaímo botárede. ¹⁷ Daje izói daa come ie jofo caifófebanimo íadi, ie jofo eromo ite raana jofo jaillano bairóñeno afénomona bótaiteza. ¹⁸ Daje izói jacáfaimo íitimie abído ie jofomo ite inícuiruaína uáibiñeite. ¹⁹ Aféruillaído namócingotiaína, jñí dúerena! Daje izói monoi jirode úrue llíidingotiaína, jñí dúerena! ²⁰ Nocíruillaído jino o bótañeillena, Juziñamui jicari. Daje izói ocózinaillaruimo o bótañeillena o jicari. ²¹ Mei aféruimo iere aillo duere zefuillífuiaí íiteza. Énie comuillanomona bené afe izóidena íñede. Iemo jíái afe méifomo afe izói íñeite. ²² Mei jíí, aféruillaí Juziñamui due mozíñoñedenia buna jíllóñena. Mei íadi ie nizécanona izíruillano, aféruillaína afémie nano íanori mozíñoite.

²³ Iemona dáamie ómoína: “Be Cristo,” daííadi, daje izói: “Cristo batí ite,” daííadi afémiemo íñoñeno omoi iri. ²⁴ Mei Crístono abí mamede jífueridíno bíiteza. Daje izói afémaci: “Cai bie Juziñamui dibénedo úriticai,” dáititiaíoi. Afémaci uaido dánamona áillue comuídena fínoitiaíoi, naa fáigacaitade ráaniaíri. Afedo cominina jífueiacadiaíoi. Dama Juziñamui nizécanona jífuefillena facátaitiaíoi, mei íadi jífuetañeitiaíoi. ²⁵ Ja nana bífuiaí uícodo ómoímo llotícueza. ²⁶ Ie jira: “Ero bai batí táizicímo Cristo ite,” afémaci daííadi aféno mo jííñeno omoi iri. Daje izói: “Ero, bico eromo Cristo ite,” daííadi afémiemo íñoñeno omoi iri. ²⁷ Mei ameo fuírí llairilla llezica jica afáífene ícoímo cíocailla izói, afe izói cue billírui jica cíocaizaíbite; Nanoide íima Jitódícueza. ²⁸ Iemo inóniaí gairízaífirenamona rille rifáillanona ñue omoi onona izói, afe izói abído cue cíocaillemona raire ómoína duere finóllena uáfueña ónoitiomoi.

Nanoide íima Jitó Cristo billírui nie izoite
(Mr 13.24-37; Lc 21.25-33; 17.26-30, 34-36)

²⁹ Afe duere zefuillírui záailla méifomo, jítoma dúite. Daje izói fiui égaiñoñeite, íemo jíái ucúduai monámona ana cóciitiaíoi. Afe llezica nana monamo itínuaí riire mozíoide ráaniaí niráiricaite. ³⁰ Afe mei Nanoide íima Jitó Cristo bille jana monamo cíocaite. Afena cíóillano nana énie nairaí éenaitiaíoi. Nanoide íima Jitó Cristo ana billana cíoitiaíoi. Afémie mona ero uílliedo bite, naa íemo ite ríino naa ebíredíno diga. ³¹ Afe mei ie abí imaci óreite, afémaci riire bainada fúullemona nana Juziñamui eneno nizécano nágafeniamona dáanomoi jíirillena. Iemona jica énie fuédaíaimona, íemo énie enéfeniamona bíitiaíoi.

³² Higuera daina aménamo mamécafueña omoi onoiri. Ie onócairo como fueñe zícua llezica, ja fimona ánozide, daidíomoi. Daje izói afe amena rábiai jino firuilla llezica, ja fimona ánozide daiífiredíomoi. ³³ Afe izói jitoma dúilla, íemo afémonado nana jáie zuide raa omoi cíoiadi, íirairui ánozillana ónoitiomoi. “Ja dúciacade,” daiiredíomoi. ³⁴ Uáfueña ómoimo llotícue, bigíma nai tíñeille llezica nana bie raa jino zúite. ³⁵ Mona énie díga fuite, mei íadi cue uaillai jaca fúíñeite. Cue lloga raa nana zúite.

³⁶ Mei íadi cue billirui ónoñega. Daje izói cue bille hora buna onóñena. Juzíñamui abi imaci onóñediaíoi. Daje izói Juzíñamui Jitó áfena onóñede. Dama Moo Juzíñamui ónoiga.

³⁷ Noé illágimamo comíni fiéni illa izói, afe izói Nanoide fima Jitó billíruimo comíni dai ítiaíoi. ³⁸ Aféruillaído aillo noci nai bíñena uícodo, comíni Noé llogáuaimo náfueñeno daa güilla llotíaíoi. Güillano jirófirediaíoi. Afe llezica íaíoi fiéni illafue meídoñeno, áreoidiaíoi, íemo íaíoi jízaníai iníreitaoidiaíoi. Jaca dai ítiaíoi abina Noé áillue nocáe eromo jaide. ³⁹ Íaíoi duere zefuíllemo due jiza comécíñediaíomoi áillue noci íaíomoi bíide; áferi coróbaizidiaíoi. Nanoide fima Jitó billirui afe izói íite. ⁴⁰ Aféruimo mena íima jacáfaimo illa llezica, afe íaillínoímona dáamie Juzíñamuimo ínotímie caífo monamo uille, ie mei jáímie fiébicaite. ⁴¹ Daje izói mena ringo trigo lláia llezica, daango caífo uiga, jáíango fiébicaite.

⁴² Caade izói abí omoi onoiri, mei cai Ocuíraíma billirui ónoñegaza. ⁴³ Mei íadi bífueña onódiomoi; jofo naama merírizaíbitímie bíllana onóadi, afémie ie jofo rairuillano iníñeno cáate. Dai afémie merírizaíbitímie ie jofona tuíñotañeite ie raa meríllena. ⁴⁴ Ie jira jica ía abí ñue omoi finori. Mei due jiza comeci fácañeitiomoi, Nanoide fima Jitó bíteza.

*Ínofírede ocuífíregamie naa ínofínidímie díga
(Lc 12.41-48)*

⁴⁵ Ínofírede ocuífíregamíemo omoi comécíri. Afémie ñúefue baitádimie. Ie ocuídímie nana jofo ero comínina uíñotaite. Güille hóramo dúcia llezica afémie afémacina écaite. ⁴⁶ Naga ie naama ocuícana ñue fínófíredímie afémie billíruimo camare íte, mei íe ocuica ñue fínuana cíozabíteza. ⁴⁷ Uáfueña ómoína dáítícue. Afemona jofo naama nana íe jofo eromo íte ráaniaína afémíena uíñotaite. ⁴⁸ Mei íadi ocuífíregamie fiénidímíena jáíadi, íemo afe llezica: “Cue ocuídímie are bíñeite,” comécído dáíadi, afe ocuífíregamie jaca ínofínide. ⁴⁹ Dai daina mei afémie jáie ócuífíregano duere fínoite. Afe llezica afémie jífáidíno díga güizájite. ⁵⁰ Iemo íe ocuídímie billíruimo afémie comécíñeitemo, íe naama dúciite. Daje izói ocuífíregamie ónoñega hóramo dúciite. ⁵¹ Dúciillano afémíena jamánomo duere fínoite. Afe mei comeci díne nai íáirena mei abina ñue cíoidíno íere duere zefuilla izói, afe izói afémíena duere zefuítáite. Afemona afémie íere éite. Eiano izírenari murímurite, — dínorí Jesús úrite.

25

Diez dígade jítaíngomo mamécafue

¹ Jesús nane jíáfue llote:

—Monamo íte Juzíñamui illáimana illíruí diez dígade jítaíngo izoide. Aféngotíai iníreille ráfueño jáidiaíoi. Jáilla llezica íaíoi mecheraíai uitíaíoi. Ringo otímie íaíoi uáidollena afénomo jáidiaíoi. ² Afénguaimona cinco dígango

finóbiñeno ebena jaide. Iemo jiáie cinco díngango ñue finóbillano jáidiaioi. ³ Afe finóbiñeno ebena jáidingotiai íaioi mechéraiai fuilla mei méidolle íjina uíñédiaioi. ⁴ Mei jiáifodo afe ñue finóbidingotiai íaioi méidolle íjina botéllado uitíaiioi jiái íaioi mechéraiairi. ⁵ Mei afe ringo otímie are biñenamona, nana jitáingotiai ja iníacadiaioi. Iemona ua iníaidiaioi. ⁶ Afe mei dáaferui llezica riire uáidua uai cácaide: “Ringo otímie ja bíteza. Raire afémie omoí uáiduaíri,” daide. ⁷ Afemona nana afe jitáingotiai náidacaillano íaioi mechéraiai unédiaioi. ⁸ Afe llezica afe cinco diga finóbiñeno ebena bitínguai, jiáie cinco diga ñue finóbidingotiaina daide: “Cai mechéraiai ja bóñedeza. Omoimo ite eneno atíca íjimona cai ine,” daidíaioi. ⁹ Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicainia caimo fiébiñede. Afe izói ómoimo fiébiñede. Batí fecáriracomo daní jénuaidíomoinia ñuera.” Jira aféngotiai jáidiaioi. ¹⁰ Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie diga áirena ráfuego jofa jáidiaioi. Afe mei afémie naze ibaide. ¹¹ Íbajilla mei aceite íbajidingotiai dúcidiaioi. Dúciillano daidíaioi: “Ocuíraima, naze caimo tuiño,” daidíaioi. ¹² Mei íadi afémie jofona uai ote: “Uáfueña ómoína onóñedicue,” daide.

¹³ Iemo Jesús nai úrillano daide: Nanoide fima Jitó Cristo billirui ónonideza, iníñeno abí omoí rairuiri. Ie bille mona ónonideza. Daje izói ie dúcille hora buna ónoñega, —daide.

Talenta daína ráifide úcubemo mamécafue

¹⁴ Jesús nane jiáifue llote:

—Monamo ite Juzíñamui illáimana illarui bie izoide. Daa ocuífiredímie oni jiáigobemo jáiacana llezica, ie ocuífregano uáidota íemo ite úcube afémacina úiñotade.

¹⁵ Ocuídímie afémacimona daa cómemo cinco mil úcubetuni fecade. Iemo jiámíemo mena mil dígatuni fecade. Iemo nane jiámíemo daa milna fecade. Afémacimona illa dígamie ie ífoci onona díeze fecade. Daí fécajano oni jiáie éniemo jaide. ¹⁶ Cinco mil dígatuni igámie, afe úcubena afémie níciduamona, afe baímo cinco mil áfemo baí nabaide. ¹⁷ Daje izói mena mil dígatuni igámie afe baímo jiáie mena mil áfemo baí nabaide. ¹⁸ Mei íadi daa milna igámie ie ocuídímie úcube oni énie ífomo retáidote.

¹⁹ Afe mei, are íllamona afe ocuídímie ocuífregamíiai diné meine bite. Billano íaioi úiñoga úcube onóillena afémacimo jícanote. ²⁰ Cinco milna igámie fueñe billa. Billano afe baímo ie nabaica jiáie cinco mil ie ocuídímíemo izáíbite. Izájillano daide: “Cue Ocuídímie, o cuemo iga cinco milna baímo jiáie cinco milna nabáidícueza. Be o diez mil dígatuni,” daide. ²¹ Jira ie ocuídímie íena daide: “Cue ocuícana íere ínofiredío. Cue ñuera ocuícamiedío. Due omo cue fecácana ñue ínotío. Afemona afe baímo jiáiena ona úiñotaitícue. Cue illáimana illánomo mai caímare coco jai,” daide. ²² Afe mei nane mena milna iga ocuífregamie dúcide. Afémie daide: “Cue Ocuídímie, mena milna cue ítio. Afe baí nane jiáie mena milna nabáidícue. Be o cuatro mil dígatuni,” daide. ²³ Jira ie ocuídímie íena daide: “Cue ocuícana íere ínofiredío. Cue ñuera ocuícamiedío. Due omo cue fecácana ñue ínotío. Afemona afe baímo jiáiena ona úiñotaitícue. Cue illáimana illánomo mai caímare coco jai,” daide. ²⁴ Mei íadi afe mei, daa mil dígatuni iga ocuífregamie dúciillano ie ocuídímíena daide: “Cue Ocuídímie, o íere ríimíenana onódícueza. O ríñeganomona jaca ófiredío. Daje izói trigo tuiránomo tájiñeno afénomona trigo ófiredío. ²⁵ Ie jira ona jacíruillano o cuemo iga úcube éniemo cue retáidoga.

Mei íadi o úcube meine cue atícaza. Be ñie,” daide. ²⁶ Iemona ocuídime íena daide: “Fiénide ocuífregamedio. Daje izói ráiraierede ocuífregamedio. Cue ríirenana onódio ia, ¿ñibái mei bie izói itio? Cue ríñeganomona cue ófirenana onódio. Daje izói trigo tuiránomo táijiñeno, afénomona cue ófirenana onódio. ²⁷ Afemona cue úcube jóneranomo fecáredio. Iemo meine cue bíllemo afe úcubena naa jiáie baimo nabáicatuni diga llínoredicue,” daide. ²⁸ Iemona ocuídime afénomo itínona daide: “Bímiemo ite mil dígatuni otá, afe diez mil dígatuni ofítatiemiemo ine. ²⁹ Igámie nane baimo írega. Afemona afémiemo baimo aillo íite. Mei íadi iñegamiemo due íemo ite meine bairórega. ³⁰ Iemo bie ráifiñede ocuífregamie jino jítifomo dota. Afénomo éehteiza. Afe llezica izírenari murímuriteza,” daide. Daí daide Jesús.

Nana náiraiamo izire jicánollirui

³¹ Jesús nai úriode: Mei Nanoide íima Jitó Crístodicueza, illáimana ana cue bille llezica, nana cue abi imáiciai diga bíticue. Billano ebire finoca illaíma ráiranomo ráizaibiticue. ³² Nana nairai comini cue uícomo gairítalliaioi. Afe íaioi bille llezica, ovejai úñoraíma chívuaimona ovéjaíaina oni eneno nízia izói, afe izói Nahí Illáimana cue íllemona nana náiraiaina oni enénorie jóneiticue. ³³ Cue nabézimo ovejai izóidino jóneiticue. Iemo chívuai izóidino cue jarífezimo jóneiticue. ³⁴ Afe mei cue nabézimo itínona dáititue: “Cue Moo ñue finócamaci, mai omoi bi. Juzíñamui énie comúitaja llezica ómoiena mameca illáimana illínomo jofo jai. ³⁵ Mei cue jufíruilla llezica, cuena ecádio. Daje izói cue jiróacana llezica cuena jirótatio. Iemo jiái jífocinino cue mácaja llezica cuena jofo inítatiomoi. ³⁶ Iemo cue inícuironina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méiñuaibitiomoi,” daide. ³⁷ Iemona cue nabézimo ite nífuenidino cuena dáititiaioi: “Cai Ocuíraíma, ¿mei ñirui o jufíruillana cióillano ona ecádicaí? Daje izói ¿mei ñiruído o jiróacana llezica ona jirótaticai? ³⁸ Iemo jiái, ¿mei ñiruído o jífocinino o mácaja llezica ona inítaticai? Iemo jiái ¿ñiruído o inícuironina llezica o iticai? ³⁹ Iemo jiáie ¿ñiruído o dúicotaila llezica o méiñuaidicai? Daje izói llavéracomo o illa llezica ¿ñiruído o méiñuaidicai?” daidíaioi. ⁴⁰ Jira Illaíma cue íllamona uai óititue: “Uáfuenta ona dáititue, nana afe bie comécina mánaide cue ámatiaímo omoi finócafuaí, aféfuíai ja cuemo finódiomoi,” dáititue.

⁴¹ Afe mei cue Illáimana cue ráirano ie jarífezimo itínona dáititue: “Cúemona oni omoi jai. Omoi fieni faidócanodiomoi. Comini zííñona duere finolle iraimo omoi jai. Afe irai Taífe, nana ie abi imaci diga íena finoca. ⁴² Mei cue jufíruilla llezica cuena ecáñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofo inítañediomoi. Cue inícuiro íñena llezica cuena inédiomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. ⁴⁴ Jira afémaci cuena dáititiaioi: “Cai Ocuíraíma, mei ñiruí o jufíruillana ciódicaí, daje izói o jiróacanana, íemo jífocinino o macácana, íemo o inícuiro íñénana, íemo o irárenana, íemo llavéracomo o íllana, ¿mei ñiruído daí o íllana ciódicaí ia, ona canóñedicai?” dáititiaioi. ⁴⁵ Iemona afe llezica íaioina dáititue: “Uáfuenta ómoína dáititue, bie comécina mánaide cuemo jaináidinomona dáamiemo omoi fínoñegafuaíaina, aféfuíaina ja cuemo finóñediomoi,” dáititue. ⁴⁶ Afe mei afémaci zííñona duere finolle iraimo jáitiaioi. Iemo Juzíñamui jónega comécina nífuenidino, caímare zííñona cáallinomo jáitiaioi, —dinori Jesús úrite.

26

Jesús llaitállena maméritiaioi

(Mr 14.1-2; Lc 22.1-2; Jn 11.45-53)

¹ Jesús nana bífuiai llua méifodo, ie llófuegamacina daide:

² —Onódiomoiza benómona ménarui illamona pascua rafue íteza. Aféruido Nanoide ìima Jitó Crístodicueza cruzmo coráillena cuena fécaitiaioi, —daide.

³ Afe llezica lletáriraini illaini, daje izói ocuica uai llófueraíni, naa judíuai eicomíniri dáanomo gairídiaioi. Lletáriraini caifóidillaíma Caifás ñúeco ibírímo gairídiaioi. ⁴ Afénomo Jesús jífuiano llaitállena maméritiaioi. Afe llezica afémie titállena maméritiaioi. ⁵ Mei íadi afémaci daidíaioi:

—Nana comíni áferi fáillifaíllinañeíllena, rafue ana íena lláitañeíticai, —daidíaioi.

Ringo zióredijina Jesús ifo jillaide

(Mr 14.3-9; Jn 12.1-8)

⁶ Jesús Betania jófuego ite. Afémie, chíinaitimíena maméidímie Simón jofomo ite. ⁷ Afe llezica, afénomo daa ringo alabastro daína nofici finoina icítirudo ziórediji uite. Afeji iere ráifide. Jesús güirábanimo ráina llezica, afengo afe ziórede cáirediji Jesús ifomo totade. ⁸ Ie llófuegamaci áfena cióillano ráicaidiaioi. Daní conímána daidíaioi:

—¿Ñibái mei áfeji táinomo fáifitaga? ⁹ Afeji aillo úcube óllena fecárede. Afedo oga úcube, dúeredinomo írede, —daidíaioi.

¹⁰ Jesús daí íaioi úrillana cacáillano íaioína daide:

—¿Ñibái mei bie ringo jífánodoidiomoi? Bie ringo cuemo finoca raa iere ñuera. ¹¹ Omoi cígímo dúeredino jaca ífírede, mei íadi omoi cígímo are íñeíticue.

¹² Bie ringo cue abímo totaca ziórede cáiredijina, cue raíllínomo dúide. Afedo afengo ñue cuena finode. ¹³ Uáfueña ómoína dáíticue, náganomo bie éniemo bie jílluille uai jino llóíadi, bie ringo cuemo finócana jino llóitiaioiza, afémaci aféngomo úbicaífireíllena, —daide.

Judas Jesuna ie éoidinomo fecade

(Mr 14.10-11; Lc 22.3-6)

¹⁴ Afe mei doce dígade llófuegamacimona Judas Iscariote lletáriraini illáimamo úrizaide. ¹⁵ Afémacina daide:

—Jesús ómoímo cue fecálleza, ¿nieze cuemo íbaitíomoi? —daide.

Jira “cuatro fíui táijina iba díeze, omo íbaitícaí” daínano, treinta díga ráifide úcubetunillai afémiemo fecádiaioi. ¹⁶ Iemo áfemona afe Judas Jesús íaioímo ñue fecállino jenode.

Jesús páscuamo íraicaiño güillafue

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Afe rafue nanóidíruimo fáitañega pan güífirediaioi. Afe llezica Jesús llófuegamaci billano jícanotiaioi:

—¿Pascua rafue llezica güíllena, úcodo ñinomo cai fínuaílle? —daidíaioi.

¹⁸ Afémie íaioína daide:

—Batí jófuego jaíllano, cue daínámie jofomo jai. Afémíena daííri: “Cai llófueraíma ona daide: Cúeíena mamécaruimo ja dúciizaideza. Pascua rafue güífirenana o jofomo cue llófuegamaciri güíticue,” —daide.

¹⁹ Iemona ie llófuegamaci ie ocuilla izói pascua ráfuego güíllena fínuaídiaioi.

²⁰ Ja nauilla llezica, Jesús ie doce dígade llófuegamaciri afénomo güízájidiaioi.

²¹ Afénomo íaioi güilla llezica Jesús daide:

—Uáfueña dáíticueza, ómoímona dáámie cuena fécaíte, —daide.

22 Iemona afémaci iere zúucaidiaioi. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? —daidiaioi.

23 Jesús íaioi uai ote:

—Birui cue diga daje plátomona güitímie, nii cue fécaitimie. 24 Nanoide Iima Jitó Crístodicue; jaiiai Juzíñamui Cuegáuaimo lloga iodo jáitícue. Mei íadi cue fecádimie ¡nii dúerena! Afémie nanómona jaca jéiciñegania figura, —daide.

25 Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

26 Ie güilla llezica, Jesús pan llínnota, Juzíñamuina “Iere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

27 Afe mei jiróraco llínnota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori. 28 Mei bie cue díeza. Cue die, dájemo Juzíñamui llínoga comue uai uáfuenta daítate. Aillo comini íaifue muiñóllena cue die totale. 29 Mei íadi dáanomo bie uva íjina meine jiroñeitícue. Cue Moo illáimana illirui nai dúciñeille dino aféjina jiroñeitícue. Afe bille llezica cómojina omoi diga jóroitícue, —daide.

Pedro Jesús jáanollena Jesús úicodo llote

(Mr 14.26-31; Lc 22.31-34; Jn 13.36-38)

30 Juzíñamuimo íaioi rua fuilla mei, jino Olivo daina ídumo jáidiaioi.

31 Afénomo Jesús íaioina daide:

—Bie naio cueri méaicaillano nana omoi cuena fíeitiomoi. Mei jaiiai Juzíñamui Cuegáuaimo omoi dibénedo bie izói daide: “Ovejai úiñoraíma cue fáitícue, íemona afe ovéjaiai rainólliaioi,” daide. 32 Jesús nai úrite: Mei íadi meine abido cue cáaille mei omoi úicodo Galiléamo jáitícue, —daide.

33 Jira Pedro uai ote:

—Nana comini ona fáicanocaitiaioi ia, cue ona fáicanocaiñeitícue, —daide.

34 Jira Jesús afémiena daide:

—Uáfuenta ona dáitícueza. Bie naio átava nai úriñenia, daámani dígacaiño cuena jáanoitioza, —daide.

35 Pedro íena daide:

—O diga cue tíllena iere jitáirede ia, ona jáanoñeitícue, —daide.

Afe llezica nana llófuegamaci Pedro daina izói daidiaioi.

Getsemanímo Jesús Juzíñamuimo úrite

(Mr 14.32-42; Lc 22.39-46)

36 Afe mei Jesús naa ie llófuegamaciri Getsemaní mámeciredinomo dúcide. Afénomo íaioina daide:

—Bai batí Juzíñamuimo cue úrizaiilla llezica benomo omoi ráiri, —daide.

37 Daí daina mei Pedro, naa Zebedeo jitó íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide.

38 Iemona íaioina daide:

—Cue comeci iere zúurede. Afe zuufue cuena titade izói finode. Benó omoi fíébiri. Iníñeno cue omoi úiñori, —daide.

39 Daí daina mei afe baimo íanori jaide. Afénomo éniemo fueco dine bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámani ie llófuegamaci illánomo meine bite. Inídiaioina cíoizaibite. Iemo Pédróna daide:

—¿Nano íanori omoi cue diga iníñeno cáadino izói inídiomoi? ⁴¹ Fiénidifuomo omoi báiníñelleza, iníñeno abí omoi rairuiri. Daje izói Juzíñamuimo comécido omoi úriri. Uáfueña omoi joreño jíredeza, mei íadi omoi abi nánide, —daide.

⁴² Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo ie llófuegamaci inídena cíoizaibite, mei íaioi uimo ínie iere íllaza. ⁴⁴ Iemona nane afémacina fiénocaillano bai Juzíñamuimo úrizaide. Ja daámani dígacaiño úrizaide. Ie mei nane daje uaido úrite. ⁴⁵ Afe mei nane ie llófuegamaci illánomo jaide. Afémacina daide:

—¿Nai inídiomoi? ¿Nai ocózinaidomoi? ¡Cacai! Nanoide Hima Jitódicueza, ja cuena fiénidinomo fecalle hórano dúcidez. ⁴⁶ Omoi náidacai; jáiticaiza. Cue fécaitimie ja dúcidez, —daide.

Jesús ja llaitada uitíaoi

(Mr 14.43-50; Lc 22.47-53; Jn 18.2-11)

⁴⁷ Daií Jesús nai úrioina llezica Judas dúcidez. Afémie doce dígade llófuegamacimona dáamie. Afémie aillo comini diga bite. Lloéfaiilai naa bigíniari atídiaioi. Afémaci lletáriraini illaini orécaiaioi. Daje izói judíuai éicomini orécaiaioi. ⁴⁸ Fécaitimie Judas Jesús íaioi onóillena llaitalle uai uícodo íaioimo llote:

—Níimie cacai ñítaiticueza; afémie llaitada omoi uiri, —daide.

⁴⁹ Afemona Jesumo áinozillano daide:

—Llófueraima, caimare itio, —daide.

Afe emódomo Jesuna ñítade. ⁵⁰ Jira Jesús ie uai ote:

—Cue nabai, ¿minícamo bitio? —daide.

Daií daina mei, comini billano Jesús llaitádiaioi. Llaitada llavéllena uitíaoi.

⁵¹ Afe llezica Jesús nabáñiaimona dáamie ie lloefai otá, lletáriraini illaima ocuífregamie jefo cotade. ⁵² Jira Jesús íena daide:

—Jadí o lloefai oni joone. Mei nana lloéfaiido fuirídino, afe lloéfaiido títiaioi.

⁵³ ¿Onóñedioza cue Móomona doce dígazie riíduaibitinona jicáredicue? Daií jicádicuena afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaioinia, ¿nie izói Juzíñamui Cuegáuai daina ñue ícoimo zúite? Aféuai bie íficaidifuiái ie zuílle llote, —daide.

⁵⁵ Afe mei Jesús comínina daide:

—¿Níbái mei merírifiredimie izói cue lláitaibitioi? Mei lloéfaiilai íemo bigíniari cuemo bitioimiza. Nágaruillaído Juzíñamuimo gairíracomo ráicana ómoína llófuefiredicue. Afénomo jaca cuena llaitáñediomoi. ⁵⁶ Mei íadi nana bie íficaide, jaiái Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

Jesús jamánomoidillaini uícomo uitíaoi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Afe Jesús llaitada oni uitino Caifás uícomo uitíaoi. Afémie lletáriraini caifóidillaima. Afénomo ocuica uai llófuefiredino naa eicomíniri dáonomo ofídiaioi. ⁵⁸ Mei íadi afe llezica Pedro Jesús uilla óodana caifóidillaima jofo

ibírimo jaide. Afénomo dúcillano jofo jaide. Jaillano afeco úiñotino diga ráide. Afémie dinomo ráide Jesús lláitaja ñue ícoimo fúillana cíollena.

⁵⁹ Lletáriraini naa eicomíniri, íemo nana jamánomoidillainiri Jesumo fieni jónellifue jenódiaioi. Uafue jónellifue íaioi báñenia “Táinofue nítaiticai,” daidíai, “áfedo afémie cai titátalleza.” Afe llezica aillo comini billano taino uailai afémiemo jónetiaioi. ⁶⁰ Mei íadi afémiemo íaioi jónellena baiñediaioi. Afe mei íirainomo ménamie taino llófiredino íaillinoi dúcide. ⁶¹ Afe íaillinoi daide:

—Baie Jesús bie izói daiífirede: “Juziñamuimo gairiracona júdairedicue. Afe mei daaruiámani íllamona meine caifo níredicue,” —daidíaillinoi.

⁶² Jira lletáriraini caifóidillaíma náidacaillano Jesuna daide:

—¿Ñibái mei uai oñedio? Bie omo íaioi jónegafue ¿nie izoide? —daide.

⁶³ Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juziñamui mámedido o úritadicueza, uri. Uáfueña daiíllena riire o ocuídicue. O, Juziñamui Jitó Crístona o illa caimo lloiri, —daide.

⁶⁴ Jira Jesús daide:

—Jii, o daina izói nímedicue. Nane ómoína daíitícue, Nanoide íma Jitó Crístodicueza, rínorede Juziñamui nabézimo cue ráillana cíoitíomoi. Afe llezica mona uílliedo ana monámona cue bíllana cíoitíomoi, —daí daide.

⁶⁵ Afena cacáillano lletáriraini caifóidillaíma jamánomo ríicaide. Daií ríicaillana ácatallena ie jítáoi garoi cuatade. Afe mei daide:

—Bie íma ie daina uáillado Juziñamuina íaire úrite. ¿Ñibái mei nai jíáie uai nábitino jítáidicai? Omoi dani ie fiénide dáinana cacádiomoi. ⁶⁶ ¿Mínica afémiemo dúina? —daide.

Jira afémaci daidíai:

—Dama ie ícoínia tíirede, —daidíai.

⁶⁷ Afe mei ie uíecona tuádiaioi. Rázido íena fatíaioi. Jíáimaci ie uíeco púcoidiaioi. ⁶⁸ Daií ñiano íena daidíai:

—Mei Crístodioza, ¿nímie o faja? Jino llone, —daidíai.

Pedro Jesús onode íadi jáanote

(Mr 14.66-72; Lc 22.56-62; Jn 18.15-18, 25-27)

⁶⁹ Afe llezica Pedro jinófeco ibírimo ráide. Afénomo ie illa llezica ocuífíregango afémiemo billano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini eróicana afémiena jáanote; daide:

—O dáinana onóñedicue. ¿Mínica llotio? —daide.

⁷¹ Afe mei Pedro jofo nazemo jáidemo jíáingo íena cíode. Cíollano afénomo itínona daide:

—Bímie daje izói Nazaret ímie Jesús diga macáfiredio, —daide.

⁷² Afengo daí daina llezica, Pedro nane íena jáanote. Ríirede uaido daide:

—Afe ímana jaca onóñedicue, —daide.

⁷³ Afe mei íanori íllamona afénomo itino Pédromo áinozillano daidíai:

—Uáfueza, afémaci ímiedio, mei dama o úrillado onódicaiza, —daidíai.

⁷⁴ Afe jira Pedro uafue daiíllena Juziñamui mámedici llínota riire daide:

—Afe báimiena jaca onóñedicue, —daide.

Daií ie daina llezica ítava úrite. ⁷⁵ Afemona Pedro Jesús uícodo íena dáinamo úibicaide. Afe be níuui: “Atava nai úriñena llezica, daámani dígcacíño cuena jáanoitioza.” Afemo úibicaillano Pedro jino iere zuure éecana jaide.

27

Pilátomo Jesús izájidiaioi
(Mr 15.1; Lc 23.1-2; Jn 18.28-32)

¹ Mona monáizailla llezica, nana lletáriraini illaini, naa judíuai eicomíniri, dáanomo gairíllano Jesús titállena nana daje izói maméritiaioi. ² Afe mei Jesús maiáno, afe énie úiñote illaíma Poncio Pilátomo izájidiaioi.

Judas tíllafue

³ Judas, Jesús fecádimie, Jesuna íaioi coráiaillana cíoilano começi ifue méidote. Iemona treinta diga úcubetuni meine lletáriraini illáinimo izájide, ocuide eicomínimo diga. ⁴ Izájillano daide:

—Iere fiénidífue finódicue; nífuenidímie titállena fecádicueza, —daide.

Jira afémaci uai otíaioi:

—¿Afe fue caimo mei nibái? Dama ófue, —daidiaioi.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daíí afémie tíide.

⁶ Lletáriraini illaini, afe jutaca úcube iráiano daidiaioi:

—Juzíñamui mo fia iga úcube jóoneracomo bie úcube jóonenidícaí, mei come títaja úcubeza, —daidiaioi.

⁷ Afe mei afémaci afe úcubedo énie ibállena dájena comécidiaioi. Iaioi ibaca énie mámeçi Nógora Orano. Afébiri ibádiaioi jicánemaci tíadi afénomo ráillena.

⁸ Afe jira nai biruimo afébiri Diébirina daífírena. ⁹ Daíí íaioi fínuamona jaiaí uai llóraíma Jeremías lloga uai ñue ícoímo fuite. Be níuui: “Israel nairai cue íaioi fécaja úcube abido llínotiaioi. ¹⁰ Llínuano Nógora Orano ibádiaioi. Daíí Juzíñamui cue ocuide.”

Jesús Pilato uíécomo jóonetiaioi
(Mr 15.2-5; Lc 23.3-5; Jn 18.33-38)

¹¹ Afe mei énie úiñotillaíma uícomo Jesús uitíaioi. Afénomo afémie Jesumo jicánote:

—¿O meita judíuai illaíma? —daide.

Jira Jesús daide:

—O daína izói níimiedicue, —daide.

¹² Iemo lletáriraini illaini naa ocuide eicomíniri Jesumo fiénide uailaí jóonia llezica, afémie jaca uai oñede. ¹³ Jira Pilato íena daide:

—¿Aqué omo íaioi jóonegafuiai cacáñedio? —daide.

¹⁴ Mei íadi Jesús jaca afe llezica uai oñede. Iemona uai ie oñénari énie úiñotillaíma fáigacaide. Ie daíille uai onóñede.

Jesús titállena mameca
(Mr 15.6-20; Lc 23.13-25; Jn 18.38-19.16)

¹⁵ Aféruillaído afe rafue ana, llaveca fiénidinomona dáamie Pilato zuitáfirede. Afémie comini uaido zuitácamié. ¹⁶ Mei afénomo ite mámeçina jica jalleide fiénide maigámie. Afémie mámeçi Barrabás. ¹⁷ Illáicomini dáanomo gairilla llezica Pilato afémacimo jicánote:

—Bíailinoimona ¿nímie ómoímo jino zúitaiticue? ¿Barrabás, mei nibai Cristo daína Jesús? —daide.

¹⁸ Mei Pilato, comini úradoillamona Cristo íaioi fécajana ñue onode.

¹⁹ Pilato, riire jicánofiredímie ráíiranomo ráína llezica, Pilato ai uai orede. Afe be níuui: “Afe jadímie nífuenidímieza afémiemo jíricaiñeno iri. Mei ja naio afémiena cue nicáírilla llezica iere duere zefuídicue,” daide.

²⁰ Mei íadi lletáriraini illaini naa ocuide eicomíniri, nana jíáie comini Pilátona daiílluai riire llotíaioi. Barrabás zuitállena Pilátomo jicátatiaioi. Daje llezica Jesús titállena jicátatiaioi. ²¹ Afe énie úiñotillaíma nane dáanomo jicánote:

—Bíallinoimona ¿nímiena cue zuitátatiomoi? —daide.

Jira: —Barrabás zuita, —dai díaioi.

²² Iemo Pilato íaioimo jicánote:

—Iemona bie Crístona mámeciredimie Jesús ¿nie izói níbaíticue? —daide.

Jira nana uai otíaioi:

—¡Cruzmo corai! —dai díaioi.

²³ Iemona Pilato íaioina daide:

—¿Níbái mei? ¿Nie fiénidifue afémie finode? —daide.

Mei íadi comini dáanomo riire dai díaioi:

—Cruzmo corai, —dai díaioi.

²⁴ Pilato ie uaina íaioi íinoñenana ciode. Daje izói nana comini aféfuiari jamánomo cáilliana cacade. Ie jírari “Onoi cue jocólleza jainoi ati” daide. Jócua llezica daide:

—Afe bie nífuenidimie tulle cuemo jíiñede. Dani ómoifueza, —daide.

²⁵ Iemona nana comini uai otíaioi:

—Afémie tulle caimo jíite, daje izói cai úruiaimo, —dai díaioi.

²⁶ Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

²⁷ Afe mei énie úiñotillaíma fuiríraini áillue gairíracomo Jesús uitíaioi. Afénomo nana jíáie fuirírainiaí afémie onífenedo gairídiaioi. ²⁸ Afe mei ie iniroi dúiñuano, illaíma jitáfirega jáicuiro afémiemo jitádiaioi. ²⁹ Afe llezica ifo icuifoí eegi nínacuifoína afémiemo jitádiaioi. Iemo jíái illaíma llíifirega bigina íena llínotadiaioi. Daií ñiano afémie anamo dújudiaioi. Dújuillano jífánodoiano íena dai díaioi:

—Judíuaí Illaíma are íitioza, —dai díaioi.

³⁰ Afe llezica afémaci ie túallaitiaioi. Afe dáanomo ie llíiga bigi báiruano, ie ifoci púcoidiaioi. ³¹ Daií ie íaioi jífánodoia mei, afémiemo íaioi jitaca jáicuiro dúiñuano, dama ie iníroina jitádiaioi. Afe mei afémie coráiaidiaioi.

Jesús cruzmo coráidiaioi

(Mr 15.21-32; Lc 23.26-43; Jn 19.17-27)

³² Jofue jinomo íaioi coráiailla llezica, Cirene énie ímie baitíaioi. Baillano Jesús uiga cruzna rocátatiaioi. ³³ Daií Gólgata mámeciredinomo dúcidiaioi. Gólgata daina “come ifócorai illano.” ³⁴ Afénomo eríredena jaicuica vínona Jesús jirótatiaioi. Mei íadi Jesús aféna due fácano, jiróacañede.

³⁵ Jesús ja íaioi coraía méifodo, fuiríraini Jesús iniroi illa dígamie íaioi máiñuana onoíllena, onótaraji dotádiaioi. Daií jaiaí uai llóraini lloga uai ñue ícoimo fuite. Afe be níuui: “Onótaraji dótajano, cue iniroi conímaiaímo fecádiaioi.” ³⁶ Afe mei afémiedo éroíllena afénomo ráiiediaioi. ³⁷ Ie ifo acónimo ciegábici netádiaioi. Afébicimo nífue ícoínia duere finoca daina cúeina. Afébicimo cuela bie izói daide: “Bie Jesús, Judíuaí illaíma.”

³⁸ Afe llezica afénomo mena merírifiredimie coráidiaioi. Dáamie Jesús nabézimo coráidiaioi. Jáimie ie jarífezimo coráidiaioi. ³⁹ Afe llezica áfedo jaide comini Jesuna íaire úritiaioi. Uaido iere riire íena táigoidiaioi. ⁴⁰ Daií fiene íe táigoiano íena dai díaioi:

—Juzíñamui gairíraco júdaiano daaruiámani ille mei meine níiticue daiífiredioza; mai, o abi jíllota. Daje izói Juzíñamui Jitona o íadi, jadíe cruzmona ana bi, —dai díaioi.

⁴¹ Daje izói lletáriraini illaini, íemo ocuica uai llófuetino, íemo fariséuai naa ocuífiredede eicomíniri íena áfeduano conímana daidíaiói:

⁴² —Diga jiáimaciaina afémie jíllotafiredede, mei íadi dama ie abina jíllotanide. “Uafue Israel Illaíma o ia, jadíe crúzmona ana bii, áfemona omo cai íinolleza,” íena daidíaiói. ⁴³ Nai ie áfeduano íena úritiaíói:

—Mei afémie Juzíñamuimo íinoteza, mai mei birui Juzíñamui ie jíllota, Juzíñamui ie jíllotaíacania. Afémie caina “Juzíñamui Jitódicue” daide, —daidíaiói.

⁴⁴ Daje izói ie diga coraica merírifiredede íaillinoi íena íaire úritiaíillinoi.

Jesús tiilla

(Mr 15.33-41; Lc 23.44-49; Jn 19.28-30)

⁴⁵ Afe llezica nániena jíitreficaide. Jitoma jaíciri íllamona batí ana ítemo jíitreficaide. ⁴⁶ Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daíacana: “Cue Juzíñamui, cue Juzíñamui, ¿nibái mei cue zóofetio?”

⁴⁷ Afénoimo itínomona dáarie áfena cacáillano daidíaiói:

—Bímie jaiái Juzíñamui uai llóraíma Elías jíirite, —daidíaiói.

⁴⁸ Daí daina llezica afémacimona dáamie aizida esponja daina fíillicide raa uájide. Erírede vínoimo riáitano Jesús jiróllena caífo rázido ñuitádiaíói. ⁴⁹ Mei íadi jiáimaci daidíaiói:

—Dama íteza. Jetáñeno, Elías ie jíllotaíbiadi, cai cíoilleza, —daidíaiói.

⁵⁰ Afe mei Jesús dáanomo riire caillide. Daí cáillia méifodo ja tiide. ⁵¹ Ie tiilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie docaide, íemo jíái jéerie noficiaí bócoizite. ⁵² Iemo daje llezica, comini raíáfuaí túcoizite. Afe llezica aillo tiide Juzíñamuimo íinotinuiaí meine abído cáadimacina jáidiaíói. ⁵³ Afe bimaci íaíói raíáfuaímona jino bitíaiói. Iemo Jesús abído caana mei, ñuera Jerusalén jófuemo jáidiaíói. Afénoimo aillo comini bie como meine abído cáadimacina cíodiaíói.

⁵⁴ Iemona fuíríraini illaíma naa afémie diga Jesús úínotinori, énie docailla, naa jíáie comuídífuiaína cíoillano, iere jacínaitiaíói. Jacínaillano daidíaiói:

—Uáfueza bie Juzíñamui Jitó, —daidíaiói.

⁵⁵ Afénoimo diga ringóniaí jicana eróiediaíói. Aféngotiaí Galiléamona Jesudo jáidiaíói. Aféngotiaí Jesuna canófirediaíói. ⁵⁶ Aféngotiaí cígímo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jíitórede.

Jesús raitíaiói

(Mr 15.42-47; Lc 23.50-56; Jn 19.38-42)

⁵⁷ Ja nauilla llezica Arimatea énie ímie José bite. Afémie ráaredímie, íemo jíái afémie Jesudo jáicaífirede. ⁵⁸ Afe jira Pilátomo Jesús abí jícajide. Iemona Pilato Josemo afémiena ite. ⁵⁹ Iemo José Jesús abí ana uano ñuera áílloroina junide.

⁶⁰ Juníllano dama ie comue raíafomo jóonete. Afe raíafó nofícímo fínoca. Raía mei áíllue nofícina naze íbáillano jaide. ⁶¹ Afénoimo Magdalena énie ingo María naa jíáie María diga raíafó uícori ráíidiaínguái.

Jesús raíáfo uíñoitinona jóonetiaíói

⁶² Afe jíáíruido, ocózinaíllaruimo jitaica raa fínua mei, lletáriraini illaini, naa fariséuaíri Pilátomo úrizaidiaíói: ⁶³ —Ocuídímie, afe taino llóraíma Jesús dáinamo úibicaídicaí. Afémie caana llezica, “Daruíámani ille mei, tííllanomona meine abído cáaiticue,” daíífirede. ⁶⁴ Ie jira afe raíafó daruíámani fídí riire o

finori, ie llófuegamaci ie abi naio mériaibiñelleza. Mériano comínina “Ja Cristo tiide meine abido caade,” daítiaioi. Ie llófuegamaci daí finóadi, íaioi íirainomo lloga tánofue, fueñe lloga tánofuiaí baímo fiénite, —daí daídíaioi.

⁶⁵ Jira Pilato daide:

—Batí omoi úiñote fuíríraíni ite. Afémacido afe raírafo omoi onona izóí riire omoi finori, —daide.

⁶⁶ Iemona raíáfomo jaillano, afénona riire finódiaioi. Afe mei afe raírafo emodo ibailla nofícimo túiñoñeillena jana finódiaioi. Afe mei jóoneoide fuíríraíni afénomo fíano oni jáidiaioi.

28

Jesús tíillanomona meine abido cáadimiena jaide

(Mr 16.1-8; Lc 24.1-12; Jn 20.1-10)

¹ Ocózinaillarui jáíruido, semana fueñediruimo mona monáiacana llezica, Magdalena énie ingo María, jáíe María diga raírafo méiñuaidiainguai. ² Afe llezica énie riire docáiricaide. Juziñamui abi ímie ángel dainámie monámona ana billa énie níraídua. Afémie Jesús raíáfomo dúcillano afe ibailla nofici oni tuiñode. Tuiñuano afébicimo ráide. ³ Afémie abi mona borilla izóí quenire cioide. Iemo afémie iniroi jaíllici izóí iere úzerede. ⁴ Afémiena cíoillano, jóonete fuíríraíni iere jacínaitiaioi. Cuidíridiaioi. Afe llezica tíidino izóí jáidiaioi. ⁵ Afe mei Juziñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaíbitiomoi. ⁶ Afémie ja benó iñede. Omoína ie daina izóí, ja meine abido caade. Ie íaioi raiano eróizaíbi. ⁷ Afe mei ie llófuegamacimo omoi llujáiri. Bie izóí lloiri: “Ja afémie tiide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíoitimoi.” Be ómoimo cue llóiacagafue, —daí daide.

⁸ Iemona ringóniaí afe raíáfomona raire abido jáidiaioi. Aféngotiaí iere ióbicaidiaioi íadi, naí jacíruioidimaci.

⁹ Iodo íaioi jailla llezica Jesús íaioimo cíocaide. Cíocaillano íaioína uáidote. Aféngotiaí íemo ánozillano íemo cáimadotiaioi. Ie ídaí meníñotiaioi. ¹⁰ Jira íaioína daide:

—Omoi jacíruiñeno. Cue ámatiaímo llujáiri, Galiléamo raire íaioi jáilleza. Dinomo cuena cíoitiaioi, —daide.

Raíáfona úiñotaga fuíríraíni llogafue

¹¹ Ringóniaí jailla llezica, raírafo jóonete fuíríraínimona dáarie jófuego jáidiaioi. Afénomo dúcillano lletáriraini illáinimo nana íaioi cíonana llotíaioi.

¹² Aféllaini ocuide eicomínimo ñue íaioi onóillena llujáidiaioi. Ie jira aillo úcubena afe fuíríraínimo itíaioi. ¹³ Illano íaioína daide:

—Bie izóí omoi daíri: “Naio caí ínia llezica ie llófuegamaci mériano ie abina uitíaioi.” ¹⁴ Iemo énie úiñotillaima aféfuena fidíadi, omoi ñue íllena dani caí afémie mo úrizaiticaí. Afemona afémie ómoína duere fínoñeite, —daí daídíaioi.

¹⁵ Iemona afe fuíríraíni úcube líñotiaioi. Líñota íaioína daina izóí fínuaidiaioi. Iemona judíuaí naí biruimo Jesús meine abido cáanana uáitadiaioi; uáitano bie izóí daíírediaioi.

Jesús ie orécamacimo jóonega uai

(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaioi. Uícodo Jesús íaioimo lloga ídumo jáidiaioi. ¹⁷ Afénomo Jesuna íaioi cíoillano, afémie mo

cáimadotiaioi. Mei íadi dáamierie nai figo íñoñede. ¹⁸ Jira Jesús afémacimo ánozillano daide:

—Nana monamo ite ocuilla ríino, naa éniemo ite ríino diga ja cuemo fecaca.

¹⁹ Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaioina báutizari. ²⁰ Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi diga íifireitícueza. Jaca omoi diga íitícuemo énie fuillíruimo dúciite. Daiítadeza; ja nñe.

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

Juan Bautista táizicimo lluáibite

(Mt 3.1-12; Lc 3.1-9, 15-17; Jn 1.19-28)

¹ Juzíñamui Jitó Jesucristo lloga ñúefue bie izói tainede.

² Jaiaí uícodo Juzíñamui uai jino llóraima Isaías cuete:

Mai cacai, o uiecodo cue rafue llotímie orédicue, o jáille io ñue ifóllena.

³ Táizicimo caillídimie uai ñue cacaide; daide:

Mai omoi Ocuíraima jaille io ñue finori; ie macalle io jaícina tuiñori, —daide.

⁴ Afe izói báutizaraima Juan táizicimo cíocaizaibite. Dinomo comini jitáirede báutizaillena afémie ñue lluáibite. Iaioina daide:

—Omoi comeci ífue ñúefuena méidorediomoí. Ie mei báutizarediomoí. Iemona Juzíñamui omoi comeci fiénidífuiaí dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaioi comécimo ite fiénidífuiaí uáfodo jino llotíaíoi. Daí íaioi llua méifomo imani Jordámo Juan báutizagaiaíoi.

⁶ Juan jitaca iniroí camello itíraiaí finoina. Ie ciraigi llaitáinafe igoraí finoina. Fíuaí rite; jazici ie cíiji jirófiredé. ⁷ Comínimo llócaillano daide:

—Fui cue méifodo bíitímie, iere cue baímo riire ocuífiredimie. Iemona ie ídaí ico igai zuitánidicue, mei jofófene jamáimiedicueza. ⁸ Jae jáinoido ómoína báutizadicue, ñuera iodo omoi jáiacana jino llóllena; mei íadi afe bíitímie Ñuera Joreño do ómoína uícaítaite, ñuera iodo éicitaiño ñue omoi jáillena, —daí daide Juan.

Jesús báutizainafue

(Mt 3.13-17; Lc 3.21-22)

⁹ Aféruillaído Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade.

¹⁰ Jáinoimona jino billa llezica Jesús mona tújicaillana cíode. Daje llezica Ñuera Joreño fíiciri izói Jesumo ana bíllana Jesús cíode. ¹¹ Afe llezica monámona uai cácaide; daide:

—O iere cue izíruiga Jitódio. Ori iere caímare iticue, —daide.

Taife Jesús facátate

(Mt 4.1-11; Lc 4.1-13)

¹² Afe méifodo raire Ñuera Joreño Jesuna táizicimo orede. ¹³ Dinomo tóñega rílleniaí cígimo Jesús cuarenta dígarui ite. Afénomo Satanás (Taife jíáfodo mámeciredimie) Jesús facátate. Aféruillaído Juzíñamui abi imaci ángeles daínamací Jesús cánuai bitiaíoi.

Jesús Galiléamo llófuiáfue táiniaide

(Mt 4.12-17; Lc 4.14-15)

¹⁴ Ie mei illaíma Herodes Báutizaraima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide.

¹⁵ Jesús bie izói daide:

—Ja aféruimo dúcide. Ianori íllamona Juzíñamui nana íemo jáináidimaci dáaziena caímare íllena gairítaibiteza. Iemona jíllonafue omoi ínuano, omoi comeci ífuiaí méidori afémacimo dájena omoi jáináillena, —daide.

Jesús cuatro dígame facóramaci uáidote
(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama Andrés diga. Facórama íaillinoi. Llóiji jóraimo dotáfirediaillinoi. ¹⁷ Jesús íaillinoina daide:

—Mai cuedo ómicoi bi. Chámuniaí ómicoi jenófirena izói, afe izói comini jenórainina ómicoina jóneiticue, —daide. ¹⁸ Raire íemona íaillinoi llóiji fíianona, afémiedo jáidiaillinoi. ¹⁹ Ie mei Jesús bai jabo jaillano Zebedeo jitó, Santiágonna ciode, ie ama Juan diga. Iaiói llóiji cúaidino, nocáe ero ráicana niródiaillinoi. ²⁰ Jesús íaillinoi jírite. Iaillinoi moo Zebedeo nocaemo fiénocaillano ie canóramaci diga, Jesudo jáidiaillinoi.

Capernaumo fiénide jóriaredimie Jesús jíllogata
(Lc 4.31-37)

²¹ Ja Capernaumo dúcidiaíoi. Ie mei ocózinaiillaruimo Jesús Juziñamui uai llófueracomo jofo llófuiaide. ²² Afémie llogáfueri fáigacaidiaíoi. Ua nibai ríimie izói ñue llófullofuede. Ocuícafue llófueraini afe daí llófueñediaíoi. ²³ Afe llezica Juziñamui uai llófueracomo fiénidena jóriaredimie ite. ²⁴ Afémie ja Jesumo caillide; daide:

—Nazaret ímie, Jesús, ¿ñifue cócomo illa? ¿Cai fatátaibitio? Ona onódicue. Juziñamui íaifuenidimiedio; afémie rafue ñue lluaíbitimiedio, —daide.

²⁵ Iemo Jesús fiénide jóriaimo riire úrite; daide:

—¡Líicai! Bímie fáicanocaillano oni jai, —daide.

²⁶ Iemo fiénide jóriai afémiena izire docáitate. Ie mei jamánomo caillidemo afémienona oni jaide. ²⁷ Ie jira nana nairai jacínaitiaíoi. Jira conímamo jicánotiaíoi:

—¿Bie minica? ¿Minica bie como llófueinafue? Bie Jesumo riire ocuúllafue ite, fiénide jóriai oréllena. Afe fiénide jóriai afémiena ínofirediaíoi, —daidiaíoi.

²⁸ Ie jira Jesús mámece nana Galilea énie fuédado raire jica jalleide.

Jesús Simón Pedro jifaiño jíllogate
(Mt 8.14-15; Lc 4.38-39)

²⁹ Juziñamui uai llófueracomona jino billano, Jesús, Simón ie ama Andrés íaillinoi icomo jaide, Santiago, Juan diga. ³⁰ Dinomo Simón jifaiño abi cuaríllamona iníranomo bíide. Afengo irárenana Jesumo llotíaíoi. ³¹ Iemona aféngomo ánozillano, Jesús afengo onoi llínnota, íena caifo naidánete. Afe llezica afengo abi cuarilla aféngomona llíicaide. Daje llezica jarire íaíoi jitailla güille afengo bai íaíoiimo atide.

Jesús aillo iráredino jíllogate
(Mt 8.16-17; Lc 4.40-41)

³² Aféruído, jitoma ana zójicaidemo, ja nauíoicailla llezica, nana afénomo ite iráredino, fiénidena jóriaredino diga, Jesumo atidiaíoi. ³³ Nana dino jofue nairai afeco naze fue ibírimo gairízitiaíoi. ³⁴ Jesús aillo íaíoiimo ite diga ie duico jíllogate. Afe llezica aillo fiénide jóriai Jesús jino comínimona orede, mei íadi Jesús afe jóriai úriñeillena íaíoiimona rairuide, mei afémiena onódiaíoiiza.

Jesús Galiléamo llujáide
(Lc 4.42-44)

³⁵ Ja monáioicaidemo, nai jítireoidemo, Jesús cazíllano jino jófuemona oni tí daidínomo jaide, dinomo Juziñamuimo úrillena. ³⁶ Afe mei Simón ie nabáñiaíari Jesús jénuaidiaíoi. ³⁷ Baillánona íena daidiaíoi:

—Nana o jenódiaioi, —daidíaioi.

³⁸ Iemo Jesús íaioina daide:

—Ainori itícuaímo mai cai jai, dinomo daje izói ñúefue cai llujilla; mei afe jira jino bitícueza, —daide.

³⁹ Daí Jesús nana Galiléado macade. Naga illánuaímo Juzíñamui uai llófueriracomo llócaide. Afe llezica comínimona fiénide joría jino orede.

*Chínaite izóidimie Jesús jllotate
(Mt 8.1-4; Lc 5.12-16)*

⁴⁰ Jesumo chínaite izóidimie ánozide. Ana dújuano daide:

—Cue o jllotaiacaniadi cuena jllotaredio, —daide.

⁴¹ Ie jira Jesús afémiemo dúcaide. Jira ónoído jétano daide:

—Jii, ona jllotaiacadícue. Mai o abi jácaiteza, —daide.

⁴² Daí dánamona afe duico iráredimemona cióbicañena. Jae ñúemie.

⁴³ Iemo Jesús afémie orede. Daje llezica riire ocuillano daide:

⁴⁴ —¡Cacai! Bumo lloñoeno iri. Dama lletáriraima sacerdote dainámie mo jaillano, o abi ácatari. Dáaruído Moisés jaiái ocuica abi duaí fue ráana, mai afémiemo izájiri. Iemona comíni o abi jllotana fídiitiaioi, —daide.

⁴⁵ Mei íadi afémie jaillano nana comínimo afe ie jllonafue llujáide. Iemo aillo comíni Jesumo izire gairíoidiaioi. Ie jira ja Jesús bu jófuego uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioi afémiena cíoillena.

2

*Jesús tízitaitimie jllotate
(Mt 9.1-8; Lc 5.17-26)*

¹ Ie méifodo nano nígarui íllamona Jesús meine abido Capernaumo jaide. Afémie jofomo íllana ja fidídiaioi. ² Iemo aillo nairai ie jofomo gairídiaioi. Jofo comínina oruíllamona iere rillírede; ja naze fuemo íaioi íllino íñede. Iaióimo Juzíñamui úrillafue Jesús jino llote. ³ Iemo cuatro dígamie tízitaitimie atídiaioi. ⁴ Iere comíni íllaza, Jesús illánomo dúcinide. Ie jira jofo emódomo caífo jaillano, Jesús illa llezícamo jofo emodo íbáicano cúcoidiaioi. Cúcoianona aféfodo tízitaitimie ana agüínetiaioi, naa afémie bírallu díga. ⁵ Afémaci comeci íinuana cíoillano, Jesús tízitaitimiena daide:

—Jitó, o fiénidífue jae ñue dófide, —daide.

⁶ Dáarie ocuífufue llófueraini, dinomo ráidino, íaioi comeci facáoidiaioi: ⁷ “¿Níbái mei bímie daí úrite? Juzíñamuina fiéni úrite. Dama Juzíñamui fiénidífueña dua. Abi díne bu Juzíñamui izói fiénidífueña doñena.” ⁸ Mei íadi dama Jesús ie comécido afémaci comeci úrillafueña onode. Jira daide:

—¿Níbái mei omoi comeci daí facádomoi? ⁹ ¿Ñie iere júanina iráredimiena daíllena: “O fiénidífue dófite,” níbai jíáfodo daina: “Náidacai, o bíra llínota ui, mai maca”? ¿Ñie iere júanina? ¹⁰ Ie jira jíáfueña ómoimo fidítaitícue. Bíniemo comíni fiénidífueña oni muiñolle ríino cuemo ite. Nanoide íima Jitódícueza, —daide. Iemo tízitaitimiena juare daináfueña daide:

¹¹ —Ona daidícue: Caífo náidacai. O bírallu llínota mai o jofomo jairi, —daide.

¹² Ja iráredimie raire náidacaillano ie bírallu llínote. Llínuano dínomona jino jaide. Ie jáillana nana comíni cíodiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daítadifuena ciórainidicai, Juzíñamui o iere jamánomoidimiedio. Mai Juzíñamuimo cai ióbilli, —daídíaioi.

Jesús Leví uáidote

(Mt 9.9-13; Lc 5.27-32)

¹³ Ie mei Jesús meine abido jorai fuédamo jaide. Nana comini íemo áinozidiaioimo, afémie íaioina llófuete. ¹⁴ Jesús mácajilla llezica, Levína ciode. Leví Alfeo jitó. Afémie gobierno ibátaga úcube llínoranomo ráiide afe úcube llínollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

¹⁵ Afe méifomo Jesús Leví jofomo güizájide. Dinomo aillo jíáie gobierno ibátaga úcube llínoraímaci Jesús dáanomo güirábanimo ráiiediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráiidiaioi. ¹⁶ Mei íadi dáarie ocuícáfue llófueraini fariséuai diga, Jesús nana afe fiénidimaci diga naa íáiruiga ibátaga úcube llínoraímaciri dáanomo güillana ciódiaioi. Iemona Jesús llófuegamacina daídíaioi:

—¿Níbái mei omoi llófueraima afe íáiruiga ibátaga úcube llínoraímaci diga güífiredo, jirófredo? Daje izói, ¿níbái mei jíáie fiénidino diga güífiredo? —daídíaioi.

¹⁷ Aféfuena Jesús cacáillanona duera ráfuedo íaioina daide, nie ícoinia mei íáiruigamací diga ie güífiredo íaioi onóillena. Be ñifue:

—Íranidimaci manóriraimana jitáíñediaioi; dani duícotaidino da manóriraimana jítaina. Mei ñúemacimo cue uáiduaibiñedicue. Fiénidino uáiduaibitícue afémaci jíllloillena, —daide.

Daa mona güillena fímairillena Jesumo jicánotiaioi

(Mt 9.14-17; Lc 5.33-39)

¹⁸ Jíáiruido Bántizaraima Juaado jáidino fariséuaido jáidino diga nana güiñeno fímairitiaioi. Aféruimo dámierie Jesumo jicánuaibitiaioi:

—¿Níbái mei Juaado jáidino fariséuaido jáidino diga nana güiñeno fímairitiaioi, mei íadi o llófuegamaci fímairiñediaioi? —daídíaioi.

¹⁹ Jesús uai uano ráfue mo mámano íaioi llófuete, afémiedo jáidino finócana jíáimaci féinino onótallena. Daide:

—Airenafuemo uáidogamací ringo otímie íaioimo illa llezica ¿meita fímairirediaioi? ¿Níbái fímairinidiaioi? Ringo otímie íaioimo illa llezica jaca fímairinidiaioi. ²⁰ Mei íadi ringo otímie íaioimona baíróbicailliruimo dúcite; aféruimo uáfue fímairitiaioi.

²¹ Iemo daje izói ñue onótallena jíáie ráfue mo mámano íaioi llófuete; daide:

—Buna jaiáicuiro inícuero cúaidinomo comue jofo gáijicaiñede iniroi nitácapu dájemo jofo jíllíñede, mei comue gáijicaiñede nitácapu afe jaiáicuiro onífenado nane ráataitade. Iemona cúaidino jae iere aillóite. ²² Daje izói comue vino jácara igorai ie finoina botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoina botella bójicaillano meine finónide. Ie jira comue vino comue igorai finoina botéllamo jóonere, —daide.

Jesús llófuegamaci ocózinallarumo trigo llizíllaticiaí tícoidiaioi

(Mt 12.1-8; Lc 6.1-5)

²³ Daa mona ocózinallarumo Jesús ríganíai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiaí ja tícoiaidiaioi. ²⁴ Iemo fariséuai íena daídíaioi:

—¡Erocai! ¿Nibái mei o llófuegamaci rairuírede jetádiaioi? Afena ocózinaillarui rairuírede, —daidiaioi.

²⁵⁻²⁶ Mei íadi afémie íaioina daide:

—¿Jaca nibai David finócana facádoñediomoi? Afémie naa ie nabáñiairi güille íñena llezica, júbietaillano Juzíñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juzíñamuimo eneno mameca rairuírede panes ite. Dani Juzíñamui lletáriraini áfena güirena; jiáimacimona afe rairuírede. Afe panes David uánona güite; ie mei ie nabáñiaimo fecade.

²⁷ Iemo nane Jesús íaioina daide:

—Íima ocózinaillarui íena fínoñega, mei íadi ocózinaillarui íima íena mameca.

²⁸ Jira Nanoide Íima Jitona cue íllamona, ocózinaillarui ocuiredicue. Aferui Náamadícue, —daide.

3

Jesús ónoina llirídime jíllotate

(Mt 12.9-14; Lc 6.6-11)

¹ Jesús dáanomo Juzíñamui uai llófueriracomo jofo jaide. Afénomo ónoina llirídime ite. ² Afénomo itínomona Jesumo iere eróioidiaioi, ocózinaillarui Jesús bímierna jíllotajana onóillena, áfedo Jesumo fiénidífue jítállena. ³ Ie jira ónoina llirídime Jesús daide:

—Náidacai; jofo bené cígimo bi, —daide.

⁴ Dáanomo jiáimacimo jicánote:

—¿Minícana ocózinaillarui ómoiri finóredicue? ¿Nibai fiénidífue fínoitícue, nibai ñúefue fínoitícue? ¿Nibai omoi jíllotaitícue, nibai omoi títaitícue? —daide Jesús.

Mei íadi afémaci ja uai oñédiaioi. ⁵ Jira Jesús íaioiri ríicaide. Daje izói zuure íaioimo eroide, mei íaioi onóiacañena jira. Iemo afe ímana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. ⁶ Afe mei fariséuai, naa Herodes imaci díga jino jaillano, Jesús fallífue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci díga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuena, afémie finócafuiaina, fidíillano aillo Judea énie imaci bite, Jerusalen imaci díga. Daje izói Idumea énie imaci bite; Jordán imani ruicáfelle imaci bite; Tiro, Sidón díga áinori itímaci bite. Nana dáanomo bitíaioi; Jesús eróizaibitiaioi. ⁹ Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena. ¹⁰ Mei iere aillo nairai jíllotate. Iemona nana jiáie iráredino rillire afémiemo gairídiaioi, ie jetánollena. ¹¹ Iemo afénomo itínomona dáarie fiéni joríairediaioi. Afémiena cióillanona, afémie uiécomo ana dújudiaioi. Dújuillano caillíoicaidiaioi:

—O Juzíñamui Jitódio, —daide.

¹² Mei íadi Jesús fiénide joríaina izire rairuide; daide:

—Juzíñamui Jitona cue íllana daíñeno iri, —daide.

Jesús doce dígamie nizede, oni íaioi óriano afémaci ie ñúefue llujillena

(Mt 10.1-4; Lc 6.12-16)

¹³ Ie mei Jesús ídumo caifo jaide. Dinomo jaillano Jesús comeci óiacagamie dígamie nizede. Afémiemo bitíaioi. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitinona

jaillena. ¹⁵ Dáanomo ríinona igáiaioi iráredino jíllotallena, íemo jíái fiénide jóríai jino oréllena.

¹⁶ Afe nizécamaci doce dígamie. Afémaci mámeciaí: Simón, níimiemo Jesús jíáie mámecina jíaca, Pedro; ¹⁷ ie mei Zebedeo jíto íaillinoi Santiago ie ama Juan díga. Afe íaillinoimo Jesús jíáie mámece jíade, Boanerges. Afe mámece dáina: Iocímie íaillinoi. ¹⁸ Ie emódomo jíáie nizécamaci mámeciaí: Andrés, Felipe, Bartolomé, Mateo, Tomás, Alfeo jíto Jacobo, Tadeo, íemo íere Járídotímacímo jaináidímie Simón, ¹⁹ ie mei Judas Iscariote. Afémie méifodo Jesús ie éoidíno fécáitímie.

Fiénide jóríai ríino Jesumo ite táinona daífírediaioi
(Mt 12.22-32; Lc 11.14-23; 12.10)

Afe méifomo Jesús ie llófuegamaci díga jofomo jofo jaide. ²⁰ Nane dáanomo aillo nairai gairízítiaioi. Iemona Cristo ie nizécano díga ja gúinidiaioi. ²¹ Afefue fídíillano ie onoiga nabáíñiaí bitíaioi ie oni uíllena, mei afémie uáírítáide daidíaioi.

²² Daje llezica Jerusalémona bite ocuícáfue llófueráini, bie izói íeri úritiaioi; daidíaioi:

—Bímie Beelzebú jaináidímie. Afe Beelzebú fiénide jóríai illáima, (jíací ie mámece Taife). Afe Beelzebú ríinodo fiénide jóríai afémie jino jíude, —daidíaioi.

²³ Ie jira Jesús íaioi jírite. Jírilla mei, onoiga ráfuiaí íaioimo llote:

—¿Nie izói afe Taífedo Taife jíúrede? jíúnide! ²⁴ Daa nairai énenorie jíáiziena oni bójicaillano are íñeítiaioi, mei nágazie conima díga fuirífírediaioiza. ²⁵ Daje izói eneno dani jofóredino íaioi bójicaíadi, are íñeítiaioi. ²⁶ Mei jira Taife dama ie díga fuiríadi, íemona dama ie bójicaíadi, afémie are íñeite. Ua áfedo fúbicaite.

²⁷ Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

²⁸ Uáfúena ómoimo llotícue. Comíni fiénidífuiaí nana dórede, daje izói nana íaioi fue borefue díga dórede. ²⁹ Mei íadi Juzíñamui Ñuera Joréño fíeni úritímie ie fiénidífuiaí jaca ua oni dónide. Dama ie ícoínia jaca íemo jíite, —daide.

³⁰ Daí daide, mei afémie fiénidena jóríairede daidíaioi.

Jesús ei ie ámatiaí díga Jesuna uáiduaíbitiaioi
(Mt 12.46-50; Lc 8.19-21)

³¹ Iemo Jesús ei ie ámatiaí díga dúcidiaioi, mei íadi jino fiébidiaioi. Díno mona jofo gairídínona daidíaioi:

—Mai ie jírizai, —daidíaioi. ³² Jesús abído ráíiedino íena daidíaioi:

—O ei, o ámatiaí díga jino ite. O jénuaíbitiaioi, —daidíaioi.

³³ Mei afémie daide:

—¿Buoí cue eina? ¿Buoí cue ámatiaína? —daide. ³⁴ Afe mei ie abído ráíiedíno eróillano daide:

—Be mei cue éítiaí. Be mei cue ámatiaí. ³⁵ Mei Juzíñamui ocuícáfúena jeire otínona bie cue ama, bie cue míringo, bie cue ei, —daide.

4

Rjíraíma ie ífue
(Mt 13.1-9; Lc 8.4-8)

¹ Meine dáanomo jorai fuédamo Jesús llófuete. Ie illánomo aillo nairai gairídíaioi. Jamánomo aillo comíni illa jira, Jesús jóríaimo ite nocaemo ráízáide. Nana comíni guamáemo fiébicaídiaioi. ² Iemo díga ráfuiaí íaioimo llófuete. Ua íaioi onóigafúiaído llote. Ie llogáuai daide:

3 —Bíemo cácarei: Ríjiraíma ríjizaide. 4 Ricana jailla llezica dáarie rillájiaí iodo cocide. Iemo ófocuizai áfena güizáibitiaíoi. 5 Jiáíe rillájiaí nofíciaímo énie iñénamo cocide. Afe rigájiaí raire zocade, mei afe énie figo iñédeza. 6 Mei íadi jitoma billa llezica uzídiaíoi. Jáinao iñénamona dúidiaíoi. 7 Jiáíe rillájiaí éegiaí cígimo cocide. Afe éegiaí zoca anamo itábicaidiaíoi. Meita jaca llizíñediaíoi. 8 Mei íadi jiáíe rillájiaí ñuera éniemo baíide. Zocádiaíoi; ie mei ñue comúidiaíoi. Mei ñue llizídiaíoi. Daji rígamona zocano aillo llizide; jiájiaí afe baímo llizide; jiájiaí ie baímo ua aillo jamánomo llizide.

9 Ie mei íaíoi na daíde:

—Omoímona cacáacadino cacai, —daíde.

*Afémie nibai íaíoi onóigafuiaí cígido llófuefirede
(Mt 13.10-17; Lc 8.9-10)*

10 Afe mei Jesús dama fiébilla llezica, afémie áinori itino ie doce llófuegamaci diga íemo jicánotiaíoi:

—Bie onóigafue ¿nie izóí daííacade? —daídiaíoi. 11 Jira íaíoi na daíde:

—Juzíñamui ie uáfodo onóñega illáimana illirui rafue ómoímo llóiacade. Afedo ja llolíomoi. Mei íadi jino ite íemo jaináñedino jaca íaíoi onóigafuiaído llogáiaíoi. 12 Daíí cue llófuegaiaíoi, íaíoi cióillano nai uina cióñedimaci izóí íaíoi fiébicaillena. Afe izóí cácaítiaíoi íadi ónoñeítiaíoi. Daíí llófuegaiaíoi íaíoi comeci ífue méidoñeillena; íemo jiáí íaíoi comeci fiénidífuaí dóficaiñeillena.

*Jesús afe ríjiraíma onóigafue ja ua jino llote
(Mt 13.18-23; Lc 8.11-15)*

13 Dáanomo Jesús jicánote:

—¿Omoi bie onóigafue onóñediomoi? ¿Nie izóí daíí mei jiáíena ónoítomoi?

14 Afe riraíma Juzíñamui ñuefue lloraíma izóidímie. 15 Dáarie comini afe iodo cocide rigájiaí izóidiaíoi. Afémaci afe cue llogáfue mo cacáreidiaíoi. Mei íadi áfena cacáillanona, Taífe íaíoi comécimo lloga ráfue na raire báiruaíbite.

16 Jiáíe comini afe nofíciaímo énie iñénamo cocide rigájiaí izóidiaíoi. Afe cue lloga uaina cacáillano raire caímare llínotiaíoi. 17 Mei íadi figo jáinaonide rigájiaí izóidiaíoi za, dama íanori íllado ñue itíaíoi. Afe mei lloga uai ícoínia

facátafuaí bíadi, nibai duere íaíoi zefuíadi, íaíoi ínoñenamona íaíoi mo lloga uaina raire meine abido zóofetiaíoi. 18 Jiáíe comini afe éegiaí cígiri cocide rigájiaí izóidiaíoi. Lloga uaina cacádiaíoi, 19 mei íadi bie éniemo ite raamo comécillano aféfuaímo iere járitaitiaíoi. Bínie raa íaíoi na jífue. Iemona jamánomo aillo ráaniaína óiacadiaíoi. Nana bie jofo comeci óiacaigafue íaíoi mo lloga uaina niné féitate. Ja mei féitagaza; ja ie comécimo llizilla izóí iñede.

20 Mei íadi dámierie lloga uaina cacáillano áfena ñue jeire otíaíoi. Afémaci ñuera éniemo cocide rigájiaí izóidiaíoi. Afe izóí íaíoi íllamona, ñúefuaína ñue aite izóí finóidiaíoi. Afémacimona dáarie afe daji rígamona zocano aillo llizilla izóidiaíoi. Íaíoi mona jiáímaci afe baímo llizilla izóidiaíoi. Jiáímaci afe ie baímo aillo jamánomo llizilla izóidiaíoi.

*Mechera iedo cai onóigafue
(Lc 8.16-18)*

21 Jesús nai úrite; íaíoi na daíde:

—¿Nogo anamo jónellena mechera meita atíca? ¡Atíñega! ¿Daje izóí inírabani anamo rainállena mechera atícaza? ¡Atíñega! Naga mechera caífo jíca raináfírega, ñue egáíñollena. 22 Mei ja nana báinino ite raa jino uáfodo

ciocaitade. Daje izói nana jáanoga rafue ñue onóigafuena jáite. ²³ Omoimona cacáacadino cácarei.

²⁴ Afe emódomo íaioina daide:

—Omoi cacánafuena ñue omoi onoiri. Naga raa omoi faca izói, afe izói Juzíñamui ibana ómoimo fácaiteza. Ie mei afe baimo afémie jamánomo aillo ómoimo íite, mei ñue cacádiomoiza. ²⁵ Mei iéredimie mo jíáiena ille; mei íadi iénidimie mona, íemo due ite raa meine bairolle.

Eniemo rigaji zócajamo mameca rafue

²⁶ Nane dáanomo daide Jesús:

—Juzíñamui illáimana illirui bie izoide. Daa íma éniemo rigájiai júdaia izoide. ²⁷ Rillano afémie abina íniaide. Ie mei cazide. Nao mona diga jaide. Afe llezica rigájiai zocade; zócano ñue zairide, mei íadi nie izói comuídeza afémie onóñede. ²⁸ Mei ñuera éniemo rigájiai énie zocataga. Nano fueñe ie ina jino billa, ie mei llizíllachecoí comuide, ie mei afe llizíllachecoí íjiaina oruide. ²⁹ Ja ie jeia llezica, riraíma afe llizíllajiaina uájide. Mei afe jofo uáruimo ja dúcidez.

Mostaza llizíllaji iedo onoiga rafue

(Mt 13.31-32; Lc 13.18-19)

³⁰ Jesús nane daide:

—Juzíñamui illáimana illarui, ¿nie izoide? ¿Ñie onóigafuedo daje izói fácaiticaí? ³¹ Juzíñamui illáimana illarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide. ³² Mei íadi rígamona, nana raróciaí ie baimo áillo nana jaide. Ie ícairuai áarie. Iemona féedino ófocuizai ie ícairuaímo ráinazaidiaíoi. Afe jánamo uái ráiiediaíoi, —daíí Jesús daide.

Jesús jaca onoiga ráfuaímo mámano llófueñede

(Mt 13.34-35)

³³ Daíí Jesús ie jino llóiacagafuaí aillo bie izói onóigafuaído jóonecana uite. Íaíoi onóillinomo daíí llócaide. ³⁴ Onóigafue llóñeniadi, afémacina llófueñede. Mei íadi Jesús ie llófuegamaci diga oni eneno daní íaíoi illa llezica nana áfena jino íaíoi mo llote.

Jesús jairifo naa jorai bagua diga llícaitade

(Mt 8.23-27; Lc 8.22-25)

³⁵ Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

³⁶ Ie mei comini ífiano, Jesús uitíaioi. Afémie illácaedo jáidiaíoi. Daje llezica jííacaíaido afémiedo jáidiaíoi. ³⁷ Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoina oruíbicaide. ³⁸ Afe llezica Jesús moífecaemo ifo jobéracadamo bíicana inide. Afémie cazítajano íena daídíaíoi:

—¡Llófueraíma! ¿O caína ráiruiñedio? ¡Buízaidicaí! —daídíaíoi.

³⁹ Iemo Jesús náidacaillano jairifo lletade. Llétajano jóraina daide:

—¡Llícaí! ¡Uái ii! —daide. Iemona jairifo llícaide. Nana ñue jáfuericaide.

⁴⁰ Ie mei ie llófuegamacina daide:

—¿Ñibái mei iere jacíruiñeímoi? ¿Ñibai nai Juzíñamuimo íñoñediñeímoi? —daide.

⁴¹ Íadi jairifo ie llícaitari iere jacínaitiaíoi. Dani conímamo úritiaíoi:

—¿Bie námie? ¡Jairifo jorai diga, afémie uaina jeire ote! —daídíaíoi.

Gerasa éniemo fénidena jóriaredimie Jesús jíllotate

(Mt 8.28-34; Lc 8.26-39)

5

¹ Jae jorai ruicáfellemo ite Gadara éniemo dúcidiaioi. ² Jesús nocáemona jino jáidemo, raiáfuai illánomo ífirede fiénidena joríairedimie Jesumo bite. ³ Afémie raiáfuai illánomo ífirede. Aféruillaído afémie jaca buna llójeodo cuinánide. ⁴ Diga ícaño llójeodo idai onoi diga íena cuinádiaioi, mei íadi afémie afe llójeona titada jaca jéenino titúbite. Jaca buna afémiena anáfenonide. ⁵ Mona naio diga afémie afénomo macáfiredede. Iduaido caillícana jaide naa raiáfuaído. Daje llezica noficiaído ie abi bofécade. ⁶ Iadi Jesuna jicana ciode; cíoillano, aizícana bite. Billano Jesús anamo afémie ie caiñícido ana dújude. ⁷ Jesumo riire lléjecaide:

—¿Nibái cuemo jíricaidio? O Jesúsio; jamánomo caifoide Juziñamui Jitódio. Juziñamui mámecido omo jicádicue duere cue zéfuiñellena, —daide. ⁸ Daií lléjecaide, mei nano fueñe Jesús íena dáideza:

—¿Fiénide joría, bie ímmamona oni jai! —daide. ⁹ Jesús íemo jicánote:

—¿O mei búdio? —daide. Uai ote:

—Cue mámece Aillo Dáanomo Iráicano, mei áillomacidicaiza, —daide.

¹⁰ Iemo fiénide joría Jesumo izire jicade, afe éniemona jica íaioina oni óreiñellena. ¹¹ Afe íduai áinomo aillo tóica meróniai güífiredede. ¹² Ie jira fiénide joría Jesumo jicade:

—Afe meróniaimo cai oreri, dinomo cai ílleza, —daidíaioi.

¹³ Ie mei Jesús fairíote. Iemo fiénide joría ímmamona jino meróniaimo jáidiaioi. Mena mil tóinai ite. Nana afe tóinai jorai ígodado aizida cocídiaioi. Iemona jóraimo coróbaitiaioi.

¹⁴ Ie jira meróniai úiñoraímace jacináillano botádiaioi. Afe rafue íaioi jófuemo llujídiaioi naa jínoidímace diga. Ie jira afe finócafue mo comini eróizabítiaioi.

¹⁵ Jesús illánomo dúcillano nauí fiénidena joríairedimiena cíodiaioi. Mei íadi ja birui afémie ñue uái ráide. Ja ínícuirona jítáide. Ja ñue abina onode. Nana comini jacíruitiaioi. ¹⁶ Ie mei cíodino nauí fiénidena joríairedimie mo finócafue na llujídiaioi. Daje izói meróniaimo finócafue llotíaioi. ¹⁷ Ie mei Jesumo izire jicajidiaioi íaioi éniemona afémie oni jáillena.

¹⁸ Jesús meine nocáe eromo jailla llezica, nauí fiénidena joriaina ogámie Jesús diga íllena izire jicade. ¹⁹ Mei íadi Jesús fairíoñede. Afémiena daide:

—Mai o jofomo jai. O cominimo nana omo cue finócafue o llujíjiri. O Ocuíraímadicueza. Omo cue dúcaillafue llujíjiri, —daide Jesús.

²⁰ Ie jira afémie jaillano nana Jesús afémiemo finócafue llujíjide. Uafue nana Decápolis éniemo llujíjide. Nana comini aféfuere fáigacaidiaioi.

Jairo jiza jíllotafue

(Mt 9.18-26; Lc 8.40-56)

²¹ Jesús meine jorai ruícafenemo nocaedo jáidemo, aillo comini Jesús illánomo garízaibítiaioi. Afémie dino jorai fuédamo fiébide. ²² Iemo Juziñamui uai llófueriraco illáinimona dámie dúcide. Afémie mámece Jairo. Jesuna cíoillano ie ídaimo bíjicaide. ²³ Daje llezica izire jicade:

—Cue jiza tíiacade. O onoi cue jízamo bítaibi, ie jíllolleza, ie tíñelleza, —daide.

²⁴ Iemona Jesús afémie diga jaide. Ie llezica aillo comini afémiedo rillire jáidiaioi. ²⁵ Afémace cígimo daa ringo iráredingo ite. Doce diga fimona dícotaitaite.

²⁶ Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. ²⁷ Nauí jíáimace Jesudo úrillafue na cacáillano, afe ringo ódana comini cígido Jesumo

áinozide. Iemo afémie inícuero jetánuaide. ²⁸ Afe uícori afengo comeci anado daide; “Ie inícuero cue jetáadi jílloiticue,” daide. ²⁹ Ie mei inícuero jetaa llezica afengo die tótaja llícaide. Afe llezica ie irárena jílluamona afengo abi ñue cacaiide. ³⁰ Ie mei Jesús onóbicaide. Uafue, ie ríinodo da come jíllotaga afémie raire fidide. Ie jira comini cígido jino éroicaillano jicánote:

—¿Mei bu cue inícuero jetaca? —daide. ³¹ Iemo ie llófuegamaci afémiena daide:

—¿Aillo comini rillire fínuana cióñedio? ¿Ñibái mei bu o inícuero jetaa jicánotio? —daidíaioi.

³² Mei íadi Jesús nágafene erórfide afémie inícuero jetádingona cióillena. ³³ Ie mei afengo jágeri cuidírite. Aféngomo finócafuea onóillano, Jesús uícomo ana bíjicaizaibite. Afengo rafue nana afémie uáfuea jino llote. ³⁴ Jira Jesús daide:

—Eicango, o comécido ñue innotio, jira jíllodio. Mai jai. Jaillano uái o iri. O irárenamona ja jíllodioza, —daide.

³⁵ Jesús nai úritemo, dáarie comini illaíma Jairo jofómona bitíaioi. Dúengo moomo lluíbitiaioi:

—O jiza ja tíide. ¿Ñibái mei are llófueraíma ifoci daidódio? —daidíaioi. ³⁶ Mei íadi Jesús íaioi uai jeire oñeno, llófueriraco illaíma Jáirona daide:

—Jacíruiñeno iri. Dama o comécido inori, —daide.

³⁷ Iemo Jesús nana comini íedo jáiñellena rairuide. Dama Pedro, Santiago, ie ama Juan diga uite. ³⁸ Llófueriraco illaíma jofomo dúciillano, Jesús aillo comini faillíñainana cacade; nana cáillicaiilli énaillana cacade. ³⁹ Jofo jaillano Jesús daide:

—¿Ñibái mei iere faillíñaidiomoi? ¿Ñibái mei iere éediomoi? Afeza tíñedeza; fia inide, —daide.

⁴⁰ Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidiaioi. ⁴¹ Jiza onoi llínuano daide:

—Talita, cumi—. Aféuai dobáicana llote: “Jiza, ona daidícue, náidacai.”

⁴² Daí dáinamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidiaioi. ⁴³ Mei íadi Jesús:

—Afefue bumo lloñeno iri, —daide. Daí ocuide. Afe llezica afe ringoza ecállena íaioina ocuide.

6

Jesús Nazaremo jailla

(Mt 13.53-58; Lc 4.16-30)

¹ Dinómona Jesús ie éniemo jaide. Ie llófuegamaci íedo jáidiaioi. ² Ocózinaillaruimo dúciillanona Juzíñamui uai llófueriracomo llófuiaide. Aillo comini íena cacáreidiaioi. Iemona íena jacíruicana fáigacaidiaioi. Daidíaioi:

—¿Ninómona bímie nana bie ráfuiái onode? ¿Mínica bie onónafue íemo ite? ¿Nie izói afémie bie aillo uaido dáinamona comúitaga raa comúitarede? ³ Mei bímie afe aménado táijiraíma, zero ua? Afémie María jitoza onódicai, zero ua? Daje izói afémie ámatiaí Santiago, José, Judas, Simón dígadeza onódicai. Iemo ie miríngotiaí nai cai cígimo íllana onódicai, —daidíaioi.

Iemona afémaci Jesús uaina náfueacañediaioi. ⁴ Iemo Jesús íaioina daide:

—Nana jáíe comini, Juzíñamui uai jino llóraímana ñue jíeruitiaioi. Mei íadi afe llóraíma énie imaci, íezie imaci diga, figo íena jíeruiñediaioi. Daje izói ie jofo imaci íena jíeruiñediaioi, —daide.

⁵ Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotate. ⁶ Mei íadi nabémaci íinoñenari afémie fáigacaide. Ie mei Jesús áinori ite jófuedo llófuecana uite.

Jesús ie doce dígamie oni jíáinomo óriano llotátate
(Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íaiói orede. Afe llezica Jesús afe íaióimo ie ríino iga, fiénide jóríai jino oréllena. ⁸ Ie llófuegamacina ocuide:

—Omoi jaille iodo ráiñuai jíáie minícana uíñeno iri. Daa omoi jigüida diga jairi. Tura uíñeno iri. Pan úcube diga uíñeno iri. ⁹ Omoi ídai ico jíitada jairi. Mena caifófecuero uíñeno iri, dama o jítaoigacuero uiri, —daide. ¹⁰ Iemo nane íaióina daide:

—Nícomo o jáiadi, dínó o fiébiri; ua afe éniemona jíáinomo o jáiacana llezica dínó o fiébiri. ¹¹ Jáícomo omoi jáiadi, ómoína íaiói llínoñeniadi, afénomona jairi. Daje izói o uai cacáacañenomona jairi. Jaillano, o ídai ico me ite eníchoma jino íaióimo teténori, daíí íaiói finócafue mo o jíeruiñenana jino llóitio. Uáfue na omoi llotícue: Uire duere finóbilliruimo dúcia llezica, ómoína llínoñedíno jamánomo duere finóbitiaíoi. Mei íadi Sodoma comíni Gomorra comíni diga figo duere finóbiñeitiaíoi, —daide.

¹² Iemo ie llófuegamaci jino jáidiaíoi. Jaillano comíni llotíaíoi:

—Mai omoi comeci ífue meídori, —daidiaíoi. ¹³ Daje llezica aillo fiénide jóríai jino orédiaíoi. Iráredinomo cáiredíjina due jónetiaíoi; íemona jíllodiaíoi.

Juan Bautista tíllafue
(Mt 14.1-12; Lc 9.7-9)

¹⁴ Illaíma Herodes aféfuaiaina como fidide. Mei nana comíni Jesús jalléinana onódiaíoi. Dáarie daidiaíoi:

—Juan Bautista tíide íadi meine abído cáadimíena jaide. Iemona bie ríino afémiemo ite, —daidiaíoi.

¹⁵ Jáímaci daidiaíoi:

—Bie Juzíñamui uai llóraíma Elías, —daidiaíoi.

Nane jíáimaci daidiaíoi:

—Jaiái Juzíñamui uai jino llóraini izoide bímie jíáie Juzíñamui uai llóraíma, —daidiaíoi.

¹⁶ Herodes áfena cacáillano daide:

—Bímie ífona cue jaitátagamie Juan. Ja birui tíllanomona meine abído caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aína ote. Afe Herodías ícoína Herodes Juan jae llavétate. Afe llezica íena llavéracomo maítátate. ¹⁸ Mei nauí Juan Heródemo llógaza:

—O ofaiño o aína ónidio; áfena rairuírede, —daide.

¹⁹ Ie jira Herodías Juamo éoicana eroide. Iena fáiacade, íadi íena fánide.

²⁰ Herodes afémie comécina jáícina ñue jóidimíenana onode; íere ñúemíenana onode. Ñúfuedo íena jacíruite. Ie jira afengo íena fiéni finótañede. Herodes Juan llogafue nai figo onóñede, íadi caímare íemo cacáreide. ²¹ Mei íadi Herodías jíáífuemo uíbicaide. Herodes jocóinamona jíáie fimona fuilláruimo dúcide. Jira aféruido Herodes cumpleaños rafue finode. Nana ie illaini, jabóllaini, Galilea ocúraini diga afénomo gairídiaíoi, mei Herodes uáidogaiaíoi. ²² Dínomo Herodías jiza jofo jaillano zaite. Afengo záillari Herodes íóbide; daje izói nana íe diga güizábitino íóbidiaíoi. Iemona illaíma Herodes aféngona daide:

—O jicáacaiga raa cuemo jica. Omo íticue, —daide.

²³ Rírede uaido nana afengo jicalle raa ie fecállena íaioi uiécomo llote: “Nana cuemo jainaide éniemona júbene o jitailla dieze omo llóiticue,” daide.

²⁴ Afengo jaillano ie eina daide:

—¿Minica jícaiticue? —daide.

Afengo daide:

—Mai, Juan Bautista ifoci jica, —daide.

²⁵ Afe ringoza jarire illaíma illánomo jofo jaide; íena daide:

—Raire plato eromo Juan Bautista ifoci jóoneta cuemo ine, —daide.

²⁶ Iemona illaíma iere zúureficaide. Mei ja rírede uaido llógaza afengo jicácana afémie jáanoiacañede. Daje llezica nana ie uáidogamací cacádiaioi. Ie jira jáanoiacañede. ²⁷ Ie jira afe llezica ie abí úiñoraíma raire llavériracomo orede, Juan ifoci atíllena. ²⁸ Afe abí úiñoraíma llavériracomo jaillano, Juan ifoci jáitano plátomo jóoneta atide. Afémie aféngomo izábite. Iemo ie eimo afengo izájide.

²⁹ Juaado jáidino, fidíillano, ie abí uájidiaioi, ráillena.

Jesús cinco mil dígade úñiaí ecade
(Mt 14.13-21; Lc 9.10-17; Jn 6.1-14)

³⁰ Afe mei Jesús nauí oni jino orécamaci meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi. ³¹ Iemona Jesús íaioina daide:

—Mai bi, oni báinino cai ocózinaili, —daide.

Aillo comíni dúcioidiaioi, jáioidiaioi; ie jira Jesús ie imaci díga, güíndiaioi.

³² Ie mei Jesús ie imaci díga nocaedo oni eneno tí daidínomo jáidiaioi. ³³ Mei íadi aillo nairai íaioi jáillana ciode. Jesuna onóillano nana jófueмона batínomo aizícana jáidiaioi. Uafue, Jesús ie imaci díga uícomo dúcidiaioi. ³⁴ Jesús dúcia mei nocáemona jino jaillano aillo comínina ciode. Cíóillano afémacimo dúecaide. Iaioina izíruite níbai úiñoraímanide ovéjaíai izóí itíaioi. Ie jira díga ráfuiaina íaioimo llote. ³⁵ Ja nauídemo ie llófuegamaci afémiena daízaíbitiaioi:

—Ja nauízaide. Afe benomo comíni jofona íñede. ³⁶ Mai comíni oni ore áinori itícuaímo jáíie jofue díga, díonomo íaioi güille íbajillena. Mei íaioi güíllena benomo íñédeza, —daidiaioi.

³⁷ Jira Jesús uai ote:

—Mai omoí íaioi eca, —daide.

Afémiena daidiaioi:

—¿Cai meita jaillano íbáredicai, doscientos dígabe fidi pan bimaci ecállena? —daidiaioi.

³⁸ Jira Jesús daide:

—¿Níga pan ómoímo ite? Eroizai, —daide.

Afe fidíillano daidiaioi:

—Jubécuiro díga panes ite, mena chamu díga, —daidiaioi.

³⁹ Ie jira mócorede raitíremo Jesús comíni énenorie dázierie raizítate. ⁴⁰ Iemona cincuenta íemo jáíai cien dígamíerie raizídaitiaioi. ⁴¹ Iemona Jesús afe jubeba panes mena chamu díga llínote. Llínuano caífo monamo érocaillano:

—Íere figora, —daide. Daíí daínano afe pan dídade. Dítajano ie llófuegamacimo fecade. Llófuegamaci ja comínimo oni fecádiaioi. Daje izóí mena chamu nana comínido fecádiaioi. ⁴² Nana comíni güitíaioi. Ua ñue

jeirediaioi. ⁴³ Güilla mei panes chamu diga fiébidinona doce dígagai cirigai oruitatiaioi. ⁴⁴ Afe Jesús fecaca panes güitímaci cinco mil dígamíai.

Jesús jainoi emódodo macade
(Mt 14.22-27; Jn 6.16-21)

⁴⁵ Raire méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daí ñeta llezica mei Jesús nana comini diga rainode. ⁴⁶ Iaiói ráinua méifodo Jesús idu emódomo Juzíñamuimo úrizaide. ⁴⁷ Ja naiomo nocáe jorai cígimo ite. Jesús dama éniemo fiébricaide. ⁴⁸ Jesús íaioi taino jáiana ciode. Taino jaitíaiói, mei jairifo meine íaioi fúuoideza. Iemo ja monáizaidemo Jesús íaioimo ánozide. Jainoi emódodo macade. Ainozide, íadi jicado fíiaide izói macade. ⁴⁹ Ie jainoi emódodo mácajana íaioi cióillano comeci jacíruiocana facádiaioi: “¡Ñibai janaba!” daidíaiói. Jira caillíoidiaioi. ⁵⁰ Nana áfena cióillano iere jacínaitiaioi. Mei íadi Jesús raire íaioimo úrite; daide:

—¡Abi omoi mame! ¡Cueza! ¡Jacíruiño omoi iri! —daide.

⁵¹ Iaióimo itícaemo jofo jaide. Jofo jáidemo jairifo llícaide. Iemo jacíruiocana áferi iere fáigacaidiaioi. ⁵² Ua afe daí fáigacaidiaioi, mei afe duera pan fia uáimona jamánomo aillo comútatena comécido onóñediaioiza; íaioi comeci nai ríirena jira.

Genesaret éniemo ite iráredino Jesús jílloate
(Mt 14.34-36)

⁵³ Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi. ⁵⁴ Nocáemona jino jailla llezica, afénomo ite comini raire Jesuna onódiaioi. ⁵⁵ Iemona afémaci nana afe éniemo raire aizícana llujídiaioi. Iemona Jesús illánona fidíllano, afe dinomo iráredimaci duera inírabanido atídiaioi. ⁵⁶ Nágagobiaido ie jáiacana izói afe jofue cígimo ite ocózinairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo iñéallegoído ie jáiadi, daje izói iráredino iomo jónetiaioi. Afe llezica Jesús inícuero fueda íaioi jetánollena daa bie dáarie izire íemo jicádiaioi. Nana áfena jetánotíno jíllobicaidiaioi.

7

¿Minica caina íaire fínode?
(Mt 15.1-20)

¹ Iemo fariséuai Jesumo ánozidiaioi, dáarie ocuícáfue llófueraini diga. Afe llófueraini Jerusalémona bitíaiói. ² Nana bimaci Jesús llófuegamacimona dámierie ciódiaioi. Afe llófuegamaci onoi jocóñeno güitíaiói, fariséuai afémacina daí daide, mei bimaci onoi jócua ocuica níciduafuemo dúcitaiñediaioiza. Afe ícoínia íaioi jánana úritiaioi. ³ Daí daidíaiói mei fariséuai nana judíuai diga íaioi jaiáigima uai nai uícadiaioiza. Aféfuiai daide, comini nai bie izói íaioi onoi diga icaiño jócoñenia güínidiaioi. ⁴ Daje izói güille fecáracomona meine billano, onoi jócua ocuica níciduafue nai fuitáñenia güínidiaioi. Nai aillo ite afémaci jíaie uícaigafuiai. Uafue, íaioi jiróracuai diga icaiño jocófirediaioi. Daje izói íaioi icíruai, cadéruai, jamánomo diga ícaiño jocódiaioi íaioi inírabanillai diga. ⁵ Iemona fariséuai, ocuícáfue llófueraini diga Jesumo jicánotiaioi:

—¿Ñibái mei o llófuegamaci cai jaiáigima daínafuiai uícaiñediaioi? Daí onoi íáirededo güitíaiói, —daidíaiói.

⁶ Jesús uai ote:

—Juzíñamui uai lloraima Isaías ñue llote. Nana omoi abina ñúemaci, íadi comécina íáirediomoi. Ie cuia llezica ómoimo llote:

Bie comini fueo ñúefue cuemo jitádiaioi.

Mei íadi íaioi comeci cuemo jaináñede.

⁷ Cue ñúefuedo úrilla cuemo gairífrediaioi, mei íadi íaioi úrillafue ráifiñede.

Iaioi llófuega Juzíñamui daináuai, fia jamai comini ocuífuaiai.

Juzíñamui uáñede, daií íaioi daina íadi, daide.

⁸ Mei Juzíñamui ocuífue féitatomoi, fia comini daináfuaiai jeire omoi óllena. Aféfuiai daide: ícírui jocóllena, jiróracuai jocóllena, aillo jíáie afe izóidifuaiai omoi finóllena.

⁹ Iemo afe emódomo bie izói zanoda íaioina daide:

—Juzíñamui ocuífuaiai iere ebire oni eneno omoi fáicanocaiga, dani omoi daináfuaiai uícaillena. ¹⁰ Mei Moisés daide: “Ñue jacíruioicana o moo canori, o ei diga. Ie ei ie moo diga fiénina úritimie uáfuea titáredeza,” daide. ¹¹ Mei íadi jíáifodo daidíomoi:

—Dámie ie moo íaillinona bie daiírede, “Ona canónidícue, mei nana cuemo ite ráaie jae ‘Corbán’ itíaióiza”. (Afe uai dobáicana daina Juzíñamui íena mamécaza.) ¹² Damie daií daiíadi, ja mei ie ei ie moo diga canónide náfuetiomoi.

¹³ Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúefuea jámairuitiomoi. Aillo afe izóidifuaiai finófrediomoi.

¹⁴ Nane dáanomo Jesús comini jíirite; jíirillano íaioina daide:

—Nana omoi cácarei, comeci onoiri. ¹⁵ Nana güíllemo comécina íairenafue iñede. Mei íadi comécimona jino bitífue come comeci íáiretate. ¹⁶ Omoimona cacáreiacadino cacai, —daide.

¹⁷ Jesús comini fíiano jofomo jaide. Dinomo ie llófuegamaci afe onóigafuedo íemo jicánotiaioi. ¹⁸⁻¹⁹ Iemo íaioina daide:

—¿Daií jaca ónoñeitiomoi? Nana jinona güiga raa comécimo jáiñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daiíacade nana güille ñuera. ²⁰ Nane daide:

—Íima comécimona jino bitífue dama afémiena íáiruitade. ²¹ Mei afémie erómona, ua ie comécimona jino fiéni uibíllafue bite; íemo jíruírenafue bite, naa jíáie jíruífuaiai diga; íemo jíáima méniafue bite, ²² merírillafue diga; íemo jíáima raa bairóacanafue bite, jíáie fiénidifuaiai diga; ie mei jíáima jífuaifue bite, nana íáiredifuaiai diga. Iemo úradoillafue bite, naa táinona úrillafue diga. Iemo táinona abí ínuafue bite, naa abina onóñenafue diga. ²³ Nana bie figóñedifuaiai come erómona bite; billano cómena íaire finode.

Jiáizie ingo Jesumo ínote (Mt 15.21-28)

²⁴ Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide. ²⁵ Iemo fiénidena jóriáiredingo ei, ie íllana raire fidide. Billano Jesús anamo dújude. ²⁶ Afengo judío ingóñede; jíáizie ingo. Afengo énie mámecei Sirofenicia. Afengo jízamo ite fiénide jóriai óllena Jesumo jícade. ²⁷ Mei íadi Jesús daide:

—Juzíñamui úruiai raire nano fueñe güilleza. Juzíñamui úruiai güille bairoda tóica jíco izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiai güíllamona, ana cocídijiai, güirábani anamo ite jicótiruai güífirediaioi, —daide.

²⁹ Ie mei Jesús daide:

—Ua llotio. Iemona ja jáiredio, o jízamo ite fiénide joría jae oni jáideza, —daide.

³⁰ Afengo jofomo dúcina llezica, iníramo bíide jízana ciode. Fiénide joría ja ua aféngomona ñue oni jaide.

Jefona cacáñede gogódime Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuiái dinedo jaide. Aféniedo jaillano, meine abido Galilea jóraimo dúcide. ³² Afénomo jefona cacáñede uaina jino figo baiñnedime Jesumo atídiaoí. Iemo izire jicádiaoí Jesús aféniemo onoi bitállena. ³³ Ie jira Jesús náiraímona oni báinino íena uite. Dinomo Jesús dama ie onocai jefona cacáñnedime jefomo dutade. Ie mei Jesús dama ie onócaimo tuánuano afe úriñnedime iife jetánote. ³⁴ Afe mei Jesús monamo érocaillanona comeci zúurenamona zegóricai. Zegóricailano íena daide:

—¡Efata! —daide. Afe uai jino dobáiñuano daina: túijicai.

³⁵ Afe llezica jefona cacáñnedime jefo túijicai; ie iife ñue jíllode. Iemona afémie ja ñue úrite. ³⁶ Iemona Jesús íaioina rairuide:

—Jíímacimo lloñeno iri, —daide. Jesús afe daí dígacaiño íaioina rairuide. Mei íadi Jesús iere rairuide íadi, áfena náfueñeno aféfuena baimo jino llócaidiaoí.

³⁷ Iemo nana comini iere jamánomo fáigacaidiaoí. Daidíaoí:

—Nana ñue finode. Afémie jefona cacáñnedime cacáitate; uaina jino figo baiñnedimiena ñue úritade, —daidíaoí.

8

Jesús cuatro mil diga comini ecade

(Mt 15.32-39)

¹ Aféruillaído aillo comini meine dáanomomo gairídiaoí. Iaoí güille iñede. Ie jira Jesús ie llófuegamaci jírita, íaioina daide:

² —Bie náiraíri dúcaidicue. Ja daruiámami benó cue diga itíaoí. Iaoí güille jae iñede. ³ Güiñeno íaoí jofomo orédicuenia, iodo báicana jáitiaioí. Dáarie jicana bitíaoíza, —daide Jesús.

⁴ Ie llófuegamaci uai otíaoí:

—Benó bu iñénaoza ¿minícana íaoí ecáredicai?

⁵ Jesús íaioimo jicánote:

—¿Níga panes ómoimo ite? —daide.

Jira afémaci daidíaoí:

—Siete panes caimo ite, —daidíaoí.

⁶ Ie jira nana comini ana éniemo ráitate. Iemo Jesús afe siete panes línuano, Juzíñamuina “Figora” daide. Daina mei, afe panes ditade. Daí ñeta, ie llófuegamacimo ite. Afe mei llófuegamaci comínido oni fecádiaoí.

⁷ Afémacimo due jiza chamu ite. Jesús Juzíñamuina “Figora” dainano afe chamu fecátate. ⁸ Nana güitíaoí. Iemona ñue jeírediaoí. Ie mei güíllamona fiébidino siete diga cirigai iráidiaoí. ⁹ Afe güitino cuatro milmo ánoziacade. Afe mei Jesús nana íaoí rainode. ¹⁰ Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

Fariséuai uai dáinamona comuide onótate raa jicádiaoí
(Mt 16.1-4; Lc 12.54-56)

11 Iemona fariséuai Jesumo júfiduaibitiaioi. Ie facátaiacadiaioi. Iemona: “Monámona uaido comuide onótate raa caimo ácatari,” daidíaioi. 12 Iemo Jesús comeci zúurenamona izire zegóricailano daide:

—¿Nibái mei bie nairai uáimona comuide onótate raa jicádiaioi? Uáfuenta ómoimo lloticue, jaca onótate raana bu ómoimo fínoñeite, —daide.

13 Jira Jesús íaioi fíiano meine nocaemo jaide. Iemo jorai enéfenemo jaide.

*Fariséuaimo ite pan aillo fáitate raa izóidifuedo Jesús llote
(Mt 16.5-12)*

14 Jesús ie llófuegamaci diga íaioi jailla llezica, íaioi ráiñuai féitatiaioi. Dinó nocaemo fia daa pan íaioimo ite. 15 Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abí omoi rairuiri, —daide.

16 Iemo llófuegamaci dani conímamo llotíaioi:

—Nibái cai pan iñena jírari, Jesús caina daí riire daide, —daidíaioi.

17 Jesús dani íaioi úrillana onóillano daide:

—¿Nibái mei, “caimo pan iñede” dani jofu conímamo daiífirediomoí? ¿Nai fidíñediomoí? ¿Nai omoi comécimo déiñede? ¿Omoi comeci nai iere riirede?

18 ¿Omoi uído cióñediomoí? ¿Omoi jefodo cacáñediomoí? ¿Nai cue finócafuenta onóñediomoí? 19 Naui cinco mil íñiaí dígamiedemo afe cinco panes cue fecácamo, ¿niga cirigai fiébidinona iráidiomoí? —daide.

Iemo daidíaioi:

—Doce dígagai cirigai, —daidíaioi.

20 Jesús nane daide:

—Daje izói cuatro mil íñiaí dígamiedemo afe siete panes cue fecácamo, ¿niga oruide cirigai iráidiomoí? —daide.

Iemo daidíaioi:

—Siete dígagai cirigai, —daidíaioi.

21 Iemo íaioina daide:

—¿Nai omoi comécimo jaca déiñede? —daide.

Betsaida jófuego ite uina cióñedimie Jesús jllotate

22 Ja Betsaida jófuego dúcidiaioi. Iemo uina cióñedimie Jesumo comini atídiaioi. Iena jetánollena izire jicádiaioi. 23 Uina cióñedimie ónoído llínota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cioide? —daide.

24 Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaiaí izói cióidiaioi, —daide.

25 Ie jira Jesús nane dánomo ie uimo ie onoi jóonete. Afe mei afémie riire eroide. Iemo ie ui ja jíllode; ja afémie naga raana uáfodo ñue cioide. 26 Ie mei Jesús ie jofomo ie orede. Iena daide:

—Jófuego jáiñeno iri. Afénomo ite comínimo, buna lloñeno iri, —daide.

*Pedro Jesús Crístona maméinafue jino ñue llote
(Mt 16.13-20; Lc 9.18-21)*

27 Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuaí dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidíaioi? —daide.

²⁸ Afémaci uai otíai*oi*:
—Dáamierie Juan Bautístadio daide. Jiáimíai Elíasdío daidíai*oi*. Ie jiáimíai jiáie uai lloráimadio daidíai*oi*, —daí uai otíai*oi*.

²⁹ Iemo íai*oi*na jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

³⁰ Iemo Jesús íai*oi*na ocuide, aféfuena bumo llóñeilla.

Jesús ie tíillifue fídítate

(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íai*oi*mo llo*te*. Lluano daide:

—Nanoide ima Jitódicueza íadi iere duere zefuítallí*cue*. Eicomini cuena ruifíruitia*oi*. Daje izói lletáiraini illaini, ocuícáfue llófueraini diga cuena ruifíruitia*oi*. Omo*ina* daidí*cue*, afémaci cuena méineitia*oi*. Mei íadi daruíamani íllamona tíllanomona meine abído caífo náidacaití*cue*. ³² Afefue íai*oi*mo ñue jino llo*te*. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro llétano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomo nane Jesús ie llófuegamaci jírite, nana jiáie comini diga. Iai*oi*na daide:

—Cuedo jáiacadimie mai dama ie comeci jítaina féitari. Féitano cuedo biri. Daí cuedo bíllamona nibai afémie tíadi áfemo comeci fáinide; cuedo bírede.

³⁵ Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jíllano llícaíñeite; daje izói, cue lloga ñúefue ícoinia abi rairuíacañedimie zíñona íite. ³⁶ Mei jíáfodo nana éniemo ite raa cai óiadi, mei íadi afe llezica cai zíñona illifue niné féiadi, ¿nieze canócacai? ¡Canóñegacai! ³⁷ ¿Nieze ibárede da come ie zíñona illafue abído óllena? Íbánide. ³⁸ Mei jíi, dáamie cuena meáiruiadi, abído afémiena meáruití*cue*. Daje izói bie minícana ínoñede fiénidimaci uiécomo cue lloga uaina meáruitimie, íena meáruití*cue*. Mei Nanoide ima Jitódicueza. Uire cue Moo aillo ñue máiriedo bíití*cue*. Nana ie ñuera abi imaci diga bíití*cue*. Aféruimo bie éniemo ite cuena meáruitinona, daje izói íai*oi*na meáruití*cue*.

9

¹ Nane Jesús íai*oi*na daide:

—Uáfuenta ómoimono llotí*cue*. Benomo itímacimona dáarie nai íai*oi* tííñenia Juzíñamui aillo ie ríinodo ie illáimana íllana cíoitia*oi*, —daide.

Jesús abi jíáfodo méidoficaide

(Mt 17.1-13; Lc 9.28-36)

² Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íai*oi* eróicana afémie abi jíáfodo méidoficaide. ³ Ie inícuero quénicuirona jaide, ua iere úzerede jaillici izói. Bie éniemo finódino iníroina afe izói úzeretanidia*oi*. ⁴ Afe llezica Elías, Moisés diga Jesumo úrillana cíódia*oi*. ⁵ Jira Pedro Jesuna daide:

—Llófueraima, níi cai benomo ñue illa. Daámani jofóchupi ómoiena cai finolli, daa óchupi, jiáie Moisés ichupi, jiáie Elías ichupi, —daide.

⁶ Afe dáanomo ie llófuegamaci iere jacínaificaidiaioi; jacínaillano Pedro nie izói dáinana onóñenano daí daide. ⁷ Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote: —Bie cue izíruiga Jitó. Afémiemo cácarei, —daide.

⁸ Afe llezica, nágafene eróroidiaioi íadi íaioi diga buna cióñena, dama Jesús.

⁹ Idumona ana bitíaioimo Jesús afe íaioimo ciónafue jíáimacimo llúana rairuide. Iaioina daide:

—Nanoide íima Jitódicue. Uire cue tíllinomona meine abido cáadimiena cue illíruimo afe omoi ciónafuena llóreitíomoi, —daide. ¹⁰ Ie jira aféfuemo dani comécíidiaioi. Mei íadi afémie tíllinomona abido cáadimiena illífuena jicánofirediaioi:

—¿Minícana íite? —conímana dani daidíaioi.

¹¹ Ie mei Jesumo jicánotiaioi:

—¿Níbái mei ocuícáfue llófueraini daíifirediaioi, caina illáimaite Mesías daínámie uícodo Elías raire biite? —jicánotiaioi.

¹² Afémie uai ote:

—Iere uafue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide íima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. ¹³ Mei íadi ómoína daidicue, Elías ja bite. Dani afémaci óiacana izói afémiemo finódiaioi. Mei Cuegáuai uícomo daina izói, afe izói ja afémiemo zuide, —daide.

Jesús fiénidena jóriarede dúemie jíllotate

(Mt 17.14-21; Lc 9.37-43)

¹⁴ Ie mei ja jíáie llófuegamaci illánomo Jesús daámani caifónedumo uigámaci diga meine bitíaioi. Billano aillo comini íaioimo gairíllana ciódiaioi. Ocuica uai llófueraini dáanomo ite. Afe llezica afémaci Jesús llófuegamacimo júfidotiaioi.

¹⁵ Ie mei Jesuna cióillano iere fáigacaidiaioi. Afémiemo aizícana uáiduaidiaioi.

¹⁶ Ie jira Jesús ie llófuegamacimo jicánote:

—¿Minica afe ocuica uai llófuerainimo júfidotíomoi? —daide.

¹⁷ Afénomo itímacimona daa uai ote:

—Llófueraima, benó omo cue jitó atídicue. Fiénide jóriai afémie uáinino finode. ¹⁸ Náganomo ie jáiadi afe jóriai ie uánona ana dotáfiredo. Ja dinomo fuedo mulléfirede; afe llezica ízie mutúricaide. Iemona ie abi iere naillíbicaide. O llófuegamacimo fiénide jóriai jino óllena jicádicue, íadi afémaci ónidiaioi, —daide.

¹⁹ Jira Jesús uai ote:

—¡Aiii, Juzíñamuimo íñoñedimaci! ¿Nie dinó ómoiri íitíicue? ¿Nie dinó ómoína mozíoitíicue? Bené dúemie ati, —daide.

²⁰ Jira atídiaioi. Afe jóriai Jesuna cióillano, afe dúemie abi meine cuidítate. Cúdiamona afémie éniemo baide. Dinomo jabíoicaide. Fuedo mulléoido.

²¹ Jira Jesús ie moomo jicánote:

—¿Ja nie dino daí ite? —daide.

Jira moo daide:

—Jaca ie dúenamona. ²² Diga ícaíño fiénide jóriai afémie iraimo dotáfiredo. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

²³ Jesús íena daide:

—¿Níbái mei “O finóreniadi cai cano” cuena daidío? Daí daíñeno iri, mei Juzíñamuimo ínotimíemo naga raa finóredeza, —daide.

²⁴ Ie jira afe úrue moo caillíoicaide:

—¡inoticue! Cue cano jamánomo cue ínolleza, —daide.

²⁵ Jesús aillo comini ofíllana cióillano, fiénide jóriai riire lletade. Daide:

—Uáinitade jóriai, cacáitañede jóriai, o jino jáillena ja ocuídícueza, ¡jai! ¡Bie úrue fáinocai! Meine abido íena oñeno iri, —daide. ²⁶ Iemona jóriai caillide; cáilliano dúemie meine nane riire cuidítate. Cuidítajano oni jaide, íadi afe dúemiena tíide izói finode. Jira aillo comini:

—Ja tíide, —daidíaioi. ²⁷ Mei íadi Jesús ónoído llínnota caifo dúemiena naidánete. Iemona afémie ñue jílloda náidacaide.

²⁸ Ie mei Jesús daa jofomo jofo jaide. Afe mei ie llófuegamaci eneno íemo jicánotiaioi:

—¿Ñibái mei fiénide jóriaina ónidicai? —daidíaioi.

²⁹ Jira Jesús daide:

—Bie izói jóriai dama Juziñamuimo úrillado, íemo fímairillado jino orérede, —daide.

Jesús ie tíillifue meine fidítate

(Mt 17.22-23; Lc 9.43-45)

³⁰ Afénomona íaioi jaillano Galilea éniédo jáidiaioi. Jesús báinino jáiacade bu ónoñeillena. ³¹ Mei aféruillaído Jesús ie llófuegamacimo llófullofuedeza. Afémiemo zúillifue íaioimo lloste. Lluano íaioina daide:

—Nanoide fima Jitódicueza íadi uire náiraímo izájillícueza, cue íaioi fállena. Mei íadi daruíamani cue tíillanomona meine abido cáadimiena ííticue, —daide.

³² Mei íadi afémaci ie dáinana onóñediaioi. Daje izói íemo jicánuana jacíruitiaioi.

¿Bu iere jamánomo áillomiena?

(Mt 18.1-5; Lc 9.46-48)

³³ Iemo afémaci Capernaumo dúcidiaioi. Jofomo íaioi illa llezica, Jesús íaioimo jicánote:

—¿Mínicafue iomo júfidotiomo? —daide.

³⁴ Mei íadi jaca uaina oñediaioi. Mei jae iodo júfidotiaioi, ¿bu cáimona jamánomo áillomiena illa? ³⁵ Ie jira Jesús ana ráinaillano, ie doce diga llófuegamaci jíirite; daide:

—Dámie raire uiécodo áillomiena jáiacaniadi, nano fueñe iere jamáimiena írede; daje izói nana comini canóraimana írede, —daide.

³⁶ Iemona Jesús daa úrue llínnuano íaioi cígimo jóonete. Ie mei ie ónoído íena llirínnuano comínina daide:

³⁷ —Bie úrue cue mámecido llínnotimie dájena cuena llínnote. Daje izói cuena llínnotimie dama cue llínoñede, mei íadi cue orédimiena cue abido llínnote, —daide.

Caina éoñedimie cai dibénemo ite

(Mt 10.42; Lc 9.49-50)

³⁸ Iemo Juan Jesuna daide:

—Llófueraíma, dámie ciódicai o mámecido fiénide jóriai jino orede. Mei íadi caído jáiñena jira íena rairuídicai.

³⁹ Mei Jesús daide:

—Rairuíñeno iri. Mei daí cue mámecido ciórainina raa finódimie ñúemie. Daí finódimie afe finua méifomo raire cuédo fiéni úrinide. ⁴⁰ Mei caina éoñedimie ua cai dibéfodo ítimie. ⁴¹ Jáíe come cue mámecido omoí jirótaadi, mei Crístomo omoí jainaina jira, afe jirótatimie uáfuenta ie jirírdolle raa llínoite, —daide.

*Fiénidifueмо baiïllena iere jacïrede
(Mt 18.6-9; Lc 17.1-2)*

⁴² Jiáie come, bie cuena ínnote dúemie fiénidifueмо baiïtaiadi, afe come fiénide. Baiïtatimiemona figura, cimoimo áillue nofícina cúinano monáillaimo dotárede. ⁴³ Dama o onoi fiénidifueмо o baiïtaiadi, afe o jaitari. Júbezi onoi diga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaiaadi, iere figóñede. Aféno mo ite irai dúitanide. ⁴⁴ Aféno mo ite aigíroiái tíñediaíoi; afe aigíroi, afeno itímacina ziiñona duere fínoitiaíoi. Afe irai jaca dúíñede. ⁴⁵ Daje izói o ídai fiénidifueмо o baiïtaiadi, áfena jaita. Júbene ídaiñide o illa llezica ziiño ñue illafue Juzíñamuimona o maiñóadi, jamánomo ñuera. Mei jiáifodo iraimo o dotábicaiaadi ñue mena ídaiñedimie o íadi, iere figóñede. Aféno mo ite irai dúitanide. ⁴⁶ Aféno mo ite aigíroiái tíñediaíoi; afe aigíroi, afeno itímacina ziiñona duere fínoitiaíoi. Afe irai jaca dúíñeiteza. ⁴⁷ Daje izói o uiji ona íáidaitaiadi, mai afeji cuerónori. Ua júbene fíidimie Juzíñamui illáimana illánomo o jáiadi, jamánomo ñuera. Mei íadi nágaillinoi újireñedimie o illa llezica, iraimo o dotábicaiaadi iere figóñede. ⁴⁸ Aféno mo ite aigíroiái tíñeitiaíoi; afe aigíroi afeno itímacina ziiñona duere fínoitiaíoi. Afe irai jaca dúíñede.

⁴⁹ Mei nana fia fecaca Juzíñamui íóbitalle jobaica rílleniamo salna jónefirediaíoi, afe fecaca rille ñue íllena. Daje izói nana raamo cai jírinafuaíado ñue íredicaí. Aféfuiaí irai come uzilla izírena izói caína izi cácataite, Juzíñamui anamo ñue cai íllena. ⁵⁰ Sal ñuera; mei íadi afe sal ie cáimana féiadi, ¿minícado afe sal meine abído cáimacaitarede? Mai dani conímaiaína caimátaillafue díbenemo omoi iri. Afe llezica comeci caimare uái illáfueмо dani conímaiaína ífireiri.

10

*Jesús, naga come ie aina oni dóтана rairuide
(Mt 19.1-12; Lc 16.18)*

¹ Jesús ja Capernaúmona oni Judea éniemo jaide. Ua Jordán ruicáfelleмо ite éniemo jaide. Iemo aillo comini ie illano dinó meine abído garízaiñitiaíoi. Iemona Jesús ie ífirena izói íaíoiína llófuete. ² Iemo fariséuaimona dáarie Jesuna fiени facátaíñitiaíoi. Jesumo jícanotiaíoi:

—¿Mei nibai dáamie ie aina oni dótajana rairuírede, nibai ráiruiñega? —daídíaíoi.

³ Iemona Jesús uai ote:

—¿Ñie izói Moisés ómoína ocuide? —daide.

⁴ Jira íena daídíaíoi:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúerede. Ie mei daí oni dotárede, —daídíaíoi.

⁵ Iemo Jesús íaíoiína daide:

—Moisés afe uaina ómoimo llote, mei omoi comeci ifue iere riíredeza. ⁶ Mei íadi nano fueñe, Juzíñamui nana ráaniaína comúitaja llezica, “afémie íma ringo diga íaillinoína comúitate.” ⁷ “Ie jira naga íma, ie ai úamona, ie moo ei diga fiénocaillano, oni dáanommo íitiaillinoi. ⁸ Daí ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza. ⁹ Ie jira Juzíñamui dáanommo jónegaiiaillinoi, comini oni dotánide, —dinori Jesús daide.

¹⁰ Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abído jícanotiaíoi. ¹¹ Jesús íaíoiína daide:

—Afe ai oni dotádimie jiáie ai óllena, dotaca ringo dibénemo afémie jiruifue finode. ¹² Daje izói ini oni dotádingo jiáimie mo iníreillena, afengo jiruifue finode.

*Jesús úruiai ñue illena finode
(Mt 19.13-15; Lc 18.15-17)*

¹³ Ie mei Jesumo úruiai atídiaoí, íaioimo ie onoi bitállena. Mei íadi llófuegamaci atídina rairuide, íaioí atíñeillena. ¹⁴ Jesús áfena cióillano rícaide; jira íaioina daide:

—Rairuíñeno iri. Fáinocai úruiai cuemo bílleza. Íaioina llótadoñeno iri. Juzíñamui jaináidino ua afe bie úruiai izói itíaoíza. ¹⁵ Uáfueña ómoína daidícue, Juzíñamui illáimana íllana jíruiredícaí. Uruiai áfena jíruilla izói jíruiredícaí. Mei íadi nana afe izói jíruíñedinona Juzíñamui ie caimare illínomo jofo óreñeite.

¹⁶ Iemo úruiaína llirínuano, ie onoi íaioimo bítano íaioina ñue finode.

*Ráarede jitócome Jesús diga úrizabite
(Mt 19.16-30; Lc 18.18-30)*

¹⁷ Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izói íitícue zíñona cue illino cue óllena? —daide.

¹⁸ Jira Jesús daide:

—¿Ñibái mei cuena fígomie daidío? Ímamona buna fígomiena íñede. Dama Juzíñamui fígomie. ¹⁹ Ocuícafuiaina onódio:

“Jiáima ai diga íñeno iri;

come fañeno iri;

meríriñeno iri;

bumo taino lloñeno iri;

jiáima jífueñeno iri;

o moo, o ei diga ñue cacáreiri,” —Jesús daide.

²⁰ Afémie uai ote:

—Llófueraima, nana aféfuiaína cue jitócomenamona jeire ófiredícue.

²¹ Jesús afémie mo éroicaillano íena izíruite; daide:

—O dafue nai jeire oñédio. Mai nana omo ite raa fécajiri. Fécajano afe íba dúredimacimo ine. Iemona jamánomo jíridolle izoide raa monamo omo iite. Daí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

²² Mei íadi áfena cacáillano, afe iima zúucaide. Ua zuure oni jaide, aillo ie ráaniai illa jira. ²³ Ie mei Jesús abido comínimo éroicaillano, ie llófuegamacina daide:

—¡Ñí féirena ráaredimie Juzíñamui illáimana illáruimo jofo jáillena! —daide.

²⁴ Jira llófuegamaci aféuairi iere fáigacaidiaoí. Jesús meine nane daide:

—¡Uruiai, ñí féirena úcubena ínotino Juzíñamui illáimana illáruimo jofo jáillena! ²⁵ Camello eedo uífodo jailla jamánomo juánide, mei íadi ráaredimie Juzíñamui illáimana illáruimo jailla iere juárede, —daide.

²⁶ Afena cacáillano, jacínaficaidiaoí. Dani conímamo jicánotiaoí:

—¿Mei bu jíllolle? —daidiaoí.

²⁷ Jesús íaioimo eróillano daide:

—Afena comínimo finónide; mei íadi Juzíñamui mo finórede. Juzíñamui mo finónide raana íñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidícaí o diga cai jáillena, —daide.

29-30 Jira Jesús uai ote:

—Uáfueña ómoína dáitícue, naga come cue ícoínia íemo cue lloga jíllonafue ícoínia díga, ie jofo, ie ámatiai, ie mirínguai, ie moo, ie ei, ie jitótiai, ie jacáfaiai díeze afémie fiénocaiadi, uáfueña meine líinoite. Ja bie éniemo cien dígacaiño afe baimo jofue, ámatiai, mirínguai, éitiai, jitótiai, jacáfaiai líinoite. Uafue, díeze líinoite duere zefuállafue díga íadi. Ie mei monamo zíñoña illino líinoite. ³¹ Aillo biruállaido nánoraimaci uire ódaidimacina jáitiaoí. Daje izói aillo biruállaido ódaidimaci uire nánoraimacina jáitiaoí, —daide.

Dáanomo Jesús ie tíillifue llote

(Mt 20.17-19; Lc 18.31-34)

³² Ja Jerusalén iodo jáizaidiaoí. Jesús ie llófuegamaci uícodo jaide. Comecí iere facábicaidiaoí. Jiáie íedo jáidino jacíruioicana afémiedo jáidiaoí. Jira Jesús doce díga llófuegamaci eneno uáidote. Ianori íllamona íemo finóllifueña abido íaioímo llote. ³³ Daide:

—Mai omoí cacai. Nanoide íima Jitódicueza. Jerusalemo jáizaidicai. Mei íadi dínomo lletáriraini illáiniamo izájillicue. Daje llezica ocuica uai llófuerainimo izájillicue. Iemo afémaci cue titállena ócuitiaoí. Onínemacimo cuena izájitiaoí. ³⁴ Cueri jífánodoítiaoí. Cuena tícoítiaoí. Cue túallaitiaoí. Cue títaítiaoí. Mei íadi daruíamani íllamona tíllanomona meine abido cáadimiena íitícue, —daide.

Santiago Juan díga uire uícoínafue Jesumo jícadiaillinoí

(Mt 20.20-28)

³⁵ Afe mei Zebedeo jitó íaillinoí Santiago Juan díga, Jesumo jícajidiaillinoí; daidíiaillinoí:

—Llófueraima, coco jícalles jítaigafueña cócomo lloiri, —daidíiaillinoí.

³⁶ Iemona Jesús íaillinoína daide:

—¿Mínica mei ómicoímo cue finóllena jítaídiomicoí? —daide.

³⁷ Iemo íena daidíiaillinoí:

—Uire o ebírede illáimana illíruido, cócomona dáamie o nabézimo, jíáimie o jarífezimo cócona o ráinatari, —daidíiaillinoí.

³⁸ Iemona Jesús íaillinoína daide:

—Daí jícaídiomicoí íadi abina onóñediomicoí. Cue duere zéfuillifue izói, ua erírede jírolle jírua izói, ¿zéfuiREDIomicoí? Daje izói cue izire tíizaillifue izói, ¿tízairEDIomicoí? —daide.

³⁹ Iemo uai otíiaillinoí:

—¡Ie mei! Afena ocuíredicoco, —daidíiaillinoí.

Jira Jesús íaillinoína daide:

—Uáfueña dáitícue, cue duere zefuállifue izói, duere zéfuitiomicoí. Cue izire tíille izói, tíitiomicoí. ⁴⁰ Mei íadi cue nabéfenemo, cue jarífenemo ómicoí ráinallena, cúemona llónide. Afe ráinallino dama Juzíñamui maméinamacimo dúide, —daide.

⁴¹ Jiáie díez díga llófuegamaci afefue cacáillano, Santiago Juan dígamo ícírítiaoí. ⁴² Iemo Jesús íaioína jírrillano, íaioína daide:

—Onódiomoíza, náiraiamo illáimaifiredino riire ocuídillaíni dani jáidiaoí, comínina náamatallena. Aféllaini cígiri ite ríimaci, íaioí ríinona izire comínimo cácatatiaoí. ⁴³ Mei íadi omoí cígiri afe daí íñeítioí. Mei jíáifodo omoí díbénemo illáimana íacadimie, omoí canófiREDimiena jáirede. ⁴⁴ Daje izói ómoímona ocuíacadimiena íacadimie, nana jíáimaci anamo íaioí táijitagamiena írede. ⁴⁵ Mei jíi, Juzíñamui oreca Nanoide íima Jitódicueza. Mei íadi jíáimaci

cuena canóllena biñédicue. Mei jáífodo nana comínina cánuabiticue. Uafue áillomaci íaioi fiénidifuemona zuitalle izói, íaioina cue jíllotallena tízaibiticue, —dinori Jesús llote.

Jesús uínidimie Bartimeo jíllotate

(Mt 20.29-34; Lc 18.35-43)

⁴⁶ Jae Jericomo dúcidiaioi. Afe jófuemona Jesús jino jáidemo ie llófuegamaci diga, naa aillo comíniri, uínidimie io fuemo ráide. Afémie Timeo jitó, Bartimeo. Dino afémie úcube jicáfirede. ⁴⁷ Nazaret ímie Jesús ánozillano fidíillano, uínidimie jíriocaide:

—¡Jesús, jaiai illaíma David Jitó, cuemo dúecai! —daide.

⁴⁸ Aillo comínri éna rairuídíaioi ie líícaillena; íadi jaca nai jamánomo jírioides: —¡David Jitó, cuemo dúecai! —daide.

⁴⁹ Ie jira Jesús uái náidaillano daide:

—Afémie uaido, —daide.

Jira uínidimie uáiduano éna daidíaioi:

—Abi mame. Náidacai. O uáidoteza, —daidíaioi.

⁵⁰ Jira ie emódodiroi duíñuano iere raire náidacaillano Jesumo bite. ⁵¹ Jira Jesús íemo jicánote:

—¿Mínica omo cue finóllena jitáidío? —daide.

Jira uínidimie uai ote:

—Llófueráima, cue uíreacadicue, cue eróillena, —daide.

⁵² Jesús éna daide:

—Mai o jairi. O ínuamona jae jíllodioza, —daide.

Afe llezica uínidimie ciode. Iemona Jesús jáillado afémie jaide.

11

Jesús illáimana Jerusalemo jofo jaide

(Mt 21.1-11; Lc 19.28-40; Jn 12.12-19)

¹ Jerusalemo ánozillamona, Jesús mena llófuega íaillinoi uícomo orede. Jae Betfagé jofue, íemo jáí Betania jofue diga áinomo itíaioi. Dáanori Olivo daína ídumo itíaioi. Íaillinoi óriano daide:

² —Uícomo ite duera jófueomo ómicoi jai. Omícoi dúcille llezica cuinaca duera búrrona cíoitíomícoi. Nai áfedo buna ráiñena. Zúitajano cuemo ati.

³ Bu ómicoimo jicánoiadi ¿nibái ómicoi zuitaca? éna dáitio: “Ocuíraíma Jesús jitailla jira. Ie mei raire meine omo atille,” —daide.

⁴ Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi. ⁵ Dáamie dino itínomona íaillinoína daide:

—¿Mínica ñetíomícoi? ¿Nibái burro zuitádiomícoi? —daide.

⁶ Jira uai otíaillinoi Jesús íaillinoína daína izói. Ie jira:

—Jii, mai ui, —daidíaioi.

⁷ Iemona búrrona Jesumo izájidiaillinoi. Izájillano íaioi inícuirona burro emodo jobédiaioi. Ie mei dinomo Jesús caifo ráinade. ⁸ Aillo comínri íaioi iniroi iomo jobédiaioi. Jáímaci íbiairede amena rábaillai otá iomo jóonetiaioi.

⁹ Uícoidimaci ódaidimaci diga jíriocaidiaioi:

—¡Ebírede! ¡Juzíñamui mámedido bitímie caimáreficairi! ¹⁰ ¡Como íacade illáimana illino caimare comuiri! ¡Ua cai jaiáigíma comuídimie David illáimana illino ñue móonairi! ¡Juzíñamui ebírede rafue daíri! —daidíaioi.

¹¹ Ja daí Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

Jesús llizíñede higuera daina amena faidode
(Mt 21.18-19)

¹² Afe jiáiruido Betániamona jino abido billano, Jesús jufíruite. ¹³ Macádiaioimo ñue íbiairede higuera aménana Jesús jicana ciode. Iemona dinomo jaide afenamona nibai ie llizíllajiaina óllena. Mei íadi Jesús dúcillano, hígojiaina baiñede. Afe amena táinona fia íbiairede, mei aféruimo hígonino nai dúciñedeza. ¹⁴ Iemo Jesús afe aménana fáiduoano daide:

—Jaca benómona buna bie amena llizíñenamona ie llizíllajiaina rieñeiteza, —daide.

Daí ie dáinana ie llófuegamaci cacádiaioi.

Juzíñamui gairíracó Jesús duano ñue finode
(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dinomo ráaie fecádino íbárioidino diga jino júuaide. Ucube méidoraini ibani Jesús caitade, fíicirillai fecádino ráiraniai diga. ¹⁶ Afe gairíracomo buna minícana úiñellena afémie rairuide. ¹⁷ Iaiói llófue:

—Juzíñamui Cuegáuai daide: “Cue jofo ua nana náiraimo Juzíñamuimo úrille illácona mameide,” mei íadi merítino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafueña fidídiaioi. Iemona afémie fállena jenódiaioi. Iena jacíruitiaioi, afémie llófueinafueri nana nairai iere fáigacaideza. ¹⁹ Ja nauzáidemo Jesús afe jófueмона jino jaide, naa ie llófuegamaciri.

Nauí ciona higuera amena jae zaférede duíraína jaide
(Mt 21.20-22)

²⁰ Afe jiáiruido, jítiramo meine abido Jerusalemo íaioi billano, nauí ciona higúerana abido ciódiaioi, mei íadi birui afe amena nana ie jáinauairi zaférede duíraína ja jaide. ²¹ Iemo Pedro comeci uíbicaillano, Jesuna daide:

—¿Llófueraima, erói! O faidoca higúerana ja duíraína zaféreficaide, —daide.

²² Jesús íaioimo uai ote:

—Juzíñamuimo mai omoi íñofireiri. ²³ Uáfueña ómoína dáitícue, dáamie jizíñeno nana ie comécido ínuamona, bie caifóneduna ocuícana daíadi, “Benómona oni ii; jóraimo dotábicairi,” afe ie dáinana ua zúite; afémie jeire ua llezica, afefue daí afémiemo íficaite. ²⁴ Ie jira ómoína dáitícue, Juzíñamuimo omoi úrillano jicaca raa, ja nibai o llínoga, áfena mai o íñofireiri. Iemona afe jicaca raa óitiomoi. ²⁵ Nágaruido Juzíñamuimo o úriadi, jíaimiena o éoiadi, mai íemo o comécimo ite íaifue féitari. Daí o finori, monamo ite omoi Moo Juzíñamui ómoimo ite íaifuiái dóllena. ²⁶ Iadi o abí ímie iba omoi óiadi, monamo ite omoi Moo Juzíñamui, ómoimo ite íaifuiaina dóñeite.

Jesumo ocuille uai ite
(Mt 21.23-27; Lc 20.1-8)

²⁷ Iemo Jerusalemo abido bitíaioi. Jesús gairíracomo maca llezica, lletáriraini illaini íemo ánozidiaioi. Afe llezica ocuica uai llófuetino afémiemo gairídiaioi, éicomini diga. ²⁸ Nana íemo jicánotiaioi:

—¿Bífuiai fínuana, bu o ocuilla? ¿Bu ríinodo bie raa finódio? —daí daidíaioi.

²⁹ Jesús íaioi uai ote:

—Omoimo daa rafue jicánoitícue. Cuemo uafue omoi llóyadi, bífuiai cue finoca ríino ómoimo llóitícue. ³⁰ ¿Bu mei ocuica báutizallena Juan? ¿Juzíñamui

nibai ocuica, nibai comini? Mai fáirio, —daide Jesús. ³¹ Ie mei afémaci dani júfidotiaioi; daidíaiioi:

—Juzíñamui ocuica cai daíadi, Jesús caina fairíoite: “Iemona ¿nibái mei íemo íinoñediomoi?” ³² Mei íadi comini ocuica, daínidicai, —daidíaiioi.

Comínina jacíruillano daí úritiaioi. Ja onódiaioiza, nana comini Juamo ñue comécidíaiioi: “Ua Juzíñamui uaido Juan úrite,” daidíaiioi.

³³ Iemona Jesuna daidíaiioi:

—Onóñedicai, —daidíaiioi.

Ie mei Jesús íaioina daide:

—Ñie ríinodo bie raa finódicue, daje izói ómoimo llóñeiticue, —daide.

12

Comini fáfirede táijidino jíáifuena caina onótate
(Mt 21.33-46; Lc 20.9-19)

¹ Iemona Jesús íaioi onógafuaido íaioimo úrizaide; íaioina daide:

—Nauí dáamie jíriconai izoide raa rizájide. (Afe jíricue izoide raa ríinano viðédona mameina.) Afémie afe rillano ie abi cirínora finode. Ie mei afe jíricona eroide úvaiai zaizíraco finode, afe llizilla iji íaioi óllena. Nane are caifo jacafai cigi úiñoraco afémie nite, afe rigano ñue úiñollena.

‘Ie mei afe énie naama dáarie tájítaganomo ie rigano fecade, áfena íaioi úiñollena. Afémie daí fécano oni jica jíáie éniemo jaide. ² Jíriconino llezica, ritímie ie ocuícamié afe tájítagamacimo orede, íeiena mameide llizíllajiai dieze óllena. ³ Mei íadi afe uáibitimiéna llaitádiaioi; llaitano íaioi faga. Daí ñeta ria íemo fecáñeno oni íena orédiaioi. ⁴ Ie jira afe naama nane jíáie ocuícamié orede. Mei íadi afe orécamiéna nófiedo níjidiaioi. Níjiano ie ifona íaioi bofeca. Iemo fiéni íena úritiaioi. ⁵ Daje izói nane jíáimie orede. Afémie íaioi titaca tíide. Afe mei diga icaiño aillo jíáie ocuícamiéna dínomo oréoidé. Afe orécamacimona dámierie fia faga; jíáimaci tícoizitiaioi.

⁶ ‘Nai dáamie naama dibénemo ite. Daa afe naama jitona fiébite; iere ie izíruigamié. Iiraicaiño ie jító orede. Comeci facade: “Afémaci ñue íemo comécillano íena ñue ínoitiaioi; ie daína uaina jeire óitiaioi,” daide. ⁷ Mei íadi tájítagano dani afémaci úritiaioi: “Bímie nibai ie moo feci raa máíñoitimie. Mai ie cai faa, ie mei cai náamatallena.” ⁸ Ie jira íaioi llaitaca; íaioi titaca tíide. Ie mei ie abi raiñeno afénomona oni dotaca.

⁹ Ie mei Jesús jícanote:

—¿Ñie izói bie énie naama afe fiéndinona fínoite? Billano afe tájítaganona títaite. Ie mei afe jíricore izóidino jíáie úiñoraímacimo fécaite.

¹⁰ ‘¿Jaii Cuegáuaina nai facádoñediomoi? Afe uai bie izói daide:

Jofo níraini oni fádoica nófie, ja ñuera jíailliraina jaide.

¹¹ Bie cai Ocuíraíma finoca.

Iere jamánomo ebire caimo cíoide.

Dinori Jesús úrite.

¹² Iemona Jesuna llaitácadiaioi, llavéllena. Mei ja onódiaioiza, Jesús bie onógafuedo íaioina uáitate. Mei íadi comínina jacíruillano, Jesús jetáñeno íena fiédiaioi. Fíiano oni jíáinomo jáidiaioi.

Gobierno íbátaga úcube cai íbállena Jesús llote
(Mt 22.15-22; Lc 20.20-26)

¹³ Afe mei fariseo illáicomini afémacimona dáarie Jesumo orédiaioi. Daje izói Heródemo jaináidinomona orédiaioi, Jesuna úritallena, afe ie uaido taino íeri nitállena. ¹⁴ Bimaci billano íena daidíaioi:

—Llófueraima, onódicaiza jiáimaci ie lloga uai ínoño, o jaca uáfueña úrifiredio. Comini jínofene ciona izói riire jicánoñedio. Mei jiáfodo Juzíñamui lloga cai ñue illafue jífueño jino llófuetio. ¿Mei iere riiredillaima ocuica úcube íemo fecáredicai, nibai fecánidicai? ¿Afe cai fecállifue figura, nibai figóñede? —daidíaioi.

¹⁵ Mei íadi Jesús íaioi uáfodo úriñenafueña onode. Ie jira íaioina daide:

—¿Níbái mei cue jánari táinona úritiomoí, cue llaitállena? Daa úcubetuni cuemo ati, cue eróillena, —daide.

¹⁶ Afétuni atídiaioi. Afe eróillano Jesús íaioimo jicánote:

—Bie uíeco jana, ¿bu ie? Benomo cuega mámecei ¿bu ie? —daide.

Afémaci fairíotiaioi:

—Ríiredillaima ie, —daidíaioi.

¹⁷ Iemo Jesús íaioina daide:

—Ríillaima ie raa íemo abido ine. Daje izói Juzíñamui ie raa íemo abido ine, —daide.

Afémacina ie dáinari iere comeci jiáfoficaidiaioi.

*Tíidino meine abido cáadena íllena jicánotiaioi
(Mt 22.23-33; Lc 20.27-40)*

¹⁸ Ie mei saduceo imaci dáarie Jesumo úrizaidiaioi. Bimaci tíidino meine abido cáailleña lloñédiaioi. Ie jira bie taino lloga rafue Jesumo jicánotiaioi. Nai jicánoñenia fueñe daidíaioi:

¹⁹ —Llófueraima, Moisés jaiáimona caimo cuegáuai daide: Daa iima áiredimie ie úrue nai íñena llezica tíiadi, ie ama afe ofaiño óite. Aféngomona daa jitó comuírede ie ama tíidimie íena. Daí daina mei jicánotiaioi:

²⁰ ‘Mei nauí siete dígade ámatiai cai cígimo ite. Nanóidimie áirede. Afémie jitónino tíide. ²¹ Nanóidimie emodo ímie ie ama fecingo ote. Daje izói jitónino tíide. Daje izói nanóidiaillinoí emodo ímie afe fecingo uano jitónino tíide. ²² Nana afe siete dígamiai nanóidimie fecingo otíaioi. Afémacimona daa jitona comuíñede. Afe ícoimo afe fecingo tíide. ²³ Ie jira meine abido cáalliruimo ¿bumo afengo dúide? Mei siete dígamie daango otíaioiza, —daidíaioi.

²⁴ Mei jira Jesús fairíote:

—Omoi onóño fieni comeci facádotiomoí, mei Juzíñamui Cuegáuaina onóñediomoiza. Daje izói ie rínona onóñediomoiza. ²⁵ Mei tíidino meine abido cáaille llezica aina óñeitiaioi. Afe izói íaioi jízaniaina ínretatañeitiaioi, mei monamo ite Juzíñamui abi imáciai izóitiaioiza. ²⁶ Mei íadi tíidino meine abido cáallifue dibénedo llogáfueña ¿nai facádoñediomoí? Afefue Moisés cuegánicomo ite. Aféruimo Juzíñamui Moísemo boode raroci cígido úrite. Bie izói íena daide: “Dáanomo Abraham ínoga Juzíñamuidicue, Isaac, Jacob diga, mei birui afémaci cue illánomo cue diga cáadiaioiza,” daí Juzíñamui daide. ²⁷ Iemo Jesús nai daíoide: Mei ua íñédino Juzíñamuiñedeza; mei íadi jiáfodo cáadimaci ie Juzíñamui. Daí bífueña omoi baitáñenia iere féiraitiomoí, —Jesús ja dinomo daide.

*Iere jamánomo íñorede caimo ocuica uai
(Mt 22.34-40)*

²⁸ Afe dáaruído ocuica uai llófueraimona dáamie Jesumo dúcide. Jesumo gairídino nana Jesús diga úrilla uaina afémie cacade. Daje izói Jesús ñue íaiói uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo íinorena? —daide.

²⁹ Jesús ie uai ote:

—Nana ocuica uáimona bie iere íinorede nánora uai: “Israel, mai omoi cácarei. Cai Ocuíraima Juzíñamui jaca daade. ³⁰ Mei jira nana o comécido o Ocuíraima Juzíñamuina izírui. Daje izói o comécimo ite joreño diga izírui. Daje izói nana o ífo úrilla uaido íena izírui. Daje izói nana omo ite ríinodo íena izírui.” Be ñie nánora ocuica uai. ³¹ Afe méifoide ocuica uai daje izói jóide. Afe uai daide: “Dama o abi o izíruilla izói, afe izói o aino ímiena mai izírui.” Jiáie ocuica uai izoide bie baímo íñede, —daide.

³² Iemona Ocuica uai llófueraíma daide:

—¡Ie mei! Llófueraíma, ñue daídio. O daina uafue. Uáfueña Juzíñamui daade. Afémie baímo jiáimiena íñede. ³³ Daje izói afémiena nana cai comécido izíruillena ñuera. Ie llezica nana cai ífoci úrilla uaido íena izíruillena ñuera. Ie llezica nana cai comécimo itífuiaído íena izíruilla ñuera. Ie llezica nana caímo ite ríinodo íena izíruillena ñuera. Daje izói cai abi ímiena daní cai abi izíruilla izói, afe izói íena izíruilla jítárede. Bie izói cai izíruilla, aillo ráífide. Ua, nana fatá Juzíñamuimo ía íecaca rílleníai baímo ráífide, nana Juzíñamui íóbitallena jobaíca rílleníai diga, —daide.

³⁴ Iemona baitádimie izói afémie ie fairíua uaina cacáillano, Jesús íena daide: —Juzíñamuimo dúillena ímiena íanori ítio, —daide.

Afe mei jacíruiillano buna jiáífueña Jesumo jicánoñediaíoi.

*¿Bu jító Cristo? Jesús dama jicánote
(Mt 22.41-46; Lc 20.41-44)*

³⁵ Jesús gairíracomo llófullofueña llezica, comínimo jicánote:

—Onódiomoíza ocuica uai llófueraíni “Cristo David jító” daífirediaíoi. ¿Nie izói daírede? ³⁶ Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraímana daide: “Cue nabézimo raínaí, o éoigamacina cue anáfenollíruimo,” daí David daide. ³⁷ David Crístona “cue Ocuíraíma” daíadí, ¿nie izói afe llezica Cristo ie jítóna írede? —daide Jesús. (David emodo imácimona Cristo cómuide.)

Aféruído aillo comíni, caímare Jesús úrilla cacáreizaíbitiaíoi.

*Ocuica uai llófueraíni íeni illafue Jesús jino comínimo llote
(Mt 23.1-36; Lc 11.37-54; 20.45-47)*

³⁸ Jesús llófullofueña llezica íaíoina daide:

—Ocuica uai llófueraímona abí omoi rairui. Afémaci áreña ñuera íncuíro jítano comíni uíecomo mácafirenana gáidiaíoi. Afe llezica íaíoi anamo comíni íecáracuáimo ñue jacíruiocana íaíoi uáiduana gáidiaíoi. (Daje izói comíni íaíoi daínaíuai jíruillena gáidiaíoi.) ³⁹ Afémaci Juzíñamui uai llófueraímo ite ñuera ráíranona raíre jiáímaci uíecodo jenófrediaíoi. Afe izói comíni iráíziracomo iráízíadi, afémaci iere ñuera ráíranano uíecodo maíñófrediaíoi. ⁴⁰ Afémaci íecínguái jofue naa íaíoi raari baírófrediaíoi; mei íadi comínimo jiáífoodo afémíai cíoillena, are Juzíñamuimo úrioidiaíoi, comíni éoílla llezica. Afémaci iere jamánomo duere ínócamacina jíitiaíoi, —daide Jesús.

*Dúerede íecíngu íecaca úcube jamánomo ñuera
(Lc 21.1-4)*

⁴¹ Iemo Jesús Juziñamuimo gairíracomo ráicana eroide. Ucube dotárano uícomo ráiide. Comini afénomo úcube dótajillamo eroide. Iere ráaredino aillo úcubena dotádiaioi. ⁴² Bie llezica fecingo dúeredingo mena úcubetuni dótaibite. Bituni íainguai ‘cobre’ ie; iere due ráifide centavo izoide. ⁴³ Ie mei Jesús ie llófuegamaci jíirillano íaioina daide:

—Uáfueña ómoimo lloticue. Bie dúerede fecingo úcube jóneracojimo dotaca úcube, iere jamánomo jíáimaci afénomo dotaca úcube baímo jaide. ⁴⁴ Nana jíáimaci úcube fiébide államona dotádiaioi, mei íadi afengo duéredingo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

13

Gairíraco uire júdailleña Jesús ie llófuegamacimo llote (Mt 24.1-2; Lc 21.5-6)

¹ Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófiemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófuemo ñue omoi eroi. Benomo daje emódomo nófienna fiébiñeite. Nana oni júdaille, —daide.

Iirairui uícodo íitífuiaí (Mt 24.3-28; Lc 21.7-24; 17.22-24)

³ Afe mei Olívona mameide ídumo jáidiaioi. Gairíraco uíeco dibénemo ite. Afénomo Jesús ráidemo, Pedro, Jacobo, Juan, íemo Andrés báinino íena daidíiaioi:

⁴ —Nana bífuiaí o daina júdaille zuíllaruina onóiacadicaí. Mai caímo llone. Nana bífuiaí fúiacana ¿nie izói caína onótaite? —daidíiaioi.

⁵ Jesús uai ote:

—Bu omoi jífueñeillena, ñue abí omoi rairuiri. ⁶ Aillo cue mámedo imaci abi jítano bíitiaioi. “Cristodicue” dainano bíitiaioi. Afémaci aillo comínina jífueitiaioi.

⁷ ‘Mei íadi aillo áinori ite fuiríllafuena, íemo jica ite fuiríllafue diga omoi fidíadi, omoi jacínaiñeno iri, mei afe daí íredeza. Mei íadi nai íirairuiñedeza.

⁸ Mei aféruimo daa nairai jíái náiraimo fuirízaita. Afe llezica dáazie jíáziemo jobáirizaita. Aféruillaido diga illánomo énie riire dócaite. Dáaruído aillo júbie diga éniáido iite. Be aféfuiaí comini duere zefuille táinia raa.

⁹ ‘Mei jira abí ñue omoi rairuiri, mei riire ocuídímaci gairíllanomo omoi uítiaioiza; Juziñamui uai llófueriracomo ómoína fáziitiaioi. Cue ícoínia ríillaini uícomo ómoína óreitíiaioi, jamánomo ríiredíllaini diga. Afe daí cue dibénedo íaioimo úritiomoi. ¹⁰ Mei íirairui nai dúciñena llezica, cai jíllonafue uai nana náiraimo jino llóredeza. ¹¹ Ríiredíllainimo omoi oreille llezica, omoi úrillifuemo raire uícomo comécido facáñeno omoi iri. Daje izói omoi comécíillifuemo raire uícomo uibíñoñeno iri. Aféruimo Juziñamui omoi ífomo úrilla izói, mai omoi daíri, mei daní omoi úriñeitiomoi; omoi comécimona Juziñamui ie Ñuera Joreño úrite. ¹² Afe llezica dáamie nahí ie ámamo fiénidífue nítano jíáimiena ie fatátaite. Daje izói móotíai nahí ie jítótíaina fiénidífuedo izájítaitiaioi, íaioi titállena. Afe íbana íaioi jítótíai, nahí ie móotíaimo fiénidífue nítano íaioi fáite titállena. ¹³ Cue ícoínia, nana comini ómoína éoillano iere

íáiruitiaioi. Mei íadi írairuimo jaícina Juzíñamuimo iere féitañeno ínotimie jíllobicaite.

14 ‘Jaiái Juzíñamui uai jino llóraima Daniel daa iere íáiruiga raa dibénedo cuete. Afe íáiruitaite raa nabene jofue júdaitaite. Afe fiénidífueña oruide raa Juzíñamuimo gairíracomo ite jeruícacomo jóonia llezica, Judea éniemo itino, árera íduaimo botárediaioi. (Bibe facádimie mai ñue onoiri.) 15 Aféruimo o jofu jinófene idamo omoí íadi, jofu eromo ite ráaniaina omoí uájiñeno iri; raire botari. 16 Jacáfaimo táijidímie abido jofomo biñeno iri, ie ínícuiruai óllena. 17 Aféruimo ite ringóniaí namóciredino iere duere zéfuitiaioi, aizínidiaioiza. Daje izói monoi jirode duera úrue llíidíngotiaí duere zéfuitiaioi. 18 Ie jira Juzíñamuimo omoí jicari, “Nóci illáruillaído caina botátañeno iri.” 19 Bie izói duere zefuilliruina jaca jaiái ífinide. Ua, Juzíñamui bíníe fínuamona benomo afe izóidena íñede. Aféruillaí méifomo afe izói íñeite. 20 Juzíñamui afe zúuredírui are jóoneadi buna jílloneille. Mei íadi afémie nizécanona izíruillano íanori afe zúuredíruiña afémie jóoneite. Are íñeite.

21 ‘Iemona aféruimo dámie ómoína daíadi: “¡Erocaí, benomo ite Cristo!” áemo íñoñoeno iri. Daje izói jíáimie daíadi: “Eroi, batínoimo ite Cristo,” áfena íñoñoeno iri. 22 Mei uafue, aféruído aillo jífueritino bíitiaioi. “Crístodícue” dáitiaioi. Daje izói “Juzíñamui dibénedo úriticaí” daínano comínina jífueitiaioi. Afémaci cíórainina ráaniaí finoitiaioi, jíáie jacíredífuaí díga, comíni jífuellena. Uafue, daje izói dama Juzíñamui nizécanona jífueacadiaioi, afémaci daí jífuetareniadi. 23 Mei íadi mai ñue omoí comeci facáoiri; mei nana bífuiaina jae uícodo ómoimo llotícueza.

*Monámona bite Nanoide Ima Jitó, Cristo meine bíllena Jesús llote
(Mt 24.29-35, 42-44; Lc 21.25-36)*

24 ‘Ie mei aféruillaído, zúuredíruiillaí méifomo, jítoma duíbicaite. Fíui égaiñoñoite. 25 Monamo ite úcuai cócítiaioi. Afe llezica mona eromo ite ríino mozídino, mairíñeno jaillano dócaítiaioi. 26 Iemo nauí monámona bite Nanoide Ima Jitó Cristo meine abido cíocaite. Uíllie cígído bíite; aillo ríino díga. Jamánomo ebírenafuedo bíite. 27 Afe mei ie abí imácina óreite, nana ie nizécamací nana mona fuédamona gairítallena. Ua jamánomo jica ite ígobíai imácimona nizécano nana dáanomo atílle. Daje izói énie fueda imácimona nizécano nana dáanomo atílliaioi.

Nai ie llófuegamacímo llófuiano, íaioína daide: 28 ‘Mai bie híguera amena rafue omoí onoiri. Afe híguera íbiaí fíruilla llezica fímona áinozillana onódiomoiza. 29 Daje izói nana bie zúuredíruiillaí zuíllana omoí cíóíadi, íraírui áinozillana onóitíomoi. Jae iere íanori ite. 30 Uáfueña ómoína dáitícue, afe illáruído itino comíni nai tíñenia, nana bifue zúite. 31 Nana mona énie díga fúite, mei íadi cue dáina uai jaca nínoimo méidonide. Cue llua izói zúite.

32 ‘Mei íadi afe illíruina buna onóñena. Daje izói Juzíñamui abí imaci onóñediaioi. Ua afe izói Juzíñamui Jitó aféruína onóñede. Dama caí Moo Juzíñamui onoíga.

33 ‘Ie jira, aferuí dúcinana onóñediomoiza, mai ñue fígo abína omoí onoiri. Afe llezica mai ñue omoí uíñori. Daje izói Juzíñamuimo úrifíreiri. 34 Cue meine billífue dámie jica jailla izoide. Afémie nai jáíñenia íemo táijidínona ie jofu úíñotade. Illa dígamie dáarie táijillena igáiaioi. Iemo naze uíñoraima jóoniano, íena ríire ocuide, jofu uíñollena. 35 Afe izói mai omoí abí onóícana uíñori, mei jofu naama billírui óñoñegaza. Níbaí nauíoílla llezica bíite, níbaí dáaféruimo, óñoñega. Níbaí atava úrilla llezica, níbaí jíítiramo afémie bíite; óñoñega. 36 Mai

abi omoi onoiri, afémie raire bíadi, omoi iníllena ie cíõeillena. ³⁷ Omoína cue daína izói nana comínina daidicue:

—Cue bíllemo abi omoi onoiri, —daide Jesús.

14

Comini Jesús llaitállena maméritiaioi

(Mt 26.1-5; Lc 22.1-2; Jn 11.45-53)

¹ Nai ménarui ite pascua ráfue. Afe rafue llezica afénomo ite comini íaioi pan fáitara jóoneño guífirediaioi, mei aféruillai fáitañega pan guífrenafue. Lletáiraini illaini ocuícáfue llóraini diga Jesús jífuiado llaitállena jenódiaioi, ie titállena. ² Iadi daidíaioi:

—Íráizie ana íena llaitánide; áfemo comini ficire júfidoñeilleza, —daidíaioi.

Ringo zióredijido Jesús ifona jillaide

(Mt 26.6-13; Jn 12.1-8)

³ Jesús Betániamo ite. Simón jofomo ite. Afe Simón chíñaitimíena mameide. Güirácomo íaioi ráina llezica, daa ringo jamánomo ráifide ziórediji Jesumo jilláizaibite. Afe ziórediji duera alabastro daína nofici finoina icítirumo ite. Afe ziórediji mámece nardo. Afeji jíaiena fáñega. Afengo afe icítiru llaillano, Jesús ifomo áfeji totade. ⁴ Afénomo itínomona dámerie áferi rícaidiaioi. Dani conímána riire daidíaioi:

—¿Níbái mei bie ziórediji táinomo dotade? ⁵ Afeji trescientos romano úcubetuni baímo fecárede, duéredimacina canóllena, —daidíaioi. Aféngomo rícaillano íáiruitiaioi.

⁶ Mei íemo Jesús daide:

—Mai aféngona fáicanocai. ¿Níbái mei aféngona áifedodiomoi? Bie cuemo afengo finócafue ñuera. ⁷ Mei jíi, duéredino jaca omoi cígimo íitiaioi. Omoi jítaiadi afémacina canórediomoi. Mei íadi cue omoi cígimo are íñeiticue.

⁸ Afengo ñue cuemo finórede raa cuemo fínuaibite. Jíaimaci cue raíájiñenia cue abímo zióredijina afengo cuemo jóoniaibite. ⁹ Uáfueña ómoína dáititcue, náganomo bie éniemo comini jíllóille uai jino llóiaidi, bie ringo cuemo finócafue jino llóitiaioiza, áfemona aféngomo uíbicaífieillena.

Judas Jesús íena éoidimacimo izájide

(Mt 26.14-16; Lc 22.3-6)

¹⁰ Ie mei Judas Iscariote lletáiraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹ Afe illaini Judas dánana cacáillano, íóbidaioi. Afe jira íena daidíaioi: “Jesús caímo o atíadi, úcubena omo íbaiticai.” Iemona Judas nie izói Jesús íaioímo fecállena jenode.

Jesús íraifuena güillafue

(Mt 26.17-29; Lc 22.7-23; Jn 13.21-30; 1 Co 11.23-26)

¹² Fáitañega pan rafue nanóidiruimo oveja jiza fáfirediaioi, pascua ráfue. Aféruimo jae dúcide. Aféruído Jesús llófuegamaci íemo jícanotiaioi:

—¿Nínomo pascua rafue uícodo cai fínuaillena óiacadio, afénomo pascua ráfue mameide güille cai güillena? —daidíaioi.

¹³ Ie jira ie llófuegamacimona ménaillinoi óriano daide:

—Jófueño jai. Dínomo jainoi icírudo úitimíena báitiomicoi. Iedo jairi. ¹⁴ Afémie jofo jáillanomo, afeco náamana daíri: “Llófueraíma daide, ¿Nínomo ite cue güillino cue llófuegamaci diga? Dínomo pascua rafue llezica güíticai

daide.” ¹⁵ Jira afécona ómicoimo ácatajite, áiloco. Caifóidicomo iite. Ja fuífide. Dinomo cáiena finori, —daide.

¹⁶ Jira llófuega íaillinoi oni jaillano jófuemo dúcidiailinoi. Dúciillano uícodo Jesús íaillinoina daina izói baizájidiailinoi. Pascua rafue ja finódiailinoi.

¹⁷ Nauízaiilla llezica, Jesús doce diga ie llófuegamaciri dúcidiái. ¹⁸ Güirábanimo güitíaioimo Jesús íaioina daide:

—Uáfueña ómoína dáitícue, daa ómoimona, cue diga güitínomona cuena fécaite, —daide.

¹⁹ Jira afémaci zúucaidiaí. Afe llezica dáamierie Jesumo jícanotiaí:

—¿Ñibai cue? —daide.

Jiáimie daje izói daide:

—¿Ñibai cue? —daide.

²⁰ Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona. ²¹ Nanoide ima Jitódicueza Cuegáuai lloga iodo jáidicue; ua cue tíllinomo jáidicue. Mei íadi cue fecádimie, ¡nii iere dúerena! Afe ima jócoñegana baimo ñue jaide, íadi jae comuide, —daide.

²² Güitíaioimo, Jesús pan llínota daide:

—Iere figura, —daide. Daina mei ditade. Ditada íaioimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llínote. Afécuri vónona oruítaga. Ie mei:

—Iere figura, —dainano íaioimo iite. Nana afécurimona áfeji jiródiaí. ²⁴ Iemo daide:

—Bie cue die; áfedo comue dájemo llínoga uai uáfueña daíllena. Aillo nairai jíllollena cue die tóite. ²⁵ Uáfueña ómoína daidicue, ja biruímona afe uva rao llizilla iji jíroñeiticue. Ua nágaruillaído Juzíñamui illáimana illirui nai biñena llezica jíroñeiticue. Aféruimo comóicana áfeji nane meine dáanomomo jíroiticue, —daide.

Pedro Jesuna jáanuana Jesús uícodo llote

(Mt 26.30-35; Lc 22.31-34; Jn 13.36-38)

²⁶ Juzíñamui rua íaí. ²⁷ Iemo Jesús daide:

—Bie naio, iomo come éicitaiilla izói, méaicaillamona nana omoi cuena zóofeitiomoi. Cuegáuai daide: “Ovejai úiñoraimana fáitícue; fállemona ovejai oni ráijicaitiaí.” ²⁸ Mei íadi cáadimiena meine abido cue ille méifodo, omoi uiécomo Galiléamo jáitícue, —daide.

²⁹ Jira Pedro daide:

—Nana ona fáicanocaitiaí, jaca o fáicanocaiñeiticue, —daide.

³⁰ Iemo Jesús uai ote:

—Uáfueña dáitícue, bie naio atava ménacaiño nai úriñeniadi dacaiñoámani cuena jáanoitio, —daide.

³¹ Mei íadi afémie iere afe íeñede úricana daide:

—O diga cue tíllena jitáiadi, nai ona jáanoñeiticue, —daide.

Nana daje izói daidíaí.

Jesús Getsemanimo Juzíñamuimo úrizaide

(Mt 26.36-46; Lc 22.39-46)

³² Iemo güirácomona jino billano Getsemaní ibírimo dúcidiái. Dinomo Jesús ie llófuegamacina daide:

—Baí bené Juzíñamuimo cue úrizaiilla llezica, benó omoi ráiri, —daide.

³³ Iemo Pedro, Santiago, Juan diga uite. Jesús ja zuure cácaide; afémie aillo jaci cácade. ³⁴ Jira daide:

—Cue joreño iere zúureficaide; afe zuufue tílla izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo baife jaide. Dinomo éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide. ³⁶ Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jáifodo o oíacana izói finori, —daide.

³⁷ Iemo daámani llófuegamaci diné jaide. Inídiaioimo dúcide. Pédrona daide:

—Simón, ¿ja o inídió? ¿Jaca due jiza abí onóoicana uíñonidío? ³⁸ Abí omoi uíñori. Juzíñamuimo úriri, fiénidifuemo omoi báñeilla. Uáfueña o joreño iere jiere, mei íadi o abi náinide, —daide.

³⁹ Iemona dáanomo nane, Juzíñamuimo úrizaide. Daje uáillaina daide. ⁴⁰ Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cíozabite, mei íaioi uíj inie íbáicaza. Íaioi uai ollino íñede. ⁴¹ Ja daciñoámani Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide íima Jitódicueza, mei íadi fiénidimacimo cue itábicaillaruimo ja dúcide. ⁴² Náidacai. Mai cai jai. Cue fecádimie ja bite.

Jesús llaitádiaioi

(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizabite. Afémie doce dígadimacimona. Afémieoiri aillo comini bitíaoi. Lloefai bigíniai diga bitíaoi. Lletáriraini illáinimona bitíaoi. Dáarie bie comini ocuícáfue llófueraimona éicomini diga bitíaoi. ⁴⁴ Fecádimie Judas bimácimo ónoitara nauí lloga. Daide:

—Cue ñitállimie ñimieite. Ie llaitari. Ñue maiano, ui, —daide.

⁴⁵ Iemo Judas billano, Jesumo áinozillano uáidote:

—¡Llófueraíma! ¡Llófueraíma!

Daí daínano ñitade. ⁴⁶ Iemo Jesús llaitada, maiano, bitino íena uitíaoi. ⁴⁷ Afe llezica dinomo itinomona dáamie lloefai otá daa bitímie jefo ñetade. Afe jefona ñetácámie lletáriraini illaíma jaíénici. ⁴⁸ Iemo Jesús comínina daide:

—¿Meita meríriraímadicue izói lloéfaillari bigíniai diga cuena llaitabitiomoi maiano cue uíllena? ⁴⁹ Nágariuí ómoiri Juzíñamuimo gairíracomo llófuecana iticue; íadi jaca cuena llaitáñediomoi. Mei íadi bifue íficaide Cuegáuallai fuitállena, —daide. ⁵⁰ Iemona nana llófuegamaci íena fáicanocaillano botádiaioi.

Da Jesudo jáicaide jitócome botade

⁵¹ Mei íadi da jitócome dama áillue iniroi jítada nai Jesús óodana jáicaide. Ie mei bitino íena llaitádiaioi. ⁵² Mei íadi afémie jarire duíñuano aferoi íaioimo faínóicaide. Daí ñeta emuíroma jarire botade.

Jesús jicánodoillinomo uiga

(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidillaimamo Jesús uitíaoi. Afe llezica nana lletáriraini illaini, íemo éicomini, íemo ocuica uai llófueraíni diga, dáanomo gairídiaioi. ⁵⁴ Pedro, afe jamánomoidillaíma jofu abí íbírimo, óodana jicado jaide. Dinomo llazíriraíni diga ráide; irai fuemo agaide

abi uzíreillena. ⁵⁵ Nana lletáriraini illaini jamánomo ocuídímaci diga Jesumo fienu íaiói facátallena uai nabáidino jenódiaíói, áfedo íena titállena. Mei íadi áfena baiñédiaíói. ⁵⁶ Aillo íemo taino llotíaíói. Iadi íaiói táinofuiaí jaícina jóobiñede. ⁵⁷ Iemo dáarie caífo náidacaillano, afémiemo taino fiénidífue nitádiaíói. Daidíaíói:

⁵⁸ —Afémie dáinana cacádicaí: “Bie comini finoca gairíracó júdaiticue, íemo daruíamani íllemona jíai gairíracó comini finóñegaco abido níiticue,” daide, — daidíaíói.

⁵⁹ Mei íadi nane íaiói lloga uai nabáillafuiaí jaícina jóobiñede. ⁶⁰ Iemo lletáriraini illaíma íaiói cígimona jino náidacaillano Jesumo jícanote:

—¿O uai óñeitío? ¿Minica bie omo nitádiaíói? —daide.

⁶¹ Mei íadi daa uai óñede. Iemona lletáriraini illaíma nane dáanomo jícanote: —¿O Crístodio? ¿Afe caí ñúfueña nitaca Juzíñamui Jitódioza? —daide.

⁶² Jira Jesús daide:

—Jí, ie mei. Nanoide íima Jitódicue. Uire uáfueña cuena cíoitíomoi. Ua riírede Juzíñamui nabézimo dínomo cue ráinaillana cíoitíomoi. Aféruillaído mona ero úilliedo cue bíllana cíoitíomoi, —daide.

⁶³ Lletáriraini illaíma jamánomo ríicaillano icírillamona ie iníroi cúatajano daide:

—¿Níbaí mei jíaíe uai nabáiraíma jítaíticaí? ⁶⁴ Ja Jesús ie uáillaído Juzíñamui díbenemo fienu úrillana cacádíomoi. ¿Omoi, nie izói íena daidíomoi? —daide.

Iemona nana íena titállena daidíaíói. ⁶⁵ Iemo dámerie afémiemo túallaítiaíói. Afe llezica ie uíeco iníroina íbáillano, íena fatíaíói. Fájano daidíaíói:

—¡Mai bai! ¿Bu o faja? —daidíaíói.

Iemo llaitáidino ie uíeco túcoídiaíói.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

⁶⁶ Pedro ana jofo íbírímo íte. Iemo daa lletáriraini illaíma canóraíngo afénomo dúcide. ⁶⁷ Pedro irai fue agáillana cíóillano, afengo afémiemo riíre eroide. Iemona daide:

—O daje izói Nazarena ímie Jesús diga macáfiredio, —daide.

⁶⁸ Mei íadi Pedro jáanuano daide:

—Aféfuena fidíñedicue. Minícado úritío onóñedicue, —daide. Daina mei afémie naze fuemo jino jaide. Iemo ítava úrite.

⁶⁹ Iemona canórraíngo íena nane cíóillano afénomo itínona daide:

—Afe íima Jesudo jáidímacimona, —daide.

⁷⁰ Mei íadi Pedro meine jáanote. Ja baído afénomo itíno Pédróna nane daidíaíói:

—Uáfueña. O Jesús ímaci íédío. Galilea ímiedío. O úrilla afémaci úrilla izói jóoide, —daidíaíói.

⁷¹ Ie jira Pedro: “Uáfueña cue llóñenia Juzíñamui cue fáidoíteza,” daide. Dáanomo Pedro ie daina uai nabáillena Juzíñamui mámedido riíre mámano daide:

—Afe omoi úrillamíena onóñedicue, —daide.

⁷² Daí daina llezica atava dáanomo nane úrite. Iemona Jesús íena daínáfuemo Pedro uíbicaide. Nano uícomo íena daide Jesús: “Atava ménacaiño nai úriñenia daciañoámani cuena jáanoítío.” Afemo comeci fácajano éeiaide.

15

Jesús onínellaíma Pilátomo uitíaíói

(Mt 27.1-2, 11-14; Lc 23.1-5; Jn 18.28-38)

1 Afe jítiramo lletáriraini illaini íemo eicomíniri gairízaidiaioi, ocuica uai llófueraini diga; ie emódomo naa jiáie jamánomoidillainiri. Gairíllano Jesumo íaioi finóllifueri dani úritiaioi. Maiga Jesús Pilátomo izájidiaioi. 2 Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daií jaca o daina izói, —daide.

3 Iemo lletáriraini illaini aillo fiénidifuaí afémiemo nitade. 4 Jira Pilato dáanomo jicánuano daide:

—¿O uai oñédio? ¡Cacai! Diga fiénidíuái omo nitádiaioi, —daide.

5 Mei íadi Jesús uaina oñede. Afémié uai oñenamona Pilato fáigacaide.

Jesús ie tíllena uáfodo maméritiaioi

(Mt 27.15-31; Lc 23.13-25; Jn 18.38-19.16)

6 Afe rafue ana naga fimónado comínimona llogámie llaítacamiéna Pilato zuitáfirede. 7 Come fatímie Barrabás jae llavéracomo ite, jiáie come fatímaci diga. Nano jiáiruido illaíma dotátaruimo comini fatíaioi. 8 Ja birui comini Pilátomo jícaíbitiaioi. Billano Pilato íaioimo finófirena izói ie finóllena jicádiaioi. 9 Pilato uai ote:

—¿Judíuái Illaíma ómoimo cue zuitállena jítáidíomoi? —daide.

10 Pilato ja lletáriraini illaini Jesús úradoillafuedo fécajana fidide. 11 Mei íadi lletáriraini illaini nana comini jeire otímaci. Iaioi úamona iere caillídímaci. Iaioina llófuetiaioi:

—Jesús ífomo mai Barrabás caimo zuitállena izire omoi jicari, —daidíaioi.

12 Jira Pilato jicánote:

—¿Nie izói oíacadiomoi omoi mamécamié Judío Illaíma cue finóllena? —daide.

13 Iemo caillíoicana uai otíaioi:

—¡Cruzmo íena coraí! —daidíaioi.

14 Jira Pilato daide:

—¿Níbái mei? ¿Afémié nie fiénidífue finode? —daide.

Nane dáanomo baímo caillíoicana daidíaioi:

—¡Cruzmo íena coraí! —daidíaioi.

15 Iemona Pilato nairaí uíécomo ñue íacanamona, Barrabás zuitada orede. Iemo Jesús zechétajano llaíziritinomo izájide íena coráíllena.

16 Ie mei afe onínelláima áiloco jofo ibírímo íena uitíaioi. Afénoimo nana fuíríraini gairítatiaioi. 17 Iemo ñue jáirede inícuiro, illaíma íena, afémiemo jítádiaioi. Aferoi uálláima jítafiregaroi. Afe llezica ífo icuifoí eegí nínacuifoína íemo jítádiaioi. 18 Jítajano janónaioicana riire íena uáidotiaioi; daidíaioi:

—¡Figo o iri, Judíuái Illaíma! —daidíaioi.

19 Iemo rázido diga icaiño ie ífo butíaioi. Ie túallaitiaioi. Afémiemo caiñici ana dújullano jífánodoicana íena ebíruitiaioi. 20 Daií ie íaioi áífedua méífodo, afe illaíma jítácaroi íemona duiñódiaioi. Dúíñuano dama íecuirona ie jítádiaioi. Ie mei afénoimo jino íaioi uiga íena coráíallena.

Jesús coráína

(Mt 27.32-44; Lc 23.26-43; Jn 19.17-27)

21 Jesuna coráíaidiaioimo Cirene ímie Simón jinona jófuemo bite. Afémié Alejandro Rufo íaillinoí moo. Bítemo Jesús coráíllibicina rocátatiaioi.

22 Iemo Jesús Gólgota maméidinomo uitíaioi. Afe Gólgota jiáímaci uaido ífócoraí Illánona mameide. 23 Afénoimo vino eríredíji diga jóonegana Jesús

jirótatíai. Mei íadi áfena afémie jiróñede. ²⁴ Afe mei ja Jesuna coráidiai. Iemo fuiríraini onótaraji dotádiai, Jesús inícuíro íaii máinuana onóillena. Iemona dájerize illa dígamie ie inícuíro uite.

²⁵ Jae jitoma caífo illa llezica Jesús coráidiai. ²⁶ Jesús coráigabicimo jíaiie uai llotíbicina netádiai. Afébicimo nie íaífue ie fínua jira coraica, daíí íaii cüega. Bibícimo cuetíaí: “Bímie Judíuai Illaíma.” ²⁷ Afémie díga mena meríriraíma íaillinoi coráidiai, dámie ie nabénemo, jíáimie ie jarífenemo. ²⁸ Jaíai Cüegáuai daíí fúibicaide. Aféuai daide: “Afémie fiénidimacimo jaináitaga.”

²⁹ Afe iodo jáidino Jesumo fiéni úritiaí. Fuena iere riire íena zanódiaí. Daídíaí:

—Mai, cacai. O Juzíñamui gairíraco ana júdaítimiedioza. Daje izói daruíamani íllado abído afeco níitímiedioza. ³⁰ ¡Mai dama o abí jíllota! ¡Crúzmona ana bí! —daídíaí.

³¹ Daíí daje izói lletáriraini illaíni, ocuica uai llófueraini díga, Jesuna janónaitiaí. Dani conímána daídíaí:

—Afémie jíáimaci jíllotate, íadi afémie dama ie abína jíllotanide. ³² Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfueña íinoíticai, —daídíaí.

Daje izói afémie díga coráicaiaillinoi fiéni Jesumo úritiaí.

Jesús tílla

(Mt 27.45-56; Lc 23.44-49; Jn 19.28-30)

³³ Jaíciri illa llezica nana énie jíireficaide. Dahoraámani fídi monáíñede. ³⁴ Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Nibái cue zóofetio? —daide.

³⁵ Dámierie afénomo itínomona áfena cacáillano daide:

—Cacarei, afémie Juzíñamui uai jino llóraíma Elías jírite, —daídíaí.

³⁶ Iemona afémacimona dámie aizida fíillicide raa uájide. Erírede vínona riáitano, áfena ragüizi ícoímo jóonete, áfedo Jesús jirótallena. Daíí ñeta, íemo ñuitade. Afe llezica jíáimaci íena daide:

—Ína jabe. Mai cai éroi, neca afémie Elías ana ólleza, —daide.

³⁷ Ie mei Jesús riire caillida tíide. ³⁸ Afe llezica Juzíñamui gairíracomo zebica jédaciede iníroi, dáfenedo caifófenemona ana cuáijicaide.

³⁹ Jesús anamo romano jabóidillaíma uíeco díbénemo naidaide. Ie cáilliana cacade. Ie tílla izóidena cüode. Cúano daide:

—Uáfue, bie íima Juzíñamui Jító, —daide.

⁴⁰ Dáanomo dáarie ringóniaí jícana eróiediaí. Íaíoi cígimo ite Magdalena jofue ingo María, íemo Salomé, íemo jíaiie María. Afengo Santiago José ei. Afe Santiago jofófene ímiena mameide. ⁴¹ Bie ringóniaí Jesudo jáicadino. Naui Galiléamo ie illa llezica, afémaci íena canódiaí. Mei íadi bimaci baímo aillo jíáingotiaína, Galilea ingóniaí afémiedo Jerusalemo bitiaí.

Jesús abí raíáfomo jóoniaidiaí

(Mt 27.57-61; Lc 23.50-56; Jn 19.38-42)

⁴² Ja nauízaide. Mei aferui ocózinallarui uícodirui íllaza, comíni íaíoi jítaille raa finófrediaí. ⁴³ Jira José Pilátomo Jesús abí jícajide. Afe bie José Arimatea jofue ímie. Afémie caifóidillaímaímo iere jaináideza, ie mámece jíca jalleide. Afémie Juzíñamui illáimana illíruina ñue uíñote. Afémie abí mámano jáicaiñeno Pilato illánomo jaide. Dínomo Pilátomona Jesús abí jícade.

⁴⁴ Pilato ja ie raire tíllari fáigacaide. Jira jabóidillaíma uáidote íemo jicánollena meita uafue daiíllena. ⁴⁵ Jabóidillaíma “Jh” dáinamona Pilato fairíote Jesús abi José uíllena. ⁴⁶ Jira José iere ñuera iniroi ibade. Iemo Jesús abi ana uáno, aféroido junide. Iemona idu ana nofici ero raigácomo ite raíáfomo íena jóoniaide. Jóoniano raigaco áillue nofícina ibaide. ⁴⁷ Magdalena ingo María, José ei María diga, afe raíánona ciódiainguai.

16

Jesús tíidemona meine abido cáadimiena jaide (Mt 28.1-10; Lc 24.1-12; Jn 20.1-10)

¹ Ocózinallarui méifomo Magdalena énie ingo María, Santiago ei María, Salomé diga zíoji íbádiaioi, Jesús abi recuíllena. ² Jira semana nanóidírui jítiramo raíáfomo jáidiaioi. Afe llezica jitoma ja ciode. ³ Iemo ringóniai dúcillano conímana daidíaioi:

—¿Bu mei raíáfo uíéco íbaina nofici cairi oni ñuitalle? mei afeci iere áillueza, —daidíaioi.

⁴ Mei íadi érocaillano raíáfo uíéco íbaina áillue nofici oni jóoniana ciódiaioi. ⁵ Iemo raíáfo ico eromo íaioi jáillanomo jítócome nabézimo ráinana ciódiaioi. Afémie árecuiro úzeroi jítáoide. Ieri iere jacínaitiaioi. ⁶ Jira ringóniaina daide:

—Omoi jacínaiñeno iri. Omoi Jesús, Nazaret ímie nauí coráicamie jenódiomoi. Mei íadi ja tíidemona meine abido cáadimiena jaide. Benomo íñede. Afémie íaioi jóoniano omoi eroi. ⁷ Ie mei Pédro mo naa jíáie llófuegamaciri llujiri. Afe bifue daiíri: “Omoi uícomo Galiléamo jaide. Dinomo ie daína izói íena cíoiomoi,” —daide.

⁸ Jira ringóniai raíáfomona botádiaioi. Fáigacaillano cuidíritiaioi. Iere íaioi jacíruillamona bummo lloñédiaioi.

Magdalena énie ingo Maríamo Jesús cíocailla (Jn 20.11-18)

⁹ Semana nanóidírui monáiacana llezica, Jesús meine abido cáadimiena jaide. Afe mei fueñe Magdalena énie ingo Maríamo afémie cíocaide. Nauí afémie aféngomona siete diga fiénide jóríai oni orede. ¹⁰ Iena ciona mei, afengo Jesús diga nauí jáicadinomo llujíde; afémaci nai zuure éenaitiaioi. ¹¹ Afe Jesús meine caade íllana María íaioimo llote, mei íadi aféfuena cacáillano, áfena nai íñoñediaioi. Daje izói afengo “Iena cíódicue” daína uaina íñoñediaioi.

Jesús llófuegamacimona ménaillinoimo afémie cíocailla (Lc 24.13-35)

¹² Bie mei, Jesús llófuegamacimona ménaillinoi jofue onimo mácajidiaillinoi. Mácajilla llezica Jesús jíáifodo íaillinomo cíocaide. ¹³ Afe íaillinoi jíáie llófuegamacimo abido llujídiaillinoi, mei íadi daje izói íaillinoína íñoñediaioi.

Jesús ie uai oni llóllena orécamacimo ie uai jóonenocaiide (Mt 28.16-20; Lc 24.36-49; Jn 20.19-23)

¹⁴ Afe jíáiruido once diga llófuegamaci íaioi güiránomo ráidiaioimo Jesús cíocaide. Íaioi comeci ríirena jira, íaioína lletade. Dáanommo íaioi íñoñena jira, íaioína lletade, mei afe íena cíódino íaioimo llógana íñoñediaioiza. ¹⁵ Ie mei íaioína daide:

—Mai nágagobiaido bie jílluille uai nana comínimo jino omoi llujíri. ¹⁶ Afe uaina ínoitímie íemo báutizagamie jíllobicaite. Mei íadi afe uaina íñoñeitímie jíllloño duere finócamiena jáite. ¹⁷ Cuemo ínoitino bie onótarafuiai fínoitiaioi,

afe lloga uai uafue daiíllena. Cue mámeçido fiénide jóriairedimie ite fiénide jóriai oni óreitiaoí. Uícodo óñoñega jiáie uáillaído úritiaoí. ¹⁸ Daje izói titade jaió íaióí llaítada íaióina ainíadi, tíñeítiaoí. Jucúrediji íaióí jiróadi, iránitañeite. Afe emódomo, iráredimacimo íaióí onoí bitáadi, afe iráredino jíllóitiaoí.

Jesús monamo jailla
(Lc 24.50-53)

¹⁹ Afémacimo úrilla mei, cai Ocuíraima Jesús fiaicana caifo monamo uiga. Iemo Juzíñamui nabézimo ráinazaide. ²⁰ Ie mei ie llófuegamaci nágobiaimo comini jíllona uai llocana uitíaióí. Afe dáamie, cai Ocuíraima, íaióina canode. Afe llezica afémie íaióí lloga uaina cíofinina íaióí finócafuiáido uáfuenta daiítate; daje izói diga onótatífuiáido uáfuenta daiítate. Jae nñe.

JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

Rafue uiécodo llogáuai

¹ Cue ama izóidimie Teófilomo cueticue. Diga comini caimo comuide ráfuiyai ñue jaícina cúellena facádiaioi. ² Afe comuídfuiyai táiniamona, áfena ciódino caimo llua izói, cuetíaioi. Afeniaina ciódino ñuefuiyai jino llóllena canódiaioi. ³ Afe izói nana bífuiaina ñue jicánofiredicue. Uáfueza, bífuiyai táiniana iere jicánofiredicue. Ie jira omo cueticue. Iemona bífuiyai jaícina omo cue cúellena cuedo ñue jaide, mei ñuefuiairedimie Teófilodioza. ⁴ Bífuiyai omo cúeiacadicue, afémaci omo llogafue uáfueza o onóillena.

Juzíñamui abi ímie Juan Bautista jocoille lloste

⁵ Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénedo úriraima. Afe Zacarías jaiyai ímie Aarón jitó, Abías iziemo dúidimie. Ie ai mámece Elisabet. Afengo daje izói Aarón iziemona comuídingo. Afe Aarón nánora Juzíñamuimo úriraima. ⁶ Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jítánidiaioi. ⁷ Mei íadi úruenidiaillinoi, mei Elisabet úrueninide. Iemo jíai jae iere jónaitiaillinoi.

⁸ Iemo daarui Abías izíe táijinaruillaimo dúcina llezica, Zacarías Juzíñamuimo úriraimana íllena afémiemo dúcide. ⁹ Iemo afémaci fínofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairuíredinomo jofo jaide, afénomo uguci uillítallena. ¹⁰ Afémie uillítaa llezica, nana comini jinófenemo Juzíñamuimo úritiaioi. ¹¹ Iemo Juzíñamui abi ímie, ángel daínámie Zacaríasmo cíocaide. Afémie uillítarano nabéfenemo cíocaide. ¹² Juzíñamui abi ímie cíoillano Zacarías iere jacínaillano ie finóacaigana onóñede. ¹³ Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jícafírenana afémie cacádeza. O ai Elisabet jítoreite. Afémie mámece Juaana o jítalle. ¹⁴ O íóbitio, daje izói aillo comini o úrue jocólleri íóbitimaciza, ¹⁵ mei o jitó Juzíñamui uíecomo iere uai ínotimiena mámeiteza. O jitó comini jífáitaraji vino diga jaca jíroñeite. Afémie nai jócoñenia Juzíñamui Ñuera Joreño úcaite. ¹⁶ Afémie Israel náraimona diga comini comeci ífuiyai méidotaite, afémaci ócuifirede Juzíñamui uaimo meine ñue íaioi jíeruillena. ¹⁷ Bie Juan Ocuíraima Cristo uíecodo biite. Afémie jaiyai Juzíñamui uai lloraíma Elías comeciifirena izói comeciite. Daje izói Elías riire ocuilla izói riire ócuite, ie uaido móotiai íaioi úruyai diga caimare íaioi itátallena. Daje izói uaina náfueñedino afémie afe uaina jeire otátaite. Bie izói afémie comini ñúemacina íaioi fínoite, Ocuíraima Jesús ñue llínollena.

¹⁸ Juzíñamui abi ímie úrilla llícailla mei Zacarías jicánote:

—¿Ñe izói bífuena uáfueza onóredicue? mei ja iere jónaiticue, cue ai diga.

¹⁹ Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamedicue omo úrillena, bie ñuefuiyai omo llóllena. ²⁰ Mei íadi birui omo cue daínana o ínoñenamona uáinitio. Benómona úriñeítio o jitó jocóllinomo. Bie Juzíñamui mamécaruimo zúite.

²¹ Afe llezica comini jino itiaioi; Zacarías úiñotiaioi. Afémie are jino gairíracomona biñena jira jacinaoidiaioi. ²² Iemo Zacarías jino bítemo ja úrinide. Afemona afémie gairíraco eromo rairuicanomo nicáirilla izói nibai ciode daidiaioi. Afémie onoi níraídua izói afémacimo úrite, mei afémie úrinideza.

²³ Juziñamui gairíracomo Zacarías tájinaruillai fúillamona, ie jofomo jaide. ²⁴ Bie mei ie ai Elisabet ja úruereacade. Afengo jofómona cinco diga fiui uáfori jino cióñede. Afengo comécido daide: ²⁵ “Juziñamui ja bie izói cuena úrueretade, íemona comini cuena jámairuñeitiaioi,” daide.

Juziñamui abi ímie Jesús jocoille llote

²⁶ Ja seis diga fiui Juan comuillamona, Juziñamui ie abi ímie Gabriel, Galilea éniemo ite Nazaret mámecirede jófuemo orede, daa ringo méiñollena. ²⁷ Afengo nai inínide jitaingo. Ie mámece María. Afengo ja jicánogango Josemo iníreillena. Afe José illaíma David izíemona comuídimie. ²⁸ Juziñamui abi ímie afengo illánomo jofo jaillano daide:

—¡Ona uáidotícue, Juziñamui ñue finócanodio! Ocuifírede Juziñamui o diga ite. Nana ringóniaí baimo Juziñamui caimare omo eroide, —daide.

²⁹ Mei íadi afengo Juziñamui abi ímie cióillano, afe ie uáimona iere fáigacaide. Iemo afengo comece anado jicánote, “¿Níbaí cuena daí uáidote?” ³⁰ Ie jira Juziñamui abi ímie íena daide:

—María, jacíruiño, mei Juziñamui caimare omo eroide. ³¹ Benómona úruereitio, íemona o jító jócoitio. Afémie mámece Jesuna jítaitio. ³² Afémie ñúefuena iere jálleite. Afémie caífo monamo ite Juziñamui Jitóite. Naui Juziñamui bínie jaiáidigíma David illáimana ória izói, bie Jesuna Juziñamui illáimana óreite, ³³ jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

³⁴ Ie jira María Juziñamui abi ímiemo jicánote:

—¿Níe izói bie mei ite, mei cue íima diga íñédícueza? —daide.

³⁵ Juziñamui abi ímie uai ote:

—Juziñamui Ñuera Joreño omo itábicaite. Iemo caífo monamo ite Juziñamui ie ríinodo ona ráiruite. Ie jira o jocolle jító jaca Juziñamui mamécamiéna ite. Iemona comini íena Juziñamui Jitó dáíitíiaioi.

³⁶ Iemo jáí o onógango Elisabet úruereite, jamánomo ei ringo íadi. Ie jira úruenitíngo íaioi daínango íadi, seis diga fiui íllamona ja úruereacade.

³⁷ Juziñamuimona jaca finónide raana íñede, —daide.

³⁸ Ie jira María daide:

—Juziñamui ócuifíregangodícue. Mai mei Juziñamui cuena ie daína izói cuemo fínoiteza, —daide.

Afemona Juziñamui abi ímie oni jaide.

María ie onógango Elisabet uáiduaide

³⁹ Aféruillaído María Judea íduai cígiri ite jófuemo raíre jaide. ⁴⁰ Dúciillano Zacarías jofomo jaide. Daíí ñeta Elisabet uáidote. ⁴¹ Elisabet daíí uáidua cacáillano eromo ite úrue níraírícaide. Afe llezica afengo Juziñamui Ñuera Joreñodo úicaitaga. ⁴² Ie jira iere ficírede uaido úrite:

—Nana jáíngotíai baimo Juziñamui iere caimare omo eroide, ñúefue omo finóllena. Daje izói o jítomo iere caimare eroide. ⁴³ Iere jamáíngodícue, mei íadi cue Ocuíraíma ei cue eróizaíbite. ⁴⁴ Mei ua, o cue uáidua cacáillano cue eromo ite jító iere íóbillano níraírícaide. ⁴⁵ Juziñamui ona daína o íñuado iere íóbinangodio, mei Juziñamui ona daína ñue zúiteza.

46 Ie jira María daide:

—Cue joréñodo cai Ocuíraimamo ñúefue lloticue.

47 Cue Jíllotaraima Juzíñamuimo cue comeci ióbicaide.

48 Mei Juzíñamui ie dúerede ocuícaingona uibíoicaideza.

Biruímona nana uire íte comini “Iere Juzíñamui ióbitagangodio” cuena dáitíai.

49 Mei jamánomo ríinorede Juzíñamui iere ñúefuiai cuemo finódeza.

Afémie mámece ñúefuiaido jacíruiregaci.

50 Nana íena ñue jacíruitinona afémie jaca dúecaite.

51 Finónide ráfuiai afémie finode.

Fiénidena abi ñnotinona afémie jae anáfenode.

52 Ríillainina jamáimacina Juzíñamui finode.

Mei jiáifodo comécina mánaidino illáinina orede.

53 Jufíruitinona afémie ñúefuiaido imaci jeíritade.

Mei jiáifodo ráaredinona fia duere imácina orede.

54 Ie ócuifiregamaci Israel nairai afémie canode.

Iaioina duéruillena féitañede.

55 Naui cai móotiaina daina izói jaca duéruifireite.

Ua, Abrahana ie daina izói, íemo ie náiraina daina izói afémie jaca caina duéruite.

Bie izói María úrilla fuite.

56 María daámani diga fiui Elisabet diga ite. Afe mei meine ie jofomo jaide.

Juan Bautista jocóinafue

57 Afe mei Elisabet úrue jocólliruimo dúcinamo, jitó jocode. 58 Juzíñamui ñue aféngomo érocaillano fidiillano, afengo abi imaci naa onógamaciri afengo uáiduaidiaioi. 59 Ocho dígarui íllamona, judíuai finofirena izói, gairíracomo jáidiaioi úrue bacano icoi quetállena. Afe llezica ie moo mámece Zacaríasna jítáacadiaioi. 60 Mei íadi ie ei daide:

—Ieñeite. Afémie mámece Juaana jítalle, —daide.

61 Aféngona daidíaioi:

—¿Ñibái mei? O comínimo afe bie mámece íñede, —daidíaioi.

62 Ie jira onoi níraíduado úrue moomo jicánotiaioi, nie izói mámece jóoneacade.

63 Ie jira afémie daa cuerábici jicade áfemo cúellena. Líinuano cuete: “Ie mámece Juan.” Aferi nana comini jacínaitiaioi. 64 Afe cuia llezica Zacarías meine nane úrrede. Jira raire Juzíñamuimo ñúefuiai llote. 65 Béri nana abi imaci jacínaoidiaioi. Iemo nana Judea íduai éniemo bifue llócadiaioi. 66 Nana áfena fidídino áfemo iere comécidiaioi. Dani íaioi nabáitíai jicánotiaioi.

—¿Bie úrue minícamiéna jáite? Mei uafue, Juzíñamui afémiemo iere caimare eróideza, —daidíaioi.

Zacarías ñue llocana daínafue

67 Iemo ie moo Zacarías Juzíñamui Ñuera Joreño úcaillamona úrite; Juzíñamui íemo lloga uaido afémie daide:

68 Israel nairai cai ócuifirede Juzíñamuimo ñúefue nitárede, mei afémie caimo éroizaibiteza.

Ja ie comínidicai, íemo afémie ja cai jíllotaibiteza.

69 Jaiai ie ocuifiregamie David izímona, daa ríinorede cai Jíllotaraima caimo orede.

- 70 Jaiai ñúefuiairede ie uai llórainido uícodo ie daina izói afémie cai Jíllotaramana orede.
- 71 Afémie cai fairíconimona caina jíllotaite. Daje izói cai éoidimacimona cai jíllotaite.
- 72 Cai nánoramacina duéruite, afe izói ie íaioina ñúefuiairede daina uai féitañede.
- 73 Jaiai cai uzuma Abrahamana uícodo daina uai Juzíñamui uáfuenta daina. Afe uai bie izói daide:
- 74 Juzíñamui cai fairíconimona caina báiroite, jacíruiñeno ie ócuifiregamacina cai maméillena,
- 75 Iemo jái ñúefuiaido ie jaícinaidimacina cai íllena, íemo daje izói nana cai illáruillaido afémiemo ñue cai jaináillena.
- 76 Ie mei cue duera jitó, caifo monamo ite Juzíñamui uai llóramana o mámeitiaioi, mei Ocuíraima uícodo jáitioza, ñuera uai llocana uíllena, comini íemo íinollena.
- 77 Daje izói afémie bíllado ie comini íaifuiái féitallena fidítaitio. Afémaci fiénidifuiái féitalledo afémaci jíllotiaioi.
- 78 Mei ua, cai Juzíñamui caina izíruillano caimo dúecaide. Dúecaillano cáimaci jíáimaci íemo íinollirui caimo ite.
- 79 Afedo tíacade jítinodo macádino Juzíñamuina onóitiaioi. Daje izói comeci uái illáfuiáimo joide io afémie cai ífoite. Benomo Zacarías úrilla fuite.
- 80 Iemo afe úrue mónaicana jaide. Afe llezica joreño dibénedo onóicana jaide. Comini íñénanomo ífirede. Israel náiraímo abí ie onónanomo afémie dinomo fiévide.

2

Jesús jocóinafue (Mt 1.18-25)

1 Aféruillaido énie jamánomoidillaíma Augusto nana comini mámeiciai cuiájillena ocuide. 2 Siria éniemo Cirenio illáimana illa llezica, bie nánora mámeiciai cuiájillena ocuica. 3 Naga come ie móotiai illánomo ie mámeici cuiájirediaioi. 4 Ie jira José Galilea éniemo ite Nazaret jófue mona jaide Judea éniemo. Afémie David izíemona comuídeza, David jocóinanomo Belemo jaide. 5 Móotiai illánomo José María diga mámeicina cuiájidiaillinoi. Afengo jae jícanogango Josemo iníreillena, íemo ja úruereacade. 6 Iemo Belemo íaillinoi illa llezica afengo úrue jocólliruimo dúcide. 7 Dinomo afengo nánora jitó llíide. Jócua mei iníroido ferínote. Iemo juráreto ecáranomo rallaí jóbiano ie bitade, mei afe íaillinoímo comini dúciranomo illino íñédeza.

Juzíñamui abí imaci ovejai úiñoraímacímo cíocaide

8 Belén jofue onimo dáarie ovéjaiai úiñoraíni naíona íaioi ovéjaiai úiñofirediaioi. 9 Uái daí itíaioímo raire Juzíñamui abí ímie ángel daínámie íaioímo cíocaide. Afe llezica Juzíñamui quenírie íaioi ábiedo egáiñozide. Aferi iere jacínaitiaioi. 10 Mei íadi Juzíñamui abí ímie íaioina daide:

—Jacíruiñeno iri, mei ñuera rafue ómoímo lluaíbitícueza. Bie ráfueri nana comini iere íobitiaioi. 11 Birui jaiai illaíma David jófue moí Jíllotaraíma jae jococa. Afémie cai Ocuíraíma Cristo. 12 Afémiena omóí onóillena afe úrue iníroido ferínoga, íemo juráreto ecáranomo bitaca báitímoí, —daide.

13 Afe llezica Juzíñamui abí ímiemo aillo jíáie mona imaci ofíoide. Afémaci Juzíñamuimo aillo ñúefuiaí llotíaioi:

14—Caifoide Juzíñamuimo ite ebírenafuiaí omóí lloiri.

Afe dáaruido afémie caimare eróinamacimo comécina uái illafue íteza, — daidíai.

¹⁵ Iemona, Juzíñamui abí imaci abido monamo jailla mei, ovéjaiaí úiñoraini dani conímána daiízitiaí.

—Mai mei Belemo cai jai; bie Juzíñamui caimo lloga ie jocóinafue mai cai méiñuai, —daidíai.

¹⁶ Jira jarire jáidiaí. María José diga ciódiaí. Iemo jáí juráreto ecáranomo bitaca úruena ciódiaí. ¹⁷ Afena cióillano, Juzíñamui abí imaci afe úrue ífueña íaímo llúana jino llotíaí. ¹⁸ Nana afefue cacádino afe dánari iere caimare fágacaidiaí. ¹⁹ Mei íadi María nana aféfuiaí comécimo jóoniano áfemo uibíoicaide. ²⁰ Iemo ovéjaiaí úiñoraini dinena meine abido jaide. Jailla llezica nana íaí cacana, íemo íaí ciónado Juzíñamuimo ñúefue llotíaí. Iemo daje izóí ebírenafue Juzíñamuimo nitádiaí. Mei nana íaímo daina izóí íteza.

Dúemie Jesús Juzíñamui gairíracomo ácataga

²¹ Jócua mona ocho dígarui íllamona, dúemie bacano icoi quetátatiaí. Afe llezica Jesuna ie mámecei jitádiaillinoí, mei afeci nano María nai úruenina llezica Juzíñamui abí ímie aféngomo llóteza.

²² Iemo diga irui íllamona, Moisés ocuica uai lua izóí, María abí íainina daíllena níciduafue fúillamo, úruena Jerusalemo uitíaillinoí. Afénomo ite Juzíñamui gairíracomo úruena Juzíñamui íena íllena acátajidiaillinoí. ²³ Daí finódiaillinoí Juzíñamui ocuica uaimo daí cúeina jira. Afe uai daide: “Nana nánora jococa íza Juzíñamui íena mamérede.” ²⁴ Jira jáidiaillinoí Juzíñamui daina fecalle raa fecállena. “Mena úcugi, nibai mena fíiciri fatá Juzíñamuimo omoí fecari,” aféuai daí daide.

²⁵ Aféruillaído Jerusalemo Simeóna mámeceiredimie illa. Afémie iere ñúemie; Juzíñamuimo ínofirede. Israel nairaí fairíconimona bairolle úiñote. Simeón Juzíñamui Ñuera Joreño uicaigamie. ²⁶ Afe Ñuera Joreño, Simeón nai tíñenia Juzíñamui orelle Crístona cíote, daí ie fidítate. ²⁷ Ie jira Jesús móotiaí íaillinoí, gairíracomo Jesuna uilla uícodo, Juzíñamui Ñuera Joreño afe Simeón gairíracomo jáillena ífode. Iemona José María diga, jaiái ocuica ínofirena izóí Jesuna íaillinoí ínuabilla llezica, Simeón Jesús ie ónoimo llínote. ²⁸ Simeón íena llínua llezica Juzíñamuimo ñúefue llocana daide:

²⁹ —Juzíñamui, mai birui caimare tíredicue, mei o ocuífíregamiedicue, o cuena daina izóí nana ñue fuitáído.

³⁰ Dama cue uído cai Jíllotaraímana ciódicue.

³¹ Afémie jae nana comini eróicana o jóonegamie.

³² Afémie judíuaiñedino ñúefuina onótaitimie.

Iemo jáí afémie o comini Israelmo ñúefuina nítaite,

—daí daide Simeón.

³³ Jira José María diga Simeón úruena daí ie dánari fágacaidiaillinoí. ³⁴ Ie jira Simeón uáillaído íaíoína cáimacaitade. Iemo Maríana, Jesús eina daide:

—Eroi, bie úrue Juzíñamui mamécamie. Diga Israel comini íena ruifíruillamona táinoficaitiaí. Iemo jáí aillo comini íemo ínuamona ñúemacina jáitiaí. Afémie onótate raa ízoite, íemo aillo comini íena íairuitiaí.

³⁵ Afedo illa dígamie ie comeci ífue onuille. Mei íadi ómona bie nana, jáirede lloefai izoide, dango o comeci izire fínoite, —daí Simeón daide.

³⁶ Afénori daa ringo illa. Afengo Juzíñamuimona ie oga uai llófuefírede. Afengo mámecei Ana; Fanuel jiza. Iemo jáí Aser náiraímona comuídingo. Afengo iere éirogi. Afengo jitáingona illa llezica ínirede. Afengo siete

diga fimona afémie diga ite. Afe mei afengo fecíngona jaide. ³⁷ Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífirede, mei afénomo mona naio diga Juzíñamui ocuífiregangona ite. Afengo iere Juzíñamuimo úrifirede, íemo jiái iere fímairite Juzíñamui ióbitallena. ³⁸ Simeón Jesudo úrilla llezica afengo afénomo bite. Iemo úrue dibéfodo Juzíñamuina “Figora” daína mei, afengo nana Jerusalemo ite jíllollena uíñotínomo úrite. Dúemie Jesús ñúefuina afengo íaioimo llote.

Nazaremo meine jáillafue

³⁹ Iemona, nana Juzíñamui ocuica uaila íaioi fuita mei meine Galilea éniemo jáidiaioi. Afénomo dani íaioi jofue Nazaremo fiébizaide. ⁴⁰ Afénomo afe úrue iere íocire móonaite, íemo jiái ráfuena baitádimiena móonaite. Afe llezica Juzíñamui afézamo caimare eroide.

Juzíñamui gairíracomo úrue Jesús finócafue

⁴¹ Jesús moo íaillinoi naga fimónaiaido Jerusalemo pascua ráfue mo jáifirede. ⁴² Jesús doce diga fimona fuita mei, íaioi finófirena izói afe ráfue mo nana jáidiaioi. ⁴³ Afe rafue záillamona, jofomo meine íaioi jailla llezica, afe úrue Jesús Jerusalemo fiébicaide. Afeza fiébicaillana ie ei, José diga onóñediaillinoi. ⁴⁴ Nibai cai onógamaci diga bite, daídíaillinoi. Daa mona daí iodo comécidiaillinoi. Mei íadi íaillinoi onógamaci cígido jenódiaillinoimo ⁴⁵ afézana cióñediaillinoi. Jira meine Jerusalemo íemo jenuaidiaillinoi.

⁴⁶ Afe mei daruíamani íllamona Juzíñamui gairíracomo eromo afézana baitíaillinoi. Ocuica uai llófuetino cígimo ráidena baizájidiaillinoi. Afeza afémaci úrillamo cacáreide. Afe llezica afeza afémacimo jicánofirede. ⁴⁷ Nana afeza íaioi uailai úana cacáidino fáigacaidiaioi; daje izói ie ráfuena baitari. ⁴⁸ Ie moo íaillinoi íena cíozaiilla llezica íaillinoina jacínaitade. Ie ei íena daide:

—Cue jító ¿nibái cócori bifue finódio? Cue o moo diga iere coco comécina lícítatio, ona iere zuure jenódicocoza, —daide.

⁴⁹ Mei jira Jesús íaillinoi uai ote:

—¿Mei nibái cue jenódiomicoi? Cue Moo llogáfuemo cue járitaiticue; ¿áfena onóñediomicoi? —daide.

⁵⁰ Mei íadi afe íaillinoina afeza daínana onóñediaillinoi.

⁵¹ Afe mei afeza ie moo íaillinoi diga abido Nazaremo jaide. Iemo íaillinoi ocuillana jeire ófirede. Ie ei nana bífuiai comécimo jónete. ⁵² Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíniri afémiemo jíruitiaioi.

3

Juan Bautista táizicimo rafue jino llote

(Mt 3.1-12; Mr 1.1-8; Jn 1.19-28)

¹ Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. ² Afe llezica Jerusalemo jamánomoide lletáiriraíma íaillinoi Anás Caifás diga. Aféruillaído Juzíñamui Zacarías jító Juaamo táizicimo úrite. ³ Iemona Jordán abi comíni illágobiaído Juan llócaide. Afémacina bie izói daícade: Omoi comeci ífuiai méidori; áfemona omoi fiénidífuiai dólleza. Iemona omoi báutizatari. ⁴ Jaiái uai lloraíma Isaías uícodo cuega uai izói bífuiai íficaide. Be afe uai:

Ficire úritimie uai táizicimo cácaide. Afémie daide:

“Juzíñamui bille io ñue finua izói omoi comeci ñue fino.

Afémiemo io jaícina dénuia izói, omoi comeci íaifuiaí féitari.

⁵ Nana ana jica ite ítaicoiaí ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica iñede io, daje llezica jóbite.

⁶ Iemona nana nairai Juzíñamui caimo orelle jíllloillifuemo comécidíai.

⁷ Comini Juan dine íaioi báutizailla llezica, afémie íaioina daide:

—¡Titade jaíóniaimona comuídino izóidíomoi! Ja ánozide duere ze-fuíllifuemona omoi botállena, ¿bu omoi llua? ⁸ Omoi comeci ífue médoiacanana ñúefuedo uáfodo jino ácatari. Dani ómoimona táinona “Abrahámona comuídinodícaí” daíñeno iri. Mei bie nofíciamona Juzíñamui jitáiaí, Abraham comínina comútaredeza, daí ómoina daídícaí. ⁹ Fiénide amena tiéllena jata jicaida jóonia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidíomoi.)

¹⁰ Jira comini afémiemo jicánotíai:

—¿Mei bie ñue izói íredícaí? —daídíai.

¹¹ Jira Juan uai ote:

—Mena caifóferoiredimie, caifófenidimie daa írede. Iemo güílleredimie güíllenidimie güíllena fecárede, —daide.

¹² Afénomo dáarie gobierno íbátaga úcube llínoraini báutizailla Juaamo jícaíbitíai. Afémiemo jicánotíai:

—Llófueraima, ¿mei bie caí ñue izói ítícaí? —daídíai.

¹³ Jira Juan íaioina daide:

—Ocuica uai daína baímo dama raíñoñeno iri, —daide.

¹⁴ Iemo dáarie “soldado” daína nairai úiñotino Juaamo jícanuaíbitíai:

—¿Mei bie caí ñue izói ítícaí? —daídíai.

Jira Juan íaioi uai ote:

—Jácídotá, jíámamona mínícana baíróñeno iri. Daje izói jácidoñeno jíámamo íe finoñegafue táinona íaioimo jítañeno iri. Nano omoi táijina íba díeze uái omoi iri, —daide.

¹⁵ Nana comini Juaamo coméci ídíaí. “Níbaí bímie Crístona,” comécido daídíai. ¹⁶ Mei íadí Juan nana afémacina daide: Mei uáfueza, cue jáinoina omoi báutizadícaí.

—Mei jíámie ja bite. Afémie Juzíñamui Ñuera Joréñodo ómoina úicaite. Daje izói iraimo raa ñue zia izói, afémie ómoina íáinino ñue fínoite. Afémie cue baímo rínoírede. Cue bie jamáimiedícaí, afémiena dama jacíruiredícaí.

¹⁷ Jabe bíitímie arroz bíaidímie izói ja íe llocofe llíicabite. Afémie arroz bíamona ícuai oni eneno ua izói, ñúemacimona fiénidínona oni eneno óite. Ñúemacina íe illánomo ñue énoite. Mei jíáfodo fiénidícuai izóidíno zíñona dúíñeite iraimo jóbaite, —daide Juan.

¹⁸ Afe bíemona naa aillo jíáie llófuiado Juan ñúefuiai jino comínimo llote.

¹⁹ Afe emódomo Juan illaíma Heródesna ríire lletade, mei íe ama Felipe aí Herodías íe aína ua jira. Daje llezica íe finoca fiénidífuiaíri Juan íena lletade.

²⁰ Mei íadí Juan llétajana íñoñeno afe baímo jíáie íaífuena nabaide: Herodes Juan llavéracomo íbaide.

Jesús báutizaga

(Mt 3.13-17; Mr 1.9-11)

²¹ Afe úícode, Juan nana comini báutizaja llezica, Jesús jíái báutizaga. Afe Jesús báutizaja llezica afémie Juzíñamui úrite. Urilla llezica mona túijicaide.

22 Afemona Ñuera Joreño fíiciri baizáibilla izói, afémiemo comini cóicana baizáibite. Afe llezica monámona daa úrilla cácacaide. Afe úrilla daide: —Cue izíruiga Jitódio. Ori iere ióbioidicue, —daide.

Jesucristo uzútiai

(Mr 1.1-17)

23 Ja Jesús treinta fimona íllamona Jesús comínina canóllena ie táijina como tainede. Comini comécilla izói Jesús José jító.

Iemo afe José Elí jító.

24 Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

25 Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

26 Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

27 Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.

Iemo afe Salatiel Neri jító.

28 Iemo afe Neri Melqui jító.

Iemo afe Melqui Adi jító.

Iemo afe Adi Cosam jító.

Iemo afe Cosam Elmadam jító.

Iemo afe Elmadam Er jító.

29 Iemo afe Er Josué jító.

Iemo afe Josué Eliezer jító.

Iemo afe Eliezer Jorim jító.

Iemo afe Jorim Matat jító.

30 Iemo afe Matat Leví jító.

Iemo afe Leví Simeón jító.

Iemo afe Simeón Judá jító.

Iemo afe Judá José jító.

Iemo afe José Jonam jító.

Iemo afe Jonam Eliaquim jító.

31 Iemo afe Eliaquim Melea jító.

Iemo afe Melea Mena jító.

Iemo afe Mena Matata jító.

Iemo afe Matata Natán jító.

32 Iemo afe Natán David jító.

Iemo afe David Isái jító.

Iemo afe Isái Obed jító.

Iemo afe Obed Booz jító.

Iemo afe Booz Sala jító.
 Iemo afe Sala Naasón jító.
³³ Iemo afe Naasón Aminadab jító.
 Iemo afe Aminadab Admin jító.
 Iemo afe Admin Arni jító.
 Iemo afe Arni Esrom jító.
 Iemo afe Esrom Fares jító.
 Iemo afe Fares Judá jító.
³⁴ Iemo afe Judá Jacob jító.
 Iemo afe Jacob Isaac jító.
 Iemo afe Isaac Abraham jító.
 Iemo afe Abraham Taré jító.
 Iemo afe Taré Nacor jító.
³⁵ Iemo afe Nacor Serug jító.
 Iemo afe Serug Ragau jító.
 Iemo afe Ragau Peleg jító.
 Iemo afe Peleg Heber jító.
 Iemo afe Heber Sala jító.
³⁶ Iemo afe Sala Cainán jító.
 Iemo afe Cainán Arfaxad jító.
 Iemo afe Arfaxad Sem jító.
 Iemo afe Sem Noé jító.
 Iemo afe Noé Lamec jító.
³⁷ Iemo afe Lamec Matusalén jító.
 Iemo afe Matusalén Enoc jító.
 Iemo afe Enoc Jared jító.
 Iemo afe Jared Mahalaleel jító.
 Iemo afe Mahalaleel Cainán jító.
³⁸ Iemo afe Cainán Enós jító.
 Iemo afe Enós Set jító.
 Iemo afe Set Adán jító.
 Iemo afe Adán Juzíñamui jító;
 ua, Juzíñamui nano finócamie.

4

Taife Jesús facátate (Mt 4.1-11; Mr 1.12-13)

¹ Jesús diga Ñuera Joreño uaido íllamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dinomo Taife íena fieni facátate. Aféruillaído Jesús jaca due jiza güíñede. Afe mei iere jamánomo jufínaite. ³ Mei jira Taife íena daide:

—Ua Juzíñamui Jitona o íadi, bie noficiai güíllena fino, —daide.

⁴ Jira Jesús uai ote:

—Juzíñamui Cuegáuai daide: “Fia güíllado come ínide, mei jíáfodo nana Juzíñamui lloga uaido írede,” —daide.

⁵ Afe mei Taife caifónedumo ie uite. Dinómona nana éniemo ite náiraiái dáaruído íena ácatate. ⁶ Iemo Taife íena daide:

—Nana bie náiraiái ríino naa ie ebíredinuiari omo ííticue. Mei nana bie cúeieza. Iemona cue fecáacana dieze jíáimamo íredicueza. ⁷ Cue anamo o dújuillano cuemo o caimátaia nana bie óieiteza.

⁸ Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamuimo caimátairena. Dama afémie ocuífiregamiena o iri,” — daide.

⁹ Nane afe mei Taife Jerusalén jófuego Jesús uite. Afénomo ite gairíraco emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticai, ¹⁰ mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

¹¹ Iaiói ónoído ona moziñoitiaíoi, o eiba noficiaímo íziñeillena.

¹² Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” — daide.

¹³ Ja Taife Jesuna jíáie facátaja raana baiñenamona nano íanori afémiemona fáicanocaillano oni jaide.

Jesús Galilea éniemo fueñe táijizaide

(Mr 4.12-17; Mt 1.14-15)

¹⁴ Jesús Galilea éniemo abido bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaíoi. ¹⁵ Nágagobiaímo ite Juzíñamui uai lloráuaido Jesús llófuecaide. Iemona nana comini ñúefuiai afémiemo mamédiaíoi.

Jesús Nazaremo mácajide

(Mt 13.53-58; Mr 6.1-6)

¹⁶ Mei íemo Jesús ie mónailla Nazaret jófuego abido mácajide. Iemo ocózinaiillaruimo Juzíñamui uai llorácomo ie finofirena izói, jofa jaide. Jaillano Juzíñamui Cuegáuai facádollena caifo naidaide. ¹⁷ Iemona jaiái uai llóraíma Isaías Cuegáuai illabe Jesumo itiaíoi. Afémie afénico túíñuano afe bie uai illano baite. Afe be níuái:

¹⁸ “Cai ocuide Juzíñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jíllotallena ocuícacue.

Daje izói llavécanona zuitalle uai llóllena orécacue.

Iemo jíái uina cíoiñedino uina cíoitallena orécacue.

Iemo duere finócanona zuitállena orécacue.

¹⁹ Daje izói Juzíñamui caímo jamánomo caímare érocaillirui llóllena orécacue.”

²⁰ Iemona Jesús afénico íbáillano, Juzíñamui uai lloraco ero canófredimíemo abido ite. Afe mei Jesús ana ráinade. Iemo nana afe llorácomo itino Jesumo riire eróiediaíoi. ²¹ Iemona Jesús íaíoiina daide:

—Ja birui omoi eróicana bie Cuegáuai ñue ícoímo fuite, —daide.

²² Nana Jesudo ñue úritiaíoi. Afémie íaíoiimo lloga ebírede uáillairi caímare fáigacaidiaíoi. Mei jira jícanotiaíoi:

—¿Mei bie afe José jítoíñede? —daídíaíoi.

²³ Jira Jesús íaíoiina daide:

—Uáfueza bie omoi daífirena uai cuemo mámeitiomoi: “jíráredinona manóriacadimie, fueñe dama o abina jíllota!” (Comini Jesús Juzíñamui oreca ua Crístona íaíoi daíñenamona, Jesús bie izói daide. Mei afémie fia José jíto íadi, jíámmana jíllotanideza.) Daje izói níbai cuena dáitiomoi: “Nauí cai cacana Capernaumo ebire o finócafue mai birui dama bie o jófuego finori.”

²⁴ Iemo Jesús ie úrillana moziñoñeno nai jíái uai llote:

—Mei uáfueña ómoína daídícue, naga uai jino llóraíma dama ie comini cígiri jaca figo íñoñega. ²⁵ Omoímo jino uáfodo llóiticue, nauí Elías illáruillaído

Israel nairai cígimo diga fecíngotiai ite. Aféruillaído daámani fimona átuedo noci bíñede. Afemona afeno nairai jamánomo júbietaidiaioi. ²⁶ Mei íadi Elías Israelmo ite aillo fecíngotiaimona daingo mameda óreñega. Mei jíáfodo jica Sarepta jófuego ite fecíngo mameda Elías oreca daingo canóllena. Afe Sarepta jofue Sidón jofue áinori ite. ²⁷ Daje izói uai llóraima Eliseo illáruillaído Israel náiraímo aillo chíñaitinuiái ite. Mei íadi afémacimona dáamie jaca jíllotañega. Mei jíáfodo jica Siria énie ímie Naamán jíllotaina, —daide.

²⁸ Afe uaina cacáillano nana llorácomo itino afe Jesumo iere ríicaidiaioi. ²⁹ Náidacaillano afe jófueмона jino ie jíúdiaioi. Afe mei afe jofue idu ícoímo íena uitíaioi, afénomona ana ie dotállena. ³⁰ Mei íadi Jesús afedu ícoímona gírecaillano íaioi cígido abido jaide.

Fiénide joríaí úicaigamie Jesús jíllotate
(Mr 1.21-28)

³¹ Afe mei Jesús Galilea éniemo ite Capernaum jófuego jaide. Afénomono ocózinaillarumo nane como comíni llófuiaide. ³² Riire ocuilla uaido ie íaioi llófuíari caimare fáigacaidiaioi.

³³ Afe Juziñamui uai llófuerao eromo fiénide joríaí úicaigamie ite. Afémie Jesuna cíóillanona riire caillide:

³⁴ —Cai fáicanocai. Nazaret ímie Jesús, ¿nibái mei caímo jíricaidio? ¿Caina niné táñocaitaíbitio? Ona ónodicue Juziñamui ñúefuíaído jacíruiregamiedio, —daide.

³⁵ Jira Jesús fiénide joríaí uai ote:

—¡Uriñeno! ¡Bímie fáicanocai! —daide.

Mei áfemona afe ímana fiénide joríaí comíni eróicana ana éniemo dotade. Daií fínuano afe joríaí afe ímana ízitañeno oni jáidiaioi. ³⁶ Aferi nana jacínaillano jofo conímaíana daídíaioi:

—¡Bímie uailai nñ mei ríinorena! Afe bímie riirede uaido fiénide joríaína orede. Iemo afémaci áfemona jáidiaioi, —daídíaioi.

³⁷ Afe énie comíni nágagobiaído Jesudo úritiaioi.

Jesús Simón Pedro jífaiño jíllotate
(Mt 8.14-15; Mr 1.29-31)

³⁸ Afe mei Jesús Juziñamui uai llófueraomona jino billano, Simón jofomo jaide. Afénomono Simón jífaiño ie abi cuaríllari iere irárede. Jira afengo jíllotalena Jesumo izire jícádiaioi. ³⁹ Iemo Jesús aféngomo ana ánozillano ie onoi llínote. Afe llezica ie abi cuarilla llícaide. Iemona afengo jíllobicaide. Daií daina llezica afengo náidacaillano afémaci jitaica raa bai atide.

Jesús diga iráredino jíllotate
(Mt 8.16-17; Mr 1.32-34)

⁴⁰ Ja jitoma jímaícaidemo, diga jíáíforiede duico ogánuaína Jesumo atídiaioi. Afémacimona illa dígamie mo Jesús ie onoi bitade. Bítajamona afémaci jíllozítiaioi. ⁴¹ Iaiói atica iráredinuiamona diga fiénide joríaí jino jaide. Jaillano afémaci riire caillíoidiaioi:

—O Juziñamui Jitódio, —daídíaioi. Mei íadi, como úrizaidiaioímo Jesús íaioína úritañede. Mei afémaci afémie Crístona íllana onódiaioíza.

Jesús Galilea éniemo uai jino llote
(Mr 1.35-39)

⁴² Afe jítiramo Jesús jofue baímo buna iñéñanomo jaide. Mei íadi comíni íena jenódiaioi; ie illánona baizájidiaioi. Afémaci afémiena iere jeruídiaioi oni jíáínomo afémie jáíñeillena. ⁴³ Jira Jesús íaioína daide:

—Jiáie jófuiamo Juzíñamui illáimana illíruimo ja ánozideza áfena llujiredicue, mei afe jira orécacueza, —daide.

⁴⁴ Afemona daií Jesús Galilea éniemo ite Juzíñamui uai llorácomo llófuecana uite.

5

Jesús uaido dánamona jamánomo aillo chamuniaia oga

(Mt 4.18-22; Mr 1.16-20)

¹ Afe mei jiáiruido Jesús Genesaret jorai fuédamo ite. (Afe jorai jiáifodo mameina Galilea.) Afénomo ie illa llezica diga comíniai afénomo dúcina. Afémiena jamánomo rillíretadiaioi, mei afémaci Juzíñamui uáillaimo iere cacáacadiaioiza. ² Afe jorai fueda ánnori mena nocáe táicaena Jesús cide. Mei afécaemona facóraini oni jaillano íaioi chamu ora llóiji jocódiaioiza. ³ Iemona Jesús Simón icaemo jaide. Afécaemo jáillano íena daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comíni llófuete. ⁴ Ie llófuia fúillamo, Simona daide:

—Bie nocáe bai batí afóredinomo ui. Afénomo chamu ólleza omoí llóiji dota, —daide.

⁵ Jira Simón uai ote:

—Llófueraima, jae naio náamonana facódicaiza, íadi jaca daa oñédicaí. Mei íadi o daina izói mei o ocuícaza llóiji dótaiticue, —daide.

⁶ Daií dotádemo, jamánomo aillo chámuniaia jíideza, llóijina cuatáacade. ⁷ Afe jira oni jiáicaemo ite íaioi nabáitiai ónoído jíritiaioi, ie íaioi cánuaibillena. Jira afémaci cánuaibitiaioi. Afe íaioi jíitaga chámuniaia íaioi ménacae áillocaemo oruítatiaioi. Jamánomo oruillamona afe ménacae buíacade. ⁸ Afena Simón cíoullano Jesús ana dújullano daide:

—Cue Ocuíraima, cúemona oni ii. Cue bie fiénidifue finódimiedicueza, —daide.

⁹ Mei ua, afe aillo chamu jíillari Simón naa ie nabáñiairi jacínaitiaioi.

¹⁰ Iemo jái Zebedeo jitó íaillano Santiago Juan diga, Simón nabai daje izói jacínaitiaioi. Mei íadi Jesús nane Simona daide:

—Jacíruiño. Benómona chamu fácuá izói comínina jénoitioza, cuemo íaioi íinollena, —daide.

¹¹ Iemona afe ménacae oni fuédamo zítajano, dínomo nana fíiano Jesudo jáidiaioi.

Jesús chínaitimie jíllotate

(Mt 8.1-4; Mr 1.40-45)

¹² Iemo jiáiruido, Jesús jófue mo illa llezica chínaitimie Jesumo dúcide. Jesuna cíoullano ana dújuillano uiéco dinena ana éniemo bíjicaide. Daií ñiano Jesumo izire jicade:

—Cue Ocuíraima o jitáiaidi bie duícana cúemona oréredio. Cúemona oreri, —daide.

¹³ Iemona Jesús ie ónoído jétano daide:

—Jii, ona jíllotaiacadicue. Benómona ja íainitioza, —daide.

Daií daina llezica ie irárena chiie jacáibicaide. ¹⁴ Afemona Jesús afémiena “Bie bumo lloñoeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítaite raa, mai fecari. Afemona nana comíni o chiie ja jacáillana ónoitiaioi, —daide.

15 Jesús izire íena rairuide íadi Jesús mámecei jamánomo bai jica jalléicaide. Iemona aillo comini ie uaimo cacáreizaibitiaioi. Daje izói íaioimo ite duícomona ie jíllotallena aillo bitíaioi. 16 Mei íadi Jesús bai comini iñénanomo jaide, afénomo ie Moo Juzíñamuimo úrillena.

Jesús tízitaitimie jíllotate
(Mt 9.1-8; Mr 2.1-12)

17 Nane afe jíáiruido Jesús llófuemaritemo, fariséuaimona dáarie afénomo ráiiede. Afe llezica oni jicana bite ocuica uai llófueraini dánomo ite. Dáarie Galilea ígobiaimona bitíaioi. Daje izói jíáimaci Judea éniemona, íemo Jerusalén dinena jíái bitíaioi. Aféruimo Juzíñamui ríino aillo iráredino jílluamona jino ácataga. 18 Afe dáaruido diga ímie tízitaitimie naa ie bíralludo atídiaioi. Jofo Jesús uícomo ie uíacadiaioi. 19 Mei íadi iere comínina oruídeza jofo íaioi jáillino iñede. Ie jira caifo jofo emódomo uitíaioi. Uillano afeno tuiñódiaioi. Afeno túiñuano afe iráredimie naa ie bírallu diga ana comini cígimo Jesús uícomo agúínetiaioi. 20 Jesús ñue íaioi ínuana cíoillano, iráredimiena daide:

—Mii, nana o fiénidifuiái ja muiñócaza, —daide.

21 Iemona ocuica uai llófueraini naa fariséuairi, como comeci anado daidíaioi:

—¿Mei bie bu? baie jíáimie fiénidifuiái dóficailla dánado Juzíñamuina icírítaja. Jaca bu comini fiénidifue muiñóñena; dama Juzíñamui fiénidifue na múiñua, —daidíaioi.

22 Mei íadi Jesús comeci íaioi fácajana onóillano daide:

—¿Ñibái mei bie izói comeci facádiomoi? 23 Mei daí daina ménade uáimona ¿nie uai iere llotáinina? Afe ménade uai be ñie: O fiénidifue muiñócaza. Iemo jíáie uai bie izói joide: Mai náidacaillano maca. Iiraie uai jamánomo llotáirede, mei omoi eróicana íteza.

24 Mei jira, Nanoide íima Jitódicueza bíniemo cue illa llezica comínimo ite fiénidifue cue muiñolle ríino jino ómoimo cíotaiticue, —daide.

Mei jira Jesús tízitaitimiena daide:

—Ona dáíticue náidacai; náidacaillano o bírallu llínota o jofomo jai, —daide.

25 Daí daina llezica, afe tízitaitimie comini eróicana caifo náidacaide. Náidacaillano, ie bírallu llínota, Juzíñamuimo caimátaicana ie jofomo jaide.

26 Aferi nana comini caimare fáigacaidiaioi, íemo Juzíñamuimo caimátaidiaioi. Afe mei jacíruoicana daide:

—Ñi birui cai iere ebíredifuiaina ciona, —daidíaioi.

Jesús Leví jírite
(Mt 9.9-13; Mr 2.13-17)

27 Nane bie méifomo Jesús jofue cígido mácaja llezica, gobierno íbátaga úcube llínoraimamo ríire éroicaide. Afémie mámecei Leví. Afe úcube íbafírenanomo afémie ráiiede. Jesús íena daide:

—Mai cuedo bi, —daide.

28 Iemona Leví náidacaillano nana ie tájina fáicanocaillano Jesudo jaide.

29 Afe mei Leví áillue rafue ie jofomo Jesús íena finode. Afe Leví izoide aillo úcube llínoraini naa jíáimaciri güirábanimo ráiizaibitiaioi. 30 Mei íadi fariséuai naa ocuica uai llófuetinori Jesús llófuegamacimo como meine fiéni úritiaioi. Íaioina daide:

—¿Ñibái mei baie úcube llínofirede fiénidinori güitíomoi? —daidíaioi.

31 Jira Jesús íaioi uai ote:

—Iociredimie mánuamo dúiñede. Iráredino manórena. ³² Dani ñúemacina abí mamédinona uáiduaibiñedicue, mei jiáifodo fiénidifuiaredino comeci ifue méiduaibitícue, —daide.

Iaiói fimairillena Jesumo jicánotiaíoi

(Mt 9.14-17; Mr 2.18-22)

³³ Iemona afémaci Jesumo jicánotiaíoi:

—¿Ñibái mei Juan dibénedo jáidino, íemo jiái fariséodo jáidino, diga ícaiño riire fimafirediaíoi? Iaiói fimairilla llezica Juzíñamuimo jamánomo jicáfirediaíoi. Mei jiáifodo o llófuegamaci jaca güífirediaíoi, jirófirediaíoi. ¿Ñibái mei daií itíaíoi?

³⁴ Jira Jesús íaiói uai ote:

—Mai cuena omoi daií: ¿Airena rafue llezica áfemo uáidogano meita zúurenari güinidiaíoi? Daiítañede; ringo otímie íaiói cígimo illa llezica caimare güitíaíoi. ³⁵ Mei íadi ringo otímie íaióimona báiruaibilliruimo dúciite. Aféruido comeci zúurenari güñeitiaíoi. Ringo otímie izói birui cuedo jáicaidino cígiri itícueza.

³⁶ Ie emódomo jiáie onótate rafue llote:

—Jaca nino dáamie comue iníroimona jáitano, jácaroimo nitáñede. Daií nitáadi cómoroina fiéni cíoitate. Iemo jiái jácaroimo nitaca cómoroi figo cíoiñede.

³⁷ Iemo nane jiáifue llote. Daje izói comue vino jácara igorai finoina iciru izoide raamo totánide. Dáamie daií totáadi afe comue vino afe jácara icíruna eroide raana cuatade. Afemona afe iciru naa vino diga táinomo fáifite.

³⁸ Iemona comue vino comue igorai finoina icíruna eróidemo jónerede. Iemona afe naga ñue éenoga. ³⁹ Daje izói jácara vino jiródinomona, buna cómojina jicáñena. Mei afémie “Jácaji jamánomo caimárena,” dáideza. (Afe bie dáinado Jesús ie comue llófueinafue íemo íaiói jaiai llófuegafue dáanomo inonide íaióimo llote.)

6

Jesús llófuegamaci ocózinallarui trigo ímoiaí dícoiano otá güitíaíoi

(Mt 12.1-8; Mr 2.23-28)

¹ Daa ocózinallaruido Jesús naa ie llófuegamaci jacáfaiaí cígido íaiói maca llezica, ie llófuegamaci trigo ímoiaí dícoiano otíaíoi. Uano íaiói ónoído lléguano aféjaína güitíaíoi. ² Mei jira fariséuaimona dáamierie jicánotiaíoi:

—¿Ñibái mei ocózinallarui rairuícamo táijidiomoi? —daiídaíoi.

³ Jira Jesús íaiói uai ote:

—¿Omoi jaiai illaíma David finócafue cúeinana facádoñediomoi? Afémie naa ie nabáiñairi jufínaitiaíoi. ⁴ Afe llezica Juzíñamui jofomo jofo jaillano rairuica pániaí ote. Uano güite. Afe mei afémiedo jáidinomo fecade. Mei íadi afe pan dani lletáriraini güiga. Abi dine jamai comini güinide.

⁵ Nane dáanomo íaióina daide:

—Nanoide íma Jitódicueza, ocózinallarui, cue ocuille riino ite, —daide.

Onoína jofo naillídímie rafue

(Mt 12.9-14; Mr 3.1-6)

⁶ Nane jiáie ocózinallarui Jesús Juzíñamui uai llorácomo jofo jaide. Jaillano llófuete. Afécomo onoi nabézina jofo naillídímie ite. ⁷ Afe llezica ocuica uai llófuetino naa fariséuairi Jesumo báiino éroiediaíoi, ocózinallaruido afe ónoína jofo naillídímie jíllotajana cíoillena. Afémie jíllotaia áfedo fiénidifue íemo

jítaiticai, comeci anado daidíai. ⁸ Mei íadi Jesús íai. comeci fácajana onode; jira ónoina jofo naillídimiena daide:

—Náidacaillano bai cai cigimo bi, —daide.

Iemona afémie náidacaillano bai náidazaide. ⁹ Afe mei Jesús jiáimacina daide:

—Omoimo dafue jicánoiticue. ¿Ocózinaillarui mo nñie táijina rairuínina? ¿Cai finoca fiénidifue, mei nibai cai finoca ñúefue? ¿Cómene jíllotaiticai, mei nibai méineiticai? —daide.

¹⁰ Iemona Jesús nana ie onífenedo gairide comínimo eroide. Afemaci ie uai oñena jira, ónoina jofo naillídimiena daide:

—O onoi jino zuita, —daide.

Jira afémie zuitade. Zuitádemo ñue jíllode. ¹¹ Mei íadi áfemona afe jiáimaci jamánomo rícaidiai. Dani jofo conímamo jicánotiaí, ¿Mei nñie izói baie Jesús uáitaredicai?

Jesús doce diga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juzíñamuimo úrizaide. Afénomo afémie Juzíñamuimo úritemo monaide. ¹³ Ja monáidemo nana ie llófuegamaci jíirite.

Jíirillano afémacimona doce dígamie nizede. “Oni oréllino” íai. ina mamede.

¹⁴ Afe be nímaci: Simón, afémie jiáie mámece jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jíto Santiago, íemo Iere Járidotimacimo jaináidimie Simón, ¹⁶ íemo Santiago ama Judas, íemo uire Jesús fécaitimie Judas Iscariote.

Jesús aillo nairai llófuete

(Mt 4.23-25)

¹⁷ Jesús caifónedumona naa afémaciri ana bitíai. Billano ñúenomo nano íanori naidáiediaí. Afénomo aillo jicánemaci Judea éniemona bitino gairídiaí. Daje llezica Jerusalémona, íemo jiáí Tiro, Sidón diga jica itíniemona bitíai. Bimaci nana Jesús úrillamo cacáreizaíbitíai. Daje izói afémaci íai. oimo ite dúicomona Jesús jíllotallena bitíai. ¹⁸ Daje izói fiénide jóríai uícaigano jíllotagaíai. ¹⁹ Afe llezica nana comini Jesuna jetáacadiaí, mei afémie íemo ite ríinodo nana íai. ina jíllotateza.

Cáimafue zuufue diga

(Mt 5.1-12)

²⁰ Iemona Jesús ie llófuegamacimo érocaillano íai. ina daide:

—“Comeci dinena dúeredicai,” dáíifiredino omoi íadi, dúerede íadi íóbidiomoi; mei ómoimo Juzíñamui illáimana illano dúideza.

²¹ Júbiena méinegamie iere güícana izói, Juzíñamui comeci jítaina izói iere íacadino omoi íadi, caimare íóbidiomoi, mei Juzíñamui afe omoi íacana izói omoi íllena ómo. ina cánoiteza.

Birui duere éediomoi íadi caimare itíomoi, mei uire zádaitíomoi.

²² Nanoide Iima Jitódicueza cue íco. inia comini ómo. ina éo. ina llezica caimare ítíomoi.

Daje izói cue íco. inia ómo. ina jino íai. oi jíúadi íóbítíomoi. Iemo jiáí cue íco. inia ómo. ina íáire íai. oi daíadi, daje izói o mámece. ina íáirede raa izói íai. oi jámairua, íóbítíomoi. ²³ Aféruído iere omoi íóbíocairi. Jamánomo caimare omoi íri, monamo áillue omoi jíridolle raa íteza. Mei afe izói bimaci nánoidígima Juzíñamui uai llórainina iere duere finódiaí.

²⁴ Mei jiáí. fodo omoi ráanaitino nñi dúerena, mei omoi caimátailla raana jae otíomoi. za.

²⁵ Daje izói omoi jeirede izói itino ñi dúerena, mei uire iere jufriutíomoi za. Afe izói birui ómoimona zadáidino ñi dúerena, mei uire dúerenari éeitiomoi za.

²⁶ Daje izói nana comini ómoido ñue íaioi úrilla llezica, ñi omoi dúerena. Mei afe izói afémaci jaiáigima taino uai llórainimo caimare úritiaioi za.

Caina éoidinona izíruiredicai
(Mt 5.38-48; 7.12)

²⁷ Mei íadi cue úrillamo cacáreidiomoina dáitícue: Omoi bacáuai imaci izói dino, ñi omoi diga icíritinona mai omoi izírui. Daje izói omoi éoidinona mai ñue omoi finori. ²⁸ Omoi faidódinona mai omoi cáimadori. Daje izói ómoina fieni finócadino, ñue íaioi ílleza, mai Juzíñamuimo omoi jicari. ²⁹ Daa come o uieco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi bairóadi, daje llezica o caifóferoina mai o uitátari. ³⁰ Ninó dáamie raana omo jicáadi mai afémiemo jeruíñeno o fecari. Omona bairoca raana abido jicánoñeno o iri. ³¹ Jira jíaimacimo uícodo bie izói finórediomoi. Jáima omo finóllena o óiacana dieze, áfeze afémiemo mai o finori.

³² Daa ómoina izírúitina omoi izírúia, ¿Mei ñie ñúefue finódiomoi? Mei fiénidino afe izói fínuaza. ³³ Daje izói daa omoi ñue finódino ñue omoi finóadi, ¿ñéemei omoi finoca ñúefue? Mei fiénide comini afe izói fínuaza. ³⁴ Afe izói daa “meine abido cue méidolle cue comécillamiemo” o fecáadi, ¿ñéemei o finoca ñúefue? Mei afe izói, fiénidino jíáie fiénidinomo méidollena fecádiaioi za.

³⁵ Mei íadi ómoina éoidinona izíruirediomoi. Abido méidollemo comécíñeno, fia fecárediomoi, afémacimo ñue finóllena. Afe izói omoi íllemona áillue ñúefuiai máíñoitíomoi. Afe llezica caifoide Juzíñamui jítótaiina jáitíomoi. Mei aféme daje izói jeruífinidíme. Figura daífinidinomo, daje izói fiénidinomo aféme jeruíñeno dájerize fecade. ³⁶ Omoi Moo cominimo dúecaifiredeza, afe dieze jíaimacimo mai omoi dúecaifireiri.

Jáima jánana fieni úriñeno iri
(Mt 7.1-5)

³⁷ Jáima jánana mai fieni úriñeno omoi iri, áfemona Juzíñamui riire ómoimo jicánoiza. Mai jíaimana duere finótañeno omoi iri, afe izói Juzíñamui duere omoi fínoiza. Jáima ómoimo finoca fiénidí fue mai omoi féitari, afe izói Juzíñamui omoi fiénidí fue féitaiteza. ³⁸ Jáimamo mai omoi ífireiri, íemona Juzíñamui ómoimo ífireiteza. Aféme raa omoi ofítara cirígaimo iere ñue fácajano afégaimo jóoneite. Aféme afégaina ñue riire jíllóicíteza. Iemo jíai afégaina caifo jica ebena óruitaita. Aféme afegai jamánomo oruítajamona ana abido cócíte. Jáimamo cai facáfirena izói Juzíñamui caimo fácaite.

³⁹ Jesús bie onótatí fue afémacimo llote:

¿Meita únidíme jíáie únidíme iodo ifórede? Níbai afe íaillinoi jáidiaillinoina ¿meita dáafomo báitíiaillinoi? ⁴⁰ Llófuegamacimona dáamie ie llófuetíme baimo onóñede. Mei íadi ie llófueina fuilla mei ie llófuetíme illa izói iite.

⁴¹ ¿Mei ñie izói o ama uimo ite jéende ráaruaina eróredío, mei íadi dama o uimo ite jéerie rarúnguaina náfueñedio? (Afena daíacade: Aillo fiénidí fue omo illa llezica; ¿ñie izói due jiza oni níbéfodo baídíme jánana úriredío? Urinidío.)

⁴² Mei o uimo ite jéerie rarúnguaina o náfueñenia, ¿ñie izói o ámana “o uimo ite jéende ráaruaina cue otata,” dáitío? Daínidío. ¿Comeci dine íairena mei jínofene ñue cíoidímiedío! Fueñe o uimo ite áillue rarúnguai mai o oíri; afe mei o ama uimo ite jéende ráaruai óllena ñue cíoitíoza.

Nana amena ie llíziedo ónorede
(Mt 7.17-20; 12.34-35)

⁴³ Ñuera amena fiénide ráajiaina llizínide. Daje izói fiénide amena ñuera ráajiaina llizínide. ⁴⁴ Mei naga amena ie llizíllajido onoga. Jaca jíirede monáigimona jíficollina jofo óñenaza. Daje izói “zarza” daína íanoride raróçimona jíricue jofo óñega. ⁴⁵ Ñuera come ñúefuedo úrite, mei ie comécimo ñúefue íllaza. Daje izói fiénidimie fiéni úrite, mei ie comécimo fiénidifue íllaza. Mei uáfueza o comécimo aillo jebuide raa o fuedo úrillaza.

*Mena jofo nillino rafue
(Mt 7.24-27)*

⁴⁶ Cue dáinana íinoñediomoi ia çnibái mei, “caí Ocuíraima, caí Ocuíraima” daidíomoi? ⁴⁷ Cuemo cacáreizaibitímie, íemo cue daína finófredimie illa izói ómoimo llóiticue. ⁴⁸ Afémie jofo nillana baitádimie izoide. Afe ñue nífredimie fueñe ana jica jáilliraina raite; ana maírídínomo jónete. Afe mei ille renailla llezica afécomo jainoi riire dúcide. Mei íadi afe jofona jainóñede, mei afeco mozíoidillirai maírídínomo jóideza. ⁴⁹ Mei jááfodo, cuemo cacáreizaibitímie mei íadi cue dáinana finóñedimie, bie jááifo jofo nitímie izoide. Bímie riire llíñede éniemo jofo nite. Afe mei ille renailla llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

7

*Romano illaíma ocuífregamie Jesús jíllotate
(Mt 8.5-13)*

¹ Jesús comínimo úrilla fuilla mei Capernaumo jaide. ² Afénomo daa romano illaíma ite. Afémie ie ocuífregamiéna iere izíruite, mei íadi afe ocuífregamie iere irárede, tíllanomo dúcide. ³ Afe illaíma comíni Jesudo úrillana cacáillano, judíuaimona ocuífrede éicomíni orede, Jesumo izire jicállena, ie ocuífregamie jíllotaíbillena. ⁴ Afémaci Jesumo dúçillano iere izire jicádiaioi:

—Baie illaíma iere canórede, ⁵ mei afémie caí náiraímo caimare coméçifrede. Daa afémie caí Juzíñamui uai lloraco nitátate, —daidíaiói.

⁶ Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigamiíai Jesumo orede. Illaíma daína izói Jesuna daidíaiói:

—Ocuíraíma, ona áfedoacañedicue. Cue jofomo o bíllena dúñede, mei jamáimiedicue. ⁷ Ie jira dama omo úrizaíbiñedicue. Jicana o uaido o daíri, áfemona cue ocuífregamie jílloteza. ⁸ Mei cue jáíie illaíma uai anamo iticue. Afe izói cue úñoga fuíríraíni cue uai anamo ite. Afémacimona dáamiéna “Mai jai” cue daíadi, afémie jaide. Iemo jáámiena “Bi” cue daíadi, afémie bite. Cue ocuífregamiéna “Bíemo o táijiri” cue daíadi, afémie áfena finode, —daide.

⁹ Jesús áfena cacáillano, afémie dáinari caimare fáigacaide. Iemo Jesús afémiedo jáidinomo érocaillano daide:

—Uáfueña ómoína dáitícue: Nana Israel náiraímo bie izói ínote come jaca baiñedicue, —daide.

¹⁰ Afe orécano meine jofomo jáidiaioímo, afe irárede ocuífregamie ja jíllodena cíozaidiaioi.

Jesús daa fecingo jító tíilla abído cáadimiéna jaitate

¹¹ Bie méifomo Jesús Naína daína jófuego jaide. Ie llófuegamaci naa aillo jáímaciri iedo jáidiaioi. ¹² Afe jófuego ja ánozidiaioímo, Jesús tíidimie íaiói raíájillana ciode. Afe tíidimie ie éimona daade jító. Afe llezica afengo jae fecingo. Aféruido afe jofue comínimona aillo aféngona nabáidiaioi.

¹³ Ocuíraíma Jesús aféngona cíoillano íemo dúecaide. Dúecaillano daide:

—Mai éeñeno, —daide.

14 Afe llezica Jesús “ataúd” daina tíidimie illácojimo áinozillano afécoji jetade. Jira afécoji uitino mozíñotiaioi. Iemona Jesús tíidimiena daide:

—Jitócome, mai náidacai ona daidicue, —daide.

15 Mei daií daina llezica, afe tíidimie raináicaillano úrite. Afe mei Jesús ie eina daide, “Be, o jitó; mai ómicoi jai; uái ómicoi iri,” daide. 16 Nana comini áfena cíoillano jacínaitiaioi. Juzíñamuimo aillo ñúefue jóoniano daidíaioi:

—Birui cai cígiri jamánomoide uai llóraima cíocailla, —daidíaioi.

Nane jiáifodo daidíaioi:

—Juzíñamui ie nairai cánuaibilla, —daidíaioi.

17 Iemona afe bie Jesús finócafue jica jalleide; ua nana Judea éniemo naa afe onífenemo itígobiaido jalleide.

Juan Bautista orécano

(Mt 11.2-19)

18 Juan nana afe Jesús finócano fidide, mei íedo jáidino afémiemo llógaza.

19 Mei íemona afémacimona ménamie uáidota Jesús dine orede. Oriano, bie meita ua bite Cristo dáinana ónoillena jicánotade. Daje izói, meita nibai nai jiáie bíitimie uíñoiticaí, afémie daií jicánotade. 20 Afemona Juan orécano Jesumo dúcillano íena daidíaioi:

—O meita ua bite Cristo dainámiedio áfena ñue onóillena Juan cai jicánotade. Daje izói meita nibai nai jiáie bíitimie uíñoiticaí dáinana ónoillena cai jicánotade, —daidíaillinoi.

21 Afe íaillinoi dúcina llezica, Jesús diga comini íaioi íraniamona jíllotade; daje izói dáaruido íaioi ote dúcuaimona jíllotade. Daje izói fiénide joríaí úicaigamacina jíllotade. Iemo jiáí diga uínidinuiaí uina cíoitade. 22 Afe llezica Jesús íaillinoina daide:

—Ómicoi ciónafue, naa ómicoi cacánafue diga mai Juaamo llujáiri. Bie izói afémiemo llujáiri: Uínidino ui ja cíoide, íemo macáñedino ja macádeza, íemo chíinaitino ja ñúemacina jaide, íemo jefona cacáñedino ja ñue cacádiaioi, íemo dáarie tíidino meine abido cáadiaioi, íemo dúeredinomo jíllona uai llógaza. Nana bífuiaí mai afémiemo llujáiri. 23 Cuemo íinoñeilliuaina baiñédimie íóbite.

24 Juan orécano meine abido jailla mei, Jesús Juaado comínimo úrite; daide:

—¿Mei táizicimo minícana cíozaidiomoi? Nibai dáamie ie daina uaina méidofiredimiena cíozaidiomoi. 25 Afe izóidena omoi cíozaiñenia, ¿mei minícana cíozaidiomoi? ¿Meita nibai ñue cíoide ráifide iniroi jitáoidimiena cíozaidiomoi? Onódiomoiza, ñúecuiroi jitáoifiredino illaini jofomo ífirediaioi naa dani íaioi comeci jitaina izói itínori. 26 Mei írainomo, ¿minícana cíozaidiomoi? ¿Nibai Juzíñamui uai jino llóraimana cíozaidiomoi? Jii, ua, Juzíñamui uai llóraima baimo jamánomoidimiena cíozaidiomoi. 27 Juan baie Cuegáuai dainámie. Jaiái úicodo nai cue biñena llezica, afe uaimo Juzíñamui afémie dibenedo cuena daide:

O bille io ñue finóllena izói, comini íaioi comécido ñue omo jíeruillena cue llujáitimie o uícodo óreiticue.

28 Nana comínimona ite Juzíñamui uai llórainimona Juan Bautista baimo jamánomoidimiena iñede. Mei jiáifodo, Juzíñamui illáimana illánomona jabóidimie Juan baimo jamánomoide.

29 Afena cacáillano, Juan bautizaga gobierno íbátaga úcube llínoraini, naa jiáie bautizaiganori, “Juzíñamui níifuenidena finódimie,” daidíaioi. 30 Mei jiáifodo Juan bautizañega fariséuai naa bautizañega ocuica uai llófuetinori

Juziñamui íaioiena mameca ñúefuiai jámairuillano táinomo fáifitatiaioi. ³¹ Iemo Ocuíraima Jesús daide:

—Bie monado itínona ¿ñie izói íaioina mámeiticue? ¿Mei ñie izói cíotiaioi?
³² Jofue cigi ibírimo jifánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairioñediaioi. Daje izói conímama zúurede rúado fíraacadiaioi, mei íadi daje izói áfemo cacáreacañediaioi. Afémaci jaca caimátaitanidiaioi. ³³ Afe bie izói ómoimo ite. Mei Juan Bautista billa llezica afémie fímairillano gülleníai figo güñede, daje izói vónona jiróñede. Iemona “fiénide jóríai uícaigamedio” íena daidíomoi. ³⁴ Afe mei cue, afe Nanoide fima Jitó daínamedicue biticue. Billano, jáímaci izói güiticue, íemo jiródicue. Afemona bie izói nane cuena daidíomoi: “Bímie iere güilláredimie; jéerie jirófiredimie. Fiénidifuiaredino nabáidimie; daje izói gobierno íbátaga úcube llínoraini nabáifiredimie,” cuena daíifirediomoi. ³⁵ Comini Juziñamui orécanona fiéni daidíaiói íadi, Juziñamui baitaca rafue jieruitinodo jino comínimo ñue cíotaga.

Fariseo Simón jofomo Jesús güizájide

³⁶ Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. ³⁷ Afe llezica, afe jófuego ite fiénide ringo, fariseo Simón Jesús güizaibillana fidíillano afécomo bite. Afengo “alabastro” daina nofici finoína duera iciru atide. Aferu ziore cáiredijina oruide. ³⁸ Eebicaillano Jesús idai abímo ráinazaide. Afe llezica ie ui jémedo Jesús idai jocode. Afe mei ie ífótido dote. Duano ñítade; ñítajano ie uiga ziore cáiredijina afémie ídaímo totade. ³⁹ Afe Jesús güillena uáidote fariseo, afengo finócafuena cíoillano, comécido daide: “Bímie ua uai llóraímania, bie ringo fiéninana ónoite. Afémie abina ñibai aféngona jétatañeite. Mei afengo fiénidíngo íllaza afémie aféngomona abí ráiruíte,” daíí começi facade. ⁴⁰ Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraima, mei daíni, —daide.

⁴¹ Jira Jesús daide:

—Mena come uícomo íaillinoímo iga úcube daje izói meine fecádimiemo írediaillinoi. Dáamie quinientos dieze meine írede, íemo jáímie cincuenta dieze meine írede. ⁴² Mei íadi nágaillinoi afe úcube fecádimiemo íaillinoi méidolle íñena jira, afe fecádimie afe íaillinoi abido írede úcubena féítate. Mei birui cuena daíni, mei bíaillinoímona ¿níimie fecádimiema jamánomo izíruirena? —daide.

⁴³ Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

⁴⁴ Afe mei, Jesús ringomo érocaillano Simona daide:

—¿Bingona cíódio? O jofomo cue billa llezica, cue ídaina jocóñedio, mei jáífodo bie ringo ie ui jémedo cue ídaina jocode. Jócuano ie ífótido zafénaitade. ⁴⁵ Iemo o jofomo biticue íadi cuena ñítáñedio, mei íadi afengo jofo cue billa llezica cue idai ñítajana jaca fáicanocaiñede. ⁴⁶ Daje izói o jofomo cue dúcina mei cue ífomo cáiredijina totáñedio, mei jáífodo afengo ziore cáiredijina cue ídaímo totade. ⁴⁷ Ie jira ona daidíicue, bie ringo aillo cuena

izíruillamona, afengo finoca aillo fiénidifue dóinana ácatate. Mei jiáifodo jabo cuena izíruitimie íemo ite íaifue jabo dogo.

⁴⁸ Mei afe mei Jesús aféngona daide:

—O finoca fiénidifue jae dófideza, —daide.

⁴⁹ Afénomo afémie diga ráide daane güllena uáidogano daní conímana daidíai:

—Mei bie ¿nie come; comínimo ite fiénidifuiaina dóteza? —daidíai.

⁵⁰ Afe mei Jesús afe ringona daide:

—Mei daingo o ínuado jae jíllodio; mai uái daí o jairi, —daide.

8

Jesús canófredingonai

¹ Bie méifodo, Jesús diga jófuiado macácaide, naa due illánuiari. Afénuiado Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiai. ² Afe dáaruido dáarie duícuaímona ie jíllotaga ringóniai afémiedo jáidiai. Iemo jiái dáarie íai uícaide fiénide jóriamona jíllotaga ringóniai iedo jáidiai. Afémacimona Magdalena énie ingo Maríana mámeciredingo ite. Aféngomona siete dígade fiénide jóriai naui jino oreca. ³ Iemo jiáie canódingo Cuza ai Juana. Afe Cuza illaíma Herodes jabóidillaíma. Iemo jiáingo Susana. Iemo jiái aillo jiáie ringóniai, íaiimo ite ráaniaina Jesús canódingotiai.

Ríjifredimie rafue

(Mt 13.1-9; Mr 4.1-9)

⁴ Afe jófuiamona aillo comini Jesuna cióillena bitíai. Aillo comini dánomo ofilla llezica, íai onógafuedo Jesús jiáifue íaiimo llófuete. Íaiina daide:

⁵ —Ríjifredimie ie rillíjizájide. Rizájilla llezica, ie rigájiamona dáarie iomo baide. Afe iomo baídijiai zaizíbide; jíájiai ofocuizai güiga. ⁶ Jiáie rigájiai noficiai emódomo baide. Aféjiai zícua llezica jainoi íñénari dúizite. ⁷ Ie mei jíájiai éegiai cigimo baide. Afe éegiai jéerie zícuaímona aféjiaina íratatano titade. ⁸ Mei íadi jiáie rigájiai ñuera éniemo baide. Ñue zícua mei, jamánomo aite. Dájidemono cien dígajizide.

Bie izói úrillano, Jesús ficire daide:

—Cacáacadimie cacai, —daide.

Cacáacañedino jánaillena Jesús comini onógado úrite

(Mt 13.10-17; Mr 4.10-12)

⁹ Iemona ie llófuegamaci afémiemo jicánotiai:

—Afe llogafue ¿nie izói daíacade? —daidíai.

¹⁰ Jira afémie íaiina daide:

—Juzíñamui ie illáimana illa rafue ónonidifuiái ómoína onótate. Mei íadi jíáimacimo afémaci jánaillena comini onógado úriticue. Iemona uina cíonnedino izói íitiai. Daje izói afe uai afémaci cacana llezica, onóñedino izói íitiai.

Ríjifredimie rafue Jesús jino uáfodo llote

(Mt 13.18-23; Mr 4.13-20)

¹¹ Ríjifredimiedo lloga rafue bie izói daíacade: Afe rigájiai daína Juzíñamui lloga ñuera uai. ¹² Afe iomo baídijiai daína ñuera uaina cacáдино. Mei íadi cacana mei, Taife billano afe ñuera uaina comini íai comécimona féitate. Afémaci jílloneillena, Taife afémaci afe uaina ínotañede. ¹³ Afe noficiaimo baídijiai daína jiáifodo jóide ñuera uaina cacáдино. Afe uaina

cacáillano caimare otíaioi. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédiaioi. Nano íanori ínotiaioi. Mei íadi izire íaioi facátalliruimo dúcina llezica ñúfueña fáicanocaitiaioi. ¹⁴ Iemo afe éegiai cigimo baídijiai daina, jíaie ñuera uai cacádino. Mei íadi cacana llezica dani íaioi comeci jitaina diné jáiacadiaioi. Iemona afémaci comeci oni jíainomo uilláfuiado, nocáe builla izói féiraitiaioi. Daje izói iere íaioi ráareiacanado, íemo jíai bíniemo ite caimare cai itátafuiado anáfenogaiaioi izóidiaioi. Iemona figo lliziñede itíaioi. ¹⁵ Mei jíáfodo afe ñuera éniemo baídijiai daina ñuera uaina cacáreacadino. Afémaci ñuera comécido cacáillano afe uaina ñue náfuetiaioi. Iemona áfena fáicanocaiñeno ñue aite izói jáidiaioi.

Boode mechera jánaide izóidifue
(Mr 4.21-25)

¹⁶ Buna boode mechera retáidoñede. Daje izói buna boode mechera bíra anamo raináñede. Mei íadi jíáfodo boode mechera caifo uáfori cíoidinomo raináfírega, jofo jáidino ñue cíoillena. ¹⁷ Mei uáfueza, nana retáidoga ráaniai uáfori jino cíotaibille. Daje izói nana báinide ráfuiái jino uáfori llócailleza.

¹⁸ Aquie izóideza ñue omoi cacáreiri: Iere Juzíñamuina onóacadimíemo ie báitaja báimo jamánomo írede, mei íadi Juzíñamui dibénedo figo onóacañedimie, due ie onógafue féitalle.

Jesús ei naa ie ámatiairi
(Mt 12.46-50; Mr 3.31-35)

¹⁹ Iemona Jesús ei naa ie ámatiairi ie illánomo dúcidiaioi. Afénomo aillo comíni íllaza, afémiemo ánozínidiaioi. ²⁰ Jira dáamie Jesumo llujáide:

—O ei, naa o ámatiairi jino benó itíaioi. O diga úriacadiaioi, —daide.

²¹ Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaina, —daide.

Jesús jorai bagua naa jairifo diga llícaitate
(Mt 8.23-27; Mr 4.35-41)

²² Afe mei jíáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³ Ruica íaioi jáitaja llezica, Jesús inide. Afe llezica riírede jairifo jóraimo ónonino raire bite. Riire jáiñuamona afe nocáe buíacade. Afécaena jacire anábaitacade. ²⁴ Mei jira Jesús cazítatiaioi. Cazítajano íena daidíaioi:

—Llófueraima, Llófueraima, ¡ja buízaidicai! —daidíaioi.

Iemona Jesús náidacaillano jairifo naa jorai bagua diga llícaitate. Afemona nana llícaide; níifuenino jorai uái ite.

²⁵ Afe mei Jesús ie llófuegamacina daide:

—¿Ico nai Juzíñamuimo íñoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jícanotiaioi:

—¿Mei bie ñie cómeita? Afémié jairífona ocuide, daje izói jáinoina ocuide. Iemo afémié uaina ínotiaioi, —daidíaioi.

Gerasa éniemo ite fiénide jóriai uícaigamie
(Mt 8.28-34; Mr 5.1-20)

²⁶ Jailla ícoimo Gerasa éniemo dúcidiaioi. Afénié Galilea énie ruícaferaimo ite. ²⁷ Como ari aféniemo jáidiaioimo, afe jófueмона dáamie Jesús diné bite. Ja

diga fimónai ai afémie fiénide jóríai uícaiga. Afémie inícuíro jaca jítáñede. Daje jofomo uái iñede, mei jáifodo raíafuaina jofórede. ²⁸ Jesuna cíollano afémie anamo dújuzaibite. Dújuzaibillano ficire daide:

—Caifoide Juzíñamui Jító Jesús, ¿ñibái mei cuemo jíricaidio? Duere cue o fínoñeillena izire jicádícue, —daide.

²⁹ Afémie bie izóí daide, mei Jesús afémiemo ite fiénide jóríai jino oréllena ocuícaza. Diga ícaíño afémiena fiénide jóríai riire uícade. Afe llezica comíni afémie onoi idai diga llojéodo máifirediaioi. Jáímaci fiéni fínoñeillena izire íena rairuídíaiioi. Mei íadi afémie afe maía llójejina titáfírede, ie mei afe ie uícaide fiénide jóríai afémiena táizicimo botátáírede. ³⁰ Jira Jesús afémiemo jicánote:

—¿O mámece bu? —daide.

Jira afémie uai ote:

—Legiona mámece redícue, —daide. Afe “Legiona” daína uai, aillo comíni, daíacana.

Afémie bie izóí daide mei aillo fiénide jóríai íena uícaideza. ³¹ Afe bie fiénide jóríai ai Jesumo izire jicádíaiioi duere finótalle íbáírafomo afémaci óreiñellena. ³² Mei afe llezica afénomo ite íconido aillo meróníai güícaidíaiioiza, fiénide jóríai afe meróníaimo jáillena Jesumo izire jicádíaiioi. Iemona Jesús áfena fairíote. ³³ Iemona afe fiénide jóríai ai ímamoná jino billano meróníaimo jáidíaiioi. Afe mei afe meróníai árera íconido jabícana jóríaimo cocízítíaiioi. Dinomo coróbaitíaiioi.

³⁴ Meróníai úiñotino áfena cíollano jacínaitíaiioi. Aferi jacínaillano botádíaiioi. Iemona jófuemo llujíidíaiioi; daje izóí oni fuédamo itícuaimo llotíaiioi. ³⁵ Iemona jofue comíni afe comuíduemo acárizaidíaiioi. Jesús illánomo íaiioi dúcína llezica fiénide jóríai jino orécamie Jesús anari uái ráinana cíozaidíaiioi. Afe ima ja iníroi jítáide; daje izóí ie abína ñue onode. Afena cíollano íere jacírúitíaiioi. ³⁶ Afena cíódino nauí fiénide jóríai uícaigamie jíllotaja oni jáínomo llujíidíaiioi. ³⁷ Mei bíemona nana afe Gerasa énie comíni, afénomona Jesús oni jáínomo jáillena izire jicádíaiioi, mei áfena íere jacírúitíaiioiza. Iemona Jesús ana áillocaemo jáizaide, ruica abido jáillena. ³⁸ Afe llezica afe fiénide jóríai jino orécamie Jesús diga jáillena izire jicade. Mei íadi Jesús áfena fairíoñede; afémiena afénomo fiébitade. Iena daide:

³⁹ —Mai meine o jofomo jai. Jaillano nana Juzíñamui omo finócafúina jino lloiri, —daide.

Iemona afémie jaillano, nana jofue comínimo Juzíñamui íemo finócafúiai jino llujíide.

*Jairo jiza íemo jáíngo Jesús inícuíro jétaíbitíngo Jesús jíllotate
(Mt 9.18-26; Mr 5.21-43)*

⁴⁰ Jesús meine jorai ruicáfenemona dúcína llezica, comíni afémiena íere caimare llínotíaiioi. Mei nana afémiemo ocuírídíaiioiza. ⁴¹ Afe llezica Jáirona mámece redímie dúcide. Afémie Juzíñamui uai lloraco illaíma. Afémie Jesús anamo fueco díne ana bíjicaide. Bíjicaillamo izire daide, ⁴² “Cue jofomo biri; mei daade cue jiza tíizaideza,” daide. Afengo ja doce fimona ite. Iemona Jesús afémiedo jaide. Jailla llezica diga comíni íedo jaide; íere rillire jáidíaiioi.

⁴³ Afémaci cígímo iráredíngo ite. Afengo doce fimona díe dícotáillari irárede. Nana aféngomo ite úcube manóíredínomo fuite; mei íadi afémaci aféngona jíllotanidíaiioi. ⁴⁴ Afe ríngo jinófene díne na Jesumo billano íe inícuíro fueda jetánote. Ie jetánua llezica afengo díe llícaide.

⁴⁵ Iemona Jesús jicánote:

—¿Mei bu cue inícuero jetánoga? —daide.

Iemo nana comini jáanuano “Ona bu jetáñena,” daidíaiói. Jira Pedro naa ie nabáiñiari daide:

—Llófueraima, nana comini rillírenari o ñuitádiaíói. ¿Ñibái mei, “Bu cue jeta,” daidíoi?

⁴⁶ Mei íadi Jesús daide:

—Ja onódicueza daa come cuena jetade. Mei cue ríino afe come jíllotajana onódicue, —daide.

⁴⁷ Afe jétaibitingo ja ie báillana onóillano cuidíricana Jesús anamo dújuzaibite. Iemona afengo jino nana comini eróicana jáanoñeno ie inícuero jetáacana rafue llote. Iemo jáí afémie inícuero jeta llezica ie jíllona llote. ⁴⁸ Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

⁴⁹ Jesús nai úrioidemo, daa come Jairo jofómona Jesús diné bite. Afe Jairo Juzíñamui uai lloraco illaíma. Afe llúaíbitimie Jáirona daide:

—O jiza ja tíideza. Mai Llófueraimana úridoñeno iri, —daide.

⁵⁰ Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloteza, —daide.

⁵¹ Afe jofomo íaiói dúcina llezica, nana comini afe jofo eromo afémie oréñede. Afe jiza moo, ei diga, íemo jáí: Pedro, Santiago, Juan diga jofo uite.

⁵² Nana comini afengo tíllari fíicirerie éenaitiaíói. Mei íadi Jesús íaioina daide:

—Omoi éeñeno. Afengo tíñedeza, fia iníde, —daide.

⁵³ Daí afémie dáinari zadáidiaíói, mei afengo tíllana onódiaíoi. ⁵⁴ Iemona Jesús afengo onoi líinota ficire daide:

—Jitaíngo, mai náidacai, —daide.

⁵⁵ Afemona afengo meine abido caade. Iemo afe daina llezica caifo náidacaide. Afe mei Jesús, “Mai afengo ecari” daide. ⁵⁶ Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bummo llotátañede.

9

Jesús doce dígade ie llófuegamacina oni orede

(Mt 10.5-15; Mr 6.7-13)

¹ Jesús doce dígade ie llófuegamacina dáanomo gairítate. Gairítanona afémieimo ite ríino íaioimo fecade, nana jáíforiede fiénide joríaí jino oréllena.

Daje izói nana iráredino jíllotallena ríino afémacimo fecade. ² Iemo Juzíñamui illáimana illarui rafue íaioina oni llúaíjitate. Daje izói iráredinona jíllotate.

³ Íaioina daide:

—Omoi jaille llezica minícana uiñeno, fia omoi jairi. Macara jigüida uiñeno iri, daje izói ciríticoi, íemo güíllena, íemo úcube uiñeno iri. Mena caifóferoi uiñeno, daa uiri. ⁴ Ninó daa jofomo omoi dúcia, afécomo uái iri, afénomona oni omoi jáíñeille dino. ⁵ Níie jofue comini ómoina líinoacañenia afénomona oni omoi jairi. Omoi jaille llezica, omoi eiba íaíe afémacimo teténocairi. Afedo íaíoi comécimo ite íaífue nai íaioimo íllana onótaitiomoí.

⁶ Afemona ja oni nana dúegobiaído jáidiaíói. Jaillano ñuera jíllona uai llocana uitíaíói. Daje izói iráredinona jíllotacana uitíaíói.

Juan Bautista tílla rafue

(Mt 14.1-12; Mr 6.14-29)

⁷ Ocuídillaíma Herodes nana Jesús finócafuiaina fidide. Iemona Herodes comeci uibílluai iñede, mei dáarie “Juan tiide meine abido cáadimiena jaide,” daidíaiói. ⁸ Jiáimaci, “Juzíñamui uai llóraíma Elías meine cíocaizaibilla,” daidíaiói. Iemo jiáimaci, “Jaiái ninomo tiide jiáie Juzíñamui uai llóraíma meine abido cáadimiena jailla,” —daíí llotíaiói. ⁹ Mei jira Herodes daide:

—Nauí cue Juan ifoci jaitátaticue. Iemona ¿mei bie níimie? Afémiedo diga ráfuiái cacáfiredicue, —daide.

Afe llezica Herodes iere Jesuna cíocade.

Jesús cinco mil comini ecade

(Mt 14.13-21; Mr 6.30-44; Jn 6.1-14)

¹⁰ Ie orécano abido dúcina mei, nana íaiói finócafuiái Jesumo llotíaiói. Afe mei Jesús afémacina oni eneno Betsaida jofue áinomo uite. ¹¹ Mei íadi áfena fidíillano comini afénomo jáidiaíói. Afénomo Jesús caimare afémaci llínnote. Juzíñamui illáímana illirui rafue íaióimo lote. Daje izói afénomo iráredínona jíllotate.

¹² Iemo ja nauízaiilla llezica, doce dígamie orécano Jesumo billano daidíaiói:

—Mai, comini íaiói ocózinaillena oni ore, áinori ite jófuiáido güille íaiói jenólleza. Mei benomo cai illánomo güille iñédeza, —daidíaiói.

¹³ Mei jiáífodo Jesús íaióina daide:

—Afémaci omoi eca, —daide.

Jira ie uai otíaiói:

—Benomo caimo cinco pániai íemo mena chamu ite. Afe baímo iñédeza. ¿Meita nana bie comini ecállena íbajiredicai? —daidíaiói.

¹⁴ Mei afénomo cinco mil comini gairídíaióiza. Mei íadi Jesús llófuegamacina daide:

—Nana bie comini cincuenta dígamierie ana raíziri, —daide.

¹⁵ Daíí fínua méifodo nana ana raízídaitíaiói. ¹⁶ Afe llezica Jesús cinco dígade pániai, íemo mena chamu llínnote. Llínuano monamo eróillanona Juzíñamuina afe güílleri “Tere figura,” daide. Daíí daina méifodo, afe ditada, ie llófuegamacimo fecade, afémaci comínimo fecállena. ¹⁷ Iemona nana áferi ñue jeíredíaiói. Afe mei llófuegamaci güígamona fiébidino doce cirigai oruítatíaiói.

Pedro Jesús Crístona uáfodo jino lote

(Mt 16.13-19; Mr 8.27-29)

¹⁸ Afe mei jiáiruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini níie izói cuena daidíaiói?

¹⁹ Jira uai otíaiói:

—Dámierie “Bie Juan Bautista,” daidíaiói, jiáimaci “Bie Elías” daidíaiói, íemo nai jiáimaci “Jaiái Juzíñamui uai llóraíma meine abido cáailla” daidíaiói.

²⁰ Jira Jesús jicánote:

¿Omoi níie izói cuena daidíomoi?

Jira Pedro daide:

—Juzíñamui nizeca Cristo dainámiedio, —daide.

Jesús ie tíille rafue jino lote

(Mt 16.20-28; Mr 8.30-9.1)

²¹ Iemo afe Pedro llógana afémie jiáie comínimo iere rairuíllano ie llófuegamacina áfena bummo llotátañede. ²² Iaióina daide:

—Nanoide Híma Jitó Crístodícueza, iere duere finóllícue. Ocuide éinamaci cuena ruifíruitiaíoi. Daje izói lletáriraini illaini cuena ruifíruitiaíoi, íemo jiái ocuica uai llófuefiredino cuena íáiruitiaíoi. Cuena titaitiaíoi, mei íadi daaruiámani íllemona meine abído cáaitícue, —daíde.

²³ Afe méifodo nana afémacina daíde:

—Nínó dáamie cuedo jáiacania dama ie comeci jitáillana féitarede. Féitana cuedo jáirede. Afémie cuedo jailla ícoínia tíidena afémie áfena izire ónide.

²⁴ Mei ie caana rairuíacadimie áfena táinomo fáifitaite. Mei jiáifodo cue ícoínia ie caana táinomo fáifitimie afe fáifidena baimo ziiño illínona máíñoite.

²⁵ Mei daa come nana bínie ráaniai aillo náamataadi, mei íadi afe llezica dama ie comeci afémie táinocaitaiadi, nana ie maiñoca ráaniai afémiena jíllotañeite.

²⁶ Nínó daa come cuena meáiruia, daje izói cue uaina meáiruia, afe íbana uire illáimana ana cue billíruimo afémiena meáiruitícue. Nanoide Híma Jitódícueza, aféruimo Moo Juzíñamui ebírededo bíitícue naa níifuenide Juzíñamui abí imáciri. ²⁷ Uáfueña ómoína dáitícue: Birui benó itínomona, dáarie nai íaíoi tíñena llezica Juzíñamui illáimana illarui cíoitiaíoi, —daíde.

*Jesús abí jiáifodo méidoficailla
(Mt 17.1-8; Mr 9.2-8)*

²⁸ Daí dáina mei ocho dígarui jailla mei, Jesús Juzíñamuimo úrillena caifónedumo jaide. Afémie Pedro, Santiago, Juan dígamie uite. ²⁹ Nai Juzíñamuimo Jesús úrioina llezica, afémie uíeco jiáifodo méidoficaide. Daje llezica ie ínícuro jamánomo úzere quenire jaide. ³⁰ Afe llezica mena come ie abímo cíocaide. Afe íaillinoi afémie díga úrite. Afe bíaillinoi Moisés Elías díga. ³¹ Daje llezica ñue ebire quenire cíoide raa afe íaillinoína onífenedo féricaide. Afe íaillinoi Jesús Jerusalemo duere zefuállano tíillífuedo úritiaíoi. ³² Afe llezica Pedro naa ie nabáñiaíiri iere ínie méinegaiaíoi ía, ocuíaíoi. Afémaci Jesumo ite ebire cíoidena cíodiaíoi; daje izói afémie díga itíaillinoína cíodiaíoi. ³³ Afe íaillinoi Jesúmona oni jáioicailla llezica, Pedro daíde:

—Llófueráima, jñi benomo caimare cai illa! Mai daámani jofóchupina cai nii. Daaco óie, jíáico Moisés ie, íemo jíáico Elías ie, —daíde.

Mei íadi Pedro ie daíacana ónoñede. Jira comeci facáñeno ebena daí daíde. ³⁴ Nai ie úrioina llezica, mona ero uíllie íaíoina ferínocaide. Mona ero uíllie eromo íaíoi íficailla llezica iere jacínaitiaíoi. ³⁵ Afe llezica afe uílliemona daa uaina cacádiaíoi:

—Bie iere cue izíruiga Jitoza, afémiemo omoi cacáreiri, —daíde.

³⁶ Daí dáina méifodo Jesumo érocaidiaíoi mo, ja dama ite. Afe mei afémaci afe íaíoi cíónana bumo lloñediaíoi.

*Jesús fiénide jóriai uícaiga jitócome jíllotate
(Mt 17.14-21; Mr 9.14-29)*

³⁷ Afe jiáíruido afe ídumona ana íaíoi billa llezica, aillo comíni ío anamo Jesús úíñotiaíoi. ³⁸ Iemona comínimona dáamie ficire lléjecaide:

—Llófueráima, dúecaillano daade cue jítomo érocái. ³⁹ Fiénide jóriai riire íena uícade. Afe jóriai íena caillítacaide, afémiena nano íanori titáfiredede. Afe llezica ie fuémoma múllecíai bífiredede. Iena duere finode; afémiena fáicanocaiñede.

⁴⁰ O llófuegamacimo afe jóriai jino oréllena izire jícadícue, mei íadi orénidiaíoi, —daíde.

⁴¹ Jira Jesús uai ote:

—¡Nii jamánomo ñinofinidiomoi! Iemo daje izói ñúefuena iere uáitafirediomoi. ¿Niié dinó omoi cígimo íredicue omoi cue ríidollena? O jító benomo ati, —daide.

⁴² Mei íadi afe jítócome Jesumo áinozilla llezica, fiénide jóriaí afémie ana éniemo dotade. Afe llezica afe jítócome íanori titade. Mei íadi Jesús afe fiénide jóriaína riire daínano oni orede. Afemona Jesús afe jítócome jíllotata. Iemona jíllotano ie moomo abido ite. ⁴³ Iemona nana comini Juziñamuimo ite áillue ríinori caimare fáigacaidiaíoi.

Jesús ie tíille rafue meine nane llote

(Mt 17.22-23; Mr 9.30-32)

Nana comini Jesús finócari caimare fáigacailla llezica, afémie ie llófuegamacina daide:

⁴⁴ Bíemo ñue omoi cácarei. Afena omoi féitañoeno iri. Nanoide ñima Jitódicueza, duere cue íaíoi finóllena comínimo fécajillícue, —daide.

⁴⁵ Mei íadi ie llófuegamaci afe ie daínana ñue onóñediaíoi. Mei afe-fue afémacimona rairuica. Iemo afe llezica afefue aféniemo jicánuana jacíruitiaíoi.

¿Mei ñiié come jamánomoina?

(Mt 18.1-5; Mr 9.33-37)

⁴⁶ Afe méifomo ie llofúegamaci dani jofo eróicana conímána “cáimona ñíimie iere jamánomoina” daína júfidotiaíoi. ⁴⁷ Mei íadi Jesús íaíoi comeci úrillana onode. Iemona daa úrue uáidota ie abimo naidánete. ⁴⁸ Daíí naidániano afémacina daide:

—Bie úrue cue mámecido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juziñamui eróicana iere jamánomoidimie, —daide Jesús.

Caina uáitañedimie cai dibénemo ite

(Mr 9.38-40)

⁴⁹ Ie jira Juan Jesuna daide:

—Llófueraima nauí o mámecido fiénide jóriaí orédimiena ciódicaí. Afémie cai diga macáñena jira afémiena rairuídicaí, —daide.

⁵⁰ Mei jira Jesús íena daide:

—Afe izói finódimie rairuíoñoeno iri. Mei caina uáitañedimie cai dibénemo íteza, —daide.

Jesús Sanatiago Juan diga lletade

⁵¹ Jesús monamo jáiacanarui áinozilla llezica, afémie Jerusalemo jáillena riire mamérite. ⁵² Daíí mamérellano uícodo raíre uai llóitino orede. Afémaci Samaria éniemo ite duera jófuego jáidiaíoi íaíoi dúcillico raíre báillena. ⁵³ Mei íadi afeno itímaci Jesús naa uícodo orécanori Jerusalén diné íaíoi jáiacana jira, íaíoina llínoacañediaíoi. ⁵⁴ Ie llofúegamacimona Santiago, Juan diga áfena cióillano Jesuna daide:

—Ocuíraíma, jaíai uai llóraíma Elías fínua izói, bimaci fúilleza monámona iraina cai jíiriredicaí ¿meita jítáidío? —daide.

⁵⁵ Iemona Jesús íaillinoímo éroillano llétajano daide:

—Omicoí jainaina joréñoña onóñediomicoí. ⁵⁶ Mei uafue, Nanoide ñima Jitódicueza comini niné táinocaitallena biñédicue, mei jíáífodo comínina jíllotaíbiticue, —daide.

Iemona oni jíáigobiaímo jáidiaíoi.

Jesudo jáiacadino bie izói írediaioi
(Mt 8.19-22)

⁵⁷ Iodo íaioi jailla llezica dáamie Jesuna daide:

—Ocuíraima, o jáiacana diné o diga jáiacadicue, —daide.

⁵⁸ Jira Jesús afémiena daide:

—Nana jazici ríllenai uái ífireillino ite. Daje izói caifodo féedinuiai uái íaioi ráillino ite. Mei íadi Nanoide íima Jitódicueza dánori uái cue illino íñede, —daide.

⁵⁹ Jesús jíáimiena daide:

—Mai cuedo bi, —daide.

Mei íadi afémie daide:

—Fueñe cue moo tílla ráiaiticueza cue ore, —daide.

⁶⁰ Jira Jesús ie uai ote:

—Juzíñamuina jíeruiñedino tíde izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illirui llujáiri, —daide.

⁶¹ Afe mei jíáimie Jesuna daide:

—Ocuíraima, odo bíacadicue, mei íadi fueñe cue jofo ero comini jáillena facáduaiticueza cue ore, —daide.

⁶² Jira Jesús íena daide:

—Daa come ie táijina ja táinia mei, jíáinomo comeci fácaya fiénide. Ie jira bie izóidimie Juzíñamui illáimana illiruimo táijillena ráifiñede, —daide.

10

Jesús setenta dígamie ñúefue llujáillena orede

¹ Bie méifodo, Ocuíraima Jesús nane setenta dígamie nizede. Níziano ménamierie ie uícodo orede. Nana ie jáiacanagobiaimo íaioina orede. ² Íaioina daide:

—Uáfueza, jacáfaimo ite raa ailla llezica jofo óitino íñena izói, birui Juzíñamui illáimana illiruimo jofo órede comini aillo ite. Mei íadi afémaci jofo óitino figo íñede. (Afe jofo óitino jíáimacimo ñúefue llóitino.) Ie jira cai Ocuíraimamo, jacafai Naama izóidimiemo jíáie ñúefue llóitimacina omoi jicari, afémacina afémie oréllena. ³ Jira omoi jai. Jaillano bie uaimo omoi coméciri: illáirede jazici jíconíai cígimo ovejai jiza ória izói, ómoína orédicue. ⁴ Omoi jailla llezica cirítico uiñeno iri, daje izói úcubena uiñeno iri. O eiba icona uiñeno iri. Io anamo jíáimaci diga are naidáicana úhuriñeno iri. ⁵ Ninó daa jofomo jofo o jáiadi afeco cominina fueñe bie izói omoi daíri: “Caímare uái illifue bie jofomo íteza.” ⁶ Afécomo comécina caímare uái itino ia, afe uai afémaci íaioieite. Mei íadi afe izoide comini afénomo íñenia, omoi daí uáidua uai abido ómoimo bíiteza. ⁷ Oni omoi jáiñeille dinó dáacomo uái iri. Omoi íaioi ecálleze güítioimoza. Omoi jirótalleze jirori. Mei jíáimacina omoi cánua jira, nana áfemo táijiraíma ie táijinado íbáredeza. Ie jira naga jófuedo güícaíñeno iri. ⁸ Ninó jófue omoi dúcia caímare omoi íaioi llínoia, güíllena omoi íaioi ecaa afe omoi güiri. ⁹ Daje izói afénomo íráredinuiaína omoi jíllotari. Afe llezica afémacina daíri, “Juzíñamui illáimana illarui ómoimo ja ánozideza,” daíri. ¹⁰ Mei íadi jíáie jófue omoi dúcia afeno comini ómoína llínoiacañeniadi, jino jofue cígimo ite macáraodo jairi. Jaillano daíri: ¹¹ “Cai eíbamo aífide omoi jofue íaie ómoimo teténoiticaí. Daí finódicaí, fiéni caímo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo ánozideza.”

¹² Ómoína dáitícue, íraicaiño izire jíacánolliruimo bie jofue comini Sodoma comini duere finóbina baímo duere finólliaioi.

Náfue finide jófui ai comini
(Mt 11.20-24)

¹³ ¡Corazín jofue comini, nii dúerena! ¡Daje izói Betsaida jofue comini nii dúerena! Mei íai oi cígiri cue finoca ciórainina raa, áfena Tiro jofue comini naa Sidón jofue comini cígimo nauí finódicuenia nibai jai ai uícodo íai oi comeci ífue na méidotiaí oi. Uafue íai oi comeci ífue na méiduamona ja diga fimona jailla. Afe llezica zúunaia jítáfirega jítiroi jítáacadiaí oi. Daje izói aféruimo íai oi zúunailla jino ácatallena jízefo ífomo jutáacadiaí oi. ¹⁴ Mei íadi íraicaiño izire jicánolliruimo Tiro Sidón diga duere finóbina baímo Corazín íemo Betsaida comini duere finólliaí oi. ¹⁵ Daje izói Jesús Capernaum jofue comini lletade; íai oi dibénedo daide: ¿Meita íai oi íinoga jofue monamo úirede? ¿Dai í comeci facádiaí oi, ero ua? Mei jíáifodo íai oina dáití cue, tíidino illánomo ana dotaca izói niné táinocaitalliaí oi.

¹⁶ Iemo ie setenta nizécamacina daide:

—Omoína cacáreidímie cuemo cacáreide. Iemo jíái ómoína ruifíruitímie cuena ruifíruite. Daje izói cuena ruifíruitímie cue ana orédími ena ruifíruite, —daide.

Oreca setenta dígadino abido dáanomo dúcina

¹⁷ Nauí oreca setenta dígadino meine abido caimare dúcíaí oi. Jesuna daidíaí oi:

—Ocuíraíma, nana cai llógamo cacáreidiaí oi, ua daje izói fiénide joríaí o mámechido daína uaimo cacáreidiaí oi, —daidíaí oi.

¹⁸ Jira Jesús daide:

—Jíi, Satanás monamona ameo izói bai llana ciódí cue. ¹⁹ Daje izói jaióniaí naa acáiduaí ómoína izi cácatañelle ríino nauí ómoímo cue iga. Dai í nana cai bacáu ai izóidímie Taife ríinona izi cácañeno anáfenodímoí. ²⁰ Mei íadi fiénide joríaí jino ória ríino ómoímo íllado figo comécíñeno iri. Mei jíáifodo omoí mámechiaí monamo cúeinari omoí íóbiri, —daide.

Dama Jesús cáimacailla
(Mt 11.25-27; 13.16-17)

²¹ Afe llezica, Ñuera Joreño Jesuna íóbitade. Íóbicaillano Jesús daide:

—Cue Moo, mona énie diga Ocuíraímadí o, omo ñúefue mámeítí cue, mei ráfue na baitádinomona o dibénedo retáidoga onóigafuaí onótañedio. Mei jíáifodo comécina níífuenide úrue izoide jamai comínimo aféfuiaína jino cíotatio. Jíi, Moo, mei o dai í jítaidí oza, —daide.

²² Jesús nai úriode: “Cue Moo, nana ráaniaí cuemo fecádí o. Moo Juzíñamui, o Jitódí cue, mei íadi buna uáfodo cuena ñue ónoñena. O cue Móodí oza, dama o ñue cuena onona. Daje izói buna uáfodo ona ñue ónoñena. Cue, o Jitódí cueza, dama cue ñue ona onona. Iemo jíái daje izói o Jitó onótaacagano ñue ona ónoítiaí oi, —daide.

²³ Iemona ie llófuegamacímo érocaillano, dani íai oina daide:

—Omoí ciona raana ciónamona jnii íóbiredímoí! ²⁴ Mei ómoína daidí cue, diga Juzíñamui uai llóraini naa illáimaiaíri omoí ciona raana cióacadiaí oi mei íadi jaca cióñediaí oi. Daje izói omoí cacana uai cacáacadiaí oi, mei íadi jaca cacáñediaí oi, —daide.

Samaria ímie rafue

²⁵ Afe mei ocuica uai llófuefiredímie Jesumo úrizaide, afémie facátallena. Afémiemo jicánote:

—Llófueráíma; zíñona cue íllena ¿ñie izói íredí cue? —daide.

²⁶ Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádotio? —daide.

²⁷ Jira ocuica uai llófuefiredimie uai ote:

—Afe uai bie izói daide: Nana o comécido o Ocuide Juzíñamuina izíruiri. Daje izói nana o joréñodo, íemo nana o máiriedo, íemo nana o ifoci úrillado íena izíruiri. Afe llezica dama o abina o izíruilla izói afe izói o aino cómena izíruiri, —daide.

²⁸ Mei jira Jesús daide:

—Ñue fairíotio. Bie izói o finóadi nia are cáaitio, —daide.

²⁹ Mei íadi Ocuica Uai llófuefiredimie ie facátalle uai baiñenamona, ñue jicánotimie daiíllena jíáie uai Jesumo jicánote:

—¿Ñie come cue abi ímiena jóoneiticue? —daide.

³⁰ Jira Jesús uai ote:

—Dáamie Jerusalémona oni Jericomo jaide. Ie jailla llezica merírifiredino afémie fatíaiói. Fájano ie ráaniai bairódiaíoi naa inícuiruaímo. Afémiena iere íztatiaíoi; jabo ie títano íena fiénocaidiaíoi. ³¹ Afe méifodo lletáriraima ónonino daje llezica afe iodo jaide. Mei íadi fagámiena cíoillano onido jaide. ³² Afe mei Leví nairai ímie afénomo dúcide. Daje izói afémiemo fia érocaillano onido jaide.

³³ Afe méifodo Samaria ímie daje iodo jaide. Fagámiena cíoillano afémiemo zúucaillano iere dúecaide. ³⁴ Mei íemona fagámie billano, cáiredíji naa vino diga ie boáfiaí manode. Afe mei afe boáfiaí maite. Maía méifomo dama ie búrromo caifo rainada dúciracomo uite. Uillano afécomo afémiena uíñote.

³⁵ Afe jíáruído, afe Samaria ímie ja jíazailla llezica, mena úcube uano afeco naama íbade. Ibajano daide: “Bie iráredimie ñue o uíñori. Bímiemo omo cue iga úcube baímo o dotáadi, uire meine cue bia omoi cue íbálleza,” daide.

³⁶ Mei íemona birui cuemo llone: Bie daámanidemona ¿nímie ñue finoca bie merírifiredino fagámie aino come finófírena izói? —daide Jesús.

³⁷ Jira ocuica uai llófuefiredimie daide:

—Mei afémiemo dúcaidimie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

Jesús Marta María íaínguai jofomo dúcide

³⁸ Jesús iodo jaillano duera jófue mo dúcide. Afénomo ite Marta daínango ie jofomo Jesuna caímare llíñote. ³⁹ Marta ebuño María Jesús anamo ráizaíbite ie daínana ñue cáailena. ⁴⁰ Mei íadi Marta diga jetáacaganiaímo comeci llícíbite. Iemona Jesumo billano daide:

—Ocuíraíma, cue ebuño nana táijina cuemo fiénocaide, ¿aferi comécíñedio? Cue dine ore, afengo cue cánuabilleza, —daide.

⁴¹ Mei jíáifodo Jesús afengo uai ote:

—Marta, iere o jetáacaga raamo o comeci llícítaitio. Afe táijinamo iere duere zefuídio. ⁴² Mei íadi daa jítaírede raana nai omo íñede. Ie mei María afe baímo ñuera raa jae nizede. Afengo nizeda oga raa bu báiroñeite, —daide.

11

Juzíñamuimo caí úrifíreillena Jesús llote

(Mt 6.9-15; 7.7-11)

¹ Afe mei jíáruído Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo caí úrillena caí llofue, —daide.

² Jira Jesús íaíoina daide:

—Juzíñamuimo omoi úria bie izói daíri:

Cai Moo Juzíñamui, monamo itio; o mámeçido ñúefue nitácaza.

O illáimana illirui raire bíteza.

Dinomo monamo o comeci jitáillafue íaioi fínua izói, afe izói bie éniemo finótaibiteza.

³ Cai nágarui jitailla gülleniai, birui caimo fecari.

⁴ Cai finoca fiénidifue iba caimo oñeno iri, mei afe izói jíaimaci fieni caimo finódiaioi íadi, afémacimo ibana oñédicai.

Íaifueмо cai báññellena caina úñori.

Iemo afe llezica nana fiénidifuaímona caina jíllotari.

⁵ Iemo nane Jesús daide:

—Bie fia cue daílle ráfueмо omoi comeciiri. Omoímona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, ⁶ mei cue onóigamie ailli cue jofomo dúcidez. Mei íadi afémie cue ecállena iñede,” daide. ⁷ Ie jira nibai jofona bie izói uai óredio. “Cue úrue diga inídicueza, cuena áfedoñeno iri. Naze ibáicaza, o jicaca raa omo fecállena jino bínidicue.” ⁸ Mei íadi ómoína dáitícue, afe jícaibitímie o nabaina jira fécañeítio, mei íadi afémie are ona áfedoñeíllena nana ie jitaica ráaniaina jeruñeno fécaítio. ⁹ Afe jira ómoína dáitícue: Juzíñamuimo jicari, afémie fécaíteza. Jenori, báitioza. Nazémona jíiriri, íemona afémie tuizáibiteza. ¹⁰ Mei uáfueza, jícadímie jaca llínote; jenódímie jaca baite; nazémona uáidotímieмо naze tuiñoça.

¹¹ Omoímona úrueredímie ie jító güllena jícaadi ¿meita nofícina iga? Jaca íniga. Daje izói chamu jícaadi, ¿meita jaiona iga? Iniga. ¹² Iemo jíai jígi jícaadi ¿meita acáidona iga? Iniga. ¹³ Mei fiénidíomoi íadi, ñuera ráaniaina omoi úruiaímo fécajana onódíomoi. Mei íadi afe baímo monamo ite omoi Moo afémie Ñuera Joréñoña jícaítinomo fécaíte, —daide.

*Fiénide joríaí ríino Jesumo illa afémiemo jítaídiaioi
(Mt 12.22-30; Mr 3.20-27)*

¹⁴ Afe mei Jesús uáinidímieмо ite fiénide joríaí jino orede. Afe jáillamona afe uáinidímie ja ñue úrite. Aferi comini caímare fáigacaidiaioi. ¹⁵ Mei íadi dáarie daídíaioi:

—Bímie Beelzebú daína fiénide joríaí illaíma ríinodo, afe fiénide joríaína jino orede, —daídíaioi.

¹⁶ Jáimaci ie facátallena, “Monámona uai dáinamona comuide cíoraínina raa fino,” daídíaioi. ¹⁷ Mei íadi Jesús afémaci comeci úrillana onóillano daide:

—Ninó daje náraína ite comini bozíetaillano conima diga fuíríadi, afe naíraí niné táinocaíte. Daje izói daaco ero comini bozíetaia, afémaci daje izói are iñeno niné táinocaitiaioi. ¹⁸ Afe izói, mei Satanás dama íemo jáináidinona, dani abina uáitaiadi, ¿mei ñie izói ie ócuífírena ríino are ite? Bie ómoímo llóitícue, mei cuena “Fiénide joríaína Beelzebú ríinodo jino orédio,” daídíomoiiza. ¹⁹ Mei íadi daítadena, jíaiuaina ómoímo jícanotícue, Omoído jáidinomo ite fiénide joríaí orelle ríino, ¿bu mei fecaca? Ie jira dani afémaci ñue onóñeno táino omoi llua jino cíotatiaioi. ²⁰ Mei jíáfodo uáfueza, Juzíñamui ríinodo fiénide joríaína jino oréfíredicue. Iemo bifue bie izói ómoína dáílacade: Juzíñamui illáimana illirui ja ómoímo dúcidez.

²¹ Mei daa mairide cómemo ie ñue fuírira raa ía, ie jofona ñue úñofírede. Afedo ie uíñuamona buna ie raana baíróñide. ²² Mei afémie baímo rííredímie bíadi, nibai íena anáfenoíte. Anáfenuano ie ínoga abi ríidua raana báíroíte. Afe mei afe báíruaíbitímie nana íemo ite ráaniaína úite.

²³ Cuena ruiffiruitimie cuena uáitate. Daje izói cue diga dájena táijiñedimie, cue ráaie oni jutádimie izoide, mei afémie jiáimaci cuemo ínotañedeza, —daide Jesús.

Jino oreca fiénide jóriai meine dáamiemo bite
(Mt 12.43-45)

²⁴ Jesús nai líicaiñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáitícue,” daide. ²⁵ Afe jóriai meine afe cómemo bítemo, ñue rafoda finócaco izói baizáibite. ²⁶ Iemona afémie baimo siete diga jamánomo fiénide jóriai uájide. Afémaci nana afe cómemo jofo jaillano itíaiói. Afemona afe come navi ie fiénina baimo birui jamánomo fiénide, —daide.

Uáfuaena ióbidino

²⁷ Mei Jesús nai bífuiado úrioina llezica, comínimona daa ringo ficire Jesudo úrite:

—O jocódingo ñi caimare érocaillangona. Daje izói o comútingo ñi caimare ióbillangona, —daide.

²⁸ Mei jira Jesús jiáifodo daide:

—Juzíñamui llógamo cacáfiredino, daje izói áfena ñue ínotino o dainango baimo jamánomo caimare itíaiói, —daide.

Fiénide comini ciórainina raa finóllena Jesumo jicádiaíoi
(Mt 12.38-42; Mr 8.12)

²⁹ Comini Jesús onífenedo ofídiaíoi. Jesús íaioina daide:

—Biruiimo ite comini iere fiénidino. Afémaci ciórainina raana finóllena jicáfirediaíoi, mei íadi navi Juzíñamui uai llóraíma Jonás onótagafue baimo jiáífuaena llóñeilliaíoi. ³⁰ Mei Nínive jófueimo ite comínimo Jonás Juzíñamui orécamierna áíoi onóillena afémie jónega raa izóidimie. Afémie illa izói, biruíllaido ite comínimo Nanoide íima Jitó Cristo afe bie comini onóillena jónellimiena íite. ³¹ Íirairuimo bigímaíai izire jicánolle llezica sur dibénemo jica ite nairaí illaíngo bigímaíaimo fiénidifuaí nítaite. Mei afengo jica énie fuédamona Salomón comeci onóigafueimo cacáreizaibiteza. Mei íadi birui benomo Salomón baimo baitádimie illa. ³² Daje izói bigímaíaimo íirairuimo izire jicánolle llezica, Nínivemo ite comini bimácimo fiénidifuaí nítaite. Mei Nínivemo ite comini Jonás Juzíñamui uai íaióimo llua llezica, íaiói comeci itífuaena méidotiaíoi. Mei íadi birui benomo Jonás baimo jamánomoidimie ite.

Cai illafue ñue egáíñote raa
(Mt 5.15; 6.22-23)

³³ Uneca mechera bu báinino jóoneñede. Daje izói cajón anamo buna mechera retáidoñena. Mei jiáifodo uneda caífo jica rainaca, jofo eromo jáitino ñue cíoillena. ³⁴ Núfueimo o comécilla omo ñue egáíñote raa izoide. Jira mechera egáioinamona o uído ciónana o ióbitaja izói, afe izói ñúefuaí o jítaigana o comeci ífuaena caimare itátaite. Iemona ñúfueimo o comécillado nana o illafue jaícina ñue joide. Mei íadi ñúfueimo o comécíñeniadi, jítifodo mácaja izói itío; nana o comeci ífue zuure íteza. ³⁵ Mei jira omo ite mechera egáioina izoide raa, dúide izói meídoñellena ñue rairuirí. ³⁶ Mei nágarui ñúefuaíimo féitañeno o comécia, mechera egáíñuamo uáfori cíoina izói, nana o illáfuaena ñue uáfodo cíoitio, —dinori Jesús úrite.

*Fariséuai daje izói ocuica uai llófuetinori imaci fiénidifue Jesús jino lote
(Mt 23.1-36; Mr 12.38-40; Lc 20.45-47)*

³⁷ Jesús ie úrilla llícaillamona daa fariseo ímie ie diga güizájillena Jesumo lote. Jesús jofo jaillano güiránomo ráinazaide. ³⁸ Afémie afémaci fínofirena izói finóñede, mei afémie íaifue múiñua joreño onoi jócua, finóñeno güíteza. Aferi afe Jesús uitímie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ñue jocódiomoi, mei íadi jofo erófenena jocóñediomoi. Afe izói nana omoi jinófenena ñue rairuídiomoi, mei íadi jofo comeci dinena, merírillado omoi oga raa ite; daje izói fiéni omoi íllado omoi oga raa ite. ⁴⁰ ¡Comécina úriñedinodiomoi! ¿Onóñediomoiza comini jinófene finódime, íemo íaioi ero diné comeci finódime dáamie? ⁴¹ Ñúfuiái comécido omoi onónamona ómoimo ite raana jeruíñeno dúeredinomo fia fecari. Afemona nana ráaniai ja ómoimo íainino íitiaioi.

⁴² Fariséuai, ¡nii omoi dúerena! Omoi riga ráamona diez dígademonaa daa Juzíñamui dúide raana afémiemo ñue fecáfirediomoi. Omoimo ite “menta” daina raróciomona afémiemo fecáfirediomoi. Daje izói “ruda” daina raróciomona daa fecáfirediomoi. Iemo jíai omoi porócoduaimona due Juzíñamui íena máme-firediomoi. Mei íadi comécina jaícina jódifuemona naa Juzíñamuina izíruillana náfueñediomoi. Aquíe izói írediomoi. Afe llezica omoi jíaie finóacaigafuena féitañeno finori.

⁴³ Fariséuai, ¡nii omoi dúerena! Juzíñamui uai lloraco eromo jamánomo ñue ráiraniaina jicáfirediomoi. Daje izói jofue cígido macáraodo omoi jáia, comini jacírede illaíma uáidua izói omoi íaioi uáidollena iere gáidiomoi.

⁴⁴ Ocuica uai llófue-firedino naa fariséuairi, ¡nii omoi dúerena! Jínofene dine ñue cíoina mei jofona comeci dine ráataitiomoi. Cioñena énie anamo tíidino ráigano izóidiomoi. Comini afe acónido ónonino macádiaioi.

⁴⁵ Iemona ocuica uai llófue-firedinomona dáamie afe uai ote:

—Llófueraíma, jadíe izói o daina nane caina rícaitate, —daide.

⁴⁶ Jira Jesús daide:

—Ocuica uai llófuetino, daje izói ¡nii jamánomo omoi dúerena! Mei ocuínide méere de raa izoide jíaimamo jaca llonódacafirediomoi. Aféfuiaína buna ocuínide. Afe omoi riire ocuicanona canófinidiomoi.

⁴⁷ ¡Nii omoi dúerena! Mei jaiái omoi nánoragima faga Juzíñamui uai llóraini raírafo izoide tíidime jóoniacona ébirerie finódiomoiza. ⁴⁸ Daií omoi fínuaado jaiái afémaci finócafueña jíéruitomoi. Mei afémaci afe uai llóraini titádiaioi, íemo birui afémaci raírafo izoide jóoniacona meine abido nitátatiomoi.

⁴⁹ Ie jira Juzíñamui nana ráfuiaí onóillano, bie izói daide: “Afémacimo cue uai llórainina óreitícue. Daje izói jíaie cue nizécano íaioimo óreitícue. Afémacimona dáarie titáitiaioi. Jáímacina duere finóllena rácaitiaioi,” daide. ⁵⁰ Mei uáfueza, birui itínomo, nana jaiái faga uai llóraini íbana óite. Uafue, énie fínuaomona biruimo nana tíidino íbana óite. ⁵¹ Faga Abel ígímamona Zacarías tíllaruimo íbana óite. Afe Zacaríasna Juzíñamui gairíraco eromo ite altar áinori fatíaioi. Jira ómoína dáitícue, biruimo itínomo Juzíñamui afe titácana íbana óite.

⁵² Ocuica uai llófuetino, ¡nii omoi dúerena! Mei nauí Juzíñamui ómoimo fecaca ie ñue báitaja uai ie illáimana illánomo jofo omoi jáillena, áfena ñue náfueñediomoiza. Iemo afe llezica onóiacadinomona áfena rairuídiomoiza, —dinori Jesús úrite.

⁵³ Jesús bie izói íaioina daina llezica, ocuica uai llófuetino naa fariséuairi afémiemo jamánomo ríicaidiaioi. Iemona diga jicánociacaga uáillaído afémiena áifedodiaioi. ⁵⁴ Irebai izóidena afémie óllena jifánodoidiaioi. Daií finódiaioi, ie daina uáillaído fiénidifuiái afémiemo nitállena.

12

Comécina íáirena mei jinófenena ñue cíoidino Jesús lletade

¹ Afe dáaruido diga náiraiaí dánomo iere gairídiaioi. Gairíllamona conímaiaina zaizídiaioi. Iemo Jesús ie llófuegamacina nano fueñe daide:

—Fariséuaimona diga comini comécina íáirena mei abina ñue cíoidino ite. Afémaci daií íllamona abí omoi rairuiri, mei afe íaioimo ite íaifue pan fáitara “levadura” izóideza. Due jiza jónega ia, nana afe erona mañode. ² Nana báinino daina uai jino uáfodo cíozite. Daje izói nana báinino retáidoga raa uáfomo báifite. ³ Mei íemona, nana jítifomo omoi báinino úrilla uailái jino úzefomo cacaille. Daje izói jofo eromo báinino omoi daina uai comini dánomo uáidota afémaci cacáicana ficire lolle.

¿Ñue cómena jacíruiédicaí? (Mt 10.28-31)

⁴ Omoi cue nabáñiaídiomoi, jira bie izói ómoína dáitícue. Fia abí íeizi títáfirede comínina jacíruiñeno iri. Afe mei afémaci ómoimo íaioi finolle jíaífueña iñede. ⁵ Mei jíaífodo omoi jacíruiillmie llóitícue. Abí íeizi títaja méifomo boode jóraimo comeci dotáfiredimiena omoi jacíruiiri.

⁶ Onódiomoiza, cinco diga ófocuiño mena úcubetunido íbárede. Mei íadi afémacimona Juziñamui dáamiéna féitañede. ⁷ Iemo jíaí ómoimo ite ífótíraí illa dígatíraí facádoga. Daiítadeza jacíruiñeno iri. Mei omoi, aillo ófocuizai baímo ráifidiomoiza.

Comini eróicana Jesuna jieruitino (Mt 10.32-33; 12.32; 10.19-20)

⁸ Omoína dáitícue: Nanoide íima Jitódícueza, comini eróicana nana cuena jieruitinona afe izói Juziñamui abí imaci eróicana jieruitícue. ⁹ Iemo daje izói comini eróicana cuena jáanoitínona, afe izói Juziñamui abí imaci eróicana jáanoitícue.

¹⁰ Iemo nane jíaífue, ninó daa come Nanoide íima Jitona íaire dáia, afémie daina íaifue dórede. Mei íadi ninó dáamie Ñuera Joreñona íaire dáia, afe jaca dónide.

¹¹ Iemo ninó jíaíruido Juziñamui uai llorácomo afémaci omoi uádi áfemo comeci llícitaiñeno iri. Daje izói izire jicánofiredinomo, naa ocuídillaini diga, afémacimo omoi íaioi uia, omoi daiácana uaimo comeci llícitaiñeno iri. ¹² Mei omoi úriacanamo dúcille llezica, Juziñamui Ñuera Joreño omoi daiíllifueña ómoimo llóiteza, —daide.

Comini ráarena jacírede

¹³ Comínimona dáamie Jesuna daide:

—Llófueraima, cócomo fiébide feci ráamona, cuemo dúina dieze cue ama cuemo ílleza, o lloiri, —daide.

¹⁴ Jira Jesús afémiena daide:

—Ebe, omoi cígimo izire jicánofireitimiena, daje izói fécafíreitimiena ¿bu cue jóonia? Jóoneñegacue, —daide.

¹⁵ Jesús nane dánomo daide:

—Nana úradoillafuiaimona caade come izói, abí omoi rairuiri. Mei come ñue illafue, aillo ráarenamona óñega.

¹⁶ Afe mei bie jino onótate raafue llote:

—Nauí iere ráaredimie ite. Afémie jacáfaiai iere áillamona jofo olle llízie iere ite. ¹⁷ Afemona iere ráaredimie comeci facade: “¿Mei ñue izói líticue? Afe áillue llízie éenollino iñede.”

¹⁸ Nane dáanomo comeci facade: “Cue finóllemo ja uíbicaidicue. Cuemo ite éenoracuai júdaiano jamánomo áillocuaina nitátaiticue. Afécuaímo nana jofo cue olle llíziena éenoiticue. Daje izói nana cuemo ite raana afécuaímo jóoneiticue. ¹⁹ Afe mei dama cue abina dáititicue, ‘Ja aillo raa jofo ofítaiticue; áfedo diga fimona cáaiticue. Nágarui táijíñeno fia güíticue. Iemona fia uái íititicue. Aillo vino júruano, áferi caimare ífireititicue,’” daide. ²⁰ Mei íadi Juzíñamui íena daide: “Comécina onóñedimiedio. Fui naio tíitio. Afe mei o ofítaga ráaniai ¿bu náamatalle?” daide. ²¹ Mei dama ie abí íena aillo raana ofítaitimie daí íteza, mei daí afémie ofítaja llezica, Juzíñamui jítainamo comeciñede. Comeciñeno, afémie Juzíñamui eróicana iere dúeredimiena jaide, —Jesús daide.

Juzíñamui ie úruiaina ñue rairuide
(Mt 6.25-34)

²² Afe méifomo Jesús ie llófuegamacina daide:

—Jira ómoína dáititicue, omoi güíacaga güíllemo comeci omoi llícitaiñeno iri. Daje izói omoi jítáacaga inícuíromo comeci llícitaiñeno iri. ²³ Cai ñue illafue cai güille baimo ráifide. Iemo jíai cai abí cai inícuíro baimo ráifide. ²⁴ Mai “cuervo” daína cháafona eróidemo comeciiri. Afémaci jaca riñediaioi; daje izói llizíllaniai jofo onédiaioi. Daje izói afémaci güille éenoraco iñede, naa íaioi ofítaranori. Mei íadi Juzíñamui afémacina ecade. Ie mei omoi afe ofocuizai baimo jamánomo ráifidiomoi. ²⁵ Omoimona, comeci iere llíciamona, ¿mei bu ie zairilla dinori baimo mediio metro zairírena? ²⁶ Mei duera raana finónidiomoi ia, ¿ñibái mei jíaiie raa finuamo iere comeciidiomoi?

²⁷ Raroci záfia zeríllamo omoi comeciiri. Afémaci táijíñediaioi; daje izói raana niñediaioi. Mei íadi jíáifodo ómoína dáititicue, jaiai illaíma Salomón ñue cíoide raana jamánomo ráarede íadi, bie záfia ebírena izói, ebírediroína jítáñede. ²⁸ Mei Juzíñamui daí raroci ebire cíotaiadi, afémie jeruíñeno ómoína iníroína jítaite, jabo inotinodiomoi íadi. ²⁹ Afe jira benómona o güíacaga raa, o jirole diga zuure jenóñeno iri; daa afemo comeci llícitaiñeno iri. ³⁰ Mei bínie comini daa afe izóidemo jaritaidiaioi. Mei íadi omoi Móorediomoi. Afe omoi Moo Juzíñamui nana afe ráaniaina omoi jítáillana onódeza. ³¹ Iemona Juzíñamui illáimana illáruimo dúide raamo raire afemo omoi comeciiri. Iemo afémie nana bie raana ómoímo fécaiteza.

Monamo cai jirídollena ofítaredicai
(Mt 6.19-21)

³² Cue izíruiga ovejai izóidiomoiiza, jacíruiñeno iri. Dúemacidiomoi íadi, o Moo ie illaímana illano ómoíena maméacade. ³³ Omoímo ite raa fecari. Fécajano raana jítáidinomo ine. Daí omoi finóadi, Moo Juzíñamui comeci jítainana fínoitiomoi. Iemona monamo ie illánomo ñúefuiai ofítaitiomoi. Daje izói jaca ninomo fúíñeite ñúefuiai ómoíena monamo ómoímo íite. Afénomo merírifiredimie jaca jáinide. Daje izói afénomo ícuai güíñeite. ³⁴ Mei uáfueza, omoi ofítaga raa illánomo, afénomo jíai o comeci íite.

Nágarui ñue finóbiredicai

³⁵ Benómona jaca nágarui ñue omoí finóbifireiri. Nauíllamona comini mechera unéfirena izói, abí omoí rairuiri. ³⁶ Jofo naama ocuífregano, áirena ráfue mona meine ie dúciacana uícomo íaioí afémiemo ocúirina izói, afe izói cue billíruimo omoí ocúiriri. Afémaci ñue ocúiridiaioí, afe jofo naama nazémona uáidoia raire íemo túíñuaibillena. ³⁷ Afe izoide ocuífregano jaca iníñeno íaioí naama bíllemo ñue ocúiridiaioí. Daíí íaioí illa afémie cíozabilla llezica, afémaci ja ñue íaioí finóbillari íóbicaidiaioí. Uáfue na ómoína dáitícue: Afe íaioí naama afémacina güiránomo ráinaite. Raína mei dama afémie íaioí güíllena bai ráizíte. ³⁸ Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocúiridiaioí. Iemona afémaci íóbicaítiaioí. ³⁹ Iemo jíáfue dibénedo bie izói omoí onoiri: jofo naama merízabítimie bille monana onóia, afémie iníñeno ocúirite. Iemona jofo naama merízabítinona ie jofona túíñotañeite, ie raa íaioí mériñeillena. ⁴⁰ Afe izói ñue omoí mamériri, mei Nanoide íima Jító comini comécíñeilliruimo ónonino déizabíte, —daide Jesús.

*Raire ínofirede ocuífregamie, íemo jíái ínofinide ocuífregamie
(Mt 24.45-51)*

⁴¹ Mei jira Pedro Jesumo jícanote:

—Ocuíraíma, bífue na, ¿ñie comínimo llotio? ¿Dani caímo, nibai nana comini íena llotio? —daide.

⁴² Jira Ocuíraíma daide:

—Mei daa jofo naama ie ocuífrega jabóidillaíma eneno mamede. Jofo naama jíca jíaiacana uícomo, ie jofo ero raana afe jabóidillaímamo llonódacaide. Afe llezica nana jofo ero táijidino ecállena afémiemo jóonenocaide. Daíí jóonega jabóidillaíma jaca nágarui ñue ínofiregamíena írede. Daje izói afémie ñue onódimíena írede. ⁴³ Afe izóidimie nana íemo llonódacaíga raa nágarui ñue finófirede. Ie jira jofo naama meine bille llezica, daíí ie íllana cíozabíte. Iemona afe jabóidillaíma íere cáimacaite, mei nana ie ocuica raana ñue ícoímo fuitádeza. ⁴⁴ Uáfue na ómoína daídícue, jofo naama afe ínofirega ocuífregamíemo nana íemo ite raa, llonódacaite. ⁴⁵ Mei jíáfodo, afe jabóidillaíma jofo naama are bíñeite daínano, jíaie jofo eromo táijidinona duere finóadi, afe jabóidillaíma íere cacáfinidimíena jaide. Mei afe llezica afémie jofo ero táijítatíngo fieni finódeza. Iemo aillo güíteza, aillo jíródeza. Jírúa mei jífáitateza. ⁴⁶ Daíí ie illa llezica, afémie due jíca comécíñeitemo jofo naama dénuabíte. Onóñeilliruimo dúciite. Dúciillano afe jabóidillaímama jofo naama jamánomo duere fínoite. Nana jíaie ínofinidino duere zefuilla izói, afémie íena duere finótaite.

⁴⁷ Nínó daa ocuífregamie ie naama comeci jítaílla táijínana onode íadi, áfemo jaca ñue finóbiñede, daje izói áfemo cacáreacañede, afe ocuífregamie duere finoda íere izi cácatalle.

⁴⁸ Mei jíaie ocuífregamie ie naama jítaíllana onóñede íadi, dama fieni ía, afémie jabo izi cácatalle. Bie jíaie uaimo omoí cácarei. Aillo ígámíemona aillo jícaítiaioí. Daje izói ñue ínogamíemo díga ñúefue jóonefirediaioí. Ie jira afe aillo jóonefregamíemona aillo ócutiaioí.

*Comini énenorie ráinuaibítícue
(Mt 10.34-36)*

⁴⁹ Cue bie éniemo írai izói bónuabítícue. Aferai raire bóllena íere oíacadícue. ⁵⁰ Ja bautismo izoide, izi cácanafuedo facátallícue. Afénomo nai dúciñedemo raire uícomo aferui dúciñenari duere zefuífiredícue. ⁵¹ ¿Níbai

biniemo caimare dájena uái illifue atídio, cuena daidíomoi? Omoína dáititue, afe izói biñédicueza; comini énenorie ráinuaibititue. ⁵² Mei benómona dáacomo ite cinco dígadimie cue ícoinia eneno ráidoizitiaioi. Afémacimona daámani cuemo ínoitiaioi; íemo jadíe enéfenemo ménade ínoñedimaci ráidoizillanona conima díga fúiritiaioi. ⁵³ Cuemo ínuamona da jító ie moo dínená ruifíruille. Daje izói jító ie moo cuemo ínua jira dájena uái íñeno íena ruifíruillano éoite. Iemo jíái, ei jiza cuemo ínuamona ei dínená ruifíruille. Dájena uái íñeitiainguai. Daje izói jífaiño cuemo ínua jira mio dínená ruifíruille. Afe íbana mio ie jífaiño díga dájena uái íñeitiainguai, —daide Jesús.

Tirairuillai dúciacana onótaité raa
(Mt 16.1-4; Mr 8.11-13)

⁵⁴ Afe mei nane comínina Jesús daide:

—Fuirina nairíadi “noci bíite” daidíomoi. Afe mei ua bíide. ⁵⁵ Daje izói ñue mona monáillado “fímona baizájilla” daidíomoi. Iemoná jaca fímonana jaide. ⁵⁶ ¡Omoi comécina íáirena mei abina ñue cíodinodiomoi! Noci bíillana onódiomoi, íemo fímona baizájillana onódiomoi, mei íadi birui omoi cígimo cue fínoca onótaitífuaína onóñediomoi.

O díga ícírítimie raíre manánaitari
(Mt 5.25-26)

⁵⁷ ‘¿Níbái mei comeci jácina jóina izói, dani conímamo jícanoñediomoi? ⁵⁸ Daa come o llógidoiacania, ríimacimo ómicoi úrizalla llezica, nai ómicoi dúciñena llezica ío anamo afefue ñue o zátari, ríire jícanoraímamo o ie izájíñeillena. Izire jícanoraímamo o ie izájíadi, afe izire jícanoraíma fiénidíno llaitáfiredínomo o izájite. Iemo afémaci ona llavéracomo íbaitiaioi. ⁵⁹ Uafue ona dáititue o llavétatimie jícala úcube ie jícala díeze o íbaiñenia afécomona jaca jino bíñeítio, —Jesús dínená daide.

13

Caí comeci ífue íere raíre méidoredícaí

¹ Aféruillado comínimona dáarie Jesumo Pilato jíáimaci fiéni faaja lluaíbitiaioi. Nauí Galilea imácimona dáarie Juzíñamui íóbillena faga rille fécajilla llezica, Pilato afémacina fate. Fáajano íaioi díe íaioi fecaca rille díe díga Pilato tamede. Daí ie fínuana jñí íaire cíoina! ² Jira Jesús daide:

—Omoi bie Galilea comínimo ¿ñue izói comécidiomoi? ¿Meita afémaci jíáie Galilea comini baímo fiénidíno, jira afémaci raamo jíridiaioi? ³ Afe izóiñede, ómoína dáititue. Mei jira omoi comeci ífue omoi méidoñenia, nana daje izói niné táinocaitiomoi. ⁴ Iemo jíáífue omoi comécíri. Nauí Jerusalemo íere caífo jíca caífoídico ite. Afe íere caífoídico, Siloéna mámecirede. Afeco díllamona dieciocho díga comini jíitafidiaioi. ¿Meita afémaci Jerusalemo ite jíáimaci baímo fiénidíno? ¿Meita jira daí zefuídiaioi? ⁵ Omoína daidícueza, afe izóiñede. Mei jira omoi comeci ífue omoi méidoñenia nana omoi niné táinocaitiomoi, —daide.

Higuera daína llizíñede amena rafue

⁶ Afe mei Jesús bie jíáie íaioi onógafue afémacimo llote:

—Da come higuera daína amena ie jacáfaimo rite. Afe mei afena llizíadi daí eróizaide. Eróizaidemo jaca llizíñede. ⁷ Ie jira afémie jacafai uíñotimíena daide: “Ero, daámani fímona bie amena llizíadi daí eróizaíbifiredicue o jaca

llizíñede. Lliziñedeza, mai o tieri. Fia cue jacafai llótaidoteza.”⁸ Jira afe jacafai úiñotimie uai ote: “Naama, bie fimónamo mai nai cai tieñeilli. Afe amena moi ñue finuano júnaiticue.”⁹ Nibai áfemona llíziteza. Mei íadi áfemona lliziñenia tielle,” —daide.

Jesús ocózinai llaruimo abina ana jíicaidíngona jílloata

¹⁰ Jiáie ocózinai llaruimo Jesús Juziñamui uai llorácomo llófuete. ¹¹ Afe llezica afénomo dieciocho fimónamo abina ana jíicaillari iráredíngona illa. Naui fiénide joríaí aféngona daíí finoca. Afengo caifo jaícina jaca náidacainide. ¹² Jesús aféngona cioillano ie jíirite. Daide:

—Ringo, o irárenamona ja jíilloitio, —daide.

¹³ Daíí dainano Jesús ie onoi aféngomo bitade. Bitá llezica afengo ñue jaícina náidacaide. Afe dáaruido afengo ñúefue Juziñamuimo llote. ¹⁴ Mei íadi áferi Juziñamui uai lloraco illaíma ríicaide, ocózinai llaruimo Jesús afengo jíllotaja jira. Afémie comínina daide:

—Seis diga mona táijiredicai, aféruillaído omoi jíilloillena bíredíomoi. Mei íadi ocózinai llaruimo omoi abina jíllotaibiñeno iri, —daide.

¹⁵ Jira Jesús ie uai ote:

—Comécina íairena mei abina ñue cíoidínodiomoi. Omoi cuinaca burro, íemo juráreto ocózinai llaruído ¿meita jainoi ie jíruaillena zuitáñediomoi? ¿Zuitáñediomoi! ¹⁶ Afe izói bie Abrahámona comuíngona ie irárenamona ¿meita ocózinai llaruimo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daíí daina cacáillano, ie éoidino méaicaidiaíoi. Mei íadi nana comini afe Jesús finoca áillue ñúefuíaíri íóbidiaíoi.

Mostaza daina raroci jéenide íjiaí rafue

(Mt 13.31-32; Mr 4.30-32)

¹⁸ Iemona Jesús daide:

—Juziñamui illáimana illáruina omoi ónoillena ¿mei ñue izói jino cíotaiticue? ¿Ñue izói afénona mámeiticue? ¹⁹ Afe illarui mostaza daina raroci jéenide íjiaí izoide. Daa come aféjiaína ie jacáfaimo rite. Afe jéenide íjiaí rillamona afe jéejinide zícua caifo amena dínnori aillo zairide. Afe ícairuaimo feede ófocuziaí jillaína nitíaíoi.

Levadura rafue

(Mt 13.33)

²⁰ Nane Jesús daide:

—¿Ñue izói Juziñamui illáimana illáruina mámeiticue? ²¹ Afe illáruina “levadura” daina pan aillo fáitate raa izoide. Daa ringo daámani julleco harínana oruítajano áfemo due jiza fáitarana tamede. Iemona nana afe íféllana mulleda oni aillo móonaitade, —daide.

Rillírede naze izoide rafue

(Mt 7.13-14, 21-23)

²² Jesús Jerusalemo jailla llezica, áfemo ite jofue comínina llófuete, naa jéenidigobiaímo. ²³ Afénomo dáamie Jesumo jícanote:

—Ocuíraíma, ¿meita jíilloitino dúemaci, ero ua? —daide.

Jira Jesús afémie uai ote:

²⁴ —Juziñamui illáimana illánomo jofo jáirao rillírede naze izoide. Afe rillírede naze izóidedo jofo omoi jáillena riire omoi mamériri. Mei ómoína dáititueza, aillo comini afénomo jofo jáiacaitiaíoi, mei íadi jáinitiaíoiza. ²⁵ Mei

jofo naama náidacaillano naze ibaille mei, omoi ja jinófenemo fiébitiomi. Afe llezica nazémona jíjiritiomi: “Ocuíraima, naze caimo tuiño” dáitiomi. Afe llezica afémie jofona uai óite: “Omoi ninó comínidiomoiza, ómoína onóñedicue,” dáite. ²⁶ Imona omoi bie izói dáitiomi: “Cai, o diga güiticaí, daje izói o diga jiródicaí. Cai jofue cigi iomo caina llófuefiredio,” dáitiomi. ²⁷ Mei íadi nane afémie uai óite: “Jae ómoína daidicue, ninó comínidiomoiza ómoína onóñedicue. Omoi nana fiénidifue finófirediomoiza cúemona oni jai,” dáite. ²⁸ Imona afénomo jino éenaitiomi. Daje izói zúurenaymona murímuritiomi. Mei Juzíñamui illáimana illánomo Abraham, íemo Isaac, íemo Jacob jofo jáillana cíoitomi, naa Juzíñamui uai jino llórainiri. Mei íadi afe llezica omoi ja jino dotállimoiza. ²⁹ Mei uáfueza, nágafeniaymona billano, diga ínotino Juzíñamui illáimana illánomo jofo jáillano güizáibitiaí. ³⁰ Mei afe llezica dämíerie óodaficaidino uícoficaitiaí. Daje izói dáarie uícoficaidino óodaficaitiaí, —daide Jesús

Jesús Jerusalén comíniri eede
(Mt 23.37-39)

³¹ Aféruido fariséuaymona dämíerie dúcillano Jesuna daidíaí:
—Herodes o fáiacadeza, benómona oni jairi, —daidíaí.

³² Jira Jesús uai ote:

—Mai afe iere abi ráiruide egai izoide Herodes omoi lluájiri: “Cacai. Bímonado íemo daje izói uire jiti, fiénide joríaiaína jino óreiticue. Daje izói iráredinona jíllotaiticue. Iemo bai ie uire afemo cue tájina fúitaiticueza,” daí omoi lluájiri. ³³ Mei íadi birui bie cue bíllaodo nai jáiredicue. Daje izói uire jiti nai jáiredicue, íemo bai ie uire nai jáiredicue. Mei Juzíñamui uai llórainadicueza, Jerusalén jinomo oni jica tínidicueza, —daide.

³⁴ Iemo Jesús éecana daide: “¡Jerusalén comíni! ¡Nii íaíoi dúerena! Juzíñamui uai llórainina fáfirediaí. Daje izói Juzíñamui íaíomo oreca uai lluájitino nófiena níjifirediaí. ¡Diga icaiño íaíoína átava ie átavachingo íaico anamo bícua izói, íaíoína cue anamo bicóacadicue! Mei íadi afena jíeruiñediaí. ³⁵ Ie jira omoi cacai, uire jíáiruideo omoi jofue zóofegacona mámeite. Omoína daidicue, afénomona are cuena cíóñeitiomi. Mei cuena “Juzíñamui mámeido bitímie camare íobidímie” omoi dáíñelle dinó cuena cíóñeitiomi, —dinori Jesús daide.

14

Abi fáillari duere zefuídímie Jesús jíllotate

¹ Ie mei jíáie ocózinaillaruimo Jesús fariséuaymona dáine güizájide. Afe llezica jíáie fariséuaymona janónaioicana eróidiaí. ² Afénomo Jesús uíecori daa abina fáillari duere zefuídímie illa. ³ Mei jira Jesús ocuica uai llófuefiredinomo jícanote naa fariséuaymona.

—Ocózinaillaruideo ¿meita iráredímie jíllotarede? ¿Nibai jíllotanide? —daide.

⁴ Mei íadi afémaci uai oñeno tí daí itíaí. Imona afe iráredímie bai uáidota jíllotate. Jíllotajano, “Mai o jairi,” daide. ⁵ Afe mei Jesús fariséuaymona daide:

—Omoímona bu ocózinaillaruimo íemo ite burro, nibai juráreto, ífomo baía ¿meita raire naado óñega? ¡Ocózinaillaruí íadi jaca raire caífo ófirediomi! —daide.

⁶ Afemona afe uaina jaca ónidiaí.

Airena ráfuego uáidoga comíni

⁷ Afe güilláfuemo bite lloga comini illáicomini ráira izóidino ráillena izire jenódiaioi. Nana uícoficaiacadiaioi. Jesús áfena cíoillano bie izói íaioina llófuete:

⁸ —Ninó dáamie áirenafuemo omoi uáidoia, illaíma ráiranomo ráiñeno iri. Mei o baimo jamánomoidimie nibai dúciiteza. ⁹ Iemona omoi uáidote rafue naama omo lluáibite. “O ráirano mai bímiemo feca,” ona dáite. Afemona íraie ráiranomo meáire ráizaitio. ¹⁰ Mei jíáfodo ninó dáamie irázillena o jírria, bai ícoimo ite ráiranomo o ráiri. Afe mei o uáidote rafue naama billa llezica, afémie ona dáite: “Cue onógamie, bai benó ñuera ráiranomo bi,” dáite. Afe daí nana güiránomo o diga ráiedino eróicana afe rafue naama ñúefue omo jóoneiteza. ¹¹ Mei jira naga come dama ie abina jamánomoidena fínoitimie, jamáimiena óreite. Daje izói “Jiba cómedicue” daidímie, jamánomoidimiena jáitaite, —daide.

¹² Afe dáaruido, Jesús ie uáidotimiena daide:

—Güilla rafue o finoa o onógamaci uáidoñeno iri, naa o ámatiairi. Daje izói o comini uáidoñeno iri, naa o áinori ite ráanaitimaciri. Mei afe ibana ona uáidoitiaioi. Afe daí íbaja izói máíñoitio. ¹³ Mei jíáfodo güilla rafue o finoa dúeredino uáidori naa aidáimaciri. Daje izói júbene ídainidino uáidori naa uina cíoñedinori. ¹⁴ Afemona iere caimare ítíoza. Mei afémaci afe ibana omo finónidiaioi. Mei íadi tíde comécina jaícina jóidino nífuenidino meine abido cáailiruimo o íbaja ízoide raa máíñoitioza.

Aillue güilla ráfuedo jíáifuena ñue cai onótaité

¹⁵ Afe güilla ráfuemo Jesús diga ráiedinomona bífuena cacáillano dáamie Jesuna daide:

—Juzíñamui illáimana illíruimo nabáiritimie caimare ite, —daide.

¹⁶ Mei jira Jesús íena daide:

—Daa come áillue güilla rafue finode. Afe ráfuemo gairíllena aillo comini jíiritade. ¹⁷ Ja rafue mámiaruiamo tájina ñue fuilla llezica, ie ocuífregamie ie uáidoganomo lluájitate, bie izói daíllena: “Ja nana raa ñue finócaza, mai omoi biri.” ¹⁸ Mei íadi afe llezica illa dígamie: “Iere cue jétalle íllaza, bínidicue,” daide. Nanóidimie daide: “Como cue íbaca cue jacafai méiñuacacacueza; bínidicueza. Cuena ícíneno iri,” daide. ¹⁹ Iemo jíáimie daide: “Ja cinco diga juráreto naa íaioi nabai diga íbádicueza. Aféretuai fueñe fácajiacacacueza. Bínidicueza, cuena ícíneno iri,” daide. ²⁰ Iemo nane jíáimie daide: “Como fueñe ringo otícueza, bínidicue. Eróíñeno iri.” ²¹ Iemona afe ocuífregamie meine jofomo jaillano ie orédimiemo bie izói íaioi daízia lluájide. Aferi rafue naama iere rícaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaimona dúeredino naa aidáimaci diga bené atiri. Daje llezica júbene ídainidino naa únidinori benomo atiri,” daide. ²² Afe méifodo íanori íllamona afe ocuífregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráillina ite,” daide. ²³ Iemona afe naama ocuífregamiena daide: “Mai jofue jinómona joide íuaido, áillue iodo naa dúeodo o jairi. Aféuaimona cue jofu íaioi oruítabilleza riire oreri. ²⁴ Mei uáfuena ómoína dáiticue: Cue diga güizáibillena fueñe cue uáidogamona buna cue finoca güillena güíñeitiaioi,” daide.

Crístodo cai jaille juárede

²⁵ Aféruillaído diga comini Jesudo jáidiaioi. Afe llezica afémie meine gírecaillano íedo jáidinona daide:

26 —Dáamie cuedo jáiacana llezica, ie móotiaina cue baimo izíruiadi cue llófuegamiena ínide. Daje izói dáamie ie aina, ie úruiaina, ie ámatiaina, daje izói dama ie abina cue baimo izíruiá, afémie cuedo bínide. 27 Daje izói dáamie cuedo jailla ícoina ie tílla izire oía afémie cue llófuegamiena ínide. 28 Bífueмо comeci facari: ómoimona dáamie jofo níacana uícodo, fueñe comeci facade. Daií comeci facárede ie ofítaga raa ñue níllana fuite dáiñana onóillena. 29 Dáamie daií comeci fácañenia, jofo jáillirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoitiaioi. 30 “Bímie jofo níacade íadi fuitánide,” dáitiaioi. 31 Daje izói daa illaíma jóbairiacana uícodo fueñe comeci ñue facárede. “¿Meita cuemo ite diez mil fuiríraini, baie cai diga fuirízaibite veinte mil fuirírainina, ñibai anáfenoredicai? ¿Ñibai nai anáfenonidicai?” daií comeci raire uícodo facárede. 32 Afémie ñue comeci fácano: “Baie bitino anáfenonidicai” daiíadi, afémie afe fuirízaibitino nai dúciñena llezica, manáñaillena llujítinona óreite, icíríñeno dájena illifue jícanollena. 33 Afe izói ómoimona ninó dáamie nana íemo ite raana zófeacañenia, cue llófuegamiena jáinide.

Sal ie ríino íñenia jaca ráifiñede
(Mt 5.13; Mr 9.50)

34 Sal jaca ñuera, mei íadi ie ríino íñenia jaca jáíe raamo jóonenide. 35 Jacafai éniemo jóonegana canóñede. Daje izói riga raa junáillena fiénide. Jaca énoñeno oni dotárede. Aquie izóideza cacáacadino mai omoi cacai, —daide.

15

Oveja oni féiraila rafue
(Mt 18.10-14)

1 Afe mei nana gobierno íbátaga úcube llíinoraímaci naa fiénidífuiaíredinori Jesús úrillamo cacárezaíbitiaioi. 2 Iemona fariséuai naa ocuica uai llófuefiredino Jesús zanódiaioi; daidíaioi:

—Bímie fiénidífuiaíredinona caímare uáidota afémaciri güite, —daidíaioi.

3 Afemona Jesús bie onótatífue llote:

4 —Omoimona dáamie cien diga ovéjaiaí ia, afe ovéjaiaímona daa féiraia, áfena riire jénoite. Mei uáfueza, afémiemo fiébide noventa y nueve ovéjaiaí fiiano afe daa féiraitena afémie baille dínó riire jénoite. 5 Afe mei afe féiraitimie baillano caímare ie fecábemo bíitano jofomo uite. 6 Jofomo dúcillano ie onóigamacina naa ie aino comíniri dáanomo gairítajano íaioina daíte: “Ja féiraite oveja cue báigaza. Mai cue diga caímare omoi iri.” 7 Mei jira ómoína daidicue: “Afe daje izói daa fiénidífuiaíredimie ie comeci ífue méiduari monamo itino jamánomo íóbidiaioi. Mei íadi noventa y nueve diga comeci ífue méidonide Juzíñamuimona oni ñibéfedo jáíñedinori jofófemo íóbidiaioi.

Ucubetuni niné baiilla rafue

8 Bie jáíe ñúefuemo omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baille dínó. 9 Afétuni ie báillamona ie onóigangotiaí naa ie aino imáciri dáanomo íaioi gairítano íaioina daide: “Jae niné baiide úcubetuni ja cue báigaza, mai cue diga caímare omoi iri.” 10 Nane ómoína daíticue: “Afe izói fiénidífuiaíredimie ie comeci ífue méiduari Juzíñamui abi ímaci iere íóbidiaioi,” —daidicue.

Moo anámona oni botade jító rafue

11 Jesús nane jáífue llote:

—Daa come mena jitórede. ¹² Afe íaillinoimona íiraimie ie moona daide: “O fecalle ráamona cuemo duide dibene cuemo ine,” daide. Iemona afe íaillinoi moo íemo ite ráaniai íaillinoimo fecade. ¹³ Afe méifodo íanori íllamona íiraimie íemo duide ráaniai jíaimamo fecade. Fécajano afe iba úcube llínoga jica jíaie éniemo jaide. Afénomo afémie iere fieni illáfuemo jaillano, nana ie llínoga úcube táinomo dótajide. ¹⁴ Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere jufíruite. ¹⁵ Iemona afeno itímiemo táijina jénuaide. Iemona afe énie ímie ie tóica meróniai uíñollena orede. ¹⁶ Afémie iere júbie méiniamona meróniai ecáinamona güíacade, íadi ninó buna ie ecáñena. ¹⁷ Afemona afénomo dama comeci facade: “Cue moo jofomo ñue ecaca táijitagano jñi aillo illa! Iaioi jeírillamona fiébifirede. ¡Cue nibai benomo júbieri tíiticue! ¹⁸ Meine cue moo illánomo jáitíicue. Dúciillano íena dáitíicue: Moo, omo fiénidífue finódíicue. Daje izói Juzíñamuimo fiénidífue finódíicue. ¹⁹ Cuena cue jitó dáíñeitioza. Fia o táijitagamiéna mai cue mameri, dáitíicue,” afémie comeci facade. ²⁰ Daií ie comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jitó dine aizícana jaide. Dúciillano ie jitona iere caimare llínote. Llínuano íena ñitade. ²¹ Afe mei jitó ie moona daide: “Moo, Juzíñamuimo fiénidífue finódíicue, daje izói omo finódíicue. Cuena nibai cue jitó dáíñeitioza,” daide. ²² Mei jíaífodo afémie moo ie ocuífíregamacina daide: “Mai raire jamánomo ñúecuiro jenoda atíri, afémie jíálleza. Daje izói ebírede onocai icuifoí jítari. Daje llezica ie eiba ico jítari. ²³ Afe dáaruido farede juráreto jiza fatá atíri. Afe ritá cai irázilleza. ²⁴ Mei bie cue jitó tíilla izóidinomona meine cáadeza. Daje izói ja niné féiraite baitícaíza,” daide. Afemona caimare irázítiaíoi.

²⁵ Bie féiraitímie dúcina llezica, ie ama nánoramie jino jacáfaimo ite. Afénomona bítemo, jofo áinomo dúcidemo íaioi irázilla naa íaioi rúaniai cacaína. ²⁶ Ie jira jofómona daa táijitafíregamie jítócome uáidota jícanote: ¿Mínica rafue finódíiaíoi? ²⁷ Afe jítócome íena daide: “O ama dúcina. Afe jira o moo farede juráreto jiza fatátate, mei ie jitó ñue iránino meine dúcina jira,” daide. ²⁸ Mei áfena fidíillano ie ama nánoramie iere rícaide. Rícaillano jofo afénomo jáiacañede. Afe jira ie moo afémie diné lluájide. Jofo bíllena caimare íena bífúiaide. ²⁹ Afe llezica ie moona daide: “Onódioza díga fimona o díga ñue táijííredíicue. Jaca o uaina oni caitáfinidíicue. Mei íadi jaca ninó daa duera cabrito cuemo fecáñedio, cue nabáíñiaíri cue irázillena. ³⁰ Mei íadi birui bie o úcube jiruíredíngotíaimo dotádimie bíllamo afémie íena farede juráreto fatátatio,” daide. ³¹ Jira ie moo afémiena daide: “Cue jitó, o jaca cue díga ífiredíio. Cuemo ite raana nana omo dúideza. ³² Mei íadi bie ráfuena cai fínuana ñue jaícina joide, caimare cai íllena, mei o ama tíilla izóidinomona meine bíteza. Daje izói ja niné féiraite baitícaíza,” daide.

16

Aillue jofo jabóidíllaíma izoide rafue

¹ Jesús nane ie llófuegamacina daide:

—Daa aillo ráaredímie ite. Afémieimo ie táijirainina ócuífírede jabóidíllaíma ite. Jíaimaci afe ráaredímiéna lluaíbitiaíoi: “O jabóidíllaíma omo ite ñuera ráaniaína táinomo dotádeza. Afémie figo ocuíñede,” daidíiaíoi. ² Ie jira ráaredímie jabóidíllaíma uáiduano daide: “O finócafuenta cue cacana ¿ñie izói joide? Omo cue iga cue jofo rafue rábiai cuemo izáíbiri, mei cue

jabóidillaímana íñeítioza. Nana omo cue jóonegafue o záitalleza. ³ Iemona afe jabóidillaíma comeci facade: “Cue ocuídímie ja oni cue dotádeza ¿ñie izói fínoíticue? Mairíñedicueza, jacafai tiédímiena ínidicue. Comínimo úcube fia jícana meáruiticue. ⁴ Cue táijina fuille mei jíáie comini cue íaioi llínollena, cue finóllifue ja onódicue.” ⁵ Ie jira nana ie ocuídímie mo ibáredena itímiaí dámierie dáanomo jírrillano daide: “O ibáredena cue ocuídímie mo ¿nieze ite?” fueñeidímie mo jícanote. ⁶ Afémie uai ote: “Cien diga látaniai cáiredijí afémie mo cue íballe ite,” daide. Iemo jabóidillaíma daide: “Benó o íbállibe ite. Mai benó raire ráiillano, cincuéntana llotíbena cúeiri,” daide. ⁷ Afe mei jíáima uáiduano jícanote: “O íbállena ¿nieze ite?” daide. Jira afémie íena daide: “Cien diga costales trigo afémie mo cue íbáredena ite,” daide. Jira jabóidillaíma íena daide: “Benó o íbállibe ite. Cómobemo ochenta diga costales cúeiri,” daide. ⁸ Ocuídímie áfena fídíillano, afe íbállibe táinona méidotímie mo iere báitafue nitade. Iemona ja onóigaza, bínie comini dani íaioi nícidogafuíaína Juzíñamuimo íñotino baímo iere baítadíaoi.

⁹ Bie izói omoi íllena llóitícue. Bie fiénide énie ráaniaído, mai omoi nabáiñiaína maiñori, ráaniaí fuilla méifodo ómoína jofo íaioi llínolleza. Mei ómoimo ite ráaniaí ñue omoi uíñuado omoi ñue íñofirenana jino comínimo ácataitíomoiiza. Afe izói Juzíñamuimo omoi ñue íñofirenamona Juzíñamui ie zííñona illánomo ómoína llínoíteza.

¹⁰ Due jiza ite raana ñue úíñotímie daje izói aillo raa íemo íadi áfena afémie ñue úíñoite. Mei jíáifodo due jiza ite raana figo úíñoñedímie daje izói aillo raa íemo íadi afémie áfeniaí figo úíñoñeite. ¹¹ Ie jira bie fiénide éniemo ite ráaniaí figo omoi úíñoñenia, ¿bu mei zííñona ráifide ráaniaí ómoimo fecalle? ¹² Daje izói jíáimacimo jainaide raana figo omoi úíñoñenia, ¿bu mei ómoimo dúide raa ómoimo fecalle?

¹³ Dáaruído buna mena ocuídímie mo jaináinide. Iaillinoimo o jaináiaídi dáamiena éoitio, jíáimana izíruitio. Daje izói dáamie ñue íñoitio, jíáimana jámairuitio. Mei jira onóigaza: Juzíñamui o náamataja llezica úcube mo abímo náamatanidío, —dínó Jesús úrite. Daí Jesús úrilla llezica fariséuai ímiaí cacáreidiaíoi.

¹⁴ Afe fariséuai úcube na gáidino Jesús úrilla cacáillano uáitano íeri zadáidiaíoi. ¹⁵ Mei jira Jesús daide:

—Comini eróicana ñúemacina abí mamédíomoi, mei íadi omoi comeci ífuenta Juzíñamui ñue onode. Mei jí, comini mameca jamánomoidímiaína Juzíñamui éoide.

Juzíñamui illáimana illarui llua uai naa jiaíai Moisés ocuica uai diga

¹⁶ Jaiáimona Juan Bautista illágimamo, comini Moisés ocuica uaimo dúidiaíoi. Daje izói Juzíñamui uai jino llóraini llógamo dúidiaíoi. Iemo aféruimona bené Juzíñamui illáimana illarui ñuera uai llócaiga. Iemo afénomo jofo íaioi jáillena izire nícidotiaíoi.

¹⁷ Mei bínie naa mona diga niné táinocaiadi, illa diga ocuica uailai táinomo faiñeno ñue ícoimo fuitárede.

Jesús íima ie aí dotájado úrite (Mt 19.1-12; Mr 10.1-12)

¹⁸ Daa come ie aí dotáadi, íemo dótano jíáie ringo óiaídi, afémie ja jíruífue finode. Daje izói afe dotácango aína otímie ja jíruífue mo baíide.

Aillo ráaredímie íemo Lázaronna mámeciredímie diga

19 Daa iere ráaredimie ite. Afémie iere ñúecuiruai jirófiredé; illaíma jítáoi garoillai jítáfiredé. Afémie nágarui ñue finóbilla rafue finófiredé. 20 Daje llezica afénomo dúeredimie Lázaroná mámeçiredimie ite. Afémie abi mallízaina oruide. Ráaredimie naze fuemo ráízai firedé. 21 Bie dúeredimie ráaredimie güirábanimona dótafirega güille alla güífiredé. Ie ráina llezica, jicóniai ie mállie miábifiredé.

22 Afe mei diga irui íllamona dúeredimie tíide. Afémie Juzíñamui abi imaci monamo ite paraiso daína ñúenomo uiga. Afeno afémie Abraham abimo ite. Afe mei jái, ráaredimie tíilla raitíai. 23 Ráaredimie comini duere finólliraimo duere zefuilla llezica, caifo érocaide. Erocaide íadi Lázaro Abraham diga ráinana jicana çide. 24 Iemona afe ráaredimie caillide: “Cai jaii Moo Abraham, cuemo dúecaí. Lázaro bené ore, iere due jiza jáinoina cue jirótai billezica, cue íife manánaitallena. Mei bie iraimo iere duere zefuídícueza,” daide. 25 Mei íadi Abraham íena daide: “Nauí o illáfuemo comeci faca. Aféruillaido iere ñue itio. Mei íadi aféruído bie Lázaro iere duere ite. Mei jáifodo birui afémie benó iere caimare ite. Afe llezica o duere zefuídío. 26 Bie baimo, coco çígiri jáie iere afóredino ite, jira benó itino jáiacade ía, jáinide. Daje izói o illánomo itino caifo benó bíacadaíai ía, bínidaíai.”

27 Mei jira ráaredimie íena daide: “Cai jaii Moo Abraham, Lázaro batí cue moo jofomo o oréllena izire jicádícue. 28 Cue cinco dígade ama benomo bie duere zefuíllanomo íai oi bíñeíllena llotátari,” daide. 29 Mei íadi Abraham íena daide: “Afémacimo Moisés naa Juzíñamui uai llóraini diga çuegana ite. Afe uáíllaimo náfuetaíai oíza,” daide. 30 Jira afe ráaredimie uai ote: “Cai jaii Moo Abraham, jii, mei íadi tíidinomona dáamie íai oímo llúajíadi, íai oi comeci ífuena méidoitíai oi,” daide. 31 Mei íadi Abraham íena daide, “Afémaci Moisés naa Juzíñamui uai llóraini uaina náfuéñenia, daje izói tíidinomona jáidino uaina íñoñeítíai oi,” daide.

17

Fiénidífuemo come baiílla iere jacírede (Mt 18.6-7, 21-22; Mr 9.42)

1 Jesús íe llófuegamacina daide:

—Jaca nágarui comini fiénidífuemo baiítafue íteza. Jáimana fiénidífuemo baiítatimie jñi dúerena! 2 Trigo llaiéra áíllue nofícina afémie çimoímo ícoínota monáíllaimo dotácana baimo ñuera; úrue izói como ínotinomona dáamie fiénidífuemo báítañelleza. 3 Afe izóidemona abí omoi rairuiri.

O ama omo fiénidífue finóadi, afémiena lletari. Afemona afémie illafue íe méidoia, caimare íena uáidori. 4 Mei dáaruído afémie siete dígacaiño o fieni finóadi, íemo siete dígacaiño ona “Ja daií omo íñeítícue” afémie daiízai biadi, jaca ninomo íena caimare uáidoitio, —daide.

Juzíñamui mo cai íñua ríinorede

5 Jesús orécano íai oi Ocuíraimana daide:

—Jamánomo cai ínotari, —daide.

6 Mei jira afe Ocuíraíma íai oína daide:

—Due uáfueña o íñoiadi ríírede raana finóredio. O ínogafue díójina eroide mostaza íjiaí jéenina izoide íadi, bie sicómoro daína aménana bie izói daiíredio: “Caifo ájjicaíllano monáíllajimo zójozai,” daidíonia afe amena o uaina íñoite.

Táijitafíregamíemo dúidífue

⁷ Omoimona daa cómemo ie táijitagamie íadi, afe táijitagamie jacáfaimona táijiano meine bíadi ¿Meita “Mai ráiizaibi, o écaiticue” dáitio? ⁸ Daiínide. Mei jiáifodo afémiena ñue dáitio: “Mai cue güille finori. Güillano cue jirolle llezica nana cue jitailla raa diga bai atíllena, mamériri. Afe méifomo güillano jíroitioza.” ⁹ ¿Meita nana afémiemo ocuállana fínuaana ocuídímie íena “Figora” daírede? Daiíñede. ¹⁰ Afe daje izói, nana Juziñamui ómoimo ocuica omoi fínua fuilla mei, bie izói daírediomoi: “Ñue táijiraimaciñedicaí. ‘Iere figomaci’ caina daíñide. Mei dani caimo duide raa finódicaíza. Baimo jiáie finóñedicaí.”

Jesús diez diga chíñaitino jíllotate

¹¹ Jesús Jerusalemo jailla llezica, Galilea énie fuédamo ite duera jófuego dúcide. Afe jofue daje izói Samaria énie fuédamo ite. ¹² Afe jófuego dúciacana llezica, diez diga chíñaitino jino bai Jesús diné bitíaiói. Mei íadi afémaci Jesúmona bai jica fiébidiaíói. ¹³ Afénomona riire íena daídíaíói:

—Llófueraima Jesús, caimo dúceai, —daídíaíói.

¹⁴ Jesús afémacina cíoillano daide:

—Batí lletárirainimo omoi abi ácataji, —daide.

Afénoimo íaiói jailla llezica íaímo ite duícuai jacáibicaide. ¹⁵ Iemo afémacimona dáamie ie abimo ite duico jacáillana cíoillano, Jesús diné abido bite. Billa llezica Juziñamuimo riire cáimadote. ¹⁶ Jesumo dúcillano afémie ana éniemo fueco diné bíjicaide, Jesuna figura daíllena. Afe bie izói daídímie Samaria ímie. ¹⁷ Jira Jesús daide:

—¿Afe duícomona jíllotaga diez dígamieñede? ¿Néemei jiáie nueve dígamie?

¹⁸ ¿Meita dama bie jicánemierna Juziñamuina abido cáimaduaíbilla? —daide.

¹⁹ Iemona Jesús afe ímana daide:

—Náidacaillano mai jai. O ínuamona o duícomona ja jíllodioza, —daide.

Juziñamui illáimana illirui bíllana nie izói ónoiticaí
(Mt 24.23-28, 36-41)

²⁰ Fariséuai Jesumo jicánotiaíói, “¿Níirui Juziñamui illáimana illirui biite?” Afémie uai ote:

—Juziñamui illáimana billirui jaca cíoñena. ²¹ Afena “Ba nie” daíñide. Daje izói “Bai batí ite” daíñide. Mei Juziñamui illáimana illino omoi cígimo ite, —daide.

²² Afe mei ie llófuegamacina daide:

—Uire jiáiruido daa birui cue illa izódiruina cíocaitiomoi, mei íadi cíoñeitiomoi. ²³ Jiáimaci ómoína dáitíaiói, “Be nie,” íemo nibai “Batí ite” dáitíaiói. Mei íadi afénoimo jáiñeno iri. Daje izói afémacido jáiñeno iri. ²⁴ Mei ameo llairilla mona enéfemona jica jiáinomo cíoina izói, Nanoide fima Jitó billirui afe izói cíocaizaíbite. ²⁵ Mei íadi aferui nai dúciñeille llezica, afémie fueñe jamánomo duere zéfuite. Daje izói bigímaiaí íena ruifíruitiaíói. ²⁶ Noé illágimamo comini iere fiene illa izói, afe izói cue billíruimo comini fiene íitíaiói. ²⁷ Noé ie finoca áillue nocaemo jáiñena llezica, nana comini ie lloga uaina náfueñeno fia güíoidiaíói. Güillano jirófirediaíói. Afe llezica íaiói fiene illafue méidoñeno áireoidiaíói; íemo íaiói jízaníai iníreitaoídiaíói. Jaca daí itíaiói abina Noé jofo áillue nocaemo jaide. Iemo aillo noci bíide. Jamánomo bíllamona nana afémaci coróbaitiaíói.

²⁸ Iemo Lot illágimamo afe izói ite. Juziñamuimo coméciñeno güíoidiaíói. Güillano jirófirediaíói; íbajano fécafírediaíói. Jacáfaiaina ritíaiói, íemo jofóniaína níocaidiaíói. ²⁹ Mei íadi afe Lot Sodoma jófuegona jino bítemo,

monámona réiciai noci biilla izói cocide. Afe llezica iere uzire boode ‘azufre’ daina raa cócia. Afemona nana timádimaci. ³⁰ Cue Nanoide ima Jitódicueza, cue cíocaizaibillirui afe izoite.

³¹ Aféruimo daa come ie jofu caifófecomo íadi, ie jofu eromo ite ráaniaina jofu jaillano báiruainide, afénomona botádeza. Daje izói dáamie jino jacáfaimo íadi, abido ie jofomo bínide. ³² Lot aimo omoi uíbicaí. ³³ Ie caana rairuíacadimie áfena afémiemona féite. Mei íadi ie cáanana lloñédimiemona afe féiraiño, áfena baimo ziiño illínona máíñoite.

³⁴ Iemo nane ómoína dáitícue, cue dúcille naio, mena come dájena ínia llezica, íaillinoimona dáamie oni uille. Jáimie fiébicaite. ³⁵ Daje izói mena ringo daane trigo lláia llezica, íainguaimona dango oni uille, jáingo fiébicaite. ³⁶ Daje izói mena ima jino jacáfaimo táijina llezica, íaillinoimona dáamie oni uille jáimie fiébicaite, —daide.

³⁷ Daí ie dáinana cacáillano, ie llófuegamaci íemo jicánotiaíoi:

—Cai Ocuíraima, ¿mei ninomo?

Jira afémie uai ote:

—Inóniai dáanomo gairízafirenamona, rille rifáillanona ñue onódiomoi. Afe izói fieni finódino oni íaíoi úillemona dani íaíoi duere finóllinona uáfuenta onógaza.

18

Daa fecingo comínimo riire jicánoraimamo jicajifrede

¹ Afe mei Jesús ie llófuegamacimo daa rafue mamede, nágaruillai fáicanocaiño Juzíñamuimo íaíoi jicafireillena. ² Íaíoiña daide:

—Jófuemo daa Juzíñamuina náfuefinide comínimo riire jicánoraima ite. Daje izói jáimacina lloñede. ³ Afe daje jófuemo daa fecingo ite. Afengo afe jicánoraimamo úrizabite. “Cue diga ícíríacadimiena mai ñue jáicina jicánori,” daide. ⁴ Diga ícaíño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacíruiñedicuena, daje izói comini uaina náfueñedicuena, ⁵ mei íadi bie fecingo diga ícaíño cuemo zefuire bíbideza, aféngona ríidoitícue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

⁶ Jira Ocuíraima daide:

—Daí bie fiénide comínimo riire jicánoraima daide. ⁷ ¿Meita Juzíñamui ie nizécanona, afe ie mona naio diga íemo izire jicádinona ríidoñeite? ¿Raíre íaíoiña ríidoiteza! ¿Meita “Fui ómoimo llóitícue” íaíoiña dáíte? Dáíñeite. ⁸ Omoína daidícue, afémie juare dibáiño raíre íaíoiña ríidoite. Mei íadi Nanoide ima Jitódicueza meine cue bíadi, ¿meita cuemo ínotino íite? ¿Meita íñeite?

Fariseo, íemo gobierno íbátaga úcube llínoraima izoide rafue

⁹ Jesús nane jáífue llote, abí ínuana jáíimaci jámairuitinona ñue llófuellena. Daide:

¹⁰ —Mena ima íaillinoi Juzíñamui jofomo Juzíñamuimo úrizaide. Dáamie fariseo ímie; jáíima gobierno íbátaga úcube llínoraima. ¹¹ Fariseo ímie naídácana bie izói Juzíñamuimo úrite. “Moo Juzíñamui, ona figura daidícue, mei cue bie jáíe fiénidino izóíñedicueza. Jaca merírifinidícue, jáíimaci jífuefinidícue, daje izói jiruínidícue. Afe baimo bie gobierno íbátaga úcube llínoraima izóíñedicue. ¹² Naga semánamo ménacaiño güíño ífiredícue

Juzíñamui ióbitallena. Nágari cue oga úcubemona, Juzíñamuimo dúide raamo afémiemo fecáfiredicue,” daide.

¹³ ‘Mei íadi afe gobierno íbátaga úcube llínoraíma monamo érocáiño oni jica fiébite. Dinó ie illa llezica, iere dúeredicue, dainano ie abí iere zuure finode. Fínuano daide: “Aí, Juzíñamui mai cuemo dúecai. jtere fiénidífuiaredimiedicueza!” daide. ¹⁴ Omoína dáitícue, afe úcube llínoraíma Juzíñamui anamo ñue illano jofomo jaide, mei íadi afe fariseo ímie ñue fínoñega jailla. Mei uáfueza, abí ínota jamánomoiacadímie anáfeficaide. Mei íadi abí ínoño comécina mánaidímie daidímie jamánomoidímiena jailla, —daide.

Jesús úruiai ñue illena finode
(Mt 19.13-15; Mr 10.13-16)

¹⁵ Afe llezica comini íaiói jézainidino Jesumo atídiaoí, afémacimo onoi bitállena. Mei íadi áfena ie llófuegamaci cíoillano afe atídina rairuídiaoí. ¹⁶ Mei jíáfodo Jesús ie llófuegamaci uáiduano daide:

—Afe úruiai dama cue diné bitíaióiza. Afémacina rairuíño iri. Mei Juzíñamui illáimana illíruimo jáitino bie úruiai izóidiaoí. ¹⁷ Uáfueña ómoína dáitícue, fia comécina mánaide úrue izóíñedímie Juzíñamui illáimana illíruimo jaca jofo jáíñeite, —daide.

Ráarede jitócome Jesús diga úrilla
(Mt 19.16-30; Mr 10.17-31)

¹⁸ Illáicomimona dáamie Jesumo jicánote:

—Ñuera llófueraíma, zíñoña cue illena ¿nie izóí íredicue? —daide.

¹⁹ Jesús íena daide:

—¿Níbái mei cuena “Fígomiedo” daidío? Abí dine jíáie ñuemiena íñede. Dama Juzíñamui ñuena. ²⁰ Cai ocuína uáillaina cacádoza: “Jíruífueña fínoño iri, jíáimana faño iri, meríño iri, jíámamo taino lloño iri, o moo o ei diga ñue jacírui,” —daide.

²¹ Jira afémie Jesuna daide:

—Bíuallaina cue dúemieniadi jaca nai biruido jeire ófiredicue, —daide.

²² Afena cacáillano Jesús daide:

—Mei íadi omo nai daafue fiévide. Nana omo ite ráaniai fécano, afe íba dúeredinomo ine. Afemona monamo ite zíñoña ráifide raa óiena íteza. Afe o ráaniai fecalle mei, mai cuedo bí, —daide.

²³ Mei íadi áfena cacáillano iere zúucaide, mei afémie iere ráaredeza.

²⁴ Jesús ie zúucaillana cíoillano daide:

—Iere ráaredímie mei íadi ie ráaniaína cue baimo afémie izíruiadi, Juzíñamui illáimana illíruimo jofo jáillena jñí juárena! ²⁵ Camello mámeçirede áillue rille eedo uífodo enéfenemo jailla juánide, mei jíáfodo iere ráaredímie Juzíñamui illáimana illíruimo jaille iere juárede, —daide.

²⁶ Aféfuena cacáidino íena daidíaiói:

—Femona ¿níímie jíllóille? —daidíaiói.

²⁷ Jira Jesús íaióina daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraíma, odo bíllena caimo ite raana fiénocaidicai, —daide.

²⁹ Jira afémie uai ote:

—Uáfueña ómoína dáitícue, Juzíñamui illáimana illano ícoína jofo fiénocaitímie, daje izóí ie móotiai naa ie ámatíari fiénocaitímie, daje izóí ie

ai naa úruiairi fiénocaitimie ³⁰ nai bíniemo ie illa llezica aillo baimo llínoite. Afe mei monamo ziiñona illino máinoite, —daide.

Jesús nane dáanomo ie tíllifue llote
(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaijai Juzíñamui uai llóraini Nanoide fima Jitó cuega uai jino zúilleza. Nanoide fima Jitódicueza. ³² Afeno jicánemacimo cue fécaitiaioi, íemo cuena jifánodoitiaioi, íemo cuena báinoitiaioi, íemo cuena túallaitiaioi. ³³ Iemo cuena rázido fáitiaioi. Afe mei cuena títaitiaioi. Mei íadi daaruiámani íllemona tídinomona meine abido cáadimiena íitícue.

³⁴ Afe bífuiaina afémaci jaca onóñediaioi. Daje izói nímiendo úriteza onóñediaioi, mei aféfuiai afémaci baitánide.

Jesús Jericó ímie uínidimie jíllotate
(Mt 20.29-34; Mr 10.46-52)

³⁵ Jesús Jericó jófueмо ánozilla llezica daa uínidimie io fuemo ráide. Afémie fia úcube jicáfiredé. ³⁶ Aillo comíniai jáillana cacáillano afémie, “¿Níifue comuilla?” daide. ³⁷ Jira afémiemo llotíaioi, “Nazaret ímie bíedo jailla,” daidíaioi.

³⁸ Jira afémie jíriocaide:

—Davidmona comuídimie Jesús, Mesía dainámie mai cuemo dúecai, —daide.

³⁹ Uícodo jáidino afémiena “Uriñeno líicai,” daidíaioi. Mei íadi afémie nai riire caillide:

—Davidmona comuídimie, Mesía ímie mai cuemo dúecai, —daide.

⁴⁰ Iemona Jesús náidade. “Afémie cue diné omoi uaji,” daide. Afémie dúcizaibilla llezica Jesús jicánote:

⁴¹ ¿Minícana jítaidío, omo cue finólleza?

Jira uínidimie uai ote:

—Ocuíraima, meine uído cióacadícue, —daide.

⁴² Jira Jesús íena daide:

—Mai érocai. O ínua ícoínia ja jíllodio, —daide.

⁴³ Daií daina llezica, uínidimie ñue ciode. Afe mei afémie Juzíñamuimo caimátaicana Jesudo jaide. Daje izói nana afe uínidimie jíllonana ciódino Juzíñamuimo caimátaoidiaioi.

19

Jesús Zaqueo uáiduaide

¹ Afe mei Jesús Jericó jófueмо dúcillano, afe jofue cígido jaide. ² Afénomo daa ráaredimie ite. Afémie mámecei Zaqueo. Afémie gobierno íbátaga úcube llínoraímaci illaíma. ³ Bie Zaqueo Jesuna cióiacade ie ónoillena. Ua Jesuna cióiacade mei íadi íena ciónide, aillo comíni íllaza, íemo jíai afémie iere íámieza. ⁴ Ie jira Jesús uícómo aizíicaillano, sicómoro daina aménamo caifo llíode Jesuna cíoillena. Afe amena Jesús jáillino áinori ite. ⁵ Jesús áfedo jailla llezica, caifo íemo érocaide. Iena daide:

—Zaqueo, raire ana bí. Birui o jofomo fiébitícueza, —daide.

⁶ Ie mei Zaqueo raire ana billano Jesuna caimare llínote. Ua Zaqueo jofomo jáidiaillinoi. ⁷ Comíni áfena cíoillano, nana áferi úrizidiaioi. Daidíaioi:

—Jesús fiénidimie jofomo fiébizaide.

⁸ Iemo Zaqueo náidacaillano Jesuna daide:

—¡Ocuíraima, ero! Cuemo ite ráaniaimona dúeredimacimo átuedo fécaiticue. Daa come jífuiano nauí merídícuenia áfena afémiemo meine abido izájiticue. Nane afe emódomo dacaiñoámani afémiemo íiticue, —daide.

⁹ Jira Jesús íena daide:

—Daií o fínuamona Juzíñamui lloga jíllonafue birui jeire o úana ja onódicai. Nauí féiraitio, mei íadi birui ja jíllotagao. Ja Abraham comuítagamiedio. ¹⁰ Mei jíí, o izoide ja oni baiízaidino jenoda jíllotaíbiticue. Nanoide íima Jitódicueza, —daide.

Diez dígade úcubetunimo mameca rafue

¹¹ Jesús bífuiado úrillana comini cacana llezica, afémie daa rafue íaioimo llote. Mei Jerusalemo afémie áinozioicaidemo, afémaci comécido “Juzíñamui illáimana illírui ja raire dúciacade,” daidíaióiza. ¹² Jira Jesús íaioina daide:

—Daa íima ñúemacimona comuídimie. Afémie oni jica jíáiniemo jaide, afémaci illáimana afémie íaioi jóoneacadaíóiza. Afe mei afémie nane abido biite. ¹³ Nai ie jáíñena llezica, ie táijitaganomona diez dígamie uáidote. Uáiduano illa dígamie daa íere ráifide úcubetuni fecade. Feca llezica íaioina daide: “Bie úcubetunido nai cue bíñeille dinó ráaniai oíri. Ua mei, afe fécamo aillo úcubena oni jóoneri,” daide. ¹⁴ Mei íadi dama ie illano comini afémiena éoidiaíoi. Eoillano afémie óodana llóitino orédiaíoi. Llotíaíoi: “Cai illáimana o íllena jítaíñedicai,” daidíaióoi. ¹⁵ Mei íadi afémie illáimana jóonega. Jóonia mei dama ie éniemo jaide. Dúciillano úcubetunillaina igámiaíai bai uáidote. Uáiduano illa dígamie jicánote: “¿Ja nieze úcubena ofítatio?” daide. ¹⁶ Nano jíirigamie íena daide: “Ocuíraima, o úcubemona diez díga baímo óiena nabáidicue,” daide. ¹⁷ Ie jira aféllaíma uai ote: “Íere figora. Ñuera ocuífíregamiedio. Omo due cue ígari ñue ínotioza, diez dígade comini jofue illáimana o jóoneiticue,” daide. ¹⁸ Afe mei nane jíáimie jíirite. Afémie billano daide: “Ocuíraima, o úcubemona cinco díga baímo óiena nabáidicue,” daide. ¹⁹ Nane daje izóí bímiemo uai ote: “O cinco dígade comini jofue lláimana o jóoneiticue,” daide. ²⁰ Afe mei nane jíáimie jíirite. Afémie daide: “Ocuíraima, be o úcubetuni. Ñue jacíruióicana cue éenogaza. ²¹ Mei íere ríimiedioza, ona jacíruiticue. O jóoneñegamona jaca ófiredio. Daje izóí o ríñeganomona jaca ófiredio,” daide. ²² Afe jira aféllaíma íena daide: “Fíénide cue ocuífíregamiedio. Dama o daína uaido ríire omo jicánoiticue. Cue ríirenana onódio íadi, ¿níbái mei cue úcube baímo nabáíñedio? Daje izóí cue jóoneñegamona cue ófírenana onódio íadi, íemo jíái cue ríñeganomona jaca cue ófírenana onódio íadi, ²³ ¿níbái mei cue úcube jíáie úcube iránomo jóoneñedio, abido cue jofomo cue billa llezica afe úcube íemo afe baímo jíáie úcube díga cue llínollena?” ²⁴ Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. ²⁵ Mei íadi afémaci aféllaímana daide: “Íllaíma ero, bímiemo ja diez dígatuni ite. ¿Níbái mei jíáie úcubena iga?” daide. ²⁶ Jira afe illaíma uai ote: “Mei uáfueza ómoína dáititíicue, igámieemo baímo aillo írede. Mei íadi íñegamieemo due ite baírórede. ²⁷ Iemo afe baie cue illaíma íllana óiacañedino, mai bai bené atí. Atiano cue eróicana afémaci tita,” daide.

Jesús Jerusalén jófuemo jofo jaide

(Mt 21.1-11; Mr 11.1-11; Jn 12.12-19)

²⁸ Bie izóí daína méifodo Jesús nai Jerusalén diné jaide. ²⁹ Ja Betfagé jófuemo, íemo Betania jofue díga, afénomo Jesús dúciacade. Afe jofue Olivo idu áinori ite. Afénomo illa llezica ie llófuegamacimona ménamie orede. Íaillinoína daide:

³⁰ —Batí áinori ite duera jófuego ómicoi jai. Dúçillano afénomo cuinaca búrrona cíoitimicoi. Afe búrrono nai buna ráiñena. Zúitano cuemo atiri. ³¹ Daa come ómicoimo jicánoia “Nibái mei uiga” daiñadi, “Cai Ocuíraima jitáillano jicaca” ómicoi daiñiri, —daide.

³² Afe llófuegamaci íaillinoi jaillano nana Jesús íaillinoina daina izói cíozaidiaillinoi. ³³ Afe burro íaillinoi zúitaja llezica burro naama jicánote:

—¿Nibái mei búrrona zuitádimicoi? —daide.

³⁴ Jira afe íaillinoi uai ote:

—Cai Ocuíraima jitailla, —daide.

³⁵ Afe mei ja Jesumo uitíaillinoi. Dúçillano afe burro emodo íaioi iníroina jobédiaioi. Jóbiano afe emódomo Jesús rainádiaioi. ³⁶ Afe búrrodo Jesús jailla llezica, ie jáillao comini íaioi iníroillaina jobédiaioi. ³⁷ Olivo daina ídumona ana íaioi jailla llezica, nana afémiedo jaide Juzíñamuimo ínotino ióbillano caillíodiaioi. Daje llezica Juzíñamuimo iere caimátaidiaioi, mei diga Jesús uaido daina comúdena nauí uícodo cíodiaioiza. ³⁸ Daidíaioi:

—Ocuíraima mámedo bite illaíma caimare iri. Caimare uái illafue monamo íteza. Daje izói Juzíñamuimo ebire ñuefuiaina nitáfireiri, —daidíaioi.

³⁹ Iemo afénomo ite comini cigimo fariseo ímíaina ite. Afémaci Jesuna daidíaioi:

—Llófueraima, odo jáidinona “Uriñeno” o daiñiri, —daidíaioi.

⁴⁰ Mei íadi Jesús uai ote:

—Omoína dáitícue, bimaci úriñenia noñiciai riire úrille, —daide.

⁴¹ Afe mei afe Jerusalemo ánozilla llezica, afe jófueña cíoillano Jesús eede.

⁴² Eiano cómemo úrilla izói afe jófueña daide:

—Nífuenino uái o illífuena iere o onótaacadícue. Birui ñue o illarui. Mei birui afefue ómoimona báinino íteza, aféfuena onónidiomoí. ⁴³ Mei uáfueza fiénidíruillai ómoimo biite. Aféruimo omoi éoidimaci omoi illa onido nágafeníai noñibaníllaina izói ómoína cirínoítiaioi. Afe mei ómoiri riire fúiritiaioi. ⁴⁴ Iemo ana éniemo ona dótaítiaioi. Dótano afe jófuego ite comínina fáitiaioi. Afe llezica nana afe jofue finoina noñiciai ana dócoítiaioi; mei Juzíñamui ómoína caimare uáiduaíbillarui onóñediomoíza, —daide.

*Jesús Juzíñamuimo gairíracó ráfua izói ñue finode
(Mt 21.12-17; Mr 11.15-19; Jn 2.13-22)*

⁴⁵ Jerusalemo ie jofu jailla méifomo, Jesús Juzíñamuimo gairíracomo jofu jáillano afeco eromo ite ráaniai fecáдино naa íbároidinori jino jiude. ⁴⁶ Iaióina daide:

—Jaiái Cuegáuaimo daide: “Cue jofu cuemo úrifireillíco.” Mei íadi afécona merírifiredino jofu izói finódiomoí, —daide.

⁴⁷ Nágaruillai Jesús afécomo llófuefirede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioi fallino jenódiaioi. ⁴⁸ Mei íadi afémie fállena baíñédiaioi, mei nana comini afémie uai iere cacáreidiaioíza.

20

*Illáicomini Jesús ocuifirena ríino jicánotiaioi
(Mt 21.23-27; Mr 11.27-33)*

¹ Afe mei jáíruido Jesús Juzíñamuimo gairíracomo comini llófue. Afe llezica ñuera jíllona uai afémacimo llote. Daií llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi. ² Dúçillano Jesuna daidíaioi:

—Nie riinodo bie ráaniaina finódio áfena cai lloiri. Afe omo ite riino ¿bu mei omo fecaca? —daidíaiói.

³ Jira Jesús íaióina daide:

—Cuemo omoi jicánua izói ómoimo daafue jicánoiticue. Nee mei cue uai omoi ólleza. ⁴ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

⁵ Mei íadi uai oñeno, áfena dani conímamo júfidotiaíói; daidíaiói:

—¿Nie izói mei dáiticaí? “Juzíñamui ocuica” cai daíadi, Jesús cai uai óite, “¿Níbái mei afémiemo ñnoñediómoi?” ⁶ Mei jíáfodo “Comínimona ocuica” cai daíadi, nana comini nófiena cai níjítiaíói. Mei afémaci “Juan Juzíñamui dibénedo úrifirede” jaca daíífrediaíói.

⁷ Iemona afe illáicomini Jesuna daidíaiói:

—Juan báutizaibillena ocuídimeña onóñedicaí, —daidíaiói. ⁸ Afe jira Jesús íaióina daide:

—Daje izói bie ráaniaí cue fínofirena riino ómoimo llóñeiticue, —daide.

Fiénide táijidino rafue

(Mt 21.33-44; Mr 12.1-11)

⁹ Afe mei Jesús comínimo úrilla llezica bifue íaióimo llote:

—Daa come jíricuena eroide úvaíai rillino finode. Afe mei áfemo táijitino nano íanori iba llínollena fecade. Fécano oni jíainomo are íllena jaide. ¹⁰ Afe úvaíai llizilla llezica, ie ocuífíregamie orede, náamamo dúide dibene afénomo táijidinomona jicállena. Mei íadi afémiemo ñeno fájano ie orédaíói. ¹¹ Ie jira jacafai naama nane jíáie ocuífíregamie orede. Mei íadi nane afémiena icida fatíaíói. Fájano ñeno fia meine orédaíói. ¹² Nane afe mei jacafai naama jíáimie orede, mei íadi afe táijidino afémiena bófiano jino orédaíói.

¹³ Iirainomo jacafai naama daide: “¿Nie izói fínoiticue? Cue izíruiga jító óreiticue. Afémaci afémiena cíoillano, nibai afémiena caimare jacírúitíaiói,” daide. ¹⁴ Mei íadi táijidino afémiena cíoillano, jofu conímaíaina daidíaiói: “Bímie uire bie énie máíñoitimie. Mai cai falli. Afe mei bínie cáiena jáiteza,” daidíaiói. ¹⁵ Afe mei jacafai jinomo uillano íena titádaíói.

Jira Jesús jicánote:

—Afe jacafai naama bimácina ¿nie izói fínoite? ¹⁶ Afémie billano afémacimo dúecaiñeno títaite. Afe mei afénie jíáimacimo fécaite, —daide.

Afena cacáillano daidíaiói:

—¿Afe izói cai ílleza Juzíñamui rairuiri! —daidíaiói.

¹⁷ Mei íadi Jesús íaióimo érocaillano daide:

—Iemona, afe Juzíñamui Cuegáuaina ¿nie izói llóiacade? Afe uai bie izói daide: Jofu níraini jámairuillano oni fádoica jíáillirai ja nahí jíáilliraina jaide. Bie daína daííacade, comini jámairuillano ruífíruigamie ja ñuera jica jalleide illáimana jaide.

¹⁸ Afe jámairuiga nofíci maméidimiemo éicitaitimie niné tibérotaitie. Iemo jíái afe nofíci anamo jíitafitino jízefo izói jáítiaíói, —daí Jesús daide.

Gobierno íbátaga úcube rafue

(Mt 21.45-46; 22.15-22; Mr 12.12-17)

¹⁹ Afe llezica lletáraini illaini naa ocuica uai llófuerainiri Jesuna llaitácadiaíói, mei afémacido bie rafue afémie llúana onódiaíóiza. Mei íadi afémaci comínina jacírúitíaiói. ²⁰ Ie jira ñúemaci izói macáidino Jesumo báinino orédaíói. Jesuna comeci féillamona fiéni úritallena orécaíaiói. Afe fiéni ie úrillana cacáillano afémie romano caifóidillaímamo fécaite. ²¹ Jira afémaci Jesumo bie izói jicánotiaíói:

—Llófueraima, onódicaiza jaca ñue illifue llófuefiredio. Daje izói jaícina ñue úrifiredio. Iemo jino cíoidifuiado izire jicánoñedio. Mei jiáifodo Juzíñamuimo cai jáilliodo uáfueña úrifiredio. ²² Caimo llone: ¿Romano jamánomoidillaíma ibátaga úcube ibádicainia ñuera? ¿Ñibai fiénide? —daidíai.

²³ Mei íadi íaii ie facátaacanana Jesús onode. Jira íaiiina daide:

—¿Ñibái mei jíitaja izói cue finódiomoi? ²⁴ Daa úcubetuni cuemo ácataibi. Afétunimo ite uiéco jana ¿bu ie? Iemo afétunimo ¿nie come mámecei cúeina? —daide.

Jira ie uai otíaii:

—Romano jamánomoidillaíma uiéco illa, naa ie mámecei diga, —daidíai.

²⁵ Jira Jesús íaiiina daide:

—Mei íemona romano jamánomoidillaímamo dúide afémiemo fecari. Iemo daje izói Juzíñamuimo dúide Juzíñamuimo fecari, —daide.

²⁶ Nana afémaci comini cacáicana daina uáillaído ja Jesuna jaca jíitanidiai. Mei jiáifodo ie uai úana cacáillano fáigacaidiaí. Afe mei íaii uai ollifue iñédeza úriñediai.

Tíide comini meine abido cáaille jicánotiai

(Mt 22.23-33; Mr 12.18-27)

²⁷ Afe mei saduceo ímíai Jesús diné jaide. Afe saduceuai tíidino meine abido cáañeite daiífirediaí. Jira bimaci Jesuna bie izói daidíai:

²⁸ —Llófueraima, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiai ie tíide ama méifomo comuállena. ²⁹ Mei nauí cai cígimo siete diga ámaredimíina ite. Nanódimie áireillano nai úruenino tíide. ³⁰ Afe méifoidimie afe fecíngo ote. Ie mei afémie daje izói úruenino tíide. ³¹ Afe mei nane jíámie daango ote. Uano nai úruenino tíide. Daje izói nana afémie ámatiai daango uano úruenino tíidiaí. ³² Iirainomo ja afengo tíilla. ³³ Iemona comini tíillano meine abido cáailiruimo, mei siete dígamie afengo óteza, afengo ¿nie iima aina mámeite? —daidíai.

³⁴ Ie jira Jesús uai ote:

—Bie éniemo ííñiai áirediaí. Daje izói ringóniai inírediaí. ³⁵ Mei íadi uire monamo jáitena mamécano, daje izói tíidinomona meine abido cáaitena mamécano jaca ánitiaí. Daje izói afénomo íaii jízatiaína jíámimo iníreitañeitiaí. ³⁶ Mei afénomo buna tíinideza. Iemona afémaci Juzíñamui abi imáciai izóidiaí. Tíillanomona meine abido cáailledo Juzíñamui jíitíina ja mamécaiaí. ³⁷ Jaii Moisés illafue ciegánicomo Juzíñamui tíidino meine abido cáailana caína onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuidicue naa Isaac Jacob diga,” mei afémaci Juzíñamui illánomo cáadiaíiza. ³⁸ Mei uáfueza, Juzíñamui tíidino íeñede, mei jiáifodo cáadino ie. Mei uáfueza, Juzíñamui eróicana nana cáadiaíiza, —daide.

³⁹ Iemona ocuica uai llófueraímimona dáarie daidíai:

—Llófueraima, ¡ñue daidio! —daidíai.

⁴⁰ Afe baimo Jesús facátalle uaina baiñediaí.

Cristo ie nano comúdimie ¿bu?

(Mt 22.41-46; Mr 12.35-37)

⁴¹ Afe mei Jesús íaiiina daide:

—¿Ñibái mei Crístona David jíto dáíifirena? ⁴² Mei afe David Salmos rabénicomo dáideza:

Monamo ite cai Moo Juzíñamui cue Ocuíraimana daide:

“Bené cue nabézimo ráii;

⁴³ ona éoidino cue anáfenolle dino.”

⁴⁴ ¿Mei nie izói Cristo David jitó? Mei afe David afémiena ie Ocuífiredimiena mamédeza, —daide.

Jesús ocuica uai llófuefiredinomo fénidifue nitade

(Mt 23.1-36; Mr 12.38-40; Lc 11.37-54)

⁴⁵ Nana comini cacáicana Jesús ie llófuegamacina daide:

⁴⁶ —Ocuica uai llófuefiredinomona abí omoi rairuiri. Afémaci “jácimacidica” daiíllena áreoi jitáfirediaioi. Afémaci gairíranomo jáiadi, iere caimare uáiduana gáidiaioi. Afe izói Juzíñamuimo llófueriracomo ñuera ráiiranuai jénofirediaioi. Daje izói iráizillafue finua llezica jénofirediaioi.

⁴⁷ Daje llezica fecíngotiai jofona báirofirediaioi. Afémaci comini cíocana ñúemacina daiíllena, are Juzíñamuimo úrifirediaioi. Afémaci jáimaci duere finolle baimo duere finólliaioi, —daide.

21

Dúerede fecíngo Juzíñamuimo úcube fecade

(Mr 12.41-44)

¹ Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóneranomo úcube dótana ciode. ² Afe llezica dúerede fecíngo cobre finoína mena úcubetuni dótajana Jesús ciode. ³ Cíoillano daide:

—Uáfueña ómoína dáitícue, bie dúerede fecíngo nana jáimaci baimo dotade. ⁴ Mei nana afémaci íaioimo fiébide úcubemona dotádiaioi. Mei íadi bie fecíngo dúerede íadi nana aféngomo ite güille íballe úcube dotade, —daide.

Jesús Juzíñamuimo gairíraco niné táinocaite, daide

(Mt 24.1-2; Mr 13.1-2)

⁵ Cominimona dáarie Juzíñamuimo gairíraco ero ebire cíoina llotíaioi. Daje izói afécomo ite noficiai finoína ebire cíoina llotíaioi. Afe izói afécomo fia fecaca ebírede ráaniai llotíaioi. Afe jira Jesús daide:

⁶ —Nana bie omoi ciona ebire eróidinuiaí uire dáaruido niné táinoficaite. Bico ero ñuera nofítofiaí illa dígatofiaí oni eneno júdaizite, —daide.

Enie fúiacana cai onóillena lloga uai

(Mt 24.3-28; Mr 13.3-23)

⁷ Jira Jesumo jicánotiaioi:

—Llófueraima, o lloga bífuiái ¿ñiruído íite? Bifue zúille uícodo cai onóille raa, ¿nie izói íite? —daiídiaioi.

⁸ Jira Jesús daide:

—Omoi jífuefiza abí omoi rairuiri. Mei afe llezica díga “Cue bie Crístodícue” dáitino bíitiaioiza. Afe izói “Ja birui aferui” dáitiaioi. Mei íadi afémaci llógamo íinoñoeno iri. ⁹ Comini jóbairillana omoi cacáiadi áferi jácinaíñoeno iri. Daje izói jáíe comini íaioi illaíma uáitano jáímiena méidoiacanari jácinaíñoeno iri. Mei uícodo daí íredeza, mei íadi íraírui nai dúcíñedeza.

¹⁰ Iemo Jesús nai úrioicaide:

—Daa nairai jáíe nairai díga fúiritiaioi. Daje izói daa zie jáízie díga jóbairitiaioi. ¹¹ Afe llezica díga ígobaiado énie iere riire docáirite. Daje izói aillo nairai júbietaitiaioi, íemo jáí aillo comini dáagoberiedo duícotaitiaioi. Aféruído monamo aillo cai jácinaítaite raa cíocaite, naa énie fülle joréñuairi.

¹² Mei íadi nana bífuiái jino déiacana uícodo, fiéni finóllena ómoína lláitaitiaioi. Daje izói ómoína rácaitiaioi. Iemo Juzíñamui uai llorácomo ómoína uillano riire jicánodoitiaioi. Iemo ómoína llavéracomo íbaitiaioi. Afe llezica cuemo omoi

jainaina jira, jamánomoidillaini naa jabóidillaini uícomo ómoína úitíai. ¹³ Daií omoí íai. ¹⁴ Abí omoí ríidolle uaimo uícodo omoí comécillena riire mamériñeno iri; ¹⁵ mei aféruimo afémaci uailai omoí olle uaina ómoimo llóiticueza. Afe llezica ómoína ráfuenta ñue baitátaiticue. Afemona omoí éoidino ómoína jaca uáitanidiai.

¹⁶ Mei íadi aféruimo omoí onóigamaci Crísto omoí ínua jira ómoína duere finóllena jíaimacimo izájitíai. Daje izóí omoí ámatíai Crísto omoí ínua jira ómoína fécaítíai, íemo omoí móotíai dáafuedo ómoína fécaítíai, daje izóí jíai omoí nabáíñíai dáafuedo ómoína fécaítíai. Omoimona dáarie títítíai.

¹⁷ Aféruído nana nairai cue ícoiniadi ómoína éoitíai. ¹⁸ Mei íadi omoí ífótíraimona, daa táinomo báíñeite. ¹⁹ Iemo fáicanocaiñeno omoí ínuiadi, zíñona cáallinona máíñoitíai.

²⁰ Jerusalén jofue fuiríraini nágafene afeno cirínoia, áfena cíoillano, áfedo raire táinocaillena ónoitíai. ²¹ Afe jira afe llezica Judea éniemo itínuiái caifóneduaimo botáredíai. Daje llezica Jerusalemo itínuiái afénomona oni jica jáiredíai. Iemo jacáfaimo itino meine abido afe jófuemo jáinidiai.

²² Mei afe comíni duere finólliruiamo ja dúcidez. Aféruillaído nana jaiaí Juzíñamui Cuegáuái ícoimo ñue fuitárede. ²³ Afe llezica namóciredíngotíaina ¡Ñí dúerena! Daje izóí monoi jirode úruena llíidíngotíaina ¡Ñí dúerena! Mei aféruillaído afénomo aillo izi cácaítíai. Afe énie comíni jamánomo duere finóllíai. ²⁴ Afémacimona jíaimaci jóbairillanomo títítíai. Iemo jíaimaci nana nairai illánomo íaióina llavétaitíai. Juzíñamui mamécaruillai dieze, jícanemaci Jerusalén anáfenuano júdaítíai. Afe mamécaruillai fuille dino afe jófuena fieni fínoitíai.

Nanoide fima Jitó Cristo billíruí ñue izoite
(Mt 24.29-35, 42-44; Mr 13.24-37)

²⁵ Afe mei jítómamo, fíuimo, naa úcuairi jacírede raa jánaníai cíocaite. Afe llezica náiraíai comeci faca mamérilla uailai niné féite. Iemo monáillají fíciere báguari jacínaitíai. ²⁶ Bíníemo comuízaide raamo comécillano iere jacínaitíai. Ie jacínaillamona tíidino izóí íficaitíai. Mei afe llezica nana monamo itínuiái riire mozíoide ráaníaí niráírícaíteza. ²⁷ Afe mei Nanoide fima Jitó Crístono cíoitíai. Afémie íemo ite ríino naa dama íemo ite ebíredífuiaíri uíllíedo ana bite. ²⁸ Bífuaí jino zuílle llezica, ñue omoí mamériri; íociere omoí érocari. Mei íanori íllamona omoí jíllotallíai, —daíde.

²⁹ Daje izóí nane bie aménamo mamécáfue Jesús íaióimo llote:

—Higuera daína aménamo comeci omoí facari. Daje izóí nana jíaíe aménamo omoí comécíiri. ³⁰ Íai. ³¹ Bífuaí jino zuíllana omoí cíónamona, “Juzíñamui illáimana billíruí ja ánozide,” daíredíai.

³² Uáfuenta ómoína dáitíicue, bigímaíai naí tíñeille llezica nana bie raa jino zúite. ³³ Mona énie díga fúite, mei íadi cue uailai jaca fúíñeite. Cue lloga raa nana zúite.

³⁴ Omoí comeci rírelleza abí omoí rairuiri. Mei iere aillo güíacanamona come comeci riire jáite, daje izóí jífáífirenamona. Daje izóí daní omoí abí ífue níciíduamona come comeci riire jáite. Jira cue billíruimo omoí jácinaiñelleza áfena abí omoí rairuiri. ³⁵ Mei rille jíitafirena raa ónonino jíitaja izóí, afe izóí aferui nana énie comínina jíitáíteza. ³⁶ Jica ía maí ñue omoí finóbiri. Jaca fáicanocaiñeno Juzíñamuimo omoí úrífireiri, afe nana bie zúitífuiaimona omoí

jilloillena. Daje izói Nanoide Hima Jitó uícomo meáiruiñeno omoi nádaillena, jaca Juzíñamuimo úrifireillano, jica ia ñue omoi finóbiri, —daide.

³⁷ Jesús monari Juzíñamuimo gairíracomo llófufirede. Afe mei naio, Olivos daina ídumo íniaifirede. ³⁸ Nana comini afémie llófuiana cacáreillena nágarui raire jítiramo bífrediaioi.

22

Jesús llaitállena maméritiaioi

(Mt 26.1-5, 14-16; Mr 14.1-2, 10-11; Jn 11.45-53)

¹ Fáitañeno pan güífirera rafue ja ánozide. Afe rafue jiáifodo mameina pascua rafue. ² Iemo lletáriraini illaini naa ocuica uai llófuetinori Jesús fállena jenódiaioi, mei afe llezica comínina jacíruitiaioiza.

³ Iemo aféruído Taife Judas Iscariótemo jofo jaide. Afe Judas doce dígade Jesús orécamacimona dáamie. ⁴ Afe bímie lletáriraini illáinimo naa gairíracomo ocuínomo Jesús íaioimo fecállena llujáide. ⁵ Afena cacáillano íóbidaioi. Iemona, “Ucubena o íbaiticaí” daídíaioi. ⁶ Iemona ie íaioi íbaja úcube llínote. Iemo Judas aféruimona comini figo iñena llezica Jesús íaioimo izájillena jenode.

Cai Ocuíraima íraicaiño güillafue

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Ja fáitañega pan güilláruimo dúcide. Afe llezica aféruimo pascua íena ovejai fáfírega. ⁸ Jira Jesús Pedro, Juan íaillinoína ocuide; daide:

—Mai pascuamo güífirera izói uícomo ómicoi finori, —daide.

⁹ Jira afémiemo jicánotiailinoi:

—Afena ¿ninomo finuaitcoco? ¿Ninomo áfena güíacadio? —daide.

¹⁰ Jesús íaillinoína daide:

—Batí jófuego ómicoi jaille llezica, ícírudo jainoi uitímie cíotiomicoi. Afémiedo jairi. Afe mei afémie jofo jáillicomo jofo ómicoi jai. ¹¹ Afénomo afe jofo náamana ómicoi daíri, “Cai Ocuíraima ona daide: Cue güillico ¿ninomo ite? Afécomo cue llófuegamaciri páscuamo güífirera izói güíticue.” ¹² Afe mei afémie caifóidibanimos ite áillocona ácatate. Afeco ero ja ñue finóbide, afécomo cai güille finori, —daide.

¹³ Iemona afe íaillinoi jaillano, nana Jesús íaillinoína daina cíozaidiaillinoi. Iemona afénomo pascua rafue ana güífirera izói, güille finódiaillinoi.

¹⁴ Ja nauízaidemo güizájilla llezica Jesús naa ie oréllinori dáanomo ráizitiaioi.

¹⁵ Afe llezica Jesús íaioína daide:

—Nai cue tíñena llezica bie pascua ana güífirera izói omoi díga iere güíacadicue. ¹⁶ Mei ómoína dáitícue, bie ie rafue dáanomo meine güíñeitícue. Bie rafue Juzíñamui illáimana illíruimo bíñeille dino güíñeitícue, —daide.

¹⁷ Daí daina mei jiróraco llínnota Juzíñamuina “Iere figura” daide. Afe mei íaioína daide:

—Bie llínnota, conímamo omoi fecari, ¹⁸ mei ómoína dáitícue, Juzíñamui illáimana illírui nai dúciñena dino, nane dáanomo uva íjina jaca jíroñeitícue, —daide.

¹⁹ Afe mei pan llínnota, Juzíñamuina “Iere figura” daide. Daí dainano afe pan dídade. Pan díitano afémacido fecade. Afe llezica daide:

—Bie cue abíza. Tíillinomo fecállícue omoi ñue íllena. Cuemo omoi úbicaifireillena bie izói omoi finófireiri.

²⁰ Daje izói güilla fuilla mei jiróraco llínnota, íaioimo fécajano daide:

—Bie jiróraco eromo ite iji Juzíñamui ómoiena mameca cómue uai ómoína onótaite. Afe ie mameca cómue uai, uafue daiíllena cue die totálleza, mei cue die omoi ñue íllena totálleza.

²¹ Mei íadi cue fécaitimie birui benó cue diga güite. ²² Mei jii, Nanoide Iima Jitó Crístodiceza, jaiái uícodo cuemo mameca iodo jáitícue. Mei íadi cue fécaitimie, jiii dúerena! —daide.

²³ Afe jira conímána daidíaioi:

—¿Cáimona bu mei ie fecalle? —daidíaioi.

Conímamo jamánomoidimie júfidotiaioi

²⁴ Afe mei dani afémaci cígimona níimie jamánomoidimiena daina júfidotiaioi. ²⁵ Mei íadi Jesús íaioína daide:

—Nairai illaini íaioi anamo itínona riire ocuífirediaioi. Daje izói íaioi ocuídina, jáimaci “Omoi ñue finódino” daiífirediaioi. ²⁶ Mei íadi omoi afe izói iñeno iri. Mei jáífodo omoi cígimo ite jamánomoidimie, afémie jáimaci baimo jamáimiena írede. Daje izói ómoimona ocuífiredimie jáimacina canófredimiena írede. ²⁷ Bífuego omoi coméciri. Dámie güirábanimo güíllena ráina llezica, jáimie güille bai atífreda. Afe íaillinoimona ¿bu mei iere jamánomoina? Mei uáfueza, güirábanimo ráiidimie jamánomoina. Mei íadi cue omoi cígiri ocuífiredimie táijifiredimie izói itícue.

²⁸ Comini fiéni cue facátafirena llezica jaca cue diga ífiredimoi. ²⁹ Ie jira cue Moo illáimana illánona cuemo illa izói, afe izói ómoimo ítícue. ³⁰ Afena ómoimo ítícue, cue illáimana illánomo cue diga omoi güíllena. Daje izói afe llezica afénomo illaíma ráiranomo ómoína ráinaitícue, doce dígade Israel náiraimo izire omoi jicánollena, —daide.

Jesús Pedro ie jáanollena uícodo llote (Mt 26.31-35; Mr 14.27-31; Jn 13.36-38)

³¹ Ocuíraíma Jesús nane daide:

—Simón cácarei. Taife ona facátaiacade. Comini magai izilla izói ona izíacade.

³² Mei íadi Juzíñamuimo ja jicádícue Juzíñamuimo o ínnua féitañeíllena. Iemo afe facátainamona abído o bille méifodo, o ámatiai canori, íaioi íinogafuena íaioi fáicanocaiñeíllena, —daide.

³³ Iemona Simón Jesuna daide:

—Cue Ocuíraíma, llavéracomo o diga cue jáillena ja finóbídicue. Daje izói afénomo o diga cue tíllena ja maméritícue, —daide.

³⁴ Jira Jesús íena daide:

—Pedro, birui ona dáitícue, átava nai úriñena llezica daacaiñoámani, cuena jáanoitio, —daide.

Jesús facátalle hora ja áinozide

³⁵ Afe mei Jesús ie llófuegamacimo jicánote:

—Nauí ómoína cue ória llezica, ipécona uiñeno, daje izói úcubena uiñeno, íemo jáí eiba icona uiñeno, fia omoi jairi, daidícue. Aféruimo ¿minica ómoimo nai iñena? —daide.

Jira afémaci daidíaioi:

—Aféruimo ja nana ñue ite, —daidíaioi.

³⁶ Iemona Jesús íaioína daide:

—Mei birui jáífodo daidícue. Ipécoredimie mai afena ui. Daje izói úcuberedimie úcubena ui. Iemo jáí lloéfainidimie íemo ite iniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo

fuitáredeza. Be níuui: “Fiénidimaci cígimo cuena mamédiaioi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Iemona afémaci daidíaiói:

—Cai Ocuíraima, caimo mena lloefai ite, —daidíaiói.

Afémie uai ote:

—Jadie ja figo baite, —daide.

Jesús Getsemanímo Juzíñamuimo úrite

(Mt 26.36-46; Mr 14.32-42)

³⁹ Afe mei Jesús oni jaide. Ie jáifirena izói Olivos ídumo jaide. Afe llezica ie llófuegamaci afémie diga jáidiaioi. ⁴⁰ Ie jáillanomo dúcillano daide:

—Fiénidifuemo omoi báiiñeilleza Juzíñamuimo úrifireiri, —daide.

⁴¹ Afe mei Jesús comini nofici bai nitáfirena dino afémacimona oni jaide. Afénomo Juzíñamuimo jicállena ana dújude. ⁴² Daide:

—Moo, o comeci jitáiadi, bie duere cue zefuállifuemona cue jíllotari. Mei íadi cue comeci jítaina izói finóñeno iri, mei jááfodo o comeci daina izói finori, —daide.

⁴³ Afe llezica Juzíñamui abi ímie monámona Jesumo cíocaide; afémie Jesuna maírítaibite. ⁴⁴ Iemo Jesús ie comeci jamánomo zúurena llezica, afémie Juzíñamuimo iere riire jicade. Afemona iere uzínaila izói ie abi úllie iere jino bite. Afe jino bite úllie ie die izoide. Afeji ana éniemo llocode.

⁴⁵ Juzíñamuimo ie jícaja fuilla mei, afémie ie llófuegamaci diné jaide. Inídiaioina cíozaibite, mei zuufue inítagaiaioi. ⁴⁶ Jira íaioina daide:

—¿Níbái mei inídiomoi? Fiénidifuemo omoi báiiñelleza cazíllano Juzíñamuimo úrifireiri, —daide.

Jesús llaitada uitíaiói

(Mt 26.47-56; Mr 14.43-50; Jn 18.2-11)

⁴⁷ Jesús nai úrioidemo aillo comini dúcidiaioi. Afe doce dígadínomona Júdasna mámeciredímie bitino ifode. Ainozillano afémie Jesús ñitade. ⁴⁸ Jira Jesús afémiena daide:

—Judas, ¿Nanoide íima Jitó o ñítafuedo fécaibitio? —daide.

⁴⁹ Jesús abimo itino áfena cíóillano jicánotiaioi:

—Cai Ocuíraima, ¿bimaci diga lloéfaido fúriticai? —daide.

⁵⁰ Afe llezica afémacimona dáamie lletáriraini caifóidillaíma ocuífirégamie bofede. Ie jefo nabefo ñetade. ⁵¹ Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácámie jefo jetánote. Afena afémie jacáitate.

⁵² Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái merírifiredímiedicue izói lloéfaillairi, naa bigíniari cuena lláitaibitioi? ⁵³ Naui nágaruillaído Juzíñamuimo gairíracomo omoi cue llófuefirena llezica, jaca cuena jetáñediomoi. Mei íadi birui omoi jitaica raa finóllirui. Naio comini ibailla izói, ja birui Taife bínie náamatade, —daide.

Pedro Jesuna jáanote

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Iemona Jesús llaitada, lletáriraini caifóidillaíma jofomo uitíaiói. Afe llezica Pedro bai jicado jaide. ⁵⁵ Afénomo afeco cigi ibírimo irai bonódiaioi. Aféramo agáidiaioi. Iemo Pedro afémaci cígimo agáizaide. ⁵⁶ Iemo afénomo ite ocuífiréngano irai fuemo Pedro ráinana cíode. Afe mei afengo daide:

—Bímie jaca Jesús diga ífirede, —daide.

⁵⁷ Mei íadi Pedro jáanuano daide:

—Afémiena onóñedicue, —daide.

⁵⁸ Afe mei íanori íllamona jíáimie íena cióillano daide:

—O bie afémaci iéδιο, —daide.

Mei íadi Pedro daide:

—Ieñede; cue bie afémaci ímieñedicue, —daide.

⁵⁹ Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

⁶⁰ Jira Pedro daide:

—O úrillana onóñedicue. ¿Minica llotio? —daide.

Ja Pedro úrioidemo átava úrite. ⁶¹ Iemona Jesús Pédro mo érocaide. Afe llezica Pedro afémiena daináfue mo uíbicaide. Be níuui: “Atava nai úriñena llezica daciñoámami cuena jáanoitio.” ⁶² Afemona Pedro jino jaillano zuure eede.

Jesús jífánodoídiaíoi

(Mt 26.67-68; Mr 14.65)

⁶³ Jesús llaítada úiñotino afémiena jífánodoíano razido íena fatíaíoi. ⁶⁴ Daje llezica ie ui íbáillano, ie uieco fátano daídíaíoi:

—¿Bu o faaja? ¡Onóillano jino llone! —daídíaíoi.

⁶⁵ Afe llezica diga jíáfuiáido íena báíñotiaíoi.

Dáanomo gairide illáicomini uícomo Jesús uitíaíoi

(Mt 26.59-66; Mr 14.55-64; Jn 18.19-24)

⁶⁶ Ja mona monáidemo judíuai éicomini, naa lletáriraini illaini, naa ocuica uai llófuetinori dáanomo gairídiaíoi. Afe gairítaga illáicomini “Junta Suprema” dainámaci. Afénomo Jesús uillano, jícanotiaíoi:

⁶⁷ —Caimo llone, ¿o meita Crístodio? —daídíaíoi.

Jira afémie uai ote:

—Afena jíi daídícuenia, cuemo ínoñeitiomoi. ⁶⁸ Daje izói jíáfue ómoimo cue jícanoia, íbana uai óñeitiomoi. Afe izói cuena zúitañeitiomoi. ⁶⁹ Mei íadi benómona Nanoide íima Jitó Cristo jamánomo ríinorede Juzíñamui nabézimo ráinaite, —daide.

⁷⁰ Afe mei nane afémiemo jícanotiaíoi:

—¿Meita o Juzíñamui Jitódio? —daídíaíoi.

Jira Jesús íaiíoi uai ote:

—Jíi, dani omoi daina izói nímiedicue, —daide.

⁷¹ Iemona afémaci daídíaíoi:

—Ja jíáie uai nábitinona jítaíñedicaí. Cai bie dama ie fuémoma ie fienu úrillana cacádicaí, —daídíaíoi.

23

Pilato uícomo Jesús uitíaíoi

(Mt 27.1-2, 11-14; Mr 15.1-5; Jn 18.28-38)

¹ Iemona nana náidacaillano Jesús Pilátomo uitíaíoi. ² Afénomo diga fiénidífuiaí íemo jóonetiaíoi. Daídíaíoi:

—Bímie cai comínimo icírafue comuítajana ciódicaí. Iemona comini áferi faillíñaicaidiaíoi. Afémie “Romano jamánomoidillaíma íbátaga úcube íbánidicaí,” daide. Afe llezica afémie “Íllaíma Crístodicue” daíífirede, —daídíaíoi.

³ Jira Pilato afémiemo jícanote:

—¿Meita o judíuai Ílláímana? —daide.

Jira Jesús uai ote:

—O daina izói, jíi nímiedicue, —daide.

⁴ Iemona Pilato lletáriraini illáinina, naa comíniri daide:

—Bie cómemo fiénidifueña baiñédicue, —daide.

⁵ Mei íadi dáanomo riire daidíaiói:

—Nana Judea comínimo ie llófueinafuiaido icírafue íaióimo comuítate. Fueñe Galilea éniemo daií finode, íemo birui cai éniemo nágagobiaido daje izóí finode, —daidíaiói.

Herodes uícomo Jesús uitíaiói

⁶ Jesús nauí Galiléamo llófueoinafueña Pilato cacáillano, jicánote:

—¿Bie íima Galilea ímie? —daide.

⁷ Comíni daií daidíaióimo, Heródesmo íena orede, mei afémie Galilea illáimana. Aféruillaído Herodes Jerusalem ite. ⁸ Herodes Jesuna cióillano iere ióbicaide. Jaiái ninomo íena cióiacade. Comíni Jesudo dáinana Herodes cacáfirede. Iemona Jesús daa ciórainina raa fínuana Herodes cióacade. ⁹ Iemo Herodes diga icaiño diga ráfuiaí íemo jicájicanode. Mei íadi Jesús jaca uaina oñede. ¹⁰ Dáanomo lletáriraini illáini ocúicafue llófuerainiri itíaiói. Bimaci Jesumo fiénidifuiái riire jónetiaíói. ¹¹ Iemona Herodes ie fuiríraini diga Jesuna ja jámairuitiaíói; iere íena áifedotiaíói. Afe mei ebírede illaíma iníroina íemo jítadiaíói; jítamona daií afémie jifánodoídiaíói. Afe meífomo Herodes dáanomo Jesuna Pilátomo orede. ¹² Aféruído Pilato Herodes diga daje nabaina mameide. Jaiái uícodo are conímana éoidiaillinoí.

Jesús titállena mamédiaíói

(Mt 27.15-26; Mr 15.6-15; Jn 18.39–19.16)

¹³ Afe jira Pilato lletáriraini illáini, íemo riímaci naa comíni dáanomo gairítano daide:

¹⁴ —Bie omoi lloga comínimo icírafue comuítatímie. Mei íadi omoi cacáicana izire íena jicánoticue. Jicánuamona ie fiéni finócafueña baiñédicue. Afena cacádiomoi. Daje izóí afémiemo omoi nitaca fiénidifuiái cióñedicue. ¹⁵ Daje izóí Herodes níifueña cióñenano afémie abído cuemo orede. Ja ciódiomoiiza, bímie titállena íñede. ¹⁶ Afémiena zechétaiticue. Afe mei afémiena zuitada jino óreiticue, —daide.

¹⁷ Afe rafue ana comíni cáimacaitallena, Pilato daa llavécamiéna zuitáfirede. ¹⁸ Mei íadi nana comíni dájena riire daidíaiói:

—Bie Cristo oni jica titálleza. Barrabás caímo zuitari, —daidíaiói.

¹⁹ Nauí afe Barrabás llavéracomo llavédiaíói, mei afémie jofue comíni uáitajano jíáie illaíma jóoneacade. Afe llezica afémie jíáimana ie tita ícoínia llavédiaíói. ²⁰ Pilato Jesuna zuitáacade. Iemona dane dáanomo íaióimo úrite.

²¹ Mei íadi afémaci riire daidíaiói:

—¡Cruzmo ie coraí! ¡Cruzmo ie coraí! —daidíaiói.

²² Ja dacaiñoámani Pilato íaíoiña daide:

—¿Níbái mei ie títaiticue? ¿Afémie níé fiénidifue finode? Ie cue titalle fiénidifueña íemo baiñédicue. Afémiena zechétaiticue. Afe mei afémiena zuitada jino óreiticue, —daide.

²³ Mei íadi afémaci Jesús coráillena riírerie jicádiaíói. Jamánomo riírerie íaiói jícajama, íaiói jitaica otíaíói. ²⁴ Iaiói jícajana are illa ícoínia Pilato fairíote.

²⁵ Afe jira nana llavécanuiaímona afe nízecca Barrabás Pilato zuitade. Afe Barrabás illaíma uáitano jíáillaíma jóoneacana ícoínia íena llavédiaíói. Afe izóí jíáima ie tita ícoínia, llavédiaíói. Mei íadi Pilato afe comíni jitailla izóí Jesuna fecade.

Jesús cruzmo coráidiaíói

(Mt 27.32-44; Mr 15.21-32; Jn 19.17-27)

²⁶ Jesús íaioi coráiailla llezica Cirene énie ímie Simona llaitádiaioi; Jesús uiga cruz íena uitátatiaioi. Afémie jino jacáfaimona jófuego bite. Jira Jesús rocaca cruz Jesús óodana uitátatiaioi.

²⁷ Afe llezica diga comini afémie óodana jáidiaioi. Daje izói diga ringóniai afémieri zúucaillano éecana jáidiaioi. ²⁸ Mei íadi Jesús aféngotiaimo érocaillano daide:

—Jerusalén ringóniai, mai cueri éeñoeno iri. Mei jáífodo dani omoi abiri eeri. Daje izói dani omoi úruiaimo eeri. ²⁹ Mei jamánomo zúurediruillaimo dúcítiaioiza. Aféruimo bie izói dáitiaioi: “Uruena comuítanedingotiai, jñi caimare illa! Daje izói úruenidingotiai, jñi caimare illa! Afe izói úrue mónoina jirótanedingotiai, ni caimare itíaioi.” ³⁰ Aféruimo comini caifóneduaina dáitiaioi: “Cai emódomo jaíri,” dáitiaioi. Afe izói duera íduaina dáitiaioi: “Cai retáidori” dáitiaioi. ³¹ Mei birui nífuenidimiedicue ia bie izói duere cuena finódiaioi. Iemona jáíruido fiénidino cue duere zefuilla baímo duere finólliaioi, —daide.

³² Afe llezica mena come, comini fáfiredino Jesús diga daane coráillena uitíaioi. ³³ Calavera maméidinomo dúcillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jáímie ie jarífezimo coráidiaioi. ³⁴ Ie íaioi coraína llezica Jesús daide:

—Moo, íaioi fiéni finócafue iba oñoeno iri; abina onóñediaioi daí níaza, —daide.

Afe mei fuiríraíni onótarají dotádiaioi Jesús iniroi áfedo dani íaioi maíñoíllena. ³⁵ Afénomo ite comini acáritiaioi. Afémaci naa nairai imaci illáicomíniri afémie áifeduardo daidiaioi:

—Jáimana jílotaíredioza, ua o Cristo o íadi, daje izói Juzíñamui nizécamiéna o íadi, daje izói Juzíñamui mai o abi jílota, —daidiaioi.

³⁶ Daje izói fuiríraíni íena áifedodiaioi. Ainozillano rochíredijina, figóñede vino íena jirótatiaioi. ³⁷ Jirótano daidiaioi:

—Judíuai Illaíma o íadi o abi jílota, —daidiaioi.

³⁸ Ie ífo acónimo cuezábici jae jónega. Afébici dazieámani uai cúeina: griego, íemo latín, íemo hebreo diga. Afébicimo daide:

“Bímie Judíuai Illaíma.”

³⁹ Coraíca fiénide íaillinoimona dáamie Jesús uáitano daide:

—Crístona o íadi, mai o abi jílota coco diga, —daide.

⁴⁰ Mei íadi jáímie ie nabáímie llétajano daide:

—¿Nibái mei Juzíñamuina o jacíruiñedio? Daje duere finóinafue anamo itíoza. ⁴¹ Coco aillo finócafue ite. Jira dúere finóbicococo. Coco finoca fiénidifue iba ua otíaioi. Mei íadi bie iima fiénidifuena finóñede. ⁴² Jira uáitañedimie Jesuna daide:

—Jesús, o illáimana illíruimo o dúciadi cuemo uíbicaíri, —daide.

⁴³ Jira Jesús uai ote:

—Uáfueña ona dáitícue, ja birui cue diga ñue ebíredinomo íitio, —daide.

Jesús tíilla

(Mt 27.45-56; Mr 15.33-41; Jn 19.28-30)

⁴⁴ Ja jitoma jaíciri illa llezica nániena nauíbicaide. Afe nauilla are ite. Ua jitoma arífemona ana ítemo llícaide. ⁴⁵ Afe llezica jitoma ui duide. Jítireficaide. Daje llezica gairíracomo fetácaroi caifona ana eróicana dáafenedo daingo cúajicaide. ⁴⁶ Afe mei Jesús ficire caillide:

—Moo, cue joreño omo cue ígaza, —daide.

Daí daínano tíide.

⁴⁷ Romano illaïma afe íficaidifue cióïllanona Juzíñamuïmo caïmátaïde. Daïde: —Uáfueza. Bímie jaca níifuenidimie, —daïde.

⁴⁸ Daje izói nana afénomo ite comíni bie íficaidifuena cióïllano afénomona íaïoi jófue mo jamánomo zuure jáidiaïoi. ⁴⁹ Mei íadi nana Jesús onóïgamaci aféfuiaïmo jicana acáritiaïoi. Daje izói Galiléamona Jesudo jaïde ringóniaï jicana acáritiaïoi.

Jesús raítiaïoi

(Mt 27.57-61; Mr 15.42-47; Jn 19.38-42)

⁵⁰ Judea éniemo ite Arimatea jofue ímie José afénomo ite. Afémie ñue comeci jaícina jóidimie. Afe José judíuai ocuide illáïcomínimo jainaïde. ⁵¹ Afe bie José Juzíñamui illáïmana illíruïmo ocuirifirede. Afe jira afémie jáïe judíuai ocuide illáïcomíni finócana jíeruiñede. ⁵² Ie jira afémie Jesús abi Pilátomo jícajide. ⁵³ Afémie Jesús abi crúzmona ana uano áillue iníroina junide. Junilla mei, idu anamo noñcimo finócacojimo afémie Jesús raite. Aféfomo nai buna ráiñena. ⁵⁴ Nana bífuiaï viernes nauife dibénedo zuíde. Jaca uícodo viérnemo ocózinaiïlaruïmo jitaïca raana finofirediaïoi.

⁵⁵ Afe Galiléamona Jesudo bite ringóniaï Jesús ráinano éroizaidiaïoi. Afe llezica ie abi tíide bíinana ciódiaïoi. ⁵⁶ Aféngotiaï meine jofomo jaïllano, zióredijï, naa abi bíraniaïri finódiaïoi. Afe mei ocózinaiïlaruïmo ocuïca uai daïna izói ocózinaiïdiaïoi.

24

Jesús tíïllanomona meine cáadimiena jaïde

(Mt 28.1-10; Mr 16.1-8; Jn 20.1-10)

¹ Semana nanóidíruïdo afe ringóniaï raïre jítiramo Jesús raïafo éroizaidiaïoi. Iaïoi finoca zióredijillaï uitiaïoi. Iemo jáïe ringóniaï íaïoïna nabáidiaïoi. ² Afe ringóniaï afénomo dúcidiaïoïmo, raïafo íbailïa noñci nano illa izói íñede. Oni eneno jóonega. ³ Aféfomo jofo jáidiaïoi, mei íadi jofo jáidiaïoïmo cai Ocuíraïma Jesús abi cióñediaïoi. ⁴ Afemona ïere jacínaitiaïoi. “¿Ñíe izói íiticaï?” daïdiaïoi. Daï íaïoi daïna llezica mena ïima aféngotiaï áinori naïdaïnana ciódiaïoi. Afe íaïllinoï quenírede iníroi jítaïaïllinoï. ⁵ Afe íaïllinoïna cióïllano, ïere jacínaitiaïoi. Jacínaiïllamona ana éniemo bíjicaïdiaïoi. Iaïoi bíjicaïlla llezica afe íaïllinoï aféngotiaïna daïde:

—¿Ñíbáï mei cáadimie tíidino cígido jenódiomoi? ⁶ Afémie ja benó íñede. Ja meine cáadimiena jáïdeza. Nauï Galiléamo ie illa llezica, ómoïna ie daïna uaimo uíbicaïri. ⁷ Afénomo afémie bie izói ómoïna daïde: “Nanoïde ïima Jító Cristo fiénide comínimo fecalle. Afémiena cruzmo córaítiaïoi. Iemo daruíamani íllemona meine abido cáadimiena jáite,” —daïdaïaïllinoï.

⁸ Afemona aféngotiaï Jesús íaïoïna daïífirena uaimo uíbicaïdiaïoi. ⁹ Afe mei raïáfomona meine bitiaïoi. Billano nana bífuiaï once dígade llófuegamacimo llotíaïoi. Daje izói jíáïmacimo llotíaïoi. ¹⁰ Bífuiaï llocana uitíngotiaï mámeçiaï be ñíe: Magdalena énie ingo María, íemo Juana, íemo Santiago ei María, naa jáïe ringóniaïri. ¹¹ Mei íadi aféngotiaï íaïoïna dáïnana uáiritaidino úrilla izói cacaïde. Jira aféngotiaï llógana íñoñediaïoi.

¹² Iemo Pedro íñoñede íadi, Jesús raïáfomo aizícana jaïde. Jofo eromo érocaïdemo dama ie juníllaroï dínomo jóïdena cióizaïde. Afe mei Pedro afénomo íficaidemo fáïgacaïllano meine jofomo jaïde.

Emaús jofue iomo Jesús cíocaïde

(Mr 16.12-13)

¹³ Aféruído afémacimona ménamie Emaús jofue iodo jaide. Afe jofue Jerusalémona once kilómetros dinó jino ite. ¹⁴ Afeodo jailla llezica, nana aféruillaído itífuiái júfidocana jáidiaillinoi. ¹⁵ Iaillinoi úrilla llezica Jesús íaillinoimo áinozide. Dúciillano afe íaillinoi diga jaide. ¹⁶ Afémiena ciódiaillinoi mei íadi afémiena onóñediaillinoi. ¹⁷ Jira Jesús afe íaillinoimo jicánote:

—¿Todo ómicoi jailla llezica, ¿nífue júfidotiomoicoi? ¿Níbái mei iere zuure itíomicoi? —daide.

¹⁸ Afe íaillinoimona, Cleofas mámeciredimie uai ote:

—Nana comini biruillaído Jerusalem finócafuaiaina fidídiaioi.

Afeno ímedio íadi ¿meita aféfuiaina jaca nai fidíñedio? —daide.

¹⁹ Iemona afémie íaillinoina daide:

—¿Ní fue finódiaioi?

Jira íena daidíaillinoi:

—Nazaret ímie, Jesús ñue riire uai llóraima aillo ebírede raana uaido finode.

Afena Juzíñamui eróicana finode, daje izói nana comini ui cíoicana finode.

²⁰ Mei íadi lletáriraini illaini naa cai ocuídillaini diga afémiena coráiano titállena fecádiaioi. ²¹ Afe llezica íemo ocuídicaí, ua Israel Nairai anáfenodinomona cai jíllotallena. Ja afefue záillamona ja daruíamani íteza. ²² Ie emódomo cáimona ringóniaí ja caina jacínaitade. Aféngotiaí raiáfomo nai jítiredemo jaillano íaioi ciónana meine caimo lluíbitiaioi. ²³ Ie abina cióñediaioi. Mei íadi Juzíñamui abi imaci ángeles dainámacina jae ciódiaioi, daidíaioi. Afe ángeles ringóniaina daide: “Jesús caade.” ²⁴ Iemona cáimona raiáfomo jáidiaioi. Dinomo ringóniaí llua izói baitíaioi. Mei íadi Jesuna cióñediaioi.

²⁵ Jira Jesús daide:

—¿Iere féitafirediomoí! Nana uai llóraini daináuaina iere rairuíoicana ínotiomoí. ²⁶ ¿Uáfueñede Cristo ie ebíredinomo nai jáiñena llezica, afémie mo bie duere finóbillafue jítáirede?

²⁷ Ie mei nana Cuegáuaimo afémiedo dainana ñue jino llote. Moisés cuegánicuaímo ite afémiedo úrilla uai ñue jino llote. Daje izói nana jáíe uai jino llóraini llogánicomo itino jino ñue llote.

²⁸ Jófue mo dúcidiaioimo, Jesús iodo nai jáiacadena éroide. ²⁹ Mei íadi afémiena jeruídiaillinoi. Daidíaillinoi:

—Jae nauízaideza, mai benó coco diga fiebi, mei ua jítireoicaideza, —daide.

Jira Jesús jofo jaide íaillinoi diga íllena. ³⁰ Jae íaioiri jofo güirábanimo ráillano pan llínote. Llínuano Juzíñamuina:

—Iere figura, —daide.

Daí dainano dítajano íaillinoimo ite. ³¹ Afe llezica íaillinoi ui tújicaillamona íena onódiaillinoi. Afe mei afémie cióbicaíñena. ³² Conímana daidíaillinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco comeci náicaitade? ¡Afe uáfueza!

³³ Iemo afénomo are íñeno meine Jerusalem abido jáizaidiaillinoi. Dinomo once orécamací naa íaioi nabáiñiairi dánomo gairide baizájidiaillinoi.

³⁴ Afénomo itino íaillinoina daide:

—Uáfueza cai Ocuíraima ja meine abido caade, Simón Pedro ja íena ciode.

³⁵ Iemo afe íaillinoi afémacimo nana iomo íaioi úrillafuena llotíaillinoi. Afemona Jesús pan díxada íllamona afémiena íaillinoi onónana gairídinomo llotíaillinoi.

Jesús ie llófuegamacimo cíozite

(Mt 28.16-20; Mr 16.14-18; Jn 20.19-23)

³⁶ Afe íaillinoi dainamo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiño, uái omoi iri, —daide.

³⁷ Afémiena cíollano, “¡Come joreño caimo billa!” dainano iere jacínaitiaioi; cuidíridiaioi. ³⁸ Mei íadi Jesús íaioina daide:

—¿Nibái mei jacínaitiomoi? ¿Nibái jízireoicana cue ínotiomoi? ³⁹ Bené cue ónoimo érocai. Daje izói cue ídaimo eroi. Níimedicue. Cue abi jeta. Cómedicueza ónoi. Ja cue abina cíodiomoiza. ¡Minica joreño ícurunideza; íeizinide! —daide.

⁴⁰ Daií daina llezica ie onoi ie ídai diga afémacimo ácatate. ⁴¹ Mei íadi afémaci íóbidiaioi ia, iere uáinificaidiaioi. Ie jira afémie uáfuenta íllana nai figo íinoñediaioi. Jira Jesús íaioina daide:

—¿Benó ómoimo due güíllena ite? —daide.

⁴² Ie jira ruica chamu íemo itíaioi, naa due cíifo iji diga. ⁴³ Afe llínota íaioi eróicana güite. ⁴⁴ Afe mei íaioina daide:

—Nana nauí cuemo íficaidifuaí, nauí omoi cígimo cue illa llezica, ómoina cue daina be níe. Nana cue dibénedo uícodo cuegáuai daina ñue ícoimo fuitárede: Moisés cuegánicomo cue dibénedo úrite; daje izói jaiai uai jino llóraini cue dibénedo úrite; íemo jíai Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

⁴⁵ Iemona Juzíñamui Cuegáuaimo dáinana Jesús afémacina ñue onótate. ⁴⁶ Iaioina daide:

—Cuegáuaimo daina izói Cristo jaca tíirede. Daje izói daruíamani íllamona afémie tíillanomona meine cáadimiena jáirede. ⁴⁷ Daje izói Jerusalémoma oni nana jíai náraíaimo comini comeci ífuaí íaioi méidollena cue mámedido llórede. Daje izói comeci íaioi méiduamona íaioimo ite fiénidifue múiñua cue mámedido llórede. ⁴⁸ Nana bie cuemo comuídifuaí uai nabáirainidíomoi. ⁴⁹ Ie jira cácarei, cue Moo uícodo lloga fecácaga Ñuera Joreño ómoimo óreitícue. Afe caifona bille ríino omoi nai llínoñeille dino, benó Jerusalén jófuego omoi iri, —daide.

Jesús ja caifo monamo jaide

(Mr 16.19-20)

⁵⁰ Afe mei Jesús afémacina jofue jinomo uite. Betania áinomo jáidiaioi. Afénomo Jesús onoi caifo ñúitajano íaioi ñue íllena llote. ⁵¹ Daií ie daina llezica afémacimona oni jírecaillano afémie ja caifo monamo uiga. ⁵² Afémie mo íaioi caimátailla mei, abido Jerusalemoma iere íóbicana jáidiaioi. ⁵³ Afemona afémaci Juzíñamuimo gairíracomo ífirediaioi. Afe llezica aillo ñúefuaí Juzíñamuimo nitáfirediaioi. Daiítadeza. Jae níe.

JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

Juzíñamui Uaina maméidimie ífcaide

¹ Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ² Ua nanóidiruimo afémie Juzíñamuimo ite. ³ Afémiedo Juzíñamui bínie naa ráaniairi finode. Minícana ñede afémie finóñegana. ⁴ Afémiemo cáallino ite. Afe cáallino nana comini egáñote. ⁵ Afe egáñotino jaca jítiredinomo egáñote; íadi afe jítiredino afe egáñotinona jaca dúitanide.

⁶ Daa Juzíñamui orécamie biniemo bite. Afémie mámecei Juan. ⁷ Afémie uai nabáiraimana bite egáñotinodo ñue úrilla. Daí úrizaibite, afémie daináfuedo nana comini ñnollena. ⁸ Juan dama egáñotimieñede. Fia afémie orécamie egáñotimie uai nabáiraimana úrizaibite. ⁹ Afe egáñotimie uáfueña ñue egáñotimie. Bie egáñotimie nana caimo egáñote. Afe egáñotimie biniemo dúcizaibite.

¹⁰ Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi. ¹¹ Afémie ie éniemo bite, íadi ie comini afémiena llínoñediaioi. ¹² Mei íadi dáarie mei afémiena llínotiaioi; afémiena ñnotiaioi. Afe ñnotino rínoñediaioi, Juzíñamui úruiaina íaioi jáillena. ¹³ Afe úruiaí come móotiaí úruiaí izóí cómuítañega. Come móotiaí bie énie comuilla izóí, comuítatiaioi. Afémaci íaioi comeci jítainafuedo comuítatiaioi, íadi Juzíñamui úruiaí dama Juzíñamuimona comuide.

¹⁴ Afe Uaina maméidimie cai come abi izóí dama ífcaide. Ie mei cai cigiri nano nié dino ite. Afémie comécimo ñúefuiaí illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. ¹⁵ Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uíeco dibénemo jaide, cue ññeniadi íteza, —daide Juan.

¹⁶ Afémie aillo ñuera ráfuiamona caimo ñue ézicigafuiaina llínoticaí. Ua nana fáicanocaiñeno llínoticaí. ¹⁷ Juzíñamui caimo ocuífafue Moisedo oreca, íadi izíruinafue uáfuiái diga Jesucristodo bite. ¹⁸ Buna jaca Juzíñamuina cióñena; mei íadi dama daade ie Jitó, ua Moo comeci áinomo itímie, baie Juzíñamui ífueña cai onótatimie.

Báutizaraíma Juan Jesucristodo ñue úrite (Mt 3.11-12; Mr 1.7-8; Lc 3.15-17)

¹⁹ Jerusalemite judíuaí, dárie lletaráni Levítaniaí diga Juaamo orédiaioi. Daí íaioina orede bámiemo jicánollena, “Búdio” daíillena. ²⁰ Afémie jáanoñeno llote. Daide:

—Cue Crístoñedicue, —daide.

²¹ Nane dáanomo íemo jicánotiaioi:

—¿Búdio mei? ¿O Juzíñamui uai llóraíma, Elíadio? —daídaíioi.

Juan: —Íéñedicue, —daide.

Iemo nane jicánotiaioi:

—¿Ñí Juzíñamui uai llóraíma bille dainámiedo? —daídaíioi.

Jira uai ote: —Íéñedicue, —daide.

²² Ie jira íena daídaíioi:

—¿Mei búdio? cai orédinomo fairíogafuena cai uíllena. ¿Mei nie izói caina o abi ífuena dáitio? —daidíaiói.

²³ Juan íaiói uai ote:

—Cue dama jofue iñénanomo caillide uáidimedicue. Bai Juzíñamui io jaícina zitari, jaiái Juzíñamui uai llórama Isaías daina izói, —daide. ²⁴ Juan diga úrizabitino jae Fariséuaimona orécaiaíói.

²⁵ Ie mei Juaamo jicánote:

—Mei Crístoñedio, Elíañedio, Juzíñamui uai jino llóramañedio, ¿nibái mei báutizaibifiredio? —daidíaiói.

²⁶ Juan íaióina daide:

—Fia jáinoido báutizadicue. Mei íadi omoi cígimo daa omoi onóñegamie ite. ²⁷ Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimedicueza, —daide.

²⁸ Nana afe Juaamo jicánollena Betábaramo úritiaíói. Betábara énie Jordán imani ruicáfellemo ite. Ja dinomo nauí Juan comíni báutizafirede.

Jesús, Juzíñamui Cordero

²⁹ Afe meifo iruido Juan ja Jesúna ciode. Jesús Juaamo áinozide. Ainozidemo Juan daide:

—¡Eroi! Juzíñamui Cordero daina ie Ovéjana mamécamie. Ua, afémie nana comíni fiénidífue oni dórama. ³⁰ Nauí afémie cue llogámie “Cue óodana daa iima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano itímieza.” Daí nauí afémiedo úriticue. ³¹ Dama afémiena onóñedicueza, búdimieza. Iadi jáinoido comíni báutizaibiticue, Israel nairai afémiena ñue onóíllena, —daide.

³² Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódicue. Fícirina eroide. Iemo afémiemo fiébide. ³³ Jaca nanómona onóñedicue nibai bu. Mei íadi jáinoido comíni báutizallena daí cuena ocuídímie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoitio. Afémie Ñuera Joreño itátatímie.” Daí cuena daide. ³⁴ Ja íena ciódicue. Ie jira ñue llóramadicue. Uáfuenta lloticue. Afémie Juzíñamui Jitó, —daide Juan.

Jesús nano fueñe ie llófuegamaci

³⁵ Afe meifo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióillano, Juan daide:

—Eroi bímie Juzíñamui Cordero daina ie Ovéjana mamécamie, —daide.

³⁷ Iemo Juan llófuegamie íaillinoi ie daináfuenta cacáillanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaillana ciode. Iaillinoína daide:

—¿Bu mei jenódiomicoi? —daide. Afe íaillinoi afémiena daide:

—Llófueraíma, ¿ninomo itio? —daide.

³⁹ Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jítoma ana ítemo, afémieoiri iruido fiébidiaillinoi. ⁴⁰ Daa afe íaillinoimona ua Juan llogáfuenta cacádinomona, Jesús diné jáidímie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesiana, Juziñamui mámecigamiēna jae baiticai. Cristo jiáifodo mamécamiē, —daide. ⁴² Ie mei Andrés Jesús illánomo Simona uite. Dúcidemo Jesús íēna cióillano daide:

—O Simona, Jonás jitódio. Iadi biruímona Céfana mámeitio. Pedro jiáifodo mameina.

Jesús Felipe uáidote Natanael diga

⁴³ Afe meifo iruido Jesús Galilea éniemo jáiacade. Jaillano Felipe baizájide. Afémiēna daide:

—Cuedo bi, —daide Jesús.

⁴⁴ Afe Felipe Betsaida jofue ímie. Andrés Pedro diga daano imaci. ⁴⁵ Ie mei Felipe dinena Natanael baizájide. Baizájillano daide:

—Moisés ocuica uai cuegosicomo llogámie ja ciódicai. Ua Juziñamui uai jino llóraini llua izói, afe íaiói llogámieēna ciódicai. Afémie Jesús, José jitó, Nazaret jofue ímie, —daide Felipe.

⁴⁶ Natanael dinena daide:

—¿Niga ñúefue jadí Nazarémoma fídiitio? —daide.

Felipe uai ote:

—Eróizaibi, —daide.

⁴⁷ Jesús Natanael ánozillana cióillano daide:

—Benomo bite nahí israelita ímie; jífuiafue afémiemo iñede, —daide.

⁴⁸ Ie jira Natanael Jesumo jicánote:

—¿Nie izói cuena onódio? —daide.

Iemo Jesús íēna daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

⁴⁹ Iemo Natanael daide:

—Llófueraima, O Juziñamui Jitódio. Israel Illáimadio, —daide. ⁵⁰ Jesús ie uai ote:

—¿Dama cue dáinana higuera anamo ona ciódicue iedo daí cuena ínotio? —jicánote Jesús. Afe emódomo Jesús íēna daide:

—Bie rafue jinomo jiáie áillue ráfuena cíoitio, —daide. ⁵¹ Iemo afe emódomo Jesús afémacina daide:

—Uáfuena ómoimo llóiticue. Mona túiñuana cíoitio. Iemona Juziñamui abi imaci, ángeles daínamaci, cuemo ana bíitiaoí, caifo cúemona jáitiaoí. Mei Nanoide Ima Jitódicueza. Afena cíoitio, —daide.

2

Galilea éniemo Caná jófuego áirenafue

¹ Daruiámani íllamona, jadí Caná jófuego, Galilea éniemo, áirenamona irázillafue finódino. Jesús ei afénomo ite. ² Jesús naa ie llófuegamaciri ja afe áireina ráfuego uáidogamací. ³ Afe irázillafuego jirórai, vinoí fuilla. Ie ei Jesuna daide:

—Ja vino iñede.

⁴ Jesús uai ote:

—Ei, ¿nibái cuena daí daidío? Cue jíruillaruiamo nai dúciñede, —daide.

⁵ Mei íadi afengo afénomo ite jirole atírainina daide:

—Mai, nana afémie daína diga fino, —daide.

⁶ Dinomo seis diga icírui, nofiruai ráide. Judíuai afe icírui oruítajano jíamaci ñue oréllena nícidofirediaoí, íaiói abi fiénidífue dóllena. Naga icírumo ochenta o cien litros oruízite. ⁷ Iemo Jesús atírainina daide:

—Jadí icíruai jáinoina oruítari, —daide.

Iemona fuemo jibíezidiaioi. ⁸ Iemo Jesús íaioina daide:

—Due uano rafue náamamo uiri, —daide. Daí finódiaioi.

⁹ Iemo afe rafue naama jáinoi facádemo, jáinoñede. Jae vino. Rafue naama onóñedemo icíruai jáinoina oruízite. Dani atídino áfena onona. Afe vino nimánuanona, rafue naama ringo óiacadimie uáidote. ¹⁰ Iena daide:

—Nágamiiai ñújei nano fueñe atífirediaioi. Ie mei nana uáidogamací aillo jirolle mei, jamai vino atífirediaioi. Mei íadi nai biruido ñújei ja o éenoga, —daide.

¹¹ Afe vino méiduafue ua Jesús nanoide uaido daingo comútaga raa; afefue Galilea éniemo, Caná jófuego finoca. Bie uaido comútaga raado afémie ie ebírede ríino jino cíotate. Iemona ie llófuegamaci ñue íena ínotiaioi.

¹² Ie meífodo Capernaúmo, Jesús jaide ie ei diga, ie ámatiai diga, ie llófuegamaciri. Dinomo ja bai niga mona itíaioi.

Jesús Juziñamui gairíracó ñue duafue

(Mt 21.12-13; Mr 11.15-18; Lc 19.45-46)

¹³ Aféruillaído Judíuai pascua rafue ánozide. Iemona Jesús Jerusalemo jaide. ¹⁴ Afe dinomo gairíracó eromo juráriai, ovejai, íemo fíicirillai dieze fecáriraimacina Jesús cíode. Dáanomó úcube méidoraini ráiidiaioi. ¹⁵ Afena cíoillano Jesús ñécigai móillano jiura finode. Afedo gairíracó erómona nana fecáriraini íaioi juráriai ovejai diga jino jiude. Daje llezica úcube méidoraini úcubetunillai Jesús ana jutade. Íaioi úcube facádorabani Jesús oni caitade.

¹⁶ Fíiciri fecárainina daide:

—Bie raa benómona oni ui. ¡Cue Moo jofo fecáriracona mamériñeno iri! —daide.

¹⁷ Ie mei afémie llófuegamaci jaiái cuegáuái úbicaidiaioi. Afe uai llote: “O jofo cue ríiduamona cue abi íñeite izoide,” daide.

¹⁸ Iemona Judíuai afémiemo jicánote:

—¿Minícado o ríinona cai ácatatio? ¿Bie raa o finuana bu o ocuilla? —daidíaioi.

¹⁹ Jesús íaioi uai ote:

—Cue ríino ómoimo bie izói ácataticue. Bie gairíracó omoí júdai, ie mei daruíamani íllemona meine nane caifo cue raiñolle, —daide.

²⁰ Jae judíuai Jesuna daidíaioi:

—Cuarenta y seis fimona niga gairíracoca; ¿íeca daruíamani íllamona meine abido caifo o ráiñoiti? —daidíaioi.

²¹ Iadi afémie daina uai gairíracó, dama ie abi llote. ²² Iemona Jesús tíidinomona meine abido cáaillano ie llófuegamaci bie daina uaimo uibíoidiaioi. Daje llezica Cuegáuaina ínotiaioi nana Jesús íaioina daina uai diga.

Jesús nana comíni comécina onode

²³ Jesús Jerusalemo illano, pascua rafue llezica, aillo comíni afémiena ñue ínotiaioi. Ua íaioi cíófinina afémie uaido finuana cíódiaioi. Afena cíoillano afémiena ínotiaioi. ²⁴ Mei íadi Jesús afe comínimo ie abina nai rairuide. Mei nana imaci comécina onódeza. ²⁵ Jiái come afémiemo comíni ífuena llónide. Dama afémie dinena íaioi comeci ífuena onode.

3

Nicodemo Jesumo úrillafue

¹ Daa Judíuai illaíma mámecei Nicodemo. Afémie fariseo. ² Afe bie Nicodemo naio Jesumo úrizaíbite. Jesuna daide:

—Llófueraima, Juzíñamui orécao cai llófuellena onódicai. Juzíñamui cómemo íñeniadi bu bie riirede cíofinina fínuana ácatanide. Ua o fínua izói buna fínónide, —daide. ³ Ie jira Jesús íena daide:

—Uáfuenta dáitícue: meine nane jéiciñegamie jaca Juzíñamui illáimana illánona cíóñeite, —daide. ⁴ Jira Nicodemo jicánote:

—¡Jae éicomedical! ¿Nie izói meine jocóllicai? ¿Meine nane ei eromo come jáirede, dáanomo abido jécicillena? —daide. ⁵ Ie jira Jesús uai ote:

—Uáfuenta dáitícue: meine nane jáinoina jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. ⁶ Come móomona jécigamie jaca come. Iadi Juzíñamui Joréñomona jécigamie jaca joreño. ⁷ Cue ona daínáfuerei jacínaiñeno iri. Uáfuenta nágamie comue jéciafue, ua caifona jéciafue jaca jitáirede. ⁸ Jairifo náganomo ebena jaiñófirede. Ie jáiñuana cacáido, mei íadi ninena bite, niné jaide, onóñedio. Daje izói nana Juzíñamui Joréñomona jécigano, afe jairifo izói itíaiói, —daide.

⁹ Jira meine nane Nicodemo jicánote:

—¿Nie izói bie iite? —daide.

¹⁰ Jesús uai ote:

—¿Nibái mei jicánotío? O iere aillo Israel llófueraimana o íadi ¿bie ráfuenta onóñedio? ¹¹ Uáfuenta dáitícue: cai onógafuedo úriticai. Cai cíonafuenta féinino lloticai. Mei íadi cai ómoimo llogáfuenta íñoñediómoi. ¹² Bie énie raado ómoimo cue úriadi nai íñoñeniadi, ¿nie izói cuena ínoitío mona ero ráfuedo cue úriadi? ¹³ Buna mona eromo jáiñede. Dama monámona ana bitímie, Nanoide Hima Jitó, monamo jáirena; mei naui monamo itímieza. Dámiedicue. ¹⁴ Naui jaiai Moisés jofue íñenazicimo jaio caifo ráiñua izói ua afe izói caifo ráiñobicaíticue. Nanoide Hima Jitódicueza. ¹⁵ Ua afe cue ráiñua jitáirede nana cuemo ínotino fiénidifue mo báíñeillena. Mei íadi ínotino zíñona ítíaiói.

Juzíñamui nana comínina izíruillafue

¹⁶ Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ínotino jaca ninomo féiraiñeillena; mei jáífodo ñue zíñona íaiói íllena. ¹⁷ Comini fiénidifue iba otátaramona Juzíñamui ie Jitona oréñede, mei íadi ie Jitona orede afémiedo comini jíllobicaillena.

¹⁸ Juzíñamui Jitomo ñue ínotimie duere finóbiñede. Ínoñedimie jae duere finóbide, Juzíñamui daade Jitomo íñoñena jira. ¹⁹ Ínoñedino jae duere finóbidiaíói. Mei ua ñue egáiñotimie ana bie éniemo bítemo, jíñinona jamánomo gáidíaiói, fiénidifue finódinona íaiói illa jira. ²⁰ Nana fiénidifue finóraini úzefona éoidiaíói. Jaca úzefomo ánoziñede. Ua íemo ánoziñediaíói íaiói fiéni finócafuenta ónoñellena. ²¹ Uáfue mo comeci facádino úzefomo ánozifírediaíói. Íaiói finócafue jaca Juzíñamuimo cacádinona íaiói illa izói finódiaíói. Uzefo íaiói finócafue jaca daí ñue cíoitae, —daide Jesús.

Báutizaraima Juan Jesudo meine úrizabite

²² Ie meífomo Jesús Judea éniemo jaide, ie llófuegamaci diga. Dinó diga irui itíaiói. Dinomo comini báutizadiaíói. ²³ Daje llezica Juan, Enón éniemo báutizade. Enón Salim ánomo ite. Dinomo báutizade, aillo jainoi illa jira. Iemona comini báutizaíbitiaíói. ²⁴ Bifue finódiaíói Juan nai llavéracomo úiñenia.

²⁵ Juan llófuegamacimona dáarie judíuaimo úrizaide. Comini íaí fue oni dollínodo úritiaíói. ²⁶ Juana daízaíbitiaíói:

—Llófueraima, nauti o diga itímie, Jordán ruicáfellemo itímie, caimo o llogámie, ja comini báutizade. Nana comini afémie diné jáidiaioi, —daidiaioi.

²⁷ Iemo Juan afémacina daide:

—Juzíñamui cómemo ifue fécañenia, bumo ráfuena íñeite. ²⁸ Cue nauti uáfuedo dainafue dani cacádiomoi. “Crístoñedicue” daidicue. Afémie uícodo orécamiedicue. ²⁹ Airenafuemo ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere íóbite. Daje izói biruido cue íóbidicue. ³⁰ Nágáruí afémie jamánomo illáimana jáizaide. Ie llezica cue jabómieiticue. Daí jítáirede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bínemo jainaide. Enie ífuena úrite. Mei íadi monámona bitímie nana cai baimo jamánomoidímie. ³² Afémie cacánafuedo úrite ie ciónafue diga. Iadi afémie dáinana buna íñoñena. ³³ Da come ie dáinana ínoiadi daí Juzíñamuimo fairíote. Ua daí Juzíñamui uáfueña dainafue uáfuetate. ³⁴ Juzíñamui orécami Juzíñamui uáillaído úrite, mei Juzíñamui ie Joreño afe orécamiemo facáñeno nana íteza. ³⁵ Moo ie Jitona izíruite. Naga itínuiaina afémiemo fecade. ³⁶ Iemo ie Jitona ínotimie mo fúíñeite illánona íemo ite. Mei íadi Jitona ínoiacañedimie mo afe fúíñédinona íñeite. Juzíñamui afémiena iere duere fínoite.

4

Jesús Samaria ingomo úrite

¹ Fariséuai Jesús Juan baimo aillo comini jáillana fididiaioi. Daje izói Jesús Juan baimo báutizafirenana fididiaioi. ² Mei íadi Jesús báutizañede; dama ie llófuegamaci báutizaja. ³ Afena Jesús fidíllanona Judéamona meine abido Galilea éniemo jaide.

⁴ Jesús jailla llezica Samaria énie cígido jáirede. ⁵ Ie mei Samaria jófuemo dúcide. Afe jofue mámece Sicar. Sicar áinori Jacob feci énie ite. Afe éniema ie jító Josemo maiñótate.

⁶ Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ráinade ocózinaillena. Jae jaíciri íacademo. ⁷⁻⁸ Ie llófuegamaci jófuemo güille jae íbajidiaioi. Iemo Samaria ringo dúcide. Jainoi uáíbite. Iena Jesús daide:

—Jáinoina cue jírota, —daide. ⁹ Ie jira Samaria ringo Jesuna daide:

—¿Nibái mei jainoi cuemo jicádío? Odi judíodio. Cue Samaria ingódicue, —daide. (Ua jaiái dinómona judíuai samarítánuaímo nabáíriraínide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói omo jainoi jicádimiena, o onóadi ua raire cuemo jícaítio; íemona ua cáadijina o ííticue, —daide.

¹¹ Afengo afémiena daide:

—Hima, o jainoi olle raa íñede. Jainoi orano afórede. ¿Ninómona cáadijina cue íítio? ¹² Cai jaiáigimie Jacob bie jainoi orano caimo iga. Benómona afémie jíruaide ie úruiaí diga. Ua dájemona afémie tóiníai jíruaide. ¿O iere afémie báimoidio? —daide.

¹³ Jesús uai ote:

—Nana bie jáinoimona jiródimaci nane meine abido jiróacaitiaioi. ¹⁴ Mei íadi cue jirótagano jaca meine abido jiróacañeitiaioi. Omo cue ille jáinoi ua zíñona ítíji. Nágarui caimare o itátaite. Illánona fúñeitinona omo íficaitaite, —daide.

¹⁵ Ie mei ringo afémiena daide:

—Íima, jadíe jáinoina cue ine; ja cue jíroacañeilleza, ua nane meine bie jáinoi oránomo cue bíñeilleza, —daide.

¹⁶ Jesús aféngona daide:

—O íni járizairi ie mei bené bi, —daide.

¹⁷ Ringo uai ote:

—Ínínidícue, —daide.

Ie jira Jesús aféngona daide:

—Uáfueña daidíio. Ínínidíio. ¹⁸ Jae cinco dígacaiño ínreidíio; birui o illámie o ínínede, —daide.

¹⁹ Afena cacáillano ringo afémiena daide:

—Íima, Juzíñamui uai llóramiedíio ja onódícueza. ²⁰ Cai jáiáimaci Samaritánuai bie ídumo Juzíñamuina íóbitadiaioi; ñúefuedo íemo úrizaiíbitiaioi. Mei íadi o íemo naa judíuairi jáíífo do daidíio. Jerusalemo cai gairíllano Juzíñamuina cai íóbitallena daidíio, —daíí afengo daide.

²¹ Jesús uai ote:

—Ringo, cuena íino. Jáíruimo ja dúcízaide. Aféruimo bídumo bíñeno, Juzíñamuina íóbitaitíio. Daje izóí Jerusalemo jáíñeno, Juzíñamuina íóbitaitíio. ²² Omoi íóbitagamíena onóñedióio. Íadi cai íóbitagamíena onódícai, níbai jíllonafue judíuáimona bíteza. ²³ Jae como cue llogáruimo dúcíde. Jae birui aferui. Naga Moo Juzíñamuina uáfueña íóbitaacadímie afe o joréñodo uáfueña afémíena íóbitaite. Daíí Moo Juzíñamui cai íena íóbitallena jítaide; ua nana afémíena íóbitaacadíno daíí bíllana Moo jítaide. ²⁴ Juzíñamui ua Joreño. Afémíena íóbitadíno íaíoi joréñodo uáfueña íóbitaitiaioi, —daide.

²⁵ Iemona afengo íena daide:

—Cue onódícueza Mesías bíite. Afe Mesías daína Cristo. Afémíe bia nana ñue rafue caimo jino llóite, —daide.

²⁶ Jesús daide:

—Níímíedicue, ori úrilla, —daide.

²⁷ Iemo ie llófuegamaci dúcíde. Dúcíllano Jesús ringomo úrillari fáigacaidiaioi. Mei íadi buna jícanoñena áfena. Ua afémíemo afengo jítaíllana jícanoñediaioi; “¿Mínícafuedo úritíomícoi?” íena daííñediaioi.

²⁸ Ie mei afengo íciru fiénocaillano, jófueño jaide. Díno mo comúnimo llujáide:

²⁹ —Nana cue finócafue jino llotímíemo omoi éroizaíbi. ¿Bie afe Crístoñede? —daide. ³⁰ Ie jira jófueño Jesús illánomo jáidiaioi.

³¹ Afémíaci bitíaoímo ie llófuegamaci afémíena jícade:

—Llófueraíma, due güi, —daííiaioi.

³² Ie jira afémíe daide:

—Cuemo ite güíllena omoi onóñedióio, —daide.

³³ Ie jira ie llófuegamaci como fueñe conímamo jícanotiaioi:

—¿Jíáíe come afémíe écaíbite? —daííiaioi.

³⁴ Ie jira Jesús afémíacina daide:

—Cue orédímíe comeci jítaína izóí cue finóadi bie cue güíllena. Daje izóí ie táijina cue fuitáadi, güítícue izoide. ³⁵ Omoi llua: “Nai riga raa ollíruimo cuatro díga fíui ite” daidíio. Mei íadi dáítícue: Erocai. Ja rigánuemo eroi. Ja jéiaruimo ánozide. ³⁶ Olle mo táíjídímíe iba llínote. Afe oga llízieníai jaca

ninomo fiébite; ua fúineite illánomo fiébite. Ua ríjiraíma óraíma diga dáanomo camátailena daíí ite. ³⁷ Omoi jaiai daina uáfueña lloste: “Ríjiraímie dáamie íadi otímie jíáimie.” ³⁸ Jae omoi ríñeganomo ómoína orédicue. Jíáimaci táijidiaíoi íemo íaíoi táijina caimare ínotiomoi, —daíde.

³⁹ Aillo Samaria jofue imaci Jesumo ínotiaíoi. Ua uafue ringo llogáuaido Jesuna ínotiaíoi. Afengo daináuai, be ñie: “Nana cue finócafueña cuemo lloste.” ⁴⁰ Ie jira Samaritánuaí Jesumo billano jícadiaíoi:

—Cai diga iri, —daídiaíoi. Ie jira Jesús ménarui íaíoi diga ite. ⁴¹ Afémie dáinana cacáillano aillo jíáimaci ínotiaíoi. ⁴² Ie jira aféngona daídiaíoi:

—Nauí dama o dáinado jabo ínoticaí, mei íadi birui ja cai dani afémiena cacáillano áfedo como ñue ínoticaí. Ja onódicaí bie ua Cristo, nana nairai jíllotaraimaza, —daídiaíoi.

Jesús gobiernomo táijiraíma jító jíllotate

⁴³ Ménarui íllamona Jesús Samáriamona jáizaide Galilea énie iodo jáillena. ⁴⁴ Jae dama Jesús lloste:

—Juzíñamui uai jino lloiraíma dama ie éniemo jaca jámairuiga, —daíde.

⁴⁵ Galiléamo dúcidemo afénomo itino íena ñue llínotiaíoi. Ua caimare íena llínotiaíoi, ñibai pascua ráfueño Jerusalemo nauí Jesús illa llezica jáidiaíoi. Iemo aféfuemo nana ie finócafuiaina cíodiaíoi.

⁴⁶ Ie mei Jesús meine Caná jófueño, Galilea éniemo jaide. Ua jainoi vínona meíduanomo jaide. Afe llezica Capernaum jófueño gobierno illaíma táijiraíma jító iere irárede. ⁴⁷ Afe táijiraíma Jesús Judéamona Galiléamo dúciana fídiano, afémiemo éroizaide. Ua ie jító jíllotaíbillena jícajide; mei ja ie jító tízaide. ⁴⁸ Iemo Jesús íena daide:

—Onótate ráaniaí íemo cíofinina finócafuaí diga omoi cíóñeniadi ínoñediomoi, —daíde.

⁴⁹ Iadi gobierno táijiraíma Jesuna daide:

—Ocuíraíma, raíre bi cue jító nai tíñena llezica, —daíde.

⁵⁰ Ie mei Jesús íena daide:

—Meine o jofomo jai. O jító jílloteza, —daíde. Afémie Jesús íena daina uaina ínote, jira jaide. ⁵¹ Ie jofomo dúcizaidemo ie jaíénizai jino íemo bitíaíoi. Dúciillano daídiaíoi:

—O jító jae jíllode, —daídiaíoi.

⁵² Iemo, —¿Ñie hóramo jíllode? —íaíoi mo jícanote. Jira daídiaíoi:

—Nauiri jaícri illa mei ie abi bóua llícaide, —daídiaíoi.

⁵³ Iedo moo bie daje hora Jesús íena daina hora uíbicaide. Ua “O jító jíllote” daina hóramo afeza jíllode. Iemona afémie Jesumo ínote, naa ie comini diga.

⁵⁴ Daíí Jesús Judéamona Galiléamo billano mena onótate raa finode. Bie jíllotafue ua ie meífodo finoca cíofininafue.

5

Jesús Betzátamo ite tízitaitímie jíllotate

¹ Ie meífomo judíuaí rafue ite; jira Jesús meine Jerusalemo jaide. ² Afe jófueño, ovejai naze ánorí jainoi ofíllano ite. Afeno hebreo imaci uaido mameca Betzata. Nane dinomo cinco diga gairirano ite. ³ Bie gairira macáranuaímo aillo iráredimaci bíiede: uínidímiaí, aídáimíiaí, tízitaitímiaí diga. Bimaci jainoi bagua úíñotiaíoi. ⁴ Daíí úíñotiaíoi mei dáruinarie Juzíñamui abi ímie ana billano jainoi bagótafiredeza. Bagota mei nanoide come

jáinoimo ana jáidimie, ie irárenamona ja jíllobicaifirede. ⁵ Dinomo iráredimie ite. Ua treinta y ocho diga fimona irárede. ⁶ Jesús billano ie bíinana ciode. Afémie are jaiái ninómona daíi dinomo íllana onóillano, Jesús íena daide:

—¿Jíllobicaiacadio? —daide.

⁷ Iráredimie uai ote:

—Ocuíraíma, cue cánoitimie iñede, jainoi bagua meífomo jáinoimo cuena ñuitállena. Nágari cue jáiacana llezica jáimie nano fueñe jáinoimo dúcide, —daide.

⁸ Jesús íena daide:

—Caifo náidacái. O bíirallu llino. Mai maca, —daide. ⁹ Afe llezica afémie jíllobicaide. Iemo ie bíirallu llínuano macáoicaide. Aferui ocózinaillarui.

¹⁰ Jira judíuai jíllotagamiena daide:

—Birui jae ocózinaillarui. O bíirallu rocánollena omo rairuírede, —daidíaiói.

¹¹ Afémie uai ote:

—Cue jíllotatimie cuena daide: “O bíirallu llino; mai maca,” —daide.

¹² Iemo íena jícanotiaíói:

—¿Bu ona “o bíirallu llino, mai maca” daina? —daidíaiói.

¹³ Mei íadi afémie ie jíllotatimiena onóñede, aillo comini dinomo íllaza. Ua Jesús jae jáideza.

¹⁴ Afe mei Jesús gairíraco eromo íena baizájillano daide:

—Mai eroi. Birui jae jíllodio. Meine fiénidifuenta finóñeno iri, jamánomo figóñede raa omo jíriñeillena, —daide.

¹⁵ Iemo afémie judíuaimo Jesús íena jíllotatimie llujide. ¹⁶ Ie jira judíuai Jesuna duere finóllena racádiaíói; íena fáiacadiaíói, ocózinaillaruímo aféfuiai finua jíri.

¹⁷ Mei Jesús íaioina daide:

—Cue Moo Juzíñamui jaca nanómona biruimo táijide, jira cue nane táijidicue, —daide.

¹⁸ Iemona judíuai jamánomo íena fáiacadiaíói; nibai ocózinaillarui ocuícáfue afémie jáanote. Ie emódomo afémie Juzíñamui izóidimiena dama finótate, “Juzíñamui cue Moo” ie daina jira.

Juzíñamui Jitó ríino

¹⁹ Ie mei Jesús íaioina daide:

—Uáfuenta ómoína dáitícue, mei Juzíñamui Jitódicueza, dama cue jítaina izói minícana finónidicue. Dama cue Moo Juzíñamui finócafue cue ciona izói birui finódicue. Nana cue Moo finócafue afe izói nana finofiredicue; ie Jitódicueza.

²⁰ Ua Moo Juzíñamui nana ie finuafue ie Jitomo ácatate, Moo ie Jitó izíruilla jira. Ie emódomo jamánomo áillue finóllifue íemo ácataite, omoi fáigacaillena. ²¹ Mei Moo Juzíñamui tíidino cáadinona itátateza, ua cáallinona íaioimo ite; daje izói ie Jitó nana afémie oíacaiganomo cáallinona ite. ²² Moo Juzíñamui buna jícanoñede íena duere finótallena, mei íadi nana afe jícanolle ríino ie Jitomo iga. ²³ Daíi nana comini Moo ñue jacíruilla izói, afe izói ie Jitona ñue jacíruitiaíói.

²⁴ Uáfuenta ómoína dáitícue: cue uaina cacádimiemo, dáanomo cuena orédimiena ínotimiemo ja ziiño cáatatinona ite. Afémie duere finóbiñeite, tíllanomona ja bai finona jira; jae cáananomo dúcide. ²⁵ Uáfuenta ómoína dáitícue: tíidino meine cáallirui áinozioicaide. Aferui birui. Ua tíidino Juzíñamui Jitó úrillana cácaitiaíói; íemona nana afena náfuefiredino cáaitiaíói.

²⁶ Mei Moo Juzíñamuimo cáatalle ríino íteza, daje izói afe cáatalle ríino ie Jitomo afémie itátate. ²⁷ Dáanomo comini duere finóllena jícanua ríino íemo iga, afémie

Nanoide fima Jitona jira. Afe Jitódicue. ²⁸ Afemo fáigacaiñeno iri. Nana tíidino cue úrillana cacáilliruimo dúciiteza. ²⁹ Aféruido raiáfuaimonona jino bíitiaoí. Ñúefue finódimaci meine cáadinona íitiaoí zíiñona íaioí íllena; mei íadi fiénidifue finódimaci meine cáadinona íitiaoí, duere íaioí finóbillena.

Jesús ríino uáfueña daiítatífuai

³⁰ Dama cue comeni izói minícana finónidicue. Moo cue ocuilla izói comeni finuafuiai riire jicánoticue. Cue jicánua fue jaícina ñue joide; cue jitaina izói jicánoñedicueza, mei íadi cue orédimie, cue Moo jitaina izói jicánoticue, afe izói finóllena. ³¹ Dama cueri uai cue nabáiadi, cue dainana figo uáfueña daiíñede. ³² Mei íadi jíaimie cueri uai nabáiraíma ite. Afémie cueri dainafue ñue uáfueña facátate. Afena onódicue. ³³ Juaamo jicánuaídomoi. Afémie ie uai úana jaca uafue. ³⁴ Mei íadi ímamona cueri uai nabáillana jicáñedicue. Daa bíena daiíticue omoi jíllobicaillena.

³⁵ Juan egáiñora izóidimie. Afe egáiñora bóocabillamona egáiñofirede. Ie egáiñuanomo nano íanori íllamona íóbicaídomoi. ³⁶ Mei íadi jíaie cueri uáfueña facátafue ite. Afefue Juan cueri dainafue baimo ite. Afe uáfueña facátafue cue finócafuiai. Aféfuiai cue Moo cue finóllena ocuífafuiai daje izói jóoideza. Afe jira afe cue finócafuiai Moo orécacue uáfueña facátate. ³⁷ Ie dainomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaillana jaca cíóñediomoi. ³⁸ Ie uailai omoi ífócimo déiñede, afe Moo orécamiéna omoi íñoñena jira. ³⁹ Juzíñamui Cuegáuailai izire jenoda facádotiomoi; dinomo “Zíiñona íllino báiticaí” comécimo facáoidiomoi za. Uafue, Cuegáuailai cueri ñue úritiaoí, ⁴⁰ mei íadi cuemo bíacañediomoi afe ómoímo zíiñona íllena.

⁴¹ Comeni cuemo nitáacaga jalléinafuiai náfueñedicue. ⁴² Mei íadi ómoína onódicue. Juzíñamuina izíruiñediomoi onódicueza. ⁴³ Cue Moo cue ória jira biticue, íadi cuena líñoñediomoi. Jíaimie dama ie ória izói bíadi afe ímana ñue líñoitiomoi. ⁴⁴ ¿Omoi nie izói ínotiomoi? Dani ómoímona cáimadua uailai líñoñediomoi; mei íadi daade Juzíñamuimona bitíuai, ie cáimadua uai jenóñediomoi. Jira ínonidiomoi. ⁴⁵ Cue Moo uíecori ómoímo fiénidifue cue nitalle comécido facáoiñeno iri. Uáfueña Moisés ómoímo fiénidifue nítaite, ñi omoi úiñogamie. ⁴⁶ Moisés daináuai omoi ínoiadi daje izói cuemo íñoitiomoi, mei Moisés cueri ñue cúeteza. ⁴⁷ Mei íadi afémie cuegáuai omoi íñoñeniadi ¿nie izói ómoína cue daináfueña íñoitiomoi? ¡íñoñeitiomoi! —daide.

6

Jesús cinco mil íñiaí ecade

(Mt 14.13-21; Mr 6.30-44; Lc 9.10-17)

¹ Afe meífodo Galilea jorai ruícaferaimo jaide. Afe jorai jíaífodo mameina: Tiberias. ² Aillo comeni íedo jáidiaioí, cíofinina ráaniaí ie fínuana íaioí cíonamona. Ua iráredino jíllotana cíodiaioí. ³ Ie mei Jesús ídumo ráizaide ie llófuegamaci diga. ⁴ Ja judíuai rafue páscua fue áinozide. ⁵ Jesús érocaillano aillo afémie óodana bitínona cide. Jira Felípena daide:

—¿Nínómona nana bimaci ecállena íbaiticaí? —daide.

⁶ Afe daí jícanote, Felipe uai úana onóillena. Jesús dama ie finóllifue ñue onode. ⁷ Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸ Ie jira jíaie llófuegamie Andrés, Simón Pedro ama, Jesuna daide:

9 —Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini íllaza, —daide.

10 Ie mei Jesús daide:

—Nana íaioi ráilleza afémacina omoi daíri, —daide.

Aféno mo aillo raitire ite. Iemo cinco mil íñiaí raízídaitiaíoi.

11 Ie mei Jesús pan llínota Juzíñamuina “fere figura” daide.

Dáinamona llófuegamacimo fecade. Afemona llófuegamaci nana ráiedinodo fecade. Jesús daje izói finode mena chámuna, ua nana ríiacadinodo fecade.

12 Jae íaioi jeírilla mei ie llófuegamacina daide:

—Fiébidinuaí nana iráiri, daa báíñelleza, —daide.

13 Fiébidinuaí doce diga cirigaí iráica. Ua cinco diga panes fiébidinomona diga cirigaí oruítaga. 14 Ie mei comini bie cíofinina raa Jesús finua cíonamona daídíaíoi:

—Uafue bímie afe jaiái nanómona lloga ana éniemo bíacade uai lloraima, —daídíaíoi.

15 Mei íadi comini íena riire lláitano illáimana jóneacana Jesús fidíbicaide. Fidíllanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

16 Ja nauídemo Jesús llófuegamaci ana jóraimo jáidiaíoi. 17 Dúciillano nocaemo jaillano, joraí ruícaferaimo Capernaúmo jaitádiaíoi. Jae jí tiredemo, mei íadi nai Jesús meine abido biñede. 18 Iemo aillo jairifo daingo náidacaide. Iemona bagua mónaioicaide. 19 Due bai jáidiaíoi mo Jesús nocaemo ánozillana cíodiaíoi. Jainoi emódodo macade. Iemo jacíruitiaíoi. 20 Mei jira íaioína daide:

—Cueza, omoi jacíruiño, —daide.

21 Iemona caimare nocaemo íena llínotiaíoi. Iemona íaioi jáillinomo nitaca izói jarire dúcidiaíoi.

Comini Jesús jénua

22 Jiáirui meífodo joraí enéferaimo fiébidimaci, llófuegamaci daa ite nocaedo jáillana fidídiaíoi. Iadi Jesús afémaciri jáiñede. 23 Mei íadi biruícana jíáie nocáiaí Tiberias jófue mona dúcizaide. Ua pan güilla áinori Ocuíraima Jesús “fere figura” dáinamona, ua aféno mo dúcizaidiaíoi. 24 Daí Jesús dinomo íñénana cíóillano ie llófuegamaci diga, afécaíaimo jofó jáidiaíoi. Iemona Capernaúmo íena jénuaídiaíoi.

Jesús, zíñona cáaille paana maméidimie

25 Joraí ruícaferaimo dúciillano, Jesús baitíaíoi. Baillano íena jícánotiaíoi:

—Llófueraíma ¿niruido benomo dúcidio? —daídíaíoi.

26 Jira Jesús daide:

—Uáfue na ómoína dáitícue, güillena omoi jeírillamona cuena jénuaíbitiomoi. Cue finoca cíofinina raa omoi onónamona cuena jenóñediomoi.

27 Fúífirede güíllemo tájiño iri. Mei íadi fúíñeite güíllemo tájiri. Afe güille ómoína zíñona itátaite. Afe bie güille ómoímo ítícue mei Nanoide Hima Jitódicueza. Mei ua, omoi uáfue na ínogamiena jae Moo Juzíñamui jónegacueza.

28 Jira jícánotiaíoi:

—¿Minícana fínotícaí Juzíñamui jítaille raa caí fuitállena? —daídíaíoi.

29 Jesús uai ote:

—Juzíñamui orécamiéna omoi ínollena jítáirede, —daide.

³⁰ Iemo jicánotiaioi:

—¿Minica onótaite raa caimo ácataredio, afe cióillano ona cai ñnollena? ¿Minicafue ñnoitio? ³¹ Cai jaiáidigima zaféredizicimo maná güitíaioi; Juzíñamui Cuegáuai daina izói: “Juzíñamui monámona ana baiítaga güilleniai áfena íaioi güitátate,” —daide.

³² Jesús uai ote:

—Uáfueña dáitícue: monámona baiide güilleniai fecáraima Moiséñede. Mei íadi uáfueña monámona baiide güilleniai fecáraima cue Moo. ³³ Juzíñamui fecaca güilleniai, monámona ana bitímie. Afémie cáaille paana maméidimie. Afémie énie itímacimo zíñona cáallinona itátate, —daide.

³⁴ Iemo íena daidíaioi:

—Ocuíraima, bie güilleniai nágarui cai ine, —daidíaioi.

³⁵ Jira Jesús daide:

—Cue cáatate güilledicue. Cuemo bitímie jaca júfiruiñeite. Cuemo ñnotimie jaca ninomo jíroacañeite.

³⁶ Mei íadi ómoína cue daina izói, cuemo ñnoñediomoi nai cuena ciódiomoi íadi. ³⁷ Nana Juzíñamui cuemo fecácamaci cuemo bífireitiaioi. Cuemo bífireitinona jino dótañeiticue. ³⁸ Uafue, cue comeci jítaina izói ñnóllena, monámona ana biñédicue, mei íadi cue orédimie comeci jítaina izói ana ñnuaiibiticue.

³⁹ Cue Moo, ua cue orédimie, nana cuemo igánomona buna oni ninó báñeillena jítaide. Ua nana afémaci írairuido cáadinona itátaiticue. ⁴⁰ Cue orédimie nana Juzíñamui Jitona ciódimaci íena ñnollena jítaide. Daí íaioi ñnuamona zíñona cáallinona íaioimo íllana cue orédimie daje izói jítaide; ie mei írairuido cáadinona íaioína itátaiticue, —daide.

⁴¹ Iemona judíuai Jesuri gugúritiaioi. Ua ie daínáfueri: “Monámona ana baiide güilleniaina maméidimiedicue” íeri gugúritiaioi. ⁴² Daidíaioi:

—¿Bímie José jitó Jesúñede? Ie moona onódicaí ie ei diga. ¿Ñie izói “Monámona ana bitímiedicue” daírede? —daidíaioi.

⁴³ Jira Jesús íaioína daide:

—Gugúriño. ⁴⁴ Buna cuemo bínide, cue Moo, cue orédimie nai átíñenia. Ie mei írairuido afémiena cáadimiena itátaiticue. ⁴⁵ Uai lloraini cuegánicuai llote: “Nana afémaci Juzíñamui llófuegamaciza íitiaioi.” Daí nana Moomo cacáдино, afémiemona fibítagamaci cuemo bitíaioi.

⁴⁶ Bie izói cue daina dáarie Moo Juzíñamuina ciona daíacañede. Dama Juzíñamuimona bitímie Moona ciona. ⁴⁷ Uáfueña ómoína dáitícue: cuemo ñnotimie zíñona cáallinona ite. ⁴⁸ Cue cáatate güilledicue. ⁴⁹ Omoi jáiairagima zaféredizicimo manana güitíaioi, mei íadi nana jae tíidimaci. ⁵⁰ Iadi cue daina monámona ana bite güilledicue güitino tíñeitiaioi. ⁵¹ Cue dama afe bie monámona ana bite cáatate güilledicue. Bie güille güitímie zíñona iite. Bie cue ille güille dama cue íeizi. Afena íitícue nana énie imaci cáallena, —daide.

⁵² Iemona judíuai dani íaioiri júfidotiaioi. Daidíaioi:

—¿Ñie izói bímie dama ie íeizina caina écaite? —daidíaioi.

⁵³ Jesús íaioína daide:

—Uáfueña ómoína dáitícue: Nanoide Hima Jitódicueza; cue íeizi omoi ríñeniadi, daje izói cue die omoi jíroñeniadi nai omoi cáallinona ññede, dájena cuemo jaináñena jira. ⁵⁴ Cue íeizi ritímie, daje izói cue die jiródimie comeci zíñona cáallinona ite; ie mei írairuido afémiena cáadimiena itátaiticue. ⁵⁵ Cue abi uafue güille. Cue die uafue jiróllii. ⁵⁶ Cue

íeizi ritímie, jái cue die jiródime ja cuemo dájena ite. Daje izói afémie mo dájena iticue. ⁵⁷ Cue caade Moo orécacue, jira afémiedo cáadicue; daje izói cue rítímie cuedo cáate. ⁵⁸ Monámona ana bite gülleri úriticue. Bie güille omoi jaiáidigima güiga maná izóñede. Nana afémaci tídimaci; mei íadi bie güille güitímie zíñona iite, —daide.

⁵⁹ Jesús Capernaúmo ite Juzíñamui uai llófueriracomo nana bífuiai íaioimo llófuete.

Zíñona cáatate uailai

⁶⁰ Bie llófuiana cacáillamona, aillo Jesudo jáidimaci daidíai:

—Bie afémie daína afe jeire ollúuai iere féirede. ¿Bu áfena jeire órena? — daidíai.

⁶¹ Iemona Jesús íaioi gugúrillana onóbicaide. Onóillano jicánote:

—¿Aféfuiai ómoína íáiruificaitade? ⁶² Ie mei Nanoide Hima Jitó nano ie illánomo caifo ie jáillana omoi cíoadi, ¿ñie izói ítiomoi? ⁶³ Cai joreño cai cáatate. Ieizi cáatañede. Omoína cue daínauailai joreño izoide uafue uailai. Cáataitai. ⁶⁴ Mei íadi ómoimona dámierie nai íñoñediai, —daide.

Jesús afe íñoñedimaci nanómona onode. Afe llezica íena éoidimacimo fécaitimiena onode. ⁶⁵ Ie mei daide:

—Iemona ómoína dáiticue, Moo átiñenia buna cuedo bínide, —daide.

⁶⁶ Aféruimona aillo Jesudo jáidino íena fiénocaidiai. Ja íedo macáñediai.

⁶⁷ Ie jira ie doce diga llófuegamacimo jicánote:

—¿Omoi daje izói jáiacadiomoi? —daide.

⁶⁸ Mei íadi Simón Pedro uai ote:

—Ocuíraima, ¿bumo jáiredicai? Zíñona cáatate uailai omo ite. ⁶⁹ Ja cai ínoticaiza. Onódicai caade Juzíñamui Jitódioza. Crístodio, —daide.

⁷⁰ Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

⁷¹ Afe daínado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademonia.

7

Jesús ámatiai íena íñoñediai

¹ Afe méifodo, Jesús Galilea éñiedo macade. Judéamo íacañede, dinomo judíuai ie íaioi fáiacana jira. ² Ja bizáinillaimo irázillafue ánozide. Afefue judíuai rafue. ³ Ainozillamona ie ámatiai íena daide:

—Benó fiébiñeno. Judéamo o jairi, dinomo ite odo jáidino o finócafueña cíoillena. ⁴ Dámie nana comini íena íaioi onóillena jitáidi, ie raana báinino finóñede. Afe áillofuiai o finóadi nana comini uícomo finori, —daidíai.

⁵ Bie izói daidíai, mei nai ie ámatiai íena íñoñediaoiza. ⁶ Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera.

⁷ Enie imaci ómoína éoinide, mei íadi cuena éoidiai, níbaí íaioi fieni finócafuiiai uai nabáiraimadicueza. ⁸ Mai ráfue mo omoi jai. Nai jáíñeiticue, cue ñue illíruimo nai dúciñede.

⁹ Daí daína mei Galiléamo fiébide.

Jesús bizáinillai irázillafuemo jaide

¹⁰ Ie ámatiai jailla mei, Jesús daje izói ráfue mo jaide, mei íadi uáfodo jáíñede. Jabo báinino jaide. ¹¹ Judíuai afe rafue ana íena jenódiai. Daidíai:

—¿Ninomo mei afe íima ite? —daidíai.

12 Comini cigiedo aillo afémieri úritiaioi. Dáarie, “Ñúemie,” daidíai. Jíamaci, “Fiénidimie; mei comínina jífujeteza,” daidíai.

13 Mei íadi judíuaina jacíruillano buna afémieri uáfodo úriñede.

14 Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede. 15 Iemona judíuai fáigacaillano daidíai:

—¿Nie izói bie ima diga ráfuiaina onode, afémie nai llófueñegamo? — daidíai.

16 Jira Jesús uai ote:

—Cue llófuegauai cúeieñede; mei íadi cue orédimie ie. 17 Dáamie Juzíñamui jitailla izói finóacania, afémie cue llófuegauai Juzíñamuimona bitíuaina ónoite. Afe llezica dama cue jitailla izói llófueñedicuena ónoite. 18 Dama ie comeci jitailla izói úritimie, comini íemo ñúefuena nitállena úrite. Mei íadi íena orédimie ñuera ráfueña nitácadimie uáfueña dáite. Afémiemo jífuiafuena iñede.

19 ¿Omoimo ocuica uailai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izói, ¿nibái mei cue fáiacadiomoi? —daide.

20 Jira comini uai ote:

—Omo fiénide jóriai illa. ¿Bu o fáiacana? —daidíai.

21 Jira Jesús daide:

—Daa raa ocózinai llaruimo cue finuari nana fáigacaidiomoi. 22 Mei íadi úrue bacano icói quétajana facátafue Moisés ómoimo iga. Jira íiza bacano icói quetádiomoi ocózinai llaruimo íadi. (Moisés afefue táineñegaza; jái airagimaci taineca.) 23 Mei jira Moisés ocuica uailai nana ñue fuizáillena, íiza bacano icói omoi quetáadi ocózinai llaruimo íadi, ¿nibái ríicaidiomoi ima abi námiena cue jállotaia ocózinai llaruimo? 24 Mai jinófene éroillano comini ifue nitátañeno. Omoi nitáadi jaícina uáfueña nitari.

Jesús ie comuñllanodo úrite

25 Ie mei Jerusalemo dáarie itínomona jicánuaidiaioi:

—¿Bímie íaioi fáiacagamieñede? 26 Mei íadi batínomo comini cigimo úrite íadi buna nie izói daíñena. ¿Uáfueña caifóidimaci bímie Crístoza ínotiaioi? 27 Mei íadi cai, afémie ninómona ie bíllana onódica. Iadi ibana Cristo bíadi, buna ninómona ie bíllana ónoñeite, —daidíai.

28 Afena cacáillano Jesús nai gairíracomo llófuia llezica riire daide:

—¿Cuena onódiomoi za? ¿Ninómona bitícueza onódiomoi? Mei íadi dama cue comeci izói biñédicue, íadi caade cue orédimie mona bitícue. Afémie jaca itímie. Afémiena onóñediomoi. 29 Afémiena onódicue, afémiemona bitícueza, ie orécacueza, —daide.

30 Iemona íena lláviano úiacadiaioi. Mei íadi nai buna íena llaitáñede, nai ie llaitáilliruimo dúciñedeza. 31 Mei íadi aillo comini íemo ínotiaioi; daidíai:

—Cristo bíadi ¿bímie finoca cíofinina onótafuia baímo fínoite? —daidíai.

Fariséuai llazíriraini orede, Jesús lláviano úillena

32 Fariséuai comini Jesuna dánana cacádiaioi. Jira lletáriraini illaini, gairíraco jabóidillaimaiai orede Jesús llaitada úillena. 33 Jira Jesús uai ote:

—Omoi cigiri dama íanori nie dino íiticue. Ie méifodo cue orédimie díne jíiticue. 34 Cuena jénoitiomoi mei íadi cuena báñeitiomoi, cue illínomo jáinidiomoi za, —daide.

35 Ie mei judíuai daní íaioimo jicánuaidiaioi:

—¿Bímie ninomo jáite, íena cai báíñeillena? ¿Judíuai júdaicamací griego éniemo afémie jáite, griego imaci llófuellena? ³⁶ Ie dainana, “Cuena jénoitiomoi mei íadi cuena báíñeitiomoi, cue illínomo jáinidiomoi za,” ¿nie izói daide? —daidíaioi.

Jesús, jainoi izói cómena cáatate

³⁷ Rafue íirairuimo jamánomoidirui. Aféruido Jesús naidáillanona como aillo uaido úrite:

—Nana jiróacadimie cuemo bi; júruabi. ³⁸ Cuegáuai daina izói, cuena ínotimie ie comécimona áillue imani tua izói aillo ñue cáataitífuiai biite, —daide.

³⁹ Aféfuedo nana afémiena ínotino Ñuera Joreño llínoitiaioi daide. Ua mei, Ñuera Joreño nai biñede, Jesús ie cáimafue ebíredifue diga nai llínoñena jira.

Comini Jesuna daináfuijai jíáfodorie jóide

⁴⁰ Dáarie comini cígimona aféfuena cacáillano daide:

—Uáfuenta bímie uai llóraíma, jaijai ninomo bíacadimie, —daide.

⁴¹ Jíáimaci daidíaioi:

—Bie ua Cristo.

Mei íadi jíáimaci daidíaioi:

—¿Nie izói Cristo dino Galilea ímieite? ⁴² Cuegáuai llote: “Jáiaidillaíma David, ie izíe ímieina Cristo iite. Ua Belén ímieina iite, afe jófuemo nauí David íteza,” —daidíaioi.

⁴³ Daií nana comini Jesús ícoínia dázierie bózietaidiaioi. ⁴⁴ Dámierie Jesús maiáno úiacadiaioi, mei íadi buna daií ñeñena.

Caifoide ríredino Jesuna ínoñediaioi

⁴⁵ Gairíraco jabóllaini abido fariséuai illánomo, daje izói lletáriraini illaini illánomo bitíaioi. Afémaci íaioimo jicánote:

—¿Nibái mei íena atíñediomoi? —daide.

⁴⁶ Jira jabóllaini (jíáfodo mameina llavériraini) uai otíaioi:

—Jaca ninomo buna afémie úrilla izói úriñede, —daidíaioi.

⁴⁷ Jira fariséuai daidíaioi:

—¿Omoi daje izói ja jífuegamacidiomoi? ⁴⁸ ¿Cai illáicomini dáarie íena ja ínotiaioi fariséuai diga? ¡Jaca ínoñediaioi! ⁴⁹ Mei íadi bie comini ocuífufuiai onóñediaioi, ja faidócaiaioiza, —daidíaioi.

⁵⁰ Nicodemo, naio Jesumo eróizaíbitimie daa fariseo imácimona. Iaioina daide:

⁵¹ —Cai ocuífufue daina izói buna duere finónidicai, nano fueñe íena cai cácañeniadi, ie finócafuenta cai ónoillena, —daide.

⁵² Mei jira uai otíaioi:

—¿O jái daje izói Galilea ímiedioza? Cuegáuai fácado. Dinomo cíoitio buna uai llóraíma Galiléamona biñede, —daidíaioi.

Jiruíredingo Jesumo atídiaioi

⁵³ Mei íemona naga come íaioi jofomo jaide.

8

¹ Mei íadi Jesús Olivo daina ídumo jaide. ² Ie jítiramo monáillamona, abido gairíracomo bite. Nana comini íemo áinozidiaioi. Afémie ráinaillano íaioina llófuiaide. ³ Ie mei ocuífufue llófueraini fariséuai diga jiruíredingo Jesumo atídiaioi. Daií ñécade afengo baitíaioi. Afe gairíracomo ítimaci cígimo aféngona jónetiaioi.

⁴ Jóniano Jesuna daidíaioi:

—Llófueraima, bie ringo afe jiruúrenafue finócade baiticai. ⁵ Afe izoide ringona Moisés ocuúcafue cai ocuide noficiado fállena. ¿O nie izói daidío? — daidíaioi.

⁶ Daí daidíaioi Jesús facátallena. Bie facátamona fiénidifue íemo nitáacadiaoi. Iemona Jesús jíjicaillano éniemo onócaido cuete.

⁷ Mei íadi diga icaíño jícanotiaoi mo Jesús meine jaícina rainade. Ráinaillanona daide:

—Omoimona dáamie fiénidifueña inédimie, mai nanoide nofici aféngomo nitari, —daide.

⁸ Dáanomona nane jíjicaillano éniemo cuete. ⁹ Mei íadi aféfuena cacáillano, nana íaioi comeci úrilla uaido méaicaidiaoi. Méaicailano oni nana dáarie jáioidiaoi. Ua iere éicomédime uícodo oni jailla. Nana ja íaioi jailla mei, Jesús dama dinó fiébide afe atícango diga. ¹⁰ Iemo Jesús jaícina meine rainade. Afe ringo baimo buna cióñenano aféngona daide:

—Ringo, ¿ninomo omo fiénidifue jítdino ite? ¿Buna omo nofici nitáñena? —daide.

¹¹ Jira afengo daide:

—Ocuúraima, ua buna nitáñede, —daide.

Mei jira Jesús daide:

—Cue ona daí nítañeiticue. Mai o jairi. Fieni meine abido daí ñeño iri, —daide.

Jesús, bie énie comini egáñoraíma

¹² Jesús dáanomona nane cominimo úrite; daide:

—Cue bínie comini egáñoraímadicue; cuedo jáitimiemo cáataite egáñua íite. Jaca nino jítifodo mácañeite, —daide.

¹³ Ie jira fariséuai íena daidíaioi:

—Dama o uai nabáidío. Afe uai ráifiñede, —daide.

¹⁴ Jira Jesús uai ote:

—Cue dáina uáfueña ráifide, afe dama cuemo uai nabáidicue íadi. Cue ninómona biticue, daje izói cue jáillinona onódicueza. Mei íadi ninómona biticueza onóñediomoi, cue jáillinona diga. ¹⁵ Bie énie facárado jenócana facádiomoi; cue buna jenócana facáñedicue. ¹⁶ Mei íadi cue facáadi, cue facállifue jaícina ñue jóide. Dama facáñedicueza. Moo, cue orédime diga dáanomona jenoda facádicoco. ¹⁷ Omoi ocuica ciegáuai daide: “Mena uai nabáiraíma dáanomona daíadi, aféfuena ínoitiomoi.” ¹⁸ Cue dama cueri uai nabáiraímadicue. Cue Moo, cue orédime jáie cueri uai nabáiraíma, —daide.

¹⁹ Jira jícanotiaoi:

—¿Ninomo mei o Moo ite? —daidíaioi.

Jira Jesús uai ote:

—Omoi cuena onóñediomoi. Daje izói cue Moona onóñediomoi. Cuena onódiomoi nia, daje izói cue Moona onódiomoi za, —daide.

²⁰ Gairíracomo llófuia llezica, afe bíuai daide; ua fia fecaca úcube jóneraco illánomo dinomo llófue. Mei íadi buna íena lláviano uíñede, ie llaitáilliruimo nai dúciñena jira.

Cue jáillinomo jáinidiomoi

²¹ Jesús nane dáanomona íaioina daide:

—Cue jáiticue. Cuena jenoitiomoi, íadi omoi fiénidifue nai doñégamo tíitiomoi. Mei jí cue jáillinomo omoi jáinidiomoi za, —daide.

²² Jira judíuai dani conímana daidíaioi:

—¿Mei nibai afémie dama abi títaite, mei “Cue jáillinomo jáinidiomoi?” afémie caina dáideza? —daidíaioi.

²³ Jira Jesús íaioina daide:

—Omoi ana bebeco iédiomoi, mei íadi cue caifófeco ímiedicue. Omoi bie énie iédiomoi, mei íadi cue bie énie ímieñedicue. ²⁴ Ie jira omoi fiénidifue nai doñégamo títiomoi daidicue. Cue daina izói itímiedicuena omoi íñoñeniadi, omoi fiénidifue nai doñégamo títiomoi, —daide.

²⁵ Jira jicánotiaioi:

—Mei ¿o búdio? —daidíaioi.

Jira Jesús uai ote:

—Jaiiai nanómona ómoimo lloticue. ²⁶ Cuemo aillo ómoina cue daiíllifuiiai ite. Daje izói aillo ómoina cue jenoda facállifuiiai ite. Cue orédimie uáfueña daide. Afémiemona cue cacana izói bie énie comínina áfedo daidicue, —daide.

²⁷ Mei íadi Moodo íaióimo Jesús úrillana figo cacáñediaioi. ²⁸ Jira Jesús íaioina daide:

—Enie acónimo cuena caifo omoi raiñóadi cue daina izói itímiena ónoitiomoi, mei Nanoide Hima Jitódicueza. Afe llezica dama cue comeci izói finófinidicueza ónoitiomoi. Dama cue Moo cuemo llogáfuiiai daidicue. ²⁹ Cue orédimie jaca cue diga ite. Cue Moo dama cuena fiéñede, afémie ióbitadifuiaina finofiredicueza, —daide.

³⁰ Jesús daií dáinamona, aillo íena ínotiaioi.

Juzíñamui jitóniaí fiénidifuedo jeruícamací baimo ñue itíaioi

³¹ Afemona judíuaimona íena ínotinona Jesús daide:

—Cue ómoina dáinana omoi jaícina jeire oíadi, cue llófuegamacina uáfueña jáitiomoi. ³² Ie mei uáfueña ónoitiomoi. Afe uáfuedo jéruiñegamacina íitiomoi, —daide.

³³ Afémaci ie uai otíaioi:

—Abraham izíedicai. Jaca ninomo buna jéruiñegamacidicai. ¿Nie izói, jéruiñegamacina íiticaí, daidíoi? —daidíaioi.

³⁴ Jira Jesús daide:

—Uáfueña ómoina dáititue, nana fiénidifue finódimaci fiénidifuedo jeruícamací. ³⁵ Jeruícamié ie naama izíe diga jaca ínide. Mei íadi naama jitó aféziemo jaca jainaide. ³⁶ Daií mei Juzíñamui Jitó jeruíñenafue ómoimo fecáadi, uáfueña jéruiñelliomoi. ³⁷ Abraham izíe iédiomoi za ja onódicue; mei íadi cuena fáiacadiomoi, ómoina cue daínáfueña omoi llíñoñena jira. ³⁸ Cue Moo cuemo ácataga raado úriticue. Omoi moo daina izói finófirediomoi, —daide.

³⁹ Jira uai otíaioi:

—Cai moo Abraham, —daidíaioi.

Mei íadi Jesús daide:

—Uáfueña Abraham jitóniaína omoi íadi, afémie fínua izói fínoitiomoi. ⁴⁰ Mei íadi Moo Juzíñamui cuemo lloga uáfueña ómoina cue daina íadi, nai cuena fáiacadiomoi. Abraham jaca daií finóñede. ⁴¹ Omoi moo fínua izói finódiomoi, —daide.

Jira afémaci daidíaioi:

—Jaca jiruírenamona jócoñegacai. Caimo daade moo illa, Juzíñamui, —daidíaioi.

⁴² Jira mei Jesús daide:

—Juzíñamui uáfueña omoi móodena, cuena izíruitiomoi, mei Juzíñamuimona cue billa jira. Ua ie jira benó iticue. Dama cue comeci izói biñédicue, mei íadi Juzíñamui orécacue. ⁴³ ¿Nibái mei cue dáinana cacánidiomoi? Cue úrilla uaina cacáacañediomoi, jira onóñediomoi. ⁴⁴ Omoi moo Taife. Ie jira afémie

iediomoi. Afémie jitaina izói finócadimoi. Taife jaca nanómona fáfiredimie. Jaca uáfue mo jaináñede. Jaca uafue daiñede. Táinofuiai afémie lloíadi, ie illa izói úrite. Afémie táinofuiairede, ua táinofuiai moo. ⁴⁵ Mei íadi uafue daidícuemo cuena ínoñediomoi. ⁴⁶ ¿Omoimona bu cue fiénidifue jino due cíotarede? Uáfueña cue daiíadi ¿nibái mei cuena ínoñediomoi? ⁴⁷ Juzíñamui iédimie Juzíñamui uáillaina cácafiredi. Mei íadi Juzíñamui íeñediomoi, ie jira íena cacácañediomoi, —daide.

Cristo Abraham nano jae itímie

⁴⁸ Jira judíuai íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

⁴⁹ Jesús uai ote:

—Cuemo fiénide joreño jaca íñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenóñedicue, íadi jíímie ite cuemo ñúefuena nitállena. Afémie jenoda facade.

⁵¹ Uáfueña ómoína dáitícué, cue daínáfueña jeire otímie jaca ninomo tííñeite, —daide.

⁵² Jira judíuai uai otíaioi:

—Fiénide jóriai omo íllana ja uáfueña onódicaí. Abraham jaiái tíide naa uai llóraini diga, niadi jíáfodo daidíoi: “Cue daínana jeire otímie jaca ninomo tííñeite.” ⁵³ ¿Uáfueña cai moo Abraham baimo jáidíoi? Afémie tíide. Ua uai llóraini daje izói tíidíaioi. ¿O comécimo bu o íllana facadíoi? —daidíaioi.

⁵⁴ Jesús dínenai íaiomoi uai ote:

—Dama cuemo ñúefuena cue nitáadi, cue ñúefuena minícana ráifíñede. Mei íadi ñúefuena cuemo nitádimie cue Moo. Dáamiena omoi Juzíñamui daidíomoi. ⁵⁵ Mei íadi íena onóñediomoi. Cue íena ua onódicue. Afémiena onóñedicue cue daiíadi, omoi izói táinofuiairedimiena íitícué. Mei íadi íena uáfueña onódicue. Ie daínana jeire otícué. ⁵⁶ O jaiáidígíma Abraham cue illíruina cíocade áfemona íóbillena; áfena cíóillano afémie íere íóbicaide, —daide.

⁵⁷ Jira judíuai Jesuna daidíaioi:

—Nai cincuenta fimona íñédíoi, ¿Níe izói “Abraham cuena cíode” daidíoi? —daidíaioi.

⁵⁸ Jesús uai ote:

—Uáfueña ómoína dáitícué: Abraham nai íñeniadi cue itícué, —daide.

⁵⁹ Iemona nofíciái líínota Jesumo nitáacadaíoi. Mei íadi afémie retáirillano gairíracomona jino jaide. Afémaci cígído jaillano finocaide.

9

Jesús uina cíoiñede jocócamie jíllotate

¹ Afénodo jaillano, Jesús uina cíoiñede jocócamiena cíode. ² Ie llófuegamaci íemo jícanote:

—Llófueraima, ¿nibái mei bie íima uina cíoiñede jococa? Nibai ie moo fiénidífuiai ícoínia daí jococa. Nibai dama ie fiénidífué finua ícoínia daí jococa. ¿Bífuiaimona nífué uáfueña? —daidíaioi.

³ Jira Jesús daide:

—Dama íe ícoíniañedeza, jíái íe moo ícoíniañedeza. Mei íadi afémie mo Juzíñamui finóllífué ñue jino ácatallena, daí íficaide. ⁴ Nai monana llezica cue orédimie tájinafué cue finua jítaíredeza. Ja nauilla llezica buna tájínide. ⁵ Nai bie éniemo cue illa llezica, énie comíni egáíñotímedicueza, —daide.

⁶ Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemona ota, uina cíoiñedimie uimo bitade. ⁷ Ie mei íena daide:

—Siloé jainoi ofíllanomo jócuai, —daide. Afe Siloé mámecei jino dobáiñua dibénedo “Orécanona” mameide.

Iemona uina cíoiñedimie ui jócuaide. Meine bítemo ja cíoide. ⁸ Iemo ie abi comini, daje izói nauí uina ie cíoiñenana cíódino diga daidíaiói:

—¿Bímieñede, nii ráicana úcube jícafiredimiñede?

⁹ Dáarie daidíaiói:

—Jii, níimie.

Jiáimaci dinena daide:

—Ieñede, mei íadi afémiena eroide, —daidíaiói.

Mei íadi afémie dinena dama daí daide:

—Jii, níimiedicue, —daide.

¹⁰ Jira íemo jícanotiaíói:

—¿Nie izói ja cíódio? —daidíaiói.

¹¹ Jira afémie uai ote:

—Afe iima, Jesuna mámeceiredimie, ídiaidino fínuano cue uimo bitade. Bítanona daide: “Siloé jainoi ofíllanomo o ui jócuai.” Jócuaidicue. Iemona cue jócuaillamona cíódicue, —daide.

¹² Jira íemo jícanotiaíói:

—¿Ninomo afe iima ite? —daidíaiói.

Iaioina daide:

—Ico mei, —daide.

Fariséuai jíllotaga uina cíoiñedimiemo jícanodoidiaíói

¹³ Iemo fariséuaimo nauí uina cíoiñedimiena uitíaiói. ¹⁴ Jesús ídiaidino fínuarui, afe ocózinaillarui. Aféruimo Jesús uina cíoiñedimie jíllotate.

¹⁵ Fariséuai afe ímana nie izói afémie ui cíoinafue meine abido jícanotiaíói. Iemo afémie íaioina daide:

—Cue ui ídiaidinona bitade. Jira jócuaidicue. Iemona ja cíódicue, —daide.

¹⁶ Jira fariséuaimona dáarie íena daidíaiói:

—Afefue finódimie, Juzíñamui ímieñede, ocózinaillaruina íñoñena jira.

Mei íadi jiáimiai daide:

—Afémie fiénidifue finóraima íadi, ¿nie izói bie cíofinina finócafue fínoite? —daidíaiói.

Comini bózietaillamona ¹⁷ meine nauí uina cíoiñedimiemo jícanuaidiaíói:

—¿O afémiena nie izói daidío, o ui cíoitatimiena? —daidíaiói.

Jira afémie daide:

—Afémiena uai llóraima daidicue, —daide.

¹⁸ Mei íadi judíuai afe uina cíoiñedimiemo finócafueña ínoiacañediaíói. Ie ja cíonafueña ínoiacañediaíói. Ie jira jíllotagame móotiaína uáidotiaíói. ¹⁹ Iemo jícanotiaíói:

—¿Afe nii be o jitó uina cíoiñede jocócamie ómicoi daina? ¿Nie izói mei birui ciode? —daidíaiói.

²⁰ Ie móotiai uai ote:

—Onódicaiza bie cai jitó; uina cíoiñede jococa. ²¹ Mei íadi nie izói afémie como ciónana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíaiillinoi.

²² Ie móotiai daí úritiaillinoi judíuai jacinaillamona. Judíuai jae nana comini onótatiaíói. Daidíaiói:

—Nágamiiai Jesús ua Cristo dainámiena mámeitimie Juzíñamui uai llófueriracomona jino júiticaí, —daídíaiói. ²³ Iemona móotiai daídíaiói, “Afémiemo jícano. Jae eicómeza.”

²⁴ Ie mei judíuai meine nauí uina cíoiñedimiena uáiduano daídíaiói:

—Juzíñamui uíécomo uáfueña caina daiíri. Onódicaíza, bímie fiénidifuiaredimie, —daídíaiói.

²⁵ Afémie uai ote:

—Afémie nibai figora, nibai fiénidifuiaredimie onóñedicueza. Daa cue onóigafue. Nano fueñe uina cíoiñedimiedicue, mei íadi biruí cíódicue, —daíde.

²⁶ Nane dáanomo íemo jicánuaídiáiói:

—¿Ñie izói ona ñete? ¿Ñie izói o finode o ui cíoilena? —daídíaiói.

²⁷ Jira uai ote:

—Jae omoi lloticue, íadi cuena íinoñediomoi. ¿Ñibái mei dáanomo omoi llóiticue? ¿Omoi jáí daje izói iedo jáiacadiomoi? —daíde.

²⁸ Báíñuano íena daíde:

—O bímiédo jáidío, mei íadi Moisedo jáidicaí. ²⁹ Juzíñamui Moísemo úrillana onódicaí, mei íadi bie Jesús ninómona bite onóñedicaí, —daídíaiói.

³⁰ Jira afe íima uai ote:

—¡Bífue ñi cácafinina raa! Ie billánona onóñediomoi, íadi cuena ñue cíoitae.

³¹ Fiénidífue fínofiredimacimo Juzíñamui cacáñede ñue onódicaíza. Iemo afémiemo íóbicaítadinomo cacáfiredé, ie jítáinafue finódimaci díga. ³² Jaca nanómona uina cíoiñede jocócamie jíllotatímie dáinana cacáñena. ³³ Bímie Juzíñamuimona biñédeniadi, minícana ñénide, —daíde.

³⁴ Jira daídíaiói:

—O fiénidifuiaimona jocócamiedío. ¿O caina llófueacadío? —daídíaiói. Ie jira íena jino jíúnotiaíói.

Joreño dibéfuiaina onóñedimaci

³⁵ Jesús uina cíoiñedimie jino íaiói jíúnuana fidíde. Ie baillano íena daíde:

—¿Juzíñamui Jítomo ínotío?

³⁶ Jira afémie daíde:

—Ocuíraíma, cuemo llone bu afémiena íemo cue ínolleza, —daíde.

³⁷ Jira Jesús uai ote:

—Ja cíódioza. Nímiédicue, o díga úrilla, —daíde.

³⁸ Iemona afémie Jesús anari ana dújuillanona daíde:

—Ocuíraíma, ínoticue, —daíde.

³⁹ Ie méifomo Jesús daíde:

—Bie éniemo biticue, jaícina jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

⁴⁰ Ie mei fariséuaimona, Jesús díga itínomona, dáamierie afefue cacáillano íena jícanotiaíói:

—¿Meita cai uina cíoiñedinodicaí? —daídíaiói.

⁴¹ Jira Jesús uai ote:

—Omoi uina cíoiñeniadi, omoi fiénidifuiái ícoi ííñeite. Mei íadi “Cíódicaí” daídíomoi jira omoi fiénidifuiái ícoi íte, mei joreño dibéfuiaina onóñediomoíza, —daíde.

10

Ovejai cirínoraco cai onótate

¹ Uáfueña ómoína dáitícue, ovejai cirínoraco nazedo jáiñedimie ua meríriraíma. Enéfenemo táifodo tícaillano jofo jáidimie ua merírifiredimie.

² Mei íadi nazedo jofo jáidimie ua úiñoraíma. Níimie ie ovéjaína ñue uíñote.

³ Naze tuiñóraíma naze tuiñode afémie jofo jáillena. Ie uaina ovejai onódiaíoi. Ie ovéjaíai íaíoi mámecido júrite. Daí cirínoracomona jino ófiregaíaiíoi.

⁴ Nana ie ovejai jino óinana méifodo, íaíoi uícodo ífóicaide. Ovéjaíai ie óodana jáioicaíaiíoi mei ie uaina onódiaíoiíza. ⁵ Mei íadi onóñegamiemo jáioicaíñediaíoi. Mei jáífodo afémiemona niné botádiaíoi, ónoñegamaci uaina onóñena jira.

⁶ Bie daje izoide ráfuedo Jesús íaíoiímo llófuete. Mei íadi daí daíacana uáina onóñediaíoi.

Jesús ñue ovéjaíai úiñoraíma

⁷ Iemona Jesús meine dáanommo daízaide:

—Uáfueña ómoína dáitícue: Cue bie ovéjaíai jofo jaira nazédícue. ⁸ Nana cue uícómo bitímaci meríriraíni daje izói baíróraíni. Mei íadi ovéjaíai afémacina náfueñediaíoi. ⁹ Cue nazénaza. Cuedo jofo jáidimie júllobicaite. Afémie cirínoracomo jofo jaide, meine jino bite. Afe jofo jáitímie oveja izóidimiena íite. Ie güille raana báífiredo.

¹⁰ Meríriraíma fia merírizaíbite; fájaíbite, táinocaitajaíbite. Mei íadi cue bitícue íaíoi cáatallena, ua jamánomo íocire íaíoi íllena bitícue. ¹¹ Ñue ovéjaíai úiñoraímadícue. Afe ñue ovéjaíai úiñoraíma ovéjaíaiímo ie cáallinona itátaite. ¹² Mei íadi fia íbaca úiñoraíma dama úcube llínollena táijide. Jico izoide bíllana afémie cíóillano, ovéjaíai fíianona botade. Afémie botade uáfueña úiñoraímañena jira; daje izói ovéjaíai íeieñena jira. Iemona jico izoide ovéjaíaiína llaitade. Iemona nana jáíie ovéjaíai júdaízitiaíoi. ¹³ Bie íima botáífiredo, daa fia íbállena táijideza. Ovéjaíaiína nai lloñede. Íaíoiína duéruíñede.

¹⁴⁻¹⁵ Cue bie ñue úiñoraímadícue. Cue Moo cuena onona izói daje izói cue Moona onódícue. Afe izói cue ovéjaíaiína onódícue, ie izói afémaci cuena onódiaíoi. Cue cáallino ovéjaíaiímo íitícue. ¹⁶ Jáíie ovéjaíai cuemo ite. Bie cirínoraco íeñede. Cue uaina cacáillanona jeire óitiaíoi. Iemona daa cirínoraco íite, daje izói daa úiñoraíma íite.

¹⁷ Cue Moo cuena izíruite, cue abí fécaillano meine cue llínua jira. ¹⁸ Buna cue abí báíroñeite, mei íadi dama cue comeci izói fécaítícue. Cue áfena fecáredícue, ie mei meine áfena llínoredícue. Afe bie cue Moo cue ocuilla dieze, —daíde.

¹⁹ Judíuai afe uaina cacáillano bócoízitiaíoi. ²⁰ Afémacimona aillo daídíaíoi: —¿Níbaí mei uai jeire otíomoi? Afémiemo fiénide júriaí íllaza, íemo uáírítaide, —daídíaíoi.

²¹ Mei íadi jáíimaci daídíaíoi: —Fiénidena júriaíredimie jaca afe izói úrinide, —daídíaíoi. Fiénide joreño uina cíoiñedimie uina cíoitánide.

Judíuai Jesús llínoacañeno íena ruífrúitíaiíoi

²² Jae rozíruíllaruíllai. Afe llezica Jerusalemo irázíllafue finódiaíoi, gaíríracó Juzíñamuímo oni íficaíllaruí uibíñoicaíllena. ²³ Jesús Salomón macáranodo gaíríracómaco macade. ²⁴ Judíuai Jesumo ífoína gaíríllano daídíaíoi:

—¿Nie dinó caina figo onótañeítio? O Crístodio raire uáfodo caímo llone, —daídíaíoi.

²⁵ Jira Jesús uai ote:

—Jae lloticue íadi cuena ínoñediomoi. Cue finócafuiái cue Moo ríinodo finódicue. Afedo ñue jino ácatagacue. ²⁶ Mei íadi cuena ínoñediomoi, cue ovéjaiaíñediomoiza. Afena nauí ómoína daidicue. ²⁷ Cue ovéjaiaí cue uaina onode. Iaióina onódicue, jira cuedo bitíaiói. ²⁸ Zíiñona cáailino íaióimo fecádicue. Jaca afémacimona dáamie niné báizaiñeite. Buna cúemona íaióimona daa báiroñeite. ²⁹ Afémaci cue Moo cuemo iga. Afémie jamánomoidimie. Nana baimo jáidimie. Buna cue Moo Juzíñamuimona afémacina bairónide. ³⁰ Cue, cue Moo diga dáamiedicoco, —daide.

³¹ Iemona judíuai meine íena nofíciaina nitáacadiaíói. ³² Jira Jesús daide:

—Omoi eróicana diga ñúefuiaina cue Moo ríinodo finódicue. ¿Ñifue ícoínia nofíciado cue níjitiomoi? —daide.

³³ Jira judíuai uai otíaiói:

—Ñúefuiái o fínuamona ona níjiñeíticai; mei íadi o uáillado Juzíñamuina báíñotio. Fia ímadio, mei íadi Juzíñamuina o abí maméacadio, —daidíaiói.

³⁴ Jira Jesús daide:

—Omoi ocuínafuiaimo Juzíñamui daína jae cuega. Be níuai: “Omoi juzíñamuillaidiomoi.” ³⁵ Cuegáuai dánana jaca jáanonide, onódicaiza. Juzíñamui, ie uailai llínotimíaiaina juzíñamuillaina mameide. ³⁶ Juzíñamui jae cuena oní ífcaitajano bie éniemo cuena orede. Ua ie orécamedicue. Jira ¿nie izói dáitio “Juzíñamuina báíñotio” cue daíadi “Juzíñamui Jitódicue”? ³⁷ Cue Moo finoca izói cue finóñenia, mai cuena omoi ínoñeno. ³⁸ Mei íadi ie finócafue izói cue finóadi, mai aféfuíaina íno, omoi nai cuena ínoñenia. Afemona cue Moo cuemo íllana, jabe ónoitiomoi. Daje izói cue, cue Moomo itícueza, ónoitiomoi, —daide.

³⁹ Meine maíáno íena uíacadiaíói, mei íadi Jesús oni fínocaide.

⁴⁰ Ie mei Jesús Jordán ruicáfellemo meine jaide. Dinomo fiébide. Ua nauí Juan báutizano ite. ⁴¹ Aillo comíni íena eróizaidiaíói. Daidíaiói:

—Uáfuenta, Juan cíofinina onótalle raa finóñede, mei íadi nana Juan bímierí daínafuiái uáfuiái, —daidíaiói.

⁴² Dinomo aillo comíni Jesuna ínotiaíói.

11

Lázaro tíide meine cáadimíena jaide

¹ Daa íima Lázaro iere irárena. Betania ímie. María ie ebuño Marta diga daje jófuemo itíaiói. ² Afe María iráredimie Lázaro miríngo. Afe María nauí Jesús ídaimo ziórede cáiredíji totade. Tótanona ie ífótido zafénaitade. ³ Ja birui afe miríngo íaínguai uai Jesumo orede, Lázaro iere tíiacana jira: llote:

—Ocuíraíma, o nabai Lázaro irárede, —daide.

⁴ Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

⁵ Marta ie ebuño ie íio Lázaro diga Jesús íaióina iere izíruite; ⁶ mei íadi Lázaro irárenafuena fidíllanona, Jesús raire jáíñede; nai ménarui ie illánomo ite. ⁷ Ie mei ie llófuegamacina daide:

—Meine Judéamo cai jai, —daide.

⁸ Jira llófuegamaci daidíaiói:

—Llófueráíma, nano cómoicana Judíuai díno nofíciado o fáiacadiaíói. ¿Nane meine afe díne jáiacadio? —daidíaiói.

⁹ Jira Jesús ie tíllirui nai áinoziñenana onóillano, íaioina onótatuaído daide: —¿Uáfueñede, naga mona doce horas ite? Come monari macáadi éicitañede. Bie éniemo ite egáiñuana ciode. ¹⁰ Iadi come naio macáadi éicitaide; aféniemo egáiñotinona iñédeza.

¹¹ Ie mei Jesús nai úrite; íaioina daide:

—Cai nabai Lázaro inídeza, mei íadi cazítaiticue, —daide.

¹² Jira llófuegamaci daidíaioi:

—Ocuíraima, afémie iníadi ja jíllocaite, —daidíaioi.

¹³ Mei íadi Jesús jíáifodo daiíacade, Lázaro tíide. Llófuegamaci comeci facade Jesús dánana fia ínia llote. ¹⁴ Jira Jesús jino uáfodo íaioina daide:

—Lázaro ja tíide. ¹⁵ Ióbídícue afémie tíllanomo iñédicueza. Daií ómoimona ñuera, omoi íinollena. Mei íadi cai éroizailli, —daide.

¹⁶ Iemo Tomás, Guarámie maméidimie, jíáie llófuegamacina daide:

—Mai cai jai, afémie diga dáanomo cai tílleza, —daide.

¹⁷ Jesús dúcillano como fidide Lázaro ja cuatro dígarui énie anamo ite.

¹⁸ Betania iere Jerusalén áinori ite, mena kilómetro átuedo izói. ¹⁹ Aillo judúuai jáidimaci Marta María diga uáiduidiaioi, íainguai íio tíllari. Iainguaimo fíraibitiaioi. ²⁰ Marta Jesús dúciana fidíillano afémiena jino cióizaide. Mei íadi María jofomo fiévide. ²¹ Marta Jesúna daide:

—Ocuíraima, o nibai benó itíoniadi cue íio tíñede. ²² Mei íadi onódicue naga raa Juzíñamuimona o jícaadi afémie omo iite, —daide.

²³ Jira Jesús daide:

—O íio meine cáate.

²⁴ Iemo Marta daide:

—Jii, cue onódicueza tíidino cáadinona illíruimo, énie íirairuimo afémie meine cáate, —daide.

²⁵ Jira Jesús daide:

—Cue tíidino meine abido náidataraimadícue; cáadinona abido itátaraimadícue. Cuena ínotimie ie tíadi meine cáate. ²⁶ Nana nai cáadino cuena ínoiadi jaca ninomo tíñeitiaioi. ¿O afefue ínotio? —daide.

²⁷ Jira afengo daide:

—Jii, Ocuíraima, o Crístodio ínoticue. Juzíñamui Jitó ana éniemo bitímiedioza. Afena ínoticue, —daide.

²⁸ Daií dáina méfodo, Marta ie ebuño María uáiduaide. Báinino aféngona daide:

—Llófueraima benó ite. O jíiritade, —daide.

²⁹ Afena cacáillano María raire náidacaillano Jesumo eróizaide. ³⁰ Nai Jesús afe jófuego jofo jáiñede. Marta ie baizájillanomo nai ite. ³¹ Jofo ite judúuai afengo fíraidiaioi. Afengo náidacaillano, raire jino jáillana judúuai cíoillano, aféngodo jáidiaioi. Afémaci comeci facádiaioi, afengo raiafo dinomo éeiaide. ³² Ie mei María Jesús illánomo dúcide. Dúciano afémie eiba abimo caiñícido dújuillano daide:

—Ocuíraima, o nibai benó itíonia cue íio tíñede, —daide.

³³ Jesús María éeiana, naa aféngodo bitino judúuari éeiana ciode. Cíuano afémie iere zúureficaide. Ie comeci docaide. ³⁴ Jira jícanote:

—¿Ninomo omoi raiga?

Jira daidíaioi:

—Ocuíraima, eróizaibi, —daidíaioi.

³⁵ Jesús eede. ³⁶ Jira mei judúuai daidíaioi:

—¡Ero, nii afémiena izíruilla! —daidíaioi.

³⁷ Iadi afémacimona dámie daide:

—Bímie uina cíoiñedimiena meine cíoitaraíma. ¿Nai afémiemo iñede ríino Lázaro tíitañeillena? —daide.

Lázaro tíillamona meine abido cáadimiena jaide

³⁸ Jesús comeci meine iere docaide. Raiáfomo ánozide. Raiáfo idu ana ifo. Ie jofu jáirano daa nofícina ibaica. ³⁹ Jira Jesús daide:

—Nofici oni ono, —daide.

Tíidimie miringo, Marta daide:

—Ocuíraíma, jae íaire jallede. Ráiamona cuatro dígarui íteza, —daide.

⁴⁰ Jira Jesús daide:

—¿Nai ona daiñedicue, o ñnoiadi Juzíñamui ebírenafuena cíoitio? —daide.

⁴¹ Iemona nofici oni otíaioi. Ie mei Jesús monamo érocaillano daide:

—Moo Juzíñamui, iere figura cuemo cacáreifiredio. ⁴² Onódicueza cuemo jaca cacáreidio. Mei íadi daí daidicue benó ite comini ññeillena, daje izói bimaci o cue óriana ñnollena, —daide. ⁴³ Daí daina méifodo jírrite:

—¡Lázaro, dinómona jino bi! —daide.

⁴⁴ Tíidimie jino bite; ua onoi idai diga ferínoraroido maíano jino bite. Uiéco iníroina ibaica diga bite. Jira Jesús íaioina daide:

—Zuita, zuitanona ie ore, —daide.

Jesús llaitállena jaícina maméritiaioi
(Mt 26.1-5; Mr 14.1-2; Lc 22.1-2)

⁴⁵ Afedo aillo judíuaimona Jesuna ñnotiaioi. Afémaci, María ícoínia bitino, Jesús finócafueña cíodímaci. ⁴⁶ Mei íadi afémacimona dáamierie fariséuaimo úrizaide. Ua Jesús finócafuiái íaiomimo llujáide. ⁴⁷ Iemona fariséuai, lletáriraini illaini diga gairídíaioi naa caifóidillainiri. Daidíaioi:

—¿Nie izói ñéiticaí? Bie iima aillo cíofinina onótalle raana finode. ⁴⁸ Fia daí íena cai fáicanocaiadi nana íena ñnoitiaioi. Iemona romano ríimaci cai gairíraco táinocaitaitiaioi naa cai náirairi, —daidíaioi.

⁴⁹ Dámie íaiomona Caifás mámeciredimie. Afémie afe fimónamo lletáriraini illaíma. Afémie íaioina daide:

—Omoi minícana onóñediomoi. ⁵⁰ Daa iima comíniri tíia baímo jamánomo ñuera, nana nairai tíiñeillena. Afefue nai figo fidíñediomoi, —daide.

⁵¹ Mei íadi Caifás afefue dama ie comécido lloñede; mei jíáfodo afe fimónamo afémie lletáriraini illáimana íllamona, Juzíñamui Joreño daináfuedo afemie daide: “Jesús judío náirairi tíizaite.” ⁵² Ua dani afe náirairi tíiñeite, mei íadi nana júdaizite Juzíñamui jitóniaí dáanomomeine gairíllena tíizaite. ⁵³ Daí aféruimona judíuai ríimaci Jesús fállena maméritiaioi.

⁵⁴ Jira Jesús ja judíuai cígido uáfodo macáñede. Judea éniemona oni jaillano, táizici ánorí ite jófue mo jáizaide. Afe jofue mámece Efraín. Dinomo ie llófuegamaci diga fiébide.

⁵⁵ Judíuai pascua rafue ánozidemo aillo jofue comini Jerusalemo jáidiaioi, pascua uícomo comeci duáfuiái finóllena. ⁵⁶ Jaillano Jesús jénuaidiaioi. Gairíracomo íaioi illano conímamo jícanoidiaioi:

—¿O nie izói daidio? ¿Afémie ráfue mo biite? ¿Nibai bíñeite? —daidíaioi.

⁵⁷ Fariséuai lletáriraini illaini diga jae ocuídíaioi: “Daa come Jesús illánona onóiaí lloíri,” ie cai llaitálleza, —daidíaioi.

12

Ringo Jesús jillaide

(Mt 26.6-13; Mr 14.3-9)

¹ Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tídimacimona Jesús abido cáatagamie.

² Dinomo nauife güillafue finódiaioi Jesumo ñúefuiaina nitállena. Marta güille raizífiredede. Güirábanimo ráicana Jesús diga güitino, Lázaro afémacimona dáamie. ³ Iemo María litro átuedo zíoji cáiredena fáinegaji atide. Afeji jamánomo ráifide. (Afeji mámecei nardo.) Atiano Jesús eiba emodo jillaide. Daií ñiano ifótiido zafénaitade. Nana afeco ero zúena oruíbicaide. ⁴ Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

⁵ —¿Ñibái mei trescientos dígabe fidi bie cáirediji fécañega, duéredino cai canoi daií? —daide.

⁶ Mei íadi duéredimaci izíruillamona daií daiñede. Mei íadi afémie meríriraíma. Nane íaioi úcubellu uícaifiredede. Aféllumo jóonega raana merífiredede. ⁷ Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote.

⁸ Duéredimaci jaca omoi diga ífiredede, mei íadi cue jaca omoi diga are íneiticue, —daide.

Lázaro fállena maméritiaioi

⁹ Aillo judíuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaron a cíoillena, tídimacimona Jesús abido cáatagamiena jira. ¹⁰ Iemona lletáriraini illaini Lázaro fállena mamédiaioi. ¹¹ Ua Lázaro ícoiniadi aillo judíuai illáicomínimona jírecaillano Jesuna ínotiaioi.

Jesús Jerusalemo ebire jofo jáillafue

(Mt 21.1-11; Mr 11.1-11; Lc 19.28-40)

¹² Pascua ráfue mo aillo comíni Jerusalemo jáidiaioi. Ie méidíruido Jesús jófue mo dúcizaillana fidídiaioi. ¹³ Amena rafóruai jaitada jino Jesús uáiduaidiaioi. Caillícana daidíaioi:

—¡Juzíñamuina ebífuena daiíri! ¡Juzíñamui mámeceido bitímie caimare comuiri! ¡Israel Illaíma caimare comuiri! —daidíaioi.

¹⁴ Iemo Jesús burro baillano afe emódomo ráinade, jaii Cuegáuai daína izói; be níuui:

¹⁵ “Sión comíni omoi jacíruiñeno.

Erocái, o Illaíma búrrodo ráicabite.”

¹⁶ Nanómona ie llófuegamaci aféfuiaína cacáñediaioi. Ie méifodo ebírenafue Moo íemo nitaca mei, ie tíllanomona meine abido cáatallíruimo, nana afémieri Cuegáuaimo uíbicaidiaioi. Daje izói íemo daií finócafue mo uíbicaidiaioi.

¹⁷ Lázaro jino raíáfomona uáiduaruido aillo comíni Jesúsóiri ite. Ua Lázaro tídimacimona abido cáanana cíódino afe íaioi cíónafuena llujáidiaioi. ¹⁸ Ie jira comíni Jesuna caimare baizájidiaioi, afe cíofinina ie finócafue íaioi fidina jira. ¹⁹ Jira fariséuai dani daidíaioi:

—Ja cíódiomoi, jaca nie izói ñénide. Erocái, nana comíni íedo jáidiaioi, —daidíaioi.

Dáarie griego imaci Jesús jenódiaioi

²⁰ Rafue illa dino acádoillena Jerusalemo bitímaci cigimo dáarie griego ímíai ite. ²¹ Afémaci Felípemo áinozidiaioi. (Felipe Galilea ímie; Betsaida jofue ímie.) Ainozillano íemo izire jicánotiaioi:

—O onógamie Jesuna cíoiacadícai, —daide.

²² Jira Felipe Andrena daízaide. Iemo afe íaillinoi Jesumo llujáide. ²³ Ie jira Jesús ie abina úrillano daide:

—Nanoide Iima Jitomo ebírenafuena nitálliruimo ja dúcide. ²⁴ Uáfueña ómoína dáitícue, daa güiga raa ido éniemo riñenia, tíñenia, jaca nai dáajina jóoide; mei íadi afeji ríllamona tídena eroide zícua mona aillo aite. ²⁵ Daje izói dáamie ie cáaillinona dama íeiena rairuíadi, áfena féitaite, mei íadi dáamie ie cáaillinona bie éniemo jámairuíadi, áfena zíiñona cáaillinomo éenoite. ²⁶ Dáamie cuemo jáináiacadímie cuedo jáirede. Cue illínomo dánomo cuena jáináidímie iite. Dáamie cuemo jáináia, cue Moo afémiemo ñúefuena nítaite, —daide.

Jesús ie tíillifuena jino lloste

²⁷ Jesús nai úrillano daide: Birui cue comeci iere llícitáide. ¿Nie izói cue daíri? ¿Nibai bie izói dáitícue: “Moo birui cuemo zuídífue mona cue jíllota”? Mei íadi cue afe jira bitícue. ²⁸ Moo, o mámecimo ebírenafuena jóoneri, —daide.

Iemona monámona daa uai cácaide. Daide:

—Afena jae ebire íficaitadícue. Iemo meine dánomo ebire íficaitaitícue, —daide.

²⁹ Aféno mo ite comini áfena cacáillano daidíaioi:

—Mona gíria, —daidíaioi.

Iemo jáimaci:

—Juzíñamui abi ímie íemo úrite, —daidíaioi.

³⁰ Mei jira Jesús daide:

—Afe uai cuemo cácaíñede. Omoimo cácaide. ³¹ Ja biruimo bie énie comini jenoda facátalliaioi. Jabe bie énie ocuídímie jino dotácana iite. ³² Enie acónimo titállena cue íaioi raiñolle llezica, nana dama cuemo cue atille, —daide.

³³ Afe dánamona, ie tílla izói onótate. ³⁴ Jira comini uai otíaioi:

—Cai ocuilla uai ciegánicodo caimo llófuega: “Cristo zíiñona iite.” ¿Nie izói daidio: Nanoide íima Jitó titállena caifo raiñóbicaite? ¿Bu mei bie Nanoide íima Jitona? —daidíaioi.

³⁵ Jira Jesús daide:

—Nai omoi cigiri egáiñotimíena izói nano íanori itícue. Bie cue egáiñuana ómoimo illa dino, mai cue llua izói omoi macari, jítedino raire omoi éidafíñeilla. Jítinodo macádímie ie jáillana onóñede. ³⁶ Uze fomo ñno, nai ómoimo illa dino, egáiñogamacina daí omoi jáillena, —daide.

Afefue daína méfodo, Jesús afémacimona retáirizaide.

Judíuai Jesuna íñoñediaioi

³⁷ Jesús íaioimo eróicana diga cíofininafuiaína finode. Mei íadi íena íñoñediaioi. ³⁸ Ua íñoñediaioi, jai ai uai llóraima Isaías Cuegáuai fuitállena. Isaías daide:

Ocuíraima, ¿bu cai úrillafue íñua?

¿Bumo Ocuíraima ie ríinona ácatate? daide.

³⁹ Daítana jira ínonidiaioi. Ie emódomo jáífodo Isaías cuete:

⁴⁰ Juzíñamui uina cíoiñedimacina íaioína finode.

Íaioi ífoci jáíaitate.

Daí finode uído cíoiñeilla,

daje izói ifócido ónoñeilla.

Jira cuemo bínidimaci, íaiói cue jállotallena.

⁴¹ Isaías aféfuiaí llote, mei afémie Jesús ebírenafuena ciódeza. Jira afémiedo úrite.

⁴² Mei íadi aillo judíuaimona Jesuna ñnotiaíoi, illáicomínimona jíái dáarie. Mei íadi uáfodo lloñediaíoi, fariséuaina jacíruillano gairíracomona jino íaiói óreñeilla. ⁴³ Comini ñúefuena íaióimo nítajana jamánomo gáidiaíoi. Mei íadi Juzíñamui ñúefuena íaióimo nítajana jámairuitiaíoi.

Jesús uailai comínimo ríire jicánoite

⁴⁴ Jesús aillo uaido daide:

—Cuena ñnotimie, dama cuena ñnoñede, mei íadi daje izói cue orédimiena ñnote. Ua cue Moona ñnote. ⁴⁵ Cuena ciódimie daje izói cue orédimiena ciode.

⁴⁶ Cue egáñnotimiedicue. Ana bie éniemo biticue, cuena ñnotino jítiredifomo fiébiñeilla.

⁴⁷ Dámierie cue uaina cacáadi íadi jeire ie óñeniadi, ie jicánoraimana íñeiticue. Cue bie énie comínina duere finuaíbiñedicue, mei íadi afémacina jállotabiticue. ⁴⁸ Cuena jámairuitimie, cue uaina jeire oñédimie ja ie duere fínoitimie ite. Cue daína uailai írairuillado duere íena finótaita. ⁴⁹ Dama cue comeci izói úriñedicue. Moo Juzíñamui, cue orédimie cue dainana llófuella jae ocuide. ⁵⁰ Moo cuemo ocuícáfue zíñona itátate. Afena onódicue. Jira mei, cue daína, jaca cue Moo cue ocuilla izói.

13

Jesús ie llófuegamaci idai jocode

¹ Jae pascua rafue uícodirui. Jesús bie éniena ie fiénocaillana, ie Moo dine jáillirui ánozillana fidide. Ieiena éniemo itínona izíruite. Ua jaca fáicanocaiñeno íaióina izíruite.

²⁻⁴ Taife jae Judas Iscariote comécimo Jesús fecállena llote. Judas Simón jító. Afe llezica Jesús Juzíñamuimona bitimiena fidide. Daje izói Juzíñamuimo meine jáillana fidide. Juzíñamui nana ríinona íemo fécajana Jesús onode. Ie mei güillano, güirábanimona náidacaillano jinóidicuiro duiñode. Dúíñuano daa abi doraroi ciráigimo maitade. ⁵ Ie mei jainoi icáífemo tótajano, ie llófuegamaci idai jócuaide. Daí ñiano, afe ciraigi maitaca abi dorároido íaiói idai zafénaitade.

⁶ Simón Pedro idai ie jócualla llezica afémie Jesuna daide:

—Ocuíraima, ¿cue ídaina jócoitio?

⁷ Jira Jesús uai ote:

—Birui cue finócafueña onóñedio, mei íadi fui ónoitio, —daide.

⁸ Mei ie jira Pedro daide:

—Jaca ninomo cue ídaina jócoñeitio, —daide.

Jira Jesús íena daide:

—Ona cue jocóñeniadi, cuemo jáinaiñeitio, —daide.

⁹ Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ifo diga jocori, —daide.

¹⁰ Jira Jesús daide:

—Como nóidimie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹ Iena fécaitimiena onona jira, Jesús jae daide “Nana dóñegaomoi.”

¹² Iaiói idai jócua méifodo, Jesús ie jinóidicuiro meine jítade. Güirábani abimo ráinaillanona daide:

—¿Omoimo cue finócafueña onódiomoi? ¹³ Omoi jae Llófueraimana, Ocuíraimana cue mamédiomoi. Daií ñue daidiomoi, nímiedicueza. ¹⁴ Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jitáirede. ¹⁵ Jae ómoína finócafueña onótaticue, cue fínua izói omoi finóllena. ¹⁶ Uáfueña dáititue: Táijitatimie baimo jaide jaiénicina iñede. Daje izói orédimie baimo jaide orécamiéna iñede. ¹⁷ Aféfuiai omoi onóadi, íemona afe izói ñiano, ióbificaitiomoi.

¹⁸ Omoiri nana úriñedicue. Cue nizécamacina onódicue. Mei íadi Cuegáuai daina ñue fuitállena jitáirede. Cuegáuai daide: “Cue diga güitímie jae cue ícidote.” ¹⁹ Afefue uícomo ómoimo lloticue afe íficailliruiamo Crístodicue cuemo omoi íñollena. ²⁰ Uáfueña ómoína dáititue, cue orécamiéna llínotimie afe izói cuéna llínote. Cuéna llínotimie afe izói cue orédimiéna llínote, —daide.

Jesús Judas ie fecállifue jino llote

(Mt 26.20-25; Mr 14.17-21; Lc 22.21-23)

²¹ Daií daina méifodo, Jesús jamánomo comeci zúucaide. Uáfodo jino llote: —Uáfueña ómoína dáititue, ómoimona dáamie cue fécaite, —daide.

²² Ie jira llófuegamaci jíámamo eróricaidiaioi, onóñegaza budo úrite.

²³ Llófuegamacimona dáamie Jesús iere izíruigamie. Afe güilláruido Jesús abimo ráiide. ²⁴ Simón Pedro íemo onócaido llote:

—Mai Jesumo jícano, ¿budo úrite? —daide.

²⁵ Jira jofo áinozillano Jesumo jícanote:

—Ocuíraima, ¿bu llotio? —daide.

²⁶ Jira Jesús uai ote:

—Daa pánllicina cue riáitano afémiemo íititue. Afe nímie, —daide.

Iemona pánllicina riáitano Judas Iscariote, Simón jitemo fecade. ²⁷ Afe pan Judas llínuamona, Taife ie comécimo jofo jaide. Mei jira Jesús daide:

—O finóllifueña raire fino, —daide.

²⁸ Júdasna daií daináfueña güirábanimo güitínomona buna aféfuéña onóñena.

²⁹ Ucubellu Judas uícaiga jira dáamierie comeci facádiaioi: Jesús daíacade ráfueño jitailla raana íbajitade. Jíámaci comeci facádiaioi, nibai duéredino úcube afémie íllena. ³⁰ Afe pan güilla méifomo Judas jino jaide. Ja naiona.

Comue ocuállafue

³¹ Judas jino jailla méifomo, Jesús daide:

—Jabe Nanoide íima Jitó ebírenafue ácatalle. Afe dainámiedicue. Iemo jíái jabe Juzíñamui ebírenafue iedo ácatalle. ³² Nanoide íima Jitó Juzíñamui ebírenafue ácataiadi, íbana ie Jitó ebírenafue Juzíñamui ácataite. Afena raire fínoite.

³³ Cue izíruigamací, omoi diga ja are iñeititue. Cuéna jénoitiomoi. Mei íadi nauí judúaína cue daina izói biruí ómoína dáititue: cue jáillinomo jáinidiomoi. ³⁴ Bie comue ocuácafue ómoimo llotitue: conímana omoi izírui. Cue omoi izíruilla izói afe izói conímana omoi izíruillana jitáirede. ³⁵ Nana conímana omoi izírui, nana comini cue llófuegamacidiomoi fídiitiaioi, —daide.

Pedro Jesuna jáanollifue Jesús uícomo llote

(Mt 26.31-35; Mr 14.27-31; Lc 22.31-34)

³⁶ Ie mei Simón Pedro Jesuna jícanote:

—Ocuíraima, ¿niné jáidio? —daide.

Jira Jesús uai ote:

—Cue jáillinomo biruí bínidio; mei íadi méifoidiruido cuédo bíitio, —daide.

³⁷ Mei ie jira Pedro daide:

—Ocuíraima, ¿nibái mei birui odo bínidicue? Ja finóbidicue o diga cue tíllena, —daide.

³⁸ Jira Jesús uai ote:

—¿Uáfuenta meita finóbidio cue diga o tíllena? Uáfuenta ona dáititcúe: nai átava úriñeniadi, dacaiñoámani cuena jáanoitio, —daide.

14

Jesús, Moo Juzíñamuimo jaira io

¹ Omoi comeci zúucañeno. Juzíñamuimo ñno; daje izói cuemo ñno. ² Cue Moo jofomo aillo illánuiái ite. Bifue tánofue íadi, raire ómoimo llóiticue; íadi jaca uafue. Mei jira omoi illino finuaidicue. ³ Omoi illino cue finuaila mei, abido ómoína uáibiticue, cue illíno mo dáano mo omoi íllena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuíraima, o jáillinona onóñedicaí. ¿Nie izói afe iona ónoiticaí? —daide.

⁶ Jira Jesús uai ote:

—Cue iódicue. Cue uáfuedicue. Daje izói cue cáatatinodícue. Ie jira daa cuedo Moo illánomo dúcirediomoi. ⁷ Cuena omoi onóiaí, daje izói cue Moona ónoitiomoi. Ja biruimo íena onódiomoi. Ja íena ciódiomoi za, —daide.

⁸ Jira Felipe daide:

—Ocuíraima, Moo Juzíñamui caimo cíota. Afedo figo baite, —daide.

⁹ Jira Jesús uai ote:

—Felipe, ja are omoi diga iticue, ¿nai cuena onóñedio? Cuena ciódimie daje izói cue Moona ja ciode. ¿Níbái mei Moona cíotalle cuemo jicádio? ¹⁰ ¿Moomo cue íllana nai ñnoñedio? ¿Daje izói cue Moo cuemo íllana ñnoñedio? Nana cue daináfuiái dama cue comeci izói daiñnedicue. Cuemo ite Moo dama ie táijina finode. ¹¹ Cue Moomo cue íllana ñno; afe izói Moo cuemo íllana ñno. Ménaillinoi dáano mo iticocoza. Daí omoi ñnoiacañenia cue finócafuenta ñno. ¹² Uáfuenta dáititcúe: cuena ñnotimie cue finócafue izói finoite. Nane afe baimo aillo jáífue finoite, cue Moo illánomo cue jailla jira. ¹³ Nana omoi cue mámedido jicaca raa finoiticue, Moo ebírenafue ie Jitó ácatallena. ¹⁴ Naga cue mámedido jicalle raana finoiticue, —daide.

Jesús Ñuera Joreño oréllena uafue llote

¹⁵ Cuena omoi izíruiá, mai cue ocuífauiaí cacáfireiri. ¹⁶ Iemo omoi canóraima, omoi firaraima jícaiticue. Moo ómoimo íena oréllena íemo izire jícaiticue. Bítimie uafue Joreño. Afe Ñuera Joreño na jícaiticue omoi diga ninomo íllena. ¹⁷ Enie imaci íena llínonidiaioi, afémiena ciónidimaci jira; daje izói afémiemona ónoñedimaci jira. Mei íadi íena ja onódiomoi, omoi diga illa jira. Ua uire jaca ómoiri dájena íte. ¹⁸ Omoína zóofeñeiticue. Abido bíitcúe omoi diga íllena. ¹⁹ Nano nígarui íanori íllamona comini ja cuena cíofeñeitiaioi, mei íadi cuena cíoitomoi. Afe jira omoi cáaitiomoi, cue caana jira. ²⁰ Aféruido cue Moomo cue íllana ónoitiomoi. Daje izói cuemo omoi íllana ónoitiomoi; daje izói ómoimo cue íllana ónoitiomoi. ²¹ Cue uaina onódimie, íemo jáí afe uaina jeire otímie uáfuenta cuena izíruiillana cíotate. Jira cuena izíruiitimie cue Moo daje izói izíruite. Cue daje izói íena izíruiticue; ie mei afémiemo cuena cíotaiticue, —daide.

²² Iemo Judas (íadi Iscarióteñedimie) íena daide:

—Ocuíraima, ¿nibái énie comínimo ácataño, daní caimo o abina ácataitio? —daide.

²³ Jira Jesús uai ote:

—Cuena izíruitimie cue dainafue jeire ote, ie jira cue Moo íena izíruite. Afe llezica cue Moo cue diga bíticoco afémie diga íllena. ²⁴ Cuena izíruiñedimie cue dainafue jeire oñede. Omoi cacana úrillafue dama cúeieñede. Afefue Moo Juzíñamui, cue orédimie ifue. ²⁵ Omoiri cue illa dino aféfuiaina ómoimo lloticue. ²⁶ Mei íadi Moo cue mámeçido Ñuera Joreño óreite, ómoína canóllena, ómoína firallena. Nágafuiaina omoi llófueite. Nana ómoína cue dainana uíbicaite.

²⁷ Começi caimare uái illifue ómoimo fiédicue cue jailla jira. Cue começi caimare uái illifue ómoimo iticue, mei íadi énie comini começi illifue izóíñede. Omoi começi zúucaíñeno. Jacíruiñeno. ²⁸ Jáiticue, cue dainana cacádiomoiza. Daje izói meine bíticue ómoiri cue íllena. Uáfueña omoi cuena izírui, cue Moomo cue jáillifue omoi fidínamona cámacaitio moi, mei afémie cue baimo illa jira. ²⁹ Jira afena uícodo ómoimo lloticue, afefue finuaruimo omoi inollena.

³⁰ Omoiri ja aillo úriñeiticue, bie éniemo ocuídime ja billa jira. ³¹ Mei íadi afémie cuena ocuínide. Daí írede, énie comini Moona cue izíruillana íaioi onóillena. Daje izói Moo cue ocuilla raana cue finuana ónoitiaioi. Mai náidacai. Benómona cai jáilleza, —daide.

15

‘Vid’ daina jíricono izoide rao ícairuai rafue

¹ Afe mei nane Jesús úrite; daide:

—Uafue ‘vid’ daina jíricono llizítate rao izóidicue. Cue Moo afe rao úiñotimie. ² Llízicañede rao ícairo jaitade. Nana llizíacade ícairo ie ícoi jáicoide, áfemona jamánomo llizíllena. ³ Omoi cue llófufuafuedo jae ñue dóficaidio moi. ⁴ Mai cuemo dáanomo omoi jainairi ómoimo cue jainaina izói. Daa ícairo fia daingo llizínide. Daje izói cuemo dáanomo omoi jaináñenia, ñúefuiai omoi comécimona comuítanidio moi. ⁵ ‘Vid’ daina jíricono llizítate rao izóidicue; afe rao zitaca ícairuai izóidio moi. Cuemo dáanomo jaináidime, íemo dáanomo cue jainaila llezica, ua jamánomo aite. Mei íadi cue iñédicuenia minícana finónidio moi. ⁶ Cuemo jaináñedime jino faille. Fáiamona zafénaite, rao rábiai izói. Afémacina iraida iraimo jobaica.

⁷ Cuemo ñue omoi jaináíadi, daje izói cue llogáfueña omoi féitañenia, o jitaiga raana jicari. Iemona afena ómoimo íticueza. ⁸ Aillo llizilla izoide ñúefue omoi finóadi, cue Moomo ñúefueña nítaitio. Afedo cue uáfueña llófuegamacina omoi íllana ácataitio moi. ⁹ Cue Moo cuena izíruilla izói, afe izói ómoína izíruiticue. Omoína cue izíruiticueza; áfedo dinomo omoi jairi. ¹⁰ Cue ocuífufuiaina jeire omoi óíadi, daí cuedo izíruillio moi. Daje izói cue Moo ocuífufuiaina jeire oticue. Iemona afémiedo izíruigacue.

¹¹ Cue daí úriticue cue dibénedo caimare omoi íllena. Daí íobillafueña oruíbicaio moi. ¹² Bie cue ocuífue: Omoína cue izíruilla izói naga come ie conímana izírui. ¹³ Dáamie jamánomo izíruillafuedo ie abi ie nabáñiaimo fecárede. Afe baimo iere izíruillafue íñede. ¹⁴ Cue ocuífue omoi finóadi cue nabáñiaidio moi. ¹⁵ Ja jaiénicina ómoína mámeñeiticue, jaiénici ie ocuídime finuafueña ónoñena jira. Cue nabáñiaina ómoína mamédicue, nana cue Moo cuena daináfufuiai omoi cue onota jira. ¹⁶ Omoi cuena nizéñedio moi, mei íadi cue nizécamacidio moi. Iemona ómoína ocuídicue, aillo llízicue izoide ñúefuiaina omoi finóllena. Afe llízicue are íllana ocuídicue. Ie jira daí nana cue mámeçido

omoi jicaca raana cue Moo ómoimo fécaite. ¹⁷ Jira bifue ómoina cue ocuállafue: Naga come ie conímana izíruiri, —daide.

Enie comini Jesuna éoide ie comini diga

Jesús nai úrillano daide:

¹⁸ —Enie comini ómoina éoiadi, nano fueñe cuena íaiói éoillamo omoi uíbicairi. ¹⁹ Enie comínina omoi íadi, afémaci íaiói comínina izíruilla izói ómoina izíruitiaíoi. Mei íadi énie imácimona ómoina nizédicue. Ie jira énie imaci ómoina éoidiaíoi, éniemo íaiói jainaina jira. ²⁰ Ómoina cue daínáfuemo uíbicairi: “Nie jaiénici ocuídímie baimo iñede.” Cue duere finóllena íaiói racáoiadi, daje izói ómoina rácaitiaíoi. Cue llófueinafuena jeire íaiói óiadi, ómoiena jeire óitiaíoi. ²¹ Nana aféfuiai cue ícoinia ómoimo fínoitiaíoi, cue orédímiena onóñena jira.

²² Iaióimo úrizabiñedicuena íaiói ícoinia iñede. Mei íadi birui íaiói fiénidífue ícoinia jae ite. ²³ Cuena éoidímie daje izói cue Moona éoide. ²⁴ Jaca bu jáímie íaiói cigiri cue fínua izói finóñede; mei íadi afe jáímie finófinide raana ja íaiói cigiri finódicue. Ie jira íaiói ícoinia íteza. Mei uáfuea aféfuiaina ja ciódiaíoi. Mei íadi afe emódomo cuena éoidiaíoi. Afe izói cue Moona éoidiaíoi. ²⁵ Afefue daí jaide, íaiói cuega ocuícáfuiái uai fuitállena. Afe Cuegauai daide: “Nífueninanomona cuena éoidiaíoi.”

²⁶ Mei íadi Móomona cue oréllímie, afe Ñuera Joreño bíadi, cueri úrite. Afe llezica ómoina cánuano náirecaitaite. ²⁷ Omoi daje izói cueri úritíomoi, nanómona cue diga omoi illa jira.

16

¹ Aféfuiai ómoimo lloticue, fiénidífue omoi báñellena. ² Juzíñamui uai llófuerracomona ómoina jino dótaitiaíoi. Ua uire jamánomo fiéni illíruimo dúciite. Aféruillaído ómoina fáitimaci, “Ómoina fallífuedo Juzíñamui tájínana fínoiticaí” daí daína ínoitiaíoi. ³ Aféfuiaina fínoitiaíoi Moona jaca ninomo onóñena jira, daje izói cuena onóñena jira. ⁴ Afena ómoina dáitícue, aféruillaí dúcillemo, cue daínáfuemo omoi uíbicaillena, —daide Jesús.

Ñuera Joreño finóllífuiái

Jesús nai úrillano daide:

—Aféfuena nanómona ómoimo lloñédicue, omoi diga cue illa jira. ⁵ Mei íadi biruímona cue orédímie dínomo jáitícue. Ómoimona buna cue jáillinona jicánoñediomoi. ⁶ Mei íadi bie cue ómoina daínáfueri iere zúucaidiomoi. ⁷ Iadi uáfuea dáitícue: cue jaille ómoimona iere ñuera. Cue jáíñenia, ómoina canoda fíraraima bíñeite omoi diga illena. Mei íadi cue jaía íena óreiticue. ⁸ Ie billíruído éniemo itino íaiói fiénidífuiaina uáfuea onótaite. Daje izói dama daa jáicina ñúefuedo cai jáilliona onótaite. Daje izói Juzíñamui íaióina duere finóllena onótaite. ⁹ Afémaci fiénidífuiairedímaci, cuena ínoñena jira. ¹⁰ Afe jáicina jáilliona ónoitiaíoi, Moo illánomo cue jailla jira. Afe cue jailla mei cuena cíóñeitiomoi. ¹¹ Juzíñamui facátallífuea ónoitiaíoi, bie éniemo ocuídímie jae duere finóbilla jira.

¹² Cue ómoimo llollífuiái nai aillo ite; mei íadi nai onónidiomoi, náinidiomoi. ¹³ Uafue Joreño bille llezica ómoimo nana uáfuiaina afémie llóite. Dama ie comeci jítaina izói úriñeite, mei íadi ie cacana izói dáite. Uire íitífuiaina ómoina onótaite. ¹⁴ Cúeiemona llínuano ómoina onótaite; onótamona ñúefuea cuemo nítate. ¹⁵ Nana Moomo ite raa daje izói cueie. Ie jira dáitícue: Ñuera Joreño cúeiemona llínoite, áfedo aféfuena ómoina onótaite.

Zúurenafue cáimafuena méidolle

¹⁶ Nano íanori íllemona cuena cíoiñeitiomoi. Mei íadi jabo bai diga iruillai íllamona, nane meine cuena cíoiñeitiomoi, mei cue Moo illa dine cue jáillaza, —daide.

¹⁷ Iemona ie llófuegamacimona dáarie jofo conímamo jicánote:

—¿Afe nie izói daináuai? Caina daide nano nie dino íllamona íena cíoiñeiticai. Ie mei nane caina daide, báifenemo diga iruí íllemona meine íena cíoiñeiticai, mei ie Moo illánomo ie jáillaza. ¹⁸ ¿Nie izói aféuai daide: “Nie dino íllamona?” Afémie nífuedo úriteza onóñedicai, —daidíaioi.

¹⁹ Jesús íaioi íemo jicánoiagafuena onóillano daide:

—Cue daidícue níe dinó íllemona cuena cíoiñeitiomoi. Nane ie baimo diga iruí íllemona meine cuena cíoiñeitiomoi. ¿Afefue conímamo jicánotiomoi?

²⁰ Uáfue dáitícue: omoi éeitiomoi. Zuure ítiomoi; mei afe lezica énie comini cáimare ítiaioi. Mei íadi omoi zúunaillafue cáimafuena méidoficaite.

²¹ Ringo úrue jocóacania izínaillari zúucaite, afengo izínaillaruimo dúcidez. Mei íadi úrue jócua méifodo afe izírenamo uíbicañede, úrue éniemo jocóinari ie íóbillana jira. ²² Daí birui omoi izire zúucaitiomoi. Mei íadi ómoimo cíozai bitícue. Iemona omoi coméciai cáimafuena óruite. Afe cáimafuiai bu ómoimona báiroñeite.

²³ Aféruido minícana cuemo jicanoñeitiomoi. Uáfue ómoína dáitícue, nana cue mámedido omoi jicaca raa, cue Moo ómoimo fécaite. ²⁴ Biruimo cue mámedido minícana nai jicáñediomoi. Mai jica omoi llínollena, áferi comeci cáimafuena oruíbicaillena.

Jesucristo, Juzíñamuina éoidinona anáfenodimie

²⁵ Bífui aiillo daje izóidífuiaido ómoimo llotícue, mei íadi daruina daje izóidífuiaido ómoimo úriñeiticue. Aféruimo ja ánozide. Aféruido uáfodo Moodo ómoimo úritícue. ²⁶ Aféruillaido omoi cue mámedido jicaitiomoi. Moomo ómoiri izire cue jicállena daíñedicue, ²⁷ mei dama Moo ómoína izíruilla jira. Iemo jíai cuena omoi izíruilla jira, ómoína izíruite. Moo dinena cue bíllana omoi ínnua jira, afémie ómoína izíruite. ²⁸ Moo illánomona billano bie éniemo bitícue. Birui énie fiénocaillano meine Moo diné abido jáitícue, —daide.

²⁹ Jira ie llófuegamaci daide:

—Ja birui daje izóidíuaido daíñeno, jino uáfodo úritio. ³⁰ Birui naga rafue o onóigana onódicai. Ja jíaimie omo llúana jitáñede. Mei jira Juzíñamuimona o bíllana ínoticai, —daidíaioi.

³¹ Jira Jesús uai ote:

—¿Birui cuemo ja daí ínotiomoi? ³² Omoi enénorie júdaizilliruimo ánozide. Ja birui aferui. Ómoimona nágamie oni eneno júdaizite. Dama cuena fiénocaitiomoi. Mei íadi damáñedicue, cue Moo cue diga illa jira. ³³ Nana bífui ai ómoimo llóitícue, cuemo ínnuano omoi comeci uái íllena. Afe bie éniemo duere zéfuitiomoi. Mei íadi, jabí omoi mameri! Ja Juzíñamuina éoidinona anáfenodimiedicueza, —daide.

17

Jesús ie llófuegamaciri Juzíñamuimo jicade

¹ Aféfuiai daina méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúefuena nitari, afe izói o Jitó omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo zíñona cáaillinona íaiomoi cue

íllena. ³ Zíiñona cáaillino comini ona íaioi onónamona llínotiaioi. O dama uafue Juzíñamuidio. Daje izói zíiñona cáaillino, o orécamié Jesucristo íena onónamona llínotiaioi.

⁴ Bie éniemo cue illa llezica ebírenafue jae omo nitádicue. Cuemo o ocuícáfue jae fuitádicue. ⁵ Moo, nauí o díga cue illáruimo cue ebírenafue dájena biruí o uícori meine cuemo ine. Afe ebírenafue nai énie iñena llezica nauí cuemo ite.

⁶ Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ínotiaioi. ⁷ O nana cuemo igáfuiái ómona bitífuiaina onódiaioi. ⁸ Jira o cuemo iga úrilla uai bimácimo lloticue. Aféfuena jeire otíaioi. Uáfuenta ómona cue bíllana onódiaioi. Daje izói o cue óriana ínotiaioi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie díga. Afe íbana nana óie cueie. Afémacimona cue ebírenano ácataficaide.

¹¹ Cue ja éniemo fiébiñeiticue; mei íadi afémaci afe éniemo fiébitiaioi. Cue o díga íllena jáiticue. Jamánomo ñuera Moo, cuemo o igano o ríinodo uíñori, nana dájena cuemo ñue jaináillena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Iaioi abi ríidoticue. Iaiomona buna féiraiñede. Mei íadi dáamie jaca féiraitimie, Cuegáuai fuitállena. Afémie nanómoma féiraitimie.

¹³ Jabe o illánomo jáiticue. Mei íadi nai éniemo cue illa díno aféfuiaína llóllodícue, cuemo ite íóbillafue afe izói afémaci ñue íóbicaillena. ¹⁴ O úrilla uai íaioimo iticue, mei íadi énie imaci íaioina éoidiaioi, énie imaciñena jira. Daje izói cue jái énie ímieñedicue. ¹⁵ Eniemona íaioi o óllena jicáñedicue, mei íadi Taifémoma íaioi ríidollena jicádicue. ¹⁶ Enie ímieñedicue; afe izói énie ímaciñediaioi. ¹⁷ Iaioina uáfuedo dama óiena rairuiri. O úrilla uai uafue. ¹⁸ Enie imaci cígimo cue o ória izói, daje izói énie imaci cígimo íaioina orédicue. ¹⁹ Afémaci ícoínia cue dama abi rairuídícue. Daí finódicue, uafue uaido afémaci daje izói íaioi rairuíllena.

²⁰ Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádicue. ²¹ Nana afémaci dájena jaináillena omo jicádicue. Ua Moo, afémaci dájena cócomo jaináillena jicádicue. Uáfuenta o cuemo itio, nane uáfuenta cue omo iticue. Afe izói íaioi cócomo íllena jicádicue. Afémaci dájena jainaille jitáirede, énie comini cue o óriana ínollena. ²² Cuemo o iga ebíredífue izói, afémacimo jae cue iga, dájena íaioi íllena, o díga dájena cue illa izói. ²³ Afémacimo cue íllena jicádicue, nane o cuemo íllena jicádicue, nana afémaci dájena íficaillena. Daí íaioi íllena jitáirede, énie comini cue o óriana fidíillena. Nane áfedo énie comini cuena o izíruilla izói, bimácina o izíruillana ónoitiaioi.

²⁴ Moo, bimaci cuemo itio. Cue illínomo cúeoiri íaioi íllena jitáidícue, cuemo o iga ebíredífuenta íaioi cíoillena. Nai énie fínoñenia uícomo cuena izíruitio.

²⁵ Moo, jaícina ñue jónetimiedio. Enie comini ona onóñediaioi, mei íadi cue ona onódicue. Bimaci cue o óriana onódiaioi. ²⁶ Búdio, jae íaioina onótaticue; íemo nai onótaoicaiticue, o cuena izíruilla íaioi comécimo fiébillena; daje izói cue dama afémacimo fiébillena, —daide.

18

Jesús maiano úinafue
(Mt 26.47-56; Mr 14.43-50; Lc 22.47-53)

¹ Aféfuiai daina méifodo, Jesús ie llófuegamaci diga jino jaillano Cedrón illétue ruica jáidiaioi. Dinomo ite ocózinairabirimo jofo jáidiaioi. ² Judas afébirina onode, Jesús ie llófuegamaciri, diga ícaiño afénomo gáirifirena jira. ³ Jira dinomo Judas fuiríraini diga dúcide. Afe llezica dáarie gairíraco llaizíraini Judas jicácamaci bitíaioi. Afémaci fariséuaimona lletáriraini illáinimona oreca. Lloéfaillai diga jacire abi mamédiaioi. Unéraruairi bitíaioi, daje izói lámparaiairi.

⁴ Mei íadi Jesús afémiemo finuailifuena onóillano, jino billano íaioimo jicánote:
—¿Bu jenódiomoi? —daide.

⁵ Jira afémaci uai ote:

—Jesús, Nazaret ímie jenódicai, —daidíaioi.

Jesús uai ote:

—Nímiedicue, —daide.

Afe llezica éoidimacimo fecádimie, Judas dinomo afémaciri ite. ⁶ Jesús “Nímiedicue” daina llezica, jinófecaíñona éniemo baíidiaioi. ⁷ Ie mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíaioi.

⁸ Mei jira Jesús daide:

—Jae nímiedicue daidicue. Cue omoi jenóadi, bie jiáimaci fáicanocai íaioi jáilleza, —daide.

⁹ Afe daí daide Jesús dama ie dainafue fuitállena. Afe dainafue llote: “Cue Moo cuemo igámacimona buna dáamie féiraiñede.” ¹⁰ Iemo Simón Pédro daa lloefai ite. Otá Malco dainámie jefo nabefo ñetade. Malco lletáriraini illaíma jaiénici. ¹¹ Jira Jesús Pédróna daide:

—O lloefai ie ico mo abido meine joone. ¿Cue Moo cue duere zefuítajana llíñoñeiticueza, daí o comeci facádio? —daide.

Lletáriraini illaíma uícomo Jesús uitíaioi

(Mt 26.57-58; Mr 14.53-54; Lc 22.54)

¹² Ie mei fuiríraini íaioi ocuíraíma diga Jesuna llaítadiaioi. Nana bimaci judíuai llaizíraini diga Jesús maíano oni uitíaioi. ¹³ Ie meífomo Anás jofomo íena uitíaioi. Anás Caifás jifai. Afe fimona llezica Caifás lletáriraini caifóidillaíma.

¹⁴ Bie Caifás nauí judíuaina bie izói daidímie: “Daa come nana cai nairai ícoínia tíllena cai baimo ñue jaide.”

Pedro Jesuna jáanote

(Mt 26.69-70; Mr 14.66-68; Lc 22.55-57)

¹⁵ Simón Pedro jiáie llófuegamie diga nai Jesudo jaide. Jiáie llófuegamie lletáriraini caifóidillaíma onóigamie. Jira caifóidillaíma jofo ibirimo afémie jofo jaide Jesús diga. ¹⁶ Mei íadi Pedro jino naze fuemo fiébicaide. Ie jira lletáriraini caifóidillaíma onoíga llófuegamie jino jaillano, naze úiñoraímamo jicánuaide Pedro jofo oréllena. ¹⁷ Iemo naze úiñoraíma Pédro mo jicánote:

—¿O báimie llófuegamieñedio? —daide.

Pedro uai ote:

—Jii, cúeñede, —daide.

¹⁸ Aféruido rozírena jira, jaiénizai llaizíraini diga irai bonódiaioi. Dinomo naidáillano irai fuemo agáidiaioi.

Lletáriraini caifóidillaíma Jesumo izire jicánote

(Mt 26.59-66; Mr 14.55-64; Lc 22.66-71)

¹⁹ Lletáriraini caifóidillaíma Jesumo jicánuaillano daide:

—¿Nimaci o llófuegamacina? ¿Nífuiaina llófuetio?

²⁰ Jira Jesús daide:

—Cue nana comini uícomo uáfodo úriticue. Juziñamui uai llófueriracuaimo jaca llófuefiredicue. Daje izói Juziñamuimo gairíracomo llófuefiredicue. Jaca afénomo judíuai gairifirediaioi. Daí bái nino nífuena lloñedicue. ²¹ ¿Níbái mei cuemo jicánotiomi? Cue uaimo cacádinomo jícano. Afémacimo cue dáinana jícano. Cue íaioina dáinana onódiaioiza, —daide.

²² Jesús daí daina llezica, daa dino ite gairíraco llaizíriraíma Jesús uieco pútanona daide:

—¿Níbái daí lletáriraini caifóidillaíma uai otio? —daide.

²³ Jira Jesús uai ote:

—Fiénidifue cue lloía, áfena cuemo llone; mei íadi cue daina uai ñuera íadi, ¿níbái mei cuena putádio? —daide.

²⁴ Iemona Anás Caifamo íena maitá orede. Caifás lletáriraini caifóidillaíma.

Pedro nane dáanomo Jesús jáanote

(Mt 26.71-75; Mr 14.69-72; Lc 22.58-62)

²⁵ Due jiza bai jáidemo, Pedro nai náidaillano irai fuemo agaide. Afénomo itino íena daidíaioi:

—¿O báimie llófuegamaci iéñedio? —daide.

Pedro jáanuano daide:

—Jii, iéñedicue, —daide.

²⁶ Dinomo Pedro jefona jaitácamie come ite. Afémie jíaie lletáriraini illaíma jaiénici. Afe íima Pédro mo jícanote:

—¿Báimie diga dinomo ocózinairabirimo ona cióñedicue? —daide.

²⁷ Pedro dáanomo nane jáanote. Afe llezica átava úrite.

Jesús Pilato uícomo uiga

(Mt 27.1-2, 11-14; Mr 15.1-5; Lc 23.1-5)

²⁸ Iemona Caifás jofómona oni romano jabóidillaíma áillocomo Jesuna uitíaioi. Ja monáiacademo. Judíuai jofo afécomo jáiñediaioi, íaioi íaicaiñellena. Mei íaicaigamací páscuamo güilláfueña güínidiaioi. ²⁹ Ie jira Pilato jino íaioimo úrizailano daide:

—¿Mínica ícoínia bímiemo nitádiomi? —daide.

³⁰ Jira afémaci uai otíaioi:

—Afémie fiénidimieñedena omo izájiñedicaí, —daidíaioi.

³¹ Jira Pilato daide:

—Fena omoi úi. Omoi ocuícafue izói afémie omoi riire jícanori, —daide.

Judíuai ie uai otíaioi:

—Cai judíuaidicaí, dani buna titánidicaí, —daidíaioi.

³² Daí Jesús ie tízaillinona daina izóidíuai fuitade. ³³ Pilato áillocomo jofo meine jaide. Jaillano Jesús jírrillano jícanote:

—¿O níi judíuai illáimana? —daide.

³⁴ Jira Jesús daide:

—¿Afefue dama o comeci jítaina izói jícanoti? ¿Níbái jíáimaci cueri ona daina jícanoti? —daide.

³⁵ Jira Pilato úrite:

—¿Cuena judío daidío? O náiraímona lletáriraini illaini cuemo ona fecádiaioi. ¿Mínica ñetio? —daide.

³⁶ Jira Jesús uai ote:

—Cue illáimana illano bie énie íeñede. Daií ítenia cuedo jáicadino nia fuirídiaioi, cuena judíuaimo fécañeilla. Mei íadi cue illáimana illano benó íeñede, —daide.

³⁷ Jira Pilato daide:

—¿Ii, o daií illáimadio? —daide.

Jira Jesús uai ote:

—Illáimadicue, o daína izói. Cue, bie éniemo jéiciaibigacue uafue uai llóllena. Nana uáfueмо cacáfiredino, cue dánana cacádiaioi, —daide.

³⁸ Jira Pilato jicánote:

—¿Mínica uafue uaina? —daide.

Jesús tíllinomo maméritiaioi

(Mt 27.15-31; Mr 15.6-20; Lc 23.13-25)

Afe jicánua meífodo, Pilato meine jino judíuaimo jaillano úrizaide. Iaioina daide:

—Jaca nífuena bie ímamo baiñédicue. ³⁹ Mei íadi ómoimo cue fínofiregafue ite. Naga pascua ráfueмо ómoiri daa maigámie zútafiredicue; mei jira ¿judíuai illáimana ómoiri cue zuitállena jítáidiomoi? —daide.

⁴⁰ Iemona nana meine caillíoidiaioi:

—¡Afémiena zuitáñeno iri! ¡Barrabás zuitari! —daidíaioi. Afe Barrabás meríriraíma.

19

¹ Ie mei Pilato Jesús llínuano zechétatade. ² Iemo fuiríraini ífo icuifoí eegi nínacuífoí Jesumo jítádiaioi. Afe llezica ráfide illaíma iníroina íemo jítádiaioi.

³ Daií ñiano íemo ánozillano, báñuano daidíaioi:

—¡Judíuai illaíma, are ii! —daidíaioi.

Iemona ie uíeco fácoidiaioi.

⁴ Pilato meine jino billano daide:

—¡Bímiemo eroi! Afémieмо nífuena baiñédicue. Ie jira jino bené cue ógaza, aféfuena omoi onóillena, —daide.

⁵ Jesús eegi icuifoí ífomo jíinari jino bite. Ráfide illaíma iníroina jítaca naari jino bite. Jira Pilato daide:

—¡Benó afe íima ite! —daide.

⁶ Afémie cióillano, lletáriraini illaini, llaizíraini diga caillíoidiaioi:

—¡Ie corai! ¡Ie corai! —daidíaioi.

Iemo Pilato daide:

—Mai íena uillánona omoi corai, mei íadi afémieмо fiénidífueña baiñédicueza, —daide.

⁷ Mei ie jira judíuai uai otíaioi:

—Caimo ite daa ocuica uai. Afedo afémie tíllena jítáirede, dama “Juzíñamui Jitódicue” ie daína jira, —daidíaioi.

⁸ Afena cacáillano Pilato jamánomo jacínaificaide. ⁹ Aillocomo nane jofa jaillano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

¹⁰ Jira Pilato daide:

—¿Cue uaina fairíoñedio? ¿Cuemo ite o tílle ríino onóñedio? ¿Cuemo ite o zuitalle ríino onóñedio? —daide.

¹¹ Jira Jesús uai ote:

—Juzíñamui omo íñenia, o cue ocuille ríino íñede. Ie jira omo cue fecáidino o jinomo afémaci íaífueredino, —daide.

¹² Afe llezícamona Pilato, “Ñie izói Jesús cue zuitalle” dainano, áfena jenode; mei íadi judíuai caillíoidiaíoi:

—Afémie o zuitáadi, romano jamánomoidillaímamo nábaiñeítio. Naga illáimana íacadimie caifóidillaíma dibénedo éoidimiena jáite, —daídíaíoi.

¹³ Mei jira áfena cacáillano, Pilato Jesuna otátate. Ie mei comini riire jicánoranomo Pilato ráinazaide. Afeno hebreo imaci uaido Gabátana mameide. Jiáimaci daina Empedrado, mei nófiaí ie finoina macáranona íllaza.

¹⁴ Jae pascua uícodirui jaíciri ítemo. Jira Pilato judíuaina daide:

—¡Benomo o illaíma ite! —daide.

¹⁵ Mei íadi afémaci caillíoidiaíoi:

—¡Dama tíidezta, oni ui! ¡lena coraí! —daídíaíoi.

Jira Pilato íaíoina daide:

—¿Omoi illáimana córaiticue? —daide.

Jira lletáriraini illáicomini uai otíaíoi:

—Jíáie illáimana caímo ññede; dama romano jamánomoidillaíma, —daídíaíoi.

¹⁶ Afemona Pilato íena íaíoi mo ite, afémiena coráillena. Mei jira íena uitíaíoi.

Coráinafue

(Mt 27.32-44; Mr 15.21-32; Lc 23.26-43)

¹⁷ Iemo Jesús jino jaide. Ie coráillibici rocáicaide Calavéramo; afe daiácade come ifócoraí. Hebreo imaci uaido daina Gólgota. ¹⁸ Afénomo íena coráidiaíoi. Afe llezica nágafene jiáimie íaillinoi coráidiaíoi; Jesuna cígiide. ¹⁹ Pilato afémie mámece íbícimo cuetá ie coráinabícimo jóonetade. Afébicimo cuega daide: “Jesús Nazaret Imie, Judíuai Illaíma.” ²⁰ Aillo judíuai afe cuegábici facádotiaíoi, Jesús coráinano jofue áinori illa jira. Afébicici daámani comini uáillaído cuega, hebreo, griego, latín díga. ²¹ Ie jira judíuai lletáriraini illaini Pilátona daide:

—Judíuai illaíma daíí cueñeno. Mei íadi “Judíuai illáimadicue daídímie” daíí cúeiri, —daídíaíoi.

²² Jira Pilato uai ote:

—Jae cue cuegáuai, dama daíí ite, —daide.

²³ Fuiríraini Jesús coraía mei, ie ínícuiro llínuano cuatro fidi tizáruano fecádiaíoi. Afe izói ie caifóferoi llínuano “Iere ññeraroí,” daídíaíoi. Ua aferoi dájena tifoca, zotáinanona ññede. Caifona aná fuizájide. ²⁴ Jira fuiríraini conímana daídíaíoi:

—Dama ite, cúatañeíticai. Bai ññue onótaraji cai dotalle bummo jííteza, —daídíaíoi.

Daíí Cuegáuai daina fuitátatiaíoi. Aféuai daide: “Cue ínícuiro daní fecádiaíoi. Afemo onótaraji dotádiaíoi.” Jira mei fuiríraini daíí finódiaíoi.

²⁵ Jesús coráinabícici áinomo ie ei ite afengo ebuño díga. Dáanomo Cleofas ai, María ite, María Magdalena ingo díga. ²⁶ Jesús ie eina cíóillano, iere izíruiga llófuegamie díga, ie eina daide:

—Ei, batí o jítana como maméidímie ite.

²⁷ Iemo afe llófuegamiena íbana daide:

—Afénomo o eina como maméidíngo ite, —daide.

Mei aféruillaído afe llófuegamie afengo ie jofomo ññue llínote.

Jesús tíillafue

(Mt 27.45-56; Mr 15.33-41; Lc 23.44-49)

²⁸ Afe mei Jesús naga rafue fuitáinana fidide. Fídiano Cuegáuai fuitállena daide:

—Jiróacadicue.

²⁹ Afe dinomo iciru rochírede vínona oruítaga rainaca. Ie jira jainoi fíllicide raa afe rochíredijina riátatiaioi. Iemo razi ícoimo jóoniano ie fuemo dutádiaioi.

³⁰ Jesús afe rochíredii jirode. Jíruano daide:

—Nana ja fuite, —daide.

Daina mei, ifo ana jíjicailla llezica tíide.

Fuiríraime ie ducírirado Jesús ciraigi faitade

³¹ Ja pascua uícodirui. Judíuai ocózinaillarui coráicano íaioi abi coráinabicimo fiébillana jítaiñediaioi. Bie ocózinaillarui iere áillue. Ie jira Pilátomo jicádiaioi coráicano idai ditátallena. Iemona íaioi abi dinómona oni óllena jicádiaioi. ³² Jira fuiríraini jaillano nánoramie idai ditádiaioi. Jiáimie, Jesús diga coráicamie daje izói íena finódiaioi. ³³ Ie mei Jesumo ánozillano jae tíidena ciódiaioi. Ie jira ie ídaina ditáñediaioi. ³⁴ Mei íadi fuirírainimona dáamie ducírirado ie ciraigi faitade. Iemona jainoi die diga tóide. ³⁵ Bifue llotímie áfena ciódimie. Uáfueña daide. Afe uáfueño uai nabaide, omoi daje izói íinollena. ³⁶ Aféfuiaí daí íficaide Cuegáuai daina ñue fuitállena. Afe uai daide: “Bu ie ícuruna dítañeitiaioi.” ³⁷ Jiáinomo Cuegáuai daide: “Íaioi bofécamie eroítiaioi.”

Jesús raiáfomo jóonetiaioi

(Mt 27.57-61; Mr 15.42-47; Lc 23.50-56)

³⁸ Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruillano báinino jaide. Iemo Pilato fairíote; íemona José jaillano Jesús abi uite. ³⁹ Daje llezica nauí Jesumo naióna úrizaíbitímie, Nicodemo dúcide. Afémie treinta kilos dieze mérede zíochoa atide. Aféchoa mena zióredena ímuica. ⁴⁰ Daí José Nicodemo diga Jesús abi uillano, áreoi íníroido ie abi junide. Aferoi ziórena, mei diga zióredena fáigaza. Daí tíidino judíuai ráifrediaioi. ⁴¹ Jesús coraía áinori ocózinairabirí ite. Dinomo daa comue raírafo, come nai ráiíñenafo ite. ⁴² Aféfomo Jesuna jóoneaidiaillinoi, áinori illa jira. Ua dinomo íena jóonetiaillinoi, judíuai ocózinaillarui tainéacana jira.

20

Jesús meine abido cáadimiena jaide

(Mt 28.1-10; Mr 16.1-8; Lc 24.1-12)

¹ Semana nanóidiruido Magdalena ingo María jítiramoicana raiáfomo jaide, ua nai jítireoidemo. Dúciillano raírafo íbaina nofici íñénana ciode. ² Ie jira aizícana jaide Simón Pedro illánomo. Dinomo jiáie llófuegamie Juan ite. Afémie iere Jesús izíruigamie. Íaillinoína daide:

—Jae raiáfomona cai Ocuíraima comini bairódiaioi. Ie íaioi jóoniano onóñedicaí.

³ Iemona Pedro jiáie llófuegamie diga jino jaillano raírafo dine jáidiaillinoi. ⁴ Dájena aizídiaillinoi, íadi jiáimie Pedro baimo iere raírede; jira uícomo raiáfomo dúcide. ⁵ Ie abi ana jíjillano raírafo eromo eroide. Eróillano juníllaroina ciode, mei íadi jofo jáíñede. ⁶ Iemo Simón Pedro afémie ódana dúcide. Dúciillano raiáfomo jofo jaide. Abi juníllaroi dño jóoinana nane ciode. ⁷ Iadi Jesús ifo íbáinaroi ie juníllaroi dáanomo jóoiñede. Afe ifo íbáinaroi jabínota oni eneno jóonega. ⁸ Iemo jiáie llófuegamie, raiáfomo uícodo dúcidimie, jofo jaide. Afe finócafueña ciode. Cióillanona áfemona ínote. ⁹ Mei Cuegáuai

dáinana nai figo onóñediaioi. Aféuai daide: “Jesús tíllanomona meine abido cáadimiēna jáite.” ¹⁰ Iemona afe llófuega íaillinoi jofomo jaide.

Jesús Magdalena ingo Maríamo cíocaide
(Mr 16.9-11)

¹¹ Mei íadi María jino raiafo áinomo éecana ráiide. Eeia llezica abi jíjide raiafo eromo éroillena. ¹² Dinomo mena Juzíñamui abi ímie íaillinoi ángeles dainámaci úzeroi jitádena ciode. Ua naui Jesús abi illánori ráidiaillinoi; dáamie ífo illánori, jíámie idai illánori. ¹³ Iemo Juzíñamui abi ímie íaillinoi jícanote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Íaioi jóonianona onóñedicueza, —daide.

¹⁴ Afe dáina llezica afengo gírecaillano Jesuna ciode; íadi íena onóñede.

¹⁵ Jira Jesús jícanote:

—Ringo, ¿nibái éacadio? ¿Bu jenodio? —daide.

Afengo comeci facade, afémie afébiri úiñoraíma; jira íena daide:

—Íma, afémie oni jíáinomo jae o úiadi cuemo llone, meine cue uájilleza, —daide.

¹⁶ Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraima.

¹⁷ Iemo Jesús daide:

—Cue abi jetáñeno iri. Cue Moo illánomo nai caifo jáiñedicueza. Mei íadi cue ámatiaímo lluájiri: “Cue Moo illánomo, daje izói omoi Moo illánomo caifo jáitícue. Ua cue Juzíñamui, omoi Juzíñamui díne jáitícue.” Daí íaioímo lloiri, —daide.

¹⁸ Ie jira Magdalena ingo María llófuegamacimo lluájide. Afengo Ocuíraimana cíoillana llote, nana bie afémie aféngona daináuai diga.

Jesús ie llófuegamacimo cíocaide
(Mt 28.16-20; Mr 16.14-18; Lc 24.36-49)

¹⁹ Aféruído, semana nanóidíruido afe naio llófuegamaci gairídiaioi. Naze íbáillano judíuaina jacíruillamona itíaioi. Iemo Jesús jofo eromo cíocaide. Íaioi cígímo náidazaide. Íaioi uáiduano daide:

—Omoímo comeci caímare uái iri, —daide.

²⁰ Daí dáinano, ie onoi, ie ciraigi diga íaioímo ácatate. Llófuegamaci íaioi Ocuíraimana cíoillano íóbicaidiaioi. ²¹ Iemo Jesús dáanomona íaioína daide:

—Omoímo comeci caímare uái iri. Moo cue ória izói daje izói ómoína óreitícue, —daide.

²² Afe mei íaioímo jágílli fúunuano daide:

—Ñuera Joréñona mai omoi ono. ²³ Naga come ie fiénidino omoi fáicanocaiadi fáicanocaite; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana ciode

²⁴ Iadi Tomás, guarámiena maméidímie, doce dígamiedemona, Jesús cíocaillaruido íñede. ²⁵ Ie mei jíáie llófuegamaci íena daide:

—Ocuíraimana ja cíódicai, —daidíaioi.

Mei íadi Tomás íaioína daide:

—Ie ónoímo ite boafe, puntilla meífo, cue cíóñenia, cue onocai aféfodo ñuitáñenia, cue onoi ie ciraigi méífo ñuitáñenia, íñoñeitícue, —daide.

²⁶ Ocho dígamona íllamona llófuegamaci meine gairídíai. Afe llezica Tomás afémaciri ite. Iemo jaca naze ibaica íadi, Jesús jofo eromo cíocaide. Íai. Cígimo náidajano uáiduano íai. Daide:

—Omoimo comeci caimare uái iri, —daide.

²⁷ Iemo Tomásna daide:

—Benomo o onocai ñúitaibi. Cue ónoimo éroi. O onoi cue ciráigimo ñúitaibi. Jáanocaiñeno iri. Ínori, —daide.

²⁸ Jira Tomás uai ote:

—¡Cue Ocuíraima! ¡Cue Juzíñamui! —daide.

²⁹ Jira Jesús daide:

—Tomás, ja cuena ciónamona ínotio. Jamánomo íóbidino cuena ciónedino íadi ínotíai, —daide.

Bibénico nibái mei cuega

³⁰ Bífui. Baímo Jesús aillo jíai. Cíofinina raa íe llófuegamaci uícori finode. Aféfuí. Bibénico. Cúeñega. ³¹ Mei íadi ja bie llogáu. Cuega, Jesús Crístonana omoi ínollena; daje izói afémie Juzíñamui Jitona omoi ínollena. Ua jae cuega, omoi ínuamona cáailino ómoimo íe mámedo íllena.

21

Jesús siete díga íe llófuegamacimo cíocaide

¹ Afe mei Tiberias jorai fuédamo Jesús íe llófuegamacimo meine cíobicaide. Bie izói cíocaide. ² Íe llófuegamaci dáanomo itíai. Díno íte Simón Pedro, Tomás nímie jíáfodo mameina Guarámie, Galilea jofue Caná ímie Natanael, Zebedeo jíto íaillinoi, jíai mena llófuegamie díga. ³ Simón Pedro íai. Daide:

—Fácuaidí. Cue, —daide.

Jira daídíai:

—Mai nana cai fácuaili, —daídíai.

Iemo nocáe eromo caífo jáidiai. Afe nai. Chámuniaina oñédíai. ⁴ Jítiramo monáiacademo, Jesús ja jorai fuédamo náidaide. Mei íadi “Jesús” daíñédíai, llófuegamaci íena íai. Onóñena jira. ⁵ Iemo Jesús daide:

—Omoi, ¿chamuna oñédí. Omoi? —daide.

Uai otíai:

—Jí, oñédí. Cai, —daídíai.

⁶ Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daí finódíai. Íe fínuamona llóijina jáinoimona caífo zonónidiai, íere aillo chámuni. Íllaza. ⁷ Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús íte dánana cacáillano, íe jínofecuiro jí. Tade, nauí duiño. Ca jira. Jítanona jóraimo tícaide Jesumo jaillena. ⁸ Jíai llófuegamaci chámuna oruítaga llóijina oni zocana nocaedo uítíai. Afe mei afémaci jorai fuédamo dúcídíai, nai are íai. Íñena jira. Afémaci cien metros díno bai itíai. ⁹ Eníemo dúcillano, chamu pan díga iraimo ruícana cíodíai. ¹⁰ Jesús íai. Daide:

—Jae omoi oga chámuni. Aímona atiri, —daide.

¹¹ Simón Pedro nocaemo jaillano, afe llóijina ari guamáemo zote. Ja ciento cincuenta y tres jé. Íe chámuni. Aímona oruítaga, mei íadi afe llóiji cuáiñede, ní aillo chámuni. Aí illa íadi. ¹² Iemo Jesús íai. Daide:

—Mai omoi güizábiri, —daide.

Llófuegamacimona buna ¿Búdio? daiñide. Afémie Ocuíraimana onódiaioiza. ¹³ Ie mei Jesús áinozillano afe pan llínnota íaioimo fecade. Daje izói chámuna fecade.

¹⁴ Daií Jesús tíllanomona meine abido cáadimiena jáillamona dacaiñoámani ie llófuegamacimo cíocaide.

Jesús Simón Pédro mo úrite

¹⁵ Güilla méifodo, Jesús Pédro mo jicánote:

—Jonás jító, Simón, ¿baimaci baimo cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

¹⁶ Jesús meine dáanomo íemo jicánote:

—Jonás jító Simón, ¿cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiaí uíñori, —daide.

¹⁷ Ja dacaiñoámani Jesús meine abido íemo jicánote:

—Jonás jító Simón, ¿cuena gáidíio? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiaí o ecari. ¹⁸ Uáfueña ona dáitíicue, iere o jítócomena llezica, jaca o comeci jítaina izói iníroina jítafiredio. Daje izói nana o jáiacananomo jáifiredio. Mei íadi o eímalle llezica o onoi oni zítaitio, jáímie o inícuíro jítátallena, daje izói jáímie o uíllena o jáiacañenanomo, —daide.

¹⁹ Afe dáinado Pedro nie izói tíitena Jesús daií onótate. Afe ie tílledo Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

Izíruiiga llófuegamie

²⁰ Pedro gírecaillano Jesús iere izíruiiga llófuegamie Juaana ciode. Afémie óodana bíllana ciode. Afémie nauí íraicaiño güilláruido Jesús abimo ráiidímie. Afémie, “Ocuíraima, ¿bu o fecalle?” daidímie. ²¹ Pedro Juaana ciona llezica Jesumo jicánote:

—Ocuíraima, ¿báímie nie izói iite? —daide.

²² Jira Jesús uai ote:

—Afémie cue billíruimo caadi cue óiacaia ¿ómona mei nibai? O cuedo bi, —daide.

²³ Jira Jesús jaináidinori taino daínáfueña fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daiñede. Fia dáideza, “Afémie cue billíruimo caadi cue óiacaia ¿ómona mei nibai?”

²⁴ Bímie llófuegamacimona aféfuiaí uáfueña llotímie. Aféfuiaí cuetímie. Afémie daína uai uáfueña onódicaiza.

²⁵ Jesús jíáie finócafuaí nai aillo ite. Nana aféfuiaí dámierie cúeiaí jamánomo aillo rabénicuaína zúite. Ua nibai afe rabénicuaí jóonellino nániena báíñeite. Jae nie.

JESÚS ORÉCAMACĪ FINÓCAFUIAĪ

Los Hechos de los Apóstoles

Ñuera Joreño billifue úicodo llogáuai

¹ Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiái ie finócafuiái diga omo cueticue.

² Ua ie monamo jáillarui mo finócafuiái cueticue. Nai monamo ie jáiñena llezica ie orécamacina nizede. Níziano Ñuera Joreño do íaiñoina llote nie izói finóllena.

³ Ie tílla meífodo, Jesús dáamie cómena íaiñoimo cíocaide. Cuarenta dígarui uáfori cíocaifirede. Afe ciónanuedo ie cáanano ñue uáfueña daítate. Afe llezica Juziñamui illáimana illíruido íaiñoimo úrite. ⁴ Orécamaciri illa llezica, Jesús íaiñoina rairuide Jerusalémona oni jáiñeillena. Íaiñoina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoí úiñori, nauí ómoimo cue llua izói. ⁵ Uáfueña Juan fia jáinoido báutizade. Mei íadi íanori íllamona Ñuera Joreño óitiomoi, —daide.

Jesús caifo monamo jáillafue

⁶ Jesumo gairíllano jicánotiaioi:

—Ocuíraima, ¿ua birui Israel nairai illáimaillena meine caimo itátaitio?

⁷ Jira Jesús uai ote:

—Moo afefue finóllirui ómoimo ónonide. Dama afémiemo ríino afefue finóllena ite. ⁸ Mei íadi Ñuera Joreño ómoimo bíadi, ríino óitiomoi. Iemona cuedo úrizaitiomoi, ua Jerusalem, nana Judea éniemo Samaria énie diga. Ua jamánomo jica ite itínuiamo llujaitiomoi, —daide.

⁹ Daíí daína meífodo, nana íaiói éroillamo, afémie caifo ráiñuano monamo uiga. Iemo mona ero úillie íena ferínote. Iemona jaca íena cíóñediaioi.

¹⁰ Jesús caifo jáidemo monamo eróioidiaioi. Afe llezica mena come úzecuiro jitada íaiói abimo cíocaide. Juziñamui abi íaillinoi.

¹¹ Daidíallinoi:

—Galilea ííñiai, ¿nibái mei monamo eróioidiomoi? Dámie Jesús, afe ómoimona caifo úilliedo jáidimie, afémie ie jáillana omoí ciona izói daje izói meine ana biite, —daide.

Judas meifo méidollena Matías nizédiaioi

¹² Ie mei Olivo ídumona oni jáillano abido Jerusalem bitíaiói. Jerusalén áinori afe idu ite. Ua ocózinaillaruido macácana jailla daa kilómetro dieze izói ite. ¹³ Afe jófue mo dúcillano caifófecomó íaiói ífirenenomo jáidiaioi. Bie íaiói mámeciai: Pedro, Santiago, Juan, Andrés, Felipe, Tomás, Bartolomé, Mateo,

Alfeo jító Santiago, Iere Járidotimacimo dúidimie Simón, Santiago ama Judas.

¹⁴ Nana afémaci dánomo gairífirediaioi Juziñamuimo úrillena. Aféno mo Jesús ámatiai gairífirediaioi, ie ei María diga naa jáíie ringóniari.

¹⁵ Aféruillaído Pedro afe ámatiai dainámaci cígiri caifo náidaillano úrite. Afe ámatiai ciento veinte dígamiede. Afémacina daide:

¹⁶ —Amatai, Ñuera Joreño Cuegáuaimo Davido llote: “Judas meifo cai cígiri méidolle jítáirede,” daide. David cuegáuai úicodo llote: “Judas Jesús lláitaitimaci ífoite.” ¹⁷⁻¹⁸ Mei jii, afe Judas daní cáimona. Bie cai táijina afémie dibénemo ite. Mei íadi afe meífodo cimoi cúinano ágüicaillano caifona ífo dinena éniemo baíide. Baíillamona ie jebe bójicaide. Afemona nana ie

eromo itínuiaí jino cocide. Afe mei ie fiénidifue iba úcubedo ja ie raillíbiri ibádiaioi. ¹⁹ Jerusalén itímaci áfena íaioi fidiano, afébirina “Acéldama” jitádiaioi. Afe mámecei íaioi uaido dibénedo “Die illábiri” dáiacade.

²⁰ Mei jírari Salmos ibénicomo daí daide:

Daí o jofo zófefiteza

Buna afécomo íñeilleza.

Jiáifuedo daide:

Afémie táijina jiáima ólleza,

—daide.

²¹ Cai Ocuíraima Jesús nana cai diga illáruillaído cairi macádino birui cai cígimo itíaioi. ²² Jesús báutizaruimona, ie monamo jáillarui mo cairi jáicadiaioi. Mei jira afémacimona dáamie cai dájellena jitáirede, Jesús meine abido cáaillafuemo uai nabáillena.

²³ Jira daínamacimona mena come oni naidánetaioi. Dáamie daámani mámeceirede: José Barsabás Justo. Jiáimie Matías. ²⁴ Ie mei Juzíñamuimo úritiaioi; daidíaioi:

—Cai Ocuíraima Juzíñamui, nana comini comeci onódimiedioza. Báaillinoimona o nizécamiemo caimo onótari orécamiemo táijina finóllena. ²⁵ Afe táijinamona Judas ie fiénidifue ícoinia oni baíde. Baíllano dama ie zefuinaillinomo jaide.

²⁶ Iemo onótaraji dotádiaioi. Jae Matíasmo níjide. Afe llezícama afémie once orécamiemo dájena jaináicaide.

2

Ñuera Joreño billafue

¹ Pentecostés irui ráfuemo jae dúcide. (Afe fue güille jofo óinarui rafue.) Afe rafue dúcidemo jae nana dáanomo gairídiaioi. ² Ie mei rairéficana minica izói ficire monámona cácaide. Jairifo riire jáiñua izói cácaide. Nana íaioi ráinaco eromo cácaizaíbite. ³ Iemona ífiaí izói iráiciaí íaioimo cícaide. Nana illa dígamierie íaioimo níjizaíbitiaioi. ⁴ Afe llezica nana Ñuera Joreño úicaigaiaioi. Iemona jiáie náiraiaí uáillaído como úritiaioi; mei afe Ñuera Joreño íaioi úritade.

⁵ Aféruillaído Jerusalemo aillo judíuaí náganuaimona bitíaioi. Ua íaioi Juzíñamuimo jitáirede finóllifuaí finuaíbitiaioi. ⁶ Afe riire ficirenana cacáillano comini dáanomo ofídiaioi. Níie izói comeci fácana onóñediaioi nágazie dani íaioi uáillaído íaioi cacana jira. ⁷ Abi fáigacaidiaioi; daidíaioi:

—¿Nana bie úriraini Galiléamona bitímaci; uáfueñede? ⁸ Nágamiere dani cai uaido íaioi úrillana ¿níie izói cacáfiredicai? ⁹ Benomo nágaziaí ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, ¹⁰ Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídiaioi. Bie románomana dáarie judíona jococa. Jiái romano imaci judíuaí Juzíñamuimo ínuaifuena jeire otíaioi. ¹¹ Afe llezica Creta imaci bitíaioi Arabia imaci diga. “Mei íadi Juzíñamui caimare llogáfuaí ñue finócafuaí diga, nágamiere dani cai uáillaído cacádicai,” daidíaioi.

¹² Nana fáigacaidiaioi. Íaioi comeci fácana onóñediaioi; jira jicánotiaioi:

—Nana bie caimo comuidifue, ¿níie izói caína daíacade? —daidíaioi.

¹³ Mei íadi jiáimaci íaioi uai áifeduano daidíaioi:

—Bimaci jifáidiaioi, —daidíaioi.

Comínina Pedro dainafue

14 Ie mei Pedro once diga orécamaciri náidaillano comínimo riire úrite; daide:
 —Judea comini naa Jerusalemo itínuiari cácarei. Bie ráfuena omoi onoiri. Dáiiticueza ñue omoi cacáreiri. 15 Bie íñiaí jifáíñedimaci omoi comeci faca ízoi. Jitoma nai fuiri dáidemo. Jítiramo dibénemo comini jaca jifáífinidiaíoi. 16 Bifue jiaíifodo ite. Afe bifue uai lloraíma Joel jaiái uícodo llogáuai. Afémie daide:
 17 Juzíñamui ómoína daide:
 “Iraíruillaído cue Joreño nana náiraíaina, jainoi tua izói fáicanocaiñeno íaíoiña úicaitaicue.
 Omoi jítotíai jízatíai diga cuedo úritiaíoi.
 Jitócomini nicaído ciónafuíaí izói cíotiaíoi.
 Einamací ñuera nicaído nicáiritiaíoi.
 18 Aféruillaído cue Joreño cue táijitagamiíaina naa cue táijitaga ringóniaíri ñue úicaitaicue.
 Iemona cuedo úritiaíoi.
 19 Caifo monamo jacínaitadinona cíotaiticue;
 Aféruimo ana éniemo onótajafuena fínoitícue.
 Afe onótajafue díena cíotaite; iraina cíotaite, jamánomo irai úilliena cíotaite.
 20 Afe monado jitoma jítireficaite, fui die izói jáite.
 Daí iite cai Ocuíraíma Jesucristo billíruimo nai dúciñenia.
 Afémie billírui iere ebíreitírui.
 21 Nana Juzíñamuimo íaíoi canóllena íemo jicádino jíllobicaitiaíoi.”
 Aquíe izói Juzíñamui Joeldo daide.
 Iemo Pedro nai úrillano daide:
 22 ‘Mei jii, Israel nairai cue daíillifuemo cácarei. Nazaret ímie Jesús omoi uícori Juzíñamui ñue facácamié. Uafue aillo fáigatate ráaniaído ñue facátaga. Daí Juzíñamui omoi cígiri afémiedo finode. Aféfuíaina ñue fidídiomoíza.
 23 Mei íadi afémie omoi fecálliruimo maíano uitá fatíomoi, Juzíñamui jaiái uícodo coméiitífuaí onótafuaí diga daína izói. Uafue fiénidimacido íena corátatiomoi. 24 Mei íadi Juzíñamui afe tíilla cuinaca raa zuita izói, zúitano íena meine cáatate. Mei tíillafue jaca íena anáfenonide. 25 Mei illaíma David Jesudo úrillano daide:
 Ocuíraímana cue uíecori cíófiredicue.
 Afémie cue nabézimo izói ite, minícana cue jáicaiticue.
 26 Ie jira cue comeci cáimafuena iere ite, afe llezica cue fuemo ite cáimafuaído úriticue.
 Afe jira daje izói cue íeizi ñue ocózinaitaiticue, mei tíillamona meine cue abina cáataitio.
 27 Mei jii cue joréñona tíidinomo fiénocaiñeitio.
 Afe izói o izíruga táijitagamié abi rifáillana ráiruitio.
 28 Cáatatinomo jóoide io cue llófuetio.
 Cue diga o íllado, cáimafuena cue orúitaitio, —daí daide David.
 29 ‘Amatíai, cácarei. Cai jáíairagíma David tíide raíga uáfodo onórede. Afe raírafo nai cai diga íteza. 30 Mei afe David uai llóraíma. Jaiái Juzíñamui uícodo uafue llóllena ríifuedo íena daide:
 —O emódoidiziemona dáamié Cristoite. Afémie o illáimana illánomo ráinaite, —daide. 31 Jira daí David, uícomo ciona izói Cristo meine abido cáaillafuedo úrite. Afe izói daide:
 —Cristo joreño tíidinomo fiébiñeite. Ie íeizi rifáillana rairuícaza, —daide.
 32 Mei jii Juzíñamui afe Jesuna meine abido cáatate. Aféfuemo nana cai uai nabáiraimacídicaí.

³³ Daií Juziñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llíinote. Llínuana nana bie omoi ciona, omoi cacana raa finode. Nana aféfuiaí afémiemona bite. ³⁴⁻³⁵ Mei David monamo jáiñedimie, mei íadi dama David daií daina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

³⁶ ‘Nana Israel nairai, mai comeci jiziñeno omoi onoiri: bie omoi coraica Jesús Juziñamui Ocuíraimana itátate: Crístona itátate, —aci dinó Pedro daide.

³⁷ Aféfuena cacáillano, iere comeci llícitagaiaioi. Afemona Pédro mo jicánotiaioi jáie orécamaci diga:

—Amatiaí, ¿niie izói ñéiticaí?

—daidíaioi.

³⁸ Ie jira Pedro uai ote:

—Omoi illafue Juziñamui uiécomo meídori. Omoi nágamierie Jesucristo mámeçido báutizatari. Omoi íaifuaí oni dófilleza. Daií Juziñamui ie Ñuera Joreño ómoína úicaiteza. ³⁹ Afe bie uícodo llogáuai ómoie. Daje izói o jítotiaí ie. Daje izói nana jícarié itino ie; ua aféuaí nana cai Ocuíraima Juziñamui uáidogamací íena, —daide.

⁴⁰ Aféuailaído dáanomo jáie uáillaído Pedro íaioi lluno daide:

—Bie duere finóbitimacimona omoi jilloiri, —daide.

⁴¹ Mei daií afémie úrilla uaina jeire otino diga báutizagaiaioi. Aféruido Jesumo ñnotimacimo tres mil dígamiaí dáaziena jáinacaidiaioi. ⁴² Nana bimaci orécamaci llófuiafue mo jaícina jáidiaioi. Afe daií conímamo ñue coméçidiaioi. Afe llezica Juziñamuimo úrifirediaioi, ie mei gairíllano Jesús jae íraicaiño güilla izói finódiaioi.

Nano fueñe ñnotino illafue

⁴³ Aféruillaído nana jáicaidiaioi; mei aillo cíoraininafuaí naa onótate raa diga orécamaci finódiaioiza. ⁴⁴ Jae nana ñnotino ñue dájena itíaioi, íemona íaioi ráaniaí conímamo jeruíñeno ífirediaioi. ⁴⁵ Mei jii íaioi illábiri jáie ráifide raa diga fecádiaioi. Fécanona afe úcube nágamiaí imaci jitailla izói jofu conímamo fecáfirediaioi. ⁴⁶ Nágaruillaído gairíracomo gairídiaioi. Iaioi jófue mo pan fécano dáanomo cáimafuedo, comeci mánainafuedo güitíaioi. ⁴⁷ Juziñamui íóbitaoidiaioi. Afe llezica nana comini afémacimo ñue coméçidiaioi. Afe daií cai Ocuíraima nágaruido afe ñnotimacimo jáie jilloizaíbitimaci dáamacina itátate.

3

Aidaima jllotate

¹ Jáíruido jítoma ana ítemo Pedro Juan diga gairíracomo jáidiaillinoi. Afe Juziñamuimo coméçido úrioina llezica. ² Nágaruillaído jocóinamona aidaima dinomo ífiredo. Ie comini gairíracomo íena úifirediaioi. Uillano afémiena nazemo ie ráinaifirediaioi, jofu jáioidinomona dúecaillano fecaca úcube jicállena. Afe naze mámeçí Ebíredize. ³ Aidaima Pedro Juan diga gairíracomo jofu jáillana cíoillano dúecaillano fecaca úcube íaillinoimona jicade. ⁴ Mei jira Pedro Juan diga íemo érocaidiaillinoi. Pedro íena daide:

—¿Caimo érocai!

⁵ Íemona afémie náicaide. Comeci anado daide: “Ñibaí minícana cue iite.”

⁶ Íemo Pedro íena daide:

—Cue úcubenidícue; óronidícue; mei íadi cuemo íena o íitícue. Nazaret ímie Jesucristo mámeçido náidacai. Maca, —daide.

⁷ Iemo Pedro onoi nabézido íena naidánete. Afe daií finua llezica ie idai mairíbicaide, ie idácoiñuai diga. ⁸ Iemona aidaíma caífo tícacaide. Caífo náidaillano macade. Afémie íaillinoído ja jofo gairíracomo jaide. Tícatíacana jaide. Juzíñamuimo íóbitaíde. ⁹ Nana comíni ie mácana cíodiaíoi. ¹⁰ Aferi iere jacínaícaídiaíoi naa abí fáigacaíllafue diga, afémie daií náidacaíllari. Afémiena onódiaíoiiza. Afémie Ebíredize mámecíredizemo ráííredímie, gairíracomo úcube jícaíredímie.

Pedro comínimo Salomón jinófenemo macáranomo llófuete

¹¹ Jíllotaga aidaíma Pedro Juan diga íaillinoído níjiniícaide. Aféfuerei fáigacaíllano nana comíni gairíraco díbénemo jáidiaíoi. Salomón jinófenemo macáranomo Pedro, Juan, aidaíma diga illánomo afe comíni aizícana jáidiaíoi.

¹² Pedro áfena cíoillano comínina daide:

—Israel nairai, cácarei. ¿Omoi minícari fáigacaídiomoi? ¿Níbaí mei cócomo eróizaíbitiomoi? Bie íima dama coco rínodo jíllotano macátaticoco, níbaí daií comécido daídíomoi. Daje izóí coco Juzíñamuimo ñue comécinafuedo afefue finódicoco, daií níbaí cócona comécido daídíomoi. Iadí aféfuiaído finóñedicoco. ¹³ Mei íadí jíáífo do joide. Cai jáíairagima Abraham, Isaac, Jacob diga, íaíoi Moo Juzíñamui ie Jitó Jesumo baímo ñúefuena nitade. Afe Jesús ríimacimo omoi fecácámie. Pilato ie zuitáacana llezica áfena ráiruitíomoiiza. ¹⁴ Aféruído jaícina nífuenidímie zuitátajana jícañediomoi, mei íadí jíáífo do jícaídiomoi. Come fatímie zuitátatiomoi. ¹⁵ Afe daií cáatatóno fecádímie tíadíomoi. Mei íadí Juzíñamui afémiena tíllanómoma meine abído cáatate. Aféfuemo uai nabáiraímadicoco. ¹⁶ Bie dáámie Jesús mámecido, ie mámecimo ínuafuedo omoi ciona, omoi onóiga aidaíma jae mairíbicaide. Afe Jesumo ínuafue íena ñue jaícina jíllotate, omoi uíécomo cíocaidímie illa izóí.

¹⁷ ‘Amatíai, onódicueza, mei omoi naa omoi illáiníri Jesuna fáiacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi. ¹⁸ Mei íadí Juzíñamui ie uai lloráímado uícodo daína uai bie izóí fuitade. Aféuai daide: “Ie Cristo duere zefuíllífue jítaírede.” ¹⁹ Mei ie jira omoi mácafuaí méidori. Omoi illafue Juzíñamuimo ñue jaícina jóoneri. Omoi íaífuíai oni muiñólleza. Iemona cai Ocuíraíma Jesús caína cánuafuaí mánaínaruíllai izóí caímo orérede. ²⁰ Aféruímo nano uíécodo ómoíena mamécámie Jesucristo Juzíñamui óreite. ²¹ Mei íadí biruí Jesucristo monamo fiebírede, Juzíñamui naga rafue jaícina naí jóoneíñeilleza. Afe daií jaíáídiruíllaimo ite ñuera uai lloráini daídíaíoi. ²² Mei daií Moisés cai jáíairagimana daide: “Cai Ocuíraíma Juzíñamui omoi ámatíaimona nahí uai lloráimana ómoímo óreite, Juzíñamui cue ória izóí. Afémie ómoína nana daínáfuaí jeire omoi oíri. ²³ Mei afe uai lloráima daínana jeire oñédino Israel náiraímona oni táinocaite. Uáfueña íficaite.” Daií daide Moisés.

²⁴ ‘Mei daií nana uai lloráini, Samuélmona batíne ite lloráini diga bie íiraíruíllaido úrite. ²⁵ Juzíñamui ie uai lloráinído uícodo daínáuíllai ja biruí ómoíri jino llotátaga. Juzíñamui cai jaíáíragimacimo íbana ñuera raa finóllífue llote ñue omoi íllena. Afefue Abrahamo llote. Daide, “Nana énie nairai o emódomo comuídinodo ñue caímare ífícaítiaíoi,” daide. ²⁶ Mei Juzíñamui ie Jitó caata meífo do nano fueñe ie Jitó ómoímo orede caímare omoi íllena, ómoímona nágamíai íe íaífue fáicanocaíllena, —daide.

4

Pedro Juan diga ráiredino uíécomo uiga

1 Pedro Juan diga nai comínimo úrioidemo, lletáriraini gairíracó úiñotino illaíma diga bitíaioi. Daje llezica saduceo comini bitíaioi. 2 Pedro Juan diga comini llófuetiaillinoi. Iaioina daide: “Comini tíllanomona cáatafue Jesudo ácataga.” Daí llófuiari como bitímaci rícaidiaioi. 3 Iemona íaillinoína llaitádiaioi. Lláitano íaillinoína llavéracomo jítiramoidiruimo íbáidiaioi, ja nauízailla jira. 4 Mei íadi aillo afe úrillauai cacáđino íñotiaioi. Afena íñotimaci dani íñiaí facádua cinco mil áinomo dúcide.

5 Afe jáiruimo Jerusalemo judíuai illaini, éinamaci, naa ocuícáfue llófuerainiri gairídiaioi. 6 Afe llezica afénomo lletáriraini illaíma Anás ite. Afe dáanomo ite Caifás, Juan, Alejandro naa lletáriraini illaini comíniri. 7 Iemo Pedro Juan diga atítatiaioi. Atiano íaioi cígimo naidáneta jicánotiaioi:

—¿Nie ríinodo bífuiái finóđiomicoi? ¿Bu mámecido bífuiái finóđiomicoi?

8 Mei jira Pedro, Ñuera Joreño úcaigamienaza daide:

—Nairai illaini, Israel éicomini, omoi cácarei. 9 Mei afe baie iráredimíemo como finoca ñúefuena jicánotiomo. Mei ñie izói afémie jíllotaga daí daídíomoi. 10 Mei jira omoi uíécomo jino uáfodo llóiticoco, nana Israel nairai fidíillena. Afémie omoi uíécori Nazaret ímie Jesucristo mámecido, omoi coráicamie mámecido íocire ite. Afe coráicamie (Jesucristo) tíllanomona Juzíñamui meine abído cáatate. 11 Bie Jesús omoi jofo níraini oni dotaca jofocai izóđimie. Mei íadi afecai uálliraina jáizaide. 12 Nie jáimíemo jíllonafue íñede. Jesucristo jáie daítade jíllotaraimana caimo íñede, afémiedo cai jíllóillena. Ua nana éniemo daítade jíllotaraimana íñede, —jaca đinori Pedro daide.

13 Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiaillinoi íllana fíđia llezica, iere fáigacaidiaioi, jamáimieillinoi illa jira. Iemona ríimaci bíaillinoi Jesudo macáđino daí íaillinoimo úbicaidiaioi. 14 Afe emódomo jíllotaga aídaima đinomo íaillinoi abiri naidaide. Ie jira aféfuena jáanoicana daínide. 15 Mei jira gairíđinomona íaillinoína oni oréđiaioi, dani jofo conímamo íaioi úriacana jira. 16 Daídíaioi:

—¿Bie íima íaillinoína nie izói ñéiticaí? Mei jí, nana Jerusalemo bitino bie cíórainina onótate raa íaillinoi fínuafluena onóđiaioi; mei aféfuena jáanonidicaí. 17 Mei íadi mai íaillinoi cai jácidolle, afefue comínido jamánomo jalléíñellena. Afedo íaillinoína ráiruiticaí, Jesús mámecido ja benómona batine úriñeillena, —daídíaioi.

18 Mei jira íaillinoína jíritiaioi. Iaillinoi dúcídemo ocuícáfue:

—Jesús mámecido jí mai due jiza úriñeno iri. Afe daí llófueñeno iri, —daídíaioi. 19 Mei íadi Pedro Juan diga uai ote:

—Juzíñamui uíécomo níifue baimo ñuena comeci omoi faca: omoína ñue cai cacárellena, níbai jáífo Juzíñamuina ñue cai cacárellena. 20 Mei jí cai cíonafue cai cacánafue diga aféfuemo úrillana fáicanidicaí, —daide.

21 Mei jira ríimaci íaillinoína jácidotiaioi. Ie mei íaillinoína zuitádiaioi. Iaillinoi duere finóllífue baiñéđiaioi; nana comini afe fínua jira Juzíñamuimo íóbioíđiaioiza. 22 Afe cíóraininafuedo jíllotaga aídaima, afémíemo cuarenta fimona baimo ite.

Ínotino méaicaiñenafue comeci ríino diga jicáđiaioi

23 Pedro Juan diga íaillinoi zuitaina mei íaillinoi nabáíñiaí illánomo jáidiaillinoi. Đinomo afémacimo nana lletáriraini illaini éinamaci diga íaillinoína dánana llotíaillinoi. 24 Aféfuena cacáillano nana dáanomo Juzíñamuimo úritiaioi. Daídíaioi:

—Cai Ocuíraima, O Juzíñamuina; mona, énie, monaillai naga ráaniairi finódimedio. ²⁵ O Ñuera Joreño, o táijitagamie Davido daidio:

¿Níbái mei náiraiai caillíoidiaioi?

¿Níbái mei comini táinofuiaimo comeci facádiaioi?

²⁶ Enie illaini Juzíñamuina ie Cristo diga anáfenuaibitiaioi.

Daje izói jofue illaini Juzíñamuimo ofidiaioi ie Cristo diga áfedo afémiemo fuiríllena, —daide.

²⁷ Uafue bie jófuemo Herodes, Ponico Pilato diga o nífuenide Jitomo fieni gairídiaioi. Afénomo jicánemaci Israel cominiri fieni gairídiaioi, mei íadi omo jaináidimie Jitó illáimana ja jáitatio. ²⁸ Afe fieni íaioi gairíllafuedo nana o uícomo uaido finócafuaímo dáinana finódiaioi. Afe daí íficaillena jítáiretadio. ²⁹ Cai Ocuíraima Juzíñamui, mai birui cai íaioi jáciduamo eroi. Jae o táijitagamacidicai. Afemona ñue méaicaiñenafue caimo fecari, o úrillauai jino jáicaiñeno cai llóllena. ³⁰ Afe llezica omo ite ríinodo comini íaioi dúicomona ñue jíllotari. Afe izói o nífuenide Jitó mámecido ciórainina onótate raa finori, —dinori daidiaioi.

³¹ Juzíñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úcaigaiaioi. Iemona Juzíñamui úrillauai méaicaiñeno jino llotíaioi.

Ínotimaci íaioi ráaniaina jeruñeno “Nana caie” daidiaioi

³² Afe aillo íraica ínotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioimo ite. Buna afémie ráaniaina “Dama cueie” daíñede, mei íadi nana comini íaioi ráaniaina “Nana caie” daidiaioi. ³³ Orécamací Ocuíraima Jesús cáanafuemo aillo ríinodo uai nabáioidiaioi. Juzíñamui nana cominina iere caimátaitade. ³⁴ Íaioi cígiri jítáiredena ráanidimie íñede. Nana íbácana énieredino jofóredino diga áfeniai fécano afe oga úcube atídiaioi. ³⁵ Atiano orécamacimo izájidiaioi. Iemona orécamací nágamiériemo íaioi jítaina dieze fecádiaioi. ³⁶ Afe izói íaioi cígiri Leví izíe ímie finode. Afémie mámecí José. Monáillai zafedu Chípremo jocócamie. Orécamací íena jíaie mámecina jítádiaioi. Afe mámecí Bernabé daína Fíradimie. ³⁷ Afémie ie illánie fecade, fécano afe íba úcube orécamacimo izáibite.

5

Ananías Safira diga fínoca íaifue

¹ Mei jíaimie Ananías, ie ai Safira diga, daa illánie fecádiaillinoi. ² Bímie nano baa nieze úcubena jeruide. Jíaie dájeze úcubena nana ñue ite ízoi orécamacimo izájide. Aféfuena ie ai nana ñue onode. ³ Jira Pedro íena daide:

—Ananías, ¿níbái mei Taife o comécina féitate, Ñuera Joreño taino o llóllena? ¿Níbái mei o illánie nano nieze feca íba úcubena abímo maíñódio, daí jífuereidio? ⁴ ¿Nano fueñe afe énie óieñede? Jíi, óie. ¿Afe o fécaja mei afe úcube óieñede? Jíi, óie. ¿Níbái mei daí afe finóllena comeci facádio? Comínimo taino lloñédio, mei íadi Juzíñamuimo taino llotio, —daide.

⁵ Ie jira áfena cacáillano, Ananías éniemo baíllano tíbicaide. Nana afefue fídiaibitino iere jacínaitiaioi. ⁶ Mei jira nano ba niga jítócomini bite. Ie abi jabínota ie raíájidiaioi.

⁷ Afe mei tres horas íllamona Ananías ai jofo bite. Nai ie ini túillana fidíñede.

⁸ Jira Pedro jicánote:

—Cuemo llone, ¿afe ómicoi daína dieze afe énie fecádiomico?

Jira afengo daide:

—Jii, áfeze.

⁹ Jira Pedro daide:

—¿Nibái mei dáafueritio mico, Juziñamui Ñuera Joreño o ico facátallena? Jino batí o ini raíájidino bitíai. Jabe daje izóí ona úitiai.

¹⁰ Afe llezica afengo Pedro anamo baiíllano tíbicaide. Jitócomini jofo billano afengo tíllana cíozai bitiaí. Mei jira jino uillano ie ini abimo íena raíájidiaí.

¹¹ Nana Juziñamuimo ínotino nana aféfuiaina fidídimaciri iere jacínaitiaí.

Aillo cíorainina raaniai onótate raa diga

¹² Aféruillaído comini cígiri orécamaci aillo onótate raa, cíorainina ráaniai diga finódiaí. Nana Salomón jinófenemo macáranomo gairídiaí. ¹³ Buna jíaimacimona íai. Diga daane gairíllana jacíruitiaí; mei íadi comini íai. ñue izire comécidiaí. ¹⁴ Aillo comini íñiaí ringóniaí dájeze Ocuíraima Jesucrístomo ínuaíbitiaí. ¹⁵ Uafue jamánomo ínotiaí. Mei jira iráredino jofo abi íuemo, naa íai. bíralluairi jino biródiaí. Afénomo Pedro áfedo jaille llezica afémacimona nano dámerie, Pedro jana anamo itábicaítiaí. Afedo jíllozítiaí. ¹⁶ Afe llezica aillo ánomo ite jofue comini Jerusalemo bitiaí. Íai. iráredínuaí atídiaí. fíenide jóríado áfedogamací diga. Nana jíllotagaíai.

Ríimaci illaini Pedro Juan diga duere finóllena llaitátatiaí

¹⁷ Iemona lletáriraini illaíma, afémieoiri ite saduceo imaci iere úradoizaidiaí. ¹⁸ Ie jira orécamacina llaitada afe jófuemo ite llavéracomo íbáizaidiaí. ¹⁹ Mei íadi Juziñamui abi ímie naí llavéraco naze tuizáibite. Jino íai. uánona daide:

²⁰ —Gairíracomo omoi jai. Dinomo naidáíllano comínimo nana bie comeci cáataite uáillaído úrizairi, —daide.

²¹ Aféfuena cacáíllano, afe jíáirui monáídacademo jofo gairíracomo jáidiaí. Jáíllano llófuiaide.

Afe llezica lletáriraini illaíma afémieo itínori, Nahíllaini gairíranomo gairídiaí. Afe Nahíllaini Israel nairai éicomini. Gairíllano llaveca orécamaci atítatiaí. ²² Mei íadi llavériraini llavéracomo dúcillano orécamacina baiñédiaí. Daa fia afefue abído lluaíbitiaí. Daídiaí:

²³ —Llavéraco ñue ríire ibaide naa naze jinófene úíñotinori eróiediaí. baizájidicai. Mei íadi cai zuitádicaimo afeco eromo buna íñena, —daídiaí.

²⁴ Aféfuena cacáíllano lletáriraini illaíma, gairíraco úíñoraini illaíma, íemo nanoide lletáriraini ifo júdaízite; jícanotiaí:

—¿Bífuiaí ninomo jíca jálleite?

²⁵ Afe llezica daa íima daízaibite; íai. ína daide:

—Llavéracomo omoi íbaicogamíai jae gairíracomo comini llófuetiaí, —daide.

²⁶ Iemona úíñoraini illaíma naa llavériraini íaíllinoi uájidiaí. Mei íadi duere finóñeno íaíllinoi atídiaí, “Comínina nófiena cai níjíte” daínano jacíruitiaí. ²⁷ Íaíllinoi átianona, Nahíllaini uícomo íaíllinoi naidánetaí. Iemo lletáriraini illaíma íaíllinona daide:

²⁸ —Afe mámedido ómicoi llófueñellena jamánomo ríire rairuídicaí. ¿Ja múnica finódiomicoi? Nana Jerusalén comínimo ómicoi llófuiaí jíca jálleide. Afe llezica afe íima tílla ícoínia caímo nitáacadíomicoi, —daide.

²⁹ Mei jira Pedro jíáie orécamaci diga uai ote:

—Juziñamui uai jeire cai olle comini llogáuai baimo ñuera. ³⁰ Cai jáiairagima Juziñamui Jesuna tiillamona cáatate. Bie Jesús coráirabicimo agüineta omoi fagámie. ³¹ Juziñamui caifo monamo uano nabézimo íena rainade. Afe llezica afénomo Illáimana jónete. Dáanomo Jíllotaramana jónete. Daí Juziñamui Israel náiraimo íaioi illafue méidollirui jónete, íaioi íaifuiái dólleña. ³² Aféfuemo uai nabáiraimadicaí. Daje izói Ñuera Joreño aféfuemo uai nabaide. Nana ñue cacáredimacimo afe Ñuera Joreño Juziñamui iga, —daide.

³³ Aféfuena cacana llezica, ríicaidiaioi. Iaillinoína fáiacadiaioi. ³⁴ Mei íadi ríimaci cígiri fariseo ímie ite. Afémie mámecei Gamaliel. Afémie ocuífufue llófueraíma. Nana comini íemo ñue comécidiaioi. Afémie náidaillano ocuide:

—Nano dáallegoi bimaci oni jáinomo ui, —daide. ³⁵ Afe ífodo ríimacina daide:

—Israel comini, cacai. Baimácimo omoi finóllifue abí omoi rairuiri. ³⁶ Jáífuemo omoi úbicairi. Naui nígarui íllamona Teudas dúcizaíbite. Dúciillano daide: “Jamánomoidimedicue. Illáimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide. ³⁷ Afe mei comini mámecei cuiájillarumo, Galilea ímie Judas dúcizaíbite. Aillo comini íedo jáidiaioi. Daje izói íena fatíaioi. Afe izói nana íedo jáidino ráidozinaidiaioi. ³⁸ Ie jira bimácina omoi fáicanocai; afémacina áifedoñeno. Mei bifue íñiaí íeza, fuizájite. ³⁹ Mei íadi Juziñamui ífue, táinocaitanidiomoi. Abi omoi rairuiri, Juziñamui díga omoi fuirízaiñelleza, —daide.

⁴⁰ Nana jae jíeruificaidiaioi. Mei jira orécamaci jíritiaioi. Iaioi dúcinamona íaioína zechénotiaioi. Afe meífodo Jesús mámeceido úrillana íaioína rairuídiaioi. Afe mei íaioína fáicanocaidiaioi. ⁴¹ Orécamaci ríimaci uícomona jino jáidiaioi. Ióbioicaidiaioi, mei Juziñamui íaioímo ñue comeci facáoillaza. Jesudo jáináinamona méaífuedo duere zefuídiaioi. ⁴² Ie mei nágaruido Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiaidiaioi.

6

Juziñamui uai llotino canórainina siete dígamie mámecega

¹ Aféruillaido ínotino aillo jebuoidiaioi. Griego imaci judío imácina zúucaillafuedo jitádiaioi:

—Nágarui güille fécanomo cai fecínguai figo íñegaiaioi, —daidiaioi.

² Mei íemo doce díga orécamaci nana ínotinori dáanomo iráidiaioi. Iaioína daide:

—Juziñamui úrilla uai jino llófueredicaí. Afena cai fáicanocailleña dani omoi güille cai fecállena figóñede. ³ Mei jira, ámatiaí, omoi cígimona siete dígamie nize. Nana comínimona ñue comécidimie izóidena jitaide. Ñue onódimiena jitaide. Ñuera Joreño úicaigamiena daje izói jitaide. Ie mei daíttadimíiaí güille fecárainina mai jóneri. ⁴ Mei cai dani Juziñamuimo comeci facáoiticaí. Afe llezica Juziñamui úrilla uaido llófueiticaí.

⁵ Nana aféfuemo ñue comécidiaioi. Iemona Ñuera Joreño úicaigamie Esteban nizédiaioi. Afémie Juziñamui uaina iere ínofiredimie. Daje llezica jáímiaí nizédiaioi: Felipe, Prócoro, Nicanor, Timón, Parmenas, Antioquía ímie Nicolás, naui nano afémie judíuái íaioi ínoga uaimo dáafueriacadimie. ⁶ Ie mei orécamaci illánomo afémacina atídiaioi. Atia mei orécamaci íaioímo onoi bíitano Juziñamuimo úritiaioi. Afedo güille fecárainina mamécaiaioi.

⁷ Iemo Ocuíraima Jesucristo úrilla uai comínido oni móonaioicaide. Jerusalemo ínotino aillo jebuídiaoí. Afe llezica aillo judíuái lletáriraini aféfuemo ínotiaoí.

Esteban llaítádiaoí

⁸ Esteban Juzíñamui izóí ríinoredimie Juzíñamui ézicigamie. Ie jira comini cígimo aillo ciórainina raa onótate raa diga finode. ⁹ Ie jira Rairuíñegamací llófuerraco ímiaimona dáarie Estébamo como fueñe ie finócafue júfiduaidiaoí. Afe llezica Cirénemona dáamierie, daje izóí Alejandríamona, daje izóí Asia éniemo ite Cilíciamona: nana afémaci Estébamo afefue júfiduaidiaoí. ¹⁰ Mei íadi íena anáfenonidiaoí. Ñuera Joreño íemo iga úrillana fibíllafuedo úriteza. ¹¹ Ie jira taino lloraini íbajidiaoí. Afémacina llotiaoí:

—Mai omoi daíri: “Esteban Moisená Juzíñamui diga fiéniduaina dáiñana cacádicaí,” —daí daítataiaoí. ¹² Aféfuedo comínina éinamací diga fáillifaílliñeitadiaoí, daje izóí ocuícáfue llófuerraini. Iemona cirínuano íena llaítádiaoí. Lláitano Caifóidillaini uícomo íena uitiaoí. ¹³ Afe izóí taino uailai nabáiraini jenódiaoí. Afémaci daide:

—Bímie caí ñue rairuírede gairíracomo báíñuano fáicanocaitañede. Jaca báíñofirede, daje izóí ocuícáfue. ¹⁴ Afémie dáiñana cacádicaí. Afe daina daide: “Baie Nazaret ímie Jesús afe gairíraco júdaítaite. Moisés caímo iga finóllifuaí meídotaite,” —daí daídiaoí.

¹⁵ Iemona ríimaci naa díno ráiedinori, Estébamo eróillano, ie uíeco Juzíñamui abí ímie uíeconá eróidena cióidiaoí.

7

Esteban abí ie ríiduafue llote

¹ Mei jira lletáriraini illaíma Estébamo jícanote:

—¿Meita nana bífuiaí uáfuaí?

² Jira afémie uai ote:

—Ñue coméciide ámatiaí, móotiaí diga, cue úrillamo cácarei. Caí ebíredinoredimie Juzíñamui caí jiaí nanóidimie Abrahamo cíocaide. Ua Abraham Mesopotamia éniemo illa llezica, afémie naí Haramo jaiániñena llezica, ³ Juzíñamui íena daide: “O illánie fiénocai naa o comíniri. Afemona omo cue lolle éniemo o jairi.” ⁴ Mei jira Abraham Caldea éniemona oni jaide; jáillano, Harán jófuemo nano nie díno ite. Dínomo ie moo tiilla. Iemona Juzíñamui Abraham afe bie omoi illíniemo atide. Ja birui aféniemo itíomoi. ⁵ Mei íadi ñie feci raana naí afémie Juzíñamui íena íñede. Afe izóí due jiza ie macálliniéna íemo fecáñede. Mei íadi Juzíñamui uícomo uáfueña daide: “Bie énie óieite. O tiilla meífomo o jíotíaí íeite.” Mei íadi aféruillaido Abraham naí jítonide. ⁶ Nane dáanomó Juzíñamui íena daide: “O uícoidígima jíaimaci éniemo onínemaci izóí íitiaí. Dínomo afémaci rairuícamaci izóí íitiaí. Dínomo cuatrocientos fimona duere finólliaoí,” daide. ⁷ Mei íadi nane dáanomó Juzíñamui daide: “Omoi rairuícamacina finódizie íaíoi fiénidifuaí cue jícanolle mei, afémacina duere zefuítaticue. Ie meífomo o comini afénomona oni jáitiaí. Oni jaillano, bíniemo cuemo ñue caímare táijzaíbitiaí,” daide. ⁸ Juzíñamui Abrahamo daíñauaí íbana finóllifue llote. Afe llezica ie jíotíaí bacano ícoí quetállena ocuíllado afe finóllifue uáfueña onótate. Ie jira ie jíto Isaac jócua mei ocho dígarui íllamona, Abraham ie jíto bacano ícoí quetade. Daje izóí Isaac ie jíto Jacobona finode. Afe izóí Jacob nana ie jíotíaína finode. Afe jíotíaí Israel doce diga naíraí moona jáidiaí.

⁹ ‘Bie Jacob jitótiai cai nánoragimaciai. Afémaci ie ama Josemo úradoidiaioi. Afemona afémiena fecádiaioi, Egipto éniemo úillena. Mei íadi Juzíñamui Joseri ite ie canóllena. ¹⁰ Nana ie zefuinaillamona zuitade. Ñue úrillana fibíllafue íemo ite. Faraón uícomo ñue comécidimiena Juzíñamui Josena itátate. Afe Faraón Egipto nahíllama. Afe Faraón Josena Egipto jabóllaimana mamede. Afe llezica daje izói dama Faraón jofo illáimana mameca.

¹¹ ‘Iemona júbietaillafue nana Egipto éniemo baite aillo zefuinaillafue diga. Daje izói Canaán éniemo ite. Ie jira cai móotiai güíllendiaioi. ¹² Mei íadi Jacob Egíptomo trigo íllana fídiano afénomo ie jitótiai orede. Afémaci cai jáiairagima. Bifue íaioi fueñe güille uájillafue. ¹³ Ie mei dánomo nane jáidiaioimo, José ie ámatiai ie abina onótate. Afe llezica José ie ámatiai Faraómo cíotote afémie íaioina onóllena. ¹⁴ Iemona José ie moo Jacob naa ie comíniri atítate. Afémaci setenta y cinco dígamiede. ¹⁵ Afe daí íaioimo íficaide Jacob Egíptomo jaiánillena. Dinomo afémie tíide; daje izói afénomo cai jáiairagimamona dárie tíide. ¹⁶ Afe meífodo íaioi ícuruai Siquém illánomo uitá raiájidiaioi. Afe dinomo Hamor jitótiaimona Abraham ie comini ícuruai raillínuaí ibade. Jira afénomo raiájidiaioi.

¹⁷ ‘Jaiái ninomo Juzíñamui Abrahamo uire ñue íaioi íllena riírede uaido uáfueña llote. Afe uícodo daináuai fuizáillirui áinoziacademo, Israel nairai Egíptomo ñue jebuídiaoí; ua iere áillue náiraina jáidiaioi. ¹⁸ Afe llezica Egíptomo jáie Faraón illáimaizaide. Afémie Josena onóñede. ¹⁹ Aféllaíma cai náiraina jífuete; cai jáiairagimacina duere finode. Cai como jococa úruiaína zóofetade íaioi tíllena. ²⁰ Aféruillaido Moisés jococa. Afémie ie dúeza illáruimona Juzíñamuina íóbitade. Afe izói ie moona ie ei diga íóbitade. Afe íaillinoi daámani fui jofomo íena móonaitadiaillinoi. ²¹ Mei íena zóofetarui dúcinamona Egipto illaíma nahí jiza íena abímo ote. Afengo jitó izói afézana comúitate. ²² Ie jira afe Moisés Egipto comini nana onóigafueña llófuegamie. Iemona ie daináuailai riírede. Afe izói afémie finócafuaí jamánomoide. ²³ Ja afe mei cuarenta fimona illa llezica, Moisés ie nairai israelita comini méiñuaíacade. ²⁴ Afénomo Egipto ímie Israel náiraimona dámie duere finóinana Moisés cíoizaide. Ie jira Moisés ie nairai ímie ríduaibillano Egipto ímie fate afe iba óllena. ²⁵ Moisés comécido daide: “Cue ámatiai israelita comini Egíptomona fáicanocailífue onódiaoí. Ua Juzíñamui íaioi cuedo fáicanocaitafueña fidídiaoí,” daide. Mei íadi afena fidíñediaioi. ²⁶ Afe jítiramoidiruido Moisés Israel ímiaillinoi fúirienailana cíode. Iaillinoi fuiríllafueña llícaitaacanano íaillinoína daide: “Omícoi daje ámadiomícoi. ¿Ñibái conímana duere finódiomícoi?” daide. ²⁷ Ie jira nabai duere finódimie Moisés oni ñuitade. Oni ñuita mei íaillinoimona dámie Moisenadaide: “¿Bu o cai cígímo illáimana jóonegao? ¿Bu cai fiénidífue jícanoraímana jóonegao? ²⁸ ¿Nauiri Egipto ímie o faaja izói birui cuena fáiacadió?” daide. ²⁹ Daí dainana cacáillano, Moisés botade. Bótano Madián éniemo jaide. Dinomo jícanemie izói ite. Afénomo mena jítórede.

³⁰ ‘Cuarenta fimona méifomo, Moisés amena figo iñénazicimo mácajide. Sinaí idu áinomo ite. Afénomo Juzíñamui abi ímie boode íazafedínamo cíocaide. Afe irai bóoidinomo cíocaide. ³¹ Afena cíonamona Moisés jabo fáigacaide. Afena ñue cíoillena afemo jofo áinozide. Ánozillano Ocuíraíma Juzíñamui úrillana cacade. Afe uai daide: ³² “O nánoidimaci Juzíñamuidícue. Ua Abraham, Isaac, Jacob dieze Juzíñamuidícue,” daide. Jira Moisés jágieri cuidíricaide. Iemona dánomo afemo eróillana jacíruite. ³³ Iemona Ocuíraíma Juzíñamui íena daide:

“O eiba ico duiño, benó o naidáillano cue illaza jamánomo ñúenoza. ³⁴ Cue comini Egíptomomo duere zefuállana ciódicue. Iaiói eehe cáilliana cacádicue. Jira ana íaióina zúitaibiticue. Jira cue dainana cacai. Egíptomomo ona óreiticueza,” daide.

³⁵ “Ja nano fueñe nana comini Moisená jámairuitiaioi. Iena jaiái daiízaidiaioi: “¿Bu illáimana mamécao, caimo jicánoraimana o íllena?” Mei íadi bóodinamo ciode Juzíñamui abi ímiedo Juzíñamui Moisená zúitaitimiena orede, íaiói illáimana. ³⁶ Jira Moisés cai jáiairagimaci Egíptomona jino bairódimie. Afémie bie éniemo ciórainina raa onótate raa diga finódimie. Afe izói Jiáirede Monáillaimo ciórainina dainamona comuide raa finode. Afe izói cuarenta fimona íllamona zaféredizicimo íaiói illa llezica ciórainina raa finófirede. ³⁷ Afe dáamie Moisés Israel comínina daidímie: “Juzíñamui dani omoi ámatiaimona uai llórainana ómoimo óreite, cue ie ória izói. Afémiemo jeire omoi óiri.” ³⁸ Afe Moisés zaféredizicimo comíniri itímie. Afe Moisés Sinaí ídumo itímie. Dinomo Juzíñamui abi ímie íemo úrizabite. Afemona Moisés cai jáiairagimamo aféuai jino llotímie. Afe Moisés cáatatuailalai llínnote, afe uáillaina caimo fiénocaillena.

³⁹ “Mei cai jáiairagimaci íemo cacáreacañediaioi. Iena ruifíruillano, meine Egíptomomo jáiacadiaioi. ⁴⁰ Jira Aarona daidíaioi: “Cai uícodo ífoite juzíñamuillaina caimo finóllena jitáidicai. Baie Moisés Egipto éniemona cai otímie, íemo itífuenta onóñedicai,” daidíaioi. ⁴¹ Ie jira juráreto jiza jana finódiaioi; jiáie rílleniai fatíaioi afe jízato jánaraina finócamo fia fecállena íena ióbitallena. Mei íaiói ónoído finoca raamo caimátaioidiaioi. ⁴² Ie jira Juzíñamui íaióimona oni jaide. Afemona Juzíñamui íaióina fiénocai de mona úcuaimo íaiói comeci facáoillena. Mei daí uai llóraini rabénicomomo cuezáuai daide:

¡Israel comini, omoi cacai!

¿Cuarenta diga fimona íllamona zaféredizicimo rílleniai fatíomoi cuemo fia fecállena?

⁴³ Ieñede. Jiáifodo finódiomoi.

Taino juzíñamui Moloc ráiicaillacoji abimomo máinuano úioicaidiomoi.

Afe llezica jiáie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca ióbitalle jánarai.

Ie jira omoi éniemona omoi otá Babilonia batífenemo ómoína óreiticue, daide.

⁴⁴ “Cai jáiairagimamo Juzíñamui gairíracomo ite. Afénomomo noñicomomo cuela ocuica uailalai énotiaioi. Afe gairíracomo Juzíñamui Moiseomomo ocuilla izói niga. Nano fueñe Juzíñamui íena daide: “O ciónacomomo cue ácata izói o nitátari,” daide. ⁴⁵ Cai jáiairagimaci afe gairíracomo feci raa izói llínnotiaioi. Ie mei Josué diga bitino jiáie nairai énie báirua llezica afeco atídiaioi. Afe éniemo itínuiái Juzíñamui oni jiude, íaiói meífomomo ie comini íllino finóllena. Afeco daí dinomomo ite David ílláruillaído. ⁴⁶ Illaíma David Juzíñamuina ióbitade. Iemona Juzíñamui afe Davidna canófirede. Aféruillaído ie jáiairagimamo Jacob ínoga Juzíñamui íllíco nitátaiacade. ⁴⁷ Mei íadi ie jitó Salomón Juzíñamui jofo ua nitátatímie. ⁴⁸ Mei íadi jamánomomo caifoide Juzíñamui, comini ónoído niga gairíracuaimo ífinide. Afe izói uai lloraima daide:

⁴⁹ Caifo bie mona ua cue illáimana ráirano izoide.

Ie mei bie énie cue ídai bitáoinanie izoide.

¿Níie izóidíco cúeiena nitátatío?

¿Nee cue ocózinairano?

⁵⁰ ¿Ua meita nana bie ráaniaína cue ónoído finódicue?

Jíi finódicue, —daí Ocuíraíma Juzíñamui daide.

⁵¹ Nai Esteban afémacimomo úrioicaide. Daide:

—Mei íadi omoi comeci jaca Juziñamuina rairuífirede. Juziñamuina onóñedimaci izói jefónidiomoi. Juziñamuimo comeciñedimacidiomoi. Ñuera Joreño llétafue jaca jeire oñédiomoi. Omoi jái airagima izóidimacidiomoi. ⁵² ¿Ua meita omoi jái airagima nii uai llórainina duere finódiaioi? Nana íaioina duere finódiaioi. Nii fígomie bíllana uícodo llotínona titádiaioi. Afe fígomie jae dúcide. Iena fécano fatiomoi. ⁵³ Omoi Juziñamui abi ímiaido llogámacidiomoi, mei íadi ñue cacáreñediomoi, —daí dinori Esteban daide.

Esteban tíllafue

⁵⁴ Aféfuina cacáillamona, rícaidiaioi. Estébamo fueo gugúricaidiaioi. ⁵⁵ Mei íadi Esteban Ñuera Joreño úicaigamie. Afe llezica monamo érocaide. Dinomo Juziñamui ebírenafuena ciode. Afe llezica Jesús Juziñamui nabézimo naidáinana ciode. ⁵⁶ Ie jira daide:

—¡Ero! Mona túinana ciódicue. Nanoide fima Jitó Jesús Juziñamui nabézimo naidaide, —daide.

⁵⁷ Mei íadi afémaci jefo íbáidiaioi. Rírerie caillíoicana illíñana íemo caízaidiaioi. ⁵⁸ Jófuemona oni uitá nófiena ie níjidiaioi. Níjidino íaioi emódoiroillai jítócome Sáulona maméidimiena úiñotadiaioi. ⁵⁹ Nai ie íaioi níjia llezica, Esteban Juziñamuimo úrillano daide:

—Ocuíraima Jesús, cue joreño oni llino, —daide.

⁶⁰ Ie mei ana dújullano, riire caillide. Daide:

—¡Ocuíraima! Bie fiénidifue ícoina bimácimo jitañeno iri, —daide.

Daí daina meífodo tíbicaide.

8

Saulo Jesudo gairírani racade

¹ Fatímaci izói Saulo afémacimo comeciioide.

Aféruimona Jerusalemite Jesudo gairírani duere finóllena como fueñe judíuai jénuaidiaioi. Ie jira nana ínotimaci Judea énie fuédado ráidoizitiaioi; daje izói Samaria éniado. Dani doce dígamie orécamaci Jerusalemite fiébitiaioi.

² Iemona Juziñamui raana duéruitimaci Esteban raíájidiaioi. Ieri aillo éediaioi. ³ Afe llezica, Saulo gairíramacina nai racáaide. Nágacuaido jenode. Afécuaimona íñiaí ringóniaí diga jino zónuano íaioina llavétate.

Jesucristo ñuera uai Samáriamo llujíjidiaioi

⁴ Ja birui Jerusalémoma oni jáiredino, Cristo jíllonafue íaioi jáillanuaimo llujíjidiaioi. ⁵ Afémacimona dámie Felipe Samaria jófueo jaide. Dinomo Cristo ráfuedo íaioimo úrizaide. ⁶ Afe comini gairíllano Felipe dánamo ñue cacáreidiaioi. Felipe finoca círainina onótate ráaniaí ciódiaioi. ⁷ Mei jira aillo fiénide jóriaímona jíllotagaiaioi. Afémacimona fiénide jóriaí caillícana oni jaide. Afe llezica aillo tízitaitimíai aídáimaíai diga jíllotagaiaioi. ⁸ Aferi afe jofue comini iere caimátaioidiaioi.

⁹ Mei íadi dáamie Simona mámeciredimie afénomo ite. Afémie uícódiruillaido aimana jaide. Afe jofue comini jífujete. “Jamánomoidimedicue” daííredimie. ¹⁰ Nana comini jabóidinomona ua nahíllaimamo dieze íemo iere cacáreidiaioi. Daidíaioi:

—Bímie caifoide Juziñamui ríinona igámie, —daidiaioi.

¹¹ Iere are ie aimánafuedo afémacina jífujete; ie jira íemo jeire otíaioi. ¹² Mei íadi Felipe Juziñamui illáimana illirui uai Jesucristo mámecei diga, íaioimo llote. Aféuailaina cacáillano afemo ñue ínotiaioi. Íñiaí ringóniaíri dájerize ínotiaioi.

ñinuano báutizagaiaioi. ¹³ Afe dama Simón ñinuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa diga, áferi fáigacaide.

¹⁴ Jae Samaria comini Juzíñamui úrillauai jeire otíaioi. Afe íaioi jeire uáfuenta Jerusalemite orécamací fidídiaioi. Fídiano afénomo Pedro Juan diga orédiaioi.

¹⁵ Dúciillano Samáriamo ite ñnotinori Juzíñamuimo jicádiaioi, Ñuera Joreño íaioi llíñollena. ¹⁶ Mei afémacimona nímiemo Ñuera Joreño nai biñede. Dama Ocuíraima Jesús mámecido báutizaga. ¹⁷ Afemona Pedro Juan diga íaioimo onoi bitade. Iemona daí Ñuera Joreño úicaigaiaioi.

¹⁸ Orécamací bimácimo onoi bitamona Ñuera Joreño bíllana Simón ciode. Ciónamona úcube orécamié íaillinoimo íoicana

¹⁹ daide:

—Jadíe ríino cuemo ine. Afe izói nie cómemo cue onoi cue jóneadi Ñuera Joreño íemo bílleza, —daide.

²⁰ Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo íbárede daidio; daí comeci facádio. ²¹ Bífueimo o dúñedio. Bie coco táijnafueimo jaináñedio, o comeci jaícina Juzíñamuimo jóiñena jira. ²² Bie o fiénidifue o fáicanocai. Juzíñamuimo izire o jicari o fiéni comécido dainafue íba omo óñeilleza. ²³ Ja onódicueza o comeci fílliru izói eríredeza. Afe íaifuiáido cuinácamie izói itíoza.

²⁴ Jira Simón uai ote:

—Ocuíraimamo cuedo jicari, nana o cuena daináfuiáimona dafue cuemo níjiñeillena, —daide.

²⁵ Afénomo Crístimo ñúefue nitádiaioi. Daje izói Juzíñamui uáilláido úritiaioi. Ie meífodo, orécamié íaillinoi Juzíñamui jíllolluauai aillo Samaria duera jófuiáimo llófuiaidaillinoi. Ie mei Jerusalemite meine bitíiaillinoi.

Felipe Etiopía ímiemo úrite

²⁶ Afefue meífodo Juzíñamui abi ímie Felípena daízaibite:

—Náidacaillano, fuiri batí Jerusalemite Gaza jófueimo jóidido o jairi, —daide.

Afeo zaféredizicido jóidio. ²⁷ Iemona Felipe náidacaillano áfeodo jaide. Dinomo uíecodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úiñoraíma. Afe llezica afémie ónima. Naui uícodo afémie Jerusalemite Juzíñamuimo cámaduaide. ²⁸ Afémie abido ie éniemo jázaide. Ie caballo zonóicaiga ráiralloicimo ráicana Juzíñamui uai lloraíma Isaías cuezáuai facádote. ²⁹ Afe llezica Ñuera Joreño Felípena daide:

—Jadílloicimo ánozillano afénomo nabairi, —daide.

³⁰ Ainozillano, Felipe afémie Isaías cuezáuaillai facáduana cacade. Iemona íemo jicánote:

—¿O facádoga uaina meita onódio? —daide.

³¹ Jira afémie uai ote:

—Cuemo jino llóitimie íñédeza, ¿ñie izói ónoitícue? —daide.

Iemona Felípemo caífo ie diga dáanomo ráillena jicade.

³² Juzíñamui Cuezáuaimona afémie facádoga uai áfena daide:

Oveja izói tíizaillinomo uiga.

Oveja jiza abi cuidódino uíecomo úriñedimie izói táide,

afe izói afémie jaca nífuedo úriñede.

³³ Afémie iere jámairuigamie; jaícinaidifuenta íemo rairuíaioi.

¿Ie ñue illáfuedo mei bu úrille?

Mei ie cájano bie éniemona niné táinocaide, —daide.

³⁴ Jira illaingo abi ríimie Felípemo jicánote:

—Cuemo llone, ¿bumo úrite uai lloraíma? ¿Nibai dama íemo úrite? ¿Nibai jiáimíemo úrite? —daide.

³⁵ Jira Felipe afémie facádoga Cuegáuaimona Jesús úrillauai íemo jino llote.

³⁶ Jainoi illánodo jailla lezica ríimie daide:

—Benomo ite jainoi. ¿Birui áfejido cue báutizanidícue? —daide.

³⁷ Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínotícue, —daide.

³⁸ Iemona jáiralloici moziñota ille diné jáidiaillinoi. Dinomo Felipe ie báutizade. ³⁹ Illémona ari abído jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíõñede. Mei dama ie éniemo caimare jaide. ⁴⁰ Felipe nane Azoto jófuego cíocaizaide. Dinómona naga jófuedo jíllonauai llócade. Ua ba Cesarea jófuego fuizájide.

9

*Saulo comeci jiáifodo méiduafue
(Hch 22.6-16; 26.12-18)*

¹ Afe lezica Saulo Jesumo ínotinona fáiacanafuedo úrioido. Ie jira lletáriraini illáimamo jicánuaide. ² Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ínotino cue jénuailleza. Afemona íñiaí naa ringóniari maitá Jerusalem o cue atílleza, —daide.

³ Mei nai iodo jailla lezica, Damasco jófuego áinozidemo, monámona bite úzefo nágafene ie abímo úzere egáñoicaide. ⁴ Iemona Saulo éniemo baiíde; baiílla lezica Jesús íena dáinana cacade:

—Saulo, Saulo, ¿nibái mei cue racáido? —daide.

⁵ Mei jira Saulo uai otá jicánote:

—Ocuíraíma, mei o ¿búido? —daide.

Jira aféuai ote:

—Cue Jesúsícue. Dama o racácamíedícue. Aillue juráreto zaitáacademo jáiredizímo jiide. Afe izóí ízitagamíedio. ⁶ Mei íemona Saulo jágieri cuidíde; daide:

—Ocuíraíma, ¿ona nie izóí finóredícue? —daide.

Jira Ocuíraíma uai ote:

—Náidacaillano baie jófuego mai jofu jai. Dinomo o finóllifueno omo llóitiaioíza, —daide.

⁷ Sáulodo jaide comíni aféuaina cacádíaiói íadi mei buna cíõñediaíoi. Aferi iere jacínaitíaiói. ⁸ Ie meífodo Saulo éniemona caífo ráinacaillano, érocaide. Mei ui botáicaide íadi éroinide. Mei jira daí ónoído jainátacana Damasco jófuego íena uitíaiói. ⁹ Dinomo daruíamáni uina cíõñede. Aféno mo minícana güñede, jiróñede.

¹⁰ Afe Damasco jófuego ínotimie Ananías illa, níimíemo Ocuíraíma nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraíma, benó itícue, —daide.

¹¹ Jira Ocuíraíma íena daide:

—Náidacaillano, Deréchana mámecirede iodo jairi. Dinomo Judas jofomo jicánori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juziñamuimo úrite ¹² Ie úrioina llezica nicáirilla izóidedo ie uimo onoi bítaibitímie, Ananías mámeciredimiena ciode; áfemona nane ie ui ñue cíoite, —daide.

¹³ Afe uaina cacáillano Ananías daide:

—Aillo comini baie ímana cuemo llotíaioi. Afe llezica omo ínotinuiamo nana Jerusalemo ie fieni finócafuaí cuemo llotíaioi. ¹⁴ Ja birui afémie benomo bite. Lletáriraini illaini llavétallibiai diga bite nana o mámecido jicáfiredino maitá úillena, —daide.

¹⁵ Jira Ocuíraíma daide:

—¡Mai jai! Afe ímana jae cue nizeca jíáie náiraímo cuedo úrillena naa íaioi illáiniri. ¹⁶ Afémie aillo cue náiraímo llóite. Afémie aillo cue ícoínia duere zefuúllana íemo ácatatícue, —daide.

¹⁷ Iemona Ananías Saulo illácomo jaide. Jofu jáillano íemo onoi bítajano daide:

—Ama Saulo, Ocuíraíma Jesús o billa iomo omo cíocaidimie cue o ui meine abido cíoillena ocuide. Afe dáanomo afémie Ñuera Joreño ona cue úicaitallena cuena daide, —daide.

¹⁸ Afe daíí dáinamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate. ¹⁹ Afe meímodo güillano, ie ríino meine comuítate. Afe mei nano nígarui Damáscómo ite ínotinori fiévide.

Saulo Damasco jófuego jino llófuerite

²⁰ Ie meímodo Saulo garíracómo jino llófuerizaide. Afénomo daide: “Jesús Juziñamui Jitó.” ²¹ Nana afémiemo cacáidino fáigacaillano daidíaioi:

—¿Ua meita bie nímiède, nauí Jerusalemo Jesús mámecido jicáfiredino racádimie? ¿Ñíie nauí benomo bitímie lletáriraini illáinimo cai maitá úillena? —daidíaioi.

²² Mei íadi Saulo jamánomo riire jino llófuerite. Jesús Crístonana jino uafodo ciótate. Mei jira Damáscómo ite judíuai Saulo ifona íritagaiaioi.

Saulo judíuaímona jillode

²³ Diga iruillai jailla meífomo, judíuai dáanomo comece fácana Saulo fállena maméritiaioi. ²⁴ Mei íadi aféfuena afémie fidide. Naa mona naio diga jofue jino jáirazemo úiñoidiaioi ie fállena. ²⁵ Mei íadi ínotimaci áillue cirígaimo íena jóonetaioi. Jóoniano afe jofue jinófene cirínuailla jinomo naio íena agüínetiaioi. Afe daíí afémie botade.

Saulo Jerusalemo illafue

²⁶ Saulo Jerusalemo dúcillano, Juziñamuimo ínotinori gairíacade, mei íadi nana afémiena jacíruitiaioi. Afémie ínogafuena nai jeire oñédiaioi. ²⁷ Mei íadi Bernabé íena uáidote. Iemona orécamiíaimo íena ácatajide. Afemona Saulo iomo Ocuíraímana cíonafue íaioímo llote. Ie mei Saulo Damasco comínimo méaicaiñeno Jesús mámecido úrillafue íaioímo llote. ²⁸ Jira Saulo Jerusalemo diga irui ite. Dinomo ínotimaci diga macácaide. ²⁹ Ocuíraíma mámecido méaicaiñeno úrite. Griego uaido úritino judíuáimo úrite. Conímamo jicánua uai ua daíí úrite. Iemona ie fállena mamédiaioi. ³⁰ Jíáie ámatiaí afefue fídiano, Saulo Cesaréamo uitíaioi. Dinómona Társomo íena orédiaioi.

³¹ Ie meífomo nana Judea éniemo ite Jesús mámecido gairídino fírazitiaioi. Ja íaioi ínogafuemo caímare náireoicaidiaioi. Afe izói Galilea éniemo Samaria

énie diga ite ñnotino firazillamona riire náireoicaidiaioi. Ocuíraima Jesús ñúefueri jácicaidiaioi. Ñuera Joreño íaioi cánuamona jebuíoicaidiaioi.

Eneas jae jíllotaga

³² Pedro jáie ámatiai uáidualla llezica, daje izói Lida jófuego ite ñnotino éroizaide. ³³ Dinomo Enéasna maméidimiena cíozaide. Afémie ocho diga fimona bíramo biide ie tízitailla jira. ³⁴ Iena Pedro daiízaid:

—Eneas, Jesucristo ona jíllotaiteza. Náidacaillano o bíra ñue fino, —daide.

Afemona Eneas raire jíllobicaide. ³⁵ Lida jofue nairai aféfuena nana cíodiaioi naa Sarón náirairi. Iemona jaiiai nano íaioi ñnogafuiai fáicanocaillano Ocuíraima llogáfuego ñnotiaioi.

Dorcas tíide meine abido cáanafue

³⁶ Aféruillaído Jope jófuego ite ñnotingo. Afengo mámecei Tabita. Afe mámecei griego uaido Dorcas. Afe ringo ñúefuedo jáicade. Jitáidinona canófirede.

³⁷ Aféruillaído afe Dorcas iráreizaid. Iemona tíide. Ie abi jócua meífodo oni caifóidicomo jónetiaioi. ³⁸ Lida áinori ite Jope. Aféruimo Pedro afénomo nai ite. ñnotino afénomo íllana fídiamona, ménamie orédiaioi íena daiíllena:

—Jópemo jizíñeno raire biri, —daide.

³⁹ Iemona Pedro afémie íaillinoído jaide. Pedro dúcinamona, Tabita abi jóoinanomo íena uitíaioi. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tifócacuiruai íemo ácatatiaioi. Emodo íroillai naa jáie íníroillairi íemo ácatatiaioi. ⁴⁰ Afécomona Pedro nana jino íaioi orede. Ie mei caiñici ífodo dújuillano Juzíñamuimo úrite. Tídingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédro mo érocaillanona caifo ráinade. ⁴¹ Onoído llínota ie caifo naidánete. Afe mei ailli jino oreca fecíngotiai íemo ámatiai dainámacei diga abido jírite. Iemona afengo caade íaioimo izájide. ⁴² Afefue nana Jope jófuego jállecaide. Iemona aillo comíni Ocuíraimamo ñnotiaioi. ⁴³ Afe mei Pedro diga irui afe jófuego fiébide. Igorai ídiai jinítaraima Simón jofomo ífirede.

10

Pedro Cornelio uáiduafue

¹ Afe Cesarea jófuego Cornéliona maméidimie ite. Afémie fuíríraini áillogüelli illaíma. Afe áillogüelli mámecei Italiano. ² Afémie naa dama ie comíniri Juzíñamuimo comeci fácajano caimare úrite. Afe llezica Juzíñamuimo ñue jacíruioide. Daje izói aillo úcubena judíuaimo fecáfirede íaioi canóllena. Iemo Juzíñamuimo nágarui úrifirede. ³ Ie mei daarui jitoma ana ítemo nicáirilla izói ciode. Afe nicai anado Juzíñamui abi ímie uáfodo cíode. Afe abi ímie jofu Cornelio illánomo jaide; jáillano íena daide:

—¡Cornelio! —daide.

⁴ Cornelio afe Juzíñamui abi ímiemo jacíruioicana érocaillano jícanote:

—Ocuíraima, ¿bie minica?

Iemona abi ímie íena daide:

—O jícanua Juzíñamui jae jeire ote. Daje izói jitáidino o cánuafuiai na jeire ote.

⁵ Mei jira Jope jófuego íñiaí ore, Simón jírizaillena. Afémie jáíáfodo mameina Pedro. ⁶ Afe Pedro jáí Simón igorai ídiai jinítaraima. Afémie jofu monáillai fuédamo ite. Afe Simón Pedro o finóllifue omo llóite, —daí daide.

⁷ Afe íemo úrite Juzíñamui abi ímie jáidemo, Cornelio mena táijitagamie jírrite. Ie mei ie abi ímiaimona daa ñúefuemo ínofirede fuiríraima jírrite. ⁸ Nana Juzíñamui abi ímie íemo llogafue llua meífomo Jópemo íaioina orede.

⁹ Afe jítiramoidiruimo, nai afémaci iodo jailla llezica, Jópemo ánozidiaioimo, Pedro jaíciri illa llezica jofo emodo ibánimo Juzíñamuimo úrizaide. ¹⁰ Aillo jufinaillamona güíacade. Mei íadi nai güille íaioi finua llezica, nicáirilla izoide ciode. ¹¹ Afe nicai anado mona tújicaillana ciode. Afénomona áillue iniroi izóidena nágafene zicai ícoinoga ana éniemo agüínana ciode. ¹² Afe agüínega iníroimo naga táide ríllenai ite, jaióniai féedínuaia díga. ¹³ Iemona daa uai dáinana cacade:

—Pedro, náidacaillano fatá rii, —daide.

¹⁴ Jira Pedro uai ote:

—Jii, Ocuíraima, ríñeiticue. Bácaca ríllena jaca ríñédicue. Daje izói íáirede ríllena ríñédicue naa rairuica rille díga, —daide.

¹⁵ Afe uai nane dánomo íena daide:

—Naga Juzíñamui dogá izói finoca rílleza íáire maméñeno iri, —daide.

¹⁶ Afefue dacaiñoámani íemo íficaide. Ie meífomo afe iniroi meine abido monamo jaide. ¹⁷ Nai Pedro afe nicáirillafuemo comeci facáoide. “Afe cue ciónafue nie izói daíacade,” dáidemo, Cornéliomona orécamiiai nazemo náidazaibitiaioi. Simón jofo jicánotiaioi. ¹⁸ Dúciillano aillo uaido jicánotiaioi:

—¿Simóndimie bicomo ite? Afémie jiáifodo mameina Pedro, —daidíaioi.

¹⁹ Nai Pedro nicáirillamo comeci facáoide, Ñuera Joreño íena daide:

—Cacai, damieámani o jenódiaioi. ²⁰ Náidacaillano ana billano jizire úriñeno íaioido jai, mei cue omo orécamiiaiza, —daide.

²¹ Mei jira Pedro jofo emódobanimona ana billano Cornelio orécamací, nazemo náidaidinona daide:

—Cue omoí jenócamiedicue. ¿Nibái mei bitíomoí? —daide.

²² Jira afémaci uai otíaioi:

—Íllaima Cornelio cai ória jira biticai. Afémie ñúefuena nitácamié. Afémie Juzíñamuimo ñue jacíruioide. Nana judíuai íena ñue llínotiaioi. Iena iere izírúitiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáibiticai. Dínomo Cornelio íena o daíacallifuenta cácaite, —daidíaioi.

²³ Ie jira Pedro jofo íaioina ote. Afe naio ie díga fiébidiaioi. Afe jiáiruido Pedro afémaci díga jaide. Afe llezica Jópemo ite ámatiaimona íena nabáioicaidiaioi.

²⁴ Afe jiáiruido Cesaréamo dúcidiaioi. Dínomo Cornelio íaioina úíñote. Afénomono bíllena ie llogámaci ie comínimona, ie gaiga nabáíñiaimona dáanomo gairídiaioi. ²⁵ Afécomo Pedro dúcia llezica, Cornelio jino íena llínuaibite. Jino billano Pedro anamo dújude, ie cáimadollena. ²⁶ Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

²⁷ Nai afémie díga úrioina llezica, jofo jaide. Jáillano aillo gairídínona cíozaide. ²⁸ Jira Pedro daide:

—Jae onódiomoí, judío ímie ie ínuafuiaido jiáizie ímie díga nabáirinide. Daje izói ie jofomo jaille rairuírede. Mei íadi Juzíñamui jae cuena llófuate. Buna jiáimana comécina íáiredimie daínide. Daje izói rofóciuredimie jiáimana daínide. ²⁹ Ie jira orécamiiai cue jírilla llezica nie izói daííñeno jarire bitícueza. Mei jira nibái mei cue uáidotioza onócadicue, —daide.

³⁰ Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo güiñeno iticue. Aféruimo jitoma ja ana ítemo Juzíñamuimo comeci faiticue. Comeci faiano quenírede inícuíro jitáoidimie cuemo cíocaide. ³¹ Afémie cuena daide: “Cornelio, o jicánogafuiaina Juzíñamui cacade. Afe llezica jitáiredinomo o cánuafuiaimo Juzíñamui comécide. ³² Jope jófuego ore Simón uájillena. Afémie jiáifodo mameina Pedro. Afémie jiáie Simón jofomo biruido ite. Jiáie Simón igorai ídiai jinítaraima. Ie jofo monailai fuédamo ite. Pedro dúcia o diga úrizaita,” daide. ³³ Daií raire ona jenótaticue. Jira o bille ñuera. Birui nana benomo Juzíñamui uíecomo iticai. Nana Juzíñamui omo llotátagauai caimo o daiíllena cacáacadicaí, —daide.

Pedro Cornelio jofomo llófujeteza

³⁴ Jira Pedro ja úrillano daide:

—Ja birui Juzíñamui jiáimana daa úradotatañedeza onódicue. ³⁵ Mei íadi nizíemo itino íeri jácicaillano ñúefuedo úritinona Juzíñamui íaioina llínofirede. ³⁶ Israel cómogimacimo Juzíñamui úrite. Jesucristodo comeci caimare uái illafue íaioimo llote. Afémie nana nairai Ocuíraima. ³⁷ Nana judío éniemo comuídifuena ñue onódiomoi. Juan Bautista jino llujilla mei, comini báutizaila meífodo afefue Galiléamo como fueñe taineca. ³⁸ Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuídina ie jíllotafuiaina onódiomoi. Aféfuiaina daií finode Juzíñamui ie diga jáicana jira. ³⁹ Nana Jesús judío éniemo finócafuiái uai nabáiraimacidicaí. Daje izói Jerusalén jófuego ie finócafuiái uai nabáiraimacidicaí. Ie méifomo cruzmo íena coráiano íena titádiaioi. ⁴⁰ Mei íadi Juzíñamui daruíamani íllamona abido íena cáatate. Ie mei afémiena caimo cíocaitade. ⁴¹ Nana comínido cíocaitañede mei íadi dani caimo cíocaide, Juzíñamui uícomo nizeca uai nabáiraimacidicaiza. Afe mei afémie tíllanomona meine abido cáanamona ie meífomo, afémie diga güiticaí; ie diga jiródicaí. ⁴² Afémie Jesucristo rafue jino comínimo caina llotátate. Afe izói jiáifue caina ua nabáiritade. Afefue daide: “Juzíñamui afe Jesús tíidino cáadino diga íaioi fiénidifuiái jicánoitimiéna ocuide. Cai aféfuemo uaina nabáitagamacidicaí.” ⁴³ Daje izói jaiái ninómona nana uai lloraini Jesudo úritiaioi. Daidíaioi: “Nana afémiemo ínotino íaioi íáiredifue mona ie mámeçido ñue dóficaitiaioi,” daidíaioi, —daide.

Judúuaiñedino Ñuera Joreño como fueñe úicaigaiaioi

⁴⁴ Nai Pedro úrioina llezica, ie úrillauaimo cacáreidimacimo Ñuera Joreño nana íaioimo ana bite. ⁴⁵ Jira Pédrodo bite ínote judúuai fáigacaidiaioi. Ñuera Joreño judúuaiñedinomo daje izói úicaigafueri fáigacaidiaioi. ⁴⁶ Jae jiáizie uáillaído íaioi úrillana cacádiaioi. Afe llezica Juzíñamuimo íaioi íóbioinana cacádiaioi. ⁴⁷ Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

⁴⁸ Iemona Jesucristo mámeçido íaioi báutizazigaiaioi. Ie meífodo Pédrodo izire jicádiaioi: “Nano nígarui cai diga iri,” daidíaioi. Daií íena jeruídiaioi, nano nígarui íaioi diga íllena.

11

Pedro Jerusalemo ite ínotinomo llogafue

¹ Judéamo ite orécamaci ámatiai diga, cómoicana jíáifuena fidídiaioi. Afe fue daide: Judíoñedimaci Juzíñamui úrillauaina jae jeire otíaioi. ² Pedro meine Jerusalemo jáidemo, judíuaimona dámerie ñnotino Pédróna zanódiaioi. ³ Zánvano daidíaioi:

—¿Ñibái judíoñedino uáiduaidio? ¿Ñibái íaioi diga güitio? —daide.

⁴ Ie jira Pedro afefue nanómona nana ie finócafuiái llote; daide:

⁵ —Jope jófuemo cue íadi, Juzíñamuimo úrifiredicue. Afe llezica nicai anado ciódicue. Afe nicai anado áillue iniroi izóidena monámona ana bíllana ciódicue. Aferoi nágafene zícáimo ícoínoga. Daíí cue illánomo dúcide. ⁶ Afemo ñue eróidicue ie eromo itínuiaina onóillena. Iemona afe eromo ite táicaide rílleniaina ciódicue. Afe dáanomo jacírede rílleniaina ciódicue. Daje izói afénomo jáizai, íemo féedínuiái diga íllana ciódicue. Nana afe ciona rílleniái bácaziga. ⁷ Iemo daa uai cuena dáinana cacádicue. Daide: “Pedro, náidacaillano afe ríllemona fatá ríi.” ⁸ Mei jira daidicue, “Ocuíraíma, dama ite. Jaca nanómona cue fúedo íáiredena ríñédicue bácaie diga.” ⁹ Ie mei afe monámona cacaide uai dáanomo cuena daide: “Juzíñamui dogá rílleza íáireda daíñeno o iri.” ¹⁰ Afefue dacaiñoámani meine íficaide. Afe meífomo dáanomo nana monamo meine jaide. ¹¹ Afe llezica daamieámani cue illánomo dúcide. Afémaci Cesaréamona cue jenóllena orécamaci. ¹² Ñuera Joreño afémacido cuena orede: “Due jiza jízíñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicai. ¹³ Afémie Juzíñamui abi ímiena ie jofo eromo ie ciónafue caimo llote. Afe Juzíñamui abi ímie náidaillano íena daide: “Jope jófuemo nano nígamie ore, Simón jírizaillena. Dáamie jíáífodo mameina Pedro. ¹⁴ Afémie ona dáíteza, nie izói o nana o comini diga jíllotioza,” daide. ¹⁵ Cue fueñe íaioimo úrizailla llezica, Ñuera Joreño imaci acónimo bite, nano fueñe cai acónimo billa izói. ¹⁶ Mei íemona Ocuíraíma daínáfueimo úbicaidicue. Afefue daide: “Uáfueña Juan fia jáinoido báutizade, mei íadi Ñuera Joreño úcaigamacina íitioimo.” ¹⁷ Mei jíi Ocuíraíma Jesucrístomo cai ñnuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daíí daide.

¹⁸ Mei ie jira Jerusalemo ite ámatiai aféfuiaína fídia llezica, líicaidiaioi. Líicaillano Juzíñamuimo caimátaidiaioi. Daidíaioi:

—Ua afe izói judíoñedimacimo íaioimo fieni ití fue méidollena jae Juzíñamui íaioimo fecade. Afemona daíí jaca zíñona cáaillinona íaioimo ite.

Antioquíamo ite Juzíñamuimo ñnote gairídino

¹⁹ Esteban íaioi faa llezica, jíáie ñnotimacimo duere finótatiaioi. Dáarie Feni-cia éniemo botádiaioi; jíáimaci Chípreno Antioquía diga botádiaioi. Dinomo afe ñúefue dani judíuai namácimo llotíaioi. Jíáimacimo llónega. ²⁰ Mei íadi dáarie Chipre imaci, Cirene imaci diga ñnotino Antioquía jófuemo dúcidiaioi. Dúciillano judíoñedínomomo úritiaioi. Afemona Ocuíraíma Jesús úrillauai íaioimo llote íaioi jílloilena. ²¹ Afe llezica Ocuíraíma ríino íaioimo ite. Mei daíí aillo comini nano íaioi jaiái ñnogafuiái fáicanocaillano Ocuíraíma Jesumo ñnotiaioi.

²² Afefue Jerusalemo ite ñnotinomo jállecaide. Iemona afémaci Bernabé Antioquíamo orédiaioi. ²³ Bernabé dúciillano, Juzíñamui cáimadogamací izói ciode. Aferi afémie iere íóbicaide. Nana íaioi llófuete; daide:

—Nana cai Ocuíraimana fáicanocaiñeno ie llogáfuemo jaícina omoi coméciiri, —daide. ²⁴ Afe Bernabé comécina fígomie, Ñuera Joreño úicaigamie. Afémie Jesucristomo izire ñnofiredimie. Daií aillo comini Ocuíraima Jesucristo íena náamatade.

²⁵ Afe meífodo Bernabé Társomo Saulo jénuaide. Baillano Antioquíamo íena úite. ²⁶ Dinomo daa fimona namónaze ñnotino cígimo ñue fuitádiaillinoi. Afénomo aillo comini llófuete. Afe Antioquíamo ñnotino como fueñe Crístomo jaináidinona ja mamécaiaioi.

²⁷ Aféruillaído dámerie Juzíñamuimona llínoga uaillai lloráimaci Jerusalémona Antioquíamo jáizaide. ²⁸ Afémacimona dámie Agábona mámeciredimie. Nana ñnotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daií bite Claudio illáimana illáruillaído. ²⁹ Ie jira Antioquíamo ite ñnotino comeci facádiaioi Judéamo ite ámatiai canóllena. Naga come íaioimo ite úcube díerize bai jónetiaioi. ³⁰ Afe daií ñeta, Bernabé Saulo íaillinoído afe iraica úcube Judéamo ite ñnotino illáicomínimo orédiaioi.

12

Santiago tíllafue Pedro llavéinafue diga

¹ Aféruillaído Juzíñamuimo jaináidino duere finóllena illaíma Herodes nane jénuaide. ² Iemo Herodes Juan ama Santiago lloéfaído titátate. ³ Afémie titátari judíuai iere ióbidiaioi. Aféfuena Herodes fidínamona nane Pedro lláitajide. Ja birui irázillarullaí. Afe irázillarullaído fáitañega pan güitíaioi. ⁴ Pedro llaitada mei Herodes llavéracomo íena íbaicuaide. Dinomo cuatro dígagüelli íena úiñotiaioi. Naga afe güellimona cuatro dígamírie llazíriraini ite. Herodes comeci facade pascua rafue meífodo Pédrona jino comínimo cíotallena. ⁵ Ie jira Pedro llavéracomo llaveda ñue úiñoga. Mei íadi Juzíñamuimo gairídino íemo izire Juzíñamuimo jicáoidiaioi.

Juzíñamui Pédrona llavéracomona jino oreca

⁶ Herodes Pedro jino comini uíecomo óiacanarui uícodo, afe naio Pedro llavéracomo inide ñue úiñoga. Ná gafene onoi llóejina maiga úiñoraíma íaillinoi jaináoigari inide. Afe llezica jáíe úiñoraíma íaillinoi jino llavéraco naze úiñoide. ⁷ Iemo Juzíñamui abi ímie raire cíocaizaíbite. Afe llezica llavéraco ero úzerecaide. Juzíñamui abi ímie Pedro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. ⁸ Afe Juzíñamui abi ímie íena daide:

—Mai o ciraigi tirínorafe jofo riire tirino.

O éiba ico jita, —daide.

Pedro daií abi ínua llezica Juzíñamui abi ímie íena daide:

—O emodo jitaca áretoi jitada, cuedo bi, —daide.

⁹ Iemona Juzíñamui abi ímie óodana Pedro jaide. Afe abi ímie finócafue Pedro onóñedeza; nibai uafue nibai tánofue. Comeci facáide: “Nícaí anado ciona izóidifuena cíódicue.” ¹⁰ Mei íadi fueñeide jónetimíemona bai jújicaillano báifeicana jónetimíemo dúcidiaillinoi. Ie mei afémiemona jújicaillano bai nazemo dúcizaidiaillinoi. Afe naze íbaira lloébani. Dúcidiaillinoimo afe naze

ibaira daingo tújicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaide. ¹¹ Iemona Pedro ñue onócaillano daide:

—Ico iere uáfueza. Juzíñamui abi ímie cuemo orede Herodes cue llavéinamona cue zuitállena. Afe izói nana judíuai cue duere finóacanafuemona cuena zúitabite, —daide.

¹² Aféfuemo coméicillano Juan ei María jofomo jaide. Afe Juan jíáfodo mameide Marcos. Afécomo aillo comini Juzíñamuimo iere úrillena gairídiaioi.

¹³ Pedro afeco abi ibiri llaveca nazemo náidazaide. Náidaillano jofo ero imaci jíirite. Iemona Ródena mámeçirede ringoza bu billa daíllena eróizaide. ¹⁴ Mei íadi Pédrona uáimona onóicillano, nazena tuiñoñoeno, ióbicaillano meine jofo aizida llujáide:

—Pedro nazemo dúcina, —daízaide.

¹⁵ Jira íena daidíaiói:

—¡Uáiritaidio!

Mei íadi afengo daide:

—Uáfueña ñue lloticue; uáfueña Pedro ñinomo ite, —afengo daíioide. Mei íadi afémaci íinoñoeno daidíaiói:

—Pédroñe deza; fia ie joreño, —daidíaiói.

¹⁶ Mei íaiói úrioina llezica, Pedro nazemo nai jíirioide. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidíaiói. ¹⁷ Mei íadi ónoído:

—Mai omoi úriñoeno, líicai, —daide. Iemona Juzíñamui llavéracomona ie zúitafue llote. Iemo íaioina daide:

—Bífue Santiágomo llujáiri nana jíáie ámatiairi, —daide.

Ie meífodo jino jaillano oni jíáinomo jaide.

¹⁸ Jae monáizaidemo, llavécano úiñorainimo aillo riire júfidotiaioi, mei onóñediaioiza; daidíaiói:

—Benó cai úiñoega Pedro ¿niné jaide? —daidíaiói.

¹⁹ Herodes Pédrona íaioina jenótate. Iena íaiói baiñenamona, nana úiñorainimo jíicáicanode. Ie mei Herodes afeúíñoraini fatátate, Pedro íaiói botata jira. Afe mei Herodes Judéamona jae oni Cesaréamo jaiánite.

Herodes tíllafue

²⁰ Jae Herodes Tiro comini Sidón comini diga íaioiri icírioides. Mei íadi afémaci dani comeci facádiaioi ie uíecomo cíozabillena. Illaíma Herodes jabóidillaíma Blasto. Afémiena fairiotarediaioi íaioiri ñue nabáirillena. Afémiedo ñue caimare illifue Heródemo jícádiaioi. Ua izire jícádiaioi, íaiói güílleniai, illaíma Herodes éniemona íaiói ófiréna jira. ²¹ Ie jira Herodes íaióimo úrizaiíllirui íaióimo llote. Aféruimo ebírede illaíma iniroi jíitano illaíma ráíiranomo ráinade. Daíí ñiano are íaióimo úrite. ²² Mei íemona comini caillioicana íena daidíaiói:

—Bie úritimie fia cómeñe deza, afémie juzíñamui, —daidíaiói.

²³ Afe llezica Juzíñamui abi ímie Heródena iráretade Juzíñamuimo ñúefueña nitátañena jíirari. Iemona afe Herodes aiáide tílla.

²⁴ Iadi Juzíñamui lloga uai oni jalléicaide. Afe jalléinamona náganerie fidídiaioi.

²⁵ Bernabé Saulo diga íaillinoi afe úcube fíiaillano meine abido Jerusalémona bitíiaillinoi. Aféillinoído bite dáamie, Juan daínámie. Dáamie mámeçi Márcona.

13

Bernabé Saulo diga como fueñe nágagobiai llócaidiaillinoi

¹ Antioquíamo ite gairíracomo nano niga uai jino llóraini ite naa llófueraniri. Afémaci mámeçiai: Bernabé, Simón, Cirene ímie Lucio, Manaén, Saulo dígamiediaioi. Simón jiáifo mameina Negro. Galilea illaíma Herodes Manaén diga, dáanomo comuíaillinoi. ² Aféruillaído afémaci güiñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

³ Güiñeno Juzíñamuimo úrilla meífodo éinamaci íaillinoina ónoído ézicita, daidíaioi:

—Mai, ómicoi jairi, —daidíaioi.

Orécamaci Chipre éniemo llófuiaidiaioi

⁴ Ie mei daí Ñuera Joreño íaillinoimo llujállamona oni Antioquíamona Selúçiamo jáidiaillinoi. Dinómona áillocaedo monaillai cigi záfedu Chipremo jáidiaillinoi. ⁵ Salamina ígobemo dúczaidiaillinoimo judío llófueriracomo Juzíñamui uaillai jino llotíaillinoi. Afe llezica Juan íaillinoi canócana nabáizaide. ⁶ Nana Chipre éniemo llócadiaioi. Iirainomo Pafó jófuego dúcidiaioi. Dinomo judío aima Barjesuna mámeçiredímie baizájidiaioi. Afe aima táinona llófuefiredímie. Afémie daífiredi:

—Juzíñamui dibénedo úriticue, —daide.

⁷ Afe aima ocuídillaíma Sergio Paulo dígamie dáanomo itíaillinoi. Afe Sergio ráfueña ñue onódimie. Aféllaíma Bernabé Saulo diga jíiritade Juzíñamui uaillai cacáillena. ⁸ Mei íadi afe aima Bernabé Saulo diga llogáuai uáitano zanode. Ocuídillaíma ínuana aima rairuíaçade. Afe aima jiáifodo mameina, Elimas. ⁹ Saulo jiáifodo mameina Pablo. Afe Pablo Ñuera Joreño úicaigamie. Aima dáinana cacáillano íemo riire érocaillano ¹⁰ daide:

—¡Jiáíma jífuetimiedio! Íába Taife jitódio. Nana ñúefuiaina uáitaraimadio. ¿Ñibái mei ñuera Juzíñamui lloga uai oni cáitano féitaacadio? ¿Ñibái mei o táinofuiaina fáicanocaiñeno jino llóllodio? ¹¹ Mei jabe Ocuíraíma Jesucristo riire ona duere fínoite. O ui nírite. Nano nígarui jitoma egáiñuana cióñeitio, —daide.

Daí dáinamona ie ui niríbicaide. Jae jitídine taino mellécade. Dámie íena ónoído jainátacana úite, ie ui cióñena jira. ¹² Ocuídillaíma Sergio Paulo áfena cióillano, llogáuaina ñue ínote, mei Juzíñamui llófueinamo jacíruioicana aféuaimo ñue eroide.

Pablo Bernabé diga Pisidia éniemo ite Antioquía jófuego jáidiaillinoi

¹³ Pablo ie nabáiñiai diga nocaedo Pafó jófueomona jáidiaioi. Dinómona Panfilia éniemo ite Perge jófuego jáidiaioi. Afénomo Juan íaioina fiénocaillano abido Jerusalemo jaide. ¹⁴ Pablo ie nabáiñiai diga afe Pérgemo dúcillano, Pisidia éniemo ite Antioquía jófuego arido jaícina jáidiaioi. Dinomo ocózinaillaruiimo llófueriraco eromo ráinazaidiaioi. ¹⁵ Ocuícafuiái illánicomona fueñe facádotiaioi. Ie mei Juzíñamui uai jino lloránicuaímona facádotiaioi. Afe facádua fúillamona llófueriraco illaini íaillinoina daidíaioi:

—Amatíai, ómicoi cacai. Ómicoi llóicaigafuiái íadi comíni cacáilleza jino ómicoi llóoiri, —daide.

¹⁶ Mei íemona Pablo náidacaillano, ónoído comínina llúçaitade. Afe mei íaioina daide:

—Israel nairai, omoi cácarei. Daje izói Juzíñamuina jacíruioidino, omoi cácarei. ¹⁷ Israel nairai Juzíñamui cai jáiairagima nana íaioina nizede. Iemona Egipto éniemo ónoñegamacina íaioi illa llezica, aillo náiraina afémie jebuíate. Afe mei aféniemona dama íemo ite ie ríinodo íaioina oni ote. ¹⁸ Ua mei Juzíñamui comeci jítaínafue nai figo fuitañediaioi, mei íadi afe tázicimo

cuarenta diga fimona Juzíñamui íaioina zófeñeno úiñote. ¹⁹ Afe mei Canaán éniemo ite siete nairai Juzíñamui niné táinocaitaga, afe énie cai jáiairagima maiñóllena. ²⁰ Afe meífodo diga riire jicánoraini cuatrocientos cincuenta fimona ocuícaciaioi. Ua ocuícaciaioi uai llóraini Samuel illáruimo. ²¹ Ie mei íaioina ócuite riillaíma jicádiaioi. Jira Juzíñamui Saúl cuarenta fimona afémaci illáimana jóonete. Afe Saúl Cis jitó, Benjamín nairai ímie. ²² Afe mei Juzíñamui Saúl na oní orede. Oni óriano David illáimana ie meífomo jóonete. David ífuedo Juzíñamui úrite; daide: “Cuena ióbitadímie David baitícue. Afémie Isaí jitó. Nana cue jitaiga raana jetáfirede,” daide. ²³ Afe David cómogimamona Jesús jococa. Afe Jesús Juzíñamui uícomo daináuai izóí Israel nairai jílloaitimiena íaioi cigiconi Juzíñamui comuítate. ²⁴ Jesús comínimo nai abi báifitañenia Juan nana Israel náiraimo jino llote; daide: “Nana omoi báutizarediomoi. Omoi comeci ífuiái mai ñúefuena méidoziri.” ²⁵ Juan uícodo llófuiailafue fúiacademo, daide: “Omoi comeci fácamieñedicue. Jamáimiedicue. Mei íadi cue meífodo bitímie cue baimo baitádimie. Afémie ídai ico igaina zuitánidícue, (jiba jamáimiedicueza),” daí Juan daide.

²⁶ Cáimaci, omoi cácarei. Abraham nairai urúcidíomoi; mai cácarei. Omoimona Juzíñamuina jacírioidino, omoi cácarei. Bie ñue jílloaitiuai ómoie. ²⁷ Mei Jerusalem itino íaioi illáiniri Jesús nahí ífueña fidíñediaioi. Daje izóí naga ocózinaillarumo facádoga uai llóraini llogáuailaina cacádiaioi, mei íadi aféuai daináfueña onóñediaioi. Aféuailaina íaioi onóñenado Jesús duere finótatiaioi. Daí jaiái ninomo mamécafuiaí afémiemo fuitádiaioi. ²⁸ Afe Jesús fatátallifueña due jiza jaca baiñediaioi; mei íadi Pilátomo ie fatátallena jicádiaioi. ²⁹ Afe mei nana afémiedo Cuegáuailaimo jaiái ninomo lloga uailai fuitádiaioimo, crúzmona íena ana otá íena raíájidiaioi. ³⁰ Mei íadi Juzíñamui tíllanomona íena meine cáatate. ³¹ Afe mei diga irui íllamona Galiléamona Jerusalem ie diga jáicadinomo Jesús íaioimo cíocaide. Afe iedo jáicadino ja birui comínimo afémie llócaigafue llotíaioi.

³² Juzíñamui cai jáiairagimamo uícomo llogáuaido úrite. Ñúefuedo úrite. Ja birui afe ñúefue ómoimo llotícaí. ³³ Ja cai bie afémaci cómogimadícaí. Ie jira afémie uícodo llogáuai ja caimo fuilla. Afe uai daide: “Jesucristo tíidena meine abido cáataticue.” Daí rúanicomo cuega; segundo ruamo cuega; llote: “Cue jitódio. Birui ona cáataticue.” ³⁴ Diga ícaiño Juzíñamui ie cáailifueña llote. Ua tíllanomona íena cáataite, ie íeizi jaca ninomo rífaíñeillena. Juzíñamui aféfuena jaiái ninomo Cuegáuailaido daide. Afe uai ie jitó Jesuna daide: “Davidmo uícodo cue uafue lloga ñue cáimafuiaí nahí omo jainaide.” ³⁵ Ie jira rúanicomo jáíruido daide: “O izíruga ñue canódimie íeizi ráiruitio ie rífaíñeillena,” daide. ³⁶ Afe David ie llezica ígímana ñue canode, Juzíñamui ie ocuilla izóí. Afe meífomo David tíllano ie uzútiaí cigímo íena raíájidiaioi. Iemo ie íeizi rifaide. ³⁷ Mei íadi Juzíñamui cáatagamie íeizi rífaíñede. ³⁸ Cáimaci, omoi cacai. Afe bie rífaítañeno cáatagamie Jesudo omoi fiénidífuiaí íba óñeillifue ja ómoimo jino lloga. ³⁹ Afémiedo nana íena ínotino nana íaioi fiénidífuiaimona dóficaitiaioi. Mei íadi Moisés ocuícafuiaí cai fiénidífuiaimona caina zuitáñede, mei cuinaca izóí jaináidícaí. ⁴⁰ Ñue abi omoi rairuiri uai jino llóraini cuega mamécafuiaí ómoimo báíñeillena. Afe mamécafue daide:

⁴¹ Ínoñeno uáitaoidino, omoi cácarei; cacáillano áferi omoi jacínaificairi.

Iemona niné táinocaitíomoi; aféruillaido jamánomo ñue jácifue cue fínua jírari.

Aféfueña dámie ómoimo lloía, íadi áfena ínoñeitiomoi; —daide.

⁴² Pablo ie nabáñiairi judío garíracomona jino jáidiaioi. Jáidiaioimo judíoñedino jocócaiaioi íaioimo aféfuena meine abido íaioimo lluaíbillena jicádiaioi. Afe úireite ocózinaiillaruimo meine lluaíbillena jicádiaioi. ⁴³ Afe llófueriracomo íaioi gairilla záillamona aillo judíuai Pablo llogafue jieruitaioi. Iemona Pablo Bernabé diga íaillinoi jáidiaioi. Daje izói aillo judío onóigafuena jeire otino íaillinoi jáidiaioi. Pablo, Bernabé diga íaioimo llote:

—Mai Juzíñamui caina izíruillafuemo nágarui aféfuemo ñue omoi coméciri, — daide.

⁴⁴ Siete dígarui íllamona ocózinaiillaruimo, nana jofue comini dáanomo gairídiaioi, Juzíñamui uaillai cacáreillena. ⁴⁵ Mei afénomo aillo comini gairíllana judíuai cíóillano, úrioina izói itíaioi. Afénomo Pablo uaillai uáitano íena báñotiaioi. ⁴⁶ Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe óomimo lolle iere jitáirede; mei íadi ja aféfuena óiacañedimoi; afe ícoinia zíñona cáallinona llíñoñeitimoi. Ie jira ja birui judíoñedinomo jáiticaí. ⁴⁷ Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamédicue.

Nana énie íraino imaci ñuera jíllonafue llóramana ítío.

⁴⁸ Aféfuena cacáillano judíoñedino ióbicaidiaioi. Iaioi úrilla fueñe táinia llezica:

—Juzíñamui uáillaina jamánomo ñuera, — daidiaioi.

Afémacimona aféfuena ínotino aillo ite. Zíñona cáatatinona llíñoitinona mamécaiaioi. ⁴⁹ Iemona Juzíñamui uaillai nana afe énie náiraido jae ñue jalleide. ⁵⁰ Afe jófuemo Moo Juzíñamuimo izire jaináiacade ringóniaimona dángorie ite. Afe ringóniaí illaingo izóidingotiaí. Judíuai afe ringóniaimo úrite, Pablo afe jófuemona oni oréllena. Daje llezica judíuai afe jofue illáinimo daje izói úrizaidiaioi. Iaioi comeci fienua jira, jáie Páblona duere finóacanafue comuízailla, Bernabé diga. Afe jófuemona oni íaillinoi orédiaioi. ⁵¹ Afe ória meífodo afe íaillinoi eiba íco íaie íaioimo teténote; afe teténuafue baimaci comeci íaífuiaimo íteza, daíacade.

Daí ñiano Iconio jófuemo jáidiaillinoi. ⁵² Mei íadi Jesús llogáfuemo ínotino iere ióboidiaioi. Afe llezica Ñuera Joreño úicaigaiaioi.

14

Pablo Bernabé diga Iconiomo itíallinoi

¹ Iconiomo dúciillano judío llófueriracomo daane jofu jáidiaillinoi. Dinomo jamánomo ñue úritiaillinoi. Afemona aillo judíuai Jesumo ínotiaioi; judíoñedinomona daje izói aillo afefue ínotiaioi. ² Mei íadi ínoacañede judíuai jáie judíoñedino comeci íaire finódiaioi. Daí Páblona Bernabé diga éoicana eróidiaioi. ³ Ie jira dinomo diga irui ñue jácina jacíruiñeno Ocuíraima Jesús mámeçido llófuetiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniaí cíorainina ráaniaí diga finódiaillinoi. Aféniaido íaillinoi lloga Juzíñamui caina izíruillafue Juzíñamui ñue comínimo fidítate. ⁴ Mei íadi jofue comini bózetaidiaioi. Dáarie judíuai dibénemo jaináiacadiaioi. Jáimaci Pablo Bernabé diga dibénemo jaináiacadiaioi. ⁵ Afe meífodo ínoacañede judíuai jáie judíoñedino diga naa íaioi illáiniri noñiciaina íaillinoi njíacadiaioi. Daí íaillinoina duere finóacadiaioi. ⁶ Mei íadi aféfuena orécamaci uícodo fidídiaioi. Fídiano Pablo Bernabé diga Licaónia

éniemo botádiaillinoi. Dinomo ménagobemo macáoidiaillinoi, Lистра Derbe diga naa afe áinori itíniaido. ⁷ Dinomo ñue jíllonafue llotíaillinoi.

Lístramo Pablo nofícina nǐjǐdiaioi

⁸ Iemo Lístramo macáñede aídaima ite. Ie jocóinanomona tízitaite izóí macáñede. Jaca ie macánina jira dinomo ráiide. ⁹ Afémie Pablo daínáfuemo ñue cacáreide. Iemona Pablo íemo érocaillamona, tízitaitimie ñue ínuana Pablo comécido fidide. Ie ínuamona afémie jíllorede. ¹⁰ Iemona Pablo íena riire daide:

—O ídaido caifo jaícina naidai, —daide.

Afénomona afémie tícacaillano náidacaide; náidacaillano como fueñe mácajide. ¹¹ Daí Pablo finócafueña cíoillano, nana comini Licaónia uáillaído caillíoicana daidíaioi:

—¡Juzíñamuillai jamai comini izóí ana cai cígimo billa! —daidíaioi.

¹² Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiai llotímiena jira. ¹³ Júpiter gairíracó naze fueri ite. Afeco úiñotimie juráretuai atide naa amena záfiaiai diga. Afémie naa comini íaillinoimo cáimadoacadiaioi. Juráreto fáillemona íaillinoína íóbitaacadiaioi.

¹⁴ Mei íadi orécamaci Pablo Bernabé diga fidídiaillinoi. Aféfuena fidínamona, inícuero cúatacaillano, comini cígimo jáidiaillinoi. (Afe iniroi cuata daíacade íaillinoi comeci jamánomo ríicaide.) Jaillano caillíoicana daidíaillinoi:

¹⁵ —¡Nana omoi, cácarei! ¿Nibái bie izóí finódiomoi? Coco omoi izóí jiba cómedicoco. Ñúefue ómoimo atídicoco. Afe bie táinofuiai omoi fáicanocaillena lluaíbiticoco. Fáicanocaillano, ua caade Juzíñamui dine omoi jáillena daí lluaíbiticoco. Afémie mona, bie énie, monáillai dieze finode naa íaioimo itínuiari. ¹⁶ Jáiairagima illa llezica nana nairai íaioi comeci jítáillafodo macáoidiaioi. Aféruillaído Juzíñamui íaioína lletáñede. ¹⁷ Mei íadi Juzíñamui ñúemie ífuena ñue ómoimo finócafuaído ómoína fidítafirede. Ua ñue nocina ómoimo bítafirede. Nana aménaiai llizíllajiaína ómoiri llizítate. Afedo omoi güille ñue ite, omoi comeci íóbillena, —daí úrite Pablo.

¹⁸ Mei nana afe daínauaillai daína íadi, nana comini íaillinoiri juráretuai nai fáiacadiaioi. Iadi ícoimo afétuai íaioi faana féitatadiaillinoi.

¹⁹ Afe mei Antioquíamona Icóniomona dáarie judíuai dúcizaide. Lистра comínimo júfiduano Pablo fállena mamédiaioi. Iemona Páblona nofícina nǐjǐdiaioi. Nǐjǐano jofue jinófenemo íena zonócaidiaioi. Comécido daidíaioi: “Nibai tíide,” daide. ²⁰ Mei íadi ínotino íemo gairídiaioimo Pablo náidacaillano meine jófuemo jaide. Afe jítiramoidiruido afémie Bernabé diga Dérbemo jáidiaillinoi.

²¹ Dinomo jíllona uaillai jino llotíaillinoi. Afe jófuemo aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi. ²² Nana afénuijai jofue ínotinuijai ñue caimare íociretadiaillinoi. Ñue jaícina ínuafuedo íaioi jáillena llófuetiaillinoi. Iemo íaioína daidíaillinoi:

—Juzíñamui illáimana illíruimo cai jáillena, aillo afe facátafuiai iere caimo jítáirede, —daide.

²³ Afe llezica naga gairíracuaimo ócuite illáinina mamédiaillinoi. Afe mei güiñeno Juzíñamuimo iere úrilla meífomo nana como ocuídillainina mamécamiiai Juzíñamui úiñuamo jónetiaillinoi, Juzíñamuimo ñue íaioi ínuua jira.

Pablo Bernabé diga íaillinoi nano billánomo abido jáidiaillinoi

24 Afe meífodo Pisidia éniemona jaillano Panfilia éniemo dúcidiailinoi.
 25 Perge jófuego jílloafue llotiailinoi. Afe lua méifomo Atalia jófuego jáidiaillinoi. 26 Dinómona Siria éniemo ite Antioquía jófuego nocaedo ruica jáidiaillinoi. Naui afe jófuego ite ínotino íaillinoina Juzíñamuimo jónetiaioi. Daií finódiaioi jáie nairai ñúefuena llófuiaillena. Ja birui afe táijina fuilla. 27 Antioquíamo dúcidiailinoimo, nana ínotino Juzíñamui garíracomo gairídiaioi. Gairídiaioimo Pablo nana Juzíñamui íaillinoido finócafuiái jino íaioimo llote. Afe llezica judíoñedinomo Juzíñamui ñue jílloille io como túiñua llotiailinoi. Afe izói áfemo afémaci ínorediaioi. 28 Afe meífomo Pablo Bernabé diga ínotino cígimo are diga irui itiaillinoi.

15

Ínotino illaini Jerusalemo gairídiaioi orécamaci diga

1 Aféruillaído dáarie íñiaí Judea éniemona Antioquíamo ite ínotino llófuiaíbite. Iaioina daidíaiói:

—Moisés ocuica íza bacano icoi quétafuena omoi finóñenia, jílloñeitioi, —daidíaiói.

2 Ie jira Pablo Bernabé diga íaioimo riírede uáillaído úritiaillinoi aillo júfiduafuiái diga. Iemona Antioquíamo ite ínotino Pablo, Bernabé, jáímaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juzíñamuimo gairídino illáinimo jicánuaitiaioi.

3 Mei daií nízia mei Antioquía ínotino afe nizécanona orédiaioi. Afe oréinamona, Fenicia éniédo Samaria énie diga jáidiaioi. Jaillano judíoñedino íaioi jaiaí llóinauailai féitano Juzíñamui dibénedo jáillafue llotíaiói. Nana ámatiaí aféfuena cacáillano iere íobidiaioi.

4 Pablo Bernabé diga Jerusalemo dúcidiailinoimo, Juzíñamuimo gairídnodo caimare uáidogaiaillinoi. Daje izói orécamaci naa gairídino illáiniri íaillinoina caimare uáidotiaioi. Dinomo Juzíñamui íaioiri finócafuiái íaioimo jino llotíailinoi. 5 Mei íadi fariséuaimona dáarie ínotino caifo naidáillano íaioina daide:

—Ínote judíoñedinomo afe cai izói quetaínafue jitáirede. Afe emódomo Moisés ocuicafue ñue ínollena jitáirede, —daidíaiói.

6 Iemona orécamaci naa ínotino illáiniri aféfuena ñue onóillena gairídiaioi.
 7 Aféfuiaí are íaioi júfidua méifomo, Pedro caifo náidaillano daide:

—Amatiaí, omoi cácarei. Naui Juzíñamui cuemo finócafue onódiomoi. Juzíñamui omoi cígimona cue nizeda judíoñedino cígimo orede. Ua cuena nizede afémacimo ñue jílloafue uailai cue llujáillena; áfemona afémaci aféfuiaína ínotiaioi. 8 Cai comécina onode Juzíñamui cuemo llote: “Afe judíoñedina ñue llínoitícue,” daide. Afemona Ñuera Joreño íaioimo fecade caimo ie feca ízoi. 9 Juzíñamui cáimona afémacimo jáífodo finóñede. Iaiói ínuado íaioi comeci íaifue Juzíñamui oni dote caie ie dua ízoi. 10 Mei birui ¿ñibái mei Juzíñamui finócafue jeire oñediomoi? ¿Ñibái mei baie ínotino jamánomo riire ocuicadio? Afe ocuínafuea cai, cai jáiairagima diga finónidicai.

11 Mei íadi jáífodo ínoticai, cai jílloillena. Ocuíraima Jesús caimo dúecaide. Afemo cai ínuamona íbáñeno jíllobicaidicai. Afe izói judíoñedino Jesumo ínuamona íbáñeno jíllobicaidiaioi, —daide.

12 Mei jira afémaci llícaidiaioi, Bernabé Pablo diga llogáfuemo cacáreillena. Nana judíoñedino cígimo Juzíñamui finócafuiái llotíailinoi. Dinomo íaillinoido

uaido finoca onótate raa ciórainina raa diga Juzíñamui finode. Aféfuiai jino llotiaillinoi. ¹³ Iaillinoi llogafue fúillamona, Santiago daide:

—Amatiai, cue dáinamo cácarei. ¹⁴ Simón Pedro jae Juzíñamui judíoñedinona como fueñe íaioina izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina. ¹⁵ Afefue ua Juzíñamui jaiiai uai llóraini ciegáfuaimo jaícina dájena jóobide. Afe Ciegáuai daide:

¹⁶ Bifue mei, meine bíitícue.

Ua David jaiiai nairai, júdaizitaga íadi, meine dáaziena jofo gairítaitícue.

Aféziemona due fiébidino jaiiai íaioi ízaina izói meine jebuitaitícue.

Ríinidimaci jofo dáanomo otátaitícue, ñue ríirediziena íaioi íllena.

¹⁷ Afe daíí fínuaibitícue nana jíaimaciai Juzíñamuimo começi fácajano íaioi íinollena.

Daíí fínoitícue nana cuena náamarede judíoñede náiraiiai cuemo começi facada íinollena.

¹⁸ Ua jaiiai ninómona aféfuiai onótate Juzíñamui daíí daide.

¹⁹ ‘Ie jira bifue llotícue. Afe como Juzíñamuido jáiacade judíoñedino mai, cai íaioina áifedoñeitícai. Jae íaioi jaiiai íinoga táinofuiai fáicanocaidiaioi Juzíñamui llogáuaina íaioi íinollena. ²⁰ Due llétafue íaioimo cai cúellena ja dieze figo baite. Afe bífuiai íaioimo llóitícai. Mai jánaraimo fia fecaca güíllena omoi jetáñeno iri. Mai jiruífuemona abi omoi rairuiri. Dama áiredimie ie ai diga illa ñuena. Mai cimoina cigínoga rílleniai riñeno iri. Afe izói coróbaitaga rílleniai riñeno iri. Daje izói díena omoi jíroñeno iri.

²¹ Daíí judíoñede como ínotimacimo lletádicaiza, nibai nanómona nana jófue mo Moisés ocuícáfue llófueraini ite. Naga ocózinaillaruido llófueriracomo afe Ciegáuai jino facádotiaioi. Aci dino Santiago llote.

²² Iemo orécamaci gairídímaci, nana íaioi illaini diga, “Jii,” daidíaioi. Iemona íaioi cigímona dámierie nizéllena maméritiaioi, Antioquíamo oréllena Pablo Bernabé diga íaillinoi nabáillena. Judas daínámie nizédiaioi; afémie jíáfodo mameina Barsabás. Daje lezica Sílasna nizédiaioi. Afe íaillinoi ámatiai cigiri illaíma izóidiaillinoi. ²³ Iaillinoi do ciegabe orédiaioi. Afébemo daide:

“Cai Antioquíamo ite judíoñede ámatiaimo uai orédícai. Afe izói Siria éniemo ite ámatiaimo, Cilicia éniemo ite ámatiai dieze nana ómoimo uai orédícai. Nana orécamaci, Juzíñamuimo gairídino illaini, benó ite ámatiai diga, ómoimo uai orédícai. ²⁴ Cáimona ómoimo nauí bitino finócafue jae fidídícai. Caimo lloñeno oni jáidiaioi. Cai óreñegaiaioi. Dani imaci uáillaído jae omoi ífoci írinuaidiaioi. Daíí ómoína áifeduaidiaioi. Omoi bacano ícoi quetállifuiiai lluaíjidiaioi; jíáie Moisés llogáuailai ómoimo ocuízaidiaioi. ²⁵ Ie jira cai comécido ñue jaide cai cigímona mena come mamede ómoimo oréllena. Aféfuena nana jíeruitícai. Bie nizécaillinoi Pablo Bernabé diga omoi éroizaibitiaioi. Pablo Bernabé diga cai iere izíruiga ámaillinoi. ²⁶ Cai Ocuíraíma Jesucristo ñúefue íaillinoi llua ícoína, jaci cácatagaillinoi. ²⁷ Daíí Judas Silas diga ómoimo orédícai. Aféillinoi ómoimo jofo úritiaillinoi nana bífuiai jino ñue llóllena. ²⁸ Mei cáimona ñue cioide; afe izói Ñuera Joréñomona ñue cioide rírede rafue ómoimo cai mámeñeillena. Dama jítairedí fue mámeitícai. ²⁹ Jánaraimo fia fecaca rílleniaína omoi riñeno iri. Daje izói díena jíroñeno iri; cimoina cigínoga ríllena omoi riñeno iri. Nana jiruífuemona abi omoi rairuiri. Dama áiredimie ie ai diga illa ñuena. Bífuiaimona abi omoi rairuíadi, ñue íitíomoi. Jae níie.”

³⁰ Daí Jerusalemo ite ínotino íaioina Antioquíamo orédiaioi. Antioquíamo dúcidiaioimo, dinomo ite ínotino dánomo gairítatiaioi afe rabe fecállena. ³¹ Afebe ámatiai facáduamona iere ióbidiaioi. Ua afe caimare llétafuere ióbidiaioi. ³² Judas Silas diga Juziñamuimona oga rafue jino llórediaillinoi. Ie jira íaillinoi uáillaído afe ámatiai ñue náirecaitadiaillinoi. Afe llezica íaioina ñue comeci fírazitadiaillinoi íaioi caimare íllena. ³³ Dinomo diga irui íllamona, Antioquíamo ite ámatiai comeci jacínaiñenafuedo íaioina jáitatiaioi. Daí íaioina uáidonocaidiaioi meine íaioi orécamaci dñe jáillena. ³⁴ Mei íadi Silas Antioquíamo fiébicaillena mamérite. ³⁵ Afe izói Pablo Bernabé diga Antioquíamo fiébidaillinoi. Afe meífodo, aillo jáie llóraini diga, llófueritiaioi. Cai Ocuíraima Jesucristo uailai jino llotíaioi.

Pablo dánomo nane jáizaide ñúefue llujillena

³⁶ Diga irui illa meífomo Pablo Bernabena daide:

—Mai dánomo meine coco jai, nauí coco llófuegano coco uáiduaili. Nana íaioi jófuedo Jesucristo uailai llófueticoco, ie jira afémaci ñie izói itíaioiza coco eróizai, —daide.

³⁷ Bernabé Marcos úiacade íaillinoi jaille dñe. (Marcos jáífodo mameina Juan.) ³⁸ Mei íadi Pablo íena úiacañede, nauí Panfilia éniemo íaioina fiénocailla jira. Iemo íaillinoi táijicanado jáíñede. ³⁹ Afefue jamánomo íaillinoi riire júfidua meífodo, dáríe enénorie oni jáidiaillinoi. Ie mei Bernabé Marcos uite. Daí ñiano, nocaedo Chípreno jáidiaillinoi. ⁴⁰ Afe llezica Pablo dama íeiena Silas nizeda ote. Nízia mei, afénomo ite ámatiai Juziñamui íaillinoi izíruillena caimare jicádiaioi, daje izói Juziñamui íaillinoina nabáirillena. Daí jica meífomo, oni jáínomo jáidiaillinoi. ⁴¹ Siria énie, Cilicia éniemo jáidiaillinoi. Afénomo Juziñamuimo gairide ámatiai náicaitadiaillinoi.

16

Timoteo Pablo Silas diga nabáizaide

¹ Derbe, Lystra jofue diga dinomo Pablo, Silas diga dúcidiaillinoi. Afénomo daa Juziñamuimo ínotimie baizájidiaillinoi. Ie ei judíuaimona Juziñamuimo ínotingo. Mei íadi ie moo griego ímie. ² Lystramo ite ámatiai afémiedo ñue úritiaioi naa Icóniomo ite ámatiairi. ³ Pablo Timotéona ie nabaina úiacade. Ie jira ie bacano icoi quetátate, íaioi jáillinomo ite judíuai afémiedo comeci fienni fácañeillena. Mei afémaci ie moo griego ímienana ñue onódiaioiza. ⁴ Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamaci ocuide éinamaci diga llotátatiaioi. ⁵ Daí Juziñamuimo garídímaci íaioi ínuafue ñue oni mónaioicaide. Afemona nágarui aillo jebuíoicaidiaioi.

Pablo Macedonia ímiena nicaí anado ciona izói cide

⁶ Asia éniemo Ñuera Joreño ñúefue íaioi llujillana ráiruide. Ie jira Frigia énie, Galacia énie diga afe éniemo oni llujidiaioi. ⁷ Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸ Ie jira jica Misia énie fuédado jáidiaioi. Dinómona Troas ígobemo jáidiaioi. ⁹ Dinomo afe naio Pablo nicáirilla izói cide. Afe nicáirilla izói Macedonia énie ímiena cide. Afémie náidaicana Páblona izire jicade; daide: “Bené Macedóniamo cai cánuabi,” —daide. ¹⁰ Daí Pablo nicaí anado izói cionamona Macedóniamo cai jáillena mamériticaí. Jae Juziñamui cai jírillaza ua onódicaí dinomo ñúefue cai llujillena.

Pablo Silas diga Filipos jófuego illafue

11 Iemona Tróasmona nocaedo monaillai cigi idu Samotráciamo jaícina jáidicai. Ie jítiramo Neápolismo dúcidicai. 12 Dinómona Filipos jófuego jáidicai. Afe Macedonia fueda Filipos jamánomo jalléidigobe. Romano comini afe jofue nauí nitátatino. Dinomo nano nígarui iticai. 13 Afe ocózinai llaruimo afe jofue jinomo jáidicai. Ua imani fuemo íaioi Juzíñamuimo iere úrizairenanomo jáidicai. Dinomo ráinaillano ñúefuedo gairíngotiaimo úriticai. 14 Aféngotiaimona daango Lidia mámeciredingo. Afengo Tiatira jofue ingo. Afengo jáire jítirede ñuera iniroi fecáraingo. Afe ringo Juzíñamuimo áinozioidingo Juzíñamuimo caimare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuailai jeire óllena. 15 Afengo naa ie comíniri báutizagaiaioi. Báutiza mei izire jicada caina daide:

—Comeci anado omoi daíadi, Juzíñamuimo ua ínotingodicue, mai cue jofomo omoi bi, —daide.

Iemona aféngodo jáidicai.

16 Afe Juzíñamuimo úrizairanomo cai jailla llezica, fiénidena jóriairede ringoza baizájidicai. Afe fiénide jóriaído come óñoñega éicina raire onófirede. Afengo izire jeruícango. Afe eici báillado aillo úcubena ie náamatiai íena ófirediaioi.

17 Afe ringoza Pablo diga caído jáizaide. Caillícana jaide; daide:

—Bimaci caifoide Juzíñamuimo dúidiaioi. Omoi jilloille io ómoimo llotíaioi, —daide.

18 Diga iruillai daí afengo caillide. Are ie caillícana ícoimo, Pablo zefuínaite. Meine gírecaillano aféngomo ite fiénide jóriaína daide:

—Jesucristo mámecido aféngomona ona oni orédicue, —daide.

Daí daina llezícamona afe fiénide jóriaí aféngona fáicanocaillano jaide.

19 Afe ringoza náamatiai daí ie finóinana ciódiaioi. Iemona:

—Jae aféngodo úcubena óñeiticai, —daidíaioi.

Daí dainano Pablo Silas diga llaitada riimaci uícomo aillo gairírabirimo uitíaioi. 20 Raire jicánorainimo íaillinoína izájidiaioi. Daidíaioi:

—Bíaiillinoi, judío ímíai cai jófuego comínina ríicaitabite. 21 Caimo lluaíbigafuina jeire ónidicai. Afe izói cai ínidicai, cai bie románodicaiza, —daidíaioi.

22 Iemona afeno comini íaillinoimo ríicaidiaioi. Raire jicánoraini íaillinoi inícuirona duiñoda rázido íaillinoína fatátate. 23 Iaillinoi aillo fáina meífomo, llavéracomo íaillinoína llavíaidiaioi. Afe llavéraco úiñoraíma riire ocuídiaioi íaillinoína ñue rairuillena. 24 Afe riire ocuínafuena cacánamona llavéraco úiñotimie llavéraco jamánomo jofóidicomo íaillinoína orede. Dinomo come idai jíitara íredamo íaillinoína jíitate.

25 Afe naio dáaferuimo Pablo Silas diga Juzíñamuimo úrillano Juzíñamui ruai rotíaiillinoi. Afécomo jáie llavécamiíai afe rúana cacádiaioi. 26 Iaillinoi rua llezica afe énie raire iere riire docáiricaide. Nana afe llavéraco jáillirai izói riire mozide nofciaí jaidínocaiga izói íficaide. Afe llezícamona llavéraco náziai túicoizite. Afemona nana llavécamiíai llójeuai tícoizite. 27 Iemona llavéraco úiñoraíma cazide. Cazídemo jae nana náziai túienana ciode. Comeci anado daide: “Nana llavécamací jae níbai botádiaioi.” Ie jira lloefai ota ie abi faitáacade. 28 Mei íadi Pablo íemo caillide:

—¡Dama o abina fiéni finóñeno iri; nana benó itícaiza! —daide.

29 Mei jira llavéraco úiñoraíma bobaie jicade. Iemona Pablo diné aizícana bite. Dinomo afe jágieri abi cuidíroicana, Pablo Silas diga íaillinoi anamo dújude. 30 Ie meífomo íaillinoína jino jáínomo uillano, jicánote:

—Pablo, ¿cuemo ite fiénidifuemona cue jílloillena nie izói íitícue? —daide.

³¹ Jira aféillinoi uai ote:

—O jílloillena cai Ocuíraima Jesucrístomo ñino. Iemona o dama jíllobicaitio. Daje izói o ai nana o úruiai diga ñnuamona jíllobicaitiaioi, —daide.

³² Iemona Juzíñamui uaillai íemo llotíaillinoi naa ie jofo ero itínuáiri. ³³ Mei íadi daje naio llavéiraima íaillinoi fáina boáfiai jocode. Afemona afémie naa íaillinoi úruiairi báutizaigaiaioi. ³⁴ Afe mei aféillinoina ie jofomo uillano ecade. Afémie naa ie comini diga Juzíñamuimo ñnuari caimare íobidiaioi.

³⁵ Afe jítiramo riire jicánoraini jáie llavéiraini llavéracomo orede, Pablo íaillinoi zuitállena. ³⁶ Iemona llavéraco úiñoraíma Páblona daide:

—Riire jicánoraini ómicoína cuena zuitátate. Mei ja birui ómicoi nífuenino uái íllena jino járedíomicoi, —daide.

³⁷ Mei íadi Pablo llavéirainina daide:

—Romano ímiedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui báinino cócona zuitátatiomoi? Mei íeñedeza. Coco llavétatino mai coco zuitabiri, —daidíaillinoi.

³⁸ Afefue llavéiraini jicánorainimo llujide. Lluájillamona jicánoraini jacínaitiaioi, aféillinoi romano ímienari. ³⁹ Ie jira Pablo Silas diga íaillinoimo jicajidiaioi:

—Caimo ómicoi dúecai, —daízaidiaioi.

Iemona íaillinoi jino uano, íaioi jófuemona oni jáillana izire jicádiaioi. ⁴⁰ Afe llavéracomo jino billano, Lidia jofomo jáidiaillinoi. Amatiana cíoillano íaioina ñue náicaitadiaillinoi. Daí ñiano jáinomo oni jáidiaillinoi.

17

Tesalónicamo comuide aillo úrioinafue

¹ Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófueмо dúcidiaillinoi. Afénomo ite judíuai llófueriraco. ² Pablo ie fibilla izói, afe llófueriracomo jofo llófuerizaide. Daámani ocózinai llaruído íaioimo úrite. ³ Juzíñamui jiaí Cuegáuai jino íaioimo llóollode. Aféuaimona Cristo duere finóinafue jítáirede, daí íaioimo jino llote. Daje izói Cristo tída meine cáallena jítáirede daí jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

⁴ Mei íemona judíuaimona dámerie aféfuemo ñnotiaioi. Afemona Pablo Silas íaillinoi dibénemo itábicaidiaioi. Afe izói aillo Juzíñamuimo jaináiacade griego ímíai iere ñue ñnotiaioi. Afe izói aillo illaingo izóidingotiai aféuaina ñnotiaioi. ⁵ Mei íadi ñnoñede judíuai aféfuerei úradoilla izói itíaioi. Iemona cállemo ite fiénide ráiraiedinomo gairídiaioi. Ie mei judíuai cállemo ite itínori aillo úrioinafue finódiaioi. Daí jofue comini comeci fiéni íciritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena. ⁶ Mei íadi íaillinoina baiñédiaioi. Ie jira Jasón zocana uitíaioi, jáie ámatiai diga. Jofue illaini uíecomo íaioina uitíaioi. Daí caillídiaioi:

—Bíaillinoi nágagobaido fiéni faillíñeinafuiai finódino ja benomo dúcia. ⁷ Ie mei Jasón ie jofomo íaioina llínote. Nana afe bie bitino cai caifoide romano illaíma ocuífafuiai uáitaocana daide: “Jíáie ua cai illaíma ite, Jesús,” —daidíaioi.

⁸ Aféfuena cacáillano ríimaci naa comíniri faillíñeidiaioi. ⁹ Jasonmo daidíaioi:

—Cai o jífueñellena uícomo o úcube caímo ine. Uire aféillinoi o oréadi o úcube meine omo íticai, —daídíai. Ie jira afe úcube íaióimo fécamona ja Jasón jíái ámatiai diga zuitádiai.

Pablo Silas diga Berea jófuego dúcide

¹⁰ Afemona afe naio ámatiai Pablo Silas diga Beréamo raire orédiai. Dinomo dúcillano judíuai llófueriracomo jáidiaillinoi. ¹¹ Bie judíuai Tesalónicamo ite judíuai baímo fígomaci. Caímare afe úrillauaina jeire otíai. Nágarui Juzíñamui Cuegáuailloimo jénofirediaí, íaióimo llogáuailloina uafue daíllena. ¹² Afemona aillo afémacimona ínotiaí. Daje izói griéguaímona ínotiaí. Dájerize íñíai íemo jíái ñue caímare jacíruigangotiai ínotiaí. ¹³ Mei íadi Tesalónicamo ite judíuai Pablo Beréamo Juzíñamui llogáuai llófueillana fidíillano, dinomo nane comíni fiéni faíllíñaitaitiaí. ¹⁴ Mei íadi ámatiai dama Páblona raire aféruido monáillai fuédamo orédiaí. Ie mei Silas Timoteo diga Beréamo fiébicaide. ¹⁵ Pablo nabaina jáidino Atenas jófuego íena izáidíai. Íaióimeine jáidínodo Silas Timoteo diga Pablo íaillinoímo uai orede. Daide: “Cue diné iere raire ómicoi biri, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úíñua llezica, afe jófuego macade. Macádemo aillo íaióí jánaraíai cióizaide. Aferui Pablo comeci iere zúucaide. ¹⁷ Mei jira llófueriracomo judíuari úrite; daje izói jíái Juzíñamuímo jáináiacadínori. Nágarui jofue gairírabirímo itínuaímo llote. ¹⁸ Dárie “epicuro” daina llófueinafue facádotino como Pablo diga úrizaidiaí. Daje izói, dárie “estoicos” daina llogáfuaí facádotino Pablo diga úrizaidiaí. Dámierie daídíai:

—Bie aillo úrifiredimie, ¿nífue caímo llóite? —daídíai.

Mei íadi jíáimaci daídíai:

—Níbai jíái Juzíñamuíllai llotímie, —daídíai.

Daí úritiaí, Pablo Jesús úrillauai, ie meine cáanafue diga íaióimo llóiacana jira. ¹⁹ Ie mei Areópago daina illánomo íena uitíai. Dinomo gairífrediaí llófueinafue cacáillena. Dinomo íena jícanotiaí:

—O atica cómue llófueinafue cai onóacadicaí. ²⁰ Mei ónoñegafuaí caímo llotio. Afe bífuaí dáinana onóacadicaí, —daídíai.

²¹ Nana Atenas imaci naa afénomo ite onínemaciri, cómue ráfuaína cacáillena járitaitiaí. Afe izói cómofuaí llóllena járitaitiaí. Jíái tájínamo járitañediaí.

²² Ie jira Pablo Areópago comíni cígimo náidaillano daide:

—Atenas imaci, omoi cácarei. Aillo juzíñamuíllaido iere jáináidínodímo. Daí omoi íllana ciódícue. ²³ Omoi juzíñamuíllai ánozillena finócafuaí illánuaído éroicaídícue. Dinomo daa omoi juzíñamuíllai comeci facáranos ciódícue. Afénomo cuega uaillo daide: “Bie cai ónoñega juzíñamui ie.” Bie omoi onóñeno jáináiacana Juzíñamui, ua birui ómoímo cue lluaíbigamie.

²⁴ ‘Afe énie finode Juzíñamui naa éniemo itínuaíri, afémie bie énie Naama, mona diga. Afémie comíni nigácomo íñede. ²⁵ Afémiemo cai nífuena finónidicaí. Nífuena llónidicaí. Mei jira dama afémie nana comínimo cáatatinona fecáfírede; daje izói afémie jáfaícina cai ite. Ie emódomo nana ite ráaniaína afémie caímo iga.

²⁶ ‘Naga náiraíai fueñe dáziemona Juzíñamui comuítaga, naga illa dígano íaióí éniemo íllena. Iemona dájena diédicaí. Nana íaióí illínuaí mamede. Daje izói nano níé dino íaióí illíruíllai mamede. ²⁷ Daí afémie finoca afe Juzíñamui íaióí jenóllena, níbai are illa ícoínia ie íaióí báillena. Mei íadi uáfueña Juzíñamui

cai illa dígamemona jica iñede. ²⁸ Mei Juziñamuido cáadicaí. Afémiedo cai jetáacaga raana jetádicaí. Afe izói afémiedo iticaí. Afe daje izói ómoimona dáríe rua fínua izoide llote: “Juziñamui comúitagamacídicaí; ie iziedicaí.” ²⁹ Iemona afe Juziñamuina fia oro finoína jánarai daí comeci omoi facáñeno iri, mei Juziñamui comúitagamacídicaíza. Afe izói afémiena plata finoína jánarai, ebírede nofici finoína jánarai, daí comécido omoi daíñeno iri. Nana bie jánaraiaina dani comíni comeci faca izói finódiaíoi. ³⁰ Naui jaiáidiruillaído comíni abina onóñediaíoi; daí íllaza Juziñamui íaíoiimo nai ibana oñede. Mei íadi birui náganomo itímiaína Juziñamui ocuícana daide: “Omoímo fiéni itífuiaina méidori,” —daide.

³¹ ‘Nana comínimo itífuiái izire jicánollirui Juziñamui jae mamede. Aféruillaído afémie nizécamiédo jaícina caimo izire jicánoite. Juziñamui afe nizécamiéna nana comínimo ñue jino uáfúena onótate; tíllanomona íena meine abído cáatanado nana comínina uáfodo jino fidítate, —daí Pablo llote.

³² Afe tíidimaci meine cáanafúena cacáillano, dáríe itínomona Pablo jifánodoídiaíoi. Jiáimaci íena daídíaíoi:

—Íco jáiáruído aféfuéna meine nane dánomo ómona cácaíticaí, —daídíaíoi.

³³ Iemo Pablo íaíoi cígimona oni jaide. ³⁴ Mei íadi dáarie iedo jáidiaíoi. Jaillano ínotiaíoi. Afe ínotimacimona dámie Dionísio. Afémie Areópago nimáiranimo jaináidimie. Afe ínotimacimona Dámaris mámeciredingo ite, nai bai jiáimaciri.

18

Pablo Coríntomo illafue

¹ Afe meífodo Pablo Aténasmona oni Corinto jófúemo jáizaide. ² Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoí cómoicana Itáliamona botádiaillinoí; romano caifóidillaíma Claudio nana judíuai Roma jófúemona oni íaíoi oréina jira. Dinomo Pablo Aquila uáiduaide. ³ Aquila ie ai díga jédaciede iniroi tífuano bizáinicai fe nitíaíoi. Afe íaíoi níllo úcube otíaíoi. Pablo afe táijinana fibídímie. Ie jira Pablo afe íaillinoíri fiébicaide, dájena íaíoi táijillena. ⁴ Naga ocózinaillaruímo llófueriracomo Pablo llófuaíifírede. Afemona judíuaimona dáarie ínotiaíoi. Afe dájerize judíoñedimacimona ja ínotiaíoi.

⁵ Jae Macedonia éniemona Silas Timoteo díga dúcíaillinoímo, Pablo ie bizáinillai nilla fáicanocaillano, dama Juziñamui ñúefue jino llóllena íere izire llocana uite. Judíuaina uáfodo daide:

—Jesús omoi úiñogamie Cristo, —daide.

⁶ Mei íadi judíuai íena uáitaoidiaíoi. Iemo fiénide uailalai nitádiaíoi. Ie jira Pablo íe inícuiro íaíoiimo faiánote. Afe faiánua daide: Íaíoi íáíre finócafue ícoínia afémie ícoíniañedeza, dani íaíoi ícoínia.

Pablo íaíoiina daide:

—Dani omoi ícoínia tímáritiomoi. Jae ómoíri nífuenidímiedicue. Biruímona judíoñedimacímimo llúajíticue, —daide.

⁷ Llófueriracomona jino jaillano, Justo maméidímie jofomo jaide. Justo Juziñamuimo ánozillano camare úritímie. Afémie jofu llófueriraco abímo ite. ⁸ Afe llófueriraco illaíma Crispo. Afémie naa íe comíniri Ocuíraíma Jesucrístomo ínotiaíoi. Afe llezica aillo Corinto jófúemo itino, Pablo lloga ñúefuiaina cacáillano áfemo ínotiaíoi. Ínuamona báutizagaíoi. ⁹ Afe mei Juziñamui Páblona nícaí anado daide:

—Jacíruiñeno iri. Mai ñúefue líicaiñeno lloíri, mei o diga itícueza.
¹⁰ Fiénidifue na bu omo jírítanide. Nai bie jófue mo aillo cuemo ínoitónona ite,
 —daide.

¹¹ Iemona Pablo Coríntomo nai daa fimona átuedo Juzíñamui uaillai comínimo llófullofuede.

¹² Mei íadi Galióna mámeçiredimie, Acaya éniemo illáimana illáruido nana judíuai Páblona uáitaocana gairídiaoí. Iemona íena llátano, ríimaci uíecomo uitíaoí. ¹³ Illáimana daidíaoí:

—Bímie comíni cigído llófueraide. Jiáfodo Juzíñamuimo áinozilli uaillai llófuecaide. Iemona afe uáillaímo cacáreidiaoí. Mei íadi afefue caimo ocuica uaillai uáitaocaiide, —daidíaoí.

¹⁴ Pablo como úrizaidemo, illaíma Galión judíuaina daide:

—¡Judíuai, cue omoí áifedoñeno iri! Bímie mo aillo fiénidifue ícoínia íadi, cómena fájafue izóí, come merírinafue izóí, ua afémie daí íadi ómoímo cacáreitíe. ¹⁵ Mei íadi fia omoí uáillaído, omoí mámeçiaído júfidotímoí, ómoímo judíuai ocuífauiaí diga. ¡Mai dani jaícina omoí finori! Aféfuiaímo izire jicánoraímana íacañedicue, —daide.

¹⁶ Ie mei afémie nana íaíoína jino jicánoracomona orede. ¹⁷ Iemona nana griéguaí Sóstenes maméidimie llaitádiaoí. Sóstenes llófueriraco illaíma. Iena llátano, ríillaíma Galión uíecomo íena fáfadiaoí. Mei íadi Galión afe finócafuiaína raa daíñede.

Pablo Antioquíamo meine jaide dínoímona ja dacaiñoámani nane llúajide

¹⁸ Díno Coríntomo Pablo diga iruillai ite. Ie jáiacanaruimo, ámatíai íraicaiño íena facádonocaidiaoí. Afe mei Pablo nocaedo Siria éniemo ruica jáizaide. Aquila ie ai Priscila diga Pábloiri jáizaidiaoí. Nai Cencrea ígobemona nai jáíñediaoímo, Pablo ie ifo cuidode. Daí finode, jae ie nauí Juzíñamuimo llogáuai fuilla jira. ¹⁹ Ruica jáillano jae Efeso jófue mo dúcidiaoí. Díno mo Pablo, Aquila Priscila diga fiénocaillano, llófueriracomo jaide. Aféno mo gairide judíuáímo Pablo úrizaide. ²⁰ Afémaci ie íaíoí diga are íllena izire jicádiaoí, mei íadi Pablo fairíoñede. ²¹ Iiraicaiño íaíoína uáidonocaillano íaíoína daide:

—Ja Jerusalemo íacade irázillafue mo raire jáiacadícue, mei íadi Juzíñamui óiacania dáano mo abído ómoína érozaíbitíe, —daide.

Iemona nocaedo Efésomona oni monáillaído jaide. ²² Cesarea jófue mo dúcillano, Pablo arído Jerusalemo jaide, díno mo ite Juzíñamuimo gairídíno uáídollena. Afe mei oni Antioquíamo jaide. ²³ Diga iruillai díno mo illa meífomo, meine nane nana Galacia jófue mo Pablo oni jáizaide, Frigia jofue diga. Naga jófue mo dágoberie llófuecade. Daí Pablo nana Juzíñamuimo ínotimaci comécina ñue náirecaítade.

Apolos Efésomo ñúefue jino llote

²⁴ Aféruillaído judío ímie, Apólona maméidimie Efésomo dúcizaide. Afémie Alejandría jofue ímie. Afe íima uai jino llúana ñue fibídímie. Afémie Juzíñamui Cuegáuaina ñue onode. ²⁵ Ocuíraíma Jesucristo llogáuillaína afémie llófuegamie. Aféfuiaí jino llúana íere méaicaiñeno caímare llote. Jino uáfodo Jesús ífuiaído llófuerite. Mei íadi dama Juan íaíoí báutizafuena onode. Afe izóí Juan Jesudo llogáfue na Apolos onode. ²⁶ Apolos llófueriracomo comeci jáicaiñenado úrizaide. Mei jira Priscila Aquila diga Apolos llófueillana cacáillano, ie eneno uitíallínoí, Juzíñamui uaillai baímo ñue jino jaícina llóllena. ²⁷ Afe mei Apolos Acaya éniemo jáiacade. Iemona ámatíai ie abína jafue oñeno, ñue íena náicaitadiaoí. Daje llezica uícomo rabe aféno mo ite ínotíno mo cuetíaoí, íaíoí afémiena ñue llínollena. Afémie Acáyamo dúcillano, aféno mo

ite ñnotinona ñue canode. Juzíñamui jae íaioimo dúecaillano íaioina ñnotade. ²⁸Nana comini eróicana judíuai lloga taino uai Apolos íaioimo cíotate. Afémaci Apolos jamánomo ñue jaícina jóidiuaina jáanonidiaioi. Afémie Juzíñamui Cuegáuailaido nii íaioi úiñoga Cristo dámie Jesuna jino íaioimo uáfodo llóteza.

19

Pablo Efésomo meine dúcinafue

¹ Apolos nai Coríntomo illa llezica, Pablo Galacia éniemo jaillano, íduai íllado jaide. Jáillano Efeso jófuemo dúcide. Dinomo ite Juzíñamuimo ñnotimacina cíoizaide. ² Iaioimo jicánote:

—¿Meita omoi ñnuamona Ñuera Joreño úicaigaomoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedicaí, —daidíaioi.

³ Mei jira Pablo nane jicánote:

—¿Mei bu mámecido báutizagaomoi? —daide.

Jira afémaci uai otíaioi:

—Juan mámecido báutizagacai, —daidíaioi.

⁴ Jira Pablo íaioina daide:

—Juan lloga báutizainafue comini comécimo ite fiénidifuiyai méiduana jino náiraimo cíotate. Mei íadi Juan meífodo bitímiemo ñnorediomoí ómoína daidicue. Afe bitímie Jesús; afe Jesús Juzíñamui Nizécamié Cristo, —daide.

⁵ Aféfuena cacáillano cai Ocuídímie Jesús mámecido báutizagaiaioi. ⁶ Pablo íaioimo onoi bitamona, Ñuera Joreño íaioimo bite. Iemona afémaci jíáimaci uáillaido úritiaioi. Juzíñamuimona oga úrilla uaillai jino llotíaioi. ⁷ Afémaci nibai doce dígamiediaioi.

⁸ Pablo afe llófueriracomo daámani fiui jáicade. Dinomo comeci jáicaiñeno jino íaioimo llófuerite. Juzíñamui illáimana illáfuedo izire íaioimo jino llote íaioi ñnollena. ⁹ Mei íadi dámierie comeci rairuillano aféfuena ñnoacañede. Comini eróicana Juzíñamui ñúefuiaido fieni úritiaioi. Iemona Pablo íaioi cígimona oni jíáicomo jaide. Jaillano Pablo afe Juzíñamuimo ñnotinona jíáie comini llófueracomo uite. Afe llófueraco naama Tiranno. Dinomo Pablo nágaruillaido llófuaide. ¹⁰ Daí dinomo mena fimona llófuerite. Iemona nana Asia énie nairai Ocuíraima Jesús llogáfuiamo cacáreidiaioi. Judíuaimona nano diga ímíai ñnotiaioi. Afe dájerize judíoñedinomona ñnotiaioi. ¹¹ Juzíñamui diga áillue cíorainina ráaniai Páblodo finode. ¹² Uiéco dóraroillai Páblomo atidiaioi jinófene jítárraroillai diga. Aféroillai Pablo jétanona iráredimacimo uitiaioi. Afe jetácaroi íaioi llínuamona jíllobicaidiaioi. Daje izói jíáimacimo ite fiénide joríaí oni jáizitiaioi.

¹³ Afe mei macáraini judíuai dárie dúcidiaioi. Afémaci:

—Fiénide joríaíai comínimona oréredicaí, —daidíaioi. Ja Ocuíraima Jesús mámecido afe fiénide joríaíai jino oréacadiaioi. Jíáimacimo ite joríaíaina daidíaioi:

—Pablo lloga Jesús mámecido ja birui ómoína jino orédicaí, —daidíaioi.

¹⁴ Afe izói judío ímie Esceva siete diga jítótiaí daidíaioi. Afe Esceva lletárriraini illaíma. ¹⁵ Afémie jítótiaí daí dánamona afe fiénide joríaí íaioi uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

¹⁶ Daí daina mei, fiénidena joríaíredimie riire íaioína llaitade. Nana íaioína anáfenuano iere duere íaioína finode. Ja iere jamánomo duere íaioi finóinamona,

afécomona émuiromaiaia naa boáfaiari jino botádiaioi. ¹⁷ Nana Efésomo ite comini, judíuai naa judíoñedinori aféfuena fidíillano iere jacíruitiaioi. Iemona Ocuíraima Jesús mámecina jamánomoideza daidíaioi. Afemona aillo ñúefue Jesumo nitádiaioi.

¹⁸ Aillo áfemo ínotimacimona jaiiai íaioi finoca fiénidífuiaia uáfodo jino llotíaioi. ¹⁹ Daje llezica aillo nauí aiñíniaia uaimo fibídino, íaioimo ite fiénino úrilla rabénicuai átiano nairai eróicana jobáidiaioi. Afe jobáicanicuai comécido facádiaioimo, jamánomo ráifide izoide, daidíaioi. “Cincuenta mil úcubetunillai dieze ráifide,” daidíaioi. ²⁰ Daií Juzíñamui lloga uaillai jamánomo oni móonaioicaide. Afedo Juzíñamui ríino jino cíotaoicaide.

²¹ Afe meífodo Macedonia éniemo Acaya énie diga dino comini uáiduaillena Pablo mamérite. Afeno comini uáidua meífomo, abido Jerusalem jázaiillena Pablo comécido daide. Afe emódomo daide:

—Jerusalem cue jaille mei, dinómona Rómamo jáiacadícue, —daide. ²² Mei jira Macedóniamena mena ie canóraima Timoteo Erasto diga uícodo orede. Mei íadi Pablo nai Asiamona nano nígarui fiébide.

Efésomo fiénidífuendo faillíñeidaioi

²³ Aféruillaido Jesús lloga ñúefuiaiari aillo fiéni faillíñeidaioi. ²⁴ Afe faillíñeinafue Demetrio como fueñe taineca. Afémie aillo ebírede ráaniaia plátamona finóraima. Juzíñamuina íaioi mamécango Artemisa, nofici finoina jánarai. Aféngomo gairíracó izóí, plátamona ráiracójina finoda, Demetrio fecáfirede. Afedo afémie ie diga táijiraimaci íena aillo úcube otíaioi. ²⁵ Iemo Demetrio naa jáie daje izóí táijinana fibídinori dánomo gairídiaioi. Dinomo íaioina daide:

—Cáimaci, omoi cácarei. Bie cai táijinado ñue ráaredicai, onódiomoi. ²⁶ Mei íadi baie Pablo llócaigafuena cacádiomoiiza. Afémie daide: “Comini finoca juzíñamuillaina íeñede,” daide. Ie llogáfuemo Pablo aillo comínina ínotade. Daa benó Efésomoñede daií ínotade, mei íadi nana Asia éniédo ínotaacade. ²⁷ Afefue iere jacire cacaide. Afedo cai fecácaiganaiaina táinocaitabite. Daje izóí cai áillue juzíñamui cai dainango Artemisa gairíracó jalléinafueña féitaite. Afe izóí bie juzíñamui dainango jamánomo ebírenafueña jámairuitabite. Nana Asia énie naa jáie éniiairi aféngomo ánozifirediaioi, —daií Demetrio daide.

²⁸ Aféfuena cacáillano, iere comécido ráicaidiaioi. Iemona caillíoicana daidíaioi:

—¡Cai Efeso imaci juzíñamui cai dainango Diana, jaca ninomo záíñeno iri! —daidíaioi.

²⁹ Iemona nana afeno jófuedo aféfuiaia iere riire júfidotiaioi. Aillo afeno comini ifo irínote. Afe llezica mena Pablo nabaide íaillinoi llaitádiaioi. Afe íaillinoi mámecei Gayo Aristarco diga; Macedonia ímie íaillinoi. Íaioi llaita mei afémaci nairai uícomo íaioi gairíracomo íaillinoina zocana uitíaioi.

³⁰ Pablo afeco jofomo comínimo úrizaiacade, mei íadi ñúefuena ínotino afe jofó jáillena rairuíaiaioi. ³¹ Afe llezica Asia ríimaci Pablo diga caimare úriraini, Pablo afeco jofó jáíñeillena uai íemo orédiaioi. ³² Íaioi gairilla llezica, dárie jáífodo llotíaioi; jáíimíiaia jáífodo jírrioicana llotíaioi. Mei aféfuiaiari jamánomo fiéni faillíñeidaioi. Ja nabénairai aféfuena onóñediaioi, nífuerei gairídiaioiza.

³³ Mei íadi gairídino cígimona dámierie jino Alejándromo aféfuiaia llotíaioi. Afe Alejándrona judíuai, afeno comini uícomo judíuai abi ríiduaifuedo úrillaena, bai íena naidánetaioi. Bai náidaillano ie ónoído íaioina, “Mai omoi llícaia,” daide.

³⁴ Mei íadi afémie judío ímienana íaioi comécido onónamona, mena hora nana caillíoicana daidíaioi:

—¡Cai Efeso nairai naango Artemisa, jaca ninomo záíñeno iri! —daídíai.

³⁵ Iemona afeno jofue jabóllaima ícoinia comini llúcaitate. Llúcaitano íaióna daide:

—Efeso nairai, omoi cácarei. Naga énie náiraii cai iere jalleide juzíñamui daínango Artemísamo gairíracona úiñotagamacidicai, afe cai úiñuafuena onódiaí. Afe daje izói aféngona mameca monámona ana baiíde jánaraina úiñotagamacidicaiza onódiaí. ³⁶ Mei bifue buna jaca jáanonideza, mai omoi llúcai. Comeci facáñeno níifuena lloñeno iri. ³⁷ Mei bie omoi atíca íaillinoi, omoi juzíñamui daínango Artemísari fiénidífuena úriñediaillinoi. Aféngona rícaitañediaillinoi. ³⁸ Demetrio zúucaillafue nímiemo íadi, mai jicánoraimamo llujiri. Daje izói afémieri tájiraini zúucaillafue íadi llujiri. Jaca ríimaci uícomo meine abido óllena afémaci llórediaí. ³⁹ Mei jíáfodo omoi jicánoiacaniadi, mai ríimaci daina izói omoi gairiri. ⁴⁰ Ja birui jácifueмо baiízaidicaiza. Birui omoi finócafue ícoinia, illaima anáfenuafuena caimo nítaitiaí. Bie omoi faillíñeinafue caimo íaií jicánoiadi, íaií uai cai ollifue jaca due íñede, —daide.

⁴¹ Daí daina meífodo, afénomo gairídino oni rainode.

20

Pablo Macedóniamo Grecia díga díne jáillafue

¹ Afe íaií faillíñeinafue llúcailla meífomo, Pablo Juzíñamuimo ínotino ñue llófuellena jíritade. Daí íaií llófuia méifomo íaií llínuano íraicaiño uáidonocaide. Uáidonocaillano Macedóniamo jáizaide. ² Nana afénomo itígobíai comini uáiduaide. Ie uáillaído afénomo ite ámatiaí náicaitade. Afe mei Pablo ja Grecia éniemo dúcide. ³ Dinomo daámani fiui llófue. Dinómona nocaedo Síriamo jáizaidemo, judíuai íena llaitáacanafuena fidide. Ie jira ari éniemo Macedóniamo abido jáillena comececi facade. ⁴ Dinómona ie nabáidino: Berea ímie Sópater; Tesalónica ímie íaillinoi Aristarco Segundo díga; Derbe ímie íaillinoi Gayo Timoteo díga; jíáie Asia énie íaillinoi Tíquico Trófimo díga. ⁵ Afe bie ámatiaí uícomo Troas jófueмо caina uíñuaidiaí. ⁶ Fáitara jóneñega pan güilla íráizilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

Pablo Troas comini uáiduafue

⁷ Semana nanóidíruído gairídicaí pan díhada fecállena. (Afe pan díhada güillamona Jesucristo íraicaiño güillamo úibicaidicai.) Güilla mei Pablo Jesumo ínotino llófue. Afe jítiramo afémie ja jáiacade. Ie jira úrioidemo ja dáaferui ite. ⁸ Caifo jica ite caifóneco ero icomo gairídicaí. Afe dinomo aillo unérachecoí bóotatiaí. ⁹ Dinomo ite daa jítócome, Eutícóna maméidímie. Afémie jino eróirafomo ráide. Pablo iere are úrillamona, afe jítócome jamánomo ínietaide. Ícoinia izire íniamona, caifona ana baiíde. Afécomo dabaniámani ite. Dinómona ana éniemo baiíde. Tíide caifo llínotiaí. ¹⁰ Mei jira Pablo ana afémiemo jáillano, ie acónimo dújuillano íena meníñote. Afe mei ámatiaína daide:

—Cáadeza, omoi jacínaiñeno, —daide.

¹¹ Daí daina mei Pablo meine caifo jaide. Caifo meine dúcillano, pan díhada güillano nai íaiímo nane úrite. Da úritemo monaide. Monáillamo oni jaide. ¹² Afe baiídímiena ñue caade uitíaí. Iemona nana comini ñue caimare íficaidiaí.

Pablo Tróasmona Milétomo jáillafue

¹³ Ie meífomo Pablo Asonmo iodo jáiacade. Ie jira cai jáímaci nocaedo úicomo Asonmo jáidicai dinomo Pablo otá cai úillena. ¹⁴ Afémiena Asonmo cai báillamona, dinómona cai nocaedo nana Mitilénemo jáidicai. ¹⁵ Dinómona jáillano jítiramoidiruido Quío jofue áinodo jáidicai. Afe jáíruido Samos ígobemo zíjidicai. Dinómona Trogíliomo ocózinaidicai. Afe jáíruido Milétomo dúcidicai. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuenta cíoillena, íadi níbai cíoiñeite.

Pablo Efeso éinamacimo úrillafue

¹⁷ Nai Mileto jófuego cai illa llezica, Efésomo Juzíñamuimo gairíraíni éinamací jíiritate. ¹⁸ Iaiói dúcinamona Pablo íaióina daide:

—Nano fueñe Asiamo cue dúcinamona cue ífirenana ñue onódiomoi. ¹⁹ Nágaruillaido comeci mánainafuedo éeiafuedo omoi cígiri iticue. Daíí cai Ocuíraíma Jesumo táijifiredicue. Afe llezica judúuai iere aillo duere cuena finóacadaíoi. Afedo aillo facátafuaii cuemo nitádiaíoi. ²⁰ Mei íadi fáicanocaiñeno nana ómoímo ñue illífuenta llófuefiredicue. Daíí uáfodo omoi gairíracomo ómoímo llófueriticue. Daje izói naga omoi jofomo llófuefiredicue. ²¹ Judúuaimo lloticue; daje izói judíoñedinomo lloticue. Nana íaióina daidicue: “Omoi fiénidifuaii ñúefuiaiina Juzíñamui comeci jitailla izói omoi meídori. Iemona cai Ocuíraíma Jesucrístomo omoi íinori,” daíí íaióina daidicue. ²² Mei birui benómona Jerusalemo jáitíicue; afénomo cue jaille Juzíñamui Ñuera Joreño cue ocuilla izói. Dinomo cuemo cómutifuenta ónoñedicue. ²³ Dama dafue cue comécido onóigafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. ²⁴ Mei íadi aféfuena due lloñedicue. Ocuíraíma Jesús cuemo jónega táijinafuenta ñue ícoímo cue fuitáadi cue cáanano cúemona ráifiñede. Afe táijinafue Juzíñamui ñue caina izíruillafue comínimo llócadicue. Ua comíni áizia izóidinomona cue táijina ícoímo caimare ñue dúcitaíacadicue.

²⁵ ‘Omoi cígido Juzíñamui illáimana illafue llócaidicue; mei birui ua onódicueza, ómoímacimona buna cuena meine cíoiñeite. ²⁶ Ie jira biruido daííacadicue, ja ómoímona nífuenidimiedicue. ²⁷ Mei jira nana Juzíñamui caimo llófuegafuaii ómoímo uáfodo lloticue. Nífuenta báinino lloñedicue. ²⁸ Ie jira afe izói daní abi omo rairuiri. (Jae einamácidiomoi.) Daje izói nana Juzíñamuimo gairídínona úiñori, mei jira Ñuera Joreño íaióina úiñotade. Ua Ocuíraíma Jesumo gairídínno úiñotagaomoi. Afe gairídínona Jesús dama ie tíllado, ie die tóillamona dama ie comínina meine maiñode. ²⁹ Cue jailla mei jáímaci Juzíñamuimo gairídínona jífueridínno bíitiaíoi. Ua rírede jicóniai ovéjaina fázia izói Juzíñamuimo omoi ínogafuenta féitataíbitiaíoi. ³⁰ Daje izói omoi cígiri táinofuaii llóitínona iite. Afémaci uáfuenta féitajano táinofuaii ómoímo llóitiaíoi, ínotino afe uai jeire otátallena. ³¹ Mei jira abi omoi rairuiri. Naui omoi diga cue illáfuego omoi uibíoiri. Dafimonaámani, mona naio diga éebicaillano izire ómoímona nágamiíaimo fáicanocaiñeno ómoímo jino lloticue.

³² ‘Mei cue ámatiai, ja birui Juzíñamuimo ómoína jóoneitíicue, omoi úiñollena. Daje izói Juzíñamui caina izíruilla uaimo omoi comeci uibíoillena jítáidicue. Afe uai ómoína nárecaítaite. Afe daje llezica, aféuaido Juzíñamui dibénemo ñue rairuícamacina ja itíomoi naa jáíie ie rairuícamaciri. Mei afe rairuícamací Juzíñamuido ñue finócamacidiomoi. ³³ Jáímiemo ite úcubiaiíri íaióimo ite iníroillaiíri dama cúeiéna jaca úradoíñedicue. ³⁴ Mei íadi jáíifodo, dama cue

jitailla raa óllena dama cue ónoído táijidicue. Daje izói cue diga itino íena oticue. ³⁵ Daií omoi táijillena lloticue. Afe izói raana jitáidino omoi canóllena ómoína llófueticue, Ocuíraima Jesús daina uaimo comeci omoi facáoicaillena. Afémie daina uai daií daide: “Fia iga raa llínotimie baimo, fecáfiredimie jamánomo ióbide,” —daide.

³⁶ Daií íaioina daina meífodo, Pablo cañici ana dújuillano Moo Juzíñamuimo nana afémaciri úritiaioi. ³⁷ Iemona nana éenaitiaioi. Afe llezica Páblona meniñuano ñitada cámadotiaioi. ³⁸ Afe llezica Pablo “Ja meine abido cuena cíõñeitíomoi” dánari iere zúucaidiaioi. Afe mei fei nocaemo íraicaiño íena nabáidiaioi.

21

Pablo Jerusalemo jáillafue

¹ Amatiai fuénocaillano, Cos jófuemo nocaedo jáicina jáidicai. Afe jítiramo Rodas jófuemo jáidicai. Dinómona Pátara jófuemo jáidicai. ² Afe Pátaramo Feníciamo jáiacade nocáe baiticai. Dinómona afécaedo jáidicai. ³ Jaillano, monaillai cigi idu Chíprena jicana ciódicai. Afe éniena jarífezi dibénemo fíianona Siria éniemo jáidicai. Afe cai jáillaemo Tíromo fielle ráaniai illa jira afégobemo zíjidicai. ⁴ Afégobemo ite Juzíñamuimo ínotinona cíózaidicai. Dinomo siete dígarui íaioi diga iticai. Dinomo Ñuera Joreño llogáiaioi. Ie jira Páblona daidiaioi:

—Benómona Jerusalemo jáiñeno iri, —daidiaioi.

⁵ Mei íadi afe siete dígarui illa meífodo jáidicai. Cai jáizailla llezica nana Juzíñamuimo ínotino, íaioi ringóniai naa úruiairi jofue féimo caina nabáidiaioi. Dinomo ite guamácimo ana dújuillano Juzíñamuimo iere úriticai. ⁶ Ie mei meniñota íraicaiño íaioi facádonocaidicai. Daií ñiano nocaemo caifo jáidicai. Afémaci íaioi jófuemo meine jáidiaioi.

⁷ Tíromona biticai Tolemáidamo dúcina. Dinomo ite amatiai uáidollena darui nabáidicai. ⁸ Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúefue llóraima Felipe jofomo jáidicai. Afémie siete dígamiede güille fecárainimona Juzíñamuimo garíraco táijiraíma. Dinomo afémie jofomo iticai. ⁹ Afe Felipe jiza nagaámazade. Nai ínínidiaioi. Aféngotiai Juzíñamuimona cacana uaillai jino llotiaioi. ¹⁰ Afénomo diga irui iticaímo, uai jino llóraima Agabo Judéamona cai uáiduaibite. ¹¹ Afémie Pablo ciraigi ife zuitáicaillano dama ie idai onoi diga maíano daide:

—Ñuera Joreño daide: “Jerusalemo judíuai bie ciraigi ife náamana bie izói máíte. Maíano íena jicánemacimo fécaítiaioi,” daide, —daií Agabo lluáibite.

¹² Aféfuena cacáillano, Cesarea imaci naa cairi, Pablo Jerusalemo jáiñeillena íemo izire jicáidicai. ¹³ Mei jira Pablo uai ote:

—¿Ñibái cuena zúucaítatíomoi? ¿Minícari éedíomoi? Cue íaioi maille baimo comécido mamériticue. Juzíñamui jitáíadi Jerusalemo cai Ocuíraima ícoínia tíitícueza, —daide.

¹⁴ Afémie mámiafuena jáanonidicai. Ie jira afefue fáicanocaillano daidicai:

—Juzíñamui comeci jitailla izói omo íficaíteza, —daidicai.

¹⁵ Afe meífodo, Jerusalemo jáillana finóbidicai. ¹⁶ Cesaréamona dárie Juzíñamuimo ínotino caina nabaide. Afémaci cigimona daa Chipre ímie Mnasón ite. Afémie jae diga fimona Juzíñamuimo ínote. Afémiemo ite Jerusalemo dúciracomo jáidicai.

Pablo Sanatiago uáiduafue

17 Jerusalemo dúcidicaimo dinomo ite ámatiai caimare caina llínotiaioi. 18 Afe jítiramo Pablo naa cairi Santiago uáiduaidicai. Daje izói nana illáicomini afénomo itíaiioi. 19 Pablo íaiioi uáidote. Uáiduano Pablo nana iedo judíoñedinomo Juzíñamui finócafuiyai jino illa dígafuiyai íaiioimo llote. 20 Iemona aféfuiaina cacáillano Juzíñamuimo caimátaioidiaioi. Jira Páblona daidíaiioi:

—Mii, o llogáfuiyai iere ñuera, mei íadi judíuaimona diga mil comini afe ñúefuemo ínotiaioi ciódioza. Nana afémaci Moisés ocuica uai izói cai íllena iere jítáirede daidíaiioi. 21 Mei íadi dáarie o nana jica jíainomo ite judíuaimo llogáfuenta lluaíbítiaioi. Afe íaiioi cacánafue daide: “Moisés ocuica uaina jeire omoi oñeno iri.” Afe izói íaiioi jítótiai bacano icoi quetátañedio, daidíaiioi. Ie emódomo cai fibíllafuiaina finótañedio, daidíaiioi. 22 Iemo bífuiaina cai dibénedo ¿nie izói llóitio? ¿nie izói ñéiticaí? O billáfuenta comini fidíillano ua dáanomo gáiritiaioi, —daide. Iemo Santiago nai úrillano íena daide:

23 —Cai daínauai jeire o úamona aféuai izói o finolle jítáirede. Cairi benomo ite nagaámamie. Afémiaí uícomo Juzíñamuimo nauí íaiioi llogáuai fuitáacadiaioi. 24 Bimaci o uíri. Uillano nana omoi comécimo íaifue múiñuafue mai omoi finuairi. O úcubemona omoi ífue cuidótalle ibari. Iemona dani cuidótaitiaioiza. Afe daí o finuamona, benó ite ínote judíuai, o ñue ífírena izói ónoitiaioi. Moisés ocuícáfue jeire o úana fidítiaioi. Daje izói ja ónoitiaioi nana o rafue benó comínimo jíamaci lluaíbígá táinofuiyai. 25 Mei íadi ínote judíoñedinomo jíáfodo jae cueticaí. Aillo judíuai finócafuiaimo íaiioi jíeruñeillena lloticaí. Daa bifue íaiioimo lloticaí: “Jánaraí izóidemo fecaca llíciaina omoi riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jiruífuiaimona abí omoi rairuiri; dama áiredimie ie ai diga illa ñuena,” —dinóride Santiago llogafue fuilla.

Pablo gairíracomo llaitáinafue

26 Ie mei Pablo afe nagaámamie uite; uillano afe jítiramo, íaiioi comécimo ite íaifuiyai múiñuafue finódiaioi. Afe meífodo jofu Juzíñamuimo gairíracomo jáidiaioi. Dinomo íaiioi comécimo ite íaifuiyai muiñóilliruillaí fuillíruí llujáidiaioi. Afe daí íaiioi llúamona illa dígamierie íaiioi raa fia íaiioi fecálliruí llotíaioi.

27 Afe siete dígarui ja fúiacademo Asia éniemona bite judíuai Páblona Juzíñamuimo gairíracomo cíoizaibítiaioi. Iena cíoizaibillano nana afeno comínina fienuí faillíñaitadiaioi. Iemona Pablo llaitádiaioi. 28 Llátano caillíoidiaioi:

—¡Israel nairai, cai cano! Bímie nágagobiaido nana comíniamo cai nairai uáitaoicana llófuecaide. Daje izói Moisés ocuícáfuenta uáitaoide. Bie cai Juzíñamuimo gairíracona uáitaoide. Ie emódomo jae mena griego ímie íaillinoi jofu uite. Daí bie Juzíñamuido ñue finócaco ero bácajaibite, —daidíaiioi.

29 Nauí Pablo afe jófuedo judíoñedinmie Trófimo diga nabáirillana íaiioi ciónamona daí daidíaiioi. Afe Trófimo Efeso ímie. Afémaci comeci facádiaioi, níbai Pablo Trófigona gairíracu eromo jofu uite, daidíaiioi.

30 Iemona nana afeno comini aféfuiaí júfidotiaioi; aféfuenuí fienuí faillíñaidiaioi. Afe llezica nana comini áiziazí bitíaioi. Billano Pablo llaitádiaioi. Llátano gairíracu jinomo zocana íena uitíaioi. Daí ñiano afe llezica gairíracu náziaí íbaidiaioi. 31 Ja íena titáacadiaioimo, soldados igüelli illaíma ja afe aillo comini fienuí faillíñainana fidide. Daje izói Pablo ja íaiioi titáacanafuenta fidide. 32 Mei jira afe illaíma ie jabóidillaímaí naa ie llazírainiri jírite. Jírillano afe comini illánomo aizícana jáidiaioi. Iemona nana comini llazíraini illaíma

naa ie llaizírainiri bíllana cióillano, Pablo fáajana fáicanocaidiaioi. ³³ Afe mei afe illaíma Páblomo áinozide. Ainozillano Pablo llaítádiaioi. Lláitano mena llóejina íena maitátate. Afe mei illaíma íena daide:

—O mei ¿búdio? ¿Níifue finódio? —daide. ³⁴ Mei íadi comini jamánomo jíáfodo caillíoidiaioi. Jíáimíai jíáfodo daidíaioi. Illaíma ifona jamánomo írinote. Jaca jefomo uibíñede, jamánomo íaioi úrioinaza. Jira illaíma llaizíraini gairíracomo íena uitátate. ³⁵ Afe caífo jáirabicimo íaioi dúcina llezica, llaizíraini Páblona caifodo rocádiaioi, comini íena llaítada íaioi fáiacana jira.

³⁶ Afémie uilla óodana caillícana daidíaioi:

—¡Pablo dama tíideza! —daidíaioi.

Pablo ie abi ríidollifue comini uiécomo llote

³⁷ Afécomo íena uizájidiaioimo, Pablo afe llaizíraini illáimamo griego uáillaído jicánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? ³⁸ ¿Mei o egipcio ímieñedio? Afémie nauí jíáie illáimana benó jóoneacade. Táizicimo cuatro mil come fáraini uite, —daide.

³⁹ Jira Pablo íena daide:

—Tarso jófuemo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

⁴⁰ Iemona afe illaíma Páblona fairíote. Iemo Pablo afe caífo jáirabicimo náidaillano comínina ónoído llícaítade. Íaioi úrioina llícaillamona Pablo afémaci uáillaído íaioimo úrite. (Afémaci úrilla uai ‘hebreo’ daína.) Íaioina daide:

22

¹ —Cai comini naa illáicomini diga, omoi cácarei. Cue abi ríiduafue jino llóiticueza, —daide.

² Hebreo uaido íaioina dáinana cacáillano, iere tí daidíaioi. Iemona Pablo íaioina daide:

³ —Cue judíodicue. Cilicia éniemo ite Tarso jófuemo jocócacue. Mei íadi benó Jerusalemocomuítacacue. Afe mei Gamaliel llófuegacue. Cai jaiáidigíma ocuícáfuaí llúana iere áfemo jíeruiticue. Jaca Juzíñamuimo táijnafuemo comeci cue facai izói naa cue rínodo iere járitaifiredicue. Ua ja birui Juzíñamui ocuícáfue omoi járitailla izói jaiái daí járitaifiredicue. ⁴ Jaiái Jesumo ínotinona daje izói fállena racádicue. Afe dáruido íñíai ringóniaíri llavéracomo lláviaidicue. ⁵ Lletáiraini illaini nauí comini cue lláviafuemo uai nabáiraini itíaioi. Daje izói nana illáicomini rábiai cue fécamo uai nabáiraini. Afe rábiaído Damáscómo ite cai ámatiaí judíuai jénuaidicue. Dinomo ite Jesumo ínotino jénuaidicue, atida Jerusalemó íaioina duere cue finótallena.

Pablo íemo ite fiénidifue méidua jino llote

(Hch 9.1-19; 26.12-18)

⁶ ‘Mei íadi Damasco iodo jáidicue, ja jáiciri ítemo afe jófuemo dúciacadicue. Afe llezica monámona jamánomo riire cuemo egáíñocai.

⁷ Iemona éniemo baídicue. Afe llezica monámona cuena daína uai cacádicue; aféuai cuena daide: “Saulo, Saulo ¿ñibái mei cue racádio?” ⁸ Mei jira jicánoticue: “¿O mei búdio?” Jira afémie cuena daide: “Nazaret ímie Jesúsdicue. Daa o racácamiedicue,” daide.

⁹ Cuedo jáidino afe egáíñuana cióillano jacínaitiaioi; mei íadi cuemo úrite uaina cacáñediaioi. ¹⁰ Jira íena daidicue:

“Ocuíraíma, ¿mei ñie izói íiticue?” Jira afémie cuena daide: “Náidacaillano

o jailla Damasco jófuego jai. Dinomo o finóllifuiaina omo llóitiaioi,” daide. ¹¹ Afe riire egáñua cue ui dúitaga. Ie jira cue nabáñiaí Damáscómo ónoído jainátaoicaigacue.

¹² ‘Afénomo ite Ananíasna mámeciredimie. Afémie iere Moisés ocuífafuego inofirede. Nana Damáscómo ite judíuai ññefuena íemo nitáfirediaioi. ¹³ Iemo afe Ananías cue uáiduaibite. Billano cuena daide: “Cue ama Saulo, o ui meine nane cíoteza,” daide. Daí daina llezica meine cue ui ñue cíoide. Afémiena cíódicue. ¹⁴ Mei jira afémie cuena daide: “Cai jáiiragima Moo Juzíñamui nizécamedio. Afémie jaiái ninómona ona nizede íemo o táijillifuiái jino omo llóllena. Ua dama Jesús fuémona ie úrilla uáillaina cácaítio. Afe llezica jaícina ñue finófiredimiena Jesuna cíoitio. ¹⁵ Mei o cacánafuiái o cíónafuiái diga nana comini uícomo jino llóitio. ¹⁶ Mei birui ¿minícarí jizídio? Náidacaillano o báutizatari. Ocuíraíma Jesús mámecimo ñue inori. Afedo o fiénidífue jae muiñócaza,” dinori Ananías daide.

Pablo Judíoñedíno ie orécafue jino llote

¹⁷ Pablo nai úrite. Iaióina daide:

—Jerusalemo meine cue billa llezica, Juzíñamuimo gairíracómo úrizaidicue. Dinomo nicai anado cíódicue. ¹⁸ Cai Ocuíraíma Jesuna cíódicue. Afémie cuena daide:

—Jerusalémona mai raíre oni jai. Afémaci cuedo o úrilla jieruíñeítiaioi, —daide.

¹⁹ Jira Ocuíraímana daidicue:

—Nana afémaci omo inotónona llófuériracómo cue lláitainafuena onódiaioi. Llavéracómo íaióina fácana cue uilláfuemo uibíoidiaioi. ²⁰ Esteban o mámecido úrite táijitagamie. Afémie tíde die tota llezica afénomo iticue. Aféfuemo “Jii” daidímiedicue. Ie emódomo Esteban fatímie inícuirona oni llíidicue, —daidicue. ²¹ Mei íadi Ocuíraíma cuena daide:

—Mai jai. Judíoñedíno cígímo jica ona óreiticue, —daide.

Pablo llazíraíni illaíma anamo illafue

²² Afe dinó afeno comini íanori tí daidíaioi. Mei íadi dánomo nane caillíoicana daidíaioi:

—¡Bie íma dama tídeza! ¡Afémie cáaillinona íñeite! —daidíaioi.

²³ Nai are caillíoidiaioi. Iere icírillaño daní íaioi inícuiruai cúacoídiaioi. Afe llezica eníchomaíai caífo táinomo júcoídiaioi. ²⁴ Ie jira llazíraíni illaíma Páblona íaioi gairíracómo orede. Oriano dinomo zechénotade ie finócafue jino llóllena, comini riire íemo fiení caillíoínafuena onóillena. ²⁵ Ja maitá fállena naidánega, íemo Pablo dinomo ite jabóllaimana daide:

—¿Jicáñoño romano ímiena fáredíomoi? —daide.

²⁶ Afena cacáillano jabóllaima llazíraíni illáímamo llujáide; llujáillano daide: —Bímiemo o duere finóacanafue o jíricañeno iri; afémie romano ímieza, —daide.

²⁷ Jira afe llazíraíni illaíma Páblomo jicánuaibite; daide:

—¿Ua romano ímiedio?

Jira Pablo:

—Íe mei, —daide.

²⁸ Jira afe illaíma daide:

—Aillo cue úcube baílla baímo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe daií ie dáinamona, ie zechénotino afémiemona oni raídiaioi. Nana afémaci naa aféllaímaoiri jacínaitiaioi ie íaioi llaítari; afémie romano ímienana íaioi fidínamona.

Pablo judíuái Nahí Ríillaini uícomo naidánetaioi

³⁰ Afe jiáiruido afe llaizíraini illaíma Páblomo íaioi jitácafuiaina ñue jaícina onóiacade. Ie jira lletáriraini illaini naa íaioi ríillainiri dánomo gairítate. Afe mei Pablo llaveina llójei zúitano íaioi uícomo bai naidánete.

23

¹ Dinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comeci mánaínafuedo Juzíñamui uícori caimare iticue, —daide.

² Ie jira lletáriraini illaíma Ananías Pablo abímo itino fúena putátate. ³ Jira Pablo íena daide:

—¡Afe izóí Juzíñamui ona fátaite! Jae jinóidíuaido ñue úritio, o comeci fiénide íadi. ¿Jadí raíidíu ocuica uai dáina izóí cuemo jicánollena? Iemona ¿níbái mei ocuícáfue uáitano cue fúena putátatio? —daide.

⁴ Iemona afénori itino íena daidíaioi:

—¿Níbái daií Juzíñamui caifoide lletáriraimana báíñotio? —daidíaioi.

⁵ Jira Pablo daide:

—Amatiai, afémie caifoide lletáriraima ie íllana onóñedicue. Onódicueza Cuegúauillai daide: “O jofue ríimacina báíñoñeno iri,” —daide.

⁶ Iemona Pablo Nahí Ríillaini cígímo itínona fidide. Afémacimona dárie fariséuáimo jaináidiaioi. Jiáimaci saducéuáimo jaináidiaioi. Ie jira íaioina riire daide:

—Amatiai, cue fariséodicue. Afe emódomo fariseo ímie jitódicue. Ja birui cuemo jicánotiaioi, mei tídimaci meine abído cáailiruimo cue úíñua jira, —daide.

⁷ Daií dáina meífomo, fariséuái saducéuái díga conímamo jofu afefue riire júfidotiaioi. Iemona afénomo gairídino dázierie bozíetaidiaioi. ⁸ Afe saducéuái tídinona meine cáañeite daidíaioi. Afe emódomo Juzíñamui abí imácina íñede, daje izóí joríaiaína íñede daidíaioi. Mei íadi fariséuái nana aféfuiáimo ínotiaioi.

⁹ Nana caillídiaioi. Ie mei dárie ocuícáuái llófueraini naidáidiaioi. Afémaci fariséuái dibénemo jaináidiaioi. Caífo naidáillano daide:

—Bímie fiénidífuiaína caído llócaíñede. Níbái joreño íemo úrilla; níbai Juzíñamui dibénedo úaitañeíticai, —daidíaioi.

¹⁰ Afe júfiduafue riire anado jaide. Iemo llaizíraini illaíma Pablo íaioi tibéruari jacínaite. Ie jira aféllaíma íaioi cígímona Páblona llaizírainina oni uitátate. Uillano meine íaioi gairíracomo íena orétate.

¹¹ Afe jiáie naio Ocuíraíma Jesús Páblomo cíocaillano daide:

—Pablo, jacíruiñeno, abí mame. Benó Jerusalemo cuedo o úrilla izóí, daje izóí Rómamo úrizaitio, —daide.

Pablo fállena mámiafue

¹² Afe jiáiruido judíuáimona dáarie Pablo fállena maméritiaioi. Dani íaioi abí faidódiaioi. Jira fiénide uáillaído daidíaioi:

—Páblona nai cai fáñeille díno güíñeíticai, jíroñeíticai, —daidíaioi.

¹³ Afe daií úritimíai cuarenta baimo jaide. ¹⁴ Iemona afémaci lletáriraini illáinimo naa judíuái éinamacíri jáidiaioi. Dinomo daízaidiaioi:

—Dani cai abí fiéni daínáfuedo faidódicai. Pablo cai fáñeille díno güíñeíticai, jíroñeíticai. ¹⁵ Mai omoi naa jiáie Nahí Ríillainiri llaizíraini illáimamo Pablo

uire jiti atillifue jica. Fia daí íemo lloíri, meine nane íemo itifue izire omoi jicánollena. Afémie nai dúciñeite, afe atica llaitada íena títaiticai, —daídíaiói.

¹⁶ Mei íadi Pablo comoma afe Páblona íaiói fáiacanafuena fidíizabite. Iemona afémie llaizíraini gairíracomo Páblona llujide. ¹⁷ Mei jira Pablo jabóllaíma jírillano daide:

—Bie jitócome llaizíraini illáimamo úi. Afémiemo lloífueña íteza, —daide.

¹⁸ Afe jabóllaíma íena uillano, llaizíraini illáimana daide:

—Afe llaveca Pablo cue jírillano bie jitócome benó cue atillena jicade, afémiemo da lloífueña íteza, —daide.

¹⁹ Afe llaizíraini illaíma afémie ónoído oni eneno jicánollena uite; daide:

—¿Níifue cuemo lloíacadio? —daide.

²⁰ Jira afémie daide:

—Judíuai jae nana dáfuerrillano meine comeci facádiaíói. Uire jiti Pablo Nahí Ríillaini uícomo meine o atítallifue jicaitiaíói, meine íemo izire íaiói jicánollena. ²¹ Mei íadi íaiói jicállifue mo íñoñoeno iri. Afémacimona cuarenta baimo dígamie báinino Pablo fállena jónetiaíói. Afe fáiacadino dani íaiói abi faidódiaíói. “Pablo nai cai fáñeille dino, güñeíticai; daje izói jiroñeíticai,” daídíaiói. Ja birui afémie fállena ñue finóbidiaíói. Mei íadi o uai ollífuemo nai úiñoídiaíói, —daide.

²² Iemona afe llaizíraini illaíma afe jitócomena:

—Mai o jairi, —daide. Afe íemo ie lluaíbigafuena jiaímacimo “Lloñoeno iri,” daide.

Caifóidillaíma Félixmo Páblona orédiaíói

²³ Mei jira afe llaizíraini illaíma mena jabóidillaíma uáidote. Uáiduanó íaillinoína daide:

—Mai doscientos díga llaizíraini mácaítinona finóbitari. Afe llezica setenta dígamie cabállodo jáitínona finóbitari. Afe emódomo doscientos dígamie zídaiáiri jáitínona finóbitari. Nana afémaci nauilla baído Cesaréamo jáitiaíói, —daide.

²⁴ Afe llezica Pablo jaille cabállona finóbitade. Daje llezica Pablo ñue fañoeno cáanori caifóidillaíma Félixmo uitátate. ²⁵ Afémacido ciegabe orede. Afe ciegabe daide:

²⁶ “Cue Claudio Lisias mamécacue. Jamánomo cáimafuere de caifóidillaíma Félix, o uáidotícue. ²⁷ Judíuai bímie lláitano duere finótaacadiaíói. Iena fáiacadiaíói. Mei ie romano ímie íllana cue fidínamona cue llaizírainído íena ríiduaídícue. ²⁸ Iemo íaiói jítácafuena onóacadicue. Ie jira judío Ríillaini uícomo íena uitátaticue. ²⁹ Ie mei aillo íemo júfidogafue záilla meífomo íemo nífuena baiñédícue. Dani íaióimo ocuica uai ie jeire ie oñena íemo nitádiaíói. Mei íadi ie cue fallífuena íñede. Daje izói ie cue llavéllífuena íñede. ³⁰ Dani afémie íaiói nane fáiacanafuena cue fidínamona, íena omo orédícue. Afe llezica nana íemo fiénidífuiaí nitádnona daídícue: Mai Páblomo ní fue o nitáadi caifóidillaíma Félix uícomo o daízairi. Mai, jae níie.”

³¹ Mei jira nana llaizíraini íaiói illaíma ocuilla izói Pablo uitíaíói. Afe naío Antípatrijófue mo íena uitíaíói. ³² Afe jítiramo eíbado jaide llaizíraini meine íaiói íniracomo bitíaíói. Ie mei cabállodo jáidino Páblói nai Cesaréamo jáidiaíói. ³³ Dinomo afe Cesaréamo dúcillano, afémaci uiga ciegabe caifóidillaímamo izájidiaíói. Daje izói Pablo íemo fecádiaíói. ³⁴ Afebe facádua meífodo, caifóidillaíma jicánote:

—¿O nino ímiedio?

Pablo uai ote:

—Cilicia énie ímiedicue, —daide.

³⁵ Ie jira íena daide:

—Omo fiénidifuenta nitádino bíadi ona cácaiticue, —daide.

Afe mei Félix Páblona Herodes illaíma illaco áillocomo rairuítatinona uitátate, afécomo íena íaioi ñue rairuállena.

24

Félix uiécomo Pablo abi ríiduafue

¹ Jubécuiro dígarui illa meífodo lletáriraini illaíma Ananías Cesaréamo bite. Afémiedo dárie éinamaci bitíaioi. Dáruido, caifóidillaíma uiécomo raire úritimie bite. Afémie mámecei Tértulo. Nana afémaci caifóidillaíma Félix uícomo Páblomo jitácafuaí nítaibitiaioi. ² Pablo íaioi átia llezica, Tértulo íemo jíidífue riire nítade. Félixna daide:

—Cai izíruiga caifóidillaíma, ori ióbiacadicaí. Ñue záillafue caimo ite; íemo caimare llícaillafuemo iticaí. O fibíllafuedo nana ñue ocuícacaí. ³ Nana bífuiari nágagobiaido ióbioidicaí. Félix o iere jamánomo fígomiedio. ⁴ Mei íadi are o cue áfedoñeilleza cai úrillamo o cacáreillena omo izire jicádícue. ⁵ Bímie fiénide duico billa izóí bíllana ciódicaí. Naga éniiaido llócaide judíuai oni énenorie bozíetaillena. Afémie Nazaret ímie Jesumo ínotino ifódimie. ⁶ Icoímo cai Juzíñamuimo gairíraco ero bácajide. Ie llaitádicai ñue afémiemo cai ocuina uai daina izóí jicánollena. ⁷ Mei íadi llaizíraini illaíma Lisias aféfuemona caina rairuide. Iemona cai anámona íena ríifuedo oni bairode. ⁸ Afe emódomo caina daide: “Bie cómemo bifue jitádino odo bírediaioi.” Dama o afémiemo jicánorena, nana íemo cai jitácafue uáfueiteza. Daíí áfena uáfuenta onóitio, —daide.

⁹ Aféno mo jaide judíuai nana aféfuiaína uáfuaí daídíaioi. ¹⁰ Jira Pablo úrillena caifóidillaíma ónoído llote. Jira Pablo daide:

—O uícori cue abi ríiduafue jino caimare llóiticue. Jaiaí diga fimona bie nairai o jicánoraímana o íllana onódicueza. ¹¹ Ja doce dígarui íllamona Jerusalemo Juzíñamuimo áinozillano íemo caimare úrillena dúcidícue. Aféfuena dama o jicánorena, ñue o ónoillena. ¹² Bumo riire cue úrillana cacáñediaioi. Daje izóí Juzíñamui gairíracomo comínina fiéni faillíñaitañedicue. Iemo jíai Juzíñamui llófueriracomo daje izóí júfidogafuaí finótañedicue. Daje izóí nairai jófuedo nífuena lloñédícue. ¹³ Nana bimaci cuena nitácafuaína bu áfena uafue daínina. ¹⁴ Mei íadi dafue jino llóiticue. Judíuai fiéni mameca fiénidiodo jáidícue. Afe como Jesús lloga iodo cue jáillamona cai uzútiaí Moo Juzíñamuimo táijidícue. Mei nana cuega ocuica uáillaina ínoticueza. Afe daje izóí nana uai jino lloraini Cuegánicuaímo ite uáillaina ínoticue. ¹⁵ Iaióí Juzíñamuimo úñoínaí fue daide: “Tíidino ñúemaci fiénidimaci diga meine abido cáaitiaioi.”

¹⁶ Ie jira Juzíñamui uiécomo nífuenidimíena cue íllena jaca nágarui cue comeci ñue finófiredicue. Afe izóí comíni uícomo nífuenidimíena íacadícue.

¹⁷ ‘Ja diga fimona jáinuiaímo cue maca meífomo, meine cue éniemo Juzíñamuimo fia fecaca úcube izáibitícue. Afe izóí dúeredimacimo dúecaillano úcubena fécaibitícue. ¹⁸ Afe daíí cue fecá llezica, cue comécimo ite íaífuiaí cue múñuafuemo nícidotícue. Daíí cue comeci nícidua meífodo afe úcube cue fecalle llezica, dárie Asia énie judíuai Juzíñamuimo gairíracomo cuena baitíaioi. Aféno mo nai comínina figo íñena llezica itícue. Aféno mo ite comínina jaca buna faillíñaitañedicue. ¹⁹ Aféno mo cuena ciódino benomo cuemo jítaíbirediaioi, cuemo ní fue íaioi nitáadi. ²⁰ Mei jíáfodo nauí judíuai Nahí

Ríillaini uiécomo cue illa llezica fiénidifue cuemo nauí íaioi báíadi, benomo ite aféfuena cacáдино mai jino lloiri. ²¹ Aféruillaído íaioi cígiri cue illa llezica dafue riire íaioimo lloticue. Daídicue: “Ja birui cuemo jicánotiomoí tíidimaci meine abido cáailifuemo cue ínua jira.” Dino Pablo úrite.

²² Félix Pablo daí dainana cacáillano, aféfuena dinó fiénocaide. Afe Jesucristomo dibénemo itino finócafuiaina Félix ñue fibídimie. Ie jira aféfuena dinó fiénocaide. Fiénocaillano daide:

—Fui llaíziraini illaíma Lisias dúciadi bie ómoimo itifue afémie cuemo ñue jino llóite, —daide.

²³ Iemona Félix, jabóidillaímana ocuúde Páblona nai zuitatañellena. Mei íadi ie comini ie uáiduaíbillena rairuñede. Afe izói ie íaioi cánuaibillena jeruñede. Afe daí Félix Pablo figo riire llavétañede.

²⁴ Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jírítade Jesucristomo ínuaafuedo úrillena. ²⁵ Afe ínuaafuedo úrilla llezica Pablo ñue jaícina jáillifuedo úrite. Afe daje izói ñue comini íllena abi rairuínafuiái llote. Ie émodomo írairuimo comini jicánollifue jino llote. Aféfuíaina cacáillano, Félix jacínaite. Jacínaillano daide:

—Mai birui jai, uire cue jitáilliruido nane ona jíríticueza, —daide.

²⁶ Afe jáífue Félix, Pablo ie zuitalle úcube fecalle úiñote. Ie jira diga ícaíño Félix íena jíríríde ie diga úrillena. ²⁷ Mena fimona daí íhidiaioi. Afe mei Félix ie illáimana illano fáicanocaide. Ie meífomo Porcio Festo illáimana jónetiaioi. Félix judíuai uícori ñue íacanamona llavécamié Páblona zuitáñeno oni jaide.

25

Pablo Festo uícori abi ríiduafue

¹ Ie meífomo Festo ja illáimana bite. Afe mei daruíamani íllamona Cesaréamona Jerusalemo jaide. ² Dinomo lletáriraini illaini naa judíuai ríimaciri Páblomo íaioi nitácafuiái nane Féstomo llotíaioi. ³ Jerusalemo abido Pablo oréllena izire jicádiaioi. Pablo io anamo íaioi fallífuena maméritiaioi. ⁴ Mei íadi Festo íaioi uaimo daide: Pablo nai Cesaréamo llaveca. Nano íanori íllamona afénomo nane jáitícue.” ⁵ Jira íaioina daide:

—Ie jira omoí cígiri ite ríimaci mai cuedo Cesaréamo jairi. Afémiemo nífue íadi dinomo íemo nítajirediomoí, —daide.

⁶ Festo afe Jerusalemo nano ocho níbai diez dígarui illa meífodo meine Cesaréamo bite. Afe jáíruido ie riire jicánoranomo ráinazaide. Páblona atítate. ⁷ Pablo afénomo jofo jáidemo, Jerusalémona como dúcide judíuai íemo áinozidiaioi. Ainozillano aillo fiénide ráfuiái íemo nitádiaioi. Mei íadi aféfuíaimo ínollifueña íñede. ⁸ Mei jira Pablo ie abi ríiduafueña daide:

—Cue nie fiénidifueña finóñedicue. Judíuai ocuícafuiái uáitaoíñedicue. Iaioi gairíracó ero bácañedicue. Daje izói romano caifóidillaíma uáillaina uáitaoíñedicue, —daide.

⁹ Mei íadi Festo judíuai cígiri ñue íacade. Jira Páblomo jicánote:

—¿Jerusalemo abido jáiacadio omoí nitácafuiái dinomo cue jicánolleza? —daide.

¹⁰ Jira Pablo uai ote:

—Ja birui romano illaíma uícomo náidadicue. Ja benomo cuemo nitácafuiái jicánorede. Mei judíuaimo nífuenidímedicueza ñue onódio. ¹¹ Cue títaite fiénidifue cuemo íadi, áfemona abi jáanoñeitícue, mei íadi nana cuemo íaioi

nitácafuiái táinofue íadi, buna íaioimo cuena ríifuedo izájinide. Dama romano jamánomo ocuídillaíma cuemo jícano daidícue, —daíde.

¹² Iemo ie fidítatimíaimo úrilla meífomo, Festo daíde:

—Mei “Jamánomo ocuídillaíma cuemo jícano” daidízoa, ie jira afe jamánomo ocuídillaímamo ona óreitícue, —daíde.

Pablo illaíma Agripa uícomo illafue

¹³ Diga irui illa meífomo illaíma Agripa ie ai Berenice diga Cesaréamo Festo uáiduaide. ¹⁴ Afénomo diga irui itíailinoímona, Festo Pablo rafue Agrípamo llote. Iena daíde:

—Félix fiénocaiga llavécamié nai benomo ite. ¹⁵ Naui Jerusalemo cue jailla llezica, lletáriraini illáini, naa judíuai écominiri íemo íaioi nitácafuiái cuemo llotíaioi. Ie duere cue finótallena cuemo jícadíaioi. ¹⁶ Jira íaioi uai otícue. Iaioina daidícue: Romano ríimaci íaioi fibilla izói, afefue nitádimie íemo nitácamie uícomo conímamo jofo eróicana nai úriñenia, nitácamiena fañédiaioi. Afe daí táinofue nitácamie ie abi ríiduafuena finórede. ¹⁷ Ie jira afémaci benomo billa llezica, raire afe jííruido cue jícanoranomo ráinazaidícue. Ráinazaillano afe cómena atítatícue. ¹⁸ Mei íadi afémiemo nitádimio cue comeci daína izói nitáñediaioi. ¹⁹ Daa íemo íaioi nitácafue fia íaioi ínogafuiaímo jaináidífue. Daje izói da Jesudo úritiaioi. Afémiena tíide daidíaioi; mei íadi Pablo “Caade” daíde. ²⁰ Mei aféfuena onóñedicueza. Nie izói aféfuena níbaítícue, daidícue. Jira Páblomo jícanotícue: ¿Jerusalemo meine jáiacadio dínomo omo nitácafuiái ñue jícanollena? ²¹ Mei íadi afémie jamánomo ocuídillaíma Augusto íemo jícanollena jícade. Ie jira nai íena zuitáñedicue. Iena rairuídícue jííruido afe caifóidillaímamo ie cue oréllena, —daíde.

²² Jira Agripa Féstona daíde:

—Cue jíái daje izói afe íima uaimo cacáreacadícue, —daíde.

Jira Festo uai ote:

—Uire jítí cácaítio, —daíde.

²³ Afe jítiramo, Agripa Berenice diga dúcillano, áillue gairíraco nana jofo jáidiaioi, naa llaizáraini illáiniri, naa jofue ríimaciri. Ua aillo ebire finóbillano jofo jáidiaioi. Dínomo Festo Pablo jíiritade. ²⁴ Afe mei Festo illaíma Agrípana daíde:

—Illaíma Agripa, nana cairi benó gairídínori, omoi cácarei. Bímiemo omoi eroi. Aillo judíuai afémiedo cuemo úritiaioi. Benó Cesaréamo cuemo úritiaioi; daje izói Jerusalemo izire cuemo jícadíaioi. Jaca fáinocaiñeno ie titáacanafuena cuemo llotíaioi. ²⁵ Mei íadi afémiemo comeci facadícue, íadi ie cue titállífuena íñede. Mei caifóidillaíma Augusto íemo jícanollena dama jícade. Jira afémiemo íena oréllena mamédícue. ²⁶ Mei caifóidillaímamo afémie rafue cue cuellífuena íñede, ¿níífue mei cúeitícue? Ie jira, Agripa, bímie o uícomo atídícue íemo omoi jícanollena. Afedo caifóidillaímamo cue cuellífuena ónoítícue. ²⁷ Mei cue comeci daíde: Da llavécamié cue oréadi, íemo íaioi nitácafueña ónoñenia, níbai afefue táinofue, —daíde.

26

Illaíma Agripa uícori Pablo abi ríiduafue llote

¹ Jira afe Agripa Páblona daíde:

—O dama o abi ríiduafuena llórena, —daíde.

Iemona Pablo como fueñe íaioimo úrite; daíde:

2 —Illaíma Agripa, cue abi riídollifue o uícomo cue llólleri ióbídícue. Nana judíuái cuemo nitaca táínofuíai jino jaícina llóítícue. 3 Nana judíuái fibíllafuíaina ñue onódíozá. Daje izóí conímamo cai úrillafuena onódío. Aferi iere ióbídícue. Ie jira fíaicana cue úrillamo o cacáreillena jicádícue.

Pablo íemo itífue méiduafue uícomo fínócafúai

4 ‘Nai cue úruenamona dama cue éniemo, daje izóí Jerusalemo íaíoi cígiri nana judíuái cue illáfúena onódíaiíoi. 5 Daje izóí cue jitócomenanomona fariseo ímiena cue íllana onódíaiíoi. Afémaci jítaia aféfúena jino llóredícue. Cai ínogafuíaimo afe fariséuái jamánomo riire jaináidino. 6 Íaíoi ínogafue izóí Juzíñamui tíidino meine abído cáatallífúemo ínotícue. Juzíñamui daje afe cáallífue cai jáíairagímamo llote. Afefue ícoínia birui bie jicánollífúemo cuena atídíaiíoi. 7 Cai Israel doce nairái afe uícomo llogáuái fuizájillínomo úíñoidíaiíoi. Ie jira mona naío díga Juzíñamui áinozillano caímare úritíaiíoi. Afe izóí íemo táíjídíaiíoi. Illaíma Agripa, afe bie daje úíñogafue ícoínia, judíuái fiénidífúai birui cuemo nitádíaiíoi. 8 ¿Ñibái mei daíí comeci facádíomoi? ¿Ñibái mei afe Juzíñamui tíidino meine abído cáatallífúemo buna ínonide, daídíomoi?

Pablo nauí Jesucrístomo ínotíno rácafue

9 ‘Nazaret ímie Jesús mámecímo jaináidino duere cue fínótallena, nauí aféfúemo comeci facáoidícue. 10 Iemona Jerusalén imácina duere fínótatícue. Lletáriraini illaini ríibíaido aillo Jesumo ínotínona llavéracomo íbaicotadícue. Comíni afe llavécamací titáacana llezica aféfúena fairíotícue. 11 Díga ícaíño íaíoína duere fínódícue, íaíoi ínogafue féítallena. Afe duere fínótáfue naga llófueriracuaído daíí fínódícue. Afe ínotínona jamánomo fiéniruidícue. Ie jira afémacina onínemaci jófúemo racádícue.

*Pablo íemo itífue méidoínafue nane llote
(Hch 9.1-19; 22.6-16)*

12 ‘Bie daíí comeci mamérillafúedo Damasco jófúemo jáidícue. Lletáriraini illaini ríibíaido comíni llaitállena orécacue. 13 Mei íadí jaícíri ía íodo jáidícuemo, jamánomo monámona riire cuemo egáiñocaide. Afe egáiñua jítoma egáiñua baimo meáírede. Cue abímo egáiñocaide naa cuedo jáidínori. 14 Iemona nana éniemo baídícai. Hebreo uáíllaido monámona cuena daínana cacádícue; cuena daíde: “Saulo, Saulo, ¿ñibái mei cue racádío? O dama o abí fiéni fínódío. Aillue juráreto jíúrainomo íte jáírede razi. Afe rázimo juráreto záítacailla jilla izóí, afe izóí dama abí daíí fínódío” daíde. 15 Jira uai otícue: “Ocuíraíma, ¿mei o búdí?” Jira afémíe cuena daíde: “O racácamíe Jesúsícue. 16 Maí náídacaillano macácana jai. Jae cuedo o táíjillena omo cíocaidícue. Afemona birui o cíónafúemo uai nabáiraimana ítío. Ie meífomo jíáíruido jíáífúaií omo ácatatícue. Aféfúaimo nane uai nabáiraimana ítío. 17 Ja judíuaimona jíáíe jicáneziemo ona orédícue. Dínomo ona lláítaitíaiíoi íadí ona jíllotatícue. 18 Díno afeno imácímo ona orédícue, íaíoi comeci o zuitállena. Afemona, jítfodo íaíoi macáñeno úzefodo íaíoi macállena o orédícue. Daje izóí nana íaíoímo ona orédícue Taífe íaíoi náamatañellena, mei íadí Juzíñamui díbéfomo íaíoi jaináíllena. Afe izóí íaíoímo ona orédícue cuemo íaíoi íñollena. Iemona íaíoímo íte fiénidífúaií dófícaíte. Afe fiénidífúaiína dófícaídino íaíoi fecí raa máíñoítíaiíoi naa jíáíe Juzíñamui ñue fínócamacíri,” daíí Jesús cue ocuíde.

Nícaí anado Jesús íemo ocuícauí Pablo jeire ote

19 ‘Mei jira, illaïma Agripa, monámona cue cacánafuena jámairuñedicue; mei íadi áfena jeire uano fueñe Damasco imácimo afe úrilla uai jino lloticue. 20 Afe meífomo Jerusalén comínimo daje izói nana judea éniado llócaidicue. Afe izói jiái judíoñedinomo llócaidicue. Nana íaioïmo itífuiái íaioï meídollena riire lloticue. Iemona Juzíñamui dibénemo íaioï íficaillena íaioï llófueticue. Ñúfuiáido íaioï macállena lloticue íaioïmo ite meídogafue jino ácatallena. 21 Afe bífuiái cue llua ícoïnia, judíuai Juzíñamuimo gairíracomo cuena llaïtada fáiacadiaioï. 22 Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamai comíniri Juzíñamuido úricaidicue. Moisés llua izói lloticue. Jaiai uai jino llóraini llua izói llófueticue. Nana íaioï lloga caïmo ífcaitífuiái jino lloticue. 23 Jaiai ninomo uícomo llotíaioï: “Cristo duere finólleza,” daidíaioï. “Afe meífomo tíite; tíllano meine abido cáate. Afe daí fueñe tídimiemoná meine abido cáaitimiena maméllimieite.” Daí aféfuena daidíaioï. Afe emódomo jiáífue daide: “Cristo cáaillemona, comini jílloillifue jino llóite. Ua cai náiraïmo llóite. Daje izói jiáie náiraïana fidítaite,” —dinó Pablo úrite.

Pablo Agripa Jesucristo dibénemo jaináillena llote

24 Daí Pablo afe abi ríduafue llua llezica, Festo caillíoicana daide:

—¡Pablo, o uáiritaidio! Aillo rábiai o facáduamona o ífoci uáiritaide, —daide.

25 Jira Pablo uai ote:

—Fígomie Festo, cue uáiricoñedicue. Mei jiáífodo cue daináuai ñue comécido facádorede. Aféfuái uafue. 26 Benori illaïma Agripa ite, bífuiaina ñue onódimie. Ie jira comeci mánainafuedo afémie uiécori úriticue. Afémie nana bífuiaina ie onónana ñue onódicue. Afémie nana bífuiái báinino izúgumo lloñégaza onode. 27 Illaïma Agripa, ¿uai jino llóraini llogáuaimo ínotio? O ínuana onódicue, —daide Pablo.

28 Jira Agripa daide:

—¿Jesucristomo afe dibénemo cue jaináillena raïre cuena ífcaitaacadio? —daide.

29 Jira Pablo íena daide:

—Raïre Crístomo jaináidimiena o ífciaïadi, o are íllamona Crístomo jaináidimiena o ífciaïadi, nai birui Juzíñamui uaillai ñue jeire o ollifue jicádicue. Afe izói dama óieñedeza mei íadi cue Jesucristomo ínua izói nana cue úrillamo cacáreidino Crístomo ñue ínotinona jitaïdicue. Mei íadi llójeina cue máina izói ómoïna maítataacañedicue, —daide.

30 Pablo aféfuái llua meífomo, illaïma Agripa caïfo náidacaide, afe caifóidillaïma Festo diga. Afe llezica ie ai Berenice nana dinó ráiedino diga caïfo náidacaidiaioï. 31 Náidacaillano bai eneno jáidiaioï aféfuáido úrilla. Dinomo jofo conímana daidíaioï:

—Baïe cómemo ie titállifuena ñede. Daje izói llavéracomo ie llavéillinona ñede, —daidíaioï.

32 Jira Agripa Féstona daide:

—Bímie nauï jamánomo ocuídillaïma íemo jicánollena jicáñeniadi ja birui zuitárede, mei íadi báillaïmamo jicádeza zuitánide, —daide.

27

Pablo Rómamo oréinafue

1 Pablo Itáliamo oréillifuemo maméritiaioï. Iemona Pablo naa jiáie llavécamiari jabóidillaïma Júliomo izájidiaioï. Afémie Augusto llaizíraini

igüéllimo jainaide. ² Iemona Adramitio ígobemona áillue nocaedo jáizaidicai. Afecae nana Asia énie ígobiaido zíjicana ja jáizaide. Daje llezica Tesalónica ímie Aristarco caido jaide. Tesalónica Macedonia énie jofue. ³ Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuíñeno ie onóigamiaina uáiduajitade. Afe daí ie onóigamiaina Pablo jitaica raana fecárediaioi. ⁴ Sidón ígobemona jáidicai. Jaillano monáillai cigi idu Chipre jarífezimo fiéocaidicai, mei jairifo jáífodo cai ñuitáicaillamona. ⁵ Dinómona Cilicia énie áinodo Panfilia énie diga baído monaillai cigido jaitádicai. Afe mei Licia éniemo ite Mira ígobemo zíjidicai.

⁶ Dinomo llazíraini illaima Alejandríamona bite, Itáliamo jáizaide áillue nocaena cíozaide. Afécaemo afémie caina nana jofo orede, afénomona afécaedo cai jáillena. ⁷ Dinómona diga irui fíaicana juare jáidicai. Icoimo Gnido jofue féifenemo dúcidicai. Mei jairifo nai jáífodo oni cai ñuitáicaillamona monaillai cigi idu Salmón féifenedo jáidicai. Ie jira monaillai cigi idu Creta onido nefícana jáidicai. ⁸ Afe monaillai fue áinodo fíaicana juare jáidicai. Icoimo Buenos Puertos mámeciredinomo dúcidicai. Afégobe Lases jofue áinori ite.

⁹ Jae diga iruillai fia fíaicana jáidicai. Iemo ja uácimo áinozidicai. Iemona monaillai cigido cai jaitalle jamánomo jacírede. Ie jira Pablo íaioina izire llote; ¹⁰ daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai ñibai coróbaizaiticai, —daide.

¹¹ Mei íadi llazíraini illaima nocáe naama jáiacanafue Pablo dainafue baimo jeire ote. Daje izói afecae illaima daina uai llazíraini illaima jeire ote. ¹² Afégobe uáiciai úiñollena figo jinoñede. Ie jira nana comécido daidíaioi: “Ñibai Fenice ígobemo jáidicaina figura izoide,” daidíaioi. Afégobe Creta énie mona icoi dibénemo ite. “Afe dinomo uáici záillena úiñoiticaí,” daidíaioi.

Monáillaimo jamánomo riírede jairifo noci diga jáiñuafue

¹³ Afe jáíruido mona átue dinena jairifo fíaicana fúuoide. Jira afemo ínotiaioi ruica íaioi jáitallena. Afemona jáizaidicai. Afe Creta énie áinodo jáidicai. ¹⁴ Mei íadi due afe meífodo riírede jairifo cai jailla nocáe riire ñúitaibite. Ua afecae riire aiñóicaide. ¹⁵ Mei cai jáiacananomo jáinina jira, “Dama jairifo niné uigacai,” daidíaioi. ¹⁶ Iemona duera monaillai cigi idu Clauda jinófenodo jáidicai. Dinomo jairifo caina riire fúuoñede. Ie jira cai abido uiga dúecae, fíaicana juare caifo bitádicai. ¹⁷ Dúecae bita meífomo, áillocae jéerie ñécigaido riire jofo mozidicai. Afe mei guamáeamo íaioi bíjizai daíi jacírutiaioi. Afe guamáeai mámecei Sirte. Afe jágiedo íaioi ñuite vela daina áillue iniroi ana zúicoidiaioi, cai nocáe fia jairifo fíaicana úillena. ¹⁸ Afe jáíruido afe jairifo riire jaiñode. Ie jira íaioi uiga ráaie como fueñe afécaemona monáillaimo dócoidiaioi. ¹⁹ Ja daruíamani íllamo nocáe ero táijina ráaniai dani cai ónoído monáillaimo fádoidicai. ²⁰ Aféruillaído diga irui jitoma naa úcuai diga cióñena. Dinomo afe riírede jairifo llavécamiiai izói duere cai finode. Iemona nana jilloillena cai comécinafuiaí niné táinocaide.

²¹ Ja diga iruillai güiñeno iticai. Ie jira Pablo íaioi cigimo naidáillano daide:

—Nana omoi cácarei. Nauí Crétamona jáiñeiticai cue daina uaina jeire oñédiomoi. Afe cue daina uaina ñue ínotiomoinia bie izói duere zefuñedicaí. Daje izói nana cai atica ráaniai niné táinocaíñede. ²² Mei íadi, birui omoi jacíruiñeno iri. Bie nocaena niné táinocaite mei íadi ómoimona buna tíiñeite.

²³ Mei ja naio Juziñamui oreca ie abi ímie cuemo daiízaibite. Afe Juziñamuimo jaináidimiedicue. Afe izói íemo táijidimiedicue. ²⁴ Afe oreca abi ímie cuena daide: “Pablo, jacínaiñeno iri. Romano jamánomo ocuídillaíma uícomo náidazaitioza. Ie jira o illa ícoínia nana nocaedo odo jáidinona Juziñamui tíillinomona jíllotaite.” Dinó Juziñamui oreca ie abi ímie cuena daide. ²⁵ Ie jira abí omoi mameri. Juziñamui uaimo ínoticueza. Ie oreca ie abi ímie cuena daina izói bie cai duere zefuúllafuemoná ñue jino jáiticaíza. Afe bífuená ñue onódicue. ²⁶ Mei íadi benómona daa monaillai cigí ídumo jairifo caina nétaite, —daide Pablo.

²⁷ Mena semana cai jailla meífoto daa naio Adria monaillai cai illa llezica, riírede jairifo meine abido caina úioicaide. Iemo dáaferui illa llezica, marinéruai éniemo cai áinozillana comécido onódiaioi. ²⁸ Jira níe dinó afórede dainano facádiaioi. Facádiaioimo treinta y seis metros afórede. Nane afe baimo dáanomo facádiaioi. Ja veintisiete metros afórede. ²⁹ Nofíciáimo íaioi ñáijizaillana jacíruillano moi dibécaemoná cuatro díga nocáe cuinara lloéloici monaillai anamo dotádiaioi. Afe mei comeci jacíruioicana mona monaílle úíñotiaioi. ³⁰ Afe llezica afecae marinéruai “Bie áillocaemoná mai cai botallí” dani conímana daídíaioi. Afe daí íaioi botácanamoná emódomo bitaca dúecae ana jáinoimo agúínetiaioi. Afe llezica jáímacina jífueacana daídíaioi: “Bie dúecaedo áillocae ífo dibécaemo jáíe cuinara lloéloici dótaiticai,” daídíaioi. Daí afe nocáe ana agúíniado jífuercadiaioi. ³¹ Mei jira Pablo llaízíraini illáimamona nae íe llaízíraini riri lluanó daide:

—Baimaci bie nocaemo fiébiñeno botáadi ómoimona buna jílloneilleza, —daide.

³² Ie jira llaízíraini dúecae agúina ñécigai jaitádiaioi, afecae illemo baíllena.

³³ Afe monáidemo Pablo íaioina daide:

—Mai omoi güiri. Ja mená semana güíñédiomóiza; iníñédiomóí. ³⁴ Izire ómoína güítátaticue. Afe omoi güille jítaírede ñue omoi jíllóillena. Uafue ómoimona buna córobaiñeite. Daje izói omoi abímona mínícana due jiza báíñeite.

³⁵ Daí dainano, Pablo daa pan llínuano nana comíni eróicana Juziñamuina “fere figora” daide. Daí ñiano afe pan dídade güite. ³⁶ Afemoná nana náirefcaidiaioi. Afe daje llezica jáíno güítíaioi. ³⁷ Afe áillocaemo doscientos setenta y seis dígamédicai. ³⁸ Ja íaioi güíacaga güille güilla meífoto, fiébide trigo illemo dotádiaioi, afecae féecocaillena.

Afecae buúllafue

³⁹ Jae monáidemo, afe éniéna onóñediaioi, mei íadi guamá díga ñue itízuguaina cíodiaioi. Onóñegaza afénomo íaioi zíjizaillena maméritiaioi. ⁴⁰ Iemoná afecae cuinaina lloéloici ígai jaitádiaioi. Afe lloéloici monáillai anamo fiébicaide. Afecae datara jairábíai zuitádiaioi. Afe mei afecae uite iníroi ífófecaemo caífo jairífomo jóonetiaioi. Iemoná afecae oni guamáemo áinozioicaide. ⁴¹ Mei íadi mená meine ábiedo totínuaímo dúcídíaioi. Iemoná afecae afénori íte guamáemo bíjide. Ífófecae afe guamáemo jamánomo riire bíjide. Mei íadi móífecae naí ñue fairídemo, monaillai bagua níne llaízéraga. ⁴² Jira afécaemo íte llaízíraini llavécamiíai fáiacadiaioi, “Fíhí bótaitiaioi” dainano. ⁴³ Mei íadi afe llaízíraini illáíma Julio Páblona jíllotaacade. Mei jira íaioina fatátáñede. Jáífoto ocuide nana íiana onódíno illedo ícana raíre uícomo dúcillena. ⁴⁴ Jáímaci íiana onóñedíno afe nocáe lláicoízillabíci emódodo jáítate. Daí nana oni fuédamo dúcídíaioi. Afe daí ñue jíllodiaioi.

28

Pablo monaillai cigi idu Máltamo dúcinafue

¹ Nana ari éniemo ñue jíllobicaidicaimo, afe monaillai cigi idu, comini cai llúamona Máltana mámecirenana onódicaí. ² Afe nairai ñue caina llínotiaioi. Aillue irai bonódiaioi noci jáiñua rozirena jira. Aferai bónuana nana caina: “Mai omoi agáizaibi” daide. ³ Afe llezica Pablo záfegai llínota aférimo jóoniaide. Aferai uzire cácanamona titade jaio jino billano Pablo onoi ainide. ⁴ Afe nairai afe jaio ie ónoimo agüinana cióillano, conímamo llotíaioi:

—Ñibai baie iima come fáfiredimie. Meiti monáillaimona ñue jillode íadi, Juzíñamui jáicina jóidifue nana comínimo onótaiacanamona íena raamo jiritate ie jílloñeillena, —daí daidíaioi.

⁵ Mei íadi Pablo afe jaio iraimo jaidínota dotade; íena ñue izói ñibáñede. ⁶ Nirui íena fáitaite dainano áfemo nana ocuúridiaioi. Jáifodo ñino llezica íena ana dotada títaite daidíaioi. Mei íadi íena ja are úiñodiaioimo ñue izói íena ñibáñede. Ie jira nano comécido íaioi daináuai jáifodo meídotiaioi. Iemona bie Pablo Juzíñamui izóidimie daidíaioi.

⁷ Afe áinori afe illaíma Publio illánuaí ite. Dinomo daruíamani afe Publio caina ñue llínote. Cai jitaica raana ñue caimo fecade. ⁸ Aféruillaído afe Publio moo irárede. Bírallumo diga irui bífirede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juzíñamuimo íena jicade. Daí ie jica mei Pablo onoi íemo bitade. Iemona afémie jíllobicaide. ⁹ Afena íaioi fidínamona nana afédumo ite iráredinuaí Páblomo atídíaioi. Iemona nana jillozítiaioi. ¹⁰ Aferi íobillano aillo ñuefuaí caimo nitádiaioi. Afe mei nane dánomo cai jáiacanaruimo, nana cai jitaica ráaniaí caimo atídíaioi.

Pablo Rómamo dúcinafue

¹¹ Afe monaillai cigi ídumo dauíamani iticaí. Afe meífodo, jáie nocaena cióizaidicaí. Afecae nauí bie ídumo uáici zaille dino úiñote. Dinómoma afecae jáillado ruica jáidicaí. Afecae Alejandría jófuemona bite. Afecae ífomo mena taino juzíñamui uíecona cuega. Afe íaillinoi mámece Castór Pólux. Afecae aféillinoína náamaredena mameide. ¹² Dinómoma Siracusa ígobemo dúcidicaí. Afégobemo daruíamani iticaí. ¹³ Dinómoma fueda áinodo Regio ígobemo jáidicaí. Afe jáíruido jairifo mona átue dinena bíllamona Régiomona jáidicaí. Ja ménarui íllamona Puteoli ígobemo dúcidicaí. ¹⁴ Afénomo ite ámatiaí cióizaidicaí. Iaiói diga da semana cai íllena jicádiaioi. Afe mei ja Rómamo jáidicaí. ¹⁵ Jae Rómamo ite ámatiaí cai billáfueña uícodo fidídiaioi. Ie jira io anamo conímamo caimo dúcillena uícomo bitíaioi. Conímamo íaioi dúcinano “Foro de Apiona” mameide. Jáifodo daina, Apio iomo ite fecáriraco. Jáino mámece “Tres Tabernas.” (Afe mámece dobáñuano daina Daámani Dúcirachupi.) Afénuaímo Pablo éroicaillano Juzíñamuimo “Íere figura” daide. Iemona Pablo comece caimare íficaide.

¹⁶ Ie mei Rómamo dúcidicaímo llazíraíni illaíma Julio ie uiga llavécano rairuídino illámamo izájide. Mei íadi Pablo oni eneno dama ícomo uiga. Afénomo daa llazíraíma íena rairuide.

Pablo Rómamo Juzíñamui uai jino llote

¹⁷ Rómamo íaioi dúcinamona daruíamani íllamona Pablo Roma judíuaí illaíni jiritate. Iaiói garilla llezica Pablo íaioína daide:

—Amatiaí, judíuaímo fiénidifue lloñédicue. Afe izói cai jaiáidigíma fibíllafueña uáitaoíñedicue. Mei íadi Jerusalemo romano comínimo lláitano izájigacue. ¹⁸ Dinomo cuemo íaioi jicánua mei, cuena zuitácadiaioi cue íaioi

titállifue iñena jira. ¹⁹ Mei íadi judíuai jíáifodo cuena zuitatañediaioi. Ie jira romano jamánomo ocuídillaíma cuemo jicánorena daidícue. Mei íadi afe llezica cue náiraímo cue jitállifuena iñede. ²⁰ Mei jira omoi diga cue úrilla jírítícue. Mei cai bie daje Israel náiraídicaí. Daje cai Mesías billífue mo comécíidicaí; daje izóí meine abido cai cáaillífue mo úiñoidicaí. Afe cai úiñoigafue ícoiniadi birui benó llavécami cue llavéinana ja ciódiomoiza.

²¹ Jira íena daidíaioi:

—Jaca daabe o finócafuiái llua be caímo dúciñede. Daje izóí afénomona bite ámatiaí judíuai o mámeçido fiénidífuiaína nítaibiñediaioi. ²² O comeci fácafuiáimo cacáreacadicaí. Mei náganíáimo afe bie comue Jesumo jaináidinona onódicaiza uáitaoidiaioi, —daí íena daidíaioi.

²³ Ie jira meine íaioi cacáillíruí mamédiaioi. Afe maméinaruimo aillo nairaí Pablo illácomo nane garízai bitiaioi. Jítiramona ua nauízaidemo Pablo Juzíñamui illáimana illafue íaioímo llote. Moisés ocuica uáillaído Pablo Jesús dibénemo íaioína ínotaacade. Afe llezica Juzíñamui uai jino llóraíni cuega uáillaído Jesumo íaioína ínotade. ²⁴ Dárie Pablo llogáfue mo ínuaidiaioi, ie mei jíáimaci ínoíacañediaioi. ²⁵ Mei íadi nana dáafue mo comécíiñenamona raízítiaioi. Como raíacadiaioímo Pablo íaioína daide:

—Ñuera Joreño cai jaiáidígímacímo uai jino lloraíma Isaíado ñue úrite. Afémie daide:

²⁶ Baimácímo bifue llujáiri, daide:

Omoi uafue aféfuena cácaítímoí íadi áfena ónoñeítímoí.

Omoi uáfuena cíotímoí íadi ñue fídiñeítímoí.

²⁷ Mei bie comíni comeci meine fiéni rírenamona bie ñúefuena óíacañediaioi. Íaioi ífoci jáíainamona fiéni cacádiaioi.

Íaioi uíjiaí nitáoidiaioi daní íaioi uído áfena íaioi cíoi dáí.

Daje izóí íaioi jefodo cácañeíllena jefo íbáidiaioi.

Afe izóí comécido cacáacañediaioi.

Daje izóí meine cuemo bíacañediaioi, íaioi cue jíllotallena, —daí Isaías daide.

²⁸ Bífue omoi onoiri: biruímona bie Juzíñamui lloga jíllóillífue judíoñedímacímo llujáiga. Aféfuemo afémaci ñue cacáreítiaioi, —daide.

²⁹ Pablo daí dáínamona, judíuai aillo conímamo úricana jáidiaioi.

³⁰ Afénomona Pablo íe íbaca jofomo mena fimona fuitade. Nana íemo ráfuiaí jícanuaíbífiredinona ñue caímare llínofírede. ³¹ Aféruillaído Pablo Juzíñamui illáimana illafue jino uáfodo comínímo llote. Afefue íe jino llole rairuide cómena iñede. Daje izóí Ocuíraíma Jesucrístodo diga iruí llófuerite. Aféruillaído íe llófuerilla buna llótaidoñede. Maí. Jae ñíe.

ROMA COMINIMO SAN PABLO ORECABE La Carta del Apóstol San Pablo a los Romanos

Pablo Rómamo ite Jesumo ñnotinomo cuete

¹ Cue Páblodicue; Jesucristo ocuífregamiedicue. Juzíñamui cuena uáiduano eneno cuena nizede ie jílloña uai jino llóllena. Ua afémie orécacue; Juzíñamui mamécamedicue.

² Afe bie jíllonafue Juzíñamui jaiái ninomo uícodo ñuera Cuegáuaimo, ie uai llórainido jino llotátate. ³ Afe jíllonafue cai Ocuíraima Jesucristodo úrite. Afémie Juzíñamui Jitó. Iemo jáí afémie cai come izóidimie. Afe Jesucristo jaiái illaíma David méifoidigimamona jocócamie. ⁴ Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíllanomona afémie meine cáatateza. ⁵ Juzíñamui Jesucristodo, ñúefuena cuemo itátate. Aferi iere ióbídicue. Afefue cuemo illano, iere cuena canode, ie mámeçido oni jáínomo ie orécamiéna cue íllena. Bie cue ióbillafue ie mámeçido oni jáínomo cue oréllena. Afe cue oréinamona naga náiraíaido aillo Jesumo ñnotinona iite. Daje izói ie uaina jíéruitinona iite. ⁶ Afémacimona Crístomo ñnotinona itíomoiiza. Ie jira Jesucristo íeíena omoi íllena, Juzíñamui eneno omoi nizede.

⁷ Mei jira nana ómoimo cueticue Roma jófue mo itínodiomoi. Juzíñamui izíruigamacídiomoi. Afémie mo omoi ñue jáináíllena eneno uáidogamacídiomoi. Iemo ite caimátaíllafue, naa comeci caimare uái illafue diga ómoimo fécaíteza. Nana bífuíai cai Moo Juzíñamui cai Ocuíraima Jesucristo diga, ómoimo mámeíteza.

Pablo Rómamo macáacade

⁸ Nana ómoiri fueñe Jesucristodo “Iere figora,” cai Juzíñamuina daiífredicue. Ua daií daídícue mei nágagobiaído ómoimo ite ñuera ñnogafuedo úritiaíoi.

⁹ Jaca nana cue comécido Juzíñamuimo tájídícue, ie Jitó ñuera uai jino comínimo llóllena. Nane daje izói Juzíñamuimo comécido cue úriadi, ómoimo uibíofiredicue. Aferi Juzíñamui cue uai nabáidimie. ¹⁰ Bie ícoi iruimo ómoimo cue jáíllena Juzíñamuimo jíacáfiredicue. Ua Juzíñamui comeci jitaía, níbai níbéfodo ñue cuena óreite, ómoimo cue mácajillena. ¹¹ Mei ómoína cíóacadicue, Crístomo omoi ñnogafuíai cue cánuamona, ñue riire jáícina omoi íllena. ¹² Ua bie ñnogafue cuemo íteza ja ómoimo ite. Afe Juzíñamuimo cai ñnogafuedo conímamo cai úrillamona, conímaíaina comécina caimare náíretaitícaí.

¹³ Juzíñamuimo ñnote ámatíai, diga icaiño omoi diné cue jáiacanafue ómoína cue cíóíllena, ómoimo fídítaacadícue; mei íadi nai jaca jáinidícue. Omoi diné jáiacadicue ómoimona jáíamácina Jesumo jáináítallena. Ua jeede ria llízie jofu ua izói, afe izói Jesús uaimo ñnotinona itátaacadícue. Oni jáígobiaimona dáarie cue itata izói, daje izói, ómoimona itátaacadícue. ¹⁴ Mei cue naga cómemo ñúefuena cue llóllena iere jítaírede. Ua iere baitádinomo llóredícue; daje izói abína onóñedinomo daa fiéñeno llóredícue. ¹⁵ Iemona afe izói cue dibénedo nana afe jíllóilluái ómoimo jino ñue llúaíbiacadícue, jica Rómamo itíomoi íadi.

Ñúefue rírede

¹⁶ Bie ñúefue uai jino cue llólleri méairuíñeítícue, mei aféuaimo ite Juzíñamui ríino nana áfemo ñnotino jíllóillena. Nano fueñe judíuaina jíllotaite, ie mei daje izói judíuáíñedinona jíllotaite. ¹⁷ Bie jíllonauái Juzíñamui anamo ñue jáícina cai

íllena caina fiditate. Dama Jesumo cai ñnogafuiaido Juziñamui anamo ñue jaícina íticai. (Abi diné jiáiena ññede.) Jaiai Cuegáuai daí daide: “ñnogafuedo Juziñamui anamo ñue jaícina itímie, ziiñona cáate.”

Nana énie nairai íaiói fiénidifuiái ícoinia ite

¹⁸ Mei monámona bite Juziñamui ñere izire duere ñnuafue nana fiénidinomo, naa comécina jaícinañnedinomo jaiai zúillana, ja birui fidídicaí. Dani íaióimo ite íaifuedo ua ráfuenta ónuana rairuícaciaí. Daje izói afémaci jiáimacina ua ráfuenta onóillena jeruídiciaí. ¹⁹ Cai onoiga Juziñamui dibénemo itífuenta daje izói ñue onódiciaí; mei dama afémie íemo itífuenta nana caimo cíotateza. ²⁰ Juziñamuimo ite ie cíóñena raa, ie finócafuiado caimo ónorede. Jaca énie ñnuaruimona afémie nahí Juziñamui nana uáfodo ónorede. Daje izói afémie jaca riñnoredeza uáfodo ónorede. Bífuiaina comini náfueñediaí; íemona dani íaiói ícoinia daí ite. ²¹ Mei Juziñamuina onódiciaí íadi, íemo nitárede ññefuiaina íemo nitáñediaí. Daje izói íena “Figora” daífinidiaí. Mei jiáfodo ráifñede raamo comécidiaí. Íaiói abina onótatañede comeci jítifomo fiébicaide. ²² “Ñimáirainidicaí” daífirediaí íadi, abina onóñedinona jáidiaí. ²³ Ziiño Juziñamuimo ite ebíredífuenta ziiñoñede come jánaraina méidotiaí. Afe baimo figóñede jánaraina finódiciaí. Féedinuiaí jánaraina finódiciaí. Jaizai jánaraina finódiciaí. Táicaide rille jánaraina finoda jeire otíaí.

²⁴ Ie jira Juziñamui íaióimo ite fiéni comeci óiacanafuemo íaióina zóofete. Daí afémaci dani jofo conímamo méaifuiái finódiciaí. ²⁵ Juziñamuimo ite ua ráfuenta ñnoñeno táinofuiaí jeire otíaí. Afe emódomo ie finoca raamo ññefue nitádiaí, mei íadi fueñe afe finode Juziñamuimo ññefue nitáñediaí. Daje izói ie finoca raamo caimare ánozioidiaí, mei íadi nahí Juziñamuimo cáimadoñediaí. Bie Juziñamuina jaca ninomo cáimadoaredicaí. Daí íteza.

²⁶ Mei jira Juziñamui jiáie meáire comeci óiacanafuemo íaióina zóofete. Ringóniaí daa íaiói ini diga íllana féitaciaí; féitano aillo méaifuiái jiáinori otímaci. Juziñamui ringóniaí jóonia izói íacañeno afe jóoniafuenta uáitaciaí. ²⁷ Daje izói íñiaí daa ringo diga ñue íllana féitaciaí. Féitano fiéni illáfuedo íaiói abi bóobicaide, conímaíaimo fiéni finóllena. Afe íñiaí conímamo méaifuiái finódiciaí, íemona dani afémaci abímona comuídifueri duere zefuídiciaí. Bie izói Juziñamui íaióina duere finótate, dani íaiói comeci ífue jaícina jóiñena ícoinia.

²⁸ Ja mei Juziñamuina onóacañediaí, jira íaiói comeci jaícina jóiñenafuemo Juziñamui zóofegaiaí, Juziñamui rairuícáfuiái finódimaci íaiói íllena. ²⁹ Afémaci naga íaifuiáimo itíaí; comeci jaícinañnenafuemo itíaí. Daje izói jiruñrenafuemo itíaí; fiéni jítainafuiáimo itíaí; naga ráaniaina óiacanafuemo naa fiénidifuiái diga itíaí. Daje izói afémaci úradorifiredino; come titáfiredino. Fuiríllafuedo úritiaí. Jífuemarifirediaí; ññeodo jáiñedino. Táinona conímamo fiéni úrifiredino. ³⁰ Afémaci jiáima jánana fiéni úritiaí. Juziñamuina éoidiaí. Daje izói riímacimo náfueñediaí. Táinofuiáimo comécidino. Daje izói fiéni abi ñnotino. Fiénidifuiáimo comeci facada finófirediaí. Íaiói úruiaí móotiaí ocuícáfuenta jeire oñediaí. ³¹ Afémaci abina onóacañediaí. Íaiói daína izói finófinidiaí. Buna duéruñediaí. Caimare uáiduano iba óñellena onóñediaí. Daje izói afémaci jiáimamo dúecañediaí. ³² Juziñamui ocuíllana ñue onódiciaí, íadi óiacañediaí. Afe nana bie fiénidifuiáimo itino jaca ziiñona duere finólliaíza, áfena jiái onódiciaí. Onódiciaí íadi aféfuaina féitañeno nai

uícadiaioi. Nane bie emódomo jiáimaci afe fiénidifuiái finua llezica, íaioina: “Caimare bie izói cai illi,” daidíaiói.

2

Juzíñamui nahí uafue daina izói comínimo riire jicánote

¹ Jiáima fiéni illafue riire o jicánollena iñede. Naga come “Cue nífuenidícue” daíñidiaioi. Nana omoi dáafuemo itíomoi. Mei jiáimamo ite fiéni illafue riire o jicánua llezica, dama o abi duere finótaitio. Aféfuena riire jicánotio íadi, o jiái dáafuaimo itio. ² Mei jii, bífuiaimo itino Juzíñamui duere finótaja llezica, afémie nahí uafue daina izói riire jicánoteza, áfena onódicai. ³ Mei o, jiáima fiéni illafue riire o jicánua llezica, o jiái daje izói dáafuaimo itio. Daí o illa llezica “Juzíñamui ie duere finóllifuemona nibai cuena jíllote,” ¿daidío? ¡Jílloteitio! ⁴ ¿Juzíñamui omo ziiñona fuiñede dúecaillafuena jámairuitio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úbicaiñedeza, ero ua? ⁵ Mei o, comécina iere riiredioza. O comeci ífuena méidoacañedio. Iemona o duere finóllifuiaina aillo ofítaoicaidío. Ua Juzíñamui cíocaizaibilliruimo o jaícina jóoide duere fínuafue jino omo llóite. ⁶ Aféruido naga come dani íaioi finócafuiái izói, íaioimo ibátaite. ⁷ Aféruido ebíredifue jenódinomo, ziiñona cáataitino íaioimo iite. Daje llezica, nana Juzíñamui íaioimo ñúefue nitállena jenódinomo, naa ziiñona illa raa jenódino diga, Juzíñamui ziiñona cáataitino íaioimo fécaite. Aféfuiaina jenódiaioi, mei nágarui féitañeno ñúefue dibénemo ífirediaioi. ⁸ Mei íadi aféruillaído nana fiéni abi ínotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie ríifuedo duere fínoite, fiénidifuiái jeire íaioi ua jira. ⁹ Nana fiéni mácafiredinomo aillo duere zefuíllifue iite, naa jamánomo íaioi comeci zúunaillifue diga. Nano fueñe daí judíuaimo iite; ie mei jiái daje izói judíuaiñedinomo cómuite. ¹⁰ Mei jiáifodo ñúefuiai finódinomo, Juzíñamui íemo ite ebírenafue íaioimo iite, naa comeci caimare uái illafue diga. Daje llezica Juzíñamui íaioimo ñúefue nítaite. Nano fueñe daí judíuaimo iite, ie mei jiái daje izói judíuaiñedinomo cómuite.

¹¹ Comínimona dámie jiáie come baímo Juzíñamui gáigamie iñede. ¹² Nana fiéni itino Moisés ocuícafuena nai onóñena llezica, íco nine tánocaitiaioi, aféfuena nai onóñenano. Daje izói nana jiáie fiéni itino Moisés ocuícafuena onódiaioi íadi, afe daje bie ocuícafuedo riire jicánolliaioi. ¹³ Mei ocuícafuena táinona cacáidino Juzíñamui anamo ñue jaícina iñediaioi, mei íadi ocuícafuena jeire otino Juzíñamui anamo ñue jaícina itíaioi. ¹⁴ Dáarie ocuícafuena onóñede judíuaiñedino afe ocuilla daina izói dani íaioi comécido jeire otíaioi. Iemona afémaci dani abi lletádinona itíaioi. ¹⁵ Mei jii, íaioi ñue mácafuedo íaioi comécimo ocuica uai cúeinana ácatafirediaioi. Afe llezica íaioi comeci úrilla uai ñue íaioi uaina nabaide. Daje llezica íaioi ífoci úrillafue fiénidifue íaioi finóadi, áfena íaioimo llóite. Fiénidifue nai íaioi finóñenia, ¹⁶ Juzíñamui comínimo riire jicánolliruimo íaioi ífoci úrillafue íaioina ráruite. Aféruillaído naga comini báinino finoca raana Jesucristodo Juzíñamui riire jicánoite, cue lloga jíllouilluái daina izói.

Judíuai Moisés ocuícafuemo figo náfueñediaioi

¹⁷ Mei ja birui, “Judío ímiedícue” daidío. O jíllouillena, Moisés ocuícafuemo ínotio; o Juzíñamui dibénemo fiéni abina ínotio. ¹⁸ Juzíñamui comeci jitáinafue onódio; afe ocuícafue omo llote: “Nana o nícidogafuemo ñuera diga o nizeri”. ¹⁹ “Uínidino izóidino ífollena, ñue uáfueña onódícue,” daidío. “Daje izói

jítifodo macádinona ñue egáiñollena onódicue,” daidio. ²⁰ “Abina onóñedinona llófuere dicue,” daidio. Daje izói, “Urue izóidinona jaícina llófuere dicue,” daidio. “Ua nahí ráfuea onótate uai afe cai ocuícafuemo ite,” daíífredio. Afe izói, “Nana ifócido onóigafue caimo ite,” daidio. ²¹ Mei jiáimana llófuetio íadi, ¿nibái mei dama o abina lletáñedio? Omoi meririñeno iri daícadio íadi, ¿nibaí mei meririfredio? ²² Omoi jiruíreñeno iri, dama daícadio íadi, ¿nibaí mei jiruiredio? Jánaraiaina éoidio íadi, ¿nibaí mei íaioi illácomo ite ráifide ráaniai o mériano ráaredimiena jáidio? ²³ Ocuilla uai dibéfodo iere abi ínotio; mei íadi Juzíñamuina jámairuitio, afe daje ocuícafuena jeire o oñena ícoinia. ²⁴ Meita Cuegáuai ñue daide: “Judíuaiñedino omoi ícoinia Juzíñamuina fiéni úritiaioi.”

²⁵ Moisés ocuícafue jeire o oíadi omoi finófírena bacano icoi quétafue uáfuea omo ráifite. Mei íadi afe uai figo o ínoñeniadi, jaca quétañegamie izói ítío. ²⁶ Mei jiáifodo, daa bacano icoi quétañegamie ocuícafue daína izói jeire oíadi, afémie bacano icoi quetácamié izói facádoga, quétañega íadi. ²⁷ Afe bacano icoi quétañegamie, mei íadi ocuícafue jeire otímie, ona riire jicánoite, bacano icoi quetácamiéna o íadi, daje izói cuega ocuícafue omo ite íadi, mei áfena jeire oñedioza. ²⁸ Judíona jáillena dama jinófenemo cíoide ráaiñede. Daje izói bacano icoi quetácamiéna jáillena fia abimo cíoide ráaiñede. ²⁹ Mei íadi nahí ráfuiái jiáifodo jóide. Nahí jáidimie ie comécimo áfena jaide. Daje izói nahí bacano icoi quétafue comécimo dúide. Cuega ocuilla uaimo jaináñede; mei íadi come joréñodo ie comécimo ite. Bie izói ítimie comínimona jiéruíñegaza, mei íadi Juzíñamui jiéruiga.

3

¹ Judío ímiéna cue íllemona ¿minica mei baímo óíticue? ¿Bacan quétafue mei nibénemo ráifide? ² Judío ímiéna cue íllamona áillofuiái ícoinia ñue ííticue. Daje izói quétafuemo aillo ráifinafue ite. Nano fueñe Juzíñamui ie comeci úrilla uai Judíuaimo orede. ³ Iaiomona dáarie íaioi ínogafuena féitatiaioi. Féitatiaioi íadi, Juzíñamui lloga uai jáanonide, mei afe Juzíñamui jaca féitafinidimie. ⁴ Ie íaioi féitaja íena nie izói nibáiñede. Mei jiáifodo íteza: nana comini taino llófredino ille llezica, Juzíñamui nana ie jetáacaigafuena nai uáfuea jaícina finode. Daí Cuegáuai úrite:

O daína uáillaímona jaícinaidimiena o íllana ónoitiaioi.

Riire o jicánua mei, comini ñue ínogamiéna ítío.

⁵ Mei caimo ite fiénidifuedo Juzíñamui jaícinaidimie illáfuea jino uáfomo cíotaiadi ¿nie izói dáíticai? ¿Mei Juzíñamui cai duere finóllena jaícinaíñedimie? (Jamai come úrilla izói úriticue.) ⁶ Mei íeñedeza. Mei Juzíñamui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

⁷ Mei cue tánofuíaído Juzíñamui uafue nai jamánomo cue ebíruíadi, ¿nibaí mei fiénidimiedicue izói Juzíñamui riire cuemo jicánote? ⁸ Bie uáfuea, ñúefue bíllena nibái mei fiénidifuea finóñedicaí. Afe bie izóidifue llófuiana dáarie caimo jítádiaioi. Bifue caimo jítáidino comeci fiéni jítainafuedo úritiaioi. Bie izói ítino duere finólliaioi.

Nana caimo ite fiénidifue ícoinia

⁹ ¿Mei níifue? ¿Cai bie judíuai jiáie comini baímo ñuera? Mei ua íeñede. Ja como fidítaticai judíuai naa jiáie comini diga riirede fiénidifue anamo ítíaioi.

¹⁰ Jaiái Cuegáuai daí daide:

Buna jaca íaifuenidimiena iñede.

Jaca ninó daa ñúemienna iñede.

¹¹ Daje izói jaca ninó ñúefuena onóacadimiena iñede.

Daje izói Juzíñamui daa jenódimiena iñede, ie dīga íllena.

¹² Nana Juzíñamuimona onido jáidiaioi.

Afémaci dani fiénidimacina jáidiaioi. Buna ninó ñúefue finóñena.

Jaca ninó daa iñede.

¹³ Iaioi úriragoi íbaiñega raiafo izoide, mei iere íaire úritiaioiza.

Iaioi fuedo jífuemarifirediaioi.

Iaioi fuemo ite úrilla jaio aifoi izoide, mei jiáima jánana iere fiēni úritiaioiza.

¹⁴ Afémaci daa faidórafuiaido úritiaioi, naa íairede uáillaído.

¹⁵ Come titállena jarire áizicaidiaioi.

¹⁶ Iaioi fiēni illáfuedo aillo jiáimaci táinocaitadiaioi.

Daje izói comínina zúnaitadiaioi.

¹⁷ Afémaci comeci caimare uái illáfuedo onóñediaioi.

¹⁸ Daje izói afémaci Juzíñamui ñue jacirenafuemo due jiza comeci facáñediaioi, —daí jaiāi Cuegáuāi daide.

¹⁹ Nana jaiāi ocuícáfue daina uaina, afe ocuícáfue anamo itínomo dúide. Bífuedo ñue onódicaiza. Daí Juzíñamui mamérite, nana comini úrillana líicaitallena; daje izói naga nairai Juzíñamui riire jicánollifue anamo íaioi itábicaillena. ²⁰ Ocuica uai jeire cai úado, buna Juzíñamui anamo ñue jaícina iñeite. Ocuícáfue caina jílotañeite; daa caimo ite fiénidifuiaina caina onótate.

Jíllollifue cai ínogafuedo comuide

²¹ Mei birui, jácara ocuícáfue oni eneno fiāno, Juzíñamui anamo ñue jaícina cai íllena afémie cómofuedo caimo onótate. Bie cómofuedo uai lloraini cuegánico facádoiadi ónorede. Daje izói ocuilla uai cúeinanicomona jái ónorede.

²² Juzíñamui anamo ñue jaícina cai illifue bífuedo ite. Dama Jesucristomo cai ínuado bie izói íiticaí. Nana ie uaimo ínotinona afémie daje izói finoite; dáamie jiáimie baímo gáíñeno nana dájerize jaícina jóoneite. ²³ Mei naga come fiénidifuiarede; jílotaite Juzíñamuimona nana jica itíaioi. ²⁴ Mei íadi Juzíñamui caimo dúecaillanona, fia íbátáñeno ie anamo ñue jaícina caina itátate. Mei dama ie jító Jesucristodo caina jílloate. ²⁵ Cai finoca fiénidifue íbana Juzíñamui Jesucristo tíllamo dane ote. Iemona íaifuedo dogā izói iticaí. Bie múiñuafue cai ínogafuedo caimo dúciite. Bífue daí íficaide Juzíñamuina jaícinaidimie daíllena. Mei jaiāi finoca fiénidifuiāi íbana raire otátáñede; afémie comécina járidoñedimie. ²⁶ Daje izói daí íficaide birui Juzíñamui jaícinaidimie daíllena. Nana Jesumo ínotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidimiena íoicaite.

²⁷ Ie mei ¿come abí ínuafue mei nie izói ite? Afe abí ínuafue oni eneno fiébicaite. Ocuícáfuiāi jeire íaioi úado nai fiēni abí ínuafuemo itíaioi. Mei íadi Jesucristomo ínogafuemo fiēni abí ínollifuedo iñede. ²⁸ Nana cai llogáfuiāimona bifue jino llúana ñue baite. Dama Jesumo ínotimie Juzíñamui anamo ñue jaícina írena. Ocuica uailāi afémie jeire ua oni jiáifodo joide. Afena Juzíñamui náfuēñede, dama íemo ínuana náfuete.

²⁹ ¿Meita Juzíñamui dama judíuāi íena? Ieñede. Daje izói afe Juzíñamui judíuāiñedino ie. ³⁰ Mei jii Juzíñamui damade. Afémie baímo jiáiena iñede.

Afémie nana íemo ínotinona ie anamo ñue jaícina itátate. Afémaci bacano icoi íaioi quétajana náfueñede. Daje izói quetáñenana náfueñede. ³¹ Ie mei nibai dámie jicánoite. ¿Meita cai ínogafuedo ocuilla uaina uáitaiticai? Ieñedeza; úaitañeiticai. Mei jiáifodo Jesuna cai ínuado afe ocuilla uaina uáfueña jieruiticai.

4

Abraham Juzíñamuimo ínua izói cai ínollena cai onótate

¹ Mei áfemona cai jaiáidigima Abraham dibénemo jiáifue jicánoiticaí. ¿Afe Abraham mei nie ñúefue ote? Daina uai jeire ie ófirenamona abí dine nífuena oñede. ² Mei Abraham ie finócafuiado Juzíñamui anamo ñue jaícina ie itábicaíadi, afémie abí ínorede. Mei íadi Juzíñamui uícori afémie abí ínonide. Ie finócafuiado Juzíñamui anamo ñue jaícina itátañega. ³ Mei jiáifodo Cuegáuai daina izói, “Abraham Juzíñamuimo ínote.” Iemona Juzíñamuimo ie ínuado Juzíñamui íena “Íaifuenidimedio” daide. ⁴ Da come táijíadi, afe táijina iba fia íemo dúecaillano íñega; afe táijitatimie íena íbárede. Mei íadi cai jíllouillifue cai táijicanado iba llínua izói llínnonide. ⁵ Mei jiáifodo, dámie jíllona táijina finóñeno, ie jíllouillena dama Juzíñamuimo ínorede; mei Juzíñamui íemo ínote íaifuiaredimiena llínnofiredeza. Mei íemo Juzíñamuimo ie ínuado, Juzíñamui íena: “Íaifuenidimedio,” dáite.

⁶ Dama David come cáimafuiado úrite. Dámie ie uícodo finócafuiaina Juzíñamui náfueñede. Ua náfueñede, mei íadi íemo ie ínuado Juzíñamui íaifuiainide dainámiena afe ínotimie jaide. Afe daiítadimie iere caimare ite.

⁷ David daináuai daide:

Iaioimo ite fiénidifuiaina Juzíñamui dogánona iere íobidiaíoi.

Daje izói íaifuiaina oni féitagamíai iere íobidiaíoi.

⁸ Daje izói íaioimo ite fiénidifueña náfueñegano iere caimare itíaiíoi.

⁹ ¿Meita bie cáimafuiái dama bacano icoi quetaca judíuaimo duide? Ieñedeza; nana comíni íena mameide. Jira bacano icoi quétañega judíuaiñedimacimo daje izói afe cáimafue íaioimo duide. Jae llotícueza Abraham Juzíñamuimo ínuado Juzíñamui íena: “Íaifuiainidimedio,” daide.

¹⁰ Mei íadi ¿íiruido daí íena daina? ¿Bacano icoi quetaa mei daí daina? ¿Nibai quétañenia daí daina? Jii, uáfueza, nai quétañena llezica daí íena daina. ¹¹ Afe: “Íaifuenidimedio,” daina méifodo, Abraham bacano icoi quétafuena Juzíñamui ocuide. Bie quétaínafue onóillena jónega raa izoide, Juzíñamui ja bímie ie ínuafuedo íaifuenidimie daíllena. Daí Abraham nai quétañena llezica Juzíñamuimo ie ínuamona, nana judíuaiñede ínotino moona jaide. Iemona Juzíñamui daje izói nana afémacina: “Íaifuenidimioi,” daide. ¹² Uáfueza. Abraham nana afémie dama ie ínua izói ínote quétacano moo. Mei nanoide cai moo Abraham ie bacano icoi nai quétañega ía, ñue Juzíñamuimo ínoteza.

Juzíñamui jica ía raíre llogáuai comíni ínuamona ñue ícoimo fuitaca

¹³ Mei jii, Juzíñamui Abrahana ñuera jica ía raíre fidítauai daide. Aféuai llote: “O nana o erófene ígímaíari nana éniéna máíñoitíomoi.” Abraham Juzíñamuimo jaiái uícodo ínua jira, Juzíñamui bíuai íemo llote. Fia ocuilla uai ie jeire úado Juzíñamui daí íena daíñede. Ua, dama Juzíñamuimo ie ínuado Juzíñamui íena: “Íaifuenidimedio,” daide. ¹⁴ Mei dani ocuilla uai jeire otino ñúefueña íaioi maíñóadi, íemona ínogafue comíximo figo jínoñede.

Daje llezica Juzíñamui jica ia raire llogáuai ráifinano niné feide. Mei íadi daiñadeza jiáifodo joide. Juzíñamuimo cai ñnuafuedo ie caimo lloga ñuefue na maiñoredicaí. ¹⁵ Ocuilla uai llóina meifodo aféuai jeire oñédino duere finótalliaíoi. Mei íadi ocuilla uai nai lloñena llezica, aféuai náfuenide.

¹⁶ Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene igímaíai afe ñuefue jeire íaíoi óllena. Mei jira, afe Juzíñamui lloga ñuefue, fia fecaca raa izóí comini Juzíñamuimo ñnuado íaíoi mo írede, mei áfena íaíoi ñéfina cígimona ónidiaíoi za. Bifue daiñacade, Juzíñamui uícode raire llogáuai daa ocuilla uai jeire otino íeñedeza, mei íadi nana Abraham ñnuado izóí ñnotino ie. ¹⁷ Iemona Abraham Juzíñamui eróicana nana cai moona jaide. Abraham afe Juzíñamuimo ñue ñnote. Jaíai Cuegáuaido Juzíñamui Abrahana daí daide: “Aillo náiraíai moona ona jóneticue.” Afémie daí daírede, mei Juzíñamui tídinona meine abido caátaitaredeza. Daje izóí ñede ráaniaína Juzíñamui itátarede.

¹⁸ Aféfuíaimo Abraham fáicanocaiñeno ñnoide. Ua comini daína izóí Abraham jamánomo jónaiteza, ja úruenide. Abraham daí úruereillinona úiñonina llezica nai Juzíñamuimo ñnuano úiñnoide. Afe daí Juzíñamui íena daína izóí, Abraham “aillo náiraíai moona” jaide. Juzíñamui bie izóí íena daide: “O uícode erófene igímaíai aillo jébutiaíoi,” daide. ¹⁹ Abraham cien fimónamo ánozide íadi, ie ñnogafue jaca féñede. Afémie jónailla izóí ie ai jónaillana onode. Ua afengo iere jónaillamona tíiacade. Jae úruena comúitanide. ²⁰ Mei íadi afe llezica Abraham jizíñeno Juzíñamuimo ñnofirede. Juzíñamui jica ia raire llogáuaina ruifíruíñeno nai íemo ñnoicaide. Mei jiáifodo Abraham áfena féitañeno iere izire ñnote. Jaca comeci rairuíñeno Juzíñamuimo úrioicaide. Juzíñamuimo íobioicana úrite. ²¹ Afémie daide:

—Nana jaíai Juzíñamui jica ia raire cuemo lloga rafue Juzíñamui uáfue na cuemo zúitaite, —d-aide. ²² Iemona, íemo ie ñnuado Juzíñamui íena daide: “Íaifuenidimiedio,” daide.

²³ Bie Juzíñamui Abrahana daína “Cuemo o ñnuado jae íaifuenidimiedio” daa Abrahamo cúeñegaza, ²⁴ mei íadi nana caimo cuega cai ñnollena. Mei jira tíllanomona cai Ocuíraíma Jesús cáatate Juzíñamuimo birui ñnoticaí. Iemo cai ñnuado caina: “Íaifuenidimiodiomoi,” daíte. ²⁵ Afe Jesús caimo ite fiénidifue ícoínia duere finótagamiena jaide. Afe mei Juzíñamui anamo ñue jaícina nífuenino cai íllena afémie cáataga.

5

Juzíñamui “Nífuenidimiedio” daína méifomo ñue cai illifue

¹ Mei afe jira, dácaíño Juzíñamui anamo ñue jaícina nífuenino cai illa mei, meine abido Juzíñamuina jáciruñeíticaí. Afe comeci caimare uái illafue cai Ocuíraíma Jesucristo ie tíllado cáiena ote. ² Mei jii, cai ñnuado bie afémie cai cánuafue dibénemo jónegacaí. Aferi izire jaináidicaí. Iemona íobifiredicaí, mei Juzíñamuimo ite ebíredemona cáiena oni máíñoiticaí za. Afemo ocuítiticaí. ³ Daa bie cai ocuírillamo íobiñeíticaí, mei daje izóí duere cai zefuúllifue mo íobiticaí. Mei onódicaí za duere cai zefuúllifue cai comeci járitañenafue caimo comuide. ⁴ Iemo afe comeci fígomie dáinana caina jáitate. Iemo fígomie dáinana mei Juzíñamui cáimafue mo úiñoifireíticaí. ⁵ Iemo bie úiñoínafue caina zúucaitañeite, mei Juzíñamui caina ie izíruillafue ñue caimo llóteza. Bie caina ie izíruillafue na ie oreca Ñuera Joréñodo onódicaí.

⁶ Dani cai ñéfina cigimona jillonidicai. Daií cai illa llezica, Juzíñamui jica ia mamécaruimo, Jesucristo nana fiénidino ifomo tíizaibite. ⁷ Biniemo comécina jaícina jóidime tílla ifomo títimiena iñede. Mei nibai jamánomo figomie ifomo, daa tírede. ⁸ Mei jiáifodo cai fiene illa llezica, Cristo cai ifomo cai jilloillena tíizaibite. Afedo Juzíñamui caina ie izíruillafue caimo cíotate. ⁹ Iemona ja birui Cristo tíllamona Juzíñamui anamo ñue jaícina itícaiza, ie jira lírairuimo ite duere finuafuemona, Cristo cai rairuillado, jamánomo oni eneno íredicai. ¹⁰ Nai afemie bacáuai imácina cai illa llezica, ie Jitó cai ícoinia tíide. Daií ie tíllamona, Moo Juzíñamui comécina jáciruitañegacai. Ja birui cai comeci íena jáciruiñenamona, birui ie cáanado jamánomo ñue jílloredicai. (Ua caade Cristo Juzíñamui uícomo caído úrite. Afe daií ie úrioinado, íco bite duere cai finóllifuemona jíllotícaí). ¹¹ Daa bífueñedeza, nane bie emódomo cai Ocuíraima Jesucristodo Juzíñamuimo íobioitícaí, mei afe Crístodo Juzíñamuina cai jáciruiñenafuena otícaiza.

Nanoide Adán caimo comuítagafuemona Juzíñamui caina éoicaide; mei jiáifodo Cristo caimo comuítagafuedo Juzíñamui caimare caído eróicaide

¹² Mei onóigaza, dáamiemona fiénidifue nana comínido jaide. Ie mei afe fiénidifuemona tíllafue daje izóí naga cómemo comuide, mei naga come fiénidifuiaredeza. ¹³ Moisés ocuilla uai nai iñena llezica, fiénidifue jaca comínido ite. Mei íadi ocuilla uai nai iñena llezica, afe fiénidifue comínimo nítañega. ¹⁴ Mei íadi jaíai Adán illáigimamona Moisés illáigimamo fiénidifuiái finódino tícoizifírediaíoi, mei titade ríino anamo itíaióiza. Juzíñamui jónega íaióí comeci ñue úrilla uaimo náfueñediaíoi. Daií náfueñenamona íaióí fiénidifue comuide. Mei jiáifodo Adán fiénidifue Juzíñamui uáfodo lloga rairuica uai jeire ie oñenamona comuide. Mei íadi bie Moisés uícodo itino fiénidifue jáínodo comuide. Adán finoca fiénidifue izóí comuíñede. Afe Adán uire biite Cristo jana.

¹⁵ Adán náfueñegafue Juzíñamui caimo fia iga cáimafue izóíñede. Mei dama Adán náfueñegafuedo nana comini tímáritiaíoi. Mei íadi Juzíñamui raiñóño caimo fecaca jíllonafue jamánomo baímo ñuera. Dama Jesucristodo aillo comini canócaiaíoi. ¹⁶ Dáamiede finoca fiénidifue jaca Juzíñamui caimo fecaca jíllonafue izóíñede. Mei afe daade Adán náfueñegafuemona cai duere finóbillifue zúde, mei jiáifodo Juzíñamuimona caimo lloga jíllonafuedo, Juzíñamui raiñóño aillo comínina ie dibénemo ñue jaícina itábicitate, aillo íaióí náfueñegafuiaí íaióímo ite íadi. ¹⁷ Mei jii, daa come náfueñenamona titáfírede ríino anamo nana comini are ninomo itíaióí. Mei jiáifodo dáamiede Jesucristodo nana Juzíñamui anamo raiñóño ñue jaícina jónegano, jamánomo baímo ñuera zíiñoa íaióí ille ríino óítiaíoi.

¹⁸ Mei dáii Adana náfueñegafuemona duere finóbillafue nana comínimo comuide. Daje izóí Jesucristo nífuenide comécimona tíizaibillafuemona, duere finóbiñenafue nana comínimo zuide. Daje llezica zíiñoa cai illifue caimo comuide. ¹⁹ Bie daide: dáamiede jeire óñegafuemona nana comini fiénidifuiaredinona jáidiaíoi. Mei íadi dáamiede Jesucristo jeire ogáfuemona aillo comini Juzíñamui anamo nífuenidinona ñue jónegaiaíoi. ²⁰ Mei jaíai Juzíñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai llua mei caimo ite fiénidifuiái aillo jebuide. Mei íadi daje llezica Juzíñamui caimo dúecaillafuiaí daje izóí afe fiénidifuiái baímo aillo jamánomo jebuide. ²¹ Iemona, fiénidifue caimo íllamona afe rírede fiénidifue

caina titárede. Daje izói Juzíñamui caimo izire dúecaillano, Juzíñamui anamo nífuenino ñue jaícina cai illa llezica, cai Ocuíraima Jesucristodo, afémie caina zíiñona cáatarede.

6

Comini fiénidifuiamo íllamona tíidino izóidiaioi, mei íadi daje llezica afémaci Crístomo ínuamona cáadiaioi

¹ Nana bie caimo llógamona ¿nie izói dáiticaí? ¿Mei nibai fiénidifue finócana uiticaí, Juzíñamui jamánomo caimo ie dúecaillafue caimo ácatallena? ² ¿Mei íeñedeza! Cai bie ja fiénidifue dibénemo tíidinodicaíza ¿mei nie izói, fiénidifuemo nai íocaiticaí? ³ ¿Nai bífuena onóñediomoí? Nana cai ie báutizaillaruiamona Jesucrístomo uáfueña jainaina llezica, dáaruido afe Cristo tíilla dibénemo jaináitagacaí. ⁴ Mei jii, cai báutizaillaruiamona Cristo diga dáafomo raigacaí izóidicaí. Iemona aféruimo tíidinona maméidicaí. Ua tíidinona mamécacaí, áfemona Cristo ie tíillanomona meine abido cáadimiena jailla izói, birui cáadena cai jáillena. Daí cai jaillano cómfuemo íocairedicaí. Mei jii, Cristo ie Moomo ite jamánomo ñuera ríinodo meine cáadimiena jáitaga, íemo daje izói afe daje ríinodo cómfuemo íocairedicaí.

⁵ Uáfueña dáitícue, Cristo tíilla izói tíidinona jae mamécacaí. Iemona daje izói ie meine abido cáadimiena jailla izói, dani cai tíillanomona meine cáataga izói cómfuíaímo íredicaí. ⁶ Cristo cruzmo coraíca llezica nauí fueñe cai illafue dáanomona titácaza onódicaí. Uafue, afefue titaca, nanómona cai comécimo ite fiéni gáinanona caina anáfenoñeíllena. Iemona fiénidifue dibénemo rairuícana íñeiticaí. Daje izói ríire táíjitatimíemo jainaina izói, fiénidifuemo jáinaiñeiticaí. ⁷ Mei jii, Cristo diga tíidimíe ja íaífuemona oni jírecaide. ⁸ Iemona dácaíño Cristo tíilla izói dáanomona afémie diga, cai comeci fiéni óiacanafue tíide izói féitaga. Nauí daí ie diga cai tíillamona, daje izói biruíllaído afémie diga cai íllana ua onódicaí. ⁹ Mei onódicaíza, Cristo dácaíño tíillanomona meine abido cáadimiena jaide. Daí meine jaillano ja meine abido dánomo tííñeite. Afémie ja ménacaíño tíinide. ¹⁰ Mei Cristo ie tíillaruiamo, fiénidifue dibénedo dácaíño tíide, jaca ninomona nane tííñeíllena. Mei íadi afémie meine cáadena jaillano ie cáananona Juzíñamuiamo duide. ¹¹ Daje izói, mai fiénidifue dibénemo tíidino izói omoí iri. Mei jíáfodo Juzíñamui íena cáadinona mai omoí iri. Afemo izire comécimo mai omoí facáoiri, mei cai Ocuíraima Jesucrístomo dájena jaináidiomoíza.

¹² Ie jira fiénidifueña omoí abina náamatatañeno iri; afefue omoí zíiñona íñena abí ana úillemona abí omoí rairuiri. Mei Taífe comuítaga caimo ite íaífué cai abí fiéni jítainafue jino déíllena ocuíoideza. Afemona izire abí omoí rairuiri. ¹³ Dani omoí abina fiénidifueña finótañeno iri. Mei jíáfodo dani omoí abina Juzíñamuiamo omoí jaináitari; ua, tíillanomona meine cáadena jaide izóidino afémíemo omoí abí jaináitari. Ie jira nana omoí abina Juzíñamui ñúefue finóllena, omoí jaináitari. ¹⁴ Ja benómona fiénidifue ómoína ana úíñeite. Mei ocuilla uai anamo ja íñedicaíza; mei jíáfodo Juzíñamui caíri dúecaillafuemo itícaíza.

Comini jacire ríire rairuíllaruimona daa ráfuena caina onótate

¹⁵ Ie mei ¿nie izói íiticaí? Mei ocuilla uai anamo íñedicaíza mei jíáfodo Juzíñamui caíri dúecaillafuemo itícaíza; íemona ¿meita fiénidifue finóredicaí? Ieñedeza, finónidicaí. ¹⁶ Ñue onódiomoíza, ómoímona nágamíiaí

riire ocuídillaímamo fecaca llezica, aféllaímamo ocuállana ñue jeire órediómoi. Daje llezica aféllaímamo izire jaináidiómoi. Bie izói caimo ite fiénidifuiái, jacire ocuídillaímamo ana uilla izói, nana caína ana uite. Afemona tíllafue naga cómemo comuide. Mei íadi Jesumo cai ínua llezica jiáie cai ocuídillaímamo Juzíñamui dúidicái, comécina jaícina ñue jóidimacina nágarui cai íllena. ¹⁷ Mei íadi ómoiri Juzíñamuina: “Iere figora,” daidicue. Mei nauí fiénidifue mo izire rairuícana omoi illa llezica, ómoimo lloga llófueinafuena ja ñue jeire otíomoiza. ¹⁸ Afe fiénidifue mona oni omoi jirecailla mei, jiáie ocuiráima Juzíñamui rairuícana jaídiómoi. Iemona comécina jaícina ñue jóidinona nágarui írediómoi. ¹⁹ (Ua omoi onoiga comini ráfuiaido úriticue, mei omoi ifoci déiñenamona bífuiaína ñue cacánidi omoi.) Nauí fieni illáfuiáimo omoi abina jaináitafirediómoi. Nane afe baímo jiáie jamánomo fieni abí fínuamo abina finótadiómoi. Nauí daí abina omoi finota izói, mai birui comeci jaícinaínaífuemo abí omoi jaináitari, dama Juzíñamui íena oni eneno ñue mamécana omoi íllena.

²⁰ Nai fiénidifuiáimo riire rairuícana omo illa llezica, comeci jaícina jóinaífuemo jaináíñediómoi. ²¹ Nauí omoi illáfuiaina birui meáruitíómoi. Mei aféfuiaímamo ¿nie cánuafuiái otíómoi? Oñediómoiza; tíllafue diné jaca ómoína uite. ²² Mei íadi fiénidifue mona oni eneno omoi jirecaillamona, ja birui Juzíñamui rairuícana omoi. Iemona birui afémiemo ñue jaináidiómoi. Bie izói omoi íllamona, Juzíñamui íbana ñue caimare ómoína cánoite. Ua afémié íeiena ómoína oni eneno ñue fínoite. Iemona afe ícoimo zíñona illáfue na ótíómoi. ²³ Fiéni cai íllamona daa tíllafue óitícaí. Mei íadi Juzíñamui raiñóño fia caimo iga raa, cai zíñona illífué. Bie zíñona cai illífué dama cai Ocuiráima Jesucrístomo dájena cai jaináinamona caimo iga.

7

Iima áireinamona ringo ínireinamona daa ráfuena cai onótate

¹ Amatíai, onódiómoiza, da come dama nai ie tíñeniadi, ocuilla uai nai íemo dúide. ² Ja omoi onóigafue jino llóiticue, áfedo jaíífuena omoi onóíllena. Da íniredé ringo, ie ini caana llezica, ocuilla uaido ie inimo cuinaca izói jainaide. Mei ie ini tílla mei, afe íemo jaináitate ocuilla uáimona afengo jae oni jirecaide. ³ Afe llezica afengo jiáie ímamo ínirena ñuera. Afengo daí ínireilla jiruíreñede. Mei íadi ie ini nai ítemo afengo jiáie íima diga illa afengo iere jiruírede.

⁴ Cue amatíai, birui Jesucrísto abímo dájena jaináidicái; ua íniredé ringo inimo jainaina izói jaináidiómoi. Afe Crístomo omoi jaináinamona, ie tíllado tíidinona mamécaómoi. Ie jira ocuilla uai dibénemo tíidino izói itícaí. Fueñe bie ocuilla uaimo, ringo inimo jainalla izói, jaináidicái. Mei íadi ja birui tíidino izói cai íllamona afe ocuilla uaimo jaináíñedicái. Dama tíllanomona meine abido cáadimiena jaide Crístomo jaináidicaiza. Afe bie Crístomo cai jaináinana Juzíñamui caimo comuítate. Ua comuítate caido ie comeci jitáinaífué ñue ícoimo cai fuitállena. ⁵ Mei nanómona comini comécimo itífué dibénemo cai ífírena llezica, afe ocuilla uai cai abímo ite fiéni óiacanaífuiaína cazítate. Aféfuiaí caína ana tíllinomo uite. ⁶ Mei íadi ja birui afe ocuilla uai dibénemo tíidino izóidicái. Fueñ afe ocuilla uai anamo riire itícaí, mei íadi ja birui afe uáimona ñue oni jirecaidicái, Ñuera Joreño cómuena méidoga caimo itífué Juzíñamui ocuícamacina cai íllena. Jaiái cuega ocuilla uaido Juzíñamui ocuícamacina ínidicái.

Cuomo ite íaifue cue caimare illafue llótaidote

⁷ Iemona ¿mei nie izói dáiticaí? ¿Ocuilla uaina fiénidifue daiíredicaí? ¡Daiínidicaí! Mei íadi afe ocuilla uaido fiénidifuena onótagacue. Afe uai nai jino lloñena llezica fiénidifuena onóñedicue. Ja omoi onóigafue jino llóiticue, áfedo jiáifuena omoi onóillena. Ocuilla uai nai cuena dáiiñeniadi, aino come raana óiacanana onóñedicue. Mei íadi afe daiíllua mei fieni óiacanana onódicue. ⁸ Afena cue onónamona, bie ocuilla uai llúado, cue comécimo ite naga fieni jítainana uáfodo cazítaga. Mei ocuilla uai nai cuemo lloñena llezica, fiénidifue tñide izói uái illano figo onóñedicue. ⁹ Nauídiruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja lluaíbillado fiénidifue meine abido comuide. Afefue meine comuillamona fállena cue orede. ¹⁰ Dinómona bie izói cuemo zúide. Daje cuena ñue zúíñona illífuemo úirede uaillaí, ñue illífuemo cuena uiñede. Mei jiáifodo cue dibénemo, cuena ana tíllanomo uite. ¹¹ Mei jii, fueñe fiénidifue cuemo iñede daidicue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoínia Juziñamui fáiacagamiena iticue.

¹² Afemona onoiaga, afe ocuilla uai iere ñuera. Daje izói lletara uai jamánomo ñuera. Afe uai ñue jaícina jóidiuai. ¹³ ¿Meita bie ñuera ocuilla uai cuena ana tíllinomo úirede? Ñue onóigaza, únide. Mei jiáifodo cuemo ite fiénidifuedo ana tíllinomo uigacue. Afemona uáfueña cíotagaza, bie fiénidifue ua nahí fiénideza. Afe cuena ana uillafue ñúefuedo finoca. Daií Juziñamui ocuilla uai, nana fiénidifuiái jamánomo íaire nana caina onótate.

¹⁴ Afe ocuilla uai Juziñamui Ñuera Joréñomo dúidifue. Afena onódicaíza. Mei jiáifodo nanómona cue comécimo itifue Ñuera Joréñomo dúíñede. Mei izire rairuícamié izói íaifue fínuanamo fecácamié izóidicue. ¹⁵ Birui cuemo ífcaidifuena onóñedicue. Ñue cue comeci jítainafuena finóñedicue, mei íadi cue comeci éoillafuena áfena finófiredicue. ¹⁶ Mei cue comeci jítaiñenafue cue finóadi, afe cue finócafue fiéninana onódicue, mei Juziñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue. ¹⁷ Mei daií áfena dama finóñedicue, mei jiáifodo cuemo ite íaifue aféfuemona comuide. ¹⁸ Mei onódicueza, dama cuemo ñúefuena iñede. Bíedo daiíacadicue, nanómona cuemo itifue ñúeñede. Mei jii, cue comeci ñúefue finóacade, mei íadi áfena jaca finónidicue. ¹⁹ Cue jitaiga ñúefuena finóñedicue; mei íadi cue jítaiñega fiénidifuiaina finócadicue. ²⁰ Iemona cue finóacañega fiénidifue cue finóadi, dama cúeñedeza, cuemo ite fiénidifuemona comuide.

²¹ Daií jaca bie izói cuemo íoicaide: mei ñúefue cue finóacania, áfena baiñeno dama cuemo ite íaifuiái báifiredicue. ²² Mei jiáifodo cue comécido Juziñamui ocuilla uaina gáidicue. ²³ Mei íadi afe llezica cue comécimo ite jiáie niné cue úiacade uaina comécido onódicue. Afe uai cue ifoci úrilla ñúefuena niné féitaoide. Afe bie fieni cue rairuíoide uai cue abimo ite. Afe uai cuena llavéoide.

²⁴ ¡Nai iere íóbiñedimiedicue! Bie ana tíllamo cue uite abímona, ¿bu oni cue jírecaitalle? ²⁵ Dama Juziñamui ie Jitó caí Ocuíraima Jesucristodo bífuemona cuena oni jírecaitarede. Iemona, ja birui Juziñamuina “Iere figura” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jóonega cue comeci ñue úrillado finóredicue. Mei íadi dama cue abi dibénedo nanomo cuemo itífuedo llavécaigacue. Dinómona fiénidifue cuemo íoicaide. Ioicaillamona fiénidifuiaina jaca finócaidicue.

8

Juziñamui Ñuera Joreño úicaigamié illafue bie izoide

¹ Mei ja benómona, nana Jesucristomo dájena jaináidinomo duere finótaituui jaca iñede. Afémaci Juzíñamui Ñuera Joreño ríinodo afe Joreño illa izói ífirediaioi. Dáanomo afémaci nanómona comécimo itífuiyai izói comécíñediaioi. Daje izói nánorafuiaina náfueñediaioi. ² Juzíñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jírecaitade. Afemona fiénidifue ana tíllinomo cuena úiñeite. ³ Moisés ocuica uáimona finónidifueña, Juzíñamui daade ie Jitó ana óriano áfena finode. Afe caimo ite fiénidifuemona oni cai jírecaillafue Moisés ocuilla uáimona finónide, mei nanómona cai comécimo fiénidifuiyai íllado, afe uai ríinonideza. Iemona afe uai figo jinoñede. Ie jira Juzíñamui cai oni jírecaitallena, daade ie Jitó jamai cómena bie éniemo jécitade. Afe mei, cai fiénidifuiyai ícoñia cai ifomo Juzíñamui ie Jitó fatátate. Bie izói daina daiíacade, bíniemo ite fiénidifuiaredino comínina íaioi illa izói, afe izói Juzíñamui ie Jitó ana bíniemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie íllamona afémie bíniemo ua nífuenidimíena jáicaillado nana caimo ite fiénidifuiaina anáfenode. ⁴ Mei ocuica uai jeire cai óllena, afémie nana bie izói finódeza, mei ja nano cai comécimo comuídfuiaimo comécíñedicaiza. Afena ja náfueñedicaí. Mei jáífodo Juzíñamui Ñuera Joreño ífuiaimo comécíoidicaí; aféfuiaína ñue náfueticaí.

⁵ Nano comécimo fiéni comuídfuiaimo comécíidino, daa bie cai abi ífuiaimo izire comécido llícioidiaioi. Mei jáífodo Ñuera Joreño ífuiaimo comécíidino afe Ñuera Joreño daináuaimo izire comeci fáioidiaioi. ⁶ Da bie cai abi ífuiaimo comeci izire cai llícióa, ana tíllinomo caina uite. Mei jáífodo Ñuera Joreño daináuaimo izire comeci cai fáioía, zíñona illífuemo caina uite. Iemo daje izói caina caimare uái illínomo uite. ⁷ Daje bie cai abi ífuiaimo izire comeci llícioidino, Juzíñamui uáitatimacina jáidiaioi, mei afémaci, nana comíni Juzíñamui ocuilla uaina gáíñediaioiza. Afémaci áfena gáíñenamona afe uai anamo ínidiaioi. ⁸ Ie jira nano cai comécimo comuídfuiaimo jaináidino Juzíñamuina íóbitanidiaioi.

⁹ Mei íadi Juzíñamui Ñuera Joreño ja ómoimo íllamona, comécimo fiéni itífuiaimo, cuinaca izói, izire jaináíñediomoi. Mei jáífodo Ñuera Joreño dájena iere jaináidiomoi. Cristo Ñuera Joreño ina iñédimie Cristo íeñede. ¹⁰ Cristo ómoimo íllamona ómoimo ite joreño caade. Ua, Juzíñamui anamo ñue jaícina itábicaillamona omoi joreño cazítaga izoide. Mei íadi afe llezica caimo ite fiénidifue cai abina ana tíllinomo uite. ¹¹ Mei jáífodo Jesucristo tíllanomona Juzíñamui Ñuera Joreño do meine abido cáadimíena jáitaga. Iemo afe Cristo cáadena jáitate Juzíñamui omoi tíífiréna abina nane meine cáadena jáitaita. Ua ómoimo ite Juzíñamui Ñuera Joreño do Juzíñamui cáadena jáitagamacina ómoína fínoite.

¹² Amatíai, mei daí cai comécimo fiéni ífiredifuiaimo comécííñellena, izire ocuícánodicaí. ¹³ Da bie omoi abi ífuiaimo omoi comécíoiadi, tíllinomo ana ómoína uite. Bie cai comécimo itífue jaca fiénidifueña caina finótate. Mei íadi afe ómoína finótate fiénidifue Ñuera Joreño do omoi anáfenoíadi jaca ninomo cáaitiomoi.

¹⁴ Nana Juzíñamui Ñuera Joreño ífócamaci, Juzíñamui úruiaí. ¹⁵ Mei jii, ómoimo iga Ñuera Joreño, jacire ráiruite joreñoñede. Daje izói ómoimo ite Ñuera Joreño ómoína meine jacíruitañede. Mei íadi afe ómoimo iga Ñuera Joreño

Juzíñamui jitótiaina ómoina mamede. Afe Joreño Juzíñamuina “Cue Móodio” caina daiítate. ¹⁶ Da bie Ñuera Joreño caimo ite joreño diga, dájena nabáizaibite “Juzíñamui jitódicaí” caina daiíllena. ¹⁷ Afe daií ie jitótiaina cai íllamona, Juzíñamui raíre uícodo caimo lloga feci raa izoide cáimafue maiñóredicaí. Afe cáimafue dama Cristo ie, mei afémie Juzíñamui nahí Jitoza. Mei íadi ja birui áfena daane afémieoíri maiñóredicaí. Afe Cristo duere zefuilla izói, daane birui duere cai zefuíadi, Juzíñamui caina cíote. Iemona Juzíñamui ebíredifueña íemo nitalle izói, afe izói caimo nítaite.

¹⁸ Iemona ja biruíllaido duere cai zefuilla figo ráañenamo comeci facádicue. Afefue ráañenari íóbídícue. Ua afe aillóñedeza áfena lloñédícue: mei afe uire caimo cómuíte ñue ebíredifue jamánomoideza. Afe ebíredifue duere zefuillafue baímo jamánomoideza, afe duere zefuillafueña úibiñoñeíticaí. ¹⁹ Nana Juzíñamui finoca cómena maméñedinuíaí, Juzíñamui jitótiaí meine cáadino jaillano jino cíotallíruimo íere izire úiñoídiaí. ²⁰ Ua comínimo ite fiénidifue ícoínia, nana afe Juzíñamui comuítaganuaí zuure fíallífuemo mamécaí. Dani íaí. ²¹ Mei afémie nana ie finócanona riire ocuícafueña oni jirénoiacade. Daje izói ie finócanona niné táinocaitífuemona oni jirénoiacade. Afe íaí. ²² Onódicaíza, jaí. ²³ Daa afémaci izi cácañenaza; daje izói cai izi cácaillano, afe caina jaícina ñueítallíruído izire ocuíticaí, Juzíñamui Ñuera Joreño caimo ite íadi. Juzíñamui ícoí aillo caimo fecalle caimátaillífuíaímona, bie Ñuera Joreño fueñe raíre uícodo caimo iga. Mei íadi nai bíníemo íere zuure muríredicaí; mei Juzíñamui jitótiaí maméídicaí íadi, móonidiza jaí. ²⁴ Afe bie cai jíllollífuemo úiñoídicaí. Jesucristo daií caimo llogáuaimo afe jeire cai úamona, áfemo úiñoídicaí. Afemo daií izire cai úiñoínado jíllotagacaí. Cai úiñoíga raana cai cíónamona, jae áfemo úiñoñeíticaí, mei jae íteza. ²⁵ Mei jaíífo do cai cíóna raamo cai úiñoíadi, ja áfemo raíre jaritaño úiñoíredicaí. Iemona Juzíñamui Ñuera Joreño, Juzíñamui jitótiaina cai maméínamo uaina nabaide.

²⁶ Daje izói Juzíñamui Ñuera Joreño mei nífué Juzíñamuimona cai jícallena ñue caina cánuaíbite. Juzíñamuimona jaícina ie jítailla izói cai jícajana onóñedicaí. Mei daií cai illa llezica, Ñuera Joreño come uaido jino llónide murilla uaido Juzíñamuimo caído izire jícade. ²⁷ Juzíñamui naga come comeci ífuena ñue onóíllena izire jícanofíredímie. Afemona Ñuera Joreño caído daiíacanana Juzíñamui ñue onode, mei Ñuera Joreño, Juzíñamuimo jaínáídnodo Juzíñamui comeci jítailla izói izire íaí. ²⁸ Onódicaíza, Juzíñamui nana cómemo ífícaítífuíaína ñue jaícina mamede, nana íena izíruitino ñue íllena. Ua Juzíñamui comeci jítaína izói, ie jírrigano ñue íaí. ²⁹ Mei Juzíñamui nana ie uícodo onóígano nanómona mamede, ie Jító illa izói

Nana zuure íaíífuíaímona caífofícaíredicaí

²⁸ Onódicaíza, Juzíñamui nana cómemo ífícaítífuíaína ñue jaícina mamede, nana íena izíruitino ñue íllena. Ua Juzíñamui comeci jítaína izói, ie jírrigano ñue íaí. ²⁹ Mei Juzíñamui nana ie uícodo onóígano nanómona mamede, ie Jító illa izói

íaiói íllena. Bie izói íaiói íllamona Juzíñamui Jitó ámatíaina itíaiói. Afemona aillo ite ámatíai cígimona Jesucristo dama námiēna jaide, Juzíñamui jaiái uícodo mámia izói. ³⁰ Nana daíí ie mamécanona, daje izói íaióina jírite. Nana ie jíiriganona, daje izói ie anamo ñue jaícina itábicaitate. Daje izói, nana daíí ie anamo ñue jaícina itábicaitagano Crístomo nitaca ebíredifuenta afe izói íaióimo nitade.

³¹ ¿Bífuenta nie izói dáitícaí? Juzíñamui caí dibénemo íadi, ¿mei bu caína anáfenolle? ¡Caí anáfenoitena iñede! ³² Juzíñamui dama ie daade nahí Jitona cáimona rairuíñede. Mei jíáífodo nana ñue caí jíilloillena, ie daade Jitó títállena jeruíñeno fecade. Iemona onódicaíza, nana jíáie caí jítaille ríiduana naa ie Jitóoiri nágarui caímo fecáfíreite. ³³ Juzíñamui nizécamacimo, ¿bu fiénidífuenta nitárena? Afe izói nítaitímie iñede, mei afémaci nífuenidínona Juzíñamui jae jino uáfodo llógaza. ³⁴ Afe Juzíñamui nizécanona, ¿mei bu duere finótarena? Íaióina duere finótaitímie jae iñede, mei Jesucristo íaiói ícoínia tíizaíbiteza. Afe baimo Jesucristo tíillanomona meine abído cáadímiena jaillano, Juzíñamui nabézimo ráinazaide, dinómona Juzíñamuimona caí ie canóllífuenta izire jíállena. ³⁵ Cristo caí ie izíruillana, ¿bu mei féitarena? ¿Meita duere caí zefuíadi, Cristo caína izíruillana féitaite? Féitanide. ¿Meita llotáiredífuíai caína ie izíruillana féitaite? Féitanide. ¿Meita fiēni caína finóacadíno caína ie izíruillana féitaite? Féitanide. ¿Meita júbietaillafue caína ie izíruillana féitaite? Féitanide. ¿Meita ínícuironinafue caína ie izíruillana féitaite? Féitanide. ¿Meita jácifuíai caína ie izíruillana féitaite? Féitanide. ¿Meita tíizaillafue caína ie izíruillana féitaite? Féitanide. ³⁶ Juzíñamui Cuega Uai bie izói dáideza:

Nágaruillai o ícoínia tíillanomo áinozitagacai, mei íadi tííñedícaí.

Daje llezica caína titalle ovéjaíai izói mamédíaiói.

³⁷ Mei íadi nana bie zúuredífuíaimona, caína izíruitímie Jesucristodo, caífófeficaídino baimo ñue jino jáídícaí. ³⁸ Iemona ñue onódícueza, Juzíñamui caí ie izíruillana ráiruitena iñede. Naga raamo caí jíriadi Juzíñamui féitañeno caína izíruioide. Caí tíillífue Juzíñamui caína izíruillana cáimona feitañeite. Daje izói bíníemo caí cáanafue caína ie izíruillana cáimona rairuínide. Daje izói Juzíñamui abí imací caína ie izíruillana cáimona rairuínide. Daje izói fiēni ríinorede joríaí caína ie izíruillana cáimona rairuínide. Daje izói biruido comuídífuíai caína ie izíruillana cáimona rairuínide. Daje izói uire cómuitífuíai caína ie izíruillana cáimona rairuínide. ³⁹ Daje izói Juzíñamui abí imácimona ríillainí caína ie izíruillana cáimona rairuínide. Daje izói Taífemo jáináidíno ríillainí caína ie izíruillana cáimona rairuínide. Ua nana Juzíñamui finócanuíaimona buna Crístodo caímo jino cíotaga izíruillana cáimona rairuínide.

9

Juzíñamui jaiái uícodo Israel nairai nízedē

¹ Ja birui jíáífue ómoímo llóitícue. Crístomo cue jáináinamona táinona llóñeítícue. Daje izói Juzíñamui Ñuera Joreño nabáioicaigacueza cue comecí urilla uai ñue jino deide. Afedo bie cue lllóífue nahí ua ráfueza, onódícue. ² Be níie: nana cue nairai comíniri íere zúuruitícue. Afémaci Crístomo íinoñenamona zúufueri comécina cuidíridícue. ³ Iemo mei cue dáinamona níbai afémacina jíllotareníadi, Juzíñamuina, “Maí fiēni cue faído,” níbai raíre dáitícue. Mei íadi cue dáina izói Juzíñamui cue faidódena, cue nairai imácina cánoñeite.

⁴ Afémaci jai ai Juzíñamui nizécamie Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íai oi cígimo ie íllado íemo ite áillue ebírede ríino Juzíñamui íai oimo jino cíotate. Daje izói íai oina ie ñuera finóllifui ai Juzíñamui íai oimo llote. Iemo Juzíñamui Moisédo ocuica uaina llogáíai oi. Daje izói Juzíñamuina nahí caimátaitajana onótagaíai oi. Daje izói Juzíñamui lloga caimare íai oi illíuai íai oimo íteza. ⁵ Bimaci mámecina jica jalleide judíuai jáíaidigimamona comuítagano. Iirainomo íai oi náiraimona Cristo cómena jócuai biga. Bífuiaimona Juzíñamui naga ráfui ai jamánomo ocuállana onódicai. Iemona nana náirai aimona illa dígamíai Juzíñamuina jaca ninomo fáicanocai ñeno íobitarediaí oi. Mai dai íteza.

⁶ Díga ñúefui ai cue náiraimo duide; mei íadi Crístona náfueñediaí oi. ¿Mei níbai? ¿Níbai Juzíñamui uícodo lloga Israelna ñuera daínauai figo déizabiñede? Dai dai ñediecueza. Jáífodo jóide. Nana Israel náiraina maméidinomona dáarie Juzíñamui nízeñegano. ⁷ Daje izói Abraham méifomo comuídino dáarie ie nahí úruiaíñediaí oi. Jai ai uícodo Juzíñamui Abrahana daide:

—Dama Isáacimona cómutino o uáfuenta méifomo comuídina jaille, —daide. ⁸ Bie uai jáífuenta cai onótateza: Dáamie ñuera náiraimo jócuado, dama áfedo “Juzíñamui jítódicue” daínide. Mei jáífodo Juzíñamui uícodo daína uai fúitamona jocócana, dama afémaci ie uáfuenta méifomo comuídina mameina. ⁹ Juzíñamui Abrahana uícodo daína uai be ñie: “Uire afe nauí cue mamécaruimo meine bíticue; íemo o ai Sara jító jócoite,” daide.

¹⁰ Iemo nai jáífuenta ite. Rebeca jító íaillinoí dáamiena móorediaillinoí. Íaillinoí moo cai jáíaidigima Isaac. Afe jító íaillinoí guarázaillinoí. ¹¹⁻¹² Mei íadi íaillinoí nai jocóñeniadi, afe ménailinoí nai nífuenina illa llezica, Juzíñamui Rebécana daide: “O jító nánoramie ie méifoide ama anamo jabóidimiena íite.” Juzíñamui dai daide, bífuenta cai onóillena: Afe íaillinoímona dáamiena Juzíñamui nizéllena dama Juzíñamui comeci jítaina izói mamede. Afe Juzíñamui íaillinoímona dáamie níziafue íaillinoí finócafuemona comuñede. Dama Juzíñamui mámiaimona íaillinoímona dáamie nizécamiena jaide. ¹³ Juzíñamui Cuegáuai bie izói daide: “Jacob cue nizécamie, íemona cue ízíruigamie, mei íadi Esau cue ruifíruigamie.”

¹⁴ Iemona dáarie níbai dáitiaí oi: “Juzíñamui dai dáamiena fia ruifíruillano jáímie nizeda máíñua jaícina jóíñede.” Mei íadi bie comini daínauai uáfueñede; jaícina jóíñedifuenta Juzíñamuimo jaca íñede. ¹⁵ Mei Juzíñamui Moisenja dáideza: “Daa cómemo cue dúecaianadi, afémiemo dúecaiticue. Daje izói daa cómena duéruillano ríire íbana cue óiacañeniadi, íemo íbana óñeiticue.” ¹⁶ Bie Juzíñamui daína uáimona onódicaíza: Juzíñamui dáamie eneno nízia afe come óiacanamona daingo comuñede. Daje izói afe come ríire finuamona Juzíñamui níziafue comuñede. Juzíñamui afémie nízia dama cómemo Juzíñamui dúecaianamona comuide. Daje izói afe ímana ie canóacanamona comuide. ¹⁷ Mei jii, Juzíñamui ie Cuegáuaido, Egipto illáimana daide: “Ja illáimana o jóneticue, cuemo ite áillue ríino jáímacimo odo jino cíotallena. Afe llezica íere duere o cue finólledo cue mámecei naga náirai aido jica jalléitaitio,” daide. ¹⁸ Ie jira onódicaíza: Juzíñamui dama ie óiacana izói, daa cómemo dúecaite; íemo Juzíñamui dama ie óiacana izói jáíie come comécina ríireitaite.

¹⁹ Bífuiaimona daa come níbai cuena jicánoite: “Mei Juzíñamui afe ie óiacana izói finófiredeza, jáífodo ínidicai. Iemona ¿níbai mei fiénidifue ícoínia

caimo nitáfirega? ¿Bu mei Juzíñamui óiacanafuena uáitarena?”²⁰ ¡Aci! ¡Daií dainámie cacai! ¿O iere ua ímedicue daidio, Juzíñamuimo riire júfidollena? Mei nana Juzíñamui comútagacaiza bie jíáifuemo coméciri. ¿Mei níbai nogo, afe nogo niráingona dáite: “¿Níbai mei cuena bie izói nitio? ¡Dáiñeite!²¹ Nogo niraingo daingo ie comeci óiacana izói afe nogóraina nírede. Afe daje nógorafella átuedo daa ebire eroide icíruna nírede, íemo daje nógorafella enéfenemona jamai nogócirina nírede.

²² Iemona daje izói Juzíñamui finócafuiái ñúeraza, onódicai. Afémiemo ínoñedinona Juzíñamui duere finótaacade, íemo ite fiénidifuena gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fiene illafue ibana raire otátañede. Ie icírafue anamo itínomo, Juzíñamui raire comeci járitañede. Íaioimo dúide niné táinocaitallifuena nai are ocuñede.²³⁻²⁴ Daje izói Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judíuai, daje izói dáarie judíoñedinona nizeda íaioimo dúecaide. Dúecaillano íaioi fiene illafue ibana oñeno íaioi jíllotate. Afe ie dúecaillado nizécanodicai. Afémié jaiaí uícodo, íemo ite ebíredifuemona afe cáiena oni cai maiñóllena caina mamede. Daií ínuamona, íemo ite jamánomo ñuera ebíredifuiaí Juzíñamui caimo jino fidítate.²⁵ Jaiaí Juzíñamui uai jino llóraima Oseas cuegánicomo Juzíñamui bie izói daide:

Cuomo jaináñede comínina “Cúeiena” náamataitícue.

Daje izói nauí cue izíruiñega náiraina “Cue izíruiagamacina” mámeitícue.

²⁶ Daje izói batí jíáie éniemo itínona Juzíñamui daina “Cue comíníñediomoi,” afénomo itínona “Cáataite Juzíñamui jítotíaina mamélliaioi,” —daií Oseas daide.

²⁷⁻²⁸ Mei íadi Israel nairai dibénemo Isaías daide: “Israel comíni iere aillo jebuídíai, ua monáillai fuédamo ite facádonide guamájaí izói, jamánomo áillomaci. Mei aillo jebuídíai íadi, afe náiraímo Juzíñamui raire duere finótalle mei, daa dúemacina fiébitiaioi. Dani afe dúemaci jíllotiaioi. Mei jí, Juzíñamui ie daina uai izói náiraina duere zefuúllifue jino zuítaite.”²⁹ Dáamie Isaías afe duere zefuúllifue uícodo llote:

Mei jamánomo ríinorede Juzíñamui, caina due méifomo cómutinona níiriñeniadi, Sodoma íemo Gomorra diga jofue nairai niné táinocailla izói niné táinocaitícai, —daide.

Jesucristo cai jíllotalle ñúefue daje izói Israel comínimo dúide

³⁰ Cai lloga uailai bie izói daiíacade. Be ñie: Judíoñedíno Juzíñamui anamo ñue jaícina íaioi illínona figo jenóñediaioi, mei íadi Juzíñamuimo íaioi ínuamona, Juzíñamui anamo ñue jaícina itátagaiaioi.³¹ Mei jíáfodo afe Israel nairai, (judíuaina maméidíno) Juzíñamui anamo ñue jaícina íaioi itátaite ocuilla uáillaina jenódiaioi, mei íadi afe uáillaina ñue ícoimo figo dúcitañediaioi.

³² ¿Níbai mei afeno baiñediaioi? Mei Juzíñamuimo ínuado íaioi comeci ñue jaícina jóillifuena jenóñediaioiza. Dani íaioi nícidogafuiaímo comécidiaioi. “Níbai aféfuiaído Juzíñamui anamo ñue jaícina íitícai,” daidíaioi. Ie jira Juzíñamui oreca jíllotaitímiemo, ñie Jesumo, uíeco riire finódiaioi; ínuano Juzíñamui anamo ñue jaícina íñediaioi. Come iodo jáiadi éicitaila izói, Jesumo éicitaidiaioi. Afémié iomo éicitaitate nofici izóidímié mei afémié ñúemié, mei íadi ruífruigamie.³³ Juzíñamui Cuegáuai afémié dibénedo bie izói úrite:

Omoi cácarei, judíuai iomo éicitaitate nofici izóidímiéna jóoneticue.

Afemo comíni éicitailano oni níbéfodo báitíai.

Mei íadi nana íemo ñnotino íena méairuiñeitiaioi.

10

¹ Cue ámatiai, nane ómoína dáitucue: Cue nairai israelitas imaci jílloillena, nana cue comécido izire óiacadicue; íemo áfena Juzíñamui jicáfiredicue.

² Bie ñúefue afémacimo nitáredicue: Juzíñamui comeci jítainafuemo nágarui iere járidofirediaioi. Mei íadi áfena ñue jaícina íaioi fidíñenamona daí táinomo járidotiaioi. ³ Comini Juzíñamui anamo ñue jaícina ie itátallifuena, íaioi ifócimo ñue denóñede. Mei jiáifodo Juzíñamui anamo itábicañeno dani íaioi mameca comeci ñue jaícina jótaitifuemo járidotiaioi. Ie jira Juzíñamui lloga ñue jaícina itátaitifuena maiñóñediaioi. ⁴ Mei jii, Cristo billano nana íemo ñnotino Juzíñamui anamo ñue jaícina itátagaiaioi. Ie jira comini Juzíñamui eróicana ñue íaioi illena, Moisés ocuica uaimo dani íaioi níciduafuena Cristo jae féitate.

⁵ Ocuica uai jeire úado Juzíñamui anamo ñue jaícina cai illifue dibénemo Moisés bíena daide: “Nana ocuica uailai dáamie ñue ícoimo fuitáadi, áfedo afémie are iite.” Mei íadi afe uáillaina ñue jeire otímiena iñede. ⁶ Mei jiáifodo, Jesumo cai ñnogafuedo Juzíñamui anamo ñue jaícina cai illífue Juzíñamui Cuegáuai bie izói daide: “O comeci anado bífue daí jicáñoñeno iri: ¿Bu mei caifo monamo jaille, Cristo ana cai jíllostatabillena?” ⁷ Daje izói bie jiáifue daíñeno iri: ¿Bu mei ana tíidino illánomo jaille, afénomona Cristo caína caifo jíllostatabillena?” ⁸ Juzíñamui Cuegáuai bie izói daide. Be ñie: “Aci, Juzíñamui jíllostaja uaina ja cacádiomoi. Ie llógamo ja comécidiomoi.” Bie uailai ómoimo cai lloga omoi ñnollifue. Be ñie: ⁹ O fúedo jino comínimo “Jesús cue nahí Ocuíraima,” o daíadi, nane daje llezica afémie tállanomona meine abido cáadimiena Juzíñamui jáitagamiemo o comécido o ñnoiadi, ua jílloitio. ¹⁰ Mei Juzíñamui anamo ñue jaícina cai itábicaillena, afémiemo comécido ñnoredicai; ie mei Jesucristomo nahí cai jaináinafuena, cai fúedo jino comínimo llóredicai, áfedo ñue cai jílloillena.

¹¹ Juzíñamui Cuegáuai daide: “Nana íemo ñnotino íena méairuiñeite.”

¹² Jesucristo nana náiraímo daje uaido úrite. Judíoñedinona énenoruiñeno daje uaido íaioimo úrite, naa judíuai diga. Nana nairai Ocuíraima daade Jesucristo; nana afémiemo jicádinomo afémie jaca dúcaifirede. Ja ie jira íemo ite jamánomo ñúfuiamona íaioimo fecáfiredicue. ¹³ Mei Juzíñamui Cuegáuai daí dáideza: “Nana cai Ocuíraima Jesucristomo jicaitino jílloitiaioi.” ¹⁴ Mei íadi Crísto nani íaioi ñnoñeniadi, ua afémiemo jicánidiaioi. Daje izói afe jílolle uai nai íaioi ñue cácañeniadi áfemona nai ñnonidiaioi. Iemo afe uai jino llóraíma nai íñeniadi, afe uaina ua cacánidiaioi. ¹⁵ Afe izói, uai jino llóraímana nai íaioi ocuíñeniadi, afe ñúefue uaina ua jino llónide. Jira Juzíñamui Cuegáuai bie izói llote: “Ñúefue lluaíbitimie billa iere ñuera.”

¹⁶ Mei íadi nana cue nairai imaci, Cristo daína ñúefuena jeire oñediaioi. Jaiai uai llóraíma Isaías dama bie izói daide: “Ocuíraima, cai lluaíbigafuena ijaca buna ñnoñena!” daide. ¹⁷ Aféfuiaímona bie izói onódicai: ñúefue fidínamona comini ñnotinona jáidiaioi. Iemo dáamie Cristo daína uai jino lluaíbillamona, comini afe ñúefuena fidídiaioi.

¹⁸ Mei íadi jicánoticue: ¿Mei nibai nana judíuai afe ñúefuena fidíñediaioi? ¡Ieñede! Ja fidídiaioi. Juzíñamui Cuegáuai daje izói llote: Afefue llóraíni úrilla uai nana énie náiraíaido cácaide. Iaioi daínauailai nana énie fuédamo jica itínuaímo ñue jalleide, daide.

19 Dánomo nane jíáifuena jícanoiticue: ¿Mei nibai afe cacánafue Israel comini ifócimo nai figo déiñede? Dáamie Moisés, Juzíñamui dibénedo fueñe uai ote. Moisedo Juzíñamui daide:

Ua cominiñedimacimona ómoína úradoitaiticue.

Daje izói abina onóñede nairai ícoínia ómoína icíritaiticue, daide.

20 Afe mei Isaías jacíruiñeno Juzíñamui daínafue llote. Be ñie:

Cuena jenóñedino ja cuena baitíaioi.

Cuena jícanoñedinomo dama cue abina ja onótaticue, daide.

21 Israel nairai dibénemo Juzíñamui daínauai Isaías llote. Be ñie: “Nágaruillaído cue uaina náfueacañedinona uáidotícue. Mei íadi fairíoñediaioi. Daje izói cuena uáitaoidinona uáidotícue, mei íadi náfueñediaioi,” daide.

11

Israel náiraimona dáarie jíllotiaioi

1 Iemona nane jícanoticue: ¿Ja nibai Juzíñamui ie nizeca Israel náiraina ruifíruiga? ¡Jaca íeñede! Mei cue dama Israel nairai ímiedicue. Daje izói Abraham izíedicue. Iemo Benjamín comínimona comuídicue. 2 Jaiai ninomo uícomo íeiéna onoiga Israel comínina birui ruifiruiñeite. Uáfueza, uai llórainma Elías daína uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fieni finócafuiái íaioimo riire jitade. Daide: 3 “Cue Ocuíraima, o uai jino llórainina fatíaioi. Daje llezica o íóbitalle illánuiaina niné táinocaitatiaioi. Afemona dama cue fiébilla. Iemo daje izói nane cuena titáacadiaioi,” daide. 4 Mei íadi Juzíñamui ie uai fairíote: “Siete mil dígamaci eneno cúeiéna ja níriticue. Afémaci afe taino juzíñamui Baal jánarai anamo caiñici ifodo dújuñediaioi, ie íóbitallena,” daide. 5 Ie jira daje izói birui judíuaimona ínote dúemacina eneno mamécaiaioi. Juzíñamui nana comínimo dúecaillano daa bimácina oni eneno nizede. 6 Bie níziafue Juzíñamui caimo dúecaillamona comuide. Iemona come finóacanamona comuíñede. Mei íadi cai níziafue come finóacanamona comuídeniadi, Juzíñamui caimo dúecaillafue nahí caimare dúecaillafueñede.

7 Bie daínafue ¿mei nífuena cai llote? Be ñie: Israel comini íaioi jenoca Juzíñamui anamo ñue jaícifuena baiñediaioi. Mei íadi Juzíñamui nizeca dúemaci afe íaioi jenócana otíaioi. Ie mei baiñédimaci Juzíñamui íaioi comécina ríretade. 8 Juzíñamui Cuegáuai daí daide: “Bimácina Juzíñamui comécina tíidino izói finode. Uina cíoiñedino izói íaioína finode. Daje izói jefona cacáñedino izói íaioína Juzíñamui finode. Nai afémaci jaca biruillaímo bie izói itíaioi.” 9 Iemo jíai David Juzíñamuimo jícajano daide:

Juzíñamui íóbitallena íaioi finoca güilláfuiái táinona finódiaioi.

Afe jira Juzíñamuina daidicue: Mai duere íaioi finoiri.

Iemona aféfuiái tácofo izói íaioimo jáiteza; daje izói llójeji izói jáiteza.

Afe táinona finócafuiáimo éicitallano izói duere finólliaioiza.

10 Daje izói uina nirídino izói mai mei íaioi jáilleza, Juzíñamui ñúefuiái íaioi óñoñeilleza.

Iemo nágarui iere baizídaitaganona íitiaioiza, daide.

Judíoñedino jíllotafue

11 Ja birui nane jícanoticue: ¿Ja nibai judíuai íaioi éicitallamona niné nana táinocaitalliaioi? ¡Jaca íeñedeza! Mei jíáfodo judíuai Juzíñamui lloga uaina cacácañena llezica, judíoñedino aféuai cacáillano íaioi jíllloillifue maiñódiaioi. Afe íaioi máíñua Israel comínina úradoitate, afe jíllonafue otino illa izói íaioi

íllena. ¹² Iemona judíuái ñnoñenafue íirainomo nana náiraiaina canode. Afe judíuái ícoimo fuitáñeno zóofenocaillafue, judíoñedinona ñue canode. Mei íadi judíuái meine abido Jesumo ñnuaille llezica, nana náiraiái jamánomo ñue ézicilliaíoi.

¹³ Ja birui judíoñedinomo úriticue. Mai omoi cácarei. Mei judíoñedinomo ñúefue llujillena Juzíñamui orécacueza, afe bie cue llócaillifuemo iere járitaifiredicue. ¹⁴ Nibai áfemo riire cue tájinamona, cue nairai comini, omoi illa izói íacaitiaíoi; afe izói íaiíoi íllena jitáidicue. Afemona afémacimona dáarie ñue jíllobicaítiaíoi. ¹⁵ Mei Juzíñamui judíuái ruifíruillamona nana jíáie nairai Juzíñamuimo comeci caimare uái illáfueña llogáiaíoi. Iemo uire judíuaina íaíoiña Juzíñamui caimare dáanomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí. ¹⁶ Mei jíi, Abraham Juzíñamuimo dúinamona, nana ie anamo comuíoicaidino Juzíñamuimo dúidiaíoi. Daje izói da amena jáinao Juzíñamui íeiena maméiadi, daje izói nana afe amena ícairuai Juzíñamuimo dúide.

¹⁷ Mei íadi dáarie Abraham anamo comuídino íaiíoi ñnoñenamona Juzíñamui comínina íñeillena ruifíruigaiaíoi; íemo ie uai jeire omoi úamona Juzíñamui comínina itátagaomoi. Afe ruifíruigamací ifomo jae jóonegaomoi; jóoneficaillano Juzíñamui Abraham imácimo lloga ñúefuiaí daje izói llínnorediomoí. Ie jira judíuái ñuera olivo amena naa ie ícairuai díga izóidiaíoi. Iemo omoi nano fueñe jazicí amena ícairuai izóidiomoi, mei judíoñediomoiiza. Jae judíuaimona dáarie íaiíoi ñnoñenamona amena ícairo jaitaina izói jaitácaiaíoi. Afe mei omoi ñnuamona afe jaitácairuai méifomo jóonegaomoi. Ua, jaiái jaitaca ícairuai jíáie aménamona méifomo zicóllena jóonegano izóidiomoi. Birui daje moi ícoraimo jáináidiomoi. Afe ñuera olivo íjido cáadiomoi. ¹⁸ Ie jira abina ñnoñeno iri. “Olívomona jaitaca ícairuai izóidimaci baímo ñúeracue” daíñeno iri. Afe izói daíñidíomoi, mei ñuera olivo moi ícoraiaina cáatañediomoiiza; dani jíáinamona zicóllena jóonega ícairuai izóidiomoi. Mei uáfueza, dani Juzíñamui nizeca comínimo birui omoi jáináinamona ie lloga ñúefuiaí llínnorediomoí.

¹⁹ Nibai dáamie dáite: “Dáarie afe ñuera olivo ícairuai jaitácaiaíoi, afe méifomo cue jóonellena”. ²⁰ Jíáinamona ñuera olívomo zicódiomoinia ñuera, mei íadi jaitaca izóidimaci jíáifo joide: Juzíñamuimo íaiíoi ñnoñenamona jaitácaiaíoi. Dani omoi ñnogafuemona jóonegaomoi. Iemona áfedo dani abina ínonidíomoi. Mei jíáifodo omoi jaitábiza abina ñue omoi rairuiri. ²¹ Mei Juzíñamui nano nizécanona figo íaiíoi ñnoñenamona jíízíñeno íaíoiña ruifíruite, afémie daje izói omoi figo ñnoñeniadi, amena ícairo jaitaina izói, jíízíñeno raíre ómoína ruifíruiteza. ²² Mai bífuemo omoi comécíiri. Juzíñamui daíí omoi jóoniano iere ñuera. Afedo afémie ómoimo dúecaifirenana fidídiomoi. Mei íadi nane afémie iere riire jáicina ocuídímie, mei ie uaimo náfueñedimacina afémie iere duere finode. Mei jíáifodo afémie ómoiri dúecaifirede. Iemo fáicanocaiñeno ie uaina jeire omoi oíadi, ie dúecailla dibénedo íifreitiomoi. Afefue jeire omoi óñenia, jíái ómoína afémie jáitaita. ²³ Mei jíáifodo judíuái nane abido ñnoia, afémaci abido dáanomo jofo jóonelliaíoi. Mei Juzíñamuimo meine íaiíoi jóonelle ríino ite. ²⁴ Mei omo judíoñediomoiiza, jíca ite onínemaci izóidiomoi; Juzíñamui comínimo due jiza dúíñediomoi. Daíí omoi illa llezica Juzíñamuimo omoi ñnuado, afémie ie comínina ómoína itátate. Ie jira nano fueñe ie nizécamacimona oni nibéfodo baídino íaiíoi ínoiadi, abido daje ie comínina itátallena, Juzíñamui dibénedo jamánomo juánide.

Jirairuillaido Israel nairai jilloitiaioi

²⁵ Amatiai, omoi cacai. Afe olivo amena ráfuenta ja ómoimo lloticue, uáfodo ónoñega Juziñamui mamécafuena comécido omoi onóillena. Juziñamui nanómona comécido mamérellafuena ómoína fidítaiacaducue. Aféfuena ónoillano Juziñamui comínina omoi itátagafuedo abina ínoñeitioi. Juziñamui mamérellafue bie izói joide: Juziñamui Israel nabémacina comécina riire finode, mei íadi nano íanori íaioi comécina riiretade. Íaioi comeci riireta mei, Juziñamui nana jáie náiraina caimare uáidote, íaioimona nana Jesumo ínotino nizéllena. ²⁶ Nana Juziñamui óiacana dieze íemo ínotimaci ofille mei, nana Israel nairai jilloizitiaioi. Mei Juziñamui Cuegáuai daí daide:

Cai Jíllotaraima dani cáimona cómuite.

Afémie Jerusalén jófuemona biite. (Afe jofue jáífodo Sióna mameide.)

Jacob meifo ígímaiai íaífuiaina afémie múiñoite.

²⁷ Íaioi fiénidífuiai oni cue dolle mei nana uícodo cue lloga ñúefuiai ñue fuite, daide.

²⁸ Nana comíni jilloille uai dibénedo judíuai fairíoñediaioi. Iemona judíuai Juziñamui ruiíruigaza, ie bacáuai imácina jáidiaioi. Ie bacáuai imácina íaioi íllamona Juziñamuimo cai nabáirillino comuide. Mei íadi Juziñamui nai íaioina izíruite, íaioi jáiáidígímaiai ie nízia jira. ²⁹ Mei uáfueza. Juziñamui ja ie fecaca raana abido bairíoñede. Daje izói cai ie uáiduafuena jaca jáífodo méidoñede. ³⁰ Naui Juziñamui uaina ínoñediomoi; mei íadi jái birui judíuai daje izói íaioi ínoñenamona Juziñamui ómoiri dúecaizaide. ³¹ Ja birui nano ánori judíuai Juziñamui uaina ínoñediaioi, Juziñamui ómoimo dúecailla izói íaioimo dúecaillena. ³² Bie uáillaimona bífuena onódicai: Nana jáie comíni ie uaina dájerize ínoñediaioi. Ie uaina cai ínoñenamona fiénidífuiai finófredicai. Iemona Juziñamui nana caina dájerize cai gaiga fiénidífuiaimo llaveca izóidinona jóonete. Afémie bie izói caina daide, afe méifomo afémie nana caimo dájerize dúecaillena.

³³ ¡Diga Juziñamui ebírede comeci ífuiai caimo ie dúecaillena, naa ie onóigafuiai diga! ¡Afémie iere ráfuenta baitádimie! Uícodo ie mamérellafuiaina cai jino llónidicai. Daje izói eneno dáarie comínina ie níziafuiaina, onóñedicai.

³⁴ Cai Ocuíraima comeci úrillafuiaina buna onóñede. Daje izói afémiena bu llófuetimie íñede. ³⁵ Iemo jái cai Ocuíraimamo raana izájitimie íñede, afe raa íba llínollena. ³⁶ Mei nana ráaniai Juziñamui comuítaga. Nana afémie finoca; daje izói íeiena nana finode. Jaca zíñona Juziñamuina íóbioitaredicai. Aquíe izói íteza.

12

Juziñamuimo ñue jáicina cai dúina uai

¹ Cue ámatiai, birui Juziñamui caina dúecaillamona, ómoimo izire jicádicue. Dani omoi mai Juziñamui anamo itábicaíri. (Dani omoi comeci gáinafue finóñeno, mai Juziñamui comeci jítainafue omoi finori, cai ie ocuilla izói.) Juziñamui íóbitalle rille jaii íemo jaii feca izói, nai omoi caana llezica, Juziñamui anamo dani omoi mai ñue itábicaíri, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi oíri. Nana bífuiai ñue cai finuamona, cai joréñodo Juziñamuina caimátaitadicai. ² Bíníemo ite comíni comeci táinomo facáoidiaioi. Mai, afe izói omoi íñeno iri. Mei jáífodo, omoi comeci ífuiai, mai jáífodo méidori. Daí omoi comeci ífuiai omoi méiduumona afe izói Juziñamui nana o illafue cómofuena méidoite. Afemona Juziñamui comeci ñue jítainafue ónoitícaí.

Daje izói ie jitaina ñúefue ónoiticaí, naa ie cai ióbitallifuiari. Daje izói ie ciona jaícina jóidifuiaina ónoiticaí.

³ Juziñamui cuena dúecaillano cuemo jóonegafuedo, nana ómoína dáitice. Juziñamui cai fibítajafuemo da comécina facáredicaí. Afedo abí cai íinolle ñuera. Mei íadi afefue baimo táinodo ínonidicaí. Iemona nana ómoimona dámie, afefue baimo dama ie abina ínoñeno iri. Mei jiáifodo illa dígamie comécina ñue jaícina facárede, Juziñamui íemo lloga ie comécimo Juziñamui comuítaga ínuafue daína izói. ⁴ Da come abimo aillo táijide ráaniaí ite. (Onoí jiáifodo táijide. Daje izói ídai táijina jiáifoide. Daje izói fue táijina jiáifodo joide. Daje izói jefo táijina eneno jiáifodo joide.) Mei íadi daade cai abí íadi. Naga cai abimo ite raa eneno jiáidofodo caina canode. Daje táijinamo íñédiaíoi. ⁵ Daje izói, áilloziena Jesumo ínoticaí. Aillo cióidicaí íadi, daade abí izóidicaí. Ua, Crísto dájena cai jaináinamona, dáamiede abina iticaí. Dáamacidicaí. Afe llezica dáamiedicaí abimo ite táijide raa izói, daní conímamo dájena jaináidicaí.

⁶ Naga cómemo Juziñamui jóonega táijinana fibíllafue jiáifodo joide. Juziñamui comeci óiacana izói, afémie naga cómemo fecade. Bie táijinana fibíllafue ñue jeire óredicaí. Dáamiemo Juziñamuimona onoiga uailai jino llóllena fibítaga. Afemona áfena afémie rairuíñeno jíeruirede. Nano ie íinogafue íllaze jino llófuere. ⁷ Jiáimaci cai canófireille fibíllafue Juziñamui caimo jóoneiadi, áfede rairuíñeno canóredicaí. Daje izói llófuiana fibítagamie, afe ie llófuefirenamo ñue járitairede. ⁸ Afe izói jiáima comécina náiretallena fibítagamie, áfemo afémie ñue járitairede. Daje izói comini canolle raa fécafiredimie, afe íbana ie maiñóllemo comécinide. Fia íaíoiemo dúecaillano fecádenia ñuera. Afe izói comini jetállifuenta ocuídímie caimare abí rairuíoicana ocuirede. Duéredino canófiredimie, caimare íaíoína canórede.

Jesumo ínotino finórede uai

⁹ Táinona lloñeno conímama izírui. Íaí fue bai oñeno iri, mei íadi ñúefue jeire omoí oíri. ¹⁰ Jiáimana caimare nahí ama izói izírui. Afémiemona raire uícoficaiñeno iri, mei jiáifodo méifomo fiéñeno raire íena o uícodo o otátari.

¹¹ Ráiraíeñeno jiere omoí iri. Ñue naire cai Ocuíraimamo omoí táijiri.

¹² Cai ocúrinafueмона caimare omoí ífireiri. Duere omoí zefuíadi, áfemo raire járitaiñeno, fáicana caimare úriri. Juziñamuimo úrillana jaca féitañeno iri.

¹³ Jesumo ínotino jitailla raana, íaíoi canóllena jeruíñeno fecari. Nana omoí jofomo uáiduaíbitinona caimare uáidori.

¹⁴ Omoí fieni finódinona ñue caimátaitari. Íaíoi íbana fieni faidóñeno, íaíoi cáimafuiáí Juziñamuimona jicari.

¹⁵ Caímátaidino díga caimare omoí iri. Daje izói raamo jíridinomo omoí dúecari. Eedino díga omo eeri, íaíoi firallena.

¹⁶ Conímama úradoiñeno iri, dájena illa dígamiemo ñue coméciri. Daje izói fieni abina ínoñeno iri, mei jiáifodo comécina mánaidino izói omoí iri. “Íere baitádimiedicue” comécido daíñeno iri.

¹⁷ Da come fieni omo finóadi, afe íbana afémiena fieni finóñeno iri. Mei jiáifodo, nana comini eróicana íba oñeno ñue o finori. ¹⁸ Omoí illa dino, nana comini comeci jacíruiñenafuedo caimare uái omoí iri. ¹⁹ Cue izíruiiga ámatiaí, fiénidifue comuíadi, íbana omoí oñeno iri. Mei íadi aféfuena fáicanocairi. Afémie Juziñamui duere finólleza. Mei jii, Juziñamui Cuegáuai daide: “Duere finóllifue cuemo dúideza. Daje izói cue íba ólleza. Daíí cai Ocuídímie daide.”

²⁰ Nane dánomo daide: “O bacáuai ímie jufírui, ícíneno íena ecari. Iemo afémie jiróacaniadi, ie o jirótari. Bie izói ie o finuamona, izire íena méaicaitaitio,”

Juziñamui Cuegáuai daí daide. ²¹ Fiénidifue omoi anáfenuamona abí omoi rairuiri. Mei jiáifodo ñúefue jeire omoi úado, fiénidifueña mai omoi anáfenori.

13

¹ Nana comini omoi jamánomo ocuídillaíma ocuica úiñotillaini anamo ñue omoi itábicaíri, mei nana ocuídillaíni Juziñamui jóonegaza. Afémie jóoneñega ocuídimiéna iñédeza. ² Iemona afe úiñotillaímana uáitaoidimie Juziñamui jóonegamiéna uáitate. Nana daí uáitatino, afe ie uáitaja ícoínia afémacina Juziñamui duere finótaite. ³ Mei jii, ñúefueña jeire ófiredino ocuídillaínina jacíruiñeítiaíoi; mei jiáifodo fiéni finódino jacíruillena jóonegaíaiíoi. ¿Meita ocuídillaímana jacíruiñediména íacadio? Mai ñúefueña jeire o oíri. Iemona aféllaíma “Facátagamiedio” ona dáite; ⁴ mei afémie Juziñamui táijitagamiéza, ñúefue dibénemo o jaináillena canóllena. Mei fiénidifue o finóadi, aféllaímana jacíruiñedio, mei afémie duere finótalle riíno táinomona iñegaza. Uafue, afémie Juziñamui táijitagamié nana fiéni itino duere finótallena. Nana íaiíoi fiéni finócafue íllaze ñue jaícina íaiíoiña duere finótaite. ⁵ Ie jira ocuídillaíni anamo itábicaíredíomoi, daa duere omoi finobiñeíllena, mei íadi daje izói Juziñamui jóonega omoi comeci úrilla uai jeire omoi óllena. ⁶ Afe bie izói ñue omoi íllena, ocuídillaíni lloga gobiérmomo íbárede úcubena íbáfiredíomoi. Mei jii, aféllaíni Juziñamui táijitagano. Afe íaiíoi táijinamo izire jírítaioidiaíoi.

⁷ Iemona naga cómemo dúide raana, mai jeruíñeno ñue íemo ine. Gobiérmomo caí jaináinamona, íaiíoi ocuica úcube llínoraíma lloga gobiérmomo dúide úcubena mai omoi fecari. Daje izói gobierno caímo jícana oga raa, emódomo raiñócana áfena mai omoi íbari. Naga ocuídillaímamo dúide ñúefuedo jacíruiñinafue, áfede ñue íena omoi jacíruiiri. Daje izói naga jamánomoidillaímamo dúide ñúefueña, mai áfena íemo omoi nitari. ⁸ Omoi záitaiñega íbállifueña bumó itáteñeno iri; jiáifodo daa ñue íbállifue íte. Afefue jiáímana caí izíruíllifue. Afemona daní conímaíina izíruíredícaí. Mei naga conímana izíruitimie, áfede Juziñamui ocuica uaina ñue jaícina fuitádeza. ⁹ Jaiái Juziñamui ocuica lletara uailaí daide: “Jíruífuéna finóñeno iri, cómena titáñeno iri, meríriñeno iri, jiáímamo táinona lloñeno iri, jiáímíemo íte ráaniáiri úradoíñeno iri.” Mei íadi bie ocuica uailaí naa jiáíe lletara uáillaíri daa bie dánamo dájena ítíaiíoi: “Dama o abína o izíruílla izói, afe izói o abí cómena izíruíri.” ¹⁰ Izíruitimie íe abí cómemo fiénidifueña finóñede; íemona izíruíllafuedo Juziñamui ocuilla uailaí ñue jaícina jino zuitárede.

¹¹ Nana bífuiaímo jeire omoi ua llezica, biruí caí illáruíllaímo ñue mai caí uibíoílli. Ja íere abí caí rairuílliruímo ja dúcidícaí. Afemo ñue omoi comécioíri. Mei Jesucristo caína jíllotajano uire jiáíruido caína uáíbíteza. Afe íe caí uáíbilliruímo ja áinozide. Fueñe Jesús uaina caí íinua llezica, afe caí íe uáíbillírui baí jica íte, mei íadi biruí ja aféruímo ítícaíza. ¹² Bie énie fiénidifue árera naío izoide. Afe bie árera naío ja monaíacade. Jítinomo finoca fiénidifuiái fínuaña ja fáicanocairedícaí. Fuiríraíma íe abí ríidua llojeco jítaja izói, afe izói íaífue caí fínoñeíllena caí comeci rairuíllafueña jeire óredícaí. Ie mei ñúefuedo, úzefomo ítino izói macáredícaí. ¹³ Ua, úzefomo ítino izói, mai ñue jaícina caí macallí. Jífaífírenafuemo mai caí íñeílli, naa fiénide aillo güíllárenafuiáiri. Afe izói nana jíruífuiaímo mai caí íñeílli, naa jiáíe comeci meáire óiacanafuiáiri. Daje izói dájena comécíñedímací izói íñeno omoi iri. Íemo jíái fiénide júfidogafuedo mai caí úríñeílli, naa úradoíllafuiáiri. ¹⁴ Mei jiáifodo Jesucristo ñue ílla izói, íe cánuado afe ñue ílláfuemo mai omoi iri. Omoi comécímo íte fiéni óiacanafuemo,

áfemo mai omoi coméciñeno iri. Daje izói, afefue omoi finóllema mamériñeno omoi iri.

14

O ama jánana fiēni úriñeno iri

¹ Juzíñamui uai como fueñe jabo inotimiena, ñue jofo omoi cigimo llinori. Afémie inogafuena féitaiacaniadi éna caimare uáidori. Ua, ie inoga onóñega uáillaimo aillo omoi úridoñeno caimare éna omoi uáidori. ² Mei jii, “Naga raana íairuiñeno güüredicai,” daiífiredinona ite. Daje izói dáarie Juzíñamuimo jabo inotino “Rillena riñeno da ria llizíllana güüredicai,” daiífirediaioi. ³ Ie jira naga raana güitímie mai afe rillena fimairitimiena jamairuiñeno iri. Afe izói, fimairitimie, mai naga raana güitímie como comeci fiēni facáñeno iri. Mei Juzíñamui afe íaillinoi, íemo inuamona, ie comínina caimare íaillinoina uáidoteza. ⁴ Afémaci Juzíñamui ocuícamaciza, íaioina fiēnidifuedo jicánonidío, mei afémaci óieñedeza. Dani íaioi ocuídímie como uai orédiaioi. Íaioi illafue riire jicánollena dama íaioi ocuídímie como dúide. Ocuícamiē illafue ñúenia, ie ocuide Juzíñamui uícomo méairuiñeno náidaite. Ie illafue fiēnia, ie ocuide Juzíñamui duere éna fínoite. Mei íadi afémie ñúefue dibénemo féitañeno íte, mei cai Ocuíraima Jesucristo rínoredeza, afémiena ñúefuemo jaícina jainátallena.

⁵ Daje izói, dáamiē nágaruillai baimo daa illirui eneno rairuide, Juzíñamuina caimátallena aferui judíuiai ráfuenta jira. Jáimaci naga mona daje izói ñúeruillai, daidíaioi. Ila dígamie dama ie comeci úrillafuena ñue onótaredeza. ⁶ Daruina eneno ráruitímie, cai Ocuíraima íóbitallena íeiena íllamona, aféruina eneno rairuide. Daje izói nana raana güitímie cai Ocuíraima íóbitallena íairuiñeno güífiredi, mei afémie afe güílleri Juzíñamuina “fere figura” dáideza. Daje izói cai Ocuíraima íóbitallena fimairitimie fimairillano Juzíñamuina “fere figura” daide.

⁷ Nana cáimona buna dama ie comeci íóbioillena ínide; daje ízoi buna dama ie comeci íóbillena tíñede. ⁸ Cai caana llezica cai Ocuídímie como jaináidicai. Daje izói cai tíiadi, nai íemo jaináidicai. Iemona cai caana llezica, mei nibai cai tíilla llezica, jaca cai Ocuíraima íédicai. ⁹ Mei jira Cristo tíizaibillano, meine abido cáadimiena jaide, cáadino náamata izói, daje izói tíidinona náamatallena.

¹⁰ Mei íadi comínina náamañedio. Iemona ¿nibái mei o ama jánana fiēni úrillano éna riire jicánotío? ¿Nibái mei éna izíruiñeno jamairuitío? Mei jii, nana cai Cristo uícomo ácatallicai. Afénomo afémie caimo itífuenta riire jicánoite.

¹¹ Juzíñamui Cuegáuai llote:

Uáfuenta jaca ninomo cáadimiena cue íllana onódiomoiza; afe izói uáfuenta nana comini cuemo eróicana íaioi cañici ifodo dújuzaibitiaioi.

Daje izói nana comini jino uáfodo ñúefuena Juzíñamuimo nítaítiaioi, daide.

¹² Iemona jae onódicaiza, cáimona illa dígamie dama ie illáfuenta afe Juzíñamuimo jáanoñeno jino íemo llórede.

O ámana ñúefuemoni oni nibéfodo baiítañeno iri

¹³ Ie jira benómona mai conímaiaina comécido fiēni úriñeno iri. Mei jáífodo, nágarui omoi finócafuiáido conímana fiēnidifuedo omoi baiítañeno iri áfemo mai ñue omoi mamériri. Daje izói omoi illáfuedo afémiena fiēni facátañeno iri. Afemona abí omoi rairuiri.

¹⁴ Jae onódicueza, nana güille naa rílleniáiri, dama íainideza. Ua, cai Ocuíraima Jesumo cue inuamona, ie daína izói, cómena íairuitaite güille

inëdeza, ñue onódicue. Daa “Bíena cue güiadi cuena íáiruitaite” comécido daidímiemo, afe raana afémie güiadi íena íáiruitarede. ¹⁵ Mei jíáfodo, o ama comécilla rairuica güille o güillamona o ama o ríitaiadi, íena ja figo izíruiñedio. Mai daade o güiacaga güilledo, Jesumo o íinote ama íaifuemo féiraitañeno iri; mei afémie jíllloillena Cristo tízaibiteza. ¹⁶ Omo ite ñue finócafuiado jíáimacina fiéni úritañeno iri. ¹⁷ Mei jíi, daa cai güiga raado Juzíñamui comínimo jaináñedicaí; daje izói daa cai jiroca raado afémacimo jaináñedicaí. Mei jíáfodo Juzíñamui anamo ñue jaícina cai íllamona Juzíñamui comínimo jaináitagacaí. Daje izói Ñuera Joreño caimo comútaga caimare comeci uái illáfuedo, afe dibénemo jaináitagacaí. Daje izói íeri cai íóbioillafuedo, dájena ie comínimo jaináitagacaí. ¹⁸ Cristo lloga iodo jailla llezica, nana bífuiaina jeire otímie Juzíñamuina íóbitade. Afe llezica afe izói finófredino comini ñue facátagamaci.

¹⁹ Iemona, naga come conímana caimare uái itátatifuiaina nágarui mai cai jenófireilli. Daje izói conímana Juzíñamuimo baimo izire jaináitaja raa, mai cai jenófireilli. ²⁰ Daa o óiacaiga güilledo, dani omoi cígiri Juzíñamui comútaga caimare dájena omoi jaináinana, mai fia táinomo fáifitañeno iri. Uafue, nana Juzíñamui finoca güille güirede, mei ja ñúeraza. Mei íadi daa o güiga güilledo jíáimana ñuera íómona oni nibéfodo o baítaiadi, afe fiénide. ²¹ Daje izói rille o ríamona jíáimana fiénidifuemo o baítaiadi, ríllena o ríñeille, afe baimo ñuera. Afe izói vino o jíruamona íena ie íinogafue o uáitaiadi, vínona o jiróñena afe baimo ñuera. Daje izói nana o fínuafuiamona jíáima íinogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama íinogafue o féitañeillena. ²² Iemona bie güillafue, nibai güíñenafue dibénedo o ñuera íinogafue fáicanocaiñeno, Juzíñamui eróicana dama óiena ñue o mameri. O comécido mamérrillamona finóacagafuai dibénedo ñuera o daíreniadi, áfedo caimare itio. ²³ Mei íadi dámie Juzíñamuimo figo íinoñenamona ie güille jíízreoicana güiadi, afémie fiénidifuemo báide. Mei Juzíñamuimo ínuamona cai onoiga íena íóbitallifue cai finoca ñuera, mei íadi nana aféfuiai jinomo cai finócafuiái fiénideza.

15

Dama o abina íóbitañeno o íinote ámana ñue íóbitari

¹ Nane Jesumo ínotinuiamona dámerie ñue ríinorede. Jíáimaci figo comécina náinidiaíoi. Cai ja comécina ríinoredinodicaí, íemona nai comécina ríinidinona canóredicaí. Afefue caimo llonódacaigafue. Afedo dani cai abina íóbitanidicaí. ² Cáimona illa dígamie ie íinote ámana íóbitarede, afémie ñue íllena. Daje izói íena Juzíñamuimo aillo ínotaredicaí. ³ Mei Cristo dama ie abiri íóbillena jenóñede. Mei jíáfodo Juzíñamui Cuegáuai íemo zúilla. Afe uai daide: “Afe baíñoridino Juzíñamui jíáima baíñoia cuemo baite.” ⁴ Nana jaiai uícodo Juzíñamui Cuegáuailai cai llófuellena cuega. Aféuaimo cai comeci íiraja uai baiticaí. Afe izói búuai cai facáduamona comeci járitañenafue caimo comuide. Iemona Juzíñamuimo íco cai nabáirizailliruiamo ocuírídicaí. ⁵ Juzíñamui afe comeci járidoñenafue llotímie. Daje izói afémie, cai comeci íirajano caina náiretade. Iemona omoi ie canóllena afémiemo jícádicue, illa dígamie jíáimaíari dájena caimare omoi íllena. Mei Cristo Jesús daí caina dáideza.

⁶ Afe llezica, dájena omoi comécillena íemo jicádicue, cai Ocuíraima Jesucristo Moo Juzíñamuina dáuaido omoi caimátaitallena.

Judíoñedino Juzíñamui ñúefue jae llujáiga

⁷ Mei daíí Cristo caimare cai uáidua izói, afe izói conímána caimare omoi uáidori, Juzíñamuimo ebíredifue nitállena. ⁸ Mei bie cue dáina uai: Cristo judíuái ñue fínuaibite. Nana Cristo táijina fueñe judíuaimo dúide, cai nanóidigimána dáina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie dáina uai jaca jíáifodo méidofinideza. ⁹ Daje izói judíoñedino Juzíñamuimo íobillena Cristo ana bíniemo bite. Iemona Juzíñamui íaioimo dúecaillari íobidiaioi. Juzíñamui Cuegáuai jaiaí uícodo daíí daide:

Le jira afe izói judíoñede náiraiaí cígiri omo caimátaiticue.

Omo ñúefue cue nitalle rua afémaci cígimo róiticue.

¹⁰ Ie mei jíáinomo Cuegáuai daje izói daide:

Judíoñede náiraiaí mai omoi cáimacairi, naa Juzíñamui imáciairi.

¹¹ Nane jíáinomo Cuegáuai daje izói daide:

Naga judíoñede náiraiaí, cai Ocuíraima íobiri.

Mei afe Juzíñamui jamánomoidimieza, íemo omoi íobiri.

¹² Mei daje izói Isaías cuete:

Isaí (illaima David moo) ie méifomo comuídigimamona jamánomoidillaima cómuite.

Afémie nana judíoñedino cígiri illáimaite.

Afe comíni afémiemo ocuírítiaioi, daide.

¹³ Juzíñamui caína íemo ocuírítaita. Ie jira íemo omoi ínuamona ñue cáimafue jeire omoi óllena, afémiemo jicádicue, daje izói omoi comeci caimare uái illafue jicádicue. Afe llezica Juzíñamuimo omoi nabáirizaillena birui jabo ocuírídiomoi. Afemona Ñuera Joreño ríinodo ñue izire omoi ocuírillena Juzíñamuimo jicádicue. Mai mei daíí Juzíñamui ómoína ñue éziciteza.

¹⁴ Cue ámatiaí, ñue onódicueza, ñúefuiaína jeire otíomoi naa omoi fibítainafuiairi. Daje llezica illa dígamie jíáimacina caimare llófuiana onódiomoi. ¹⁵ Mei íadi bie cue cuegábedo, bíuailai ómoimo iere jino uáfodo cueticue, afe uáillaina omoi féitañeillena. Juzíñamui cuemo dúecaillano cuemo jónenocaigafue jino lloticue. ¹⁶ Bie cue táijinafue: Juzíñamui lloga cai jíllloillifue ómoimo cue llujáillena. Afefue ómoimo lloticue, Juzíñamui íena omoi maméillena, mei judío imáciñediomoiza. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

¹⁷ Mei daíí dama Jesús cue ínuamona, Juzíñamuimo cue táijinafuerei íobillano caimare iticue. ¹⁸ Dama Cristo cuedo finócafuaiairi llócaiticue, mei áfedo judíoñedino Juzíñamui uaina jeire otátaticueza. Jíáimie táijinafuena jaca jino llócaíñeiticue. Afe íaioi Juzíñamui uailai jeire ua, cue dáina uáillaido jino ñue ícoimo fuitádicue. Daje izói cue ñue táijinado íaioína ñue jaícina ínotadicue. ¹⁹ Afe izói jino cue cíotaga uaido comuítaga cíórainina ráamona íemo jíáie onóillena finócafuaiairi, íaioína ñue jaícina ínotadicue. Daje izói Ñuera Joreño ite ríinodo íaioína ñue jaícina ínotadicue. Bie izói cue fínuaimona Jesucristodo cai jíllloillifue llujáillena ja ñue ícoimo fuitádicue. Ua Jerusalémóna oni jica nágagobiaido aféfuena llócaidicue. Ua ícoimo lírico éniemo záitajidicue.

²⁰ Afe daíí, nai jaca Cristo mámecina cacáñedinuiaimo, afe ñuera cai jíllonafue llócaidicue. Daíí oni jicado llócaidicue, jíáima jae llógamo dáanomo nane cue llóñeillena. ²¹ Mei íadi Juzíñamui jaiaí Cuegáuai dáina izói: Juzíñamui ífuena nai lloñéganuiaí afémiena ñue ónoitiaioi.

Daje izói jaca íena cacáñedino nane aféfuena como fidiitiaioi, daide.

Pablo Rómamo jáillena comeci facade

²² Diga icaiño omoi uáiduaillena comeci facáfiredicue, íadi jaca jáinidicue. Mei como ómoimo cue lloga oni nágagobiaido cue llócaigafuemo záitaiacadicueza; bínidicue. ²³ Mei ja birui bigobiaido cue táijicana ja fuitádicueza. Jaiai diga fimónaiaí omoi diga íacadicue. ²⁴ Ja birui Españamo cue jáizaila llezica ómoína méiñuaibiacadicue. Omoi cígiri cue illa llezica, iere caimare íiticue. Afe mei Españamo cue jáiacana llezica, omoi cue canóllena jítaiticue. ²⁵ Mei íadi birui fueñe Jerusalemo ite ámatiaí canolle raa úiticue. ²⁶ Macedonia énie imaci, naa Acaya énie comíniri, Jerusalemo ite dúredino canolle úcube ofítallena maméritiaioi. Afe íaioi ofítaga úcube cuedo Jerusalemo óreitíaoi. ²⁷ Afe bie úcube orélleño ñue comécidiaioi. Mei jii, afefue ñue jáicina joide. Uafue benó íímaci afémacimona aillo comeci cáimafuiaí íbáñeno itíaioi. Iemona birui Jerusalemo ite ínotinomo raire íballe ite. Ua judíuaimo ite Jesumo ínotino, íaioimo ite comeci cáimafuiaí, jae judíuaíñedinomo dájeze fecádiaioi. Iemona benó Macedóniamo ite ínotino naa Acaya ínotinori, judíuaimo ite ínotinona, afe íbana íaioimo ite úcubedo canóacadiaioi. ²⁸ Bie íaioi afémaci cánua mei, afe izói íaioi jóonega úcube cue izájille mei, Españamo jáíticue. Ua omoi uáidocana afénomo jáíticue. ²⁹ Ñue onódicueza, omoi cígiri cue dúcille llezica, nana Cristo uáimona comuide cáimafuiaí ómoimo llófueredicue.

³⁰ Amatiaí, cai Ocuíraima Jesucristo mámeçido izire ómoimo jicádicue. Daje izói Ñuera Joreño caimo comuítaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrillena. Juzíñamui cue canólleza, mai izire omoi jicari. ³¹ Dinó Judea éniemo ite ínoñedino cue íaioi llaitáacanamonaa cue ie zuitálleza izire Juzíñamuimo jicari. Afe llezica bie cue uiga Jesumo ínotino canolle úcube caimare íaioi llínolleza, daje izói Juzíñamuimo omoi jicari. ³² Bie Juzíñamuimo omoi jicáfíreillifuiaí ómoimo jóonenocaidicue, Juzíñamui comeci jítaina izói omoi illánomo caimare cue dúcillena. Afe mei omoi cígiri nano áinori cue ílledo cue comeci ñue náireite. ³³ Mai, comeci caimare uái illáfúena fecade Juzíñamui omoi ñue nábaiteza. Daiítadeza.

16

Pablo íe onóigamací uáidote

¹ Birui cai Jesumo ínote miringo Fébena, ómoína caimare uáidotadicue. Afengo Cencrea jófuemo ite Juzíñamuimo gairídímaci canófiredingo. ² Cai Ocuíraima mámeçido aféngona caimare omoi llínori. Mei nana Jesumo ínotino illa dígamie jáimana daí caimare llínofiredeza. Daje izói nana afengo jitailla raana aféngomo omoi fecari. Afedo aféngona canórediomóiza, mei afengo jaiai aillo comínina canófiredeza. Iemo jáíi daje izói cuena canódeza.

³ Iemo Aquílamo íe ai Priscila diga, uai orédicue; mei afe íaillinoi Cristo Jesús uaimo cue táijicana llezica cuena nabáidiaillinoi. ⁴ Jácinomona cue íaillinoi jíllotado íaillinoi illafue jacire fiébide. Aferi afe íaillinoína “Íere figora” daidicue. Dama cue daí daíñenaza, nana judíuaíñedinomona gairífirede ámatiaí daje izói “Íere figora” daidíaioi. ⁵ Daje izói Aquila Priscila jofomo gairífirede cai ámatiaí uáidori. Daje izói cue izíruiga nabai Epeneto uáidori. Afémie fueñe

Acaya éniemona Crísto mo ínotimie. ⁶ Afe izói ómoído iere táijifiredingo María omoí uáidori. ⁷ Iemo llavéracomo cue llaveina llezica, cue diga llaveca cue nabai Andrónico, Junias diga, daje izói afe íaillinoí omoí uáidori. Cázie ímie íaillinoí. Jesús orécamacimona mámecina jica jalleide íaillinoí. Afe íaillinoí nai Crísto mo cue ínoñenia, raire uícodo Crísto mo ínotiaillinoí.

⁸ Afe izói cue izíruiga nabai Amplias uáidori, mei cue izói cai Ocuíraimamo jaináideza. ⁹ Iemo Cristo Jesumo cue táijina llezica, cue nabai Urbano uáidori. Daje izói cue izíruiga Estaquísimo uai orédicue. ¹⁰ Afe izói Apeles uáidori, mei diga ícaño Crísto mo ie ínogafuena afémie jino comínimo cíotateza. Daje izói nana Aristóbulo comíni uáidori. ¹¹ Cue nairai ímie Herodiómo daje izói uai orédicue, naa cai Ocuíraimamo ínote Narciso comíniri. ¹² Daje izói Trifena ie ai Trifosa diga uáidori. Afe íaillinoí cai Ocuíraima táijinamo táijifrediaillinoí. Daje izói cai izíruiga miríngo Pérsida uáidori, mei afengo cai Ocuíraima táijinamo táijifredeza. ¹³ Iemo mámecina jica jalleide Ocuíraimamo ínotimie Rufo uáidori, naa ie ei diga. Afengo aillo cuena ie izíruillado cue ei izoide. ¹⁴ Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioíri ite ámatiaí uáidotícue. ¹⁵ Daje izói Filólogo, Julia, Olimpas, Nereo, naa ie miríngooíri uáidori. Iemo nana íaioíri ínote ámatiaí uáidori.

¹⁶ Mai, illa dígamie Crísto mo izíruillamona conímana caimare uáidori. Daje izói benó Juzíñamuimo gairíracuai imaci ómoímo uailaí orédiaíoi.

¹⁷ Amatiaí, bifue jeire omoí óllena izire jicádicue. Conímaíaina éoitadinomona abí omoí rairuiri. Afémaci jíáimana fiéni éicitaila izói finódiaíoi, omoí ñue ínogafue féitallena. Baimáci jíáimana énenoruitaitiaíoi. Bie íaioí lloga uai, nauí omoí cue llófuiafuena uáitaacadeza. Afémacimona oni jicado omoí iri. ¹⁸ Afe izóidino cai Ocuíraimo comeci jítaina izói íñédiaíoi. Dani íaioí comeci gáinanomo táijidiaíoi. Afe llezica íaioímo ite caimare ebírerie urilla uaido, comécina nífuenidínona jífuetiaíoi. ¹⁹ Nana jíáie comíni Juzíñamui uai jeire omoí úana fidídiaíoi. Iemona áferi íóbidicue. Iemo ñúefue dibénedo iere baitádimacina omoí íllena jítáidicue. Mei jíáfodo fiénidífue fínua dibénedo nífuenide onóñedimacina omoí íllena jítáidicue. ²⁰ Mei onódicaíza, comeci caimare uái illafue llote Juzíñamui Taífe uaina anáfenoíteza, omoí ie áífedoñeillena. Mei cai Ocuíraima Jesucristo ómoína ñue ézicíteza.

²¹ Cue diga táijiacade nabai Timoteo ómoímo uai orede. Daje izói cai nairai ímiaí Lucio, íemo Jasón, íemo Sosípater diga ómoímo uailaí orédiaíoi.

²² Pablo ocuica rabe cúeraimadicue; cue mámecí Tercio. Daje izói Jesumo cue jainánamona uai ómoímo orédicue.

²³ Benó ite Gayo ómoína uáidote. Birui afémie jofomo iticue. Daje izói nana Juzíñamuimo gairíacadínomo íaioí dúcillena, afécona nano íanori íaioímo fiéde. Daje izói cai jófuego ite úcubemo tájidímie Erasto, uai ómoímo orede. Iemo cai ama Cúartona mámeciredímie uai ómoímo orede.

²⁴ Mei cai Ocuíraima nana ómoína ñue íllena ézicíteza. Daiítadeza.

Iraícaño Juzíñamuimo caimátaillafue Pablo úrite

²⁵ Juzíñamuimo mai cai caimátailli, mei afémie omoí ínogafuena iere izire ínotaredeza. Cue ómoímo jino lloga cai jíllolle uai daíí dáideza. Daje izói Jesucristodo omoí cue llófuiafue daíí dáideza. Juzíñamui jiaíi ie comécido mamérilla izói, ja birui judíoñedino comécina ñue náiretade. Ua, bínie nai cómuiñenia, bífuena jica ia daíí comécido mamede. Ja diga fimona jaide íadí, aféfuena báinino íteza, nai jino comínimo uáfodo llóñega. ²⁶ Mei íadí ja

birui Juzíñamui uai llócaidino cáiena fieca Cuegáuaido, afefue jae jino denoca. Bifue ziiño Juzíñamui ocuilla izói caimo íficaide. Bie fueñe báiino Juzíñamui comécido mamérillafue, ja birui nana náiraiaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido ñnota afe uaimo ñue jeire íaioi óllena.

²⁷ ¡Daade jamánomo baitade Juzíñamuimo ebírede ñúefuiai nítaiticaiza! ¡Daí afémiemo Jesucristodo zíñona jaca ninomo llóiticaiza! Mei daítadeza; jae ñie.

NANOIDE SAN PABLO CORINTO IMÁCI MO

ORÉCABE

Primera Carta del Apóstol San Pablo a los Corintios

Coríntomo ite Jesucristomo ñnotinomo Pablo cuete

¹ Cue Páblodicue. Ñúefue llujillaena Juziñamui começi jítaina izói Jesucristo jónegamiedicue. Bie izói daina Jesucristo orécamiedicue. ² Cue, cai ama Sóstenes diga, Corinto jófuemo ite Juziñamuimo gairífredino uáidoticoco. Afe llezica bibe ómoimo cueticue. Omoimo Jesucristomo dájena jaináinamona Juziñamui iédiomoi. Juziñamui íena omoi jáillena afémieoiri ómoína jíríte. Nágagobiaimo ite cai Ocuíraima Jesucristo mámeçido jicáfiredino, daje izói Juziñamui íeiena uáidogaiaioi. Afe Ocuíraima Jesucristo afémaci ie, daje izói cáie. ³ Cai Moo Juziñamui, cai Ocuíraima Jesucristo diga, íaillinoína ñue uái illifue dibénemo ómoína jóneiteza. Daje izói afe íaillinoi ómoína ñue ézicíteza.

Jesucristomona comuide caimare illafue

⁴ Nágariui ómoiri Juziñamuina iere figura daiífredicue, mei Juziñamui Jesucristodo ñue caimare ómoína itátate. ⁵ Mei jii, Jesucristomo dájena omoi jaináinamona, Juziñamui nana ie cáimafuiaí ómoimo orede. Nana ie caimare úrillafue Juziñamui ómoimo llote. Daje izói ie onógafuiaína ómoína onótate. ⁶ Mei daií Juziñamui Crístodo daina uai ja ómoimo bie nahífuena ite. ⁷ Bíemona cai Ocuíraima Jesucristo cíocaizaibilliruimo nai dúciñena llezica, nana Juziñamui lloga uaina ómoimo íteza; abi diné jíáie uaina jítaiñeitiomoiza. ⁸ Afémie íco írairuimo ómoína náiretaite. Iemona cai Ocuíraima billiruimo dúcille dino buna ninó fiénidífueña ómoimo nitáñede. ⁹ Juziñamui úcodo ie dánana jaca ñue ícoimo fuitáfiredo. Afe ñnofirega Juziñamui ie jító Jesucristomo cai nabáirillena caina uáidote. Afe Jesucristo cai Ocuídime.

Crístomo gairífredino dájena ññeno oni eneno coméçidiaioi

¹⁰ Amatiai, omoi cacai. Cai Ocuíraima Jesucristo mámeçido izire ómoimo jicádicue. Dájena omoi jainairi. Daje izói eneno omoi bozíetañeno iri. Mei jíáfodo jíáimana énenaruñeno ñue dájena omoi iri. Daje izói dáafuemo começi fácaitiomoiza, íemo daje izói dáafuemo omoi maméritiomoiza. ¹¹ Cue ámatiai, bifue ómoína daidicue, mei Cloé comínimona dáarie cuemo llotíaioi, omoi cigiri jíáimana ruifruillano oni enénorie itíaioi, daií daidíaioi. ¹² Bie izói cue cacánafuedo ómoína daiíacade. Omoimona illa dígamiai jíáfodo úritiomoí. Dáarie cue Pablo iédicue daide, jíáimaci cue Apolos iédicue daide, jíáimaci cue Pedro iédicue daide, jíáimaci cue Cristo iédicue daide. ¹³ Mei íadi nana omoi Cristo abi izóidinodiomoi. ¿Meita afe Cristo abi énenorie fecaca? Daiítañede. ¿Meita Pablo omoi méfomo cruzmo coraica? Córañega. ¿Meita Pablo mámeçido omoi báutizagaomoi? Daiítañede. ¹⁴ Cue mena come Crispo Gayo diga báutizadicue. Omoimona abi dine jíáimacina báutizañedicue. Aferi Juziñamuina “Figora,” daidicue. ¹⁵ Iemona ómoimona buna “Cue bie Pablo mámeçido báutizagacue,” daiñide. ¹⁶ Iemo jíái daa Estéfnas comini báutizadicue, mei íadi cuemo úbicaiñedeza, abí dine jíáimacina báutizañedicue. ¹⁷ Mei Cristo cuena “Comini o báutizari,” daiñede. Cuena “Cue ñuera jílona uai o llócairi,” daide. Mei íadi cue abi ñnotade comini bacácido cuena llotátañede, Cristo cruzmo tíllana cue ráifitañellena.

Cristo llogáfuemo Juzíñamui ríino ite naa ie baitácafuiari

18 Afe bie Cristo cruzmo tíllafue, nana nine táinomo báitino dibénemo ráifiñede taino uailai izoide. Mei íadi ñue jilloitino dibénemo, Cristo cruzmo tíllado cai comeci illafue méidorede, mei afe uaimo Juzíñamui ríino íteza.

19 Jaiái Juzíñamui Cuegáuaido afémie bie izói daide:

—Iere baitáidino onóigafuiaina niné táinocaitaiticue.

Daje izói fibídino fibíllafuena ráifitañeiticue, —daide.

20 Ja biniemo fibídime ¿mei níifuemo cánoite? Comini comeci ífuena ñue méidoñede. Daje izói fia fibíllafue llófueraima canóñede. Afe izói binie ráfuiái júfidotime canóñede. Mei nana biniemo fibíllafuiái Juzíñamui ja jíáfodo méidoga. Ráifiñede taino uáillaina méidoga. 21 Juzíñamui nana ie finóllifuiaina onófirede. Iemona “Fia binie comini báitajafuedo cuena ónoñeitiomoi,” afémie daíñocaide. Mei jíáfodo Juzíñamui íaiomoi lloga uailai íaiói ínuado afémacina jíllotaacade, afe bie lloga uai jíáimacimo ráifiñede taino uai izoide íaiomoi cíocaide íadi.

22 Iemo judíuái fia dáinamona comuide cíorainina ráaniaina cíocadiaíoi. Iemo judíoñedino iere báitajafue jenódiaíoi. 23 Mei cai, cruzmo coraica Cristo rafue jino llófiredicai. Ie mei judíuái afefue llófuiana meáruitiaíoi. Iemo judíoñedino afefuena “Ráifiñede taino uailai,” daidíaíoi. 24 Mei jíáfodo Juzíñamui jíllóillena maíñócano dibénemo afe Cristo cairi tílla llogáfuemo Juzíñamui ríino ite. Daje izói afémaci íena afe llogáfuemo Juzíñamui baitaca uai ite. Daa Juzíñamui jíirigamie judío ímie íadi, bifue afémiemo ráifide. Daje izói Juzíñamui uáidogamie judíoñedime íadi, bifue dájerize íaillinoimo ráifide. 25 Mei jí Juzíñamui lloga uai, ráifiñede taino uai izói comínimo cíoide, mei íadi afe uai énie comini baitácafue baimo iere baitade. Daje izói Juzíñamui finócafue rínonina izói comínimo cíoide, mei íadi comini máirie baimo jamánomo rírede. 26 Amatíai, mai Juzíñamui omoi jíirillafuemo uibíoicairi. Omoiomona baitáidinona figo íñede, mei íadi nai ie comínidiomoi. Daje izói ómoina ríillainina figo íñedeza. Iemo ómoina jíca jalleide comínina figo íñede, mei íadi nai Juzíñamui izíruigamacidiomoi. 27 Mei jíáfodo, binie comini daína abina onóñedino Juzíñamui jae nizeca, ráfuiaina baitáidino méaicaillena. Daje izói binie comini daína ríinidimaci Juzíñamui jae nizeca, nana “Mairídicue” daidino meáicaillena. 28 Iemo biniemo ite jíca jalléiñedino naa jámairuigamací diga Juzíñamui jae nizede. Nana bie Juzíñamui nizécano jamai comini. Juzíñamui bie izói jamai comini nizede, abí ínota “Aillomédicue” daidino ríinitallena. 29 Iemona buna Juzíñamui uícomo abina ínonide. 30 Mei dama Juzíñamui ómoina Cristo Jesumo dájena jaináitate. Daje izói Juzíñamui, Jesucristo cai ífoci déitatimiena jóonete. Iemo Crístodo, Juzíñamui anamo ñue jaícina cai íllena, afémie caimo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllodicaí. 31 Afémie daí finode, Juzíñamui Cuegáuái daína izói jaícina jino fuitállena. Afe uai daide: “Dámie abí ínoiacania, cai Ocuíraimado abí ínori,” daide.

2

Dama coraica Cristo rafue Pablo comínimo llote

1 Birui ómoina cue llua izói, afe izói nauí Juzíñamui ua rafue ómoina cue lluaíbillaruido, cue baitaca féirede uaido ómoina úriñedicue, “Iere ráfuiaina baitádimedio” cuena omoi daííñeillena. 2 Mei nauí omoi cígiri cue illa

llezica daa Jesucristo ráfue naa ie coráifue diga, abi diné jáífue naa ómoína onótaacañedicue. ³ Aféruillaído ómoiri ríinidimie izói iticue. Ie jira benena cue jácieri cuidíridicue. ⁴ Omoimo jino cue llua llezica fia énie come baitaca uaido ómoína jieruitañedicue. Mei jáífodo Juzíñamui Ñuera Joreño jieruitadicue. Daje izói Juzíñamuimo ite ríinodo: “Bífue naa omoi jieruiri,” daidicue. ⁵ Daí ómoína daidicue omoi ínogafue, Juzíñamui ríino dibénemo íllena; daje izói omoi ínogafue bínie comini onógafuemo jáinaiñeíllena.

Juzíñamui da ie Ñuera Joreño onoiga

⁶ Mei íadi ómoimona Juzíñamuimo ínogafuemo ñue móonaitinomo cue baitaca uaido úriticue. Bie cue baitaca uai bínie comini íeñede. Daje izói bínie uíñote ríillaini uáíñede. Afémaci naa íaiói uáillairi niné cíocaiñeítiaíoi. ⁷ Jaiai uáfodo ónoñega Juzíñamui fibíllafuiaído úriticai. Afémie jaiai énie comuíacana uícodo báinino mamérillafuedo úriticai. Aféruillaído caimo zííñona fuíñeite jíllollifue caimo mamede. ⁸ Nana bínie uíñote ríillainimona bífue naa buná onóñede. Bífue naa onódiaíoina cai ñuera Ocuíraima Jesucristona coráíñediaíoi. (Aféfuena íaiói onóñenado íena coráídiaíoi.) ⁹ Mei íadi Juzíñamui cáiena mamécáfue ie Cuegáuai daína izói ite. Afe uai daide:

Bínie cominimona jaca buna cíóñena ñuera raa Juzíñamui íena izíruitino íaióiena jónete.

Afe izóidena comini jaca cacáñediaíoi.

Daje izói afemo jaca buna comeci facáñena.

¹⁰ Afe bífuiaina Juzíñamui ie Ñuera Joreño caimo llotátate, mei afe Ñuera Joreño nana Juzíñamuimo ite uáfodo ónoñega ráfuiaina onóíllena izire jicánofiredeza. Iemona afémie cai fidítate.

¹¹ Bínimo ite cominimona, ¿mei nímie jáíma comeci ífue onona? Dama afémimo ite joreño ie comeci ífue onona. Afe izói dama Juzíñamui Ñuera Joreño Juzíñamui comeci ífue onona. ¹² Bínie comini fieni comécíllafuiaí uícaíñegacai, mei íadi Juzíñamui caimo oreca Ñuera Joreño uícaigacai. Juzíñamui ie Ñuera Joreño caimo orede, aillo jeruíñeno caimo ie fecaca ráfuiaina cai onóíllena. ¹³ Juzíñamui Ñuera Joreño caimo llófuega uáillaído afe bífuiaido ómoimo úriticai. Dani cai fibíllafuemoná cai onoiga uáillaído ómoimo úriñedicai. Afe daí Ñuera Joreño uícaiganomo Ñuera Joreño lloga ua ráfuiái jino ñue lloticai.

¹⁴ Mei jii, Juzíñamui Ñuera Joreño uícaíñegamie afe Ñuera Joreño lloga ráfuiaina jeire oñede. Mei afémimona bífuiái ráííñede taino uallai izóideza. Aféfuái afémimo jánaide, mei bífuiái cómemo dama Juzíñamui Ñuera Joreño llófuegaza. ¹⁵ Mei íadi Juzíñamui Ñuera Joreño igámie naga ráfuiaimona nífue ñuena, nífue fiénina daírede. Mei jáífodo Ñuera Joreño íñegamie afe izói daíñide. Iemona Ñuera Joreño íñegamie Joreño igámimo jaca nífue naa jicánonide. ¹⁶ Mei Juzíñamui Cuegáuai daide: “¿Bu mei cai Ocuíraima comeci fácafue naa onona? ¿Mei nímie Juzíñamuina llófuerena?” Mei íadi ie Ñuera Joreño Cristo ífoci úrillafue caimo ite.

3

Dájemo tájidino izói Juzíñamui ocuica uai llujillena canódica

¹ Amatiai, bie lloga Cristo comeci fácafue nai ómoimo figo jóbiñede. Iemona Ñuera Joreño uícaigano izói nai ómoimo úrinidicue. Mei jáífodo Ñuera Joreño nai figo jáinaiñedino izóidiomoi. Crístomo jáinaidino dibénemo nai figo

onóñede úruiaí izóidiomoi. ² Iemona nauí ómoimo féinino llófueticue. Nai monoi jirode úruiaí izóidiomoi; jáiaide güille nai ómoimo dúiñede. Iemo afe izói ñue baitácafue nai ómoimo jaca dúiñede. Nai aféfuena jeire ónidiomoi. ³ Mei nai Ñuera Joreño jaináñena llezica jamai come izóidiomoiza. Nai birui jáimana úradoidiomoi, íemo icírafuena jenófirediomoi, íemo nai jáimana énenoruidiomoi. Iemona bíniemo ite Juzíñamui Joreño nai íñegano izóidiomoi. Nana íaioi eneno bozíetaillafuaina nai jeire otíomoi. ⁴ Omoimona dáarie “Pablo iédicue,” daide. Jáimaci “Apolos iédicue,” daide. Bie izói omoi illa, nai bíniemo ite Juzíñamui Ñuera Joreño úicaiñega comini izóidiomoi.

⁵ ¿Mei níimie Páblona? ¿Mei jái níimie Apólona? Coco bie daa Juzíñamui ocuícamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide. ⁶ Cue bie fueñe ritímie izóidicue. Ie mei Apolos afe rigaji jáinoina riáitatímie izoide. Mei íadi afe rigaji zicótatímie daade Juzíñamui. ⁷ Iemona cue bie fia ritímiedicue. Iemo Apolos fia riáitatímie. Bie coco jabóidimiedicoco. Mei íadi Juzíñamui jamánomoidímie, mei afémie afe rigaji zairítaiteza. ⁸ Nana ido ritímie, afeji jáinoina riáitatímie nágaillinoi daje Juzíñamui ocuícamie íaillinoi. Mei íadi illa dígamie nano ie táijina dieze Juzíñamui íbaite. ⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jáie raa izóidiomoi. Juzíñamui como nicana uiga jofo izóidiomoi. ¹⁰ Cue bie jofo níraini ocuídímiedicue. Juzíñamui cue ocuilla izói, bico jáillirai riire naidánetímie izóidicue. Iemo jáimie afe jáillirai acónimo ticáidímie izoide. Ie jira naga ticatímie rairuídicue, fieni ie ticáñeno ñue ie ticáilleza. ¹¹ Mei jii, abi diné jáimie riire naidaide jáilliraina naidánenide. Afe jae riire naidánega jáillirai izóidímie Jesucristo. ¹² Mei naga come bie jáillirai caifófemo ie illínona nírede. Afe bíena daírede mei naga come illafue bie nillíco izóideza. Dámie afe jáilliraina mameide Jesucristo caifófemo oro izóidedo ie illínona nírede, jáimie quenírede llojefe izóidedo ie illínona nírede, jáimie ráifide noficiaí izóidedo ie illínona nírede, jáimie amena iedo ie illínona nírede, jáimie fia uifízaido ie illínona nírede, jáimie zicicai izóidedo ie illínona nírede. ¹³ Iemo íco jáíruido Cristo comínimo itifue riire jicánuaibilliruimo naga come ie nigano uáfori cíoite. Aféruido Juzíñamui cai táijina fácaite. Irai izóidedo naga come nigánuaí Juzíñamui fácaite. ¹⁴ Irai cúaritañega raado nitímie Juzíñamui ie táijina íbaja raana jirídoite. ¹⁵ Mei jáífodo cúarirede raado nitímie minícana jiridoñeite. Nana ie táijina niné táinocaitaite; dama táinori llégitte. Mei íadi dama afémie jilloite. Ua, jofo bóoamona nana raaie uzilla mei, dama come jillona izói, afémie jilloite.

¹⁶ ¿Omoi bie Juzíñamui jofo izóidiomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi? ¹⁷ Afe bie Juzíñamui íco íaifuenidíco. Iemona ómoimona dámie bie Juzíñamui jofo eneno botáadi, afe cómena Juzíñamui jái niné táinocaitaite. Omoi bie íaifuenidíco izóidiomoi.

¹⁸ Nane daa come dama abi jífueiza áfemona abí omoi rairuiri. Omoimona dámie “Bínie ráfuena iere baitádimiedicue,” daíadi, afémie meine abido ínoñedino daina izói ráfuena baitáñedimiena jáirede, Juzíñamuimo ite nahí rafue baitállena. ¹⁹ Mei bínie comini baitácafuaí Juzíñamuimona ráfiñede taino uailai. Ie Cuegáuai daide: “Iere baitádinona Juzíñamui dani íaioi bífueinamo írebaimo jiilla izói jíitate.” ²⁰ Nane dánomo daide: “Baitáдино comei fácafuaí

ráifinana cai Ocuíraima onode.”²¹ Ie jira jáimamo jaináillado jaca buna abina inonide. Afe omoi dáamemo jaináilla uai jáifodo jóide. Nana omoi canódino ómoimo jainaide.²² Daa cómemo jaináillado nana bimaci ómoimo jainaide: Pedro, Apolos diga ómoimo jainaide, cue jái Páblodicue ómoimo jaináidicue. Daje izói nana biniemo ite ráaniai Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoi tíadi, Crístodo afe tíillana jáciruiñeitiomoi. Iemo biruillado Crístodo caimare írediomoi. Iemo uire jáiruido ómoimo ífcaitifuemo Crístodo jáciruiñeitiomoi. Nana bie ñúefuiai ómoie.²³ Iemo Cristo iédiomoi, ie mei Cristo Juzíñamui ie.

4

Jesucristo orécano tájinafue

¹ Iemona Cristo canódino omoi caina daiirediomoi. Daje izói uáfodo ónoñega Juzíñamui lloga uailai jino comínimo llófuetino omoi caina daiirediomoi.² Mei jii, tájinana jónegamie ie ocuidimie inofirenana afémiemo jino ciotarede; ie ocuillana ñue ícoimo fuitárede.³ Mei íadi cúemona, omoi cuemo itifue jicánodoiari járitañedicue. Daje izói dáarie cuemo itifue jicánodoídino cuena dánana figo náfueñedicue. Afe izói cue itifue dama cue jicanoiadi áferi járitañeiticue.⁴ Mei cue comeci úrilla nífuena cuemo nitáñede. Mei íadi afe izói cue comeci úria, nai ua Juzíñamui eróicana ua nífuenidimiedio cuena daiñede. Mei cuemo itifue jicánotimie dama Jesucristoza.⁵ Mei jira, Cristo nai biñena llezica jáima tájinafuena riire omoi jicánodoíño iri. Daa cai Ocuíraima jicánuaibillirui omoi ocúriri. Aféruido afémie jítifomo báinino itinona bai úzefomo uáfori ciotaite. Daje izói aféruido cai Ocuíraima naga come comeci mamérrillafuiai uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

⁶ Amatiai, mei ñue omoi íllena bífuiaido omoi o úriticue. Omoi canódimie Apolos ifue dama cufue diga jae ómoimo lloticue, omoi ñue dájena coméicillifue uáfodo omoi onóillena. Bifue ómoimo lloticue ómoimo coco ciotagafuiaido Juzíñamui Cuegáuai baimo omoi coméicillienena. Afe uai caina daide: Dámie dibénemo gáifineno omoi iri. Daje izói jáimiena jámairuñeno dájeze nana íaioimo omoi inori.⁷ ¿Mei nie come jáimaci baimo ómoína ñue finua? Nana omoi onoiga ñúefuiai Juzíñamui fecácaza. Jaca Juzíñamui fecáñegana inede. Iemona ¿nibái mei dáamiedo abina inofirediomoi? Abina inofiredimie: “Cue comeci jítaina izói cuemo fecácaza,” daiífirede. Mei íeñedeza. Omoi dani fécañegaza. Mei jira áfedo abina inonidiomoi. Nana caimo ite ráaniaimona dani cai ocuilla izói inede. Nana Juzíñamui caimo fecaca.

⁸ Birui ja “Nana Juzíñamui caimo fecáacagafuiai ja cai ógaza,” daií coméicidiomoi. Nana omoi jitaica ráaniai nibai ja omoi oga. Nana omoi onóacaga ífuiaina nibai ja ñue baitádiomoi. Nibai ómoína cai canóñenado ja illáicomínina jáidiomoi. Mei íadi táinodo abi inotiomoi. Iemo afe llezica cai bie jalléñedicaí. Mei íadi ómoína: “Ua illáicomínina omoi ii,” daidicue. Afe daií cai bie omoi diga dájena illáimaiticaí.⁹ Cai bie Cristo orécamiiai jino írainomo Juzíñamui fiécacaí. Cai bie lláviano tíitino izóidicaí. Jira cai bie nana énie nairai acárilla raa izóidinona jáidicaí. Iemona nana comini naa Juzíñamui abi imáciru caimo éroitiaioi, mei afémaci abi fáiacaitadinodicaíza.¹⁰ Cristo rafue cai llócaillamona caina jáimaci “Abina onóñediomoi,” daidíai; mei afe llezica “Crístodo ráfuiaina baitádinodicaí,” daidíomoi. Omoi riiredinona illa llezica, cai bie rínidinodicaí. Caina comini jámairuilla llezica ómoína ñue

jacírúitíai. ¹¹ Mei jaiái nai biruimo júbieri duere zefuídícaí. Daje izói cai jirolle jainoi iñénari jíái duere zefuídícaí. Daje izói figo inícuironidícaí. Daje izói comíni caina fiéni finódíai. Uái cai illíno iñede. ¹² Aillo cai táijinamona iere llégídícaí. Iemo comíni cairi jainónaitímací; mei íadí íaióina Juzíñamui canolle uaido fairíotícaí. Caina fiéni finóllena racádíai; mei íadí ocuídícaí. ¹³ Cairi fiénidífuedo úritíai; mei íadí afe comínina comeci mánainafuedo fáicana llófuetícaí. Afe llezica oni dotaca íáirede raa dota izói, afe izói caina ráifiñedinona caina mámano náfueñedíai. Nai biruimo cuidoda oni faiga íáirede raana caina mamédíai.

¹⁴ Bífuiaina omoi meáidáillena cueñédícue, mei jíáfodo omoi ñue íllena rairuúllano, llotícue, mei cúemona izíruiga jítótíai izóidíomoi. ¹⁵ Mei cómemona facádonide Cristo ráfueña llófuetíno ómoimo ite íadí, nai omoi ínogafue tainédímie daade. Cristo Jesumo omoi ínollena, omoi moo izói omoi comútatímiedícue, mei cai jíllona uaina ómoimo llotícueza. ¹⁶ Ie jira ómoimo cue cíotaga cai ñue illífuedo omoi jáillena, izire jicádícue. Daje izói cue llogáfuedo omoi jairi daidícue.

¹⁷ Afedo omoi jáillena, Crísto cue ínotaga Timoteo ómoimo orédícue. Afémie cue izíruiga jító izóidímie. Afémie, Crísto cue ínuamona cue lloga ñue cai illáfueña ómoimo úbicaitaite. Afe bie afémie ómoimo llujáillí fue izói, afe izói nágagobíaimo ite Juzíñamui ínotímací, cue jíái llófuefiredícue.

¹⁸ Omoimona dáarie abina ínuano, daidíai: “Pablo caina éroizaibiñeite,” daidíai. (Afe izói dáinado cue uaina uáitaacadíai.) ¹⁹ Mei íadí cai Ocuíraima Jesucristo comeci jítaíadi raire omoi cue méiñuáillena ocuídícue. Iemo cue billíruimo afe abina ínotímací nie ñúefue jíáímací finódíai, afefue cue onóillena fácaítícue. Afedo íaií ñuera ríino ite, níbai iñédeza, ónoítícue. Aillo íaií úrilla uaina náfueñeítícue. ²⁰ Mei jíí, ía cai úrilla uaido, Juzíñamui illáimana illáruimo jaináitañegacái. Mei jíáfodo Juzíñamui Ñuera Joreño ríinodo cai comeci ítifue méiduano íe illáimana illáruimo jaináitagacái. ²¹ ¿Mei nie izói óiacadíomoi? ¿Níbai ómoína duere cue fínuaíbillana óiacadíomoi? ¿Níbai izíruíllafuedo comeci mánainafuedo ómoimo cue éroizaíbillana óiacadíomoi?

5

Pablo fiénide meáí fue finódímie duere finóllena llote

¹ Ja biruí omoi cígímo ite iere fiénide jiruífueña comíni cue fidítatíai. Omoimona dáamie íe íe moo ogango dama íe aína ote. Afefue íere jamánomo meáírede. Afe izoide fiénidífueña Juzíñamui ónoñedímací jaca rairuídíai. ² Mei íadí bie izói ómoimo illa llezica ínai omoi íere abina ínofiredíomoi! (Afe izói omoi illa íere figóñede.) Mei jíáfodo áferi íere zuure íredíomoi. Daje izói áferi meáíredíomoi. Bie izói jiruíredímie omoi cígímona mai oni ore. ³ Náamiena omoi díga dama cue iñédícue, mei íadí afefue díbénemo cue comeci facáoinana ñue onóidíomoi. Ie jira afe bie jiruíredímie íe duere finóllena íae cai Ocuíraima Jesucristo mámedído ocuídícueza. ⁴ Iemona Jesucristo mámedído dáanomoi gairízai íllezica, íemo cue comeci facáoinamo ñue omoi úbíocaílla íllezica, íemo jíái cai Ocuíraima Jesucristo omoi cígíri ríinorena íllezica, ⁵ mai afe íimana ómoimona jino dótano Taífena náamataga comínimo íena omoi zóoferi, íe abí fiéni jítainafuíai níne táinocaitallena. Afemona cai Ocuíraima Jesús billíruimo afémie joreño jíllóbicaíteza.

⁶ Afe íaifue nai ómoimo illa llezica omoí ñue íáinina illa izóí abí ñnotiomoí. Afe abí ñnuana figóñede. “Mei daa cómemo ite íaifue aillo ie abimo itímacina íáiretaiteza.” ¿Comini daína uaina onóñediomoí? Afe uai daide: “Pan finóadi afe aillo fáitate raa tamédiaioí. Due jiza fáitatena jónega íadi, nana afe magáfecina aillo fáitate.” Afe izóí daa come finoca íaifue aillo ie abimo itímacina íaire finode. ⁷ Iemona ómoína fieni finode come ómoimona oni jica oreri, mei afémie jácaie pan fáitara izóidimieza. Ie jira afe fiénide méaifue ómoimona ñue muiñori, ñue jácina íaifuenidímacina omoí íllena. Iemona fáitatena jóneñega comue pan izóidinona íitiomoí. Ja onódicueza, afe bie izóidino ua itíomoí, mei Cristo nana cai ícoínia fagámiena jáideza. Afémie cai ifomo fatá Juzíñamui fecaca oveja jiza izóidimie, caimo ite íaifue oni dóllena. Afémie pascua rafue illa llezica cai uibíoigamie. Ie jira bie íaifue oni omoí fáinocai; mei íaifuemona muiñócanona cai íllena, Cristo tíideza. ⁸ Iemona nágarui cai illáfuemo táinona úriñede comécido mai cai illi. Daje izóí ñúfuiairede comécido mai cai illi. Afe izoide comeci fáitate raa jóneñega comue pan izoide. Mei jíáfodo íairede comécido cai íadi, daje izóí éoicaide comécido cai íadi, afe izoide comeci jácaie pan fáitate raa izoide. Afe izóí mai cai íñeilli. ⁹ Nauí ómoimo cue cuezábemo ómoína daidícue: “Bie izóí jiruírede comínimo nabáiriñeno iri.” ¹⁰ Bíníemo jaca jiruíredino ite, daje izóí iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoí nabáiriñeillena lloñédícue. Aféfuena rairuídícuena bíníemo oni jáiredíomoí. Mei íadi afe izóí ocuíñédícue. Mei íadi onódiomoíza, afémaci illa izóí índíomoí. ¹¹ Mei ómoína cue daífacanafue jíáífo jóide. “Crístomo ínote omoí ámadícue” daidímie íadi afémie jiruíreniadi, afémie diga nabáiriñeno iri. Daje izóí afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jíáimana fieni úrifireia, ie jífaireia, íemo ie merírifireia, afe izoide “Crístomo ínote omoí ámadícue” daidímie diga nabáiriñeno iri. Iemo jíái bie izoide come diga omoí güiñeno iri. ¹²⁻¹³ Bíníemo ite ínoñede fiénidinomo itífuie riire cue jicánolle cuemo dúíñede. Mei íaioimo fieni itífuiaí dama Juzíñamui riire jicánoteza. Mei jíáfodo omoí dani ómoimo jáináidinona riire jicánoredíomoí. Ie jira afe bie fiénidífuiairedímie omoí cígimona oni oreri.

6

Juzíñamui ñnotino júfidogafuiai oni ínoñedinomo llujínide

¹ Dani ómoimona dámie jíámamo júfidogafue comuíadi, ¿nibái mei oni jíámacimo afefue záitallena jáidiomoí? mei afémaci cai ínogafuemo jáináíñedímaci. Dani omoí cígiri ite Juzíñamui dúidinomo jicáredíomoí, o júfidogana jáicina záitallena. ² ¿Nai onóñediomoí Juzíñamui iédino nana bínie comini itífuena riire jicánoitiaioí? Mei uire bínie comini riire jicánoitiomoíza, ¿nibái mei omoí cígiri ite dúefuiaína riire záitanidíomoí? ³ Iemo jíái, ¿nai onóñediomoíza Juzíñamui abí imaci, ángeles daínámaci, itífuiaína riire jicánoitícaí? Mei uafue Juzíñamui abí imaci itífuiaína riire jicánoitiomoíza, ómoimo ite bínie ífuiaí riire záitallena ómoimona juánide. ⁴ Bie cai illáfuemona comuide júfidogafuiai ómoimo comuíadi, ¿mei nibái mei Juzíñamui gairídino dibénemo íñédinomo llujífredíomoí, afefue jáicina ómoimo finóllena? ⁵ Bie izóí ómoína daidícue omoí méaicaillena. ¿Mei nibái omoí cígiri ámatiaimo comuídifuena jáicina finuana baitádimie íñede? ⁶ Ja

birui da ama jiáimamo júfidogafue comuíadi, Juzíñamuimo ñnoñede jaícina finóraima uícomo llujífirediomoí. ¿Meita bie izóí írede? ¡Inide!

⁷ Uáfodo onóigaza, nanómona daa júfidollifue omoí cígiri comuíadi, jiáie o ñue illáfueña táinomo fáifitaite. (Daje izóí o júfidogafue Juzíñamui ífueña jámairuitade.) Daa cáimona dámie fiéni o finóadi, afe iba o óñeille baímo ñuera. Daje izóí daa come cue raa jífuiano baíróadi afe meine cue óñeille iere baímo ñuera. ⁸ Mei jiáifodo fiénidífue fáicanocaiño, dani omoí ámatiaímo fiéni finódiomoí, íemo jiái omoí ámatiaína jífuiano raana baírófirediomoí.

⁹⁻¹⁰ ¿Nai onóñediomoíza? nana jiáimana fiéni finódino Juzíñamui illáimana illíruimo dúciñeítiaíoi. Omoí jífuefiño iri, mei naga fiénidino Juzíñamui illáimana illíruimo jáinaiñeítiaíoi. Daje izóí áreiño jiáie ringo jetádino dúciñeítiaíoi, íemo jánaraina íóbitadino, íemo jíruífueredino, íemo jiáie íima diga fiéni ítímiaí, íemo merírifiredino, íemo iere ráanaíacadino, íemo jífáífredino, íemo jiáimamo fiéni úritino, íemo jífueta baírófiredino; nana éniemo ite bie izoide comíni Juzíñamui illáimana illíruimo dúciñeítiaíoi. ¹¹ Naui ómoímona dáarie bie izoide. Mei íadi ja birui Jesucristo ñue íáinino finócaomoí. Daje izóí Juzíñamui íeiena ñue mamécaomoí. Afe izóí Moo Juzíñamui Ñuera Joreño, íemo jiái cai Ocuíraima Jesumo omoí ínuado Juzíñamui anamo ñue jaícina itábicaídiomoí.

Cai abí Juzíñamui eróicana iere ñúeraza áfena íaídonídicaí

¹² Comíni daíífrediaíoi, “Cue bie cue comeci jitailla izóí íredicue.” Afe uáfue, mei íadi naga íaíoi comeci gáínafue íaíoina ñue finóñede. Uáfueza daa come dama ie comeci jitailla izóí írede, mei íadi afe comeci jitaíllafue íena anáfenotanide. ¹³ Mei uáfueza: cai güille, cai jébeíoi ie; daje izóí cai jébeíoi güille íena finoca. Mei íadi jiáíruido Juzíñamui nágaíllinoí güille naa jébeíoi diga jiáifodo méidoite. Mei íadi “Bie cai abína jíruífue íena mameca,” daínide, dáarie daí daíífrediaíoi íadi ¡mei afe uáfueñede! Bie cai abí cai Ocuíraima ie. Afe íbana cai Ocuíraima cai abímo dúide, cai ñue rairuíoicaíllena. ¹⁴ Iemo Juzíñamui cai Ocuíraima Jesús cáadímiena jáítate. Afe daí ie finua izóí, afémie dama ie ríinodo cáadímacina caina mámeite.

¹⁵ ¿Onóñediomoíza ómoímona illa dígamie ie abí dama Cristo abímo dúide? ¿Meita Cristo abímo dúidímie jíruíredíngomo dájena jóoneredicue? ¡Jaca jóonenide! ¹⁶ ¿Mei níbaí jiáífue onóñediomoíza, dáamie jíruíredíngo diga íadi afémie abí daa afengo abí izóicaide? Mei jí Juzíñamui Cuegáuai árenafue dibénemo bie izóí daíde: “Íima ie aí diga afe íaíllinoí dámiéna ja mameide.” ¹⁷ Afe izóí dáamie cai Ocuíraímamo dájena jáináíadi, afémie dájena joreño redímiena jaide.

¹⁸ Iemona mei jíruífue mona oní omoí iri. Nana jiáie cai finoca fiénidífue cai abína figo íáiñede, mei íadi áreiño jiáie ringo diga jíruífue cai finóadi, cai abína bácadicaí. ¹⁹ ¿Mei onóñediomoíza, omoí abí Juzíñamui caímo iga ie Ñuera Joreño illano? Iemona afe Ñuera Joreño jaca omoí diga íteza. Omoí abí dani ómoieñedeza, Juzíñamui ie. ²⁰ Mei omoí abí Juzíñamui jamánomo ráífidena íbácaza. Mei jíra cai abído Juzíñamuina íóbitaredícaí, íemo jiái daje izóí caímo ite joreño íena íóbitaredícaí, mei afe bie cai abí naa cai joreño diga Juzíñamui íeza.

7

Pablo come árenafue llófuete

1 Ja omoi cuemo jicánoga uailai afe ibáduai lloticue. Uáfueza dámie áireiacañenia dama illa figura. 2 Mei íadi aillo jiruifue íteza, naga ñima áirede. Daje izói naga ringo inírede. 3 Airedimie dama ie ai afémie diga íacana dieze, afémie írena. Iemo daje izói iníredingo ie ini afengo diga íacana dieze, afengo írena. 4 Iníredingo “Cue abi daingo cuemo dúide,” daiñide. Afengo abi ie ini íeza. Daje izói áiredimie “Cue abi bie dama cuemo dúide,” daiñide. Ie aimo jaináideza. 5 Ñima ie ai diga íacania ráiruiño jieruiri. Daje izói ringo ini diga íacania ini ráiruiño jieruiri. Mei íadi ñibai jiaíruido da come ie ai diga nano nígarui iere Juzíñamuimo íaillinoi comeci facáacana llezica, aféruillado dájena íñediaillinoi ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jitáinafuena ocuíninamona fiñi íllena Taife íaillinona facáateza.

6 Bífuiái caimare ómoie íllena lloticue. Raire lletara uai daína izói lloñédicue. 7 Cúemona nana comini cue áinino cue illa izói itíaiñoi, ñuera. Mei íadi Juzíñamui illa dígamiaimo jiaífoide ocuilla ríno fecade. Dámie áinino dama illa ocuírede. Jiaímie áinino dama illa ocuínide.

8 Ja birui áinidinomo naa fecínguai diga úriticue. Damádimie dama cue illa izói itíaiñoi ñuera. 9 Mei íadi dámie ie abi jitáinafuena ócuíñenia afémie raire áirede. Daa come ie abi jitáinafue íena anáfenoa fiñide, íemona raire áireña ñuera.

10 Mei íadi áiredino iníredino diga afémacina bie izói ocuídicue. Iníredingo ie inina jaca dotánide. Bie ocuilla uai dama cúeieñedeza, cai Ocuíraima Cristo ie. 11 Mei íadi iníredingo ie ini dotáadi afengo daingo írede; mei jiaífodo afengo afe daí íacañenia, afengo meine ie ínimo abido bírede. Daje izói áiredimie ie aina jaca fáicanocainide.

12 Iemo jiaífue dibéfodo cai Ocuíraima úriñedeza, dama cue ñue fibíllafuemona úriticue. Daa Jesumo ínotimie mo nai ínoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. 13 Daje izói daa Jesumo ínotingo ie ini nai Jesumo ínoñede íadi afémie afengo diga íacana llezica afengo afémie diga írede. Afengo afe ie inina dotánide. 14 Mei jii, Jesumo ínoñede áiredimie Jesumo ínote aimo jaináillamona Juzíñamui ñue finócamiena jaide. Daje izói Jesumo ínoñede iníredingo ie Jesumo ínotimie mo jaináillamona, Juzíñamui ñue finócanona jaide. Afe izói íñeniadi, omoi jitótiai ínoñedino úruiai izói itíaiñoi. Mei íadi afe izói jóoiñede. Afémaci Juzíñamui ñue finócaiañoi. 15 Mei íadi Jesumo ínoñedimie izire ie aina oni oréacania, dama daítadeza; orérede. Daje izói Jesumo ínoñedingo izire ie ini fáicanocaiacania, dama daítadeza; fáicanocairede. Aféfuena júfidoño iri, mei Juzíñamui “Nágarui uái omoi ífireiri,” caina dáideza. Bie izói íficaiadi Jesumo ínote ama naa ínote miringo diga rairuínino afe ínoñedimie mo jaináitanide. 16 Mei íadi Jesumo ínote iníredingo cácarei. Nai ónoñegaza ñibai odo o ini jílloite. Daje izói Jesumo ínotimie cácarei. Nai ónoñegaza ñibai odo o ai jílloite.

17 Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ínua llezica aféruimo cai táijina izói, afe izói nai birui táijiredicai. Bie izói nana Jesumo gairídinona ocuídicue. 18 Dámie Juzíñamuimo ínua llezica ie bacano ícoi quetátañenia, dama daítadeza; quetátaño iri. Daje izói jiaímie Jesumo ínua llezica jiaí quetácaza dama daítadeza; jiaífodo júfidoño iri. 19 Dámie ie bacano ícoi quetaca ñibai quetañega áfena náfueño iri. Mei jiaífodo Juzíñamui comeci jítainafue jeire cai olle iere ráifina. 20 Illa dígamie fueñe Juzíñamuimo ie ínua llezica aféruimo

ie illa izói, afe izói nai birui írede. ²¹ Aféruimo jiáima jeruícamiéna o ia, áfemo járitañoeno iri. Mei íadi afe ímamona oni o jáillino o báia, áfena maiñori. ²² Mei jii, dáamie como fueñe Juziñamuimo ie ínua llezica, aféruído afémie jiáima ocuífíregamie. Ja ie ínua mei Juziñamui dibéfomo afémie bu ráiruiñegamiéna jaide, cai Ocuíraíma táijinafue ie finóllena. Mei daje izói jiáimie como fueñe Juziñamuimo ie ínua llezica, aféruído afémie bu ráiruiñegamie. Ja ie ínua mei Cristo izire ocuífíregamiéna jaide. ²³ Juziñamui iere ráifidena íbácaomoiza. Iemona jiáima riire ocuífíregamiéna omoi iñeno iri. ²⁴ Amatiai, omoi cácarei, ómoimona illa dígamie como fueñe Juziñamuimo ie ínua llezica, nanómona ie táijina izói, Juziñamui eróicana áfemo táijifireiri.

²⁵ Mei birui nahí ánidino naa inínidíngotiai diga afémaci ífue llóiticue. Afémaci cue lletalle uaina cai Ocuíraíma cuemo lloñede, mei íadi cue fibíllamona cue onoiga uai llóiticue. Mei Juziñamui cue cánuado cue lloga uaina ínoredeza. ²⁶ Mei birui iere jacírediruillaiza, cúemona bifue ñue cioide: daa come birui ie illa izói jiáfodo méidoñoeno írede. ²⁷ Mei birui ja áiredio, afe mei ánidimie abina maméñoeno iri. Mei daje izói, birui nai ánidioza, mai ringona oñoeno iri. ²⁸ Mei íadi o áirenia, afefue fiénidifueñedeza. Daje izói daa jitaingo ínrenia, fiénidifueñedeza. Mei íadi biruillaído naga áiredimie naa iníredíngotiai diga íaiói illafue ánidímaci baímo iere juárede. Afe bie juáredifuiamona ómoína rairuíacadícue.

²⁹ Amatiai, ómoína cue daiíacanafue bie izói jóide. Biniemo Juziñamuina cai íóbitallirui aréiñede. Ja benómona cai illífuena jiáfodo maméredicai. Birui áiredimie, ánidimie izói írede, raíre jiáimaci jacíredifuemona cánuallena. ³⁰ Daje izói come tíllamo zúunaitino birui zúunaiñedino izói íredíomoi. Daje izói caimare iráizizaidino ja birui caimátaiñedino izói íredíomoi. Daje izói nana ráaniai íbáritino ja birui íaiói íbaca raana “Cáieiñede” daiífíredíomoi. ³¹ Iemo bínie ráaniai fecáfíredino, daje izói afe ráaniairi caimátaidino ja birui afe ráaniaimo figo járitainidíomoi. Mei bie cai ciona énie naa ie ráaniairi ja fúioicaideza.

³² Omoi gágudifuiamona oni ómoína óiacadícue. Dáamie nai áinina llezica, cai Ocuíraíma ífuiaimo járitaírede, cai Ocuíraíma íóbitallena. ³³ Mei jiáfodo áiredimie ie ai íóbitallena, bínie ráaniairi járitaírede. Iemona afémie mena ocuídímie anamo ite izóidemona, ie finóacagafuiaina finónide. ³⁴ Ringóniaimo jiái daje izóidífué ite. Nai inínidíngo cai Ocuíraíma ífuiaimo járitaite. Afengo joreño naa ie abi diga Juziñamui íena iere íacade. Mei íadi iníredíngo ie ini íóbitallena bie énie ráaniairi járitaide.

³⁵ Ñue omoi íllena bífuiai ómoímo llóiticue. Omoi áireiacanafuena rairuíacañedícue. Mei jiáfodo comini eróicana ñue jaícina omoi illífuena jitáidícue. Iemo jiái cai Ocuíraíma Jesús ocuífafue jiziñoeno jeire omoi óllena, bífuiai ómoímo llóiticue.

³⁶ Mei ómoimona daa come comécido daiía: “Cue jicánogango dibénedo ñue jaícina finóñedícue,” íemo afe llezica afengo are dinó jitáingoñoiteza, afémie comeci ñue faca izói, izire ie áireiacana izói áirede. Ie jicánogango ie olle fiénidifueñedeza, afe íaillinoi áirena rairuínide. ³⁷ Mei íadi jiáimie jiáfodo comeci facáadi, mei afe ñuera. Ie jicánogangona ie aina ie óiacañenia daje izói afefue jiái ñuera; mei afémie ie jicánogango raíre óñeíllena ie comeci ñue daína izói, jica ia ñue mamédeza. Afe izóidífué íaífueñede. ³⁸ Nana búuillaímona bie izói onódicai. Jicánogango otímie ñúefue finode, íemo jicánogangona oñédímie afe baímo ñúefue finode.

³⁹ Iníredingo, ie ini nai caana llezica, ie inimo cuinaca izói jainaide. Mei íadi ja ie ini tilla mei, afengo bumo jaináñede. Jesumo innote afengo gáigamiemo iníreirede. ⁴⁰ Mei íadi cue comeci faca izói, afengo meine nane iníreiñeden baimo caimare iite. Bie uai ómoimo cue llua llezica, Juzíñamui Ñuera Joreño cuemo ite izoide daidicue.

8

Jánarai íena mameca ríllenai ifue San Pablo llote

¹ Ja birui omoi jicánoga jíáfue llóiticue. Jánarai íóbitallena fia fecaca rille ifue llóiticue. Iere uáfueza, bífuiaimo fibídicaiza. Mei íadi cai onóigafuemon caí abí fiéni inuana aillo comúitate. Mei jíáfodo jíáimana caí izíruillafue nana comínina náirecaitate. ² “Baitádimiedicue” daidímie Juzíñamui ie onótaacanaze nai onóñede. Nai abina onóñede. ³ Mei dáamie Juzíñamui izíruia, afe ibana Juzíñamui ñue afémiemo éroite.

⁴ Mei ja birui jánarai íóbitallena fia fecaca rille ifue llóiticue. Omoimona dáarie bie izói daidíaiói: “Afe rílleniaina ríri” daidíaiói. Jíáimaci “Ríñeno iri” daidíaiói. Fueñe bífuiaimo omoi cácarei. Mei ñue onóigaza bie jánarai nahí ráañede, ráifiñede fia raaza. Daje izói ñue onóigaza jíáie Juzíñamui jaca iñede. Juzíñamui jaca daade. ⁵ Mei comíni, monamo aillo ite juzíñamuillai daííadi, daje izói bíniemo jíái aillo juzíñamuillai ite íaiói daííadi, íeñede. ⁶ Mei íadi cáimona caí Moo Juzíñamui jaca daade. Afémie baimo jíái juzíñamui iñede. Uáfueza comíni juzíñamuina mameca taino juzíñamuillai aillo ite. Daje izói íaiói mameca Juzíñamui jabóidillaini aillo ite. Mei íadi cai onoiga daade Moo Juzíñamui naga ráaniai finódimie. Iemo bie cai afémie íena iticai. Iemo jíái cai Ocuídímie daade; afémie Jesucristona. Afémiedo naga raa comúitaga. Cai jíái daje izói afémiedo comúitagacai.

⁷ Mei íadi nana comíni nai bífuiaina onóñediaíói. Dáamierie nai jánaraina íóbitajana fibídíaiói. Afémacimona taino juzíñamuimo fecaca güllena, “Bie güille caí juzíñamuillai ie” comeci anado daidíaiói. Daíí íaiói comécilla mei áfena ritíaiói. Iemona afe taino juzíñamuillai güllado íaiói ifoci úrillana bácadíaiói, mei íaiói inogafuena nai figo baitáñediaíoiiza. ⁸ Mei uáfueza, fia caí güigado Juzíñamui caimare caina uáidoñede. Cai güia, nibai caí güíñeniadi áfena Juzíñamui lloñede. Cai güíadi, afémie íena caina caimare finoñeite. Daje izói güíñeíticai íadi, caina fiéni finoñeite. ⁹ Iemona ja onódicaiza rairuíño güiredicai. Mei íadi áfemona abí omoi rairuíocairi, mei dáarie íaiói inogafuena nai figo baitáñediaíoiiza. Jánaraimo fecaca rille o ríana íaiói fidíadi, afémacina fiénidifueмо baitatio. Afemona abí omoi rairuiri. ¹⁰ Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica inogafuena nai figo baitáñedímie o güillana cióadi, afémie dáíte: “Cue jíái cue güizájiticue,” dáíte. Mei íadi afémie dibénemo, taino juzíñamuillaina jacíruillano afémacimo fecaca güille güite. Daíí ie íllamona dama ie comeci úrilla bácade. ¹¹ Iemona o ñue onóigafuedo, figo baitáñede o ama fiénidifue diné féiraitadio. Mei íadi Cristo jíái afémie jíllloillena tíide. Jira o afémie féiraitalle fiénide. ¹² Afe jira, inogafuena nai figo baitáñedímie fiénidifueмо afémie o ífóadi, áfedo Cristo fiéni finódio. ¹³ Ie jira rille cue rí ícoinia cue ama fiénidifueмо cue baitaiza, ja benómona jaca ríllena ríñeíticue. Daíí cue illa jamánomo ñuera, afémie fiénidifueмо cue báitañeillena.

9

Jesucristo orécamie buna ráiruñega

¹ Ñue onóigaza, nana jiáie Jesús jiáinomo orécamiai izói, rairuñidicue. Mei cai Ocuíraima Jesuna afémaci íena ciona izói, íena jiái ciódicue. Iemo jiái omoi dani Jesumo ñnogano cai Ocuíraimamo cue táijinamona comuide. ² Jiáimaci, “Bie Pablo Jesús óreñegamie” ñibai cuena dáitiaoí. Mei íadi afe izói cuena daiñidíomoi, ómoína cai Ocuíraimamo ja ñnotadicueza. Iemona omoi dani Jesumo ñnuamona, cuena bie uáfueña Jesús orécamie daiítaite.

³ Omoimona cue uáitativo uaina bie izói óitícue. ⁴ Juziñamuimo gairídino cuemo fecaca güille naa jirole diga áfena cue llínolle bu cúemona rairuñede. ⁵ Daje izói jítadicuena jiáie Jesús orécamie finua izói, Jesumo ñnotingona cue aina óredicue, cue diga jáicaillena. Iemo afengo jítaille güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. ⁶ ¿Mei omoi ñie izói comeci facádíomoi? ¿Ñibai coco dáaillinoí cue nabai Bernabé diga, nanómona coco ónoído táijinafueña fáicanocainidíococo, ñúefue coco llujillena? Mei íeñedeza. ⁷ Mei daje izói ¿ñie fuíríraima dama ie güille diga jáireña? Jáinide. Jaca afénomo ecácaza. ¿Ñie come jíricona ríadi áfemona afe llizíllajina afémie riéñede? Jaca afe izóidímie iñede; jaca afémie aféjiaína riéfirede. ¿Mei ñie ovéjaiai úiñotímie ie úiñoga oveja monoí omida afémie jiróñede? Jaca afémie áfeji jirófirede. ⁸ Fia come daina izói bífuiaí cue llua daií omoi comécíñeno iri, mei jaiai Moisés cai ocuilla uai daje izói dáideza. ⁹ Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioí güilleza fue maiñeno iri. Ñue onóigaza, bífueña Juziñamui dama juráreto jíicana daiñedeza, ¹⁰ mei jiáifodo biedo Juziñamui cai lote. Bie ocuilla uai cai ñue íllena ciega. Mei jii, jacafai tíeraima afénomona llizide raana otá güirede. Daje izói trigo gájirillena juráreto zaiízitatímie áfemona otá güirede. Afemona afe íaillinoí güillena caimare ocuírídaiillinoí. ¹¹ Iemo ritímie rífirega izoide Juziñamui uaillai ómoimo fueñe llotícue. Ie mei birui ómoimo ite bínie ráaniaí abido cue maiñolle figora. ¿Mei ñibai ómoimona bie áillue izói cíoide? ¹² Mei jiáie llófueraini ómoimona íaioí güillena ófirediaioiza, ie mei bie cai afémaci baímo fia ecáregacai.

Mei íadi bie daina izói cai güillena ocuñedícaí. Mei jiáifodo ómoimo ñúefue lluaíbitícue. Nana cue jitaiga ráaniaí dama cue íbaca. Omoimona minícana fia onédicue, cue lloga Cristo daina uaina omoi ruifruiza daií. ¹³ Mei jii, jiáífue ñue onódiomoiza, nana Juziñamuimo gairíracomo táijifiredino afeco ie güilledo írediaioí. Bífue bie izói daiíacade; nana Juziñamui íóbitallena fecaca rille jobáiranomo táijifiredino, afénomo fecaca rillemona come jítáillaze otá rírediaioí. ¹⁴ Mei birui cai Ocuíraima daje izói ocuide. Nana jíllona uai llócaidino, íaioí llófuega comínimona güillena otá güírediaioí. ¹⁵ Mei íadi cue bie daina izói jaca finóñedícue. Daje izói bie cue ciegábedo ómoimona minícana fia jicáñedícue. Güille ómoimona cue jicáñenamona júbieri tídicuena, afe figo cuemo ráifíñede. Raiñóñeno bie ñúefue cue llujáiri iere íóbidícue. Afe bie cue íóbillafue cue tíilla baímo jamánomo ráífide.

¹⁶ Jíllona uai cue llócaillado abina ñnonidícue, mei afe llócaillena jóonegacueza. Bífue llócaíñedícuena jñii duere cue zefuilla! ¹⁷ Ie jira, dama cue comeci jitailla izói bífueña cue llócaíadi, Juziñamuimona jirídoredícue. Mei íadi afe izóiñedeza. Juziñamui cue níziano bie ñúefue cue llócaillena cue jóonete. Afena

cue jaca jámairuinidicue. ¹⁸ Iemona daií cue llócailla jirídua jáífodo jóide. Nie afe cue jirídogo daiítana fia cue ióbillafue; mei raiñoñoeno bie ñúefue cue llujáillari iere ióbidicueza. Nana cuemo dúide tájinana ibátañedicue. Uai llóraima izóí cue tájinamona, cuemo dúide ráaniai ómoimona raiñoñoeno fia oñedicue. Aferi iere ióbidicue.

¹⁹ Mei comínimona buna ráiruiñegacue, mei íadi nana comini ocuállimiena abí mamédicue, baimo aillo comínina Crístomo cue jaináitallena. ²⁰ Judíuai cígimo cue illa llezica, judío ímiena abido jáidicue, afémaci Crístomo cue jaináitallena. Bie izóí daina, Moisés ocuica uai anamo itínona Crístomo cue jaináitallena, afe Moisés lloga uai anamo abí jóneticue. Mei íadi uáfueña afe ocuica uaimo dúñedicue. ²¹ Iemo jáinomo, afe Moisés ocuica uai anamo iñédinona Crístomo cue jaináitallena, íaioi izóidimiena jáidicue. Mei íadi uáfueña Cristo uai anamo cue íllamona Juzíñamui uai anamo iticue. ²² Juzíñamuimo íinogafueña nai figo baitáñedino cígimo cue illa llezica, afémaci izóí abi mamédicue, afémaci Crístomo íaioi íinogafue cue móonaitallena. Bie izóí daina, nana comínimona illa dígamie íaioi illa izóí íacadicue, mei nibai jáífodo íaiomona dáarie cue jíllotallena. ²³ Nana bífuiaina finófredicue cai jíllona uai jica jalléillena. Daje izóí bífuiai finódicue, ñuera cai jíllotate uai caimo onótaga núefuiaina cue maiñoñleza.

²⁴ Ja onódiomoiza, jáímacimona aillo comini áizia, illa dígamie fia jirídogo raana oñede. Dámie jirídote. Mai riire omoi aizi, jirídolle raa omoi jirídolleza. ²⁵ Nana jifánuafuemo maméritino, jifánoiacana uícodo abina náinitade raana fímaidiaioi. Afémaci iere abina fímaidiaioi, raire zábifirede raa íaioi jirídollena. (Mei aféruillaído íaioi jirídogo rábiai finoina ífo icuífoi are iñeno raire etúdeza.) Mei íadi jáímaciri fuírienaila izóí, riire nícidoticaí, jaca ninomo zábinide raa cai maiñoñleza. ²⁶ Cue dibénemona uínidimie izóí ebena aizíñedicue. Iere níciduano, come jana fatímie izóí táinona fañedicue, mei íadi comini ñue ínotallena riire nícidoticue. ²⁷ Mei jáífodo abi fímailla izóí cue abina duere finódicue. Daií abi cue rairuállamona dama cue abina ñue jíeruitadicue. Bie izóí finóicaidicue, jáímaci cue llócailla mei, ruiífruillano Juzíñamui jino cue dótañeillena.

10

Jánaraimo caimátáifredino lleta uai

¹ Cue ámatiai, bífueña ómoína fidítaacadicue. Nana cai jaiáidigima Juzíñamui jóonega mona uílliena eroide raa anado jáioicaidiaioi. Daje izóí nana afémaci Jáiarede Monáillaina ruica jaitádiaioi. ² Daií íaioi jáillamona afe mona uílliedo, daje izóí monáillaído dájena Moiséoiri jaináitagaiaioi. ³ Daje izóí nana afémaci Juzíñamui monámona cocítaga güille güífrediaioi. ⁴ Iemo nana afémaci afe Juzíñamui nofícimona totátaga jainoi jirófrediaioi. Mei íaioi jáioicailla llezica afe íaioi nabáioicaide jamánomo riirede nofici llócuá jiródiaioiza. Afe nofici daina Cristo. ⁵ Mei íadi afémaci nabézie Juzíñamuina ióbitañede. Iemona zaféredizicimo tícoizitiaioi.

⁶ Nana bífuiai cai onóillena daií íficaide, afémaci gaíga fiénidifuiaina cai gáíñeillena. ⁷ Afémacimona dámierie jánaraimo caimátaila izóí omoi caimátaiñoeno iri. Juzíñamui Cuegáuai íaioi finócafuena bie izóí daide: “Afe comini fia ráinaillano güífrediaioi, jirófrediaioi. Afe mei náidacaillano rafue finoda záifrediaioi.” (Daií íaioi jánaraimo caimátaitiaioi.) ⁸ Afémacimona dáarie jiruírena izóí, mai cai íñeilli. Daií íaioi jiruírenamona afémacimona daje

monado veintitrés mil dígamie titácaiaioi. ⁹ Afémacimona dáarie Juzíñamui afémacimo raire járitañenafuena náfueneño, fiene íena facátatiaioi. Afemona diga comini Juzíñamui oreca jaio ainica íaioi tilla. Mei jira, afémaci Juzíñamui fiene facátaja izói mai íena cai fácatañeilli. ¹⁰ Daje izói Juzíñamuimo omoi ríiríñeno iri. Mei afémacimona dáarie Juzíñamuimo ríiríillano úrioidino titade Juzíñamui abi ímie titácaiaioi.

¹¹ Nana bífuiaí cai jáiáidigimamo íficaide, áfena cíoillano comini bífuiaimona ñue abi cai rairuúllena. Afe mei, cai onóillena Juzíñamui afe bífuiaí ie Cuegánicomo cuetátate, afe izóidífuiaimona cai bigímaiaí ñue abi cai rairuúllena. Mei ja birui írairuúllaimo itícaiza. ¹² Mei afemona, “Ñue ínoticue” daidímie daítadífuemona ñue abí rairuiri, afémaci izói cai báíñellena. ¹³ Omoimo comuide facátaina duere zefuúllafuiaí, daje izói nana jáíimacimo comuide, dani ómoíñedeza. Mei íadi Juzíñamui jaca ínofiregamie. Mei onódicaiza, Juzíñamui caimo ite máirie baímo, rírede facátafuedo caína fácatañeite. Mei jáíifodo facátafue comuilla llezica Juzíñamui afemona omoi jíllolle iona ómoína onótate. Afemona afe facátafuena ja ñue ocuirediomoí.

¹⁴ Ie jira, cue izíruiga ámatiaí, jánaraimo caimátaillamona oni omoi jírecairi. ¹⁵ Ráfueña baitádinomo úrilla izói ómoimo úriticue, íemo ómoína cue daíllifueño dani ñue comeci omoi facari. ¹⁶ ¡Cácarei! Cai Ocuíraíma tíllamo cai úbicaillena, ñue finoca comunión illácurimona cai jiróadi, Cristo díena dájena caimare mamécacai. Daje izói afe illa dígamieño fecaca comunioimo jáinaide pan, cai güíadi, Cristo abína dájena caimare mamécacai. ¹⁷ Aillomaci cai íadi, daje pan cai güíllamona daade come abína iticai.

¹⁸ Mai Israel nairai finoca ráfuiaímo comeci omoi facari. Juzíñamuimo fecaca rílleniaí ritino, afe fecaca rílleño dájena mamécaiaioi. ¹⁹ Bie cue dáinamona jánarai ua raaza dáíacañedicue. Daje izói, afe jánaraimo caimátaillena fecaca rille, jáíie rille baímo ráífideza dáíacañedicue. ²⁰ Cue daína bie izoide: Juzíñamuina onóñedino fia iga raa afe jánaraimo íaioi feca llezica, afémaci Juzíñamuimo fecáñediaioi; mei fiénide joríaímo fecádiaioiza. Afe fiénide joríaí anamo dájena caimare omoi itábicairi, daíñedicue. (Daítademono ómoína rairuúlladicue.) ²¹ Fiénide joríaí ichécoimona omoi jírua llezica cai Ocuíraíma ichécoimona jirónidiomoí. Daje izói fiénide joríaímo mameca rílleniaí omoi ría llezica, cai Ocuíraíma mameca comunióna güínidiomoí. ²² ¿Meita cai Ocuíraímana rícaitaacadiomoí? Jaca daí íacañedicai. ¿Meita cai Ocuíraíma baímo ríirediomoí, afémie duere omoi fínoñellena? Jaca daí ríinidicai.

Crístono comuide conímana cai izíruíllafue cai rairuíninafue baímo ñuera

²³ Uáfueña daína. Dámie ie comeci jítaina izói fínuana rairuínide. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaitallena ñue canóñede. ²⁴ Dani omoi ñue illifue jenóñeno, jáíimaci ñue illifue jenórediomoi.

²⁵ Fecáriracomo nana fecaca güílleniaí jáíifodo o ífoci úrillado jícanoñeno uái daí omoi güiri. ²⁶ Mei nana bínie Juzíñamuimo dúideza naa áfemo ite rílleniaíri.

²⁷ Mei jáíruido Juzíñamuimo ínoñedímie ona: “Güizaíbi” daííadi, jaillano jáíifodo ífoci úrillado jícanoñeno nana o ie écajana uái daí güiri. ²⁸ Mei íadi dáamie: “Bie líiciaí jae jánaraimo fecácaza,” ona daííadi, áfena ríñeno iri; daíí daidímie comeci fiene o fínoiza. Daje izói afémie ífoci úrilla o úaitañelleza. ²⁹ O ífoci úrillana lloñédicueza, afémie ífoci úrilla o zánoñellena, daíí daidicue.

Mei nibai dáamie jicánoite: “¿Níbái mei jiáie come ifoci úrillado rairuicacue? ³⁰ Nana cue güigari Juzíñamuina: Figora cue daiía, nibái mei jiáima cue güillari fiene úrite,” daií afémie dáite. ³¹ Iemona bizóidifue ñuera: Omoi güilla llezica, omoi jírúa llezica, nana omoi jetáacaigafue jeta llezica, mai nana afe omoi finóacaigafuina Juzíñamui ióbillena finori. Afe daií aillo ñúefue íemo nítaiti omoi. ³² Ninó jiáimana oni nibéfodo fiénidifue mo o illáfuedo baiítañeno iri. Ua, judíuaina baiítañeno iri, daje izói judíoñedinona baiítañeno iri. Iemo Juzíñamuimo ínotinona baiítañeno iri. ³³ Cue dibénemona, nana comínina nana cue finócafuiaido ióbitaacadicue. Dama cue ñue illifue jenóñedicue, mei jiáifodo nana jiáimaci ñue illifue jenódicue, ñue íaiói jílloillena.

11

¹ Cristo ciótaga ñúefuedo cue jailla izói, ómoimo cue ciótaga ñue illáfuedo omoi jairi.

Juzíñamuimo cai camátaiñena llezica, ringóniai jaca jiáimacina lletánidiaioi

² Cue ámatiai, ómoimo ñúefue nítaiticue mei cuemo uibíoifiredi omoi. Daje izói omoi cue llófuiana jeire uano áfedo jáifiredi omoi. ³ Mei íadi ja birui jiáifuena omoi onótaacadíe. Bifue bie izoide. Cristo nana íñiai ifoci izói Ocuídime. Iemo nana ringo ie ini ocuica; afémie afengo ifódimie. Afe izói Juzíñamui Cristo ifode. ⁴ Iemona dáamie Juzíñamuimo úrilla llezica, ie ifoci íbaia, afe ie ifócina meaire finode, mei ifoci íbailla jiáie come ocuilla anamo íllana llóteza. Daje izói Juzíñamuimona onoiga uai afémie llua llezica, ifoci íbailla ie ifócina meaire finode. ⁵ Mei jiáifodo, daa ringo Juzíñamuimo úrilla llezica, íemo Juzíñamuimona onoiga uai llua llezica, afengo ie ifoci íbaíñenia, afe afengo ifócina meaire finode. Afe íbaíñena afengo ifo itirai nana cuidoca izoide. ⁶ Daa ringo ifoci íbaicañeniadi mei dáaruido nácina cuidórede. Mei nácina cúdocana, ifoci íbaíñena daje izói meáirede. Mei íadi ringo ie ifoci naado cúduana meáruiaidi, afengo ifoci íbaírede. ⁷ Íñiai íaiói ifócina íbaínidiaioi, mei íma Juzíñamui jánana eróideza. Daje izói íma Juzíñamui ñue ocuilla ríinona jino ciótatímieza. Mei íadi ringo íma ñue ocuilla ríinona jino ciótaite. Uáfueza, Juzíñamui íñiai anamo íñena izói, afe izói íñiai ringóniai anamo íñede. ⁸ Mei íma Juzíñamui finua llezica, ringómona finóñedeza. Mei jiáifodo ringo ímamona finócaza. ⁹ Íma jitailla jira ringo finoca; mei íadi ringo jitailla jira íma finóñega. ¹⁰ Afe jira ringóniai ifócina íbaírede, afengo ie ini ñue ocuícana anamo illa daiíllena. Daií írediaioi mei Juzíñamui abi ímaci eróicana ítíai oiza. ¹¹ Mei íadi Crísto mo cai jainaina dino íma ringónino ínide. Daje izói ringo ímanino ínide. ¹² Mei uáfueza ringo ímamona finoca, daje izói uáfueza naga íñiai ringo jéciga. Iemo nana Juzíñamui comuítagacai.

¹³ Bíemona ¿nie izói comécidí omoi? conímamo omoi daini. Ringo ifoci íbaíñeno Juzíñamuimo úriadi, meita figora, nibai figóñede. Mai daini. ¹⁴ Nanómona omoi izóidino griego ímaci onóigaza: íma ífótiirena baiñede; meaire cíoideza. ¹⁵ Daje izói afe abina cai onónafue jiáifuena dánomo cai llote. Ringo ífótiirena ñue baite, mei áfedo aféngomo ñúefue nítaitiaioi. Jaca afe ringo ifoci íbaíllena, ie ífótií áretina comuítaga. ¹⁶ Mei dáamie bizóidifue júfidoacaniadi, bie cue llógamo mai cacai, mei Cristo orécamací cue diga jiáifoidifue naáfueñedícaí. Daje izói Juzíñamuimo ínotino bifue baímo jiáifo maméñediaioi.

Cai Ocuíraímamo cai uibíñoga güilla rafue jiáimaci báca

¹⁷ Bie izói cue dainado ómoimo ñúefuena nítañeíticue, mei omoi gairíllafuíaímo ñue íñeno, conímamo fiene finódi omoi. ¹⁸ Fueñe bifue llóitíe.

Dámierie omoï illáfuena cue fidítatiaoï. Juzíñamui cáimacaillena omoï gairilla llezica, jáimana énenoruidiomoï, daidíaoï. Afémaci cuemo llógana jabo ínoticue. ¹⁹ Afe eneno bozíetaillafue comuífiredeza, nibézie Crístomo nahí ínotinona, nibézie ínoñedinona jino uáfodo daíllena. ²⁰ Conímana omoï énenoruillamona, bie izóï zúide. Gairillano omoï güillafue omoï bácacaza, ja birui áfena cai Ocuíraima íeñede. ²¹ Mei güizájillamo dúcina llezica, illa dígamie dama ie atíca güille güizájillena járitafirede. Iemo dáarie jufíruilla llezica, jáimaci jífáizaibítiaoï. ²² ¿Meita birui omoï jofónidiomoï, afénomo güitá omoï jiróllena? Bie izóï omoï íllado Juzíñamuimo nahí ínotinona jámairuitiomoï. Afe dáaruido güíllenidinona meáiruitadiomoï. ¿Mei nie izóï ómoína daíticue? ¿Mei ómoïmo ñúefuena nitáredicue? ¿Aferi ómoïmo ñúefuena nitánidicue!

*Cai Ocuíraima íraicaiño güíllamo cai uíbicaillafue
(Mt 26.26-29; Mr 14.22-25; Lc 22.14-20)*

²³ Uáfueza, cai Ocuíraimamo cai uibíñoga güillafue fiени omoï fínuamona, ómoïmo ñúefue nitánidicue. Mei nauí ómoína cue daina izóï, bie omoï cue llófuiafuena dama cai Ocuíraima llotátacagaeza. Afefue be ñie: Cai Ocuíraima Jesús afe ie Judas fécaja naio, pan llínote. ²⁴ Llínuano Juzíñamuina: “Iere figora” daide. Daina méifodo fécano daide: “Mai omoï güi. Bie cue abi; omoï ñue íllena díteca izóï ómoïmo cue fecácaza. Bífuedo cuemo omoï uíbicaifireiri,” daide. ²⁵ Daje izóï íaoï güilla méifomo, jiróracuri llínota daide: “Afe bie jiróracuri eromo ite íji, ómoïmo cue comúitalle cómofuena ómoína onótate. Afe bie Juzíñamuimo dájena omoï jaináitalle cómofuena cue díe uáfueña ífcaitate. Díga ícaíño bie íjimona omoï jiróadi áfejido cuemo omoï uíbicaifireiri,” daide. ²⁶ Nana bífuiaí jira, Jesucristo nai meine ana biñena llezica, nágaruillaí bie pan omoï güíadi, íemo bie jiróracuri ero íji omoï jiróadi, áfedo Jesús cai ícoína tíillana jino uáfodo llóitiomoï.

Afe bie cai Ocuíraimamo cai uíbicaillafue jaca ñue comécíillamona fínórede

²⁷ Mei jira, nie come bie paana Juzíñamuimo ñúefuena nitáñeno güíadi, daje izóï afe jirócaji afémie fiени jiróadi, afémie cai Ocuíraima abi naa ie díe díga fiени fínode. ²⁸ Ie jira, illa dígamie nai afe pan güiñena llezica ie ífoci úrillana ñue onórede; daje izóï áfeji ie jiróacana llezica áfena onórede. ²⁹ Mei onóigaza afe pan Cristo abina caína onótate. Dámie aféfuena ñue náfueñeno ebena güíadi, afe daí ie güíllamona dama Juzíñamui íena duere fínoite. Daje izóï dama Juzíñamui ie duere fínóllíji jírúa izoide. ³⁰ Daí omoï íllamona ómoïmona aillo írárediaoï. Jáie comíni náinidiaioï. Iemo daje izóï dáarie tíidiaioï. ³¹ Mei jíáfodo dani cai ífoci úrillana ñue cai náfueia Juzíñamui caimo riire jícanoñeite. ³² Mei íadi cai Ocuíraima riire caimo jícanoíadi, afe jícanuado afémie izire caína lletade bíníemo ite Juzíñamuimo ínoñedino díga cai duere fínobiñeillena.

³³ Mei cue ámatiaí, bie izóideza: Comunióñ güitállena omoï gairíadi, dámie raire güiñeno dájena omoï güitálleza conima omoï úiñori. ³⁴ Dámie ie jufíruiaí dama ie jofomo güizájirede, fiени omoï gairíllado Juzíñamui duere omoï fínoiza daí. Ico omoï cue eróizaille llezica, omoï jícaca jíáfuaí jaícina jóoneiticue.

12

Juzíñamui Ñuera Joreño illa dígamie Juzíñamuimo cai táijinana fibíllena caimo fecade

¹ Amatiaí, Juzíñamui Ñuera Joreño illa dígamíemo fecaca Juzíñamuimo táijinana fibíllena ómoína fidítaacadícue.

² Ñue onódiomoiza, nai Juziñamuina omoi onóñena llezica, úrinide jánarai anamo íllena cuinada zonóicaigaomoi. ³ Iemona: “Bífueña omoi onoiri,” daidicue. Jesuna faidódime jaca Juziñamui Ñuera Joreño úrinide. Daje izói Juziñamui Ñuera Joreño úriñedime jaca uáfueña, “Cue Ocuíraima Jesús” daínide.

⁴ Illa dígamie afe fecaca jáiforie Juziñamuimo tájinana fibíllena ite. Mei íadi aféfuiaí daade Juziñamui Ñuera Joreño fecácaza. ⁵ Illa dígamie jáiforie conímana canóredicaí, Juziñamui ocuícamacina cai íllena. Mei íadi daade cai Ocuíraima anamo iticaí, ie cai íóbitallena. ⁶ Illa dígamie cai illafue ñue jáicina jóoillena, Juziñamui diga jáiforie caina ocuíoide. Mei íadi daade Juziñamui nana comínna ocuíoide. ⁷ Juziñamui Ñuera Joreño caído jáicanana cai ónoillena facáfirena raana illa dígamie Juziñamui fecade, nana jáimaci cai canóllena. ⁸ Ie jira Juziñamui Ñuera Joreño dáamie iere baitádimiena jáillena íena fibítate, jáimaci llófuellena. Iemo jáimiena daje Ñuera Joreño nimáiraíma úrifirena izói úrillena íena fibítate. ⁹ Iemo jáimaci afe daade Ñuera Joreño jamánomo Juziñamuimo ñnotagaiaíoi, áfedo jáie Juziñamuimo ñnotino ñue canóllena. Ie mei jáimaci iráredino jíllotaraimana fibítagaiaíoi. ¹⁰ Iemo dáarie uaido dáinamona comuide raa finuana fibítagaiaíoi. Iemo jáinona Juziñamui daína uai uáfodo jino llóllena fibítagaiaíoi. Iemo jáimacina nie ua Ñuera Joreño úrillana daje izói nie taino joriaído úrillana onóillena Juziñamui fibítate. Iemo jáimacina nai llófueñega jáiforiede uáillaido úrillana onóillena fibítagaiaíoi. Iemo nai jáimaci afe daína uailai ñue jino dobáinuana onóillena fibítagaiaíoi. ¹¹ Mei íadi nana bífuaí daade Juziñamui Ñuera Joreño fecaca. Ua dama ie óiacana izói, illa dígamie jáiforiede fibíllafuina fecade.

Nana cai bie dáamie abimo dúidicaí

¹² Bífuaí nana bie izói jóide, mei Cristo íemo ñnotino diga, daade abi izóideza. Afe daade abimo jaináidinuiaina aillo ite. Mei aillo ite íadi, nai afe abi daade. ¹³ Afe izói aillo jáifoidinona cai íllamona, nibaí judíodicaí, nibaí griégodicaí afe jaca mámeñega. Mei daade Ñuera Joreño nana cai daade abina jaináitagacaíza. Daje izói nibaí rairuícánodicaí, nibaí ráiruñeganodicaí daje abina iticaí. Ua daade Juziñamui Ñuera Joreño daade abina finócacaí. Afe daade Juziñamui Ñuera Joreño úcaitagacaí.

¹⁴ Cai abi daje izóine, mei diga ráaniaí daade abimo jaináinaza. ¹⁵ Mei jii, come eiba: “Cue bie ónoñedicueza daje abí íñedicue,” daííadi, daíí dáinado daje abimo ie jaináinana uáitanide. ¹⁶ Daje izói come jefo: “Cue bie uíñedicueza daje abí íñedicue” daííadi, daíí dáinado daje abimo ie jaináinana uáitanide. ¹⁷ Mei cai abi nabáinino daa uíjii íadi ¿nie izói cácaíticaí? Daje izói cai abi nabáinino daa jefo íadi ¿nie izói jálliana cácaíticaí? ¹⁸ Mei íadi nana cai abimo jaináidinuiaina, afe abimo ñue baitínuiamo, Juziñamui ie comeci jítaina izói jóonete. ¹⁹ Nana cai abi dáadeniadi afe nabáiníiaí illino íñede. Ua abi íñede. ²⁰ Mei íadi ja onódiomoiza, dáamie jaináidinuiaina aillo ite, íadi jaca ie abi daade.

²¹ Daje izói nane jáífue, cai ui ónoína: “Ona jítáíñedicue” daínide. Daje izói ífoci eíbana: “Ona jítáíñedicue” daínide. ²² Mei jáífodo cai abimo ite maíriñedino iere jamánomo jítáirede. ²³ Daje izói cai abimo ite figo comeciñegano áfena iere ñue uíñoticaí. Iemo cai abimo jino uáfodo cíotanidinona, áfena iníroido ebire finode. ²⁴ Mei íadi cai abimona uáfori cíoidino cíotanidino izói ebire finónidiaíoi. Bie izói Juziñamui cai

abimo itínuiaina dájemo jofu ñue zorode, cai figo coméciñeganomo ñúefuena jamánomo cai nitállena. ²⁵ Juzíñamui daí zorode, cai abimo itínuiái conímama énenoruiñeilla. Mei íadi jíáifodo illa dígano conímamo comeci úiredé. ²⁶ Come abimo itínuiáimona daano izi cácana llezica, nana jíáinuiaí daje izói duere zéfuitiaíoi. Daje izói dáanomo ñúefue nítano caimare íadi, nana jíáinuiaí dájena caimare itíaíoi.

²⁷ Mei jira bie izói nana omoi Cristo abídiomoi. Omoi mona illa dígamiaí daa ie abimo itínuiái izóidiomoi. ²⁸ Afe jira Juzíñamui jíáifodo táijinana dáarie íemo ínotinomo jóonete. Nano fueñe Cristo orécamaci jóonete. (Afémaci jíáifo mameina ie apóstoles.) Afe mei jíáinona Juzíñamuimona ogáfuaí uáfodo jino llotino jóonete. Afe mei nane jíáinona ie uai llófueraini jóonete. Iemo uaido dánamona raana comúitatino jóonete. Iemo iráredino jíllotaitino jóonete. Iemo jíáimacina canófiredino jóonete. Iemo jíáimacina ocúifireitino jóonete. Iemo nai llófueñega jíáizie uáillaído úritino jóonete. ²⁹ ¿Meita cai nana Cristo orécanodicaí? Ieñedicaí. ¿Meita nana cai bie Juzíñamuimona ogáfuaí uáfodo jino llotinodicaí? Ieñede. ¿Meita nana cai ie uaina llófuetinodicaí? Ieñede. ¿Meita nana cai bie uaido raana finódinodicaí? Ieñede. ³⁰ ¿Meita cai bie iráredinona jíllotaredicaí? Jíllotanidicaí. ¿Meita cai bie nana nai llófueñega jíáizie uáillaído úritinodicaí? Ieñedicaí. ¿Meita cai bie nana aféuai dobáiñuano jino uáfodo llóredicaí? Jaca nana llónidicaí. Dámierie dobáiñorediaíoi. ³¹ Mei ie jira, nana bie fibíllafuaíimona baímo ñuera fibíllafuaína Juzíñamuimona omoi óllena afe omoi nícdori. Mei íadi afe fibíllafuaí baímo, jíáie ñúefuena ómoímo llófueitícue.

13

Jíáimana cai íziruillafue

¹ Mei uáfueza, nai llófueñega jíáizie uáillaído úrillana cue fibíadi, íemo afe baímo Juzíñamui abí imaci úrilla izói úrillana daje izói fibídícue ia, mei íadi jíáimana cue íziruñeniadi, fia taino ficírede juaí izóidícue. Iemo jíáie taia ficírede lloéturu izóidícue. ² Daje izói Juzíñamuimona ogáfuaí jino llúana cue fibíadi, íemo nana nai uáfodo onóñegafuaí llúana cue fibíadi, íemo jamánomo nimáiraímana cue jáiadi, íemo idu jáinua Juzíñamuímo ínogafue cuemo íadi, mei íadi jíáimana cue íziruñenia, táinomo fáifitícue. ³ Daje izói, nana cuemo ite ráaniaí jíáimaci canóllena fia cue fecáadi, íemo Juzíñamui íóbitallena dama cue abí cue jobáitaiadi, mei íadi afe llezica jíáimana cue íziruñenia, nana cue finócafuaí cuemo ráifiñede.

⁴ Mei jíáifodo, jíáimana ízíruitímie jaca járitaiñede. Afémie dúcaifírede. Daje izói úradoifínide, íemo afémie úcofiñede, íemo fiéni abí ínoñede. ⁵ Daje afe jíáimana ízíruifíredímie meáiredífuena jaca lloñede, íemo afémie ie abina jacire maméñede, íemo afémie jaca ríicaifínide. Jíáima fiénidí fue íemo finóadi, fiéni coméciñeno raire féitate. ⁶ Afe jíáimana ízíruitímie jíáimaci fiénidífuiaí fínuari zúureite, mei jíáifodo ua ñúefueri íóbifírede. ⁷ Nana íemo comúidífuiaíri caimare ocuide. Raire járitaiñeno aféfuiaímo ñue úiñoode. Juzíñamuímo izire ínuano aféfuiaíri jacínaiñeno ñue ocúiride.

⁸ Izíruillafue zíñona jaca záíñeite. Mei íadi Juzíñamuímona uícodo onóiga ráfuiaí záite. Daje izói jíáimaci uáillaído úrilla llícaite; íemo daje izói ífócido onóigafuaí záite. ⁹ Mei biruillaído cai ífócido onóigafuaí ñue ícoímo baítañedicaíza, jabo onódicaí. Daje izói Juzíñamui uícodo onóiga ráfuiaímona due jino lloticaí, mei due onódicaíza. ¹⁰ Mei íadi uire Juzíñamui nana ráfuiaí caímo baítálliruímo afe ícoímo ñue báitañegafuaí fáicanocaille.

11 Nai cue úruena llezica úruiaimo itífuiado úriticue. Urue comeci fácaja izói, comeci facádícue, íemo úrue ifoci úrilla izói itícue. Mei íadi ja cue móonaila llezica, úrue illa izói cue illáfuiaina fáicanocaidícue. 12 Daje izói birui Juzíñamui dibénemo cai onóigafuiai jaicuíbicaide. Dámie jáiara acáranimo figo cíoiñena izói afe izói Juzíñamui ífuiaina birui figo baitáñedícai. Mei íadi íco jáíruido nana ñue báitaitícai. Birui cue ifoci úrilla figo déiñedeza, jabo onódícue, mei íadi aféruido nana ñue ónoítícue. Jii, Juzíñamui cuena onona izoi ñue jáicina ónoítícue. 13 Mei daí Juzíñamuimo ínogafue, íemo jáíi ocuírínafue, íemo jáíi izíruillafue jaca zíiñona féiñeite. Bie daámanidemona izíruillafue iere jamánomoide.

14

1 Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jáíforie táijinana fibíllena izire omoi jenori. Omoi jenolle llezica, Juzíñamuimona onoiga uai jino llua baímo izire jicari. 2 Mei íadi dámie nai llófueñega jáízie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritímie Ñuera Joreño úrite, mei íadi afémie daína uai uáfodo onóñena báinino jóoide. 3 Mei jáífoodo afe Juzíñamuimona onoiga uai llotímie, comínimo úrite íaiói joreño dibéfuemo íaiói ñue móonaitallena; daje izói ñue íaiói náireillena, íemo jáíi íaiói caimare fírallena. 4 Afe jáízie uaido úritímie dama ie joreño dibéfuemo móonaite; mei íadi afe Juzíñamuimona onoiga uai llotímie, Juzíñamuimo jáináidinona ñue móonaitaite.

5 Afe nai llófueñega jáízie uaido úrillana nana ómoiena jitáidícue. Mei íadi Juzíñamuimona onoiga uai jino omoi llóllena iere baímo jitáidícue, mei afe onoiga uai jino llua, jáízie uaido úrilla baímo ráífide, Jesucrístomo ínotino aillo móonaitallena. Mei íadi afe jáífoide uaido úritímie úrilla dobáiñoraíma íadi, afefue ñuera; mei áfedo nana Juzíñamuimo jáináidino daní íaiói joreño dibéfuemo daje izói ñue móonaitaíaióza. 6 Ie jira ámatíai cácarei. Uire omoi cue uáiduaíbia omoi cígiri Ñuera Joreño úritate jáízie uaido cue úriadi, cue úrilla ómoímo due jiza ráífiñede. Mei jáífoodo Juzíñamui caímo onótagafuiado cue úriadi afefue ómoímo ráífide. Daje izói omoi ifoci ua uaina cue déitaiadi afefue ráífide. Iemo daje izói Juzíñamuimona onoiga uai ómoímo jino cue lloia afefue jáíi ráífide. Daje izói omoi cue llófuia ráífide.

7 Mai nana omoi rúado taiga raamo ñue coméciri, áfemona ñue onóillena. Afe raa jaca comécínideza. Be totíbacui, íemo arpa, íemo juai díga caimare fíciere úrite, mei íadi jáíima fieni taia, áfena cacáidino afe úrilla uaina ónoñeítaiói. 8 Daje izói comíni jobáiriacana llezica, uáidua juai táíñeniadi comíni figo áfemo mámeriñeítaiói. 9 Afe izói ómoímo íficaide: dáamie jáífoide ónonide uaido omoi llófueia ie dáinana bu onóñena. Afémie táinomo úrite. 10 Uáfodo onóigaza; bie éniemo díga jáíie nairai uailai ite. Afe uáillaina onóidinomo nana aféuailai ñue baite. 11 Mei íadi cuemo úritímie uaina cue ónoñenia, afémiemona jicánemiedícue. Daje izói afémie cúemona jicánemie. 12 Ie jira, afe Ñuera Joreñomona fecaca táijinana fibíllena omoi iere gaina llezica, mai Juzíñamuimo jáináidinona ñue móonaitallífuiaína iere izire omoi jicari.

13 Afe jira nai llófueñega jáízie uaido úritímie afe ie daína uaina ñue jino llúana fibíllena Juzíñamuimo jicárede. 14 Mei jáízie uaido Juzíñamuimo cue úriadi, ua cue joreño úriticue, mei íadi cue ifoci úrilla, táíjiñeno oni eneno ite izoide. 15 Mei íemona ¿ñifue fínoítícue? Cue joreño naa cue ifoci úrillado Juzíñamuimo úriredícue. Daje izói cue joreño naa cue ifoci úrillado afémiemo

róredicue. ¹⁶ Mei jii, dama o joreñodo Juziñamuimo o úriadi o áinori ite, áfemo fibítañega cacáreidimie, Juziñamuina figura o daiífirenafue dibénemo ínide. Mei o dáiñana onóñedeza. ¹⁷ Mei nibai Juziñamuina figura o daiífirena Juziñamuimo ñue cacaide, íadi jiáimana dama ie joreño dibénedo ñue móonaitañede. ¹⁸ Nana omoi baímo jiáizie uaido úrredicue. Aferi iere Juziñamuina figura daidicue. ¹⁹ Mei íadi Juziñamuimo jaináidino gairífirena llezica, ónoñega jiáifodo jóide uailai baímo, jubeba diga ñue onoiga uai cue dáiñana gáidicue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáñedicue.

²⁰ Amatiai, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézainidino izói omoi iri. ²¹ Jaiiai cai ocuilla uai ciegánicomo Juziñamui íemo cacácañede Israel náiraina bie izói daide:

—Bie náiraina jiáie uáillaido úritinodo duere fínoiticue; onínemacido íaioi létaiticue.

Mei íadi afe bie uaido nai cuena náfueñeitiaioi.

Daií cai Ocuíraima daide, —aquíe izói ie uai llote.

²² Mei daií afe jiáizie uaido úrillana fibíllafue Juziñamuimo ínoñedinomo dúide, jiáie onótate raa izói íaioina onótallena. Ínotinomo dúíñede. Mei íadi Juziñamuimona onoiga uai jino llúana fibíllena Juziñamuimo ínotinomo dúide, jiáie onótate raa izói íaioina onótallena. ²³ Mei jira nana Juziñamuimo jaináidino dáanomo gairilla llezica, íemo nana omoi jiáizie uaido omoi úriadi ie mei áfemo fibítañega ínoñedinomo omoi cígimo bíadi, nibai “Uáiritaidino izóidíomoi,” dáitiaioi. ²⁴ Mei jiáifodo Juziñamuimona onoiga uai jino omoi llua llezica, íemo fibítañega ínoñedimie omoi cígimo bíadi, ie comécimo ite fiénidifueña uáfodo ónoite. Nana omoi dáiñana cacáillano afémie dama ie comécina méiñotaite. ²⁵ Afe daií dama ie comeci onóigafuiai jino cíocaillamona, cañícido ana dújullano Juziñamuina cáimadoite. Iemona: “Uáfueña, Juziñamui omoi cígiri íteza” dáite.

Omoi gairilla llezica nana omo llolífuiai jaiicuíñeno jáicina lloiri

²⁶ Mei jira, ámatiai, omoi gairíllifuiai bie izói írede: Omoi gairilla llezica ómoimona dáarie Juziñamuimo rollírua jino llóiacade. Iemo jiáimie llófueacade, íemo jiáimie Juziñamui íena onótagafue jino llóiacade, íemo jiáimie jiáifoide uaido úriacade, íemo jiáimie afe jiáizie uaido úrilla jino dobáiñoiacade. Nana bífuiai ñuera. Mai bífuiai daií íteza, Juziñamuimo jaináidino ñue móonaillena, daje izói íemo nai ínoñedinomo ínotallena. ²⁷ Jiáizie uaido omoi úriadi mena come dáaruído úrinide. Jiáimie úrilla llícailla méifomo úriri. Daámani come daií úrrede. Naga come jiáifoide uaido úrilla fuíllamo ie lloga uai dobáiñoirede. ²⁸ Mei íadi uai dobáiñoitimie íñeniadi, mai nie izói jiáifoide uaido daiíñeno iri. Dámie úriacania dama ie comécido Juziñamuimo úriri. ²⁹ Daje izói afe Juziñamuimona onoiga uai llotinomona damieámani úrrede, íadi daje llezica úrinidiaioi. Llotimie fuilla méifomo íemo cacáreidino fairíorediaioi, ie dáiñana ja Ñuera Joreñomona comuide, nibai íeñede daiíllena. ³⁰ Mei íadi dámie uai jino llua llezica, Juziñamui jiáie ana ráidimie omoi jiáifue íena onótaiadi afémie raire fueñe úritarede. Nano fueñe úritimie ie úrillana fáicanocairede. ³¹ Afe daií nana omoi Juziñamuimona onoiga uai llotino llórediaioi. Uafue dámerie jino llórediaioi, áfedo nana omoi onóicaillena; daje izói áfedo nana omoi comeci náirecaillena. ³² Nana afe Juziñamuimona onoiga uai llotino dani íaioi joreñona

rairuirediaioi, nai jiáimie úrilla fuiñena dino. ³³ Mei Juzíñamui caimare uái illifue comuítatimie; íemo, úrillana féitate gáguana afémie comuítañede.

Nana jiáinomo ite Juzíñamuimo jainaide gairídino fínua izói birui ómoína finótaiticue. ³⁴ Juzíñamui ióbillena omoi gairilla llezica, cígimo ite ringóniaí úrilla rairuiredede, íññaína ie llófuellena. Juzíñamui ocuilla uai daina izói, aféngotiaí iima anamo caimare írediaioi. ³⁵ Aféngotiaí daa rafue onóacania, jino jofomo íaioi inimo jicánorede. Daa ringo comini gairilla cígiri úria meaire cioide.

³⁶ Mai cácarei, ¿Meita Juzíñamui uai dani ómoimona comuide, daíí comeci facádiomoi? ¡Daííñede! Daje izói aféuaina dani ómoimo llógaza coméciñeno iri; mei diga jiáimaci íena, daje uaina jae llogáiaioiza. ³⁷ Daa come Juzíñamuimona onoiga uai jino llotímiedicue daííadi, bie ómoimo cue ciegáfuaí caí Ocuíraíma Jesucristo caí ocuilla uai afémie daíírede. Daje izói daa come Ñuera Joréñodo úritímiedicue daííadi, afémie cue cueda dibénemo Jesucristodo caí ocuilla uai daíírede. ³⁸ Iemo afe cúegana ailli cue daina bie izói daííacañedimie omoi náfueñeno iri.

³⁹ Cue ámatiaí, bíemona Juzíñamuimona onoiga uai jino llua jeire omoi oiri. Iemo da come jiáizie uaido úria, rairuíñeno iri. ⁴⁰ Mei íadi afe llezica, omoi lollúuaina jaicuíñeno daje fuémoma jiáimamo meaire cíotañeno lloiri. Daje izói nana omoi jetaca raana jaicuíñeno ñue jaícina maméfireiri.

15

Jesucristo tilla meine abido cáadimie illafue

¹ Cue ámatiaí, ómoimo cue lloga jílona uai ómoína uibíñotaacadicue. Afe uaina jae jeire otíomoi. Iemo bie uaido ñue itíomoi. ² Daje izói cue lloga uai omoi náfueia bie Juzíñamui uai omoi úado jíllogatagomoi. Mei íadi nauí nibaí táinona omoi íñoia jae jíllloñediomoi.

³ Cue onoiga jamánomoidifue nauí ómoimo lloticue. Juzíñamui Cuedáuaí daina izói, Cristo caí fiénidifuaí muiñóllena tíllafuena jae omoi llófueticue. ⁴ Iemo nane afe Cuedáuaí daina izói, Cristo raíga daruíaamani íllamona meine abido cáadimiena jáillana ómoína llófueticue. ⁵ Iemo afe Cristo Pédro mo cíocaide; afe mei nana jiáie ie orécamacimo cíocaide. ⁶ Nane afe mei dáaruido quinientos baímo íemo ínotinomo cíocaide. Afémacimona aillo nai itíaioi, íadi dáarie jae tíidiaioi. ⁷ Nane afe mei Santiagomo cíocaide, íemo nane nana ie orécamacimo cíocaide.

⁸ Nana jiáimacimo cíocailla mei, íirainomo afémie cuemo cíocaide. Iemona úrue jiáifodo jocoina izóidimiedicue, mei Crístomo cue dóbaicaillafue jarire cuemo íficaideza. ⁹ Mei Jesús orécamacimona jofófenemo ráifidimiedicue. Juzíñamuimo jaináidino fállena cue racáfirenamona, nauí ie orécamie cuena daíínde. ¹⁰ Mei íadi Juzíñamui ñue cuemo íllado, bie izói iticue. Afémie cuemo dúecaillano afémie cue cánuana táinomo fáifitañedicue. Mei jiáifodo jiáie ie orécamaci baímo, iere riire táijidicue. Mei íadi afe izói dama táijinidicue. Juzíñamui cuemo dúecaillano cue diga jáicaillado daíí táijiredicue. ¹¹ Mei birui, afe ñúefue nibaí cue lloga, nibaí afémaci lloga, afe lluaífuena náfueñedicue. Mei íadi bie ñúefue ja ómoimo caí llogafue, daje izói afefue omoi ínogafue.

¹² Mei bie ómoimo caí llogafue Cristo tíllamona meine abido cáadimiena jailla. Afe llogafue bie izói ítena, ¿mei ñe izói ómoimona dáarie: “Tíidinomona buna meine abido cáadinona íñeite,” daíídaíioi? ¹³ Meita íaioi daina izói tíidinomona buna cáañenaza, daje izói meita dama Cristo cáañeite. ¹⁴ Iemo

meita Cristo cáañedeza cai llócaiga uai ráifiñede. Daje izói omoi ñnogafue ráifiñede. ¹⁵ Iemo afe baimo, cai bie Juzíñamui dibénemo taino llotínodicaí, mei Juzíñamui Cristo meine abido cáatate daidícaiza. Meita tíidino meine cáañenaza, daje izói Juzíñamui Cristo meine cáatañeite. ¹⁶ Mei tíidino meine abido cáañeniadi, meita afe Cristo cáañeite. ¹⁷ Iemo meita Cristo cáañedeza, omoi ñnogafue ómoína ñue finóñede. Nai ómoimo ite fiénidifuiamo nai jaináicaidiomoi. ¹⁸ Meita íaioi daína izói Cristo cáañedeza, Crístomo ñnote tíidino táinomo fáifidiaioi. ¹⁹ Meita Crístomo cai ocuírinafue daa biruillaído biniemo cai illa llezica caimo dúideza, nana comini baimo cai duere finócanodicaí.

²⁰ Mei íadi afe izóiñede. Cristo tíillanomona meine abido cáadimiena jailla ñue onóigaza. Amena llizíllajimona jotáiritiji fueñe ualla izói, Cristo nana tíidinomona meine abido caadino ifódime. ²¹ Mei bie izói daa cómemona, Adán daínamiemona tíillafue fueñe biniemo comuúdeza; daje izói tíidino meine abido cáailifue daa cómemona comuide. Afémie Jesucristo. ²² Afemona nana comini Adamo jaináideza, tíitiaioi; íemo daje izói nana Crístomo jaináidino meine abido cáaitiaioi. ²³ Mei íadi nana nairai daje llezica meine abido cáañeitiaioi. Nágamiiai íaioimo dúide dieze, íaioi cáatalliruido cáaitiaioi: raire uícodo oga llizíllaji óina izói, Cristo fueñe meine abido cáadimiena jaide; afe mei Cristo billíruimo dama Cristo iédino cáaitiaioi. ²⁴ Iemo íirairuimo dúciite. Aféruimo Cristo nana biniemo ite riírede illaini naa monamo ite ríinoredinuiari niné táinocaitaite. Afe mei nana ie illáimana illa ríino naa ie anamo itínuiairi ie Moo Juzíñamuimo fécaite. ²⁵ Mei jii, Cristo nai illáimana írede, Juzíñamui nana íena éoidino Cristo anamo itábicaítalle dino. ²⁶ Come tíillafue caina anáfenoacade caina éoidime izoide. Mei íadi afe cai titade ríinona Cristo írainomo niné táinocaitaite. Afe mei jíaie táinocaitallimiena íñeite. ²⁷ Mei Juzíñamui nágafuiaina Cristo anamo jóonete. Cristo ñue afémaci ocuillena. Juzíñamui Cuegáuai bie izói daíadi, Juzíñamui Cristo anamo íñénana uáfodo onóigaza, mei Juzíñamui naga raa Cristo anamo jóonetimieza. ²⁸ Iemo nágafuiai Cristo anamo itábicailliruimo, dama afe Cristo Juzíñamui Jitoza ie Moo anamo itábicaiteza. Juzíñamui nágafuiai Cristo anamo itábicaítaitime. Aféruimo bífuiaído naga ráaniai dibénemo Juzíñamui jamánomoidimiena íite. Naga ráfuiai naa ie comuítaga ráaniairi ñue jaícina afémiemo dúite.

²⁹ Nane jíaífue “Tíidinona meine cáañeite” daíífredinona dáitícue. Dáarie tíidino dibénedo báutizatatio ite. Meita tíidino meine cáañeitiaioiza, ¿nibái mei daíí báutizatatio? Iemo tíidino dibénedo báutizafue ¿minícamo ráífide?

³⁰ Iemo cue, cue nabáíñiai diga, Juzíñamui ñúefue ícoinia, nágaruillaído iere caina titáacade jácifueimo ífredicaí. Meita tíidino meine abido cáañeiteza, daíí cai íadi ¿minica caimo ráifilla? ³¹ Nágaruí cue titállena mamédiaioiza jácinomo itícue. Uáfuenta daíí itícue. Cue ámatiai, cai Ocuíraima Jesucrístomo omoi ñnuari uáfuenta iere ióbídícue. Afe uáfuenta cue ióbilla izói, daje izói uáfuenta nágaruí titáacagacue. Iemona tíidino meine abido caalle uáfodo onóigaza. ³² Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuiríllamona ¿minica cuemo ráifilla? Mei afe izói cue illa cuemo ráifiñede. Meita uáfuenta tíidino meine cáañeiteza, afe taino llotino ñue jaícina daidícaioi. Afémaci daína bie izói jóide: “Mai raire cai güilli, güillano cai jiroilli; mei úreitiruimo raire tíiticaiza afe mei nine íñeíticaí,” daidícaioi.

³³ Jiáimamo omoi jífuefiñeno iri. Abina ñue onona uai uáfodo jóideza: “Fiénide nabáiñiaí ñue illáfuiaina niné táinocaitate.” ³⁴ Mei jiáifodo, ñue abina omoi onoiri. Omoi illafue ñue jaícina jóoneri. Fiénidifuena finóñeno iri. Mei ómoimona dáarie Juzíñamui nai figo onóñedeza. Omoi méaicaillena bie izói ómoína daidicue.

Tíidino meine abido cáadinona íllena abi Pablo llote

³⁵ Nibai birui ja dáarie jicánoite: ¿Mei nie izói tíidino cáaitiaíoi? ¿Mei afémaci abi nie izói éroite? ³⁶ Afe izói jicánua abina onóñedimie úrilla izoide. Mei daa rífiregaji cai ríadi, afeji tíide izói énie anamo fiébirede, áfemona ie iroci zicóllena. ³⁷ Eniemo riga raa, afénomona zicódirocíñede, mei jiáifodo dama ie iji rína. Iemo diga jiáiforiende íjiaí rína: bellaji rína, íemo mazácaji rína, íemo arroz iji daje izói rína. ³⁸ Afe ríinaji zícua llezica ie ciona izói Juzíñamui comuítate. Dani aféjiaí dúina izói zicótate. (Bellájimona bellari zócaja, íemo mazácajimona mazacari zócaja.) ³⁹ Mei afe izói naga cáadinuiaí abi jiáiforie eroide. Come abi jiáifoide, íemo rille abi jiáifoide. Daje izói féedino abi jiáifoide, íemo chámuniaí abi jiáifoide. Nana daje izói eróiñede. ⁴⁰ Iemo jiái monamo ille abi ite, íemo jiái éniemo illa abi ite. Biniemo illa abi ebírede, mei íadi monamo ille abi ebire eroína jiáifoide. ⁴¹ Jitoma egáiñua fíui egáiñuana eróiñede; jiáifodo egáiñote. Daje izói ucudu egáiñua izóiñeno, jitoma jiáifodo egáiñote. Iemo jiái daa ucudu jiáie ucúdumona egáiñua jiáifodo cíoide. ⁴² Tíidino meine cáailífue bie izói jóide. Rífaite íeizi éniemo raíga, íemo tííñeitínona meine abido cáaitate. ⁴³ Jámairuiga abi éniemo raíga, ie mei ebire cíoitaga abi meine cáaitate. Daje izói nane ríinide abi éniemo raíga ie mei ñue íocirede abi cáaitate. ⁴⁴ Biniemo cai jocoína abi éniemo raíga, ie mei mona dibénemo dúide abi cáaitate.

⁴⁵ Mei daí Juzíñamui Cuegáuai llote: “Nanóidimie Adana cáadimiena íficaide. Iiraie Adán daína Cristo zííñona cáatatena joréñoredimie,” daide. ⁴⁶ Juzíñamui dibénemo cai comuítatimie nano fueñe cómuítanega, mei jiáifodo biniemo cai nanóidimie Adán fueñe comuítaina. Afe méifomo Juzíñamui dibénemo cai comuítatimie cíocaide. ⁴⁷ Nanóidimie énie ie finóinaza éniemo dúide. Méifoide Adán daína Cristo mona ie. Afémie cai Ocuíraíma. ⁴⁸ Afe énie finóinamie izói, nana bínie comini ie abi izóidiaíoi. Daje izói Jesumo ínuamona monamo dúidino afe monámona bitímie izóidiaíoi. ⁴⁹ Iemona énie ie finócamiena cai eroína izói, afe izói mona ímiena éroiticaí.

⁵⁰ Amatiaí, omoi cacai, ómoína dáitícue, nana bínie dúide cai abi die diga jaca Juzíñamui illáimana illánomo jofo jáinide. Daje izói raire táinocaitatífue zííñona illínomo dúíñede. ⁵¹ Mei íadi nanómona uáfodo onóñega ráfuenta ómoína onótaacadícue: nana tííñeiticaí; mei íadi nana jiáifodo méidoficaiticaí. ⁵² Uáfuenta, Juzíñamui íiraie vudugoi fúunua llezica, jarire ui bótacailla izói raire jiáifodo méidoficaiticaí. Afe vudugoi ficire cáacaillamona tíidino meine abido jaca tííñeillena cáatalliaíoi. Afe llezica cáimona cáadimaci jiáifodo méidoficaiticaí abido tííñeillena. ⁵³ Mei caímo ite raire féitífue zííñona féíñeitífuenta méidoficairede. Daje izói cai tíite abi zííñona tííñede abina méidoficairede. ⁵⁴ Iemo afe bie caímo ite raire féitífue zííñona féíñeitífuenta méidoficailla llezica Juzíñamui Cuegáuai daína ñue jaícina zúite. Daje izói cai tíite abi zííñona tííñede abina méidoficailla llezica afe Cuegáuai ñue jaícina zúite. Afe Cuegáuai daína bie izói jóide:

Caímo ite tíillífue,

caína éoidimie anáfenoína izói, anáfenoga; ja táinocaide.

⁵⁵ Cai titatífue caína izi cácatafirena ríino jae íñede.

Caina nie izói níbaiñeite,
mei ie molleroi izoide raa ja birui iñédeza.

⁵⁶ Nana comínimo fiénidifuiyai íllamona, títaitifue caina jacíruidade. Iemo jaijai Juzíñamui cai ocuilla uai llúamona cai fiéni finócafuiyai duere finórede. Iemona tíillifue cai anáfuenwana jaca jacíruidicai. ⁵⁷ Mei Juzíñamui cai Ocuíraima Jesucristodo áfemo caina anáfenotañenamona íena iere figora daiífiredicai.

⁵⁸ Ie jira, cue izíruiga ámatiai o ñnogafuena jíáifodo méidoñoño ñue jeire omoi oiri. Juzíñamui ocuica táijinafuemo nágaruillai iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifiñeiteza.

16

Dúerede cai ámatiai canóllena úcube eneno ofítafue

¹ Crístomo ñnote ámatiai canóllena úcube omoi jicánoga eneno ofítallifue llóiticue. Galacia éniemo ite Juzíñamuimo jaináidino cue llófuia izói, afe izói omoi ofítari. ² Naga semana táiniaruimo, ómoimona illa dígamie omoi oga úcubemona due jiza Juzíñamui íena oni eneno jóoneri. Nano omoi llínua dieze oni eneno jóoneri. Daií uícodo omoi ñue eneno énofireiri, cue billíruimo afe úcube ómoido cue íraiñeillena. ³ Uire cue bille llezica omoi nizada dani baillímiedo afe úcubena Jerusalémo óreiticue. Afe llezica omoi cuelle uítimiai mámece illábedo íaióna óreiticue. Afe bie izói omoi ofítaga úcubena Jerusalémo ite ámatiaimo óreiticue. ⁴ Onoñegaza, cue jíeruia afémaci díga dane jáiticaí.

Pablo jíáinomo jáillena mamérite

⁵ Cue jáiadi Macedonia éniemo jíiacadicue. Afe méifodo daií Coríntomo dúciiticue. ⁶ Mei níbai nano nie díno omoi cígiri íiticue. Níbai ónoñegaza bie rozírediruillaina omoi cígiri záitaiticue. Afe mei oni jíáinomo cue jaille llezica cuena canórediomoi. ⁷ Mei ómoimo fia jarire érocaillano jíiacañedicueza, cai Ocuíraima comeci jítaia, omoi cígiri are íacadicue. ⁸ Mei íadi Pentecostés rafue dúcille díno, benó Efeso jófuemo íiticue. ⁹ Mei iere ñue Juzíñamui uaimo cue táijillíruimo itícueza. Aillo comini birui aféuaimo jíeruiaicadiaoi. Mei íadi afe llezica aillo afe uaina uáitatino ite.

¹⁰ Timoteo ómoimo bíadi, mai omoi cígiri caimare íena omoi itátari. Afémiena omoi áifedoñoño iri. Mei afémie daa cai Ocuíraima ocuícamo cue izói táijideza.

¹¹ Ie jira ómoimona buna afémiena jámairuiñoño iri. Mei jíáifodo cue ie éroizabillezca caimare afémiena omoi canori. Mei naa jíáie ñnote ámatiaioiri íena ocuírídicue.

¹² Cai ama Apolos dibénemo llóiticue. Naui íemo izire jicadicue, jíáie ámatiaioiri omoi éroizaillena. Mei íadi afémie birui jíiacañede. Uire ie jíiacallíruimo jáite.

Íraicaiño uáidonocaila uai

¹³ Mai abina ñue omoi onoiri. Crístomo omoi ñnogafue jíáifodo méidoñoño jeire omoi oiri. Jacíruiñoño ñue íociredimie izói omoi iri. ¹⁴ Nana omoi jetáacagafuiyai, conímama izíruillafuedo finori.

¹⁵ Amatai, birui onódiomoiza, Estéfanos mámece redimie comini, nano fueñe Acaya éniemo ñúfuemo dóbaicaidino. Dóbaicaillano jíáie Crístomo ñnote ámatiai canóllena ja maméritiaoi. ¹⁶ Jira afémaci, naa jíáie afémaci izóidinori anamo omoi caimare itábicaillena iere jítáidicue. Daje izói jíáinona canófredino, naa jabo ocuídinori anamo mai caimare omoi itábicaíri. ¹⁷ Ja Estéfanos, Fortunato, Acaico díga bíllari iere íóbidicue, mei cúemona jica itíomoiza cuena

canónidiomoiza. Mei íadi afémaci ómoimona féiredifue cuemo finódiaioi.
¹⁸ Afémaci cue comécina iere náiretadiaioi; daje izói ómoina náiretadiaioi. Afe izoide comínimo ñue omoi jíeruiri.

¹⁹ Benó Asia éniemo ite Juzíñamuimo jaináidino ómoimo uailai orédiaioi. Daje izói Aquila ie ai Priscila diga naa íaillinoimo gairídnori, cai Ocuíraima mámeçido uai ómoimo orédiaioi. ²⁰ Nana benomo ite ámatiai oreca uailai, mai omoi llínori. Daje izói conímama caimare uáidori.

²¹ Cue Páblodícue. Dama bie cue ónoído cuega uai ómoimo orédícue.

²² Ninó dámie cai Ocuíraima Jesucrístona izíruiacañedimie Juzíñamui faidólleza. ¡Cai Ocuíraima, mai raire biri!

²³ Cai Ocuíraima Jesucrísto ómoina ñúefuena ézicíteza. ²⁴ Nana omoi Jesucrístomo jaináinado, ómoina cue izíruilla uai orédícue. Daiítadeza. Jae nie.

MÉIFODO SAN PABLO CORINTO IMACIMO ORÉCABE Segunda Carta del Apóstol San Pablo a los Corintios

Coríntomo ite Juzíñamuimo jaináidinomo Pablo cuete

¹ Páblodicue. Juzíñamui comeci jítaina izói Jesucristo orécamedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ² Cai Moo Juzíñamui, cai Ocuíraima Jesucristo diga ómoína ñue éziciiteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuúllafue

³ Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifirede. Afémie cai Ocuíraima Jesucristo Moo. ⁴ Nana duere cai zefuilla llezica, afémie caimo dúecaifirede. Afémie caimo dúecaide, afe izói jiáie duere zefuúidinomo cai dúecaillena. Afemona Juzíñamui caimo lloga dúecaillafue jiáimacimo llóredicai. ⁵ Mei Cristo duere zefuúllafue dibénemo cai nabaia izói, afe izói Crístodo caimo iere ie dúecaillafue jeire óiticaí. ⁶ Ie jira, nibai dama duere cue zefuía, bie ómoína cue canóllena. Iemo nibai Juzíñamui cuemo dúecaiadi, áfedo daje izói dúecaillafue, naa jíllonafue diga óitiomoi. Iemona daje cuemo comuide duere zefuúllafue ómoimo comuíadi, raire járitaiñeno áfemo fia ocuúrirediomoi. ⁷ Omoi dibénemo uáfodo onóigafuemo ñue ínoticue, mei ñue onódicueza daje zefuúllafue dibénemo omoi illa dieze, afe izói Juzíñamui fecaca dúecaillafue óitiomoiiza.

⁸ Amataí, Asia éniemo cuemo comuide féiredifuiaina ómoimo fidítaiacadicue. Afénomo cuemo comuide riírede facátafue iere jamánomoideza, áfena ocuúnidicue. “Nibai bífuemona jíllñoeno benó títicueza,” daífiredicue. ⁹ Aféruimo méinellena llavécamié abi izói cue abi cacaide. Mei íadi tíidino meine abido cáatate Juzíñamuimo cue ínuana cue onóillena, afe zuufue cuemo comuide. Dama cue abí ínoñeillena cue llófuete. ¹⁰ Aféruimo Juzíñamui afe iere jacírede tíllafuemona cuena jíllotate. Afémie nai birui jaca cuena jíllotaicaide. Daje izói úreitiruillado afémie aféfuemona cue jíllotallemo ocuúricaidicue. ¹¹ Uáfuenta, cuedo Juzíñamuimo omoi jicáfíreiadi afémie cuena jíllotaite. Aillo comini cuedo Juzíñamuimo úriadi, aillo íena ióbitaitiaíoi. Juzíñamui cue ézicia ñúefuiaíri íena ióbitaitiaíoi.

Pablo Coríntomo jáiñenafue llote

¹² Daa cue comécido onóigafueri iere ióbidicue. Afefue bie izói jóide: cue comeci úrilla uai nífuenino bíniedo cue mácajana llote. Daje izói Juzíñamui eróicana jiáimana jífueñoeno cue mácaja llote. Omoi cígiri bie izói riire iticue. Juzíñamui caimare cue cánuado daí iticue. Dama cue fibíllafuedo daí íñédicue. ¹³ Omoimo cue cuezábiaimo báinino lloga uaina íñede. Omoi facádoia onuille raa ja uáfodo ciega.

Nane jiáífuenta ñue omoi onóillemo ocuúridicue. ¹⁴ Aféfuena jabo onódiomoi. Afefue bie izói dáiacade: Cai Ocuíraima Jesús billíruimo ómori caimare abi cue ínua izói, afe izói cueri caimare abi ínoitiomoi.

15 Nana bífuiai iere cue jíeruillamona, omoi eróizaillena fueñe mamériticue. Daií ménacaiño omoi cue éroizailleri ióbitiomoí. 16 Macedonia éniemo cue jaille llezica omoi jarire cue méiñonocaillena comeci facádicue. Afe mei Macedóniamona abido cue bille llezica nane dáanomo omoi cue éroizaillena mamériticue. Afe daií afe méifomo judéamo cue jaille llezica cuena cánoitiomoíza. 17 Bie cue mamérrillafuiai comeci cue faca llezica, ¿cuena nibai jíáifodo raire méidofiredimie izoide daidíomoí? Bie éniemo ite fiénidino mamérrilla izoí nibai cuena mamérrite daidíomoí. Afémaci “Jii” daidíaioi; íemo méifodo daje llezica “Dama ite” daífirediaioí.

18 Mei íadi Juziñamui uáfueña daífiredimie illa izoí, afe izoí táinona “Jii,” íemo “Dama ite” dáaruido ómoína daífínidicue. 19 Mei Juziñamui Jitó Cristo Jesús jaca táinona “Jii,” íemo “Dama ite” dáaruido daífínideza. Iemo Silvano, Timoteo, íemo cue, Cristo dáina uaillai omoi cígiri lloticaí. Nana Cristo lloga uai táinoñedeza, ua uai. Ie dáinana méidofínide. 20 Mei afémiedo nana Juziñamui uícodo llogáuai ñue jaícina zúideza. Ie jira Juziñamuina cai ióbitaja llezica, Cristo Jesudo “Daítadeza” daífiredicaí. 21 Iemo jíai Juziñamui ómoína naa cairi Crísto ríire jaináitate, nana cai ínogafuemona oni jíáifodo cai báíñeillena. Daje izoí afémie ie táijnafuemo ñue caína jóonete. 22 Juziñamui ie Ñuera Joreño caimo íllado caína dama íeiena mamede. Afe ie Ñuera Joreño caimo íllamona íco jíáíruido Juziñamui caimo fecállifueña cai llínollena uáfodo onódicaí.

23 Mei jíáifuemo omoi comécíiri. Ómoína duéruiticueza, ómoína duere cue fínoñeillena, uícodo cue mamérrilla izoí nai ómoímo biñédicue. Juziñamui afe bie cue uaina nabáillena jícadicue, aféuai uafue daííllena. Cue dáina uai uáfueñenia, Juziñamuina abí fatátaiticue. 24 Omoi ínogafueña ríire ocuíacañédicue, mei omoi ínogafuedo Jesucrístomo ñue ríire jaináidiomoíza. Mei jíáifodo conímamo táijnina izoí, omoi iere aillo ióbillena ómoína canóacadicue.

2

1 Ie jira omoi cue zúucaitaíbiñellena mamériticue. 2 Mei omoi zúucaitadicuena ¿mei bu cuena ióbitalle? Cue zúucaitadino daní cuena ióbitalle, mei íadi cue dínena ómoína zúucaitaacañédicue. 3 Ie jira nauí ómoímo cue cuezábemo cue dáina izoí cueticue. Ómoína zúucaitaíbiacañédicue. Mei jíáifodo cuena ióbitarediomoí. Mei nauí aféruimo uáfueña onódicueza, cue caimare illarui omoi caimare íitiomoíza. 4 Ómoímo nauí cue orécabe cue cuia llezica, iere cue comeci zúurenari édicue. Mei íadi omoi zúucaillena afébera cueñédicue. Mei jíáifodo ómoína iere cue izíruillana omoi onóillena cueticue.

Fieni fínoñefiredimie ie illafue múiñua mei, meine caimare uáidua

5 Mei íadi ómoímo ríire úriacañédicueza bie izoí dáititcue. Dámie fieni illa dama cuena zúunaitañedeza, mei jíáifodo cue baímo nana ómoína zúunaitade. Daií daidicue iere ríifueña jáíñeilleza. 6 Omoi gairilla llezica afe cómemo omoi mameca duere fínóllifue ja figo báiteza. 7 Mei benómona afémiemo jíáifodo úrirediomoí. Nauí ie finoca fiénidifue omoi féitano caimare íena omoi uáidori. Daje izoí íena dúecairediomoí, aillo ie zúunaillamona afémie jamánomo anado fieni jáíñeilleza. 8 Ie jira ómoímo izire jícadicue, afémie omoi izíruilla meine abido íemo omoi onótallena. 9 Nauí uícodo bifue díbénedo ómoímo cueticue. Nauí omoi cue llófuiana nibai jeire óitiomoí, nibai jeire óñeitiomoí; áfena cue onóillena ómoímo cueticue. Daje izoí, omoi comeci ífue onóillena afébedo ómoína facátaiticue. 10 Mei ja benómona, ómoína fieni fínódimie omoi caimare uáidoia, cue daje izoí caimare íena uáidotcúe. Meita afémie fieni fínuado cúemona nino féitalle fiénidino íadi, aféfuena féitaiticue. Uáfueza ñue ómoína

canóllena Cristo eróicana aféfuena féitaticue. ¹¹ Mei afe zúunaitagamie raire abido íena caimare uáidoredicaiza, afe zúufuedo Taife raire íena ana úiñeillena. Mei Taife comínina bífuefirena uailai ñue onódicaiza.

Pablo Tróasmo uái iñénafue

¹² Jesucristo lloga uai Troas jófuego jino cue lluaíbilla llezica, cai Ocuíraima áillomaci cuena jéruitajamona Juzíñamui cue ocuilla táijinafuena uáfodo caimare fuitáredicue. ¹³ Mei íadi Coríntomona bíacade cue ama Tito afémie cue cióñenamona cue comeci uái iñede. Mei jira Troas imácina facádonocaillano, oni Macedonia éniemo íena jénuaidicue.

Jesucristo cai jaináinamona buna anáfenoñegacai

¹⁴ Juzíñamuina iere figura daiífredicai; mei Cristo nana éoidinona anáfenua izói, Juzíñamui dáfeodo, Cristo diga, nágaruillaído caina úicaiteza. Afe llezica ziórede raa caimare jállia izói, afe izói Juzíñamui Crístona onóillifuena caído nágagobiaído jica jalléitate. ¹⁵ Cristo Juzíñamuimo fecaca ziórede uguci izóidinodicai. Nana jíllaitinomo jallédicai, daje izói niné féiraitinomo jallédicai. ¹⁶ Afe niné féiraitinomo titade jucui izói íaire jállecaide. Mei íadi jíllaitinomo caimare íocire cáatate jállia izói jállecaide. Bie Juzíñamui ebire mamérrillafue, ¿bífuena bu mei ñue llínorena? Juzíñamui cuena cánua izói canóñenia jaca buna figo llínonide. ¹⁷ Juzíñamui uailai jíáimacimo fécano úcubena llínnoñedicue. Afena jaca raiñóñeno llócaidicue. Jíáimaci úcube óllena afe uai jíáifodo méidua izói méidoñedicue. Mei jíáifodo Juzíñamui orécamié izói, afémie eróicana jíáima jífueñeno uáfodo úriticue.

3

Juzíñamui comue ñue finóllifue bie izói daide

¹ Bie izói cue úrilla, ¿ómoimona nie izói cacaide? Níbai ¿dama cue abi íinollena meine dáanomo ñue úriticue? Mei íadi daiítañede. ¿Níbai cue ñue illánona onótatibiai ómoimo izájirede? Mei níbai jíáimaci finua izói, ¿ómoimona cue ñue illánona onótatibiai jicárede? ² Mei daiítañedeza. Dani omoi cue ñue illánona onótatibe izóidiomoi. Omoi baímo jíáie onótatibena jítaíñedicue. Cue comécimo joide come ñue illánona onótatibe izóidiomoi. Aféuaina nana comini cúemona onórediaíoi. ³ Dama Cristo cueda onótatibe izóidiomoi. Cuedo cuedábiai izóidiomoi, mei cuedo ñuefuena llotátagaomoi. Jamai títado cueda bie izóidiomoi; mei jíáifodo caade Juzíñamui Ñuera Joreño úicaiganodiomoi. Daje izói Moisés nofícomo cuedáuai fia comini eróicana jeire onéidiomoi, mei íadi omoi comeci úrillado Juzíñamuina íóbtaacadíomoi.

⁴ Nana afe bie ñuera cue dánana jacíruiño daiíredicue, mei Crístodo Juzíñamuimo daa uai fiéño íinofíredicueza. Uáfueza, nana cue dánana afémie ómoimo zúitaiteza. ⁵ Mei íadi nana cue jetáacagafuiai finolle ríno dama cúemona comuíñedeza; mei jíáifodo nana cue finócafuiiai Juzíñamuimona comuide. ⁶ Ie lloga comue finóllifue cue tájillena, afémie ñue cuena rínoñetade. Afe Juzíñamui comue finóllifue, jaiai cueda ocuífufue jeire cai úado caímo zuitánide. Mei jíáifodo Ñuera Joreño comuítaga cai comeci zííño cáatatino caímo íllado, Juzíñamui comue finóllifue caímo zuitárede. Afe cueda cai ocuilla uai cai titállena llote, mei íadi Ñuera Joreño cai comécina cáataite.

⁷ Afe Moisés lloga ocuilla uai nofici finóinabícimo cueda. Aféuai lluaíbilla llezica, iere ríre ebíredífuiado lloga. Aféruído Israel nairai, mei Moisés uíeco jíáifodo iere quenire eróideza, aféniemo eróinidiaíoi. Mei íadi afe

riire ebíredifue fíaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, ⁸ Ñuera Joreño caimo lluaíbica uai, ua afe titade uai baimo jamánomo ebírede. ⁹ Bifue bie izói dáiiacade: mei cai fiénidifuiamona cai titállena llothe ocuilla uai iere ebíreia, birui aféuai baimo nífunino cai íllena Juzíñamui llogafue jamánomo ebírede. ¹⁰ Afe ocuilla uai nauí iere ebírede, mei íadi Juzíñamui como finoca jamánomo ebíredifue comuíllamona, afe nanoide ocuilla uai jae figo ebínide; ja birui ráañede. ¹¹ Iemona nauí lloga are íñeno raire záitifue ebíredenia, afe zíñona záíñeitifue nauí llogáuai baimo jamánomo ebírede.

¹² Ie jira afe bífuego ocuírillano, jacíruiñeno caimare úriticue. ¹³ Mei íadi cue bie Moisés fínua izói finóñedicue. Afémie uiéco quenire cioina are íñédeza féibicaide. Ie jira afe quenire cíoide dúillana Israel nairai cíoiñeillena, Moisés ie uiéco iníroina íbaide. ¹⁴ Mei íadi dama Moisés uiéco íbaina llezica afe nairai, uina cíóñedino izói, íaiói ífoci úrilla figo déíñede. Birui afe jaiái llogafue íaiói facádua llezica, afe íbaille iníroi izóidifue íaiói onóillifueña jánaide; mei afe íbaille iníroi izóidifue nai oni óñegaza. Afe jízitatifue dama Cristo oni órede. ¹⁵ Nai biruimo Moisés cuezánicuai íaiói facádoia, afe íbáiraroi íaiói ífoci úrillana féitaicaide. ¹⁶ Mei íadi dáamie cai Ocuíraimamo ínoia, afe íbáiraroi oni oga. ¹⁷ Cai Ocuíraima afe íaióina zíñona cáatate Ñuera Joreño. Afe ie Ñuera Joreño jieruitimie fiénidena fínua mona ráiruiñegamiéña jáite. Daje izói afe Ñuera Joreño cai Ocuíraimamo ínote come, Moisés ocuica uáimona ráiruiñegamiéña jaide. ¹⁸ Mei íemona cai uiéco íbáillaroi izóidifue íñédeza, uáfori cíoide acáraní izóidinodicai. Afemona, cai Ocuíraima ebíredifueña acáraní egáíñua izói, jíáimamo ja cíótaticai. Afe daíí cai bie Cristo izóioicaidicai, mei nágaruillaído ie ebíredifueña jamánomo náamatafiredicaiza. Bifue cai Ocuíraima finócafue. Afémie Ñuera Joreño.

4

¹ Afemona cue bie jaca comécina náinidino izóíñedicue, mei Juzíñamui cuena dúecaillano bie táijinafue cuemo jóoneteza. ² Báinino jíáima jífuefirenana ruifíruiticue naa jíáie meáiredifuiáiri. Daje izói jíáima caimare bífua uaido úriñedicue. Afe llezica Juzíñamui uaina méidota jíáfodo lloñedicue. Mei jíáfodo jaca uáfuedo úriticue. Afedo Juzíñamui eróicana nana comíni comeci ñue úrillado afe cue lloga ua uaina íaióina jieruitadicue. ³ Mei íadi cai llócaiga jíllona uai comínimona nano nígamíemo nai ónonino cacaide. Afefue daíí íte, mei afémaci daní nine íaiói táinocaillifueño jáideza. ⁴ Mei afémaci Juzíñamuimo ínoñenamona bínie naama Taife, ui nírilla izói, íaiói ífoci úrilla uaina féitate, cue lloga comíni jíllotate ebírede Cristo ñúefueña íaiói ónoñeillena. Afe ñúefue ñue úzere egáíñote raa izoide. Iemo afe Cristo Juzíñamuina jino uáfodo ñue onótate cáadímie. ⁵ Jino cue llócaína llezica, dama cue abí íena lloñedicue, mei jíáfodo afe Jesucristo cai Ocuíraima llócaidicue. Iemo cue dibénedo Jesuna cue izíruillamona ñue omoi íllena canódimiedicue daíífredicue. ⁶ Mei Juzíñamui énie comuítaja llezica, afémie “Mai batí jíitino egáíñuairi” daide. Afe daíí daidímie, cue comécimo ie ñúefue egáíñua izói jóonete. Afémie daíí cuemo jóonete, Crístodo cuemo ácataga Juzíñamui ebírede cáimafueña ñue cue onóillena.

Juzíñamuimo ñue cai ínuado cai illafue

⁷ Mei íadi afe Juzíñamui ráifide cáimafue cue zíñona íñeite abido onótagacue. Bie cue abí are íñeite énie níina íciru izoide; mei íadi afe ñúefueña méidotarede

íino bie cue jamai abimo jóonega, afe ríino dama cúemona comuñenana omoi onóillena; íemo jiáifodo afe ríino Juzíñamuimona comuñllana omoi onóillena. ⁸ Daií cue íllamona diga fêirede finónidifuiái cuemo comuñadi, jaca Juzíñamui cánuado aféfuiái ñúeite. Daje izói aillo ónonidifuiái zuure cuemo comuñadi, jaca nai ocuñíñedimie izói iñédicue. ⁹ Mei jiáimaci cuena duere finóllena cuemo racáadi, jaca zóofeñegacue. Fáinamona ana dotaca izói iticue íadi, jaca niné táinocaiñedicue. ¹⁰ Nágaruuiamo cue jailla llezica, Jesús íaioi fállena mámia izói maméfiregacue. Nágaruillaído afe titállena mamécamié izói cue illa llezica, afémie ñue cuena náiretade, birui ie cáananona jino comínimo cue onótallena. ¹¹ Mei nai cue caana llezica, nágaruillaído Jesús ícoinia jacire titállena mamécacue, Jesús cáanana, are iñeno tíite cue abido cíotafireillena. ¹² Daií cue zefuñllamona cue dibéñedo títaigamiéna jáitícue, mei íadi omoi dibéñedo dáaruído omoi cáataganona jáitiomoi.

¹³ Juzíñamui Cuegáuaimo dáamié duere ie zefuñbicailla llezica daide: “Juzíñamuimo ínotícue ie jira úritícue.” Mei daií cue jiái afémie íñua izói ínotícue, ie jira Juzíñamui ñúefuedo úritícue. ¹⁴ Ñue onódicueza, afe tíide Cristo meine abido cáatate Juzíñamui, afe cáataga Jesús íri nane cuena cáataite; íemo daane cue, naa ómoiri, ie illánomo úite.

¹⁵ Nana bífuiái ñue omoi íllena daií íficaide. Iemona nai aillo jiáie comínina Juzíñamui ñue éziciite. Aillo ie ézicia izói afe dieze aillo comíni jamánomo ñúefue íemo nítaitiaíoi.

¹⁶ Mei íemona cue jaca comécina náinidino izói iñédicue. Meita cue abi náinioicaide íadi, cue comeci dinena jaca nágarui náireioicaide. ¹⁷ Mei íemona bíniemo cue caana llezica duere cue zefuñllafuiái figo ráañede. Raíre llícaite. Ie méifomo afe zuufue baímo ite aillo ninomo fúíñeite ebírede cáimafuiái cuemo cómuite. ¹⁸ Ie jira uído cue cíonamo ébicaiñedicue; mei íadi cue cíóñenafuiáimo ébicaiñedicue, mei afe cíona raana are iñeno raíre táinocaiteza. Mei íadi afe cíóñena raa jaca zíñona íite.

5

¹ Ja ñue onódicueza, cue caana abi are iñeno zabide jofu izoide. Iemo jiái onódicueza, bie cue abi táinocaille llezica, Juzíñamui cúeiéna monamo zíñona zábiñeítico ja nite; afeco come ónoído níñega. ² Uáfueza, cue caana abido cue illa llezica, monamo itícomo íere cue jáiacana comécido éfiredicue. ³ Afénomo jaiániacadícue, mei afeco iníroi come abi jífua izói, cue joréñona ñue jífoiteza. Afemona come abimo iñede joréñona íñeíticue. ⁴ Bie jofona mameca abimo cue illa llezica íere zúunajllano comue abina izire óiacadicue. Mei, bie cue jácaie abina, iníroi come abímona duíñua izói, cue joréñomona duíñoacañedicueza; jífoñega joreño izói íacañedicueza. Mei jiáifodo iníroi jita ízoi, comue cue abi cue joréñomo jítáacadícue. Daií cómuena méidoacadícue, bie cue táinocaite abi, comue cue cáailinodo nine féitallena. ⁵ Dama Juzíñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juzíñamui cuemo fecalle ñue llínoíticue.

⁶ Mei áfemona, comue méidoga abi cue llínollena áfena ñue cue onónamona caimare ocuñidícue. Nai bie abido cue illa llezica, onódicueza, monamo cue illícomona jino iticue. Bie izói daína cue Ocuñraíma diga iñédicue. ⁷ Afe llezica birui fia cue cíonafuedo ínidícue, mei jiáifodo Juzíñamuimo cue ínogafuedo íredicue. ⁸ Mei jira uáfueza cue llínollena ñue cue onónamona

caimare ocuírídícue. Bie cue illa abina fáicanocaiacadícue, monamo jaillano cai Ocuíraíma diga cue íllena. ⁹ Ie jira bie éniemo afémie diga cue íñena llezica, daje izói afémie diga cue illa llezica, jaca íena cue íóbitallena jamánomo nícidotícue. ¹⁰ Mei comini finócafue Cristo riire jicánoranomo nana cai afénomo ácataredicaíza. Afénomo illa dígamie bíniemo illa abido íaíoi finua dieze, nibai ñúefue nibai fiénidífue, áfeze jirídoitiaíoi.

Juzíñamui meine caina caimare uáiduafue

¹¹ Ie jira afe naga come Juzíñamui riire jicánollemo ñue jacíruioicana comeci facádícue. Afemo cue comécillamona naga cómena Juzíñamui llógamo jíeruítacacádícue. Mei íadí cue illáfúena Juzíñamui onode. Afe izói cue ñue illáfúena omoi onóillemo ocuírídícue. ¹² Dáanomo dama ñue cue illáfúedo úriñedicue. Mei jíáífodo cuedo caimare omoi úrillena bie izói ómoína daidícue. Afemona jínoidífúedo abí ínotino uai omoi ollíuái íteza. Afémaci jofo comécimo itífuena náfuéñediaíoi. ¹³ Mei nibai comínimona dáarie cuena daina izói, uáiritaidímie izói itícue íadí, Juzíñamui íena daí itícue. Mei jíáífodo uáiritaiñedicueza ñue omoi íllena canódicue. ¹⁴ Mei ñue onódicaíza dama Cristo dainámie nana comini meífomo tíide. Afe caina ie izíruillamo comécillano, nana afémiemo ínotino íaíoi fiénidífúiaí tíidena mámano áfena fáicanocaidiaíoi. Afemo cue comécillado Cristo caina izíruilla ñúefuena cuena izire llócaítate, ñue omoi íllena. (Daje izói bie Cristo caina izíruilla, ñue illáfúedo cue jáillena cuena ocuíoideza.) ¹⁵ Uáfúeza, Cristo nana comini meífomo tíide, nana cáadino daní íaíoi jitailla izói íñeillena; mei jíáífodo, afémaci dibénedo tíillano meine cáadímie Cristo comeci jitailla izói íaíoi íllena. ¹⁶ Ie jira bínie comini jínoidífúedo comeci faca izói, nino bumo comeci facáñedicue. Mei nauí uícodo Crístomo bínie comini comeci faca izói, comeci facádícue, mei íadí ja biruí daí afémiemo comeci facáñedicue. ¹⁷ Mei daí, Crístomo dájena jaináitagamie comue cómena jaide. Jaiái ie illáfúiaí fiénocaillano nágaíuái cómofúiaína méidoga.

¹⁸ Nana bífuiaí Juzíñamui mámiama Juzíñamui dama afémiemona Crístodo meine caimare cuena uáídote, íemo jíái nana comini afémiemo meine caimare úritallena cuena ocuíñoacaide. ¹⁹ Bie izói daílacana: Juzíñamui ie Jitó Crístodo nana comínina íena meine caimare uáídotade. Aféruimo, comini finoca fiénidífue féitano caimare íaíoína uáídote. Afe dáruido Juzíñamui meine comínina caimare uáiduafue oni llujáillena cuena jóonenocaide. ²⁰ Afemona Cristo íena uai llotínona ómoímo bitícue. Ie jira biruí ómoína cue daina uai, dama Juzíñamui ómoímo cuedo jicaca uai izoide. Mei jira Cristo dibénedo ómoímo izire jicádícue. Mai, meine abido Juzíñamui caimare uáídori. ²¹ Afe Cristo jaca íaífuena finóñede. Mei íadí cai meífomo Juzíñamui afémiena fiénidífúiaíredímie izói duere finode. Daí íena finode, Juzíñamui anamo ñue jaícina illáfúemo cai íllena; mei ie ñue illa izói cai íllena Juzíñamui jítáideza.

6

¹ Afe daí Juzíñamui táijinamo afémiena nabáidícue. Ie jira afémie ómoímo lloga ñuera cáimafúiaí táinomo omoi fáífitañeno iri. ² Mei Juzíñamui ie Cúegaúaimo daíde:

Comínimo caimare cue uáídollena cue mamécaruimo ona cacádícue.
Daje izói jíllonaruímo ona canódicue.

Ja biruí Juzíñamui caimare o uáíduaruí. Daje izói biruí o jíllonaruí.

³ Iemona Juzíñamuimo cue táijina llezica, buna llótaidonidícue, cue táijinaífuemo fiéní íaíoi úriñeillena. ⁴ Mei jíáífodo nana cue jetáacagaíuáido

Juziñamuimo táijidimie cue illana ácataacadie. Duere zefuídie íadi comécina raire járidoño fia ocuídie. Afedo Juziñamui íena cue illana jino ácataticue. Daje izói cue jitaica raa íñena llezica, íemo llotáiredifuiái cuemo comuilla llezica áferi járidoño ocuídie. ⁵ Daje izói cuena zechénuano llavédaioi. Cue duere finóllena jacire lléjellejedino cigiri iticue; íemo iere riírede táijinamo iticue. Diga ícaíño raire íniana onóñedicue; daje izói jíái jufíruiticue. ⁶ Daje izói íáinidimiena cue illado Juziñamuimo ñue táijidimiena cue illana ácataticue. Iemo diga jíáfuiáido daí cue illana ácatafiredie. Uafue uaina cue onónado ñue cue illáfuea cíotaticue. Iemo cue járitañenafuedo naa cue dúecaifirenafuiáido áfena cíotaticue. Iemo jíái Ñuera Joreño cuemo illado, naa jíáimana jífueño cue izíruifirenado Juziñamui íena cue illana ácatafiredie. ⁷ Iemo ua uai cue llócaillado, naa Juziñamui ríino cuemo illado: nana bífuiáido Juziñamuimo ñue táijidimiena cue illana ácatafiredie. Afe llezica jaícina joide illáfuedo jáifiredie, mei áfedo fiénide uáillaina oni caitáredie. Daje izói áfedo cue abina riidoredie. ⁸ Daruírie ñúefuiái cuemo nitádiaioi, mei jíáiruido fiénidie cuemo jítdiaioi. Daje izói jíáiruido cuemo ñue úritiaioi, íemo jíáiruido cuena íáruitiaioi. Iemo dárie cuena comínina bífuetimiena daidíaioi; mei íadi jaca uáfuea úricaidimie iticue. ⁹ Iemo dárie cuena “Bu ónoñegamiedio” daidíaioi; íemo jíáimaci “Ñuera cai cómedio” daidíaioi. Daruírie titácamié izói iticue, íadi nai cáaoicaidie. Iere duere finócacue íadi méineñegacue. ¹⁰ Zuure iticue íadi jíáfodo jaca íobidie. Mei ráanidimiedie íadi, aillo jíáimacina ráaredino izói ráanaitadie. Dúeredino jofófemo dúeredimie izói cue íadi, nai ráaredimie izói nana ráaniairi íobidie.

¹¹ Coríntomo ite cue ámatiaí omoi cacai. Omoi diga báinino úriñedicue, jaca uáfodo úrifiredie. Cue comécimo itífuea uáfodo jino ómoimo llotie. ¹² Omoína iere duéruillano rairuíño ómoína caimare uáidofiredie. Mei íadi omoi dinena cuena ñue izíruillana ráruitioi. ¹³ Urue Moo, ie úruena izire jica izói, afe izói ómoína izire jícadie. Omoimo uáfodo jino cue llua izói, afe izói omoi comécimo itífuea jino uáfodo cuemo omoi llóllena izire jícadie.

Caade Juziñamui illaco izóidicaí

¹⁴ Juziñamuimo ínoñedinomo dájena omoi jaináíño iri. Omoi jaináíadi, dájena jaícina íñenafue comuídeza; ómoína jíáfodo itátaite. Mei ¿nie izói jaícinaidie fiénidie diga dáanomo jaináírede? ¡Jaca jaináínide! ¿Mei úzefo naa jíitífo diga dájena nabáírede? ¡Nabáínide! ¹⁵ ¿Taife meita Cristo diga dájena caimare írede? ¡Jaca ínide! Juziñamuimo ínotino ínoñedinomo diga ¿nífue dájena íaioimo dúina? Dáanomo dúití fue íñede. ¹⁶ Mei dama Juziñamui daína izói caade Juziñamui illaco izóidioi. Afémie daide:

Iaioimo íticue; íaioi cigido macácaiticue.

Cue be íaioi Juziñamuiticue.

Afe izói cue comínina ítiaioi, daide.

Iemona Juziñamui illaco jánarai diga ¿nífue dájena íaioimo dúina? Dáanomo dúití fue íñede. ¹⁷ Ie jira cai Ocuíraima bie izói daide:

Juziñamuimo ínoñedinomo cigimona oni omoi jai, afénomona oni omoi ii.

Íáiredifuiái dibénemo íño iri.

Iemona ómoína caimare uáidoiticueza.

¹⁸ Afe llezica omoi Móoiticue.

Iemo dáaruido omoi cue úruiaína ítíoimo.

Afe bífuea jamánomo riírede cai Ocuide Juziñamui daí daide.

7

¹ Cue izíruiga ámatiai, Juzíñamui jaiái uícodo lloga cáimafuiai bie izói joide. Afe daií caimo íllamona nana jáíforiede cai íaifuiaimona muiñócana izói oni íredicai. Abi íaifuena daje izói cai joreño íaifuena fáicanocairedicai. Juzíñamuina ñue jacíruillano cai comeci íaininafue ie eróicana jaícina jóneredicai.

Corintio imaci comeci méidua

² ¡Mai cuena caimare omoi uáidori! Cue bie jaca buna fiēni finóñedicue. Daje izói buna íaire finóñedicue. Iemo ómoimona jaca buna jífueñedicue. ³ Bie izói cue dáinado ómoína íaire finótañedicue. Mei nauí ómoína cue daína izói, nai cue caana llezica, nágarui ómoimo cue comeci fáioidicueza. Uáfueña dájena cue tílliruimo ómoimo cue comeci fáioidicueza. ⁴ Ómoína iere caimare ínoticue; daje izói ómoiri ñue abi ínoticue. Iemona diga duere zefuúllafue cuemo comuilla llezica cue comeci jaca náirede, íemo jáí jamánomo caimare iticue.

⁵ Mei daií nauí cuemo comuúdeza. Nauí Macedonia éniemo cue jailla llezica afénomo uái cue illirui jaca íñede. Mei jáífodo náganuiaido féiredifuiai cuemo comuide. Cuena uáitatino nágafene cue ciríoidiaioi, íemo diga jáífuiairi comécido jacínaioicaidicue. ⁶ Mei íadi comécina náinidinona nácaitaírede Juzíñamui cuemo dúcaide; cuemo dúcaillano Tito dúcinado ñue cuena nácaitate. ⁷ Daa ie dúcinari íobiñedicueza, mei dáanomo omoi méidoga ñue illáfuedo afémiena omoi nácaitari íobidicue. Afémie omoi iere cuena cíóacanafue cuemo llote. Iemo jáí nauí omoi cígimo comuídiferi omoi iere zúunaillana Tito llote. Daje izói cueri omoi comeci lícitaillari, naa cuemo omoi jíeruicanari íobidicue. Bífuiaina cue fidínamona jamánomo íobidicue.

⁸ Mei nauí ómoimo cue orécabe ómoína zúucaitate íadi, birui áferi zúucaíñedicue. Mei nibai nauí áferi zúucaidicue, mei íadi birui Tito cuemo llua izói afebe are ómoína zúucaitañenana fidídicue. ⁹ Iemona birui íobidicue. Omoi zúucaillari íobiñedicue, mei jáífodo afe omoi zúucaillafuedo omoi comeci ífueña méiduari íobidicue. Bie zúucaillafue ñue omoi ocuúllado Juzíñamuina íobitade. Iemona ómoimo riire cue ciegabe ómoína fiēni finóñede. ¹⁰ Mei uafue, Juzíñamui íobilla ñue cai ocuíoiga zúucaillafuiai cai comeci ífue ñúefueña méidotade. Iemo afe ñúefueña méiduado jílloticaí. Mei íadi biniemo ite ínoñedino zúucaillafue íaioína ana tíllinomo úite. ¹¹ Ómoimo comuide zúucaillafue ñue omoi ocuúllari Juzíñamui íobide. ¡Iemo birui omoi cígimo ñue comuídifuiaimo omoi éroi! Afe zúucaillafue nauí ómoimo ite fiēnidífueño riire ómoína ñue comécitade. Iemo afe zuufue omoi finoca fiēnidífueña jino uáfodo llotátate. Daje izói afe zuufue daní ómoína rícaitate; íemo ómoína jacíruitade. Afe méifomo iere cuena cíóacadiomoi. Afe llezica omoi cígiri ite fiēni finódimiena duere finótaiacadiomoi. Nana bífuiaimo omoi nífueninana jino ñue cíotatiomoi. ¹² Mei daií afe orécabe cue cuia llezica afe fiēni finódimiemo figo comécíñedicue. Daje izói duere zefuídimiemo figo comécíñedicue. Mei jáífodo ñue omoi illífuemo comécidicue, cuemo omoi comeci ñue fáiana, Juzíñamui eróicana, omoi onóillena. Ie jira afebe ómoimo cueticue. ¹³ Iemona bífuiado cuemo caimare dúcaidiomoi.

Mei íadi omoi cuemo dúcailla baímo Tito iere caimare íllari jamánomo íobidicue. Mei nana omoi afémie ñue uái íllena íena canódiomoi. ¹⁴ Nauí omoi díbenedo Títomo cue úrilla uai meáiruñeno jaca ñue cuemo baite. Omoiri abi cue ínuana afémiemo lloticue. Ja birui, nana ómoína cue daína uai uáfueña jailla izói, afe izói ómoiri Títoma cue daína uai uáfueña jaide. Iemona nauí

afémiena cue daina uai táinomo omoí fáifitañenari iere ióbídícue. ¹⁵ Ja birui Tito ómoína iere izíruite, mei nana ómoimo ie dáinado cue ocuífaiuai jeire omoí úamo afémie caimare uibíoideza. Daje izóí jacíruiocana caimare ie omoí llínuamo nai comécioide. ¹⁶ Iemona ómoína jaícina ñue cue ínuari ióbídícue.

8

Jeruñeno fecáredícaí

¹ Amatíai, birui Macedonia éniemo ite Juzíñamuimo jaináidinomo afémie dúcafirenamona íaióí jeruñeno diga raa fecáfirenafue ómoimo llóiacadícue. ² Mei íaióimo comuide féiredífuíai iere íaióina jacire facátate íadí, caimare itíaióí. Daje izóí iere duéredíaióí íadí, ráaredíno izóí raana jeruñeno fecáfiredíaióí. ³ Mei daní íaióí comeci ñue jítaina izóí nana íaióimo ite dieze jeruñeno fecádíaióí, íemo afe íaióí írede úcube baímo nane fecáfiredíaióí. Aféfuemo uaina nabáídícue. ⁴ Bie Macedonia imaci Judéamo ite ámatíai íaióí canóllena cuemo izire jicádíaióí. ⁵ Íaióimo comeci cue faca baímo fecáfiredíaióí; mei fueñe Juzíñamui comeci jítaina izóí, “Juzíñamui ocuilla raíre fínoíticai,” dainano aféniemo ñue ínótíaióí. Afe mei daje izóí “O ocuilla raíre fínoíticai,” cuena daídíaióí. ⁶ Afémaci daí daina jira, Títomo izire jicádícue, afémie nauí omoí cígiri taineca omoí jeruñeno fecaca úcube iráíafue birui ñue ícoímo fuitállena. ⁷ Mei nágaífuíai dibénemo iere ñue finódiómoí: ínogafue dibénemo jamánomoidíomoi. Iemo ñue llóífuiana jamánomo baitádinodíomoi, naa ífoci úrillafuíaíri. Daje izóí ráíraíeñeno íocirenafue dibénemo jamánomoidíomoi, naa cuena omoí izíruillafueri. Daí omoí íllamona, mai bie jeruñeno raana fécafue dibénemo daje izóí jamánomoidínona omoí iri.

⁸ Bie fécafueña ómoína finótañedícue. Daa jíáímaci raíre raana fecáfirenafueña omoí onótaacadícue, áfena omoí fidínamona íaióí feca dieze raíre omoí fecállena. Afe daí raíre omoí fecácanado omoí izíruillafueña jíái uáfueña dáítíomoi. ⁹ Mei caí Ocuíraíma Jesucristo caímo dúcaíllana ñue onódiómoíza. Afémie fueñe monamo illa llezica bíníe comíní ráanaílla baímo jamánomo ráaredímíe. Mei íadí bíníemo bíllamo caína izíruíllano dama abína dúeredímíena finode, ie dúerenado Juzíñamui dibénemo caína jamánomo caí ráanaítallena. Mei uáfueza, nauí Cristo monamo illa izóí, afémie caína itátaíacade.

¹⁰ Bie jíáímacímo fecáfirenafue dibénemo omoí ñue íllena, cue comécímo ite cue fácaja ñuera uai llóítícue. Nauí jaíde fimónamona nai biruímo afe jeruñeno fécafueña ñue tainédiómoí. Daa due jiza fécaítíno izóí, tainéñedíomoi, mei jíáífodo íocire caimare fecáfiredíomoi. ¹¹ Jira benómona mai ñue ícoímo omoí fuitari. Nano fueñe omoí táinia llezica, omoí íocire caimare fecáfirena izóí, afe izóí áfena ñue ícoímo fuitari. Omoímo ite dieze, jeruñeno fecáfireíri. ¹² Dámíe uáfueña Juzíñamuimo fecáacania, afémíe Juzíñamuimo fecaca raa Juzíñamui caimare llínoíte. Mei uáfueña comínímo ite dieze Juzíñamui caimare llínofíredeza. Afe baímo cómemo íñédéna afémíe táínona jicáñede.

¹³ Jíáímaci omoí canófirenado ómoína dúeredínona finóacañedícue. ¹⁴ Mei jíáífodo illa dígazíe dájeríze omoí ráarerí, daídícue. Jíázíena jamánomo baímo ráarerí, daíñedícue. Biruí íaióí jítaílla raana omoí ñue fecáredíomoi. Iemo uíre omoí jítaíllíruímo omoí jítaílle raana afémaci ómoímo fecáredíaióí. Afe bie izóídemona afémaci naa ómoíri jaícina dájeríze ráareítíomoi. ¹⁵ Jaíai afe monámona Juzíñamui oreca maná daina pan izóídena dibénedo Juzíñamui ciegáuai daje izóí daí dáídeza: “Aílo ofítatímíemo mínícana fiébiñede.

Iemo figo offitañedimie mo ie jitaica raana iñede.” Iemona nana dájerize ráareitio moiza.

Tito naa ie nabáñiairi

¹⁶ Ja jiáinodo Juzíñamuina “Figora” daífiredicue. Mei omoi ñue íllena ómoimo cue comeci úina izói, afe izói Juzíñamui Tito comécina ómoimo jóonetadeza.

¹⁷ Afémiemo cue jóonenocaigana afémie ñue jíeruite. Iemo dama ie comeci ómoimo járitaifirenmona, ja birui dama ie comeci jítainado omoi eróizaide.

¹⁸ Tito diga daa ñue mámecina jica jalléidimiena orédicue. Nana gairífirede Juzíñamuimo jaináidinodo ie mámecei jica jalleide. Jíllona uaimo afémie iere ñue táijinado ie mámecei jica jalleide. ¹⁹ Daa bífueñedeza, mei jiáifodo Juzíñamuimo jaináidino afe bie cai ama nizédiaioi cue diga jáillena. Daje izói cue canóllena afe ñue ínotimiena nizédiaioi. Afe jiáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izói finódicue. Daje izói íemo jiái omoi íocire comínina canóacanana ácatallena, bie izói mamédicue. ²⁰ Bie úcube cue iráiamo buna fiéni úriñeillena bie izói finódicue. ²¹ Bie izói ñue jaícina uáfodo canóacadicue, Juzíñamui eróicana ñue cue íllena. Dama Juzíñamui eróicana daí iñédicueza, daje izói jiái comíni eróicana daí iticue.

²² Afe íaillinoído jiáie cai izói ínote ámatiaimona dáamie orédicai. Afémie íocire ie mamérillana diga jiáifuiáido ácatate. Iemo birui ómoimo iere ñue ie ínuado, ie íocire mamérillana jamánomo jino ácatate. ²³ Daa come “¿Mei bu Títona?” daíadi, “Jadí omoi cue cánuamo cue nabáifredimie,” omoi daíri. Iemo afe Títodo jaide íaillinoimo comíni jicánoiadi, “Crístomo jaináidinomona orécaiaillinoí,” omoi daíri. Afe llezica “Bie come íaillinoí ñúefue Crístomo nitáfirediaillinoí,” omoi daíri. ²⁴ Iemona bie oreca íaioimo, uáfueña íaioina omoi izírufirenana ñue íaioimo ácatari, nana Juzíñamuimo jaináidino onóilleza. Afe izói bie orécamaci ñue omoi íllnuado, ómoído abí cue ínuana, uafue daítaitio moí.

9

Amatiai íena úcube iráica

¹ Juzíñamuimo ínotino, cai ámatiai izóidino íaioiena úcube iráia dibenedo, ómoimo uáfueña cúenidicue, ² mei omoi fecállena raíre mamérifirenana ñue onódicueza. Omoi Acaya énie imácidiomoi. Nauide fimónamona omoi fecalle raamo raíre mamérifirenana Macedonia énie comínimo jaca caimare llófiredicue. Macedonia comínimona nabézie, omoi íocire mamérillana fidíillamona comécido náicaidiaioi. ³ Mei íadi bie úcube iráia dibenedo ómoído cue lloga ñúefue táinomo fáifiñeillena, bie cai ámatiai ómoimo orédicue. Daí íaioina uícodo orédicue, nauí cue daína izói áfemo ñue omoi finóbillena. ⁴ Macedonia imácimona dárie cuédo jaia, nai omoi finóbiñenana baizájillena gáñedicue. Daí omoi íllana íaioi baizájadi, afe cuena meáidaitade, mei áfedo nano uícodo omoi ñue cue ínuana táinomo fáífitaitio moíza. Iemo jiái afémaci daí omoi íllana cíocaizaibiadi daje izói daní ómoína meáidaitaite. ⁵ Afe bíemona nano uícodo ómoimo bie cai ámatiai cue orelle iere jítáiredeza, daí comeci facádicue. Iemo daje izói afémaci nauí uícodo omoi mameca aillo úcube iráiana ñue ícoimo fúitana cánoitiaioi. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbitio moí. Iemona afe omoi fecalle cue riíre ocuínidicue. Daní omoi comeci ñue jítainana ácataitio moí.

⁶ Ja cue lllóífue mo omoi uibíoiri. Due ritímie jaca due jofo ote. Iemo daje izói aillo ritímie aillo jofo ote. ⁷ Ie jira illa dígamie ie comeci caimare mamérilla izói ie úcube írede. Jeruíllano éoinamona fecánide. Daje izói jiáima ocuíoillamona

ínide. Mei Juzíñamui caimare fecáfiredimiena izíruiteza. ⁸ Cai Moo Juzíñamuimo nana jiáifoide omoi cáimacaitade ráaniai iere aillo íteza, facádoñeno jamánomo ómoimo fecárede. Daií nana dani omoi jitaica ráaniaina ómoimo nágarui ífireite. Mei íadi dani ómoieñedeza, mei jiáifodo ómoimo aillo ite ráamona, nana jiáiforiende raado jiáimacina jeruñeno canórediomoi. ⁹ Juzíñamui Cuegáuai bie izói daide:

Dúeredinomo afémie jeruñeno aillo fecade.

Comínimo afémie ñue finócano jaca are iite.

¹⁰ Iemo afe daade Juzíñamui omoi ríllena jiáie ríamo llízitano ómoimo fecáfiredede. Daje izói afe riga zícua mona, Juzíñamui áfemona omoi güille raana comuitano ómoimo fecáfiredede. Iemona nana omoi jitailla ríllena afémie ómoimo fécaite; íemo dáanomo omoi rigánuiaina jamánomo aitátaite; áillamona jamánomo aillo óitiomoi. Daií omoi jamánomo óllemona jiáimaci canolle raa diga icaiño ómoimo íteza. ¹¹ Afemona diga jiáiforiendena ráareitiomoi, jiáimacimo jeruñeno aillo omoi fecáfireillena. Iemo cue uire omoi orelle úcube cue izájillamona jiáie cai ámatiaina Juzíñamuina “Íere figura” dáitaite. ¹² Mei jira afe bie cánua Jerusalemo ite cai ámatiaimo cai feca llezica, daa íaioi jitaica ráaniai íaioimo fecáñedicaiza, mei íadi afémacina Juzíñamuina “Íere figura” daítaticai. ¹³ Iemona dani afémaci Juzíñamuido ñue úritiaioi, mei bie cánua Cristo ñuera uaina omoi jiéruillana íaioimo jino ácatate. Daje izói afémacimo íemo naa jiáimacimo jeruñeno aillo omoi fécajana íaioi cionamona, Juzíñamuimo ñuera uaina jóneitiaioi. ¹⁴ Iemona ómoina iere duéruillano, afémaci afe íbana ómoiena Juzíñamuimo jícaitiaioi. Juzíñamui ómoido jino cíotaga aillo dúecaifirenamona afémaci ómoido Juzíñamuimo úrifireitiaioi. ¹⁵ Ie jira Juzíñamui afe caimo lloga áillo dúecaifirenana jamánomo ñuénamona, fia iga raa izóideza, áfena jino uaido jaícina llónidicaiza. Afe caimo dúecaifirenari Juzíñamuina “Íere figura” mai cai daílli.

10

Cristo orécami ena illamona Pablo ocuilla ríno ite

¹ Cue Páblodicue. Cristo caimo dúecaifirededeza, íemo jiái afémie iere cáimamieza cue daje izói izire ómoimo jícaiticue. Omoimo riire cue úrizabiñeillena ja birui jícadícue. Dáarie cuena uáitatino bie izói cue dibénedo daífirediaioi: “Pablo omoi cígiri illa llezica afémie iere comécina mánaidimie, mei íadi afémie jica jiáinomo illa llezica afémie abido riire ocuídímiena dóbaicaide,” daídíaioi. ² Mei jiáifodo, omoi cue eróizaibilla llezica, riírede uaina ómoimo cue úrizabiñeillena izire jícadícue. Mei ómoimona dáarie cuemo fiénide uai jitáдино ite. Afe íaioi jitaca uai bie izói joide: “Nana ie finócano daa bínie comini jítaina izói finoca,” daí daídíaioi. Iemona afémaci cue úritaja, riírede uáillaído íaioimo úriredícue. Mei íadi afe izói cuena úritaño iri. ³ Mei uáfueza, ua cómedícue, mei íadi bínie comini fuirífirena izói fuiríñedícue. ⁴ Fiéni difuiaí oni cue caitalle raa, bínie comini fuirilla raa izóíñede. Mei jiáifodo cue fuirilla raa Juzíñamui rínona rínorede, abi rídollena riire finócuai izóidena cue tánocaitallena. ⁵ Mei áfedo cuemo fiéni jitácana oni caitadícue; daje izói cuena íaioi cáitajana oni féitatadícue. Nana uáitaiacadino íaioi abi ínuano jiáimaci Juzíñamuina raire onóñeillena jízitafirediaioi. Ie jira nana íaioi comeci faca uailai Cristo anamo itátaitícue, afe Crístona íaioi comeci jiéruillena. ⁶ Cue llógana omoi jiéruilla ñue ícoimo dúcille llezica, nana jiáie uáitafiredinona duere fínoiticue, íaioi jiéruíñena ícoinia.

⁷ Daa jínofene cioide ráaniaimo eróidiomoi; uáfueza, náinidimiena cue eróinamo eróidiomoi. Ninó dámie “Uáfueza cue bie Cristo iédicue,” daiíadi, bífueмо afémie úbicaitarede: Cristo íena ie illa izói, daje izói cue Cristo iédicue.

⁸ Mei diga icaiño, cuemo ite ríinodo cue llóyadi nai áferi méaidaiñeiticue. Mei cai Ocuíraima afe ríino cuemo jóonete, áfedo Juzíñamui dibénemo ñue omoi cue móonaitallena. Omoi niné cue táinocaitallena cuemo íñega. ⁹ Fia rabedo ómoína jácidotimie izói íacañedicue. ¹⁰ Dárie cue cuegábiaido daidíaioi: “Jamánomo riire ocuífiredede; mei íadi afémie comini eróicana úrilla llezica, afémie ríimieñede. Afe llezica ie úrilla uaina iere jáimairuirede,” daidíaioi. ¹¹ Afe izói úritimie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruido afémacina riire ócuiticue.

¹² Afémacimona dáarie daní íaioiena ñue caimare úritiaioi. Táinomo abí íinuado úritiaioi. Afémaci illa izói jaca mamériñedicue. Daní táinomo íaioi comécillado conímamo comécidiaioi. Ñuera come daiíllena daní conímamo facádiaioi. Daií fácajamona abina onóñedimacina jáidiaioi. ¹³ Cuemo dúíñede raado abina íinoñeiticue, uai cue llócaillena mózizaillinona llotímie, Juzíñamui. Afémie ñuera uailai cue llócaillena omoi illánomo cuena dúcitate. Uáfueza Corinto dinomo cuena jáitate. ¹⁴ Ie jira cuemo dúide táijinafue baimo jáiñedicue. Mei nauí Cristo ñúefue fueñe ómoimo jino dénuai biticueza. Iemona afe omoi cígiri cue táijille cuemo dúide. Nano fueñe lluáibiñedicuena afe táijille cuemo dúíñede; mei íadi daiítañede. ¹⁵ Jáimaci táijinana cúeiena abimo maiñoñedicue. Afedo abina íinoñedicue. Mei jáífodo Juzíñamuimo omoi íinogafue ñue móonaille dinori, omoi cígiri jamánomo cue táijillemo ocuídricue. Mei íadi cuemo dúide táijinafuedo táijifireiticue. ¹⁶ Iemona afe méifomo omoi illa batífenemo jica itínomo jíllona uai lluájiredicue. Mei íadi afe llezica jáíima taineca táijinamo táijíñeiticue, ie táijinado abí cue íinoñeillena.

¹⁷ Mei jáífodo daa come abí íinoiacania, cai Ocuíraimado abí íinoiteza. ¹⁸ Dama ie abido ñue úritimie, ñuera come daiífirenamiena jáíñeite; mei jáífodo daa Juzíñamui ñue úrillamie, ñuera come dainámiena jaille.

11

Cristo óreñega taino llotino Pablo diga

¹ Abina onóñedimie izói due jiza úriticueza. Raire cue uai oñeno fíaicana cue úrillamo ómoína cacáretaacadicue. Mai fíaicana abí cue íinuamo omoi cácarei. ² Omoína iere uríoifiredicue. Afe omoi cue uríoilla Juzíñamuimona comuide. Dámie ie áireiacania jetañega jitaingo óllena jica ia mámano jicánote. Afe jicánogango daa afémiemo ínreirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómoiri iere uríoicue. ³ Mei comini nánoidingo Evana jaio bífuiano jífuia izói, afe izói jáimaci ómoína bífuiana jacíruiticue. Afemona figo abí omoi ráiruiñenia jífuefitiomoi. Iemona Crístomo ñuera comécido omoi comécillana oni jáífodo féitaitaioi. Daje izói Crístona nahí omoi izíruillana féitaitaioi. Afena jacíruiticue. ⁴ Cue llócaiga Jesús izóiñedimiena ómoimo llotíaioi. Afemo fíaicana caimare ñue cacáreidiomoi. Afemo nibai omoi ínollena jacíruiticue. Iemo nauí ómoimo cue lloga o maiñoca Ñuera Joreño izóiñedena jáífoide joreñona abimo maiñoídiomoi. Iemo jáí uícodo cúemona omoi cacana ua jíllona uai izóiñedena jáífoide uai jeire otíomoi. ⁵ Birui baie omoi cígido jáillamaci “Cai bie Cristo orécamaci baimo ñúemacidicai,” daidíaioi. Mei íadi afémaci jofófenemo ráifiñedimiedicue, daií comécioicue. Iemona ¿nibái mei cuemo

cacáreñeitiomoi? ⁶ Mei nibai cue úrilla uai figo jinoñeniadi, nai cue onoiga rafue jino llúana dibénedo iere baitádimiedicue. Nana ómoimo cue llócaillado afe bie cue onóigafuiai na jaca nágarui jino ómoimo ácatafiredicue.

⁷ Jíllona uai ómoimo raiñoñoeno cue llúado, omoi anamo cue abina itátaticue. Daií iticue cue baimo ñúefuedo omoi jalléillena. Daií cue illa ¿nibai fiénide? Daiítañede. ⁸ Jiáie Juziñamuimo jaináidino omoi cue canolle úcube ibádiaioi. Omoi cígiri cue íllena afe úcube cue llínua afémacimona cue bairoca izoide. ⁹ Omoi cígiri cue illa llezica, cue jitaica raana ite. Mei íadi áfena jaca ómoimona raiñoñedicue. Aféruillaido Macedóniamona bite cai ámatiai, cuemo iñede raana fecádiaioi. Afe daií cue abina rairuídicue, omoi cígimo nana cue finócafuiiai ómoimo juare zúíñeillena. Iemo nauí cue illa izói, afe izói omoi cígiri jaca daií ífireitícue. ¹⁰ Cristo ñúefue ua cue onona izói, afe izói nane jiáifuena ua onódicue. Afefue bie izói daide: Nana Acaya éniédo raiñoñoeno táijifireitícue. Afe cue táijina cue raiñoñoenari cáimacaiticue. Iemo afe cuemo ite cáimafue buna cúemona báiroñeite. Afena uáfodo onódicueza. ¹¹ ¿Nibái mei daií úritícue? ¿Nibai ómoina cue gáñenado daií úritícue? ¡Ieñede! Omoina iere cue gáinana Juziñamui ñue onode. ¹² Mei íadi jaca cue finua izói finócaitícue, cuena uáitatino abí ínotañeillena. Jaca ómoimo raiñoñoeno táijifireitícue, baie abí ínotino íaioi abí ínua raa cue bairóllena. Afémaci úcubena ómoimona izire jicáfirediaioi Cristo ua orécamiena cue illa izói íaioi íllena. Mei úcube íaioi ófirenamo ínotiaioiza, áfedo “Cristo orécanodicai” daiíllena. Ie jira afe íaioi ínoga uai oni caitáacadícue. Iemona jaca raiñoñoeno ómoina canófireitícue. ¹³ Baie afémaci Cristo óreñega iere taino llotino. Daje izói afémaci jiáimacina jífuefiredino. Iemo jiái afémaci come jifeia jiáifo eroína izói, Cristo orécamacina comínina íaioimo comécitaacadiaioi. ¹⁴ Afe bie jiáifodo afémaci eróinafue cáimona jánañede, mei dama Taife egáiñote Juziñamui abí ímiena eróillena méidoficaideza. ¹⁵ Ie jira, Taifemo táijitagano ie méidoficailla izói méidoficaifirediaioi; afe jiáifoide raa ízoñede. Iemona jifeide come eroína izói bimaci ñue ite comínina eróillena abina jiáifodo méidotiaioi. Mei íadi íaioi finócaiga fiénidifue dúina dieze afémaci táinocaitiaioi.

Cristo orécamiena ie íllamona Pablo duere zefuide

¹⁶ Nane dáanomo ómoina dáitícue: Bie jabo abí cue ínuamona cue úrillamona bu cuena “Uáiritaidimiedio” daiíñoeno iri. Mei íadi daa come daií comécido daiíadi, dama uáiritaidimie izói úritícueza fia omoi eroiri, áfedo jabo abí cue ínollena. ¹⁷ Afe bie abí cue ínua uaina, cai Ocuíraimamo ite ríinodo cuena daií daiítañede. Mei jiáifodo dama uáiritaidimie izói úritícueza. ¹⁸ Mei dani íaioi daina ñuera uaido abí ínotinuaiai aillo íteza; afe íaioi taino abí ínuana izói, afe izói abí ínoitícue. ¹⁹ Omoi zánvano dáitícue, omoi jamánomo baitádinodiomoiza, mai uáiritaidimie izói cue úrillamo caimare fíaicana omoi cácarei. ²⁰ Mei ómoina baie riire táijitatínona caimare fíaicana cacáreidiomoi. Iemo jiái ómoimo ite raana báiruabitino uaimo caimare fíaicana cacáreidiomoi. Iemo jiái ómoina náamatabitino uaimo fíaicana caimare cacáreidiomoi. Iemo jiái omoi jámairuitinomo caimare cacáreifirediomoi. Iemo omoi uiécona fatade izóidino, afe ñí ómoina fiéni úritinomo fíaicana caimare cacáreidiomoi. ²¹ Bie izói cue daina cuena meáiruitade, mei íadi dama cue jámairuillado dáitícue, cue bie afémaci finua izói, cue finóllena figo ríinidicue.

Mei íadi aillo jíáie comini jacíruiñoeno daiífírena izói, cue jíái jacíruiñoeno dáitícue, mei íadi áfedo uáiritaidimie izói úritícue. ²² ¿Meita afémaci hebreo imaci? Cue jíái daje izóidícue. ¿Meita afémaci Israel nairai iédiaioi? Cue jíái daje izóidícue. ¿Meita afémaci Abrahámona comuídino? Cue jíái afémaci izóidícue. ²³ ¿Meita afémaci Cristo táijitagano? Cue bie afémaci baimo Cristo ocuícamedicue. (Bie izói cue dáinado uáiritaidimie izói úritícue.) Cue bie afémaci baimo jamánomo táijidícue. Cue bie afémaci baimo zéchedogacue. Daje izói afémaci baimo llavécacue. Iemo diga ícaiño titáacagacue. ²⁴ Cinco dígacaiño judío nairai duere cue fínua llezica, cuena zechénotadiaioi. Nágari duere cue íaioi fínua dáruido treinta y nueve dígacaiño cuena zechénotiaioi. ²⁵ Iemo dacaiñoámani cuena ragüüzido fatíaioi. Iemo dácaiño noficiaina cuena níjidiaioi. Iemo dacaiñoámani cue jailla áillue nocáe buide. Iemo dácaiño cai buíllamona daa naio daa mona diga afórede monaillai cígimo iticue. ²⁶ Dáanori uái iñoeno iere macáfiredicue. Iemo diga imani jacíredinuiamo iticue, íemo jacírede merírifiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jíái monáillaimo jaci cácadícue. Iemo jíái taino ámatiaí cígimo jaci cácadícue. ²⁷ Daje izói juárede táijinamo iticue naa féiredifuiáiri. Diga ícaiño mona naio diga iníñeno táijidícue. Daje izói iere jufi cácadícue, íemo jíái jainoi inénari duere zefuídícue. Diga ícaiño Juzíñamuimo comeci fácano güíñeno jácadícue. Daje izói róllie mo duere zefuídícue. Daje izói inícuironino jácadícue.

²⁸ Nane bífuiái baimo jíáifuiái cuemo comuide. Nágaruíllaido náganuiamo ite Juzíñamuimo jaináidinomo cue comeci úicaide. Iaioina abíoidícue izói duere zefuídícue. ²⁹ Iemona daa come figo Juzíñamuimo ie inoñenamona duere zefuíadi, afe cuena duere zefuítate. Daje izói dámie íaifuemo comeci nine féiacaniadi, cue comeci niné féizailla izoide. Iemona afe cuena meáidaitade; daje izói cuena ríicaitade. ³⁰ Mei afémaci táinodo cuena abí inotaadi bie izói dáitícue: Cue mairíñenana jino ácatate raado ñue cue úrillena baimo gáidícue. ³¹ Cai Moo Juzíñamui bie cue daína ua uaina onode. Afémie cai Ocuíraima Jesucristo Moo; íemo jíái afémie jaca ninomo íobioitaregaza. ³² Naui Damáscomo cue illa llezica afe nairai jabóidillaíma naga nazemo úiñorainina jónete, llaitada cue llavéllena, Afe nairai nahíllaíma Areta mámeciredimie. ³³ Mei íadi jíáie Juzíñamuimo inotino, eróirafomona cirígaido cuena ana agüínetiaioi; mei afe jofue onífene cirínua raa caifo jicado íteza. Daí afémacimona botada jíllodicue.

12

Juzíñamui Páblomo nicaí anado ua ráfuedo úrite

¹ Dáamie dama abido caimare úria minícana oñede. Ie úrilla jíáie raamo ráifiñede. Afefue ñue onódicue ia, cai Ocuíraima nicaí anado cuemo ácataga raa jino llóredicue. Afe llezica úcodo nai buna ónoñegafuiái cuemo llote. ² Afe cuemo ácataruimona ja catorce fimona jaide. Aféruimo Crístomo cue jaináinamona caifo tercera monamo Jesucristo illámonamo uigacue. Onóñegaza níbaí caana abido uigacue, níbaí íeizinino uigacue. Afe dama Juzíñamui onoiga. ³ Cue úinaruimo níbaí abí diga uigacue, níbaí daa cue joreño úina, áfena onóñedicueza; dama Juzíñamui onoiga. ⁴ Juzíñamuimo inote tíidino jáillinomo uigacue. Aféno mo Juzíñamuimona dama cuemo duide

ebírede uáillaina cacádicue; afe uáillaido Juzíñamui rairuúdeza birui úrinidicue. ⁵ Afe cuemo ácataga raado abina ínnoredicue, mei íadi áfedo abina ínnoñeiticue. Dama cue abina ínnoñeiticue. Mei jíáfodo cue mairíñenado ñue cue úrilla iere gáidicue. ⁶ Mei dama abido cue úriacaniadi, afe abina onóñeno úrilla izoíñede, mei jáicina uáfuena úriticue. Mei íadi áfedo úriñeiticue, mei cue ciona izoí comini cuemo comécillena jítáidicueza. Afe izoí cúemona íaioi cacana izoí áfeze cuemo íaioi comécillena jítáidicue. Afe baimo aillo jíáiforie cuemo íaioi comécillena jítáidicue.

⁷ Afe cuemo jino onótaga raa iere jamánomo ebire cioide. Ie jira áfedo jamánomo abina cue ínnoñeillena, duere zefuítacue. Afe duere cue zefuilla come abimo eedo llúina izoide. Afe eedo, Taife come izi cácatate raa izoí, cuena duere finuaibite. ⁸ Bie duere cue zefuilla raa cai Ocuíraima oni oréllena dacaiñoámani íemo jicádicue. ⁹ Mei íadi cai Ocuíraima cuena daide: Cuemo ite o cue cáimadofirena nana omo comuide duere zefuilla o ocuúllena ñue cánoite. Mei daa come náinina llezica, cuemo ite ñuera ríino afémiedo ñue jino ácatarede,” daide. Ie jira cuena náinitade raari íobidicue, afe daí Crístomo ite ríino cuedo jino ácatallena. ¹⁰ Mei jira cue náininari íobidicue, íemo comini cuena báíñuari íobidicue. Daje izoí raana cue jítáillari íobidicue. Afe izoí cue duere íaioi finóacanari íobidicue. Iemo Cristo ícoinia féiredifuiái cuemo comuúllari íobidicue. Mei jamánomo íaioi cuena uáitaacana llezica, afe llezica Juzíñamui cue cánuado comécina jamánomo íociredimiena jáidicueza.

Coríntomo ite Juzíñamuimo jaináidinomo Pablo comeci úicaifrede

¹¹ Dama cue abi ífuedo cue úricaillamona uáiritaidimiena jáidicue; mei íadi daí cue úrilla cuena ocuíoide izoí itíomoi. Mei dani omoi ja birui cuedo ñue úrrediomoi; mei ráíñedidicue ia, omoi cígido jaide Cristo óreñega jamánomoidino jofófenemo ráíñedidicueza. ¹² Naui omoi cígido járitaiño fíaicana tájidicue. Afe cue tájicaillarumo jíáiena onótate raana finódicue naa cíorainina ráaniari. Afe dáaruído ebire cámacaitate ráaniaina finódicue, nana bífuiaído Cristo ua orécamedidicue daíllena. ¹³ Jáie Jesumo jaináidino cígiri cue illa llezica, cue jitaica raana raiñódicue; mei íadi omoi cígiri afe izoí íñedidicue. Daa bífuedo jáie ínotino jofófenemo ómoimo comécididicue. Afe ómoimo cue raiñoñena díbenedo ómoimo fieni cacáiadi áfemona meine caimare cue uáidori.

¹⁴ Ja birui dacaiñoámani omoi cue eróizaibillena finóbicue. Iemo omoi cígimo cue íllena ómoimo juare ínoñeiticue; mei ómoimo ite úcube cúeiena máíñuaibiñeiticueza. Mei jíáfodo dani omoi Juzíñamuimo ñue jaináitallena bíiticue. Mei uafue, éicomini úruiaí íena úcubena ofítarena. Uruiaí ie moo íena ofítanide. ¹⁵ Omoi comeci ñue íllena dama cuemo ite díga caimare fúitaiticue. Daje izoí ómoiri cuemo ite máiriena jeruíñeno fúitaiticue. Omoína jamánomo cue izíruiadi ¿afe íbana meita omoi jofófenemo cuena izíruirediomoi? Daíñede mei íadi birui afe izoí ómoimona dáarie cuena daí finódiaioi.

¹⁶ Nana ómoína cue llótaiduaibiñedidicue. Afena ñue fairíotiomoi; mei íadi afe méifomo dámerie jíáfodo daidíaioi: “Irebaimo jiita izoí caina bífuiano úcube ote,” daidíaioi. ¹⁷ Naui ómoimo cue orécamacimona, ¿meita cuemo izájillena dáme ómoína bífuiano úcube ote? ¡Oñede! ¹⁸ Omoi méíñuaillena Tito izire jicádicue. Afémiedo daa jáie ama orédicue. ¿Meita afe Tito úcube óllena ómoína jífuate? ¡Daíñede! Tito, ie nabai, íemo cue, cue macáfirena izoí, daje izoí nana macáicaí, ¿ero ua? Dájena ñue comécillado tájifiredicaíza, ¿ero ua?

¹⁹ “Caído abi ríidotio,” nibai caina comécido daidíomoi. Mei íadi afe izoí jóíñede. Mei jíáfodo Juzíñamui eróicana Crístomo jaináitagame izoí úriticaí. Mei

cue izíruiga ámatiaidiomoiza, nana bie izói cue daína omoi comeci Juzíñamui dibénedo ñue móonaillena llotícue. ²⁰ Mei omoi diné cue bille llezica cue comeci óiacana izói iñédiomoi cue cíozaiBILLena jacíruitícue. Iemo afe ibana omoi comeci óiacana izói iñédicue cue omoi baizájillena jacíruitícue. Iemo dájena ñue omoi jaináñenamo jacíruitícue. Daje izói omoi íradoifirenamo jacíruitícue; íemo jiáimana omoi ícifirenamo jacíruitícue. Iemo afe llezica jiáimana duéruñeno daní abí omoi úicoficaillari jacíruitícue. Iemo jiáima uaita uai omoi llófirenari jacíruitícue. Iemo jiáimaci jánari omoi úrifirenari jacíruitícue. Daje izói fieni abí omoi ínofirenari jacíruitícue. Iemo ocuícana náfuñedino izói fieni ebena omoi ífirenari jacíruitícue. ²¹ Iemo jiái uire omoi cue éroizaiBille llezica omoi daí íllari cue Juzíñamui ómoído cuena meáidaitalleri jacíruitícue. Iemo afe llezica nibai aillo ómoíri cue éeiari jacíruitícue, mei jaiái ninómona diga fiénidifuiái omoi fínuari éedicueza. Mei ómoímona aillo nai íaioímo ite íaifuiái féitañediaíoi. Daje izói íaioímo ite jiruífueña fáicanocaiñediaíoi, íemo íaioí comécina jíríoide fieni finócafuiái oni nine féitañediaíoi.

13

Pablo íraicaiño íaioí uáidua uai, íaioímo llonódacaiga uai diga llote

¹ Naui ménacaiño omoi méiñuaidícue. Ja birui nane meine omoi méiñuaibitícue. Onódiomoiza, naga júfidoga rafue mena, nibai daámani uai nabáiraini daje izói úriadi, afe júfidogafue ñue záide. ² Naui méifodo omoi cue méiñuaibilla llezica, nana naui uícodo fieni itínona duere cue finóllena llonódacaidícue. Birui benó jica cue illa llezica dánomo naui ómoína dama cue dánana llóitícue: “Uire nane omoi cue méiñuaibia naui uícodo fieni itínona naa ómoíri dúecaiñeno duere fínoitícue,” daidícue. ³ Iemona omoi jenoca Cristo cuedo úrilla onótafirena raana ñue ónoitiomoi, mei áfena jenófirediomoiza. Omoíri Cristo nánidímie izóíñedeza, afémie rínorede, Cristo omoi diga jifánoñedeza, ríredímieza. Omoína ñue rairuíoide. Omoi cígiri íemo ite ríino jino cíotate. ⁴ Uáfueza, Cristo nánidímie izói cruzmo coraica, mei íadi birui afémie Juzíñamui ríinodo caade. Afe daí Cristo nánina izói dájena nánidícue, mei íadi dájena afémiemo cai jaináillado Juzíñamui ríinodo íitícue, omoi ñue cue finófireillena. ⁵ Mai daní ñue abina omoi onoiri. Afemo, mai ñue comeci omoi facari, Juzíñamuimo ñue ínoga uai iere jeire omoi úana omoi onóillena. Omoi comeci ífue facada ñue jónefireiri. Jesucristo ómoíri íllamo ¿meita áfemo comécíñediomoi? Mei nibai jiáífodo jóide. ¿Meita táinona ínotiomoi? ¡Afe daí íñeiteza! ⁶ Mei uáfueza, cai bie táinona llotímieñedicue. Afemo ñue omoi comécioicaillemo ocuídícue. ⁷ Iemo afe llezica fiénidífue omoi fínoñeillena Juzíñamuimo jicáfiredicue. Daa ñúefue dibénemo omoi íllena jicádicue. Mei íadi ñue jaícina llófuefiredímie cuena daíllena jicáñedicue. Dámie “Jaícina lloñedio” dáíadi áfena llóñeitícue. Ñúefuemo omoi ille comíni cueri dánana baímo ráífide. ⁸ Jaca ua uai jeire omoi oíadi úaitañeitícue; ómoína lletánidícue. Mei jiáífodo afe uaina nabáiredicue. ⁹ Ie jira ómoína cue lletáninamona nánina cue cíoiadi, áferi caimare íóbídícue, mei afe llezica omoi ñue comécina náirediomoiza. Iemo nífuenino ñue jaícina omoi íllena jaca jicáoifireitícue. ¹⁰ Nai omoi cue méiñuaibiñena llezica, bibe uícodo ómoímo cueticue, uire ómoímo cue bíadi omoi diga ríire cue íñeillena. Uáfueza, omoi ríire cue lletalle ríino Juzíñamui cuemo iga. Mei íadi omoi cue

táinocaitallena cuemo íñega. Mei jíáifodo Juzíñamui dibénemo omoi comeci ñue cue móonaitallena cuemo iga.

¹¹ Cue ámatiai, ñue ítiomoiza. Dani nífuenino jaícina omoi illínomo omoi coméciri. Bie ómoimo cue lloga uai náfuiano, conímana omoi náicaitafireiri. Conímamo dájerize caimare omoi coméciifireiri. Daje izói jíái dájena ñue uái illífue omoi iri. Iemo cai uái illifue comúitate Juzíñamui omoi diga ífireite, íemo ómoína ie izíruifirenana ónoitomoí. ¹² Caimare conímana omoi uáidori. ¹³ Nana benó íte dájena Juzíñamuimo ínote cai ámatiai ómoimo uai oré diaíoi.

¹⁴ Ja birui cai Ocuíraíma ómoína ñue fínoíteza. Daje izói Juzíñamui ómoína izíruifireíteza. Iemo Ñuera Joreño ómoína nabáioicaíteza. Daítadeza. Jae ñie.

GALACIA ENIE IMACIMO SAN PABLO ORECABE La Carta del Apóstol San Pablo a los Gálatas

Pablo, Galacia éniemo ite Juzíñamui uaimo ñnofiredinomo cuete

¹ Cue Páblodicue. Juzíñamui ñúefue llujillena orécamiedicue. Dani comini cuena jóniamaona llujáñiedicueza. Daje izói comini cue óriamaona llujítagamieñedicue. Mei íadi dama Jesucristo llujítagamiedicue. Daje izói afe Jesús tíidinomona meine abido cáatate Moo Juzíñamui llujítagamiedicue. ² Nana Galacia éniemo ite Juzíñamuimo gairífiredimacimo bibe cueticue. Daje llezica nana cue diga ite ámatiai uai orédiaioi. ³ Moo Juzíñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri. ⁴ Mei afémie, cai fiénidífuiai dóllena, titállimiena dama ie abina izájide. Daí cai Moo Juzíñamui jítaina izói, afémie ie abina izájide, bie fiénidíruillaímona oni cai jírecaitallena. ⁵ Juzíñamui daí cai jíllotajamaona, afémiena “Jamánomo cáimamedio” mai cai dailli. ¡Afémie jaca daí íteza! ¡Mai!

Abí dine cai jílloille uaina jaca iñede

⁶ Juzíñamuina raire omoi zóofiailla uai, cuena fáigacaitade. Zóofiano, ja jíáie táinomona lloga jíáfodo joide fia daína jílloña uaimo íacadiomoi. Aferi fáigacaidicue. Mei Juzíñamui, Cristo caina izíruillado omoi jílloillena, jae caimare ómoína uáidoteza. ⁷ Uáfueña dáiticue: abí diné jíáie jílloña uai jaca iñede. Mei íadi dáarie ómoína áifedotimaci, cai bie Crístromo ñnuamaona cai jílloña uaina, jíáfodo feire méidoacadiaioi. ⁸ Mei íadi jíáie come afe cai jílloña uaina uáitajano, jíáfoidífue ómoimo llóyadi, mei dama Juzíñamui afémiena fáidoiteza. Nibai dama cue daí jíáfodo llóyadi, Juzíñamui faidóllícueza. Daje izói monámona biite Juzíñamui abí ímie daí llóyadi, mei Juzíñamui íena fáidoiteza. ⁹ Naui ómoimo cue llua izói, birui nane daje izói daidicue: Dinó omoi jíáfodo llófueacadino cáimona omoi cacana jílloñafueña afémaci uáitaiadi, mei afémaci Juzíñamui faidólliaioiza.

¹⁰ Bie riire cue dáinado ¿mei nibai comini bífueticue cue íaioi cáimadollena? ¡Mei íeñede! Dama Juzíñamuina íobitaacadíicue. ¿Mei nibai comini uícori fígomiena íacadicue? ¡Daje izói íeñede! Comini uícori fígomiena nai cue íacaiadi, mei Cristo tájítagamiena ínidicue.

Pablo Juzíñamui ñúefueña llujítimiena jáillafue

¹¹ Mei ámatiaína ja maméidiomoiza, ja bífueña nane omoi uíbitaticue: Cue lloga jílloña uai comínimona comuñede. ¹² Daje izói aféuaina comínimona cacáñedicue. Ua áfena bu llófueñegacue. Mei jíáfodo aféuaina dama Jesucristo onótagacue.

¹³ Naui judíuai ñnogafuíaímo cue jainaina llezica, cue illáfueña jae onódiomoi. Aféruído Juzíñamuimo gairífiredinona iere duere íaioi cue finóllena riire cue rácajana fidídiomoi. Daje izói nana íaioína niné cue táinocaitallínona onódiomoi. ¹⁴ Afe llezica, cue uzútiai daínauaillaímo iere izire cue jaináiacanamaona, judíuai ñnogafuemo baimo baitádimiena jáidicue. Aféfuemo comécina iere fígomiena jáidicue. Ua aillo cai judíuaímona, daane cue comuíllagimamaona baimo fibídímiena jáidicue. ¹⁵ Mei íadi nai cue jócoñenia, Juzíñamui cuena nizede. Daí níziano, iere cuena ie izíruillamaona,

cuenta uáidote. Cua ie uáidua mei, ie óiacana izói, ie Jitona cue onótate. ¹⁶ Ua, ie Jitona cue onótate, afe Jitó cue onónamona Juzíñamui ñuera jállona uai judíoñedino cígimo cue llujilla. Dai Juzíñamui cue uáidotemo, bumo nífuena “Mai cue llofue” jicáñoño, dama oni Arabia éniemo raire jáidicue. ¹⁷ Ua, Jerusalemo ite nano cue uícomo uáidoga Jesús ñúefue llujitino úrizaiño, raire oni Arábiamo jáidicue. Diga irui dinomo cue illa mei, abido Damáscómo biticue.

¹⁸ Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrilla. (Afémie jáifo mameina Cefas.) Aféruimo dama Pédróna ñue onódicue. Quince dígarui ie diga nabáricadicue. ¹⁹ Aféruillaído jáie Jesús ñúefue llujitimacimona dáme ciódicue; afémie Santiago, cai Ocuíraima ama. ²⁰ Juzíñamui erócana úriticue: Bie ómoimo cue cueda nahí uáfueza, daidicue.

²¹ Afe méifodo Siria éniemo naa Cilicia énie diga jáidicue. ²² Judea éniemo ite Crístomo gairífredino nai cue uícona onóñediaioi. ²³ Dáafuena fididiaioi. Afefue bie izói daide: “Jaii cai fállena cai racádimie, ja birui cai ínollifue llocana uite. Jaii jáíruido aféfuena afémie ñine táinocaitacade.” ²⁴ Iemona cuedo Juzíñamuimo ñúefue jónetiaioi.

2

Jáie Jesús orécamaci ja Pablo caimare uáidotiaioi

¹ Catorce fimona fuilla mei, Bernabé diga meine Jerusalemo jáidicue. Afe dáaruído Tito uiticue. ² Juzíñamui cuenta daína izói dinomo jáidicue. Dino Jerusalemo Juzíñamuimo ínnotino ocuífiredo jalléidino dáarie ite. Iaiori oni eneno fueñe dáanomo gairídicue. Dinomo judíoñedinomo cue llófirega jállona uai íaiimo jino lloticue. Bie izói íaiimo llujidicue, nana cue llócaigafue táinomo fáifñeilla; daje izói birui jino cue llogafue táinomo fáifñeilla. ³ Aféruído cue nabai Títóna judíuái lloga uai izói, finóñediaioi; afémie judíoñedino íadi, ie bacano ícoi quetáañediaioi. ⁴ Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano ícoi quetáacadiaioi. Afémaci cai cígimo uíñodoimaridiaioi, rairuínino cai íllana onóilla. Mei ja birui Jesucrístomo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícano izói finóacadiaioi. ⁵ Mei íadi íaii llógana naado jeire oñédicai, mei oni íaii taino llujífuemo abina uitáañedicaza. Dai íaiina jieruñedicai, mei ua jállona uai jaca jeire omoi óllena, iere jitáidicaza. ⁶ Mei íadi afe Jerusalemo ite ocuífiredo jalléidino comue jáifuena cuemo lloñediaioi. Afémaci jalléinafuena figo náfuñedicue, mei onódicueza: Juzíñamui, fia jinofe ífuena raire jicáñoñede. Mei jáifodo afémie naga cómemo dájerize ñue jaícina jicánoite. ⁷ Ua, jáie cómofuena cuemo lloño, dama cue llujigafue ñue jieruitiaioi. Ñuera jállona uai, judíoñedinomo cue llócailla Juzíñamui cuemo jóniana como fididiaioi. Afe uícomo daje ñuera jállona uai judíuáimo Pedro jino llócailla fididiaioi. Afe táijina Juzíñamui Pédro como jónete. ⁸ Mei uáfueza, Pedro ória izói, cue jái orécacue. Daje Juzíñamui Pedro judíuái cígimo oreca. Ie mei daje Juzíñamui judíoñedino cígimo cuenta orede.

⁹ Aféruillaído Santiago, Pedro, Juan diga nanoide ocuídino. Bie ñuera tájinafue Juzíñamui cuemo jóniana íaii fidínamona, cócona Bernabé diga caimare uáidotiaioi. Dai cócona finódiaioi, ja nana dáamacidicai daíllena. Iemo, afémaci judíuái cígimo táijizailla llezica, coco jái oni judíoñedino cígimo

tájjizairedicoco. Daií cócona daiírediaioi. ¹⁰ Daa rafue cócomo jicádiaioi: “Mai jaca féitaño, duéredinomo comeci ómicoi uíbifireiri,” daidíaioi. Afefue cue finóllena jaca járitaifiredicue.

Antioquía jófuego Pablo Pédróna lletade

¹¹ Mei jáíruido Pedro Antioquía jófuego dúcia mei, íemo eróicana íena riire lletádicue, mei rairuiredifue ie fínua jira. ¹² Fueñe afémie judíoñedino diga güizájifirede. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abido güizáiñede. Iaiomona jirecaillano oni eneno ífirede; mei Jerusalémona bite bacano icoi quétafue llotínona Pedro jacíruteza. ¹³ Afénomo Jesumo ínote jáie judíuai ite. Pedro oni eneno jáillana íaioi cíoilano, afémaci daje izói judíoñedino cígimona oni jirecaidiaioi. Iirainomo jái Bernabé íaioi fiénide oni jirecaillamona daje izói jirecaide. Afefue jáímacina jífueoicaide. ¹⁴ Mei íadi, ñuera jílona uai ua daína izói íaioi iñénana cue cíoilano, nana dáanomo gairídino eróicana Pédróna daidicue:

—O judíoño, mei íadi benomo judíoñedino illa izói itio. Benomo judío illa izói iñédio. ¿Ñibái mei birui judíoñedínona judíuai illa izói jóoneacadio? —dino Pédróna lletádicue.

Nana jáie comini izói, judíuai Crísto íaioi ínogafuedo jíllorediaioi

¹⁵ Cai bie jaca jocóinanomona judíuaidicai. Juzíñamuimo coméifiredicai. Judíoñedino Juzíñamuimo comécina facáñediaioi. Iemona fiénidifuairedínona itíaioi. Cai afémaci izóiñedicai. ¹⁶ Mei íadi onódicaiza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrístomo dánirre íaioi ínuado illa dígamie daií jaícina írede. Iemona judíoñedino izói, cai daje izói, Jesucrístomo ínoticai, afe íemo cai ínogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

¹⁷ Birui cai judíuai cígimona dámie Crísto ie ínogafuedo Juzíñamui anamo ñue jaícina íacaniadi, bie izói daiírede: “Judíoñedino izói fiénidimiena iticue” daiírede. ¿Meita bífueomona “Cristo fiénidimacina caina itátate” daiírede? ¡Daiínide! Mei Cristo jaca buna fiénidimiena itátañedeza. ¹⁸ Mei jáífodo, navi niné cue tánocaitaga Moisés ocuícáfue, meine abido jeire cue óiacaiadi, ua cue fiénidena uáfori jino cíotaiticue. (Mei afefue iere cue ñéfinamona Juzíñamui anamo ñue jaícina ínidicueza.)

¹⁹ Afe Moisés ocuícáfue ja cuemo dúíñede. Da afe uai jeire cue oñenamona cuena titade izói finode. Afe Moisés uaimo cue dúíñenamona, ja Juzíñamui dibénemo, tíllanomona meine cáadimie izói iticue. ²⁰ Cristo navi cruzmo coraica tílla izói, ja birui tíide izói finócamiedicue. Iemona ja birui cue cáanano dama cúeieñede; Cristo cuemo íllado cáadicue. Afe bie éniemo ite bie cue cáanano, dama Juzíñamui Jitomo cue ínuado ófiredicue, mei afémie cuena izíruillano, dama ie abina cue meífomo cruzmo tízaidaiza. ²¹ Juzíñamui cue jílloillena cáimare cue cánuafuena jaca ruifíruicañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tílla ráifiñede.

3

Moisés ocuica uai comini ínogafue abido joide

¹ Aii, Galacia comini, iere abina onóñedinona itíomoi. ¿Bu aima izói omoi bífuia, ua uaina omoi jíruiñeillena? Naui ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡Ñega! Mei jiáfodo, ¿omoi cacana uai omoi ínuado afe Ñuera Joreño nibai ómoimo ite? Jii, áfede ite. ³ ¿Níbái mei iere abina onóñedinona itíomoi? Jesumo omoi ínua mei, Juzíñamui Ñuera Joreño nanómona ñue omoi canode. Afémie ómoina canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo nibai ñue fúitaitíomoi? ¡Jaca fuitánidíomoi! ⁴ ¿Nana omoi duere zefuillafue jaca ómoimo nibai ráifiñede? ¿Nibai taino abiri aféfuiai ómoimo daí íficaide? Aféfuiai táinona íllamo comécíñedicue, mei daítañedeza. ⁵ Naui Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíorainina raana comúitate. ¿Mei nibái bífuiaina Juzíñamui ómoimo finode? Ocuica uai jeire omoi úamona, afémie aféfuiaina finóñede. Mei jiáfodo dama cúemona omoi cacana uai omoi ínuamona afémie bie izói finode.

⁶ Abraham Juzíñamuimo ínote; íemo ie ínuamona comécina ñue jaícina jóidimíena Juzíñamui íena caimare uáidote. ⁷ Ja bífueмона onóredíomoi:z: Nahí Abraham erófene igímaiai Juzíñamuimo ínotino. ⁸ Juzíñamui nana uire ie finóllifuiaina raire uícodo onode. Iemona ie Cuegáuaido aféfuiaina afémie jino llote. Nana íemo uire ínotino judíoñedino íadi, Juzíñamui anamo ñue jaícina itátaillifueña Juzíñamui raire uícodo onode. Afena ie onónamona bie ñúefuiai jaiiai uícodo Abrahana daide: “Naga náiraiai ómona ñúefuemo ézicilliaíoi,” daide. ⁹ Mei daí nana Juzíñamuimo ínotino dájena Juzíñamuimo ínote Abrahámoiri ñúefuemo ézicilliaíoi.

¹⁰ Nana íaíoi jíllloillena Moisés ocuica uaimo ínotino ja fiени faidócaiaíoi. Mei daí Juzíñamui Cuegáuai dáideza: “Nana Cuegánicomo ite ocuica daínáfueña, nágarui ñue fuitáñedino ua fiени faidócaiaíoi.” ¹¹ Bífueмона ñue onódicaiza: Ocuica uai iere ñéfinamona buna Juzíñamui anamo ñue jaícina jóoneñega. Mei jiáfodo Juzíñamui Cuegáuai daide: Juzíñamuimo ie ínogafuedo Juzíñamui anamo ñue jaícina jóonegamíena jáidimie, afe daa ie ínogafuedo are zííñona íite. ¹² Afe Moisés ocuica uai comini ínogafue abido joide. Bíuailaina ñue ícoimo fuitáacadimie, aféuailaido írede.

¹³ Ocuica uai cai faidóllifueмона Cristo caina oni jírecaitate, mei afémie cai ícoinia faidóbideza. Juzíñamui Cuegáuai bie izói daide: “Naga aménamo agüíneta fagámie faidócaza.” ¹⁴ Bífue daí íficaideza, judíoñedino ñúefuemo ézicillena. Ua Juzíñamui Abrahamo lloga ñuera ézicirafue daí Jesucristodo judíoñedinomo fecaca. Bífue daje izói íficaideza, Juzíñamui uícodo lloga Ñuera Joreño cai ínogafuedo caimo íllena.

Moisés ocuica uai, Juzíñamui Abrahana dáinana oni caitánide

¹⁵ Cue ámatiai, naga come onóigafueмона dafue ómoimo llóiticue: Dámie contrato llínoiadi, ie mámece afébemo cuega, íemo afe ja cúegana buna oni caitánide. Daje izói afe cuega baimo buna jiáiuaina zotánide. ¹⁶ Ja onódicaiza: Afe ñuera uícodo lloga uailai Abrahamo Juzíñamui jaiiai llote; daje izói Abraham erófene ímiemo lloga. Aillo ie erófene igímaiaímo Juzíñamui Cuegáuai daíñede, mei jiáfodo “O erófene ímiemo llóiticue” daide. Afe daínámie Cristo. ¹⁷ Cue llogafue bie izói joide: Juzíñamui rírede méidoñega uai Abrahamo llote. Afe llezica afefue féiñeillena Juzíñamui afe uaina riire jóonete. Afe lloga uai

contrato izóidui; jíífodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide. ¹⁸ Juzíñamui dáinamo ie ínuamona Abraham jílode. Afe bie méidonide Abraham jíllouuaina Juzíñamui raiñoñoeno íemo fecade. Iemona afe jíllona uai, Moisés ocuica uaimo jaináñede. Moisés ocuica uaimo jaináidi, aféuai ja uícodo lloga jaca raiñoñoeno iga raa izóíñede. ¹⁹ Iemona, Moisés ocuica uai ¿niemo ráifide? Afe ocuica uai méifodo bai nabaica, comini íaiói finoca fiénidifuiaina onótallena. Afe nabaica uai are iñede. Núefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abi imácido lloga. Iemo íaiói llua mei, Moisés aféuaina jino comínimo llote. ²⁰ Juzíñamui Abrahamo úrilla llezica jíáimado Abrahamo lloñede. Dáamie daí uáfodo úriadi, jíáie llóitimiena jítaiñede. Bie Abrahamo úritimie daade Juzíñamui.

Moisés ocuica uai ¿nié izói comínina canode?

²¹ ¿Mei nibai bifue daíacade Moisés ocuica uai, Juzíñamui lloga núefuina uáitaacade? ¡Ieñedeza! Uáitaacañede. Mei cátaite ocuilla uai ígadenia, aféuai jeire cai úado Juzíñamui anamo ñue jaícina íredicai. ²² Mei jíáfodo Juzíñamui Cuegáuai daína izói, nana fiénidifueмо llavécánodicai. Daí Juzíñamui uícodo mamede, nana Jesucrístomo ínotino jíllobicaillena. Uafue, Juzíñamui afe bie izói mamede Crístomo ínotino íaiói ínogafuedo Juzíñamui lloga ñuera jíllonafuena íaiói óllena.

²³ Jesumo cai ínogafuena nai jino déiñena llezica, ocuica uai caina llavécánona finode. Aféruillaído Jesumo cai ínollifue jino déillemo ocuírídicaí. ²⁴ Iemona Juzíñamui afe ocuica uaina caimo mamede, cai ñue rairuállena. Ua úruiai ñue fibítatimie izói caina rairuide. Daí afe ocuica uai caina úiñoide; nai Cristo bíñeille dínó. Afe daí Cristo bílleмо afémiemo cai ínuado, Juzíñamui anamo ñue jaícina íredicai. ²⁵ Birui ja Jesumo cai ínollifue déideza, ja afe Moisés lloga fibítatiuai dibénemo dúíñedicai.

²⁶ Mei Jesumo omoi ínogafuedo, ja omoi nana Juzíñamui úruiaídiomoi, ja Cristo Jesumo dájena jaináídiomoíza. ²⁷ Omoi mona báutiza mei Cristo Jesumo dáena jainaide dieze, nana omoi afémie comeci ífuena ja jeire otíomoi. ²⁸ Ja biruímona cai cígiri bie judíona daínámiena iñede, bie Griego daínámiena iñede. Daje izói llavécamienna iñede. Oni eneno jirénoga daínámiena iñede. Afe izói ringo iima diga oni jíáfodo mámeñega. Ja Cristo Jesumo cai jaináinamona nana cai dáamacídicaí. ²⁹ Ja Cristo íediomoíza, Abraham erófene igima izóidinona jáidiomoi. Iemona Juzíñamui Abrahamo uícodo lloga ñuera jíllouillifueña, feci raa máíñua izói, máíñoitíomoi.

4

¹ Bie izói cue daíacanafue: Daa come jító móonaillano, ie moo tílla mei, moo raana náamatarede. Mei íadi afémie nai úruena llezica maiñoñide. Afémie nai jofe eromo ocuífíregamie izoide, afémie nana afeco raana maiñoñeite íadi. ² Afémie nai úruena llezica, íena úiñoitino ite, ie moo jíáfodo ie úiñoitínomona oni olle dino. Daje izói ie jetállifue ocuídino ite. ³ Jaca bie izói caimo comuífírede. Cai jíllouillui nai déiñena llezica, nai úrue illa izóídicaí. Aféruillaído aillo bínie comini nícidogafuiái anamo, izire ocuícano izói, iticaí. Dáarie cómemona ocuica uáillaído llavécacaí. ⁴ Mei íadi nana Juzíñamui mamécafuiai ñue zuilla mei, jaiái uícodo ie mámiarui dúciamo, Juzíñamui ie Jító Jesús orede.

Afémie ringómona jococa. Moisés ocuica uai anamo judío izóí comuíza bite. ⁵ Afémie daí bite, nana Moisés ocuica uáillaído llavécano aféuaimona oni jirecaillena. Daí cai jirecaillamona Juzíñamui dama ie jitótiana cai jáillena cai mámano, caimare caina uáidoite.

⁶ Iemona, ie jitótiai omoi íllana omoi onóillena, Juzíñamui ie Jitó Jesucristo Joreño omoi comécimo orede. Afe caimo oreca ie Joreño riire daífirede: “¡Cue Moo!” daide. ⁷ Mei daí o ja Juzíñamui jitódio. Ja riire ocuícamiñedio. Ie jítóna o íllamona, ie uícodo lloga ñúefuaina Juzíñamui Crístodo omo fécaite.

Pablo Juzíñamuimo ñnotimacimo comeci úide

⁸ Naui Juzíñamuina nai omoi onóñena llezica, taino juzíñamuillaímo izire ocuífireganodíomoi. Afe omoi llaveina juzíñamuillaí ua juzíñamuíñede; fia jífuia juzíñamuillaí. ⁹ Mei birui ja ua nahí Juzíñamuina onódíomoi. Mei jáífodo ñue daína, Nahí Juzíñamui ja ómoína onode. Ja íena omoi onónamona, ¿nié izóí meine abído afe riínide jíllónenafuaina jeire óiacadíomoi? Dáanomo íaíoi llavéinanomo ¿meita abído jáiredíomoi? ¹⁰ Diga iruillaí oni jáífodo nai comécífiredíomoi. Daje izóí diga fiúllaí eneno jáífo comécífiredíomoi, naa diga fimónaíairí. ¹¹ Nibai nana omoi cígiri cue tájiaicana táinomoi jífanofide izóideza áfena jacíruiticue. (Afe cue comécina lícíoide.)

¹² Amatiai, izire jícadícueza: Cue comeci ifue illa izóí, mai meine afe izóí omoi iri. Mei cue omoi illa izóí jae itícueza. Mei omoi cuemo minícana fiénidífuena finóñediómoiza. ¹³ Cue omoi cígiri nano illáfúena onódíomoiiza. Aféruillaído, cuemo comuide duícóri duere cue zefuillamona afe jíllona uai jino ómoímo llotícue. ¹⁴ Afe cuemo ite duico cue facátaina, mei íadí afe jira cuena jámairíñediómoí. Daje izóí cuena ruifíruíñediómoí. Mei jáífodo Juzíñamui abi ímie izóí caimare cuena líinotíomoiiza. Ua Jesucristo omoi líinolle izóí cuena caimare líinotíomoi. ¹⁵ ¿Nee mei afe omoi cacana cámafuaí? Afe cue irárenaruimo cuena iere izíruillano, dani omoi uíjina jirénota cuemo fecáacadíomoi, íadí fecánide. Afe ñúefue omoi díbénemo nitáredícue. ¹⁶ Ja ua uai ómoímo cue llúamona ¿Meita ja birui omoi bacáuai ímiena jáidícueza? ¡Ieñedeza!

¹⁷ Afe baie jícana bite comíni ómoímo iere caimare comécídiaíoi. Mei íadí comeci ñue jítaillamo comécíñediaíoi. Omoi bífuellena caimare úritiaíoi. Afémaci cúemona ómoína baíróacadiaíoi, uire íaíoi mo omoi jáináillena. ¹⁸ Jáímacimo ñue íllena caimare comécíillana ñuera. Mei íadí cue illa llezica daje izóí cue íñena llezica come comeci ñue jítaillamo daí comécírede. Daítadeza. Naui omoi cígímo cue illa llezica, afe onínemacido daí jífueñediómoí; mei íadí birui omoi cígímo cue íñena llezica nágarui jaca daí jífuegaomoi. ¹⁹ Cue úruiaí, ringo úrue jocóacania duere zefuilla izóí, nane ómoíri duere zefuídícue. Ua Cristo comeci ifue nai omoi ñue ónoñeille díno, nai ómoíri duere zéfuiticue. ²⁰ Birui izire omoi cígiri íacadícue, jáífodo ómoímo cue úrillena. Onóñediécueza, nié izóí ómoíri comécíitícue.

Abraham ai Sara, ie oga jáíango Agar íaínguai ñúefuena caina onótate

²¹ Ja birui Moisés ocuica uai anamo íacadínomoi úriticue. Mai bifue cuemo omoi llone: ¿Afe ocuica uai dáinana cacáñediómoí? ²² Afe uai daide: Abraham mena jítoírede. Daa jítoí ie tájítaíregango ie. Jáíe jítoí ie nahí ai ie. Afengo buna ócuiñegango. ²³ Ocuífíregango jocócató nana bíniemo ite úruiaí jócua izóí jococa. Mei jáífodo nahí ai jocócató Juzíñamui uícodo daínauai fuitállena jococa. ²⁴ Bifue cai onoíga ráamona Juzíñamui cai fidítafue. Afe mena ringo mena contrátomoi tájina izóidiaínguai. Íaínguaimona daa Sinaí idu ie contrato izoide. Afe ocuífíregango jítoíiaí ocuífíreíllínona jocócaíai. Afe

ocuífregango mámecei Agar. ²⁵ Afe Agar Juzíñamui Sinaí ídumo lloga uai izoide. Afe Sinaí idu Arabia éniemo ite. Afénomo Juzíñamui contrato comínido finode. Biruillai Jerusalén jofue afe jaiái Sinaí idu izoide, (mei Moisés dibénemo íacadino afénomo gairífirediaioiza.) Ie ocuica uai anamo llavécanona itíaiói, naa aféfuemo jaináiacadinori. Ocuífregango Agar úruiai izóidiaioi. ²⁶ Mei íadi monamo ite Jerusalén comini lláveñegaiaioi. Afe jofue cai ei izoide, mei cai bie afe Jerusalemo jaináidinodicaiza. ²⁷ Juzíñamui Cuegáuai bie izói daide:

Oiniño, úruenidío íadi, mai caimare o iri;

Urue jócua izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baímo jitótiaireitio, daide

²⁸ Amatiai omoi cácarei, cai bie Sara jitó Isaac izóidinodicaí. Juzíñamui uícodo lloga jitótiaidicaí. ²⁹ Mei jaiái aféruillaimo íaillinoi illa izói, birui afe izói iticaí. Aféruimo come comeci jítainamona jocócamie Ismael, afe Juzíñamui Joréñodo jocócamie Isaacina fiénidifuena racade. Biruillai afe izói iticaí. ³⁰ Mei Juzíñamui Cuegáuai ¿níé izói daide? Afeuai daide: “Afe jofu ero ocuífregangona ie jitó diga oni oreri. Mei ocuífregango jitó, afe ócuiñegango jitó diga dájena jofu naama feci ráaniaina maiñónideza.” ³¹ Amatiai, bífuemona onódicaiza: Cai bie ocuífregango jitó izóinédicaí, mei jiáifodo cai bie buna ócuiñegango jitó izóidicaí.

5

Izire ocuñena dibéfuemo omoi ífíreiri

¹ Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona itíomoiiza.

² Cuemo omoi cacáreiri. Omoi llotímie Páblodícue; jira ómoína dáitícue, bacano icoi quétafue jeire omoi óiadi, Cristo ómoimo ráifíñeite. ³ Nane ómoína dáanomo daííacadícue: Omoimona dámie ie bacano icoi quetátaadi, nana jiáie Moisés ocuica uáillaina ícoimo fuitárede. ⁴ Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúinédíomoi. Daje izói Juzíñamui caina izíruillafuemona oni eneno itíomoi. ⁵ Mei cai jiáifodo onódicaiza: Juzíñamui Ñuera Joréñodo, daje izói ie uai ñue cai ínuado, Juzíñamui anamo ñue jaícina cai illífuemo úiñoidicaí. ⁶ Iemona daí Jesucrístomo ñue jaináidicaí. Iemo cai jaináidi, afe quétafue caimo ráifíñeite. Cai quetátaiadi, nibai cai quetátaiñeniadi, daje izói ráifíñeite. Mei jiáifodo afémiemo cai ínogafue ua ñue ráifide. Afe bie cai ínogafue jiáie cómena naa Juzíñamui diga cai izíruillena canode; áfemona Juzíñamuimo cai ínogafue iere ráifide.

⁷ Fueñe Juzíñamuimo ñue ínofiredíomoi. Mei íadi birui, ¿bu afe ua uaina ómoína fáicanocaitaga? ⁸ ¡Juzíñamui áfena ómoína fáicanocaitañede! Afémie ómoína caimare uáidofiredeza. ⁹ Bífuena féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate. ¹⁰ Juzíñamuimo cue ínuano, afémie ómoína ñue rairuillena onódícue. Ja onódícueza, cue daínafuemona oni jiáifodo comeci fácañeitiomoiiza. Bífuemona omoi comécina oni nibéfodo féitaitimiena Juzíñamui duere finoiteza. Afefue llotímiena Juzíñamui raa dáíñeite, afémie nibai illaíma, nibai jamáimie.

¹¹ Amatiai, cúemona jiáifue llóitícue. Mei bacano quétafuena nai ocuídícua judíuai nibai cuena fállena rácañeitiaioi. (Mei íadi cue íaioi fállena rácana

onódiomoi.) Afe izói cue llóyadi, Cristo cruzmo tílla ñuera rafue íaioina rícaitañeite. ¹² Mei íadi afe onina bite omoi gáguaibitino dani íaioi jiñíjina, comini meróniai ie ñetaina izói ñétaitaioiza. (Afémaci méaicaillena Pablo daí daide.)

¹³ Amatiai, mei jiáfodo uáidogamacidiomoi, ráiruiñeganona omoi íllena. Ua ja birui ráiruiñeganona itíomoiiza, mei íadi afe o rairuíñenamona, comécimo fiene itífuiaina finóñeno iri. Mei jiáfodo afe ómoimo ite izíruillafuedo ñuera ocuífreganona omoi iri; daí conímama cánoitiomoiiza. ¹⁴ Mei nana jiáie ocuilla uailai daa bie ocuica uaimo dájena itíaiioi. Be níuui: Dama o abina o izíruilla izói, afe izói o abi cómena izírui. ¹⁵ Mei íadi ómoimona dani conímama fue erodo omoi éoia, daje izói úradoillano conímamo omoi rícaiyadi, ómoina niné táinocaitaiteza; afe izóidemona abí omoi rairuiri.

Come comécimo fiene itífuiiai Juziñamui Ñuera Joreño jáiáfodo jóide

¹⁶ Omoina cue daínafue bie izói jóide: Juziñamui Ñuera Joreño dibénemo mai afemo omoi illafue jónefireiri. Afedo omoi comeci fiene finóacanafuiiai finoñeitiomoiiza. ¹⁷ Mei dani cai comécimo comuide fiene finóacanafuiiai Juziñamui Ñuera Joreño uáitafirede. Nane abido dájena Juziñamui Ñuera Joreño cai comeci fiene finóacanafuiaina uáitafirede. Afe ménafue jaca conímama uáitaoifirede. Iemona omoi comeci jitaina izói figo finónidiomoi. ¹⁸ Mei íadi Juziñamui Ñuera Joreño ifócaomoi íadi, Moisés ocuica uai anamo íñeitiomoi.

¹⁹ Comini comécimo fiene itífuiiai dibénemo jaináidino íaioi finócaigafuiiai jino uáfodo onórede. Be nífue: Afémaci jiruifue íemo íaifue finófirediaioi; jiáie fiénidifue rairuilla uaina náfuñediaioi. ²⁰ Afémaci jánaraimo caimátaifirediaioi. Daje izói fue boréfuena finódiaioi; daje izói jiáimama éoifirediaioi. Dájena caimare íñediaioi; úradoifirediaioi; ráaiñederi raire iere rícaifirediaioi. “Fueñe dama cúeiena finoiticue” daíifirediaioi. Comínina bozítaitatiaiioi; jiáimama énenoruidiaioi. ²¹ Afémaci jiáima raari úradoifirediaioi. Daje izói afémaci cómena titáfirediaioi. Jífairediaioi; fiene jéerie íaioi güilla llezica conímamo riire lléjellejediaioi. Bizóidifuiaina afémaci jaca finóicaide. Naui uícodo omoi cue lloga rairuilla izói, nane birui ómoina ráiruiticue. Bie izóidifuiiai finódino jaca Juziñamui illáimama illáruimo jainaiñeitiaioi.

²² Mei jiáfodo Juziñamui Ñuera Joreño cai comécimo bífuiaina cómuite. Aféfuiai bie izói jóide: Izíruillafue, íóbillafue, comeci uái illifue, comeci mánaicana úrillafue, comeci cáimafue; jeruíñeno fecáfiredi. Jiáima dáinana raire jeire ófiredi. ²³ Afémie comeci mánaifiredi; comeci daína izói ie abi jaritaiñeno ñue fíaicana ocuífiredi. Bífuiaina rairuide ocuilla uaina íñede. ²⁴ Nana Crísto ja jaináidino, íaioi comécimo nanómona itífuiaina, faga izói, féitaitaioi, naa íaioi comeci fiene finóacanafuiari. ²⁵ Iemona Juziñamui Ñuera Joreño íredicai. Daí cai íllamona, mei nana cai jetácagafuemo, afe Ñuera Joreño aféfuemo caina ífoiteza.

²⁶ Cai bie abina fiene ínonidicai. Afe izói cai íadi, conímama diga íciriticai, mei íadi afe izói mai cai íñeilli. Daje izói jiáimari úradoiñeno cai illi.

6

Conímama omoi canófireiri

¹ Amatiai, ómoimona dámie fiénidifue mo baízaidenia omoi cióadi, ómomona Ñuera Joreño dibénemo izire jaináidino afe baídimiena omoi canori, meine ñúefue dibénemo ie ílleza. Jaca comeci mánaínafuedo íena canori. Naga come

áfemo báiredeza, ie jira illa dígamie afe baiífrenafuemona abina rairuírede. Taife cai facátafue naga cómemo comuífiredeza. ² Illa dígamiaí conímana canófireiri, áfedo jíámamo zuufue comuíadi ie comeci náirecailleza. Bie izóidedo Cristo ocuilla uaina ñue ícoimo fúitaitiomoí.

³ Jamáimie illa llezica dámie abi ínota “Jamánomo ímedicue” daiíadi, afémie dama ie abi jífue. ⁴ Omoimona illa dígamie dama ie abi áadori. Mei aféfuena o jíeruiadi, dama o abi ífuedo íóbitaitio; mei o illafue ñuera daiíllena jíáima illafue dibénedo abina fácañeitioza. ⁵ Illa dígamierie dani caimo itífuiaimo náfuefireiticaí.

⁶ Juzíñamui uáillaina llófuegamie nana íemo ite ñuera ráaniaina dieze, meine ibana afe ie llófuetimie mo írede.

⁷ Mai jíáfueri omoí jífueñeno iri; jaca Juzíñamui buna báíñuano jífueñegaza. Naga come ie rífirega raa ríadi, afe llizíllana dama jofo óite. ⁸ Nanómona cai comécimo itífuiái íóbitaitifue cai finóadi, afe cai comécimo itífuiaimona cai tíllifue óiticaí. Mei jíáfodo Juzíñamui Ñuera Joréñona cai íóbitaadi, afe Joréñomona zíñona cai illifue óiticaí. ⁹ Ie jira ñúefue cai fínua, mai cai zefuíruiñeilli. Mei áfemo fáicanocaiñeno comécina náiredinona cai íadi, uire Juzíñamui mamécaruimo riga ófirena izói, ñúefuena maiñóriticaíza. ¹⁰ Afe jira, ñúefue fínua llezica nana comínimo, nana cai abi ie máiriedo ñúefuena finóredicaí. Iemo Juzíñamui mo ínote cai ámatiaimo, baímo aillo ñúefuena finóredicaí.

Abí rairuúllauai, íraicaiño uáiduafue díga

¹¹ Mai ómoimo bie jéerie cue cúegamo omoí eroiri. Afe bie dama cue ónoído cue cuega. ¹² Afe quétafuena omoí ocuídino ñúefuedo lloñédiaioí. Dama comini uícomo ñue íaioí íllena daií daidíaióí. Daií ómoína ocuídiaioí, Cristo tílla ícoína jíámaci afémaci rácaíza daií. ¹³ Mei afe quétacano, nana Moisés ocuica uai ñue ícoimo fuitáñediaioí. Mei íadi ómoína quetátaacadiaioí, omoí íaioí quetátafuedo abi íaioí ínollena. Afe quétano omoí abímo íllado iere abi ínotiaioí. ¹⁴ Mei cúemona dama cai Ocuíraíma Jesucristo tíllado abi ínoticue. Abi diné jíáfodo abi cue ínollena íñede. Mei Cristo cruzmo tíllado, nana bínimo ite fiénidífuiái faga izói cuemo dúíñede. Afe ibana cue aféfuaimo faga izói jaináíñedicue. ¹⁵ Mei Crístomo dájena cai jaináinamona, ja afe quétafue ráífiñede. Daje izói íemo cai jaináinamona quetáñenafue jíái ráífiñede. Mei jíáfodo cómuena meine abído jocócamiena cai illa, iere jamánomo ráífide.

¹⁶ Bie izói daínauai jeire otínomo comeci caímare uái illafue íteza. Daje izói Juzíñamui ómoimo dúecaillafuemo ítiomoíza. Bie izói daínauai jeire omoí óiadi, Juzíñamui ua comínina jáitimoí. Mai mei, Juzíñamui ie ua comínina ñúefuemo ézicíteza.

¹⁷ Ja bíruímona buna cuena áfeduaíbiñeno iri, daídícue. Cue abímo ite boáfiaí méífuai, cai Ocuíraíma Jesús tájítagamiena cue íllana onótate.

¹⁸ Daje Juzíñamui mo ínote cue ámatiaí, cai Ocuíraíma Jesucristo nana ómoína ñue ézicíteza. Mai daiítadeza. Jae ñíe.

EFESO IMACIMO SAN PABLO ORECABE La Carta del Apóstol San Pablo a los Efesios

Pablo Efésomo ite Juzíñamuimo ñnotino rabedo uáidote

¹ Cue Páblodicue. Juzíñamui comeci jitaina izói Jesucristo orécamiedicue. Bie izói daina ñúefue llujillena, ie ocuícamedicue. Efeso jófue mo ite Juzíñamuimo jaináidino bie rabedo uáidoticue. Afémaci Jesucristomo ñue ñnotino. ² Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoína bie ñúefuiaimo jóoneiteza.

Crístomo cai jaináinamona cai comécina náiretatífuiái Pablo jino lloste

³ Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaina jae caina éziciteza. ⁴ Nai énie comuñena llezica, Juzíñamui Jesucristodo caina nizede, ie eróicana nífuenino ñue finócamona cai illena. ⁵ Jaiai uícodo caina izíruillano ie comeci jítaina izói, Juzíñamui caina náamatade Jesucristodo ie jítotaina cai jáillena. ⁶ Iemo ie izíruiga jítóiri dájena cai illamona, afémie caimo dúecaifirede. Afe jira nágarui Juzíñamuina ióbitaredicai, caimo ie dúecaillana iere figura cai daiífireillena. ⁷ Caimo iere dúecaillano, Juzíñamui ie Jitó tiillado, ie die tóillado caina jillotate, mei áfedo Juzíñamui cai fiénidífuiaina féitateza. ⁸ Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate. ⁹ Juzíñamui jaiai uícodo mameca ónoñega ie comeci óiacanafue caina ja fidítate. ¹⁰ Bie Juzíñamui uícodo mamécáfue ie fácaruimo dúcia, ñue ícoimo fúitaite. Aféruimo Juzíñamui dáanomo nana éniemo ite náiraiaina ie Jitó Cristo anamo itábicaítaite, naa bíniemo ite rílleniai, naa jíáie ráaniairi. Daje llezica monamo ite ríinoredino Cristo anamo ítiaioi naa afénomo ite jíáie ráaniairi.

¹¹ Jaiai uícodo Juzíñamui caina nizede, Jesucristomo dájena cai jaináinado ie comínina cai illena. Nana bífuiái jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófirede. ¹² Ja cai bie nanómona Crístomo ñnotinodicaiza. Juzíñamui daí caina ñue nizede, aféniemo ite áillue ebíredífuiáido ñúefue íemo cai nitállena. ¹³ Daje izói uáfue lloga, omoi jílluille uaina cacádomoi. Cacáillano afe uaina omoi ñnuamona Jesucristomo jaináitagaomoi. Daje llezica Juzíñamui jaiai uícodo llua izói Ñuera Joréñona igáomoi, dama Juzíñamui íeiediomoí daíllena. ¹⁴ Afe Ñuera Joreño caimo íllado, íco jíáiruido Juzíñamui dainafue cai maiñóllena, uáfue onódicai. Afe ie lloga dainafue cai maiñólliruimo nai dúciñede. Mei íadi nana íemo jaináidinomo, fiénidífue jaca due íaioi jainaiñeillifue afémie llóite. Daí ie llua mei nana afémie cáiena lloga dainafue máíñoitícaí. Ie jira afe Juzíñamuimo ite áillue ebíredífuiáido íena ióbitaredicai.

Pablo Juzíñamuimo ñnotino ifoci ñue denóllena Juzíñamuimo jicade

¹⁵⁻¹⁶ Iemona cai Ocuíraima Jesumo omoi ñnogafuena cue fidínamona, Juzíñamuimo ómoiri “Iere figura” fáicaiñeno daífiredicue. Daje izói nana Juzíñamuimo jaináidinona omoi izíruillana cue fidínamona, nane figura daífiredicue. Afe llezica Juzíñamuimo cue jicáfírena dáaruído ómoimo jaca uibíoifiredicue. ¹⁷ Juzíñamui ómoimo jino llogáuaina ñue comécido omoi baitállena jicáfiredicue. Ua, cai Ocuíraima Jesucristo ebírede Moo Juzíñamuimo

jicáfiredicue, Juzíñamuina ñue omoi onóillena. ¹⁸ Daje izói Juzíñamui omoi ifoci ñue denóllena jicádicue. Afemona Juzíñamui uáidogano úiñoga ñue cómutifuiaina ñue ónoitiomoi. Daje izói Juzíñamui omoi ifoci denóllemona íemo jaináidinomo, Juzíñamui fecalle ñuera ebírede cáimafuiaina ónoitiomoi. ¹⁹ Iemona bie izói ónoitiomoi: Juzíñamui iere ñúefuiaina ríinoredimie. Afe bie íemo ite áillue ríino ja birui nana íemo ínotinona ñue comécido íaioina canode. ²⁰ Naui Juzíñamui, daje bie íemo ite áillue ríinona cai onóillena, Cristo tíllanomona meine abido cáatate. Daií íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juzíñamui íena rainade. ²¹ Dinomo jamánomo ocuídillaimana Juzíñamui íena jóonete. Iemona nana jiáie ríinoredinuiái Cristo anamo itíaiói, naa jiáie ocuífiredinuiári. Daje izói nana illaini Cristo anamo itíaiói naa jabóidillainiári. Daje izói nana mona eromo ite ríinoredinuiái, Juzíñamui ie aillo ríinodo Cristo anamo dájena jóonete. Nana jiáie mameca ríinoredino cai comeci facáacana dieze, daje izói Cristo anamo itíaiói. Nana biruimo itínuiái ie anamo itíaiói, naa íco jiáiruillaído íitínuiári. ²² Afe dáaruido Juzíñamui nana ráaniaina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ifócina mameide. Iemona ifoci cai abi ocuilla izói afémie íaioina ocuífiredede. ²³ Mei jii, Jesucristomo dájena jaináidino ja Cristo abina mamécaiaói. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatimieza.

2

Juzíñamui caina izíruillado jíllodicaí

¹ Omoi fiénidifuiaimona nai tíidino izói omoi illa llezica, Juzíñamui Cristo tíllamona meine abido cáatajado afe dáaruido ómoína cáatate. ² Naui afe fiénidifue dibénemo are itíomoi. Bínemo ite fiénide nairai illa izói are itíomoi. Afe llezica omoi áinodo lláifoide fiénide joreño jítáinafue finófirediomoi, mei afe joreño nana fiénide joríaí nahí ocuiraímaza. (Afe daje fiénide joreño Taife.) Juzíñamuimo jíeruñedinona afémie riire ocuíoide. ³ Naui jiáiruillaído nana cai afe izói fiéni iticaí. Cai abi fiéni jítáinafuiái jeire ófiredicaí. Afe nanómona cai comécimo ite cai óiacaiga fiénidifuena fáicanocaiñeno ícoimo finóicaifiredicaí. Daje izói cai comeci fia fácafuiaina jeire oticaí. Iemona nana jiáimacina duere finóllemono dúina izói, Juzíñamui iere duere finóllifue mono dúidicaí. ⁴⁻⁵ Mei íadi Juzíñamui iere caina dúecaillano, nai cai fiénidifuiaimona tíidino izói cai illa llezica, afémie caina izíruillano Cristo cáatajado dáanomo tíllanomona caina cáatate. Mei jii, dama Juzíñamui ómoiri dúecaillano jíllotagaomoi. ⁶ Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abimo monamo caina rainade. ⁷ Juzíñamui daií finode, nana íco ninomo illáruillaído íitínuiáimo afémie iere caina izíruillafuena onótallena. Ua, Juzíñamui daií finode afémie Crístodo caina dúecaillafuena nana uícomo cómutinomo fidíillena. ⁸ Mei jii, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue dani ómoimona comuíñede, mei jiáífodo afefue Juzíñamui ómoimo comuítaga. ⁹ Ñúefuemo are cai ñéfinamona afe jíllonafue caimo fécañega. Ie jira áfedo buna abina ínonide. ¹⁰ Mei jii, Juzíñamui nano fueñe comíni fínua izói, afémie ie joreñodo como jéciganona ja cai finode. Iemo ja birui, jaiái uícodo ie mámia izói, Crístodo Juzíñamui meine caina cáatate, ñúefuiái cai finóllena.

Ñue uái cai illifue Cristo caimo lloga

¹¹ Iemona nauí omoí illáfuemo mai omoí comeci uibíoiri. Judío nairai ieñediomoi. Ie jira judíuai “Bacano icoi que táñegamacina” ómoína mamédiaioi. Dani afémacina cai bie “Feizina quetácanodicaí” daidíaioi; mei jaiái íaioi finófirena izói, íaioimona nágamiíai íaioi bacano icoi quetácaza. ¹² Nauí omoí íñoñena llezica, Crístonona oni eneno itíomoi. Israel náiraimo Juzíñamui nizécanomo jaináñediomoi; íemona Juzíñamui íaioimo lloga ie ñuera finóllifuiái fidíñediomoi, naa uícodo ie lloga cáimaduafuiái diga. Aféruillaído Juzíñamuina onóñeno, bíniemo zuure itíomoi, mei caimare omoí ocuírillifue iñédeza. ¹³ Nauí Juzíñamuimona iere oni jica itíomoi; mei íadi ja birui Cristo caíri tállamona, ie die tóillamona, Juzíñamuimo áinozitagaomoi. Ja Crístono dájena jaináidomoi. ¹⁴ Cristo jáimana cai icíñenafue comuítatimie, mei dama afémie judíuai judíoñedino diga dáaziena finode. Iemona íaioi bacáuai imáciñediomoi. Nauí ómoína oni eneno itátate éoinafuena ja Cristo niné féitate. ¹⁵ Dama ie abi izi cácanado, ua ie tállado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuai judíoñedino diga, dáaziena comue náiraina finode. Afe ménade náiraiái ja dama Crístono dájena jaináitagaiaioi. Afedo afémie cai conima diga cai icíñenafue nana caimo comuítate. ¹⁶ Afe bie izói, Cristo cruzmo ie tállado, bie mena nairai dáamacina fínuano, nauí íaioi fuirífirenafuena záitate. Afe llezica, Juzíñamui dibénemo ñue uái íaioi illifue Cristo afémacimo jino denode. Dénuano, íaioína jeire otátate. Afemona comínimo Juzíñamui caimare eroide.

¹⁷ Cristo afe ñue uái cai ille uaina nana comínimo lluáibite. Onínemacimo Cristo afe uaina lluáibite. Omoí afe onínemaci izóidomoi. Daje izói áinori ite judíuaimo, afe uaina afémie lluáibite. ¹⁸ Iemo Cristo cai jíllotajamona, mei nibai judíuaidicaí, mei nibai judíuaiñedicaí íadi, nana cai afe daje Ñuera Joreño, Moo Juzíñamuimo áinozifiredicaí. ¹⁹ Afe jira, Juzíñamui dibénemo ja onínemaciñediomoi. Daje izói dani íaioi illánomo dúíñedino izóiñediomoi. Mei jáífodo nana Juzíñamuimo jaináidino jainailla izói, uafue íemo jaináidomoi. Dájena Juzíñamui náiraidiomoi.

²⁰ Nana omoí ebírede niga jáilliraina dallíraide anáneco izóidomoi. Cristo oréfiregamaci llófueinafuena iere baitádinona ja jáidomoi. Ua jáillirai jaícina mairi naidánia izói, aféfuemo ja riire jóonegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóidimie. ²¹ Bie Nahílliraimo izóidimie nana afeco Juzíñamui nicana uite. Afe izói áfemo nana jofócaiai ñue jaícina jóonega. Jofócaiai dallíraidemo dúina izói, daade Jesucristomo jaináidomoi. Afeco nilla fuilla mei, jae Juzíñamui ñuera irácona jáidomoi; ñuera gairíraco izóidomoi. ²² Daje izói Crístono dájena omoí jaináinamona, nana jáíie Crístono ínotinomo dájena jaináidomoi, daaco náiraina Juzíñamui íena, omoí jáillena. Iemo Juzíñamui Ñuera Joreño ómoimo íllado Juzíñamui ífirenaco izóidomoi.

3

Jíllona uai judíoñedino lluájilla Juzíñamui Páblomo jóonenocai

¹ Iemona Juzíñamuimo ómoiri iere cue comeci facáfiredicue. Omoína izíruite Páblodicue; Cristo Jesús ñúefue ómoimo cue lluájilla jira llavécamedicue. Omoí judíoñediomoi, íemo ómoína ñue íllena cue cánua jira llavécacue. ² Ja nibai Juzíñamui cuemo jóonega bie tájinana fidíidomoi. Jíi, Juzíñamui ie cáimaduafuiái ómoimo cuena llotátate. ³ Juzíñamui ie nai jino lloñega

nanómona mamérrillafue cuena fidítate. Ie mei cuemo llvano aféfuemo iere baitádimiēna Juzíñamui cuena jóonete. Afe ie mamérrillafuedo ja nano íanori due ómoimo cueticue. ⁴ Aféfuena omoi facáduamona, afe nai jino llóñega Cristo dibene illáfuemo iere cue báitajana ónoitiomoi. ⁵ Afe báinino comeci ie fácafue nauí jáiiruillaído bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jíáie ie uai jino llórainimo fidítate. ⁶ Afe jaiái jino raire llóñegafue bie izói jóide. ¡Cácarei! Jíllona uaina ínuamona, judíoñedino naa judíuairi daje Juzíñamui cai cámaduafuiai dájena máíñoitiaioi, mei dáamiemo jaináidiaioiza. Ua Crístomo, dáaziena jaináidiaioiza. Daje izói Juzíñamui lloga Cristo Jesús caina ñue finóllifue judíuaimo dúina izói, birui judíoñedinomo ja dúide.

⁷ Cue jamáimiedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jíáimacimo llujállena jóonegacue. ⁸ Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cámaduafuiai judíoñedinomo llujáitimienā Juzíñamui mamécacue. Afe bie cue llujáille iere cuemo ráifide. ⁹ Juzíñamui jaiái ninómona jino llóñega mamérrillafue nana comínimo jino llóitimienā dama Juzíñamui jóonegacue. Afe Juzíñamui nana ráaniai finóraima. ¹⁰ Juzíñamui nana bífuiaína daí ífcaítate, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaína báitajana onóillena. ¹¹ Juzíñamui jaiái ninomo uícodo comeci mamérrilla izói, nana bífuiaína cai Ocuíraima Jesucristodo ñue ícoimo fuitade. ¹² Iemo Crístomo dájena cai jaináinamona Juzíñamuimo ja ánoziredicai, mei cai ínuamona afémiemo meáiruíñedinona itícaiza. ¹³ Ie jira izire ómoimo jícadicueza: Birui omoi abiri duere cue zéfuidicueza, mai náinidimaci izói omoi íñeno iri; mei jíáfodo caimare omoi comécioiri; mei afe ómoiri duere cue zéfuia afe ómoimo ebírede nitaina izóidifueza.

Cristo iere jamánomo caina izíruitimienā íemo ínotino onóillena Pablo Juzíñamuimo jícade

¹⁴ Ie jira cai Ocuíraima Jesucristo Moo anamo caiñícido ana dújullanona nana ie comini íena íemo izire jícadicue. ¹⁵ Nana éniemo ite ie comini, naa monamo itínuiái diga, afémiemona comuídiaioi. ¹⁶ Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireillena izire íemo jícadicue. ¹⁷ Afe llezica omoi ínogafuemona Cristo omoi comécimo nabáirifireillena Juzíñamuimo jícadicue. Daje izói Juzíñamuina iere omoi izíruillena jícadicue. Iemo afe izíruillafuemo izire omoi jaináillena jícadicue. Nane dáanomo omoi ínogafuiai jeire oga uaina ñue omoi ífócimo denóllena Juzíñamuimo jícadicue. ¹⁸ Daje izói Cristo caina izíruilla omoi ónoillena jícadicue, naa jíáie íemo jaináidinori. Mei afe ie izíruillafue monáillaji aillona izóideza. Afe monáillaji ruícafene jíca íllana bu onóñede. Mei íadi afémie caina izíruillafue iere ruica are illa izóinana omoi onóillena jícadicue. Daje izói áillue imani eraí iere fuiri jíca illa izói, afe caimo facádonide Cristo caina ie izíruillafue omoi onóillena jícadicue. Afe izói Cristo caina izíruilla iere monáillaji ana jíca afórena izoide. ¹⁹ Mei jí, afe bie izíruillafue ñue omoi fidíillena jícadicue. Nana cai onórede aillo ráfuiai baímo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaína ñue jaícina oruízitiomoi. Mai, daí íteza.

²⁰ Ja birui ie aillo ñuera ríino, cai comécimo ífirenamona nana cai comeci fácarenafuiai baímo, afémie iere jamánomo ñúefuiai caimo finórede. Daje izói

nana cai jicárenafuiai baímo afémie iere finórede. ²¹ Ie jira aillo ebíredifuiiai afe cai Juzíñamuimo mai cai nitalli, mei Cristo Jesumo dájena jaináitagacaiza. Mai mei Jesucristodo jaca ninomo naga cómuitigimado aillo ñúefuiaina Juzíñamuimo cai nitalli. Daiítadeza.

4

Juzíñamui Ñuera Joreño dáamacina maméidicai

¹ Nana bífuiaimona, omoi jaícina ñúefuedo macállena riire ómoimo llóiticue, mei cai Ocuíraima Cristo ícoinia llavécamiedicueza. Ua Juzíñamui uáidogamací maca izói, omoi macállena izire ómoimo jicádícue, mei uafue ie uáidogamací itíomoiza. ² Nana omoi, mai jiba abina ínoñedinona omoi iri; daje izói comécina mánaidímacina omoi iri. Dani conímana izíruillano illa dígamie jíaimamo comeci járitaño omoi iri. Afe izói conímana omoi dúecaifireiri. ³ Afe llezica mai Ñuera Joreño ómoimo comuítaga dájena jaináinafue ñue rairuífireiri. Ua, omoi dáaziena dani conímana comécina jacíruiñenafuedo dáamacina jaináifireiri. ⁴ Daa cómemo da abí illa izói, daade abí. Afe abí Cristo ie. Afe daade come abí izóidicai. Afe izói Ñuera Joreño daade. Daje izói Juzíñamui nana caína daa uire ñue finóllifue mo uíñotagacai. ⁵ Cai Ocuíraima daade. Daje cai ínogafue jeire oticai. Daje izói dáafue mo báutizagacai. ⁶ Iemo Juzíñamui daade; afémie nana íemo ínotímaci Moo. Afe izói afémie nana comíni Naama. Afémie nana íficaidifuiiai dibénedo ie comeci jítaínafue finode; nágafuiaimo jetáfirede.

⁷ Mei íadi Cristo comeci jítaína izói, cáimona illa dígamie mo jíáiforiede ñúefue finolle ríinona, Cristo caimo fecade. ⁸ Juzíñamui Cuegáuai daí uícode daide. Be ñie:

Caifo monamo jailla llezica aillo nauí llaveca izóidino afémieoiri uite.

Iemo fia iga jíaimaci cánuafuiaina comínimo fecade, daide.

⁹ Afémie caifo jailla daína uai jíáifue caína onótate. Afedo nauí uícode fueñe afémie monámona ana bíllana fidídicai. Aféruido bie fiénidifuiarede éniemo afémie monámona iere jica ana bite. ¹⁰ Afe ana bitímie, abído nana caifo ite monániai caifófenemo jáidímie dáamiede. Dinomo jaide, afénomona nana ie finócanuaimo illáimaillena. ¹¹ Iemo afe bie Cristo illa dígamiena ñue ríinoretade jíáiforiede ñúefuiaina finóllena. Dámierie ie orécamacina afémie jóonete. Jíaimacina Juzíñamuimona oga uaillai jino llóraimana afémie mamede. Iemo jíaimacina cai jíllonafue uaina llotátate. Nai jíaimacimo ie comínina ñue uíñollena ocuide, íaioi llófuellena díga. ¹² Afe daí cai Ocuíraima nana íeiena ñue fibítate, ie ocuica táijina ñue íaioi jetállena, íemo nana Crístomo jaináidinona móonaitallena; mei afémaci Cristo abí izóidímaciza. ¹³ Afemona cai ínogafue dibénemo ñue dájena maméidímacina jáitícaí. Daje izói Juzíñamui Jítóna cai onona dibénemo ñue dáamacina íitícaí. Afe daí ñúefuiaina ñue izire jíéruitinona íitícaí. Uafue, nana ñúefuiaina Cristo izire jíéruilla izói, afe izói ñúefuiaina rairuíño iere jíéruitícaí. Jíéruillamona ñue móonaitícaí. ¹⁴ Ja úrue izóidinona íñeítícaí. Mei íadi jífueacadino comue llófueinafue llúamona, úrue izoide nai figo baitáñedinona jífueítícaí. Íaioi comeci ñue fácajana riire jíáfodo méidoítícaí. Bie jífuetino ebire lloga taino llúáfuedo bie úrue izóidino ínogá ñúefuiaina níne féítatícaí. ¹⁵ Mei íadi conímana izíruillano, íemo uáfue na cai úrilla llezica, mai Cristo díeze cai móonailli. Crístomo izire jaináillano nana ie comeci itífuiai mai jeire cai ófireilli, mei Cristo afe cai jainaina abí ífoci

dainámie. ¹⁶ Afémie, ifócina íllamona, nana caina caimare ocuíoide; ñue daa cómena caina jaináitate, mei illa dígamie jiáimie mo ñue dúinaza. Nana afe Cristo dáamiena jaináitagamací caimare dani jiáimaciri táijina llezica, caimare itiaioi. Ua Crísto mo jainaide, daade abi izóidino naari conímama izíruillafuedo mónaioicaide. Mónaillano caimare ite.

Crísto mo dájena cai jaináinamona comue illáfuedo macáredicaí

¹⁷ Iemona bie ómoína cue daiíllifue izói, cai Ocuíraíma mámedido ómoímo jónenocaidicue. Ja biruímona, Juzíñamui onóñegano illa izói, mai omoí iñeno iri. Iaióí taino comeci úrilla uai daína izói ífirediaioi. ¹⁸ Iaióí comeci úrilla uai onóñeno jítfomo fiébicaidiaioi. Juzíñamui comuítaga comue illafue afémacimo iñede, mei íaioí comeci riírenamona ja abina onóñedimacina jáidiaioiza. ¹⁹ Ja íaioí comeci meáifueña lloñediaioi. Iemo nana íaifuaí illa dinó, áfemo aillo gáinafuedo iere jeire otíaioi. ²⁰ Mei íadi afe daií, Cristo llófueñegaomoí. ²¹ Mei nibaí, uáfueña Cristo illafue omoí cacana mei, íemo ite uafue uai dibénedo afémiedo llófuegaomoí. ²² Ie jira nauí omoí fiénide illafue dibénedo izire ómoína dáitícue: Afe nanómoma ómoímo itífuaí, mai zabide iníroi oni dúíña izói omoí meídori. Afe nauí ómoímo itífuaí jaca ómoína fiéni finode; mei omoí fiénide gáinafuaí jífuegaomoíza. ²³ Mei jiáifodo biruí cómuena méidoredíomoí; nana omoí comeci óiacanafuaí méidorede. Nana omoí ifoci úrillafuaína méidoredíomoí. ²⁴ Afe llezica comue comeci itífuaí, comue iníroi jítaja izói, mai jeire omoí oíri. Afe comue itífue Juzíñamui illa izói Juzíñamui comuide. Iemo aféfuena jeire omoí úamona, omoí uáfueña íaidonide ñue illafue otíomoí. Daje izói afe omoí comue comécimo itífuaí omoí úamona, ñue jaícina jóide illáfuedo jáitíomoí.

²⁵ Iemona tánofuaí lloñeno iri. Mai jiáifodo illa dígamie conímamo uáfueña úriri, mei nana cai dáaziena daje abímo jaináidicaíza. Afe abí Cristo ie.

²⁶ Omoí icíribicaíadi, afe icírafue ana fiénidífue mo ómoína uitátañeno iri. Daje izói daaruí náaruido are icíriñeno iri. Raíre féitari. ²⁷ Due jiza omoí comécina Taífe illáimaille mo “Jíi” daiíñeno omoí iri.

²⁸ Nauí meríriraíma baírodímie díga, mai abído meríríñeno iri. Mei jiáifodo zefuíruíñeno táijizairi. Iemo ñue táijiferenamona o táijina íba óitío; áfedo o jítaílle ráaniaí íbaítío. O íba mei, ua dúeredimacimo íaioí jítaílla raá íaioímo fecáredío.

²⁹ Fiénide uáíllaído íaire úriñeno iri. Mei jiáifodo ñuera uáíllaído úrifireiri. Cacádinona comeci náiretalle uaido omoí úrifireiri, íaioína ñue ézicitalle uai díga. ³⁰ Daje izói Juzíñamui Ñuera Joréñona zúuretañeno iri; mei afémie ómoímo íllado, jae Juzíñamui íeíena mamécaomoí. Ua biruímona Juzíñamui illánomo ñue jaícina ómoína jíllotalliruimo, afe Ñuera Joréñodo Juzíñamui íena ñue mamécaomoí.

³¹ Nana comécimo ite éoinafuaína oni mai omoí féitari, nana riífuaí díga. Daje izói nana icírillamona comuide riire úrillafuaí lloñeno iri, naa jiáie baíñuafuaíri. Nana illa díga fiénidífuaí niné féitari.

³² Iemo jiáifodo, illa dígamie jiáimie mo dúecaillano comeci mánaídímiena iri. Cristo íena omoí íllamona, Juzíñamui omoí fiénidífuaí íbana oñede. Afena féitateza. Afémie féitaja izói, afe izói illa dígamie jiáíma finoca fiénidífueña omoí féitafireiri.

5

Juzíñamui úruiaí izói cai íllena Pablo caímo llote

¹ Juzíñamui izíruiga úruiaí omoí illamona, mai afémie illa izóí omoí iri. ² Cristo caina izíruilla izóí jiáimana omoí izíruifireiri. Mei jii, caina ie izíruillamona Cristo cai jiáinona fecácamie. Afémie Juzíñamui ióbitallena titada fia fecaca rille izóidímie. Aferi Juzíñamui ióbide. (Afémie dibénemo afefue ñue ziórede uguci izoide.) Mai afe izóí conimana omoí izíruillado Juzíñamuina omoí ióbitari.

³ Ja bie omoí Juzíñamuimo jaináidíomoiiza, mai ómoimona ninó dáamie áinina llezica jiáie ringona jetáñeno iri. Daje izóí nana jiáie íaifuiaina finóñeno iri. Jaca jiáie cómemo ite ráaniaimo úradoiñeno iri. ⁴ Iairede méaifuiaina bummo lloñeno iri. Daje izóí táinodo úrillafuiaido úriñeno iri. Iemo jiámamo fiénide llagüeroilla uaina oréñeno iri. Mei bie izóidífuiaí Juzíñamui úruiaímo íeñedeza. Mei jiáfodo Juzíñamuina iere figora omoí daífireri. ⁵ Jae cue lloga iima ringomo finoca fiénidífue bie izóí jóide. Daa come nai áinina llezica, ringo jetáadi, fiénide. Daje izóí ja ringo ua mei, jiáie ringo jetáadi, figóñede. Iemo íaifue naa úradoillafue diga finóadi, figóñede. (Afe úradoifredímie jamai jánarai ióbitadímie izoide.) Ja onódiomoiiza bie izoide fiénidífuiaí finuana fibídímie, Cristo Juzíñamui diga illáimana illíruimo jaináinide. ⁶ Jiáimana taino uáillaído omoí jífueñeno iri. Mei afe bie fiénidífuiaí finuamona, nana ie uaina cacáacañedinona, Juzíñamui iere duere fínoiteza. ⁷ Iemona, bie izóí ite comini diga omoí nabáiriñeno iri.

⁸ Naui nai omoí ínoñena llezica, jítifomo itíomoi; mei íadi birui cai Ocuíraimamo dájena omoí jaináinamona, ja úzefomo macádiomoi. Iemona ñue uáfodo macádino izóí mai omoí ífireiri. ⁹ Cai Ocuíraima Jesucristo egáíñote raa izoide. Iemona cai comécina ñúeitete. Iemo ua uaido caina úritade. Daje izóí cai jaícina ñue illifue comúitate. ¹⁰ Cai Ocuíraima ñue ióbitallifueña, mai iere omoí onóoicairi. ¹¹ Báinino macádino finoca táinofue dibénemo iñeno omoí iri. Mei jiáfodo afe báinino íaioí finócafuena uáfomo omoí cíotari. ¹² (Mei íadi afémaci báinino finócafuiaí izóí cai úriadi, caina meáiruitaite. Ie jira benomo rabedo jino ómoímo llóñeiticue.) ¹³ Mei íadi nana íaioí illafue jino uáfodo cíotamona, afe fiénidífuiaí iere íairenana nana comini ónoitiaioí, mei Cristo egáíñua úzefo, nana cominimo ua comécimo itífuiaína jino cíotate. ¹⁴ Ie jira bie izóí daína:

Ínídioza, mai cazi.

Tíidinomona mai náidacairi.

Iemona Cristo ie úzefomo ñue mácaitimiena ona jáitaite, daide.

¹⁵ Mei íemona, nágarui omoí illáfuemo izire comeci omoí facáoiri. Naga fiénidífuiaímona abí omoí rairuiri. Abina onóñedino izóí omoí iñeno iri, mei jiáfodo ñúefuena baitádinona omoí iri. ¹⁶ Biruido aillo fiénidífue íteza, o illafue táinomo fáífitañeno iri; ñúefuiaí omoí finófireiri. ¹⁷ Táinodo úritino izóí iñeno iri. Cai Ocuíraima comeci jítainafuena ñue omoí baitáoicairi. ¹⁸ Jifáíñeno iri. Mei, afe jifáillafue come comécina aillo íaifueño ana uitátate. Mei jiáfodo Ñuera Joreño abí omoí úcaitari. ¹⁹ Illa dígamie jiámamo Juzíñamui uáillaído caimare omoí úriri, naa Juzíñamui rúairi. Daje izóí Juzíñamui Ñuera Joreño lloga rúaníai omoí roíri. Daíí omoí rúado cai Ocuíraimana iere ióbitaitíomoiiza. ²⁰ Illa dígaruillaí cai Ocuíraima Jesucristo mámecido Moo Juzíñamuina naga ráaniaíri figora omoí daífíreiri.

Crístomo ínotinona cai illamona Pablo cai jofo eromo cai illafue llote

²¹ Illa dígamie jiáima anamo caimare omoí iri, mei Juzíñamui daíí cai ocuúdeza.

22 Cai Ocuíraima anamo cai itábicailla izóí, naga ringo ie ini anamo itábicairede. 23 Mei naga ringo ie ini ocuífirega, íemo jíái ie ini ñue úiñogaza. Afe izóí nana Crísto mo ínotino, Cristo ocuícaciai; daje izóí Cristo ñue úiñogaciai. Afémie afémaci illaíma. Daje izóí afémie íai; Jíllotaitimie. Afémiemo ínotino íemo dájena jaináinamona, ja ie izóidiai; ja dáamiede abi izóidiai. 24 Iemona Crísto dájena jaináidinona afémie anamo illa izóí, naga inírede ringo ie ini anamo írede.

25 Cristo íemo jaináidinona izíruilla izóí, mai naga íma ie aína izírui. Crísto jaináidinomo Cristo ie abina fecade. 26 Afémie daí ie abi fecade ñue íeiena íai; íllena. Daje llezica afémie íai; mo ite íaífuiaí jainoimo jococa muilla izóí, ie uaido íai; ina muiñode. 27 Cristo daí caína muiñode ñuera nífuenidinona ie uícomo cai cíocaizaillena. Uafue, nana mallizaí izóí abímo comuídena duano ebire eroide, lliríñede abi ígoína caína finode. Jaca due jiza fiénidífueña fiéñede. Nana íai; ina íeiena íere ñue finode. 28 Afe izóí naga íma dama ie abina izíruiilla izóí, ie aína izíruirede. Ie aína izírui timie dama ie abina izírui. 29 Bu jaca dama ie abina éoiñede. Mei jíáifodo cai abina ñue ecáicaí, ñue úiñoticaí. Afe izóí Cristo íemo dájena jaináidinona ñue rairuide. 30 Mei afémaci dama íeieza; ja daa ie abi izóidiai. Cai bie afe abímo jaináidícaí. 31 Bífuaímona Juzíñamui daína izóí, dámie ie moo, ie ei díga, fáicanocaillano, ie ai díga dájemo jaináicaite. Jáinaicaillano, daade come abi izóí itáillinoí. 32 Bie daade come abi izóí íficaillafue, jaiáímona áillue báinide rafue. Mei íadi afefue Crísto dúide; daje izóí íemo dájena jaináidinomo dúite, daidícue. 33 Mei íadi daje llezica ómoímona illa dígamie omoí abina izíruiilla izóí omoí aína izírui, daíacadicue. Iemo naga inírede ringo ie inina ñue jacíruiredeza, daidícue.

6

1 Uruiaí, omoí cacai. Crísto mo ínotinodímoíza, o moo uai jeire omoí olle íere jítaírede, mei afe bifue Juzíñamui mo jáicína jóideza. 2 Bie lletara uai llua mei, Juzíñamui dáanommo ñue cai illífue llote. Daí nana ie lletara uáímona dama bíuaido Juzíñamui cai ñue illífue llote. Afe llétaja uai bie izóí daide: “O moo, o ei díga, ñue jacírui, 3 áfedo caímare o íllena, daje izóí bie éniemo are o íllena.”

4 Ja úruiaíredino, mai omoí cácareí. O úruiaína comécína rícaitañeno iri. Mei jíáifodo ríre llétaja uaido ñue íai; ina llófuefireiri. Daí íai; ina ñue omoí móonaitari, cai Ocuíraíma Jesumo ñue íai; ínollena.

5 Ocuífirigano, mai omoí cacai. Biniemo ite omoí ocuídímie dáinana ñue jeire omoí oíri. Cristo ocuíllamo o tájina izóí o tájitatímiemo ráairuíñeno ñue tájiri. Afémie ocuíllana ñue jacírui. O tájitatímie uaina níbéfodo oñeno iri. 6 O ocuídímie eroille llezica ñue tájiri, daje izóí afémie íñena llezica náamonaze ñue tájiri. Dama ocuídímie eroille llezica, íocire tájídímienna íñeno iri. Afe izoide tájide come jamai come íóbitade. Afe izóí íñeno jíáifodo omoí iri. Cristo tájítaganano izóí, Juzíñamui comeci jítaínafuena izire omoí finori, afémie omoí íóbitallena. 7 Comeci ñue jítaína izóí caímare omoí tájiri. Jamai come íena tájiniño, cai monamo ite Ocuíraíma íena ñue omoí tájiri. 8 Mei ja onódímoíza, illa dígamie ie ñue tájifirenado cai monamo ite Ocuíraímona ñuefuena jíridoite. Rairuícamie, ráiruínegamie díga dájerize nano íai; í tájinaze jíridoite.

9 Ocuífiridino, mai daje izóí omoí tájítaganomo ñue dúecaífireiri. Afémacína fiéni omoí jácidoño iri. Daade cai Ocuíraíma anamo nana dájena itácaíza, omoí úbicairi. O tájítaganano monamo ite Ocuíraíma anamo illa

izói, o jiái daje Ocuíraima anamo itio. Afémie da cómena eneno maméñedeza. Illa dígamie dájerize mamede. Aféfuemo omoi úibicaifireiri.

Jesumo ñnotino comeci náireitalle abi ríidua uai Pablo lloste

¹⁰ Mei ámatiaí, cai Ocuíraima Crísto ite ríinodo benómona mai riire omoi iri. Cai Ocuíraima Jesumo omoi jaináinamona riire abí omoi mameri. Mei, afémie jamánomo riiredeza. ¹¹ Juzíñamui lloga abi ríidua uai, ñue jeire omoi oíri, naa ie ñuera ézicigafuiaíri. Mei jii, dáarie comíni abi ríidollena ñue fuiríllena llojécuiroi jítadiaíoi. Afe íaíoi jita izói, nana Juzíñamui cai ríidua uai, mai jeire omoi oíri. Afe uaido Taife jífuia uaina uáitaredíomoi. ¹² Jamai abina mairide come díga fuiríñedicaí. Mei jíáfodo fiénide jóriaí díga fuirídicaí. Afémaci caífo cai acónimo táifodo macádiaíoi. Afe cai díga fuirífirede jóriaí nana bíníemo ite jítifodo jaide fiénidímacina fiéni ocuíoide. Bíníe comínina “Cáiedíomoi” daííoicaídiaíoi, mei “Omoi náamadicaí” daíífirediaíoi. ¹³ Ie jira Juzíñamui lloga abi ríidua uáillaído abí omoi rairuiri. Afe bie uaido jobáirillaruiño ñue abina ríidoitíomoi. Daí abina ríidoitíomoiiza are ñue ríinoredínona ítíomoi. ¹⁴ Ie jira riire omoi iri. Fuiríraima ciraigi ífe riire tirínua izói jizíñeno ñue íe fuiríllena, afe izói Juzíñamui lloga ua rafue jeire omoi oíri. Daje izói ñue jaícina omoi íllado nágarui ñue abí omoi ríidofireiri. Afe bie omoi jaícina illafue, fuiríraima jogobe ríidollena jítaca llojeco izoide. ¹⁵ Afe fuiríraima fuirízailla llezica íe ídaí íco riire maíga izói, áfedo riire íe naídáíllena, afe izói Juzíñamui comécina jacíruiñeno uai jeire omoi oíri. Afedo abina riire mámano, fiénidífuena ómoína anáfenóñeiteza. ¹⁶ Iemo illa dígaruillaído Juzíñamuimo omoi ñnogafuena féitañeno iri, mei áfedo Taife caimo mameca fiénidífuiaína oni caitáredíomoi. Omoi ñnogafue jae fuiríraima abi ríidollena úifirega llojeco finoina escudo izoide. ¹⁷ Iemo Juzíñamui lloga jíllona uai jeire omoi oíri, mei aféuai, ífo ríidollena jítaífirega ífo íco llojeco izoide. Iemo nana Juzíñamui uáillaína mai jeire omoi oíri, mei afe Juzíñamui uai, Ñuera Joreño ómoímo fecaca fuirira llojébici izóideza. ¹⁸ Nana bie cue ocuícáfuaí, mai Juzíñamuimo jícano finori. Jaca Ñuera Joreñodo izire Juzíñamuimo omoi jícaífireiri. Bie izói omoi íllena, nana bífuiaína fáicanocaiñeno ñue abí omoi rairuíocairi. Daje llezica nana Juzíñamuimo jaináidínomo Juzíñamuimo omoi jícaífireiri. ¹⁹ Daje izói jiái cuemo jícaífireiri; náiraímo cue úria, Juzíñamui cue uai nabáílleza. Iemo jacíruiñeno íocire íaíoiímo cue úrillena, Juzíñamuimo omoi jícarí, nauí báinino lloga jíllona uai jino comínímo cue fidítallena. ²⁰ Bie ñuera uaido comínímo úrillena Juzíñamui orécamedícue. Afe uai ícoínia, ja biruí llavécamedícue. Iemo, bífuedo ñuera lluaíjítimie izói jacíruiñeno naire cue úrillena, mai Juzíñamuimo omoi jícarí.

Iraicaiño uáidua uallai

²¹ Cai izíruíga ama Tíquico, cai Ocuíraima Jesumo táijinana fáicanocaiñeno canófiredímie. Afémie nana cuemo itífuiaína ómoímo jino llóite, naa jíaíe cue finócafuaí díga. ²² Jira, bímie ómoímo orédícue, cue illafue ómoímo jino llóllena. Iemo jíaí áfedo omoi náireficaíllena, íena ómoímo orédícue.

²³ Moo Juzíñamui, cai Ocuíraima Jesucristo díga, cai ámatiaímo ñue comeci uái illífué ómoína ñue onótaíteza. Daje izói Juzíñamuína ñue omoi izíruíllena jícadícue. Ie jira Juzíñamui omoi ñnogafuena aillo móonaitaíteza daídícue,

afe bífuiái omoi maiñóllena. ²⁴ Nana cai Ocuíraíma Jesucrístona féitaño izíruitinona, Juzíñamui ñue íaioina ézicíteza. Mai; jae ñie. Daí íteza.

FILIPO COMINIMO SAN PABLO ORÉCABE La Carta del Apóstol San Pablo a los Filipenses

Filípomo ite Jesumo ñnotinomo Pablo llavéracomona cuete

¹ Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuego ite Juzíñamuimo jainaide ámatiaimo cuetícoco. Daa bibedo omoí cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidíomoi. ² Cai Moo Juzíñamui ñue ézicigafuego omoí iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoí iri, omoí ie lloga comeci caimare uái illafue diga.

Pablo Jesumo ñnotinori Juzíñamuimo comécido úrite

³ Naga ómoimo cue úbicaifirenaruido, cai Moo Juzíñamuina: “Tere figura” daiífiredicue. ⁴ Juzíñamuimo comécido cue úriadi, jaca nana ómoíri caimare jicáfiredicue. ⁵ Mei fueñe tainéinaruimona ua biruimo Juzíñamui ñúefuedo dáafuego naa ómoíri táijifiredicaiza. Afena figura daiífiredicue. ⁶ Juzíñamui nauí omoí comécimo ñúefuena déitate. Afe ñúefuena déitallifue tainédimie ua Jesucristo billíruimo fáicanocaiñeno déitaocaite. Afefue taino daiínideza onódicue. ⁷ Mei ómoína iere izíruillano nana ómoíri daií comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamiedicue íadi, omoí cúeoíri jeire oga ézicigafue, ñúefue cue llúájillena canode. Iemona cai jílloillifueña comínimo uáfueña ñue fidítaticue. Daje izói bífuena iere nahífueza daiítaticue. Afe izói bie ñúefuena uáitaacadino uíecomo daa bífuedo cai jílloillifuedo jaícina ñue úriticue. ⁸ Jesucristo ómoimo dúecaillano izíruilla izói, omoí cígiri iere cue íacanana Juzíñamui ñue onode. ⁹ Juzíñamuimo comécido cue úrillado ómoiena jicádicue. Dani conímana aillo jamánomo izíruillana jicádicue. Daje izói nana ñue fibíllafue abina omoí onóillifue diga, jicáfiredicue. Ua daií ómoiena jicádicue, ñúefuiai omoí níziana omoí fibíllena. ¹⁰ Afe bifue jeire omoí óiadi, omoí comeci ifue íainite. Daje izói Cristo billíruimo nífuenidínona íitiomoi. ¹¹ Daií Jesucristo omoí illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuiiai omoí illáfuego Jesucristo mámeite. Afedo Juzíñamuimo ñúefue ebíredifue diga nítaítiomoi.

Cristo jítainafue cue fínuamona cue comeci ifue ráifide

¹² Amatai, omoí cácarei, cuemo zúidifuiaina omoí fidítaticue. Aféfuiai Juzíñamui cai jílloillifueña jino llúana nahí uáfueña canode. ¹³ Benomo cue llavénamona, nana nahíllaíma jofo abi úiñoraini, ñúefuedo cue llavénamona onódiaíoi; ua Cristo ñúefue jeire cue úamona ja llavécamiedicueza, afena nana onódiaíoi. ¹⁴ Llavécacueña íaíoi ciónamona, ja nana ñnote ámatiaimona nabémaci iere náicaídiaíoi, Juzíñamui uai jino llóllena. Ua meáiruñeno uáfori jino llotíaíoi. Daje izói cue llavénamona cai Ocuíraimamo jamánomo ñnotiaíoi. ¹⁵ Uáfueña dámierie cuemo úradoillano Crístodo úritiaíoi. Afémaci énenoruillano cue baímo jamánomoidimíena íacadiaíoi; mei íadi jíáimíaf comeci ñúefuedo jino llotíaíoi. ¹⁶ Dáarie dani íaíoi comeci óiacanafuiaido Crístona jíáifo úritiaíoi. Cue llavébillafue baímo jamánomo raamo cuena jíiritaiacadiaíoi. ¹⁷ Mei jíáimaci cuena izíruillano Juzíñamui ñúefue jino llotíaíoi, mei nai benó llavéracomo cue íllana onódiaíoi. Ua Juzíñamui jílloillifueña uáitañena jira

llavécacueza onódiaioiza. ¹⁸ Mei íadi ¿cúemona níbai? Dáarie jaícina Crístodo úritiaioi; jiáimaci Crístodo jizíreoicana úritiaioi. Mei daje ábiedo Crístodo íaioi úriadi, cuena jaca ióbitade.

Afe cue ióbilla baimo jamánomo nai ióbioicaiticue. ¹⁹ Mei nana bífuiaimona nífuenino záitícueza onódicue. Ua cueri Juzíñamuimo comécido omoi úrillado ñue jílloiticue. Daje izói Jesucristo Joreño cue cánuado ñue jino jáitícue. ²⁰ Jesucristodo meáiruiñeno cue úrillena cue comeci jítailafue. Afe daje bífuego iere ocuírídicue. Birui cue illáfuedo jiáimaci Crístomo aillo ñúefue nitádiaioi. Afe bie nita baimo, nai jamánomo íaioi nitállena jítáidicue. Nibai cáaiticue, nibai títicue dama mei áfena lloñédicue. Dama Jesucristomo ñúefuiaina nita daidicue. ²¹ Nai tíñeno cue jáicaiadi, Cristo comeci jítainafue cue fínuana jamánomo naga raa baimo gáidicue. Iemona nai cue cáanafue ñuera; íemo jiái cue tille jamánomo baimo ñuera. ²² Mei íadi bie cue abido nai cue caana llezica, cai Ocuíraima comeci jítainafue bíniemo jino denóllena táijifireitícue. Meita bie mena cuemo itífuemona nífue nizeda óitícueza onóñédicue. ²³ Nai feire jánaideza, bie ménafuedemona nífue óitícue. Aféfuena ñue cue onuille féirede. Mei jiáifodo caifo Cristo diné cue jáillena tíiacadícue; bie izóidífue cúemona jamánomo ñuera. ²⁴ Mei íadi jiáie izói omoi cígido bie caana abido cue jáicallena, ómoiena iere jítáirede. ²⁵ Mei daa bífuena jaícina onódicue; omoi diga nai cue ícaillena ñue onódicue. Omoi diga cue íllena jítáirede, omoi ñue ñnogafue nágarui jeire omoi cue otátallena. Ua ómoiri cue illa jítáirede, jae jeire omoi ua izói afe baimo jeire omoi óllena. Daje izói omoi ñue ñnogafuedo omoi ióbioicaillena, omoi cígiri cue ícaillena nai jítáirede. ²⁶ Mei daí nana omoi cígiri íitícue. Afe uire cue bílledo Jesucristona jamánomo aillo ióbitaiti omoi.

²⁷ Cristo ñúefuiaí úbicaillano, afe izói nágarui omoi illafue ñue jaícina jóoneri. Nibai omoi cue érozaiadi bifue jeire omoi úamona, omoi illa ñúefuena fidíacadicue. Daje izói ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáazieta caimare omoi jaináillana onóiacadicue. Daje izói jílloilluaimona lloga ñnogauaimo izire omoi níciduana fidíacadicue. ²⁸ Daje izói omoi bacáuai ímiaina due omoi jáicaiñenana cuemo omoi lloiri, daidicue. Afe omoi jáicaiñenafue, niné íaioi táinocaillifue uáfodo jino llotátate. Mei íadi daje llezica omoi jílloillifue uáfodo jino llote. Bie omoi onóitainafue Juzíñamui dibénemona bite. ²⁹ Mena rafue Juzíñamui ómoimo mamede. Nánorafue daide:

Cristo uaina iere jeire órediomoiiza.

Nane jiáifue daide:

Cristo ñúefue jeire omoi ua méifomo, afémie ícoiri duere zefuífirediomoi.

³⁰ Cue naa ómoiri daje fuirilla izóidífuego iticai. Naui cue fuirídímie izói íllana ciódiomoi. Ja birui fuirídímie izói, nai cue jáicana ráfuena onódiomoiiza.

2

Cristo jamánomo uáitagamieta jaide ie méifomo Juzíñamui jamánomo ñue ébifue íemo nitade

¹ Ja birui Cristo ómoina náicaitarede. Afémie ómoina izíruillano, comeci zúurenaimona omoi comécina cáimacaitarede. Ie Ñuera Joreño omoi diga ite. Conímana izíruillafue dúecaillafue diga afe dibénemo ití omoi. Nana bífuiaina omoi onónamona, mai cue omoi ióbitari. ² Ua caimare ñue omoi illífuedo cuena ióbitari. Afe izói daje izíruillafuego omoi jaináinamona cuena ióbitari. Afe mei dájemo comeci jítainafue jeire omoi úado cuena omoi ióbitari. Afe emódomo

dáafuemo omoi comécinado cuena omoi cáimacaitari. ³ Dani omoi comeci jitailla izói mamériñeno iri. Fia abi ñnuafuedo nífuena lloñeno iri. Mei íadi comeci mánainafuedo omoi mamériri. Omoimona illa dígamierie omoi aino cómena o baimo comécina ñuera, omoi daiífireiri. ⁴ Dani omoi ñue illáfuenta jenóñeno iri. Mei íadi nana jíaimaci ñue illáfuenta omoi jenori.

⁵ Cristo Jesús comeci mámia izói, dájemo comeci omoi mameri. ⁶ Nano fueñe ie illa llezica afémie daa Juzíñamui izoide. Juzíñamui izói ie illa ríino afémie mo ite. Mei íadi ie fiénocaiga ríinona “Raíre meine cue olli” daiíñede. ⁷ Mei íadi afémie Juzíñamui izoína llezica afe íemo ite ríinona oni eneno fiénocaide. Fiénocaillanona jiba ñima jécia izói Cristo jéciga. Daií ie jécinamona fia jamai táijitagamie bie éñiedo jáicana izói jáicade. ⁸ Jamai cómena ie illa llezica jamánomo comécina mánaidimiena abí mamede. Daií mámiano ie Moo Juzíñamui daínauai jeire uano dama tízaide. Ua aillo meáire cruzmo tízaide. ⁹ Ie jira Juzíñamui jamánomo aillo ñúefue íemo nitade. Ua áfemona nana jíaie mámeciaí baimo jalléidicina Juzíñamui íemo jítade. ¹⁰ Daií bie mámecina Juzíñamui íemo jítade, nana comini ie anamo dújuillena. Ua afe Jesús daínacina íaioi cacánamona nana monamo itínuaí, bie éñiemo itínuaí, daje izói éñie anamo itínuaí cañícido ie anamo dújuítiaioi. ¹¹ Daií dújuillano nana comini comécido íena ónuano, Jesucrístona nahí Ocuíraimana dáítiaioi. Daií daínado Moo Juzíñamuimo ñúefue nítaítiaioi.

Crístomo jaináidino bíñie egáíñotino izóidiaioi

¹² Mei jira, cue izíruiga ámatiaí, nauí omoi cígiri cue illa llezica jaca ómoimo cue llogáuaina jeire otíomoi. Ja birui ómoimona jica itícue mo, nauí omoi úana izói, afe baimo aillo jeire omoi oíri. Dani omoi jíllonafuemo comécina mánaidimie izói jacíruiocana áfemo omoi comécioiri. Aféfuenta nana comínimo ñue jino omoi denóicairi. ¹³ Mei Juzíñamui afe ñuera comeci óiacanafuiaí ómoimo fecádimie. Afémie dama ie comeci ñue jítainafuedo ómoína canófirede, omoi comeci ñue óiacanafuiaí jino denóllena.

¹⁴ Bífuaí jino omoi denolle llezica nana omoi jetácafuaí fiéni úriñeno omoi finori. Daje izói áfena júfidoñeno omoi finori. ¹⁵ Iemona bie izói omoi iri ninena jíaimaci ómoimo íaífue jóoneñeillena. Daií nífuenino omoi iri, áfemona íaífuenidínona omoi ílleza. Mei daií omoi íllamona, comécina íaífue mo féitate figóñede comini cígiri, Juzíñamui úruiaína mamélliomoi. Iaioi cígiri, ucudu caifona bie jítirede éñie egáíñua izói, ie izói comini comeci jítirenana egáíñoitiomoi. ¹⁶ Afe egáíñuado zíiñona cáataite uai íaioimo jino llóitiomoi. Daií Cristo billíruimo ómoiri meáidaiñeno caimare abí ñnoíticue. Daje izói omoi ñue illáfuedo nauí ómoiri iere cue táijinafue táinomo jífanofiñenana onódicue. ¹⁷ Nauí ñúefuenta omoi ñnuaruimo dani omoi illáfuenta Juzíñamuimo llotíomoi. Birui nai omoi ñnogafue ñue jáicina cue jóoniamona, ñibaí benó cue tíadi, áferi cáimacaiticue. Afe llezica omoi cánuaíbiga íóbillafueri íóbidicue. ¹⁸ Daje izói caimare omoi iri; cue cáimacailla dibéfuemo jeire omoi oíri.

Timoteo Epafrodito díga Filipos comínimo oréillifue

¹⁹ Cai Ocuíraima Jesús comeci óiacania, Timotéona omoi eróizaitaiticue. Omoi illafue afémie abido cuemo lluaíbiadi, iere áferi cáimacaiticue. ²⁰ Cue comeci faca izói, comeci facade jíaie cómena íñede. Dama Timoteo cue izói comeci úrilla. Dama afémie omoi ñue illífuemo uáfuenta comeci facáoifirede. ²¹ Nana jíaimaci dani íaioi comeci jítainafue jenódiaioi. Cristo Jesús dibéfuenta lloñédiaioi. ²² Afémie cuemo ráifinafuenta náganuaímo jino cíotagaza onódiomoi.

Ñúefue jino cue llócaillado afémie cue diga, jitó izói jáicaide. Ua moo ie jitó diga táijicana izói cue diga táijicaide. ²³ Cuemo ite itífuiaí jino déillana ñue cue onóadi, bie Timotéona omoí méiñOtaacadícue. ²⁴ Cai Ocuíraima ñue ñnotícue. Iemona nibai ómoína raire dama eróizaibitícue.

²⁵ Daje izói cúemona uáfodo jóideza, cue ama Epafrodito omoí cígimo jáirena. Afémie cue táijnana nabáifiredímie. Daje izói fuirilla izói cue llócaigafue nabáifiredímie. Mei íadi nauí cue jitaica raamo táijillena omoí cuemo orécamié, abido ómoímo orédícue. ²⁶ Mei afémie nana ómoína izire cióacade. Ie irárenana omoí fidínamona afémie comeci iere járitaide. ²⁷ Uáfuenta iere irárede; tíllanomo figo dúcide. Mei íadi Juzíñamui íemo dúecaillano íena jíllotate. Dama afémiemo dúecaiñedeza; mei jíai daje izói cuemo dúecaide. Ua Juzíñamui cuemo dúecaide, cuemo ite zúufuiaí baímo jíaié aillo comeci zúufuiaí cuemo bíñeillena. ²⁸ Iemona íena iere oréacadícue, raire afémiemo omoí érocaillano iere omoí ióbicaillena, cue zúucaillafue raire niné féilleza. ²⁹ Bie Epafrodítóna mai jamánomo caímare omoí uáidori, Juzíñamuimo izire jainaide ámaza. Nana ie illa izóidímiaí caímare jacíruioicana íaioímo mai omoí cacáreiri. ³⁰ Ua afémie Crístomo táijnafuedo tíllanomo figo dúcide. Dama ie cáanafue jacíredífuemo afémie jóonete cuena canóllena. Ua omoí bíninamona afémie cue cánuaibillena iere jamánomo nícidote.

3

Uáfuenta Juzíñamui ióbilla cai ñue jáicina illafue

¹ Cue ámatiaí, mai cai Ocuíraima omoí ióbioicairi. Cue cüegafue meine ómoímo cue llole cuena áfedua izói íñeite, mei íadi ómoína iere ñue canode. ² Íairuiga jiba jico izói fiénidífuemo itímacimona abí omoí rairuiri. Omoí bacano icoí quetátáfirediaíoi. ³ Cai bie ua quetácamacinaza. Cai bie cai joréñodo Juzíñamui ióbillamacidícai. Fia jínofenemo cioide raana ñnoñedícai. Cristo Jesús íeíena cai íllari caímátaidínodícai. ⁴ Bífuiaímo aillo cue ñnoregafuiaí ite íadi, áfena lloñédícue. Cue baímo buna aféfuiaímo ñnonide. ⁵ Cue jocóinamona ocho dígarui íllamona cue bacano icoí quetádiaíoi, mei nahí ísraelita nairaí ímiedícueza. Cue bie Benjamín izíemo jaináidímiedícue. Cue jocóinanomona hebreo ímiedícue. Ua hebreo ímie jítódícue. Judíuaí ocuícáfue jino cue dobáíñuamona cue bie fariséodícue. ⁶ Jacire ocuíoídimie izói Crístomo jaináidino fállena íaioína racadícue. Judíuaí ocuícáfue lloga ñue jáicina illafue dibéfuemo, jaca nífuenidímiedícue. Bu úaitañegamiedícue. ⁷ Mei íadi nana bie nauí cúemona aillo ráifidífuiaína, ja birui aféfuiaína Cristo ícoína náfueñedícue. Ua aféfuiaína jamaí ráifiñedífuiaí izói áfemo comécidícue. ⁸ Afe baímo aillo jíáífuemo comécidícue. Cue Ocuíraima Jesucrístona cue onóillífué, nana cuemo itífuiaí baímo aillo ráifide. Iemona cuemo itífuiaína féitaticue. Cristo ícoína naga cuemo itífuiaína cue féitaga. Ua aféfuiaína oni dotáacaiga raa izói comécidícue, afe íbana Cristo cue náamatallena. ⁹ Daje izói cue afémiemo jaináiacadícue. Ocuícáfuenta cue ñnuamona ñue illáfuenta llínotícue. Mei íadi afe ñue illáfuedo Crístomo jáinaiñeítícue. Jesumo ñnotinomo Juzíñamui iga nahí ñue illáfuedo Crístomo jáinaitícue. ¹⁰ Cue comeci jítainafue Cristo cue onóillena. Daje izói ie tíllanomona meine abido cáatate ríinona, “Cuemo iri,” daidícue. Afémie duere zefuilla izói duere zefuícadícue. Afe daí ie tíllaruimo ie illa izói ítícue. ¹¹ Afemona tíidínuaí meine cáallífuemo ocuírídícue.

Cristo fueñe cue ocuilla izói cue jáillena, fuirilla izói izire nícidocana uiticue

¹² Ja nana afe bie mamérillafue oticue daiñedicue. Daje izói comeci jaícina ñue jóidimedicue daiñedicue. Mei íadi Cristo fueñe cue ocuilla izói íacadicue. Ie jira nágarui aféuaimo nícidocana uiticue, afémie cuena daína izói cue jáillena. ¹³ Cue ámatiai, bífuiaimo ja dúcidicue dama daiñedicue. Mei cue nahí finóacaigafue jáífodo jóide. Naui cue illáfuenta féitaticue. Afe llezica nahí como cuemo déioicaiticue mo riire comécidicue. ¹⁴ Aizídino raire mózizailla izóidinomo dúciacadicue. Juzíñamuimona fia jiríddolle raa izoide cue llínuaibillena, Juzíñamui monámona cuena uáidote. Crístomo cue jaináinamona afe jiríddolle raana máíñoiticue.

¹⁵ Cáimona nana ínogafuedo ñue móonaitino, mai bie izói cai comécioilli. Jáífodo omoi coméciaidi, Juzíñamui áfena ómoína fidítaite. ¹⁶ Mei íadi bifue mai cai náfuelli: cai onóigafue izói mai ñue cai illi. Daje izói ñue jaícina mai cai comécioilli.

¹⁷ Cue ámatiai, naui omoi cígiri cue íllana cíodimomoiza, afe izói omoi iri. Omoimo cue cíotagafue jeire otínomo izire comeci omoi facáoiri. ¹⁸ Ja aillo Cristo tíllafuena uáitatino íteza. Iemona diga icaiño afémacido ómoimo lloticue. Nane zuure ébicaillano dáanomo ómoimo llóiticue. Afémacimona abí omoi rairuiri. ¹⁹ Bie izói itino írairuimo niné táinocaitiaioi. Dani íaioi abi jítáinafuiaína daidíaioi:

—Bie cue juzíñamui, —daidíaioi. Meáirede raana meáiruñediaioi. Mei íadi áfedo abí ínnotiaioi. Fia bie énie ífuemo comécidiaioi. ²⁰ Mei íadi cai nana caifo mona imácidicai. Cai nana, cai jíllotade Ocuíraima Jesucristo monámona bíllemo úiñotíca. ²¹ Cai zíñoñede abina afémie méiduaibite, afémie ie abi ebire cioina izói cai íllena. Afémiemo ite ríinodo naga raana náamatade. Iemona afe daje íemo ite ríinodo cai abi ífuena méidoite.

4

Jaca cai Ocuíraimamo caimátaioicairi

¹ Cue izíruiga ámatiai, mei ómoína iere cíoiacadicue. Omoi cue ióbioinamacidimomi. Iemo cue jiríddolle raa izóidimomi. Ua cue izíruigamacidimomoiza; mai cai Ocuíraimamo jaícina riire omoi comécioiri.

² Evódiana mámeceiringo íemo Síntique diga, izire jicádicue, dáafuemo ómingo coméciri. Mei cai Ocuíraimamo jaináinamona ebúñona maméidimingoza. ³ Daje izói jáimie mo úriticue. O, cue tájinado jaca ñue cuena nabáidío. Ua cue ínoga nábaidío. Jira bie cai miríngotiaína o canótaiticue. Mei afe íainguai cúeoiri afe jíllona uai cue llócaínado nícidocaidiainguai. Bíainguai, Clemente diga naa jáimieoiri cúeoiri tájicadiaioi. Nana afémaci mámecei ja Juzíñamui zíñoña illino óitino mámecei cúeinanicomo cuega.

⁴ Nágaruillaído cai Ocuíraimamo mai omoi caimátaioicairi. Nane dáanomo daidicue, mai caimátaioicairi. ⁵ Omoi comeci mánaina naga cómemo, mai cíotaitimomoiza. Cai Ocuíraima billíruimo ánozideza. Cai áinori íteza.

⁶ Omoi comeci nífuemo jaritaitañoeno iri, mei jáífodo naga ómoimo comuídfuiaína Juzíñamuimo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Iere figora” mai omoi daífireri. ⁷ Ie mei Juzíñamui comeci caimare uái illafue ómoimo íteza. Bie comeci uái illafue comini onoiga táinofue baímo ñuera. Afe caimare uái illafue omoi comécina

ñue ráiruite. Daje izói omoi comeci jarire úrillafuena ñue manánaitaite. Mei Cristo Jesumo daane jáinaitiomoiza.

Ñúefuiaimo comeci omoi facáoiri

⁸ Cue ámatiai, íraicaiño omoi llóiticue. Nana nahí uáfuiamo omoi coméciiri. Daje izói nahí caimare jacíruioigafuiamo omoi comécioiri. Daje izói nana jaícina illáfuiamo omoi coméciiri. Afe izói nana íainidífuiamo omoi coméciiri. Daje izói nana ióbillafuiamo omoi coméciiri. Daje izói nana caimare jalléinafuemo omoi comeci uibíoiri. Nana bie ñúefuiaimo omoi comécioiri. Daje izói nana ñúefuena nitáfíreganomo afémacimo omoi uibíoiri.

⁹ Omoi cue llófuia izói mai omoi iri; ómoimo cue lloga lletárafuiamo mai omoi ñnori. Cue dáinana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfírede Juzíñamui omoi diga ífíreite.

Filipo imaci fia fecaca raa Páblomo orédiaioi

¹⁰ Meine nane cuemo omoi coméciillari cai Ocuíraimado iere ióbidicue. “¿Ñibái mei cuena féitaiomoi?” ómoína daiíacañedicue. Cue omoi canóacana raa átiitimie íñédeza, onódicue. ¹¹ Cue ráaninari ómoína fieni úacaiñedicue; cuemo ite raari cue ióbillana ja fibídicue. ¹² Duere cue íllana fibídicue. Daje izói aillo cue jitaica ráaniai íllana fibídicue. Nífue cuemo comuíadi, afe izóidífue cue ocuállana ja fibídicue. Nibai jeíredicue, nibai jufíruiticue; afe izói caimare cue íllana fibídicue. Güiga alla cuemo íadi, mei cuemo íñeniadi daje izói ñuera. ¹³ Naga cuemo eróicana comuide raana ocuiredicue; mei Cristo cuena ríiduado ocuiredicue. ¹⁴ Mei íadi cue dúerena llezica cuemo omoi dúecaillamona, cue omoi cánua ñuera. Diga icaiño duere cue finóinari omoi zúunaila cuena náicaitade.

¹⁵ Omoi Filipos imáciidiomoiza, daje izói bífuena onódiomoi. Nano fueñe jállona uai cue llócaina llezica, daade cue canófiredinodiomoi. Ua Macedóniamona oni jáinomo cue jailla llezica daade cue canode Jesumo ínotinodiomoi. Fia fecaca ráaniai cuemo oréfirediomo. Afemona comínimo cue feca izói, íemo íaioimona cue llínua izói, afe dájemo naa ómoiri táijidinodici. ¹⁶ Nai Tesalónicomo cue illa llezica, omoi diga ícaiño, fia fecáfíreiga ráaniaina cue jitaicaniaina cuemo orédiomoi. ¹⁷ Fia ráaniaina cue llínoiacanamo coméciñedicue; mei íadi cue comeci jítaillafue, Juzíñamui uíecomo ómoimo aillo ii, daídicue. Iemona daií aillo omoi ofítaga raana uire maiñóritiomo. Afemo coméciidicue. ¹⁸ Mei nana jae cue llínoga. Afena cue jitaica ráaniai baímo ja llínoticue. Epafrodítodo cuemo omoi oreca ráaniai figo baite. Baímo cue jitáillena íñede; ja aillo íteza. Cuemo fia omoi oreca ráaniai iere Juzíñamuina ióbitade. Daií cuena omoi cánuado, Juzíñamui comeci jítaina finódiomoi. Aferi Juzíñamui ióbicaillano afémie áfena jeire ote. ¹⁹ Cue ínoga Juzíñamui nana omoi jitaica raana ómoimo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo ite ráaniai izói, afe izói ómoimo fécaite. ²⁰ Mei ñuera ebíredífue cai Moo Juzíñamuimo jaca íoicaideza. Daiítadeza.

Íraicaiño uáidonocailafue

²¹ Cue dibénedo nana Juzíñamuimo jáináidino Jesucristo mámedido omoi uáidori. Cue diga ite cai ámatiai ómoimo uai orédiaioi. ²² Nana benomo ite Juzíñamuimo jáináidino daje izói uai ómoimo orédiaioi. Romano nahíllaíma jofomo itino iere ómoína izire uáidoiacadiaioi.

²³ Cai Ocuíraima Jesucristo nana ómoina ñue éziciteza. Mai daiítadeza; jae ñie.

COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

Pablo Colósamo ite Juzíñamuimo ñnotinomo cuete

¹ Cue Páblodicue. Iemo cue nabai Timoteo diga ómoína uáidotícoco. Juzíñamui comeci jítaina izói Jesucristo orécamiedicue. Afe orécamiedicue daiíacana uai, Jesucristo ñúefuena llujítagamiedicue. Cue ama izóidimie Timoteo diga, ² Colosas jófuemo ite féitaño ñnofirede ámatiaimo bibe cuetícoco. Omoi daje izói Crístomo jaináidíomoi. Cai Moo Juzíñamui ómoimo caimare eróicaiteza. Afe llezica Juzíñamui dibénemo icíriño uái illifue Juzíñamui ómoimo fécaiteza.

Pablo Jesumo ñnotinona Juzíñamuimo úrite

³ Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daiífiredicoco. ⁴ Mei Cristo Jesumo omoi ñnuana cócona ja fidítatiaioiza. Daje izói Juzíñamuimo jaináidinona omoi izíruillana cócomo llotíaioi. ⁵ Afe bie izói itíomoi, mei monamo ómoimo éenoga maiñolle raamo ñue ocuiritíomoi. Afe ómoimo lloga ua uai omoi cacánamona, ñue ocuiritagaomoi. Afe lloga ua uai ñuera jílona uai. ⁶ Afe daje lloga uai náganuiaimo llócaillado oni aillo mónaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cígiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷ Cai izíruiga ama Epafras bie ñuera uai ómoimo llófuete. Afémie nauí cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crístomo féitaño iere ñnofiredimieza. ⁸ Afémie Ñuera Joreño ómoimo comuítaga cuena omoi izíruillafue cuemo lluíbite.

⁹ Jira áfena cai fidínaruimona biruimo jaca fáicanocaiño ómoiena Juzíñamuimo úrifiredicoco. Juzíñamui comeci jítainana ñue omoi onóillena afémiemo jicáfiredicoco. Daje izói nana jáíforie ifoci úrillana omoi onótallena jicádícoco, naa Juzíñamui dibénedo onóigafuíari. ¹⁰ Afe bíemona cai Ocuíraima Jesumo jaináidíno illa izói, ñue íredíomoi. Mei afe izói omoi ille jítáiredeza. Daií omoi illamona afémiena nágarui íóbitaitíomoi. Afe afémie íóbillá raa be ñie: Riga llizíllajíai aillo illa izói, omoi finoca ñúefuíaina aillo omoi jebuítallena; íemo jíai Juzíñamuina jamánomo ñue omoi onóillena. ¹¹ Daje izói nana cai ebírede Juzíñamuimo ite ñuera rínodo omoi ñue náireillena afémiemo jicáfiredicoco. Daií jicáfiredicoco nana ómoimo cómuitifuíaina járitaiño fáicana omoi ocuíoillena. Daje izói caimare aféfuíaina omoi ocuíoillena ómoiena jicádícoco. ¹² Nane daií omoi comeci náireillamona caimare cai Moo Juzíñamuina “Fere figora” omoi daiífireillena jicádícue. Mei nana afémiemo dúidíno ie fécalle zíñona illifue ómoiena batí Juzíñamui illa úzeredíno omoi maiñóllena, afémie ómoína ñue finódeza. ¹³ Mei uáfueza, Taiíe ocuífírega jítifomona Juzíñamui caina jílolate. Jílluano ie izíruiga Jitó illáimana illánomo caina jóonete. ¹⁴ Mei afémie Jitó tíllado, caimo ite íaífuíai féitajano, Juzíñamui caina jílolateza.

Cristo tíllado Juzíñamui diga icíriño dájena uái itícaí

¹⁵ Afe bie cai Moo Juzíñamui jaca cíónenamie íadi, comíni cíónamie izói ie Jitodo ana bite; íemona afe Jitó Juzíñamui ñie ua izóidena caina onótate, naa

ie comeci ífuiairi. Afe Jitó nana comuítaga ráaniai baimo jamánomoidimie. ¹⁶ Juzíñamui ie Jitodo nana monamo itínuiaina finótate, naa éniemo itínuiari. Cíoide ráaniai naa cíoñena raa diga, nana afémiedo Juzíñamui finoca. Mei uáfueza, daa fiéñeno, nana afe cai cíoñena ríinoredinona naa ocuídillainiri, íemo jái Juzíñamui abi imaci diga, dáamiedo finócaiaioi. Nana afe ie Jitodo finoca. Daje izói afémie íena finoca. ¹⁷ Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiño ñue jaícina itíaioi. ¹⁸ Afe baimo Cristo nana afémiemo jaináidino afe ifo dainámie. Iemo nane afémiemo ínotino ie abi dainamáci. Afémie afe bie ie abi daina ínotinona ziiñona cáatatimie, mei afémie tíidnomona fueñe meine cáadimienaza. Afémie daí fueñe meine cáadimiena jaide, nana itífuiai baimo jamánomoidimiena íllena. ¹⁹ Nana Juzíñamui ziiñona illa izói, nana afe izói Cristo íllena Juzíñamui jitaide. ²⁰ Nane daje izói afe Cristo tíllado, Juzíñamui nana afémie comuítaganuiaina icírafuenino dájena caimare uái illífuemo jóoneacade. Mei uáfueza, nana bíniemo itífuiai naa comini diga, íemo jái nana monamo itínuiari, Cristo cruzmo tíllado Juzíñamui éoiño dájena caimare uái itátaacade.

²¹ Naui diga íaifuiai omoi fínuamona Juzíñamuimona iere jicánemaci izóidíomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga ómoína icírafuenino dájena uái illífuemo jóonete. ²² Cristo tízailla llezica ie abi izi cácanado, Juzíñamui daí ómoína caimare dájena uái illífuemo jóonete. Afémie bie izói finode, íaifuenidinona, daje izói níifuenidinona afémie uícomo cai ie jóoneillena. Uáfueza, afémie bie izói finode íeiena cai íllena. ²³ Bie izói uáfueza omoi íllena, fáicanocaiño jaca ínoredíomoi. Afe izói amena ana jica jainade riire illa izói, riire íredíomoi. Daje llezica ñuera jíllona uaina omoi cacánamona omoi maiñoca caimare ocuírillafuena fáinocainidíomoi. Afe bie ñuera jíllona uai ja náagobiaido llócaiga. Iemo afe izói afe llócaigamo cue jái canódícue, mei afe uai llócaillena Juzíñamui jóonenocaigacueza.

Pablo Jesumo ínotino cánoitimiena jóonega

²⁴ Birui omoi ícoinia duere cue zefuállari íóbidícue. Mei áfedo Cristo abi daina afémiemo ínotinori nana uícodo lloga nai duere cue zefuállana ñue ícoimo fuitáredícue. ²⁵ Mei omoi ñue íllena Juzíñamui cuemo jóonenocaigafuedo nana afémiemo ínotino cánoitimiena jáidícue. Mei uáfueza, Juzíñamui nana comínina llóicaiga uai, afe uai jino cue llúana ícoimo fuitállena jóonenocaigacue. ²⁶ Afe bie ñuera uai jaiái nínómona ua biruimo comini figo onóñediaioi; diga ígímaiai záilla méifomo afe uai nai retáiruiga raa izói joide. Mei íadi ja biruimo íeiedinomo ja jino báifitate. ²⁷ Juzíñamui ja judíoñedinomo afe bie naui báinino íte uai ñuera áillue cámafueza jino ómoimo onótaiacade. Bie báinide uai daina, Cristo ómoimo illa llote. Iemo íco jáíruido ñue caimare omoi illífuemo omoi ocuírillena afémie jino dénoite.

²⁸ Cai bie Crístona jino uáfodo llotícaí. Afe llezica nana comínina ñue rairuídícaí. Daje izói nana ñúefuiai ñue íaioi onóillena afémacina nana llófiredícaí. Afe izói naga come Crístomo dájena jaináillamona afémie díbenedo ñue íaioi móonaillena llófiredícue. ²⁹ Bie cue fuitállena, nana Cristo cuemo iga máiriedo fúirienaila izói nágarui Juzíñamuimo izire jicáfiredícue.

2

¹ Mei bífuena ómoína fidítaacadícue. Jaca ómoíena iere fuirilla izóí Juzíñamuimo riire jicáfiredícue; daje izóí Laodicea jófuemo itino íena, íemo jíái nana cue uíécona cióñedino íena riire jicáfiredícue. ² Afémaci comeci náireillena fuirilla izóí Juzíñamuimo riire jicáfiredícue. Iemo afe comeci náireillamona conímana ñue íaioí izíruillena riire níciduano jicáfiredícue. Mei daíí dájena omoí jainaina jira, bie nauí figo báitañega uai Cristo omoí ínuua mei, omoí diga íllana ñue jaícina onóredíomoíza. Afe daíí uáfori jaícina afémíena ñue omoí onóíllena, riire níciduano nágarui Juzíñamuimo izire jicáfiredícue. Mei jíí, nana bie riire nícidotícue, figo ónoñega Juzíñamui ñuera uaina ñue omoí onóíllena; mei afe báíñega Juzíñamui uai dáina dama Crístoza. ³ Mei uáfueza, nana comeci jamánomo úrillafuiai naa onógafuiai afémíemo ite. ⁴ Bu ómoína ebírede uáíllaido bífueñeíllena, nana bífuiai ómoímo llóitícue. ⁵ Cue abi omoí cígiri íñede íadi, benómona jicana izire ómoímo comécídícue. Iemona daíí cue fídía izóí dájena caímare omoí íllari íóbídícue. Daje izóí fáicanocaiñeno Crístomo omoí ínuuari íóbídícue.

⁶ Jae caí Ocuífírede Jesucrístomo ñue omoí ínuamona ie lloga iodo jáiredíomoí. ⁷ Afe bie daííacade, amena riire jáinaja izóí, Crístomo riire jáináredíomoí. Iemo jíái daje llezica jáinónide jáíllirai izóí omoí íllena, nágarui Cristo uállai jeire omoí ua baimo jamánomo jeire ófireiri. Mei afe izóí llófuegaomoíza. Iemo afe llezica nágarui Juzíñamuina “fere figora” mai omoí daíífireiri.

Crístomo caí jáinánamona caí comeci cómuena méidoga

⁸ Mei birui ñue abí omoí rairuiri, baimaci omoí jífueacadeza. Afémaci táinodo ífoci úrillado, daje izóí íaioí lloga taino uáíllaimo jífuebíñeno iri. Mei afémaci Cristo dibénemo íñédíaoíza. Mei jíáfodo jaii nínomo comíni lloga taino uai dibénemo jáináidíaoí. Daje izóí dama bíníe raa dibénedo comíni comécííllafuiaiimo jáináidíaoí.

⁹ Mei íadi nana Juzíñamui zííñona ñue illa díeze, afe izóí Crístomo nana ñue jaícina ite. ¹⁰ Iemona Crístomo dájena omoí jáinánamona, Juzíñamuina oruide comíni izóidíomoí. Afe Cristo nana monamo ite ocuídíllainina, naa caí cióñena ríinoredínona ocuífírede. ¹¹ Iemo nane daje izóí Crístomo dájena omoí jáinánamona ja bacano ícoí quetácano izóidíomoí. Mei íadi ua quétañegaomoí, mei jíáfodo nanómona omoí jocoina llezica ómoímo ite íaífuemona ja jíllodíomoí. Mei ua, bacano ícoí quétaja izóí, omoí fiénidífuemona quetaca izóí jíllodíomoí. Afe bie quetáfírena Crístomona comuide. ¹² Iemo nane jíáfíuemo cacáreiri. Mei omoí báutizanamona Cristo éníemo ana raia izóí ja raigáomoí. Bie nanómona omoí fiéni finócafuii titaca izóí, ja fáicanocaitíomoíza. Iemo Juzíñamuimo ite áíllue ríinomo omoí ínuamona Cristo izóí cómomíena afémíe diga ja cáadímácina itíomoí; mei Juzíñamui dama íemo ite ríinodo Cristo tíide meine cáatateza. ¹³ Nauí jíáíruido ómoímo ite íaífuiaímona comeci díne tíidíno izóidíomoí. Daje izóí quetátañena judíuaiñedíno omoí illa llezica, omoí fiénide óiacanafue jeire omoí úamona, comeci díne ónonino tíidíno izóidíomoí. Mei íadi birui Juzíñamui nana omoí fiénidífuiaí féitajano, dájena Cristo diga ómoína abído cáatate. ¹⁴ Caimo ite íaífue íballe raa izoide. Afe caí íbañenia tíiredícaí. Mei íadi Cristo tííllado Juzíñamui caí íbácana záítate. Afe caí íbácana Juzíñamui fiébíñeno ñue íbaja Cristo cruzmo coráíado ácatate. ¹⁵ Mei afe llezica Cristo cruzmo tííllado, monamo ite ocuídíllainina, naa cióñena ríinoredínona

afémie riinitade. Afémie uáfori íaiói illáiena báiruado, nana afémaci baímo ie jamánomoidimie íllana ácatate.

Monamo ite ñúefuíaína omoí jenori

¹⁶ Mei bíemona ninó dáamie omoí güille dibénedo omoí jánana júfidoiadi, áfemo mai náfueñeno omoí iri. Daje izóí omoí júrua dibénedo ninó dáamie fiéni ómoína úriadi, áfemo náfueñeno mai omoí iri. Iemo jiái dáarie judúuai lloga ráfuiáimo eneno omoí coméciiñenado, ninó dáamie omoí jánana júfidoiadi, áfemo mai náfueñeno omoí iri. ¹⁷ Mei nana bífuiái, uire Cristo billifue dibénedo comíni ñue onóíllena canódeza. Mei íadi Cristo billamona afe cai onótatífuiái jítaiñega, mei dama Crísto nana uafue raa báífideza. ¹⁸ Iemona nino dáamie ómoína fiéniruiadi, mei afémie táinona mánaidimiena íllana ómoímo ácatateza, áfemo náfueñeno omoí iri. Daje izóí afémaci diga Juzíñamui abi imaci ómoína ióbitafireiadi, áfemo náfueñeno omoí iri. Mei afémaci ónoñega nicaí anado ciófirena raado úrifirediaíoi. Afémaci jiba come comeci fácafuiáido abi iere ínofirediaíoi. ¹⁹ Afémaci Crísto dájena jaináíñeno itíaíoi. Mei jiáífodo Cristo nana íemo ínotino ífódimie. Afe ifo izóí mamécamie nana ie abi écaja izóí comécina náretajamona afe abina móonaitade. Afe izóí nana ie abímo jaináidino conímamo dájena jaináitajamona, ie abina móonaitade. Afémie Juzíñamui mamérilla izóí nana bífuiái ocuífiredede.

²⁰ Mei Cristo tíllaruimo afémie diga tíidino izóí jáidiomoi; bie daííacade nanómona omoí fiéni finócafuiái titaca izóí omoí fáicanocaigaza. Afe llezica bie énie ocuífiredede cai cióñena riñoredinomona zuitácamací izóí jáidiomoi. Iemona ¿ñibái mei nai bíniemo dúidino izóí ífirediomoi? ¿Ñibái mei ie ocuífafuemo jeire otíomoi? ²¹ Dáarie bie íaiói ocuica fimairilla uáimona bie izóí daide: “Bie riñeno iri,” íemo jiái “Afeniáina güiñeno iri,” íemo nane jiái “Baie jetáñeno iri,” daide. ²² Nana bie rairuúllafuiái bie éniemo ite jétamona fúioicáite güílleniáimo dúide. Jira aféfuiaímo náfuenidiomoi. Nana afe íaiói ocuica uailái fia jiba comíni dáina uailái. Daje izóí fia jiba comíni llófuega. ²³ Mei uáfueza, afe bífuiái báitafuiái izóí cacáreide, mei afe ocuídino, “Bie cai dáina izóí monamo itínona mai omoí caimátáifireiri” daí daídíaíoi. Daje izóí fia comíni dáina comécina mánaidínona ómoína oréacadiaíoi. Iemo jiái comíni íaiói abi táinona duere zefuítatíaíoi. Mei íadi nana bie íaiói ocuífafuiái cai comécimo ite fiénide óiacanafuiái rairuúllena canóñede.

3

¹ Iemona, Cristo diga meine abido cáatagamaci omoí illa jira, mai mei mona dibénemo ite raa omoí jenori. Mei afénomo Jesucristo Juzíñamui nabézimona illáimana íteza. ² Daje izóí mona dibénemo ite raamo comécillano áfemo omoí járitaifireiri. Mei jiáífodo bíniemo ite ráfuiáimo izire comeci uitáñeno omoí iri. ³ Mei Cristo tíllaruimo afémie diga jae tíidinona jáidiomoi. Jae omoí jaiái fiéni finóacagafue titaca izóí afe omoí fáicanocaiga. Iemo ja birui Crísto dájena omoí jaináinamona omoí uáfueña cáatagano; íemo jiái Juzíñamui díno rairuúcaomoi, mei Cristo daje izóí Juzíñamuimo dájena jaináideza. ⁴ Dama Cristo cai uáfueña cáatagano. Iemo afémie cíocaille llezica, afémie diga cíocaitiomoi. Afe llezica aféniemo ite jamánomo ebírede ñúefuíaímona ómoína máíñoitíomoi.

Cai jaiái illafue méiduoano cómfuedo jáiredicái

⁵ Ie jira nauí bie éniemo omoí jainaina jira, ómoímo diga fiéni óiacanafuiái ite. Aféfuiaí tílalle izóí mai omoí fáicanocairi. Naga áinidimie ringo diga jaca iñeno o iri. Iemo jiái, áiredimie ie áíñedingo diga jaca iñeno o iri.

Iemo daje izói jiáie cómemo íaifuiado coméciño omoi iri, íemo jiái omoi abímona comuide jiruífuenta omoi finóñoeno iri. Daje izói omoi comeci fieni óiacanafuenta jeire oñoeno omoi iri. Iemo nane jiáie cómemo úradoiñoeno omoi iri, mei úradoifiredimie diga raa óiacanamona jánaraimo caimátaidimie izóideza; Juzíñamui ífuiái baímo jamai bínie raana izíruiteza. ⁶ Ie jira nana bífuiaimona íemo cacáñedinona Juzíñamui iere duere finófiredede. ⁷ Iemo jaiái Crístomo omoi íñoñoena llezica, nana bie izóidifuiái finófirediomoi. ⁸ Mei íadi ja birui nana bie fáicanocairi: Jiáimamo icírriñoeno omoi iri, íemo riírede uailái bumolloñoeno omoi iri. Daje izói jiáie fiénidifuiái finóñoeno omoi iri. Iemo jiáima jánana úriñoeno omoi iri. Daje izói jiáima zanóllena fiénide uáillaído íaire úriñoeno omoi iri. ⁹ Conímamo táinona lloñoeno omoi iri, mei omoi jaiái fieni illafue jae méidogaza. Daje izói nano omoi finófirega jae fáicanocaigaza. ¹⁰ Iemo ja birui comue iniroi jita izói ñue illáfuenta ja méidotiomoiiza. Iemo afe comue illafue comuítatimie Juzíñamui. Ie jira ie illa izói afémie caina cómuena finótacana uite. Iemona afémiena ñue ícoímo ónoíticái. ¹¹ Afe jira afe cómomaci judío ímiena ie íllana náfuenidiaíoi. Iemo jiái judíoñedimiena ie íllana daje izói náfuenidiaíoi. Iemo jiái afémaci bacano quetácamienna ie íllana náfuenidiaíoi; daje izói quétañegamienna náfuenidiaíoi. Afe izói afémaci onínemaci íllana, íemo jiái onóñedino íllana, íemo jiái izire ocuífregano íllana, íemo jiái ócuifinigano íllana náfuenidiaíoi. Mei jiáifodo afémacimo Cristo iere jamánomo ráifinamona dama afémiemo náfuefirediaíoi. Mei Cristo naga íemo ínotinomo ífirededeza.

¹² Iemona bífueмо cácarei: Juzíñamui ómoína izíruite. Izíruillano afémie ómoína nize de ie íaifuenide comínina omoi íllena. Mei ie jira bie ñúefuiái izói omoi ífireiri: Jiáimacimo dúecaífireiri. Jeruíñoeno canófiredimiena omoi iri. Comécina mánaidimiena omoi iri, cáimafuiado úrifireiri, járidoñoeno omoi iri. ¹³ Conímamo jaca járidoñoeno fáicana omoi canori. Daa come jiáimamo icírriadi afémiemo ñúefuedo omoi jicari, áfedo icírafue záillena. Omoi íaifue ícoínia Cristo oni féitaja izói, afe izói jiáimie omoi fieni finóadi afe ícoínia oni o féitafireiri. ¹⁴ Nana bífuiái emódomo iere omoi izíruifireiri. Mei afe izíruillafue cómena dájena jáináitateza, jiáimaci diga. Afe daí jiáimacina cai izíruillamona, nana afe ñúefuiái jaícina caina finótate. ¹⁵ Iemona Cristo comuítaga caimare uái illafue omoi ifoci úrillana ífoiteza. Mei dáamací izói íemo cai jáináinamona afe bie izói cai íllena Juzíñamui caina uáidoteza. Afe llezica jaca Juzíñamuina “Figora” omoi daífireiri.

¹⁶ Mai mei nana omoi comécido Cristo daínauai jeire órediomoiiza. Afe mei aféuai ñue omoi onónamona conímama omoi llófueri. Iemo daje llezica áfedo conímama ñue onóicana comécina omoi náiretari. Iemo jiái Juzíñamui íóbitalliruai omoi rófireiri, jiáie íena caimátailliruai diga. Daí ruano omoi comécido Juzíñamuina “Figora” omoi daífireiri. ¹⁷ Mei jii, nana omoi jetácaga raa, íemo jiái ómoímo ocuica caimánidifue diga, naa omoi daíillifuiáiri cai Ocuíraíma Jesús mámecido omoi finófireiri. Afe llezica Moo Juzíñamuina afémiedo “Figora” omoi daífireiri.

Crístomo ínotinomo dúide comini diga finófirega uai

¹⁸ Daje izói bie jiái llolífuemo omoi cácarei. Iníredingotíai, mai omoi inítiai anamo ñue ífireiri, mei Crístomo ínotinguaina omoi illa jira, afefue íñoredeza. ¹⁹ Daje izói inítiai omoi áitaiña ñue izíruiri; afénguaina fiéniruiñoeno omoi iri. ²⁰ Uruiai, omoi móotiaína nágafuemo omoi cacáreiri, mei afe daí omoi íllamona cai Ocuíraíma íóbide. ²¹ Móotiai, omoi úruiaína ícidoñoeno omoi iri, afémaci jacínaillamona minícana finónide daí íaíoi íñeillena. ²² Ocuífregano,

biniemo ite omoi ocuídina nágafuimo ñue omoi cacáreiri. Daa afémaci ñue ómoimo comécillena afémaci fia eroina llezica ñue cacáreíño, mei íadi jíái daje izói afémaci éroiñena llezica ñuera comécido omoi cacáreiri, mei Juzíñamuina ñúfuedo jacíruiticaiza. ²³ Daje izói nana omoi finóacaiga raa, ñúfuedo finori. Comini dibénedo izói táijíño, Juzíñamuimo o táijina izói omoi finori. ²⁴ Mei ja onódiomoiza, Juzíñamui ómoimo lloga omoi jirídolle zíñona illifue afémie ómoimo fécaiteza. Mei uáfueza Cristo ocuícamacina maméidiomoiza. Afémie omoi ua Ocuíraima. ²⁵ Mei íadi fienu finódime afe ibana ie fienu finua dieze duere finóbite. Mei Juzíñamui jaca dáame oni énenorie maméñede. Nana daje dieze jaícina duere fínoite.

4

¹ Ocuíraini, omoi anamo ite ocuífreganomo ñue jaícina omoi eroiri. Afémaci jitaica raamo uibíoicana omoi ocuífreiri. Mei monamo omoi Ocuíraima ítena onórediomoiza.

² Mai fáicaiño Juzíñamuimo omoi úrifreiri. Jaca afémiemo cáoina izói úriri. Afe llezica “Figora” Juzíñamuina omoi daífreiri. ³ Daje izói cáiena Juzíñamuimo omoi jicáfreiri, cai Ocuíraima uailai ñue cai llócaillena. Juzíñamui bie izói caina itátallena omoi jicari. Daje izói naui comini figo ónoñega Cristo dibénedo uai, uáfori cue llófuellena omoi jicari, mei daí llófueredicueza. Naui afefue cue llua jira ja birui llavébidue. ⁴ Mai omoi Juzíñamuimo jicari, bie ñúfue cuemo dúina izói, onóreicana jino cue llóllena.

⁵ Crístomo ínoñedino cígimo jaca ñue onódime izói omoi ífreiri. Nágari Cristo illafue afémacimo raire omoi ácatafreiri. ⁶ Nágari cámafuiado úriedio. Daje izói jaca ñue oíacando o úriri, illa dígame uai ñue o óllena.

Iraicaiño uáidufue

⁷ Cai izíruiga ama Tíquico, cuemo birui itifue ómoimo llujite. Afémie fáicanocaiño iere cue canófredime. Daje izói afémie cai Ocuíraima cue diga ocuífregamiena ite. ⁸ Ie jira afémiena ómoimo óreitícue, birui cai illafue ómoina onótallena; íemo jíái omoi comeci náiretallena. ⁹ Afe llezica jíámie Onésimo mámedredime Tíquico diga jáite. Afémie cai izíruiga ama, íemo jíái iere ínofregamie. Afémie ómoimaci ie. Afe íaillinoi nana benomo ífredifuiái ómoimo llótiailinoi.

¹⁰ Iemo cue llavébillla llezica cue nabai Aristarco, uailai ómoimo orede. Daje izói Bernabé enaize Marcos uailai ómoimo orede. Marcos dibénedo jíáie lluáfuiái ja onódiomoiza. Afémie omoi méiñuadi, caimare íena omoi uáidori. ¹¹ Iemo jíái Jesús ómoina uáidote. Afémie jíái Jústona mámedredime. Juzíñamui illaima illano dibénedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue íóbitadino. ¹² Iemo jíái Epafra uailai ómoimo orede. Afémie ómoimaci ie. Daje izói Cristo ocuífregamie. Afémie ómoiena jaca izire Juzíñamuimo jicáfrede, fáicanocaiño Juzíñamuimo omoi ínollena. Daje izói Juzíñamui dibénedo ñue omoi mónaillena íemo jíái nana Juzíñamui comeci jítaina izói jaícina ñue omoi finóllena, afémie Juzíñamuimo jicáfrede. ¹³ Afémie iere ómoimo comécillana uaina nabáifredícue. Daje izói afémie jíái Laodicea jofue comínimo iere coméifrede, naa Hierápolis jofue comíniri. ¹⁴ Iemo jíái izíruiga manóriraima Lucas uai orede, daje izói Demas.

¹⁵ Iemo jíái Laodicea jófuego ite ámatiai uáidori. Daje izói Ninfas daínámie omoi uáidori, naa ie jofomo gairífrede ínotino diga. ¹⁶ Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje

izói Laodicéamo cue oreca rabe omoi diné dúciadi, nana omoi facátori. ¹⁷ Jiái Arquípomo lloiri: “Mai cacai, Juzíñamui omo jóonega ie táijina mai ñue jaícina o fuitari,” daíri.

¹⁸ Cue Páblodicue. Afena uafue daíllena, bie uáidua uai dama cue ónoido ómoimo cueticue. Onótiomoiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoido eróiteza. Mai daítadeza. Jae ñie.

NANOIDE SAN PABLO TESALONICA IMÁCI MO ORÉCABE

Primera Carta del Apóstol San Pablo a los Tesalonicenses

Tesalónicamo ite innotimacimo Pablo ie nabáñiairi rabe cuetiaioi

¹ Cue Páblodicue. Bie rabe Tesalónica jófue mo ite Juziñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juziñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juziñamui ézicigafue mo caimare omoi iri. Daje izói Juziñamui fecaca comeci ñue uái illáfuemo omoi iri. Afe izói ie jító cai Ocuíraima Jesucristo comeci ñue uái illáfuemo omoi iri.

Tesalónica imaci íaioi Jesumo inuafue ñue jino ácatatiaioi

² Nana ómoiri Juziñamuina “Figora” daiífredicai. Daje llezica Juziñamuimo cai úrillamo nana ómoína uibíoidicai. ³ Cai Moo Juziñamui uiécomo ómoína uibíoidicai, jamánomo inuafuedo omoi táijina jira. Afe llezica aillo izíruillafuedo comínina canócana táijifredicai. Ie emódomo cai Ocuíramamo omoi úiñuafue jaca fáicanocaiñediomoi. ⁴ Cai ámatiai, Juziñamui ómoína izíruite. Afe Juziñamui nizécamacidiomoiza onódicai. ⁵ Meita naui jíllonafue ómoimo cai lluíbillaruido aféfuena fia daina uáillaido lloñédicai, mei íadi Ñuera Joreño rínodo lloticai. Daje izói afefue uáfuena ñue cue onóigamona áfena uai jizíñeno jino ómoimo lloticai. Omoi cígido cai ñue illáfuena, áfedo omoi comeci ñue illena onódiomoi.

⁶ Ómoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoina duere finócaomoi íadi. ⁷ Iemona ñuera illafue jino cíotatinona íficaiomoi. Ua nana Macedonia éniemo ite innotimacina, daje izói Acaya éniemo ite innotinona fidítatiomoi. ⁸ Mei jira Ocuíraima Jesucristo llogáuai ómoimona nana Macedóniamo énie Acaya énie diga jica jalleide. Ie mei afe baimo Juziñamuimo omoi inogafue jae náganiamo jica jalleide. Ie jira jae cai jíáifodo daiíllifue íñede. ⁹ Mei afeno imaci omoi ñue caina llínuafue llotiaioi. Ie emódomo jánaraimo omoi inuafue fáicanocailano caade Juziñamuimo omoi inollena llotiaioi. Afe ua caade Juziñamuimo omoi como fueñe táijinafuedo úritiaioi. ¹⁰ Ie baimo tíllanomona Juziñamui cáataga Jító, monámona meine bíllena ie omoi úiñuafue llotiaioi. Afe meine abido cáataga Jesús, cai jíllotaraima; ua uire biite cai iere duere finóllifue mona, afémie caina jíllotaite.

2

Pablo Tesalónicamo táijinafue

¹ Amataiai, naui ómoido cue illafue fia táinomo baiñede, dani áfena ñue onódiomoiza. ² Afe cue billa uícode Filipos jofue comini caina báñota duere caina finódiaioi. Mei íadi Juziñamui cai cánuamona afe ñue jíllonafue uáfodo jacíruiñeno ómoimo jino lloticue, jíáimaci caina uáitaoidiaioi íadi. Afena onódiomoi. ³ Cai comeci jífueinamona ómoimo cai llogáfuiai lloñédicai. Daje izói fiene ómoína maméñedicai. Daje izói ómoína jífueacañedicai. ⁴ Ómoimo

cai llogafue jiáifodo joide. Cai figomieillena Juzíñamui facátagamacidicai. Nue jillonafue uai Juzíñamui ómoimo caina llotátate. Mei jira daíí ómoimo jino lloticai. Comini baimo Juzíñamuina ióbitadicai, afémie cai comeci ífuiái eroille jira. ⁵ Ebírede uáillaído ómoína fia bífueñedicai. Afena onódiomoiza. Iemo fia úcube cai óllena táinofuiaina lloñedicai. Juzíñamui bífueño uai nabáiraimana afefue uáfuellena. ⁶ Comínina ñúefuiaina caimo nitátañedicai. Mei íadi omoi onódiomoiza; daje izói jiáimaci onode, cai Cristo orécamacidicai. Afemona ocuilla riino caimo ite, omoi cai ocuillena. Aféfuemo ómoína izire cacáreitaredicai. Mei íadi afe izói ómoína ocuíñedicai. ⁷ Jiáifodo ómoína icíñeno fáicana omoi cigímo llófueticai. Ua úrue ei úruiai comúitaja úiñua izói, ómoína dúecaillano izírúiticai. ⁸ Ómoína jamánomo izírúiticai. Iemona Juzíñamui lloga ñúefue ómoimo llóllena ñue ja finóbicai. Afe baimo nana cai comeci ífuiái ómoimo fecáacadicai, ómoína iere cai izírúillamona. ⁹ Amatiai, nauí cai jitaica raa cai óllena izire cai tájina, uibídiomoi. Ua daíí riire cai níciduana áfemo uibíoidiomoi. Mona naio diga táijifiredicai ómoimona bu abina jafue fínoñeillena. Mei afe llezica Juzíñamui lloga ñuera uai ómoimo jino lloticai. Afe uaina jai ínotimacidiomoi.

¹⁰ Jaca omoi uíécomo íaifuenino macádicai. Daje izói buna jífueñeno macádicai. Nana omoi Juzíñamui diga áfemo uai nabáifirediomoi. Daíí buna caimo nífuena nitánidiaioi. ¹¹ Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai. ¹² Juzíñamui íeiena omoi maméinamona omoi jaícina nágarui ñue macállifue jitáirede. Afefue nauí ómoimo ocuídícue. Juzíñamui ie náamataganona jíirite ie illáimana illánomo omoi jáillena, afe llezica Juzíñamui ebírenafuena omoi onóllena.

¹³ Bífueri iere Juzíñamuina “Figora” daíífiredicai. Cáimona omoi cacana Juzíñamui uai dibébedo, “Afe uai jiba come uai” daííñediomoi. Mei íadi aféuai illa izói, dama Juzíñamui nahí uai jeire otíomoi. Afe Juzíñamui uai ja omoi ínotino comécimo ñúefuiaina déioicaide. ¹⁴ Amatiai, cácarei. Omoi comínimona duere omoi finóbiadi, jae judéamo ite Juzíñamuimo gairídino izói ífcaidiomoi. Afémaci Jesucrístomo daje izói jaináidiaioi; mei íadi íaioi éniemo ite judíuaimona daje duere finóinafuemo duere zefuídíaioi omoi zefuilla izói. ¹⁵ Afe judíuai duere finódino cai Ocuíraima Jesuna fatíaioi. Jaiái ninomo dani íaioi Juzíñamui uai jino llóraini fatíaioi. Afe judíuai dáarie jófuemona caina jino jíúdiaioi. Afémaci Juzíñamuina ióbitañediaioi. Daje izói nana comínina uáitaoidiaioi. ¹⁶ Mei judíoñedinomo bifue cai llóiacaniadi caina rairuíacadiaioi. Daje izói aféfuemona afe judíoñedino jíllollena, cai lloi dáíí caina rairuíacadiaioi. Afe ícoinia íaioi fiénidífuiái aillo ofíoicaide. Mei íadi biruí ícoimo aféfuíai ícoinia Juzíñamui íaioína jamánomo duere finode.

Pablo meine Tesalónica comini eróziaiacade

¹⁷ Amatiai, ómoimona nano nié dino oni jáidicai. Mei conímana cíóñedicai íadi ómoimo comeci facáoidicai. Afe jira izire ómoína cíozaihiacadicai. ¹⁸ Omoi illánomo cai jáillena mamériticai. Cue dama diga ícaíño iere jáiacadícue. Mei íadi naga cai jáiacanaruillaído Taife llótaidogacai. ¹⁹ Mei ie jira ¿Minica mei cai úiñoigafuena? ¿Minica cai ióbillafuena? ¿Minícamona cai caimátaillafue comuide? ¿Minícamona cai comeci zuitáinafue comuide? Mei cue llófuega Juzíñamui uaina ñue ínotiomoi. Ie jira cai Ocuíraima Jesucristo billíruimo dani omoi, daa bie cai comeci ióbillafuena. ²⁰ Uáfueña, omoi cai comeci zuitáinafueña, cai cáimafueña diga.

3

¹ Mei jira afe baïmo are cue úiñonidicue. Ie jira benó Aténasmo dama cue illífueña mamériticue. ² Afe llezica cai ama Timoteo ómoïna eróizaitadicue. Afémie Juzíñamui ñue táijitagamie. Afémie cai diga Jesucristo ñúefue jino llúamo táijide. Omoï ñnogafuemo ómoïna ñue riire naire itátaite. ³ Iemona ómoïmona buna baïe duere omoï finóinamona omoï ñnogafuena féitañede. Mei afe bie zúufuiaido duere cai finóbille jítáirede. Afena onódiomoïza. ⁴ Afe emódomo nauï ómoïri cai illa llezica afe duere cai zefuúllifue ómoïmo lloticai. Afe daí ómoïmo ja íficaide. Ja onódiomoïza. ⁵ Ie jira áfena ja iere cue ocuñenamona, omoï ñnogafuedo mácajana jicánotadicue. Mei Taife ómoïna fiénidifuemo baítate izóinamona cue comeci jacíruioide. Daí cai táijina táinomo jifánofide izoide.

⁶ Mei íadi ja birui Timoteo Tesalónicamona meine dúcide. Afémie ñue omoï ñnuafue izíruillafue diga cai llúaibite. Caina izíruillano caimo omoï uibóinafue Timoteo llúaibite. Ie mei ómoïna cai cióacana izóï caina iere cióacadiomoï; daí Timoteo caimo llúaibite. ⁷ Iemona aillo duere cai finóinafue illa llezica omoï ñnogafuedo ñue jaícina omoï mácajana fidídicue. Aferi cai comeci iere ñue firazite. ⁸ Cai Ocuíraïmamo ja birui ñue jaináidïomoï. Afena cai onónamona caimo cómfuena comuide. ⁹ Ua ómoïri iere ióbidicai. Juzíñamui uícomo caina iere ióbitadiomoï. Afe aillo cáimafueri Juzíñamuina ibana “Iere figora” fáicanocaiñeno daíredicai. ¹⁰ Mona naïo diga conima uícomo eróicana ómoïmo cai úrillena Juzíñamuimo izire jicádïcai. Afe llezica omoï ñnogafuemona nai fiébide uai jaícina cai fuitállena Juzíñamuimo jicádïcai.

¹¹ Omoï cai eróizaïllena daa cai Moo Juzíñamui naa cai Ocuíraïma Jesucristori cai canóllena jítáidïcai. ¹² Omoï ñnogafue oni móonaillena cai Ocuíraïmamo jicádïcúe. Afe izóï conímana omoï izíruillena jicádïcúe; daje izóï naa jáïmaciaïri. Omoïna cai izíruilla izóï mai nana jáïmacina omoï izíruiri. ¹³ Omoï comeci jaícina jónellena jicádïcúe. Daje izóï cai Moo Juzíñamui uícomo omoï nífuenillena ñue finócafue jicádïcúe. Iemona cai Ocuíraïma Jesús billíruimo méairuñeitiomoï. Aféruimo nana íemo jaináidïno afémie diga bené biite.

4

Juzíñamui ióbitade illafue

¹ Cue ámatiaï, omoï cácareï. Birui cai Ocuíraïma Jesús mámeçido izire ómoïmo jicádïcúe. Daje izóï izire ómoïna llétaiticue; nauï ómoïmo cai lloga Juzíñamui ióbilla illafue daí omoï iri. Aféfuena afe emódomo aillo omoï móonaitaociaïri.

² Cai Ocuíraïma Jesús riífuedo ómoïmo lloga llétafuena onódiomoï. ³ Juzíñamui dama ie nabaina finócamacina omoï jáïllena afémie jítaide. Ie jira nana omoï jiruñeño iri. Dama nahí aï diga illa figona. ⁴ Ua Juzíñamui eróicana áireri. Afengo ua mei íena jámairuñeño íena o izíruiri. ⁵ Juzíñamui onóñedïno fia íaioï comeci fiëni óiacanafuedo áirenaza, mei íadi afe izóï omoï ñeño iri. ⁶ Daje izóï izire ómoïna dáititicue, o abi come ie áina jífqueta baïróño o iri. Daje izóï o abi come ie ñina jífqueta meríño o iri. Afe bie izóï itínona cai Ocuíraïma Jesús, afémacina iere duere fínoite, ómoïmo cai llua izóï. ⁷ Juzíñamui íaifuenidïnomo nágarui cai íllena caina ocuide. Afe daí ie nabaina finócamacina cai íllena ocuide. ⁸ Ie jira bie llogafue jámairuitimie jiba cómena jámairuñedeza; mei íadi Juzíñamuina jámairuite. Daje Juzíñamui ie

Ñuera Joreño caimo fecaca. Afe bie Ñuera Joreñodo Juzíñamui íeiena caina ñue finode. (Afémie íena ñue finódogacai.)

⁹ Juzíñamui ómoína llófuete conímana omoi izíruillena. Ie jira jíáie ámatiaína omoi izíruille cue llóllena jitáinide. ¹⁰ Mei jíi, afe daí nana Macedonia éñemo ite ámatiaína ñue izíruitíomoi. Mei íadi omoi izíruillafue aillo mónaioicaillena izire jícadícue. ¹¹ Caimare ñue illáfuemo mai riire omoi iri. Daje izói dani omoi nícidogafuiaí izire omoi llínori. Naudi omoi cai llua izói mai ñue izire omoi táijíiri. ¹² Afemona onínemaci omoi uáillaimo ñue cacáritiaíoi. Afe llezica omoi ñue táijinamona minícana jítaíñeitiomoi.

Cai Ocuíraíma billafue

¹³ Amataí, tíidino íficaillafuena omoi onóñenana jítaíñedicue. Aféfuena omoi fidíadi zúucaíñeitiomoi. Jíáie cáaillfuemo comécíñedino zuure jáitiaíoi. ¹⁴ Afe Jesús tíllano meine abido cáanafuemo cai ínua izói, afe daje izói Juzíñamuimo ínnotino tíidiaíoi íadi, Jesucristodo Juzíñamui íaíoi cáatallifuemo ínnoticaí.

¹⁵ Ie jira cai Ocuíraíma cai llófueinafue ómoímo llóitícue. Afémie billíruimo cáimona cáadímaci tíidímacimona úcificaiñeíticaí. ¹⁶ Mei dama cai Ocuíraíma riire ocuille uaido úricana monámona ana biite. Afe llezica Juzíñamui abi imaci illaíma uai cáacaite. Daje llezica Juzíñamui ficírede vudugoi cáacaite. Iemona Jesucristomo ínnotino tíidímaci nano fueñe cáaitiaíoi. ¹⁷ Afe mei aféruimo caade ínnotino afe cáataga tíidino díga daane úillie cígimo itábicaíticaí. Ua dínomo nana dáanomó itábicaíticaí, cai Ocuíraíma Jesucristo díga caífo táífomó cai cíozaiillena. Afemona cai Ocuíraíma díga jaca ua nínomo zííñona ííticaí. ¹⁸ Ie jira bíuaido conímana caimare omoi fírari.

5

¹ Mei íadi afe íirairuillaído cue ómoímo cuelle jítaínide. ² Afe afémie billíruína ñue onódiomóiza. Omoi due jiza úíñoillíruimo cai Ocuíraíma dúciite onódiomóiza. Ua merízaiítimie naío billa izói biite. ³ “Comecí ñue uái illafue nana caimo ite. Cai jacíruillafue íñede,” comíni daína llezica níne íaíoi táinocaíllí fue ónonino íaíomó raíre zúite. Ua ríngo úrue jocóacana llezica ero izírena izói, afe táinocaíllí fue íaíomó zúite. Afemona jaca buna oni jíllonide.

⁴ Mei íadi, ámatiaí, omoi cácareí. Jítífomó íñédiomóiza, cai Ocuíraíma bíllemo jícaíñeitiomóiza. Ua, meríriraíma jacínaílla izói jícaíñeitiomóiza. ⁵ Mei nana omoi úzefomó jaínáidínodiomoi. Daje izói monánemacídíomoi. Naío imácíñedicaí; daje izói jítfío imácíñedicaí. ⁶ Ie jira jaca ínínidímacidicaí jíáimaci ínía izói. Afe jira cai abína ñue onónafuedo cáaoiredicaí. ⁷ Ínídino jaca naío ínídíaíoi. Jífaííredino jaca naío jífaíírediaíoi. ⁸ Mei íadi monánemacína cai íllamona abína ñue cai onónafuedo cai íllana jítaírede. Jesumo cai ínuaífuédo abína dani ríidoredicaí. Daje izói jíáimana cai izíruillafuedo abína dani ríidoredicaí. Ua fuíriraíma íe jogóbemó jítaíca llojécodo íe abi ríidua izói, afe izói bífuíaído dani cai abína ríidoredicaí. Afe jíáí fue, cai jíllóillemo cai úíñoínaí fue ua ífomó jítaíca ríidua llojeco izoide. Afedo fuíriraíma íe ífona ríidote. ⁹ Mei cai duere finóbillena Juzíñamui caina maméñede. Mei íadi cai Ocuíraíma Jesucristodo jíllonafuemo cai dúcinana Juzíñamui caina mamede. ¹⁰ Jesucristo caíri tíide daane afémie díga cai íllena; ua daje izói cai caadi cai tííadi, afémie díga íticaí. ¹¹ Ie jira uáillaído conímana omoi náíretari. Afe izói

mai dani omoi comeci riiretari. Ja birui afe bifue omoi finua izói, baímo omoi finóicairi.

Pablo ámatiai cáimafuedo lletade

¹² Amataiai, omoi cígimo Juzíñamui uáillaído táijidino mai uaimo ñue omoi cacáreiri. Daií izire jicádícue. Mei afémaci cai Ocuíraíma Jesucristo uai ómoína jeire otátatíai. Jesucristo mámeçido ómoína lletádiai. ¹³ Iaii cai mo táijinamona, íaii dái nana ñue cai cacáreilla jítáirede. Daje izói íaii cai izíruilla jítáirede. Conima comécina omoi jacíruiño iri.

¹⁴ Daje izói, ámatiai, ómoimo jíaiie uai jóonenocaidícue: Afe uailai daií bie izói ite. Táijacañedinomo íaii táijilleza riire omoi lloíri. Comécina náinidinona mai omoi náiretari. Juzíñamui uai como jabo ínotinona mai omoi canori iere íaii ínollena. Naga cómemo o comeci járidoño mai omoi úriri.

¹⁵ Dámie fiene omoi finóadi afe iba úamona abi omoi rairuiri. Mei abido dájeicana jíáfodo ñue omoi finori. Conímamo ñue omoi finori. Afe omoi finóllifue izire omoi jenori. Daje izói nana jíaimíaido ñue omoi finori.

¹⁶ Jaca camare omoi iri. ¹⁷ Fái nocaiño Juzíñamuimo úriri. ¹⁸ Nágarui ómoimo íficaide raana, mai Juzíñamuina “Figora” omoi daiíri. Mei Jesucrístomo ínotimacina cai íllamona, afe izói cai daiífirenana Juzíñamui óiacade.

¹⁹ Juzíñamui Ñuera Joreño cómemo úritallifue rairuño omoi iri. ²⁰ Juzíñamui úritagamiíai llogáfue jámairuño omoi iri. ²¹ Nana daináfuiíai omoi facátari Juzíñamui llogafue íeniadi onóilla. Facátajamona ñúefue jeire omoi oíri. ²² Nana figóñedifue mona mai oni omoi iri.

²³ Ja birui Juzíñamuimo jicádícue. Juzíñamui cai comeci ñue uái illafue caimo fecáfírede. Daje Juzíñamuimo, nana omoi ñue íeiena maméilla íemo jicádícue. Daje izói benómona cai Ocuíraíma Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoño ñue úiñollena jicádícue. ²⁴ Omoi Ocuíraíma Jesús dái nana jaca oni jíaiuaimo únide. Afémie nana bífuiaina dúcitaite.

Iraicaiño uáiduano ézicite

²⁵ Amataiai, mai Juzíñamuido caimo omoi jicáfíreiri.

²⁶ Ñue cáimaduano nana ámatiai omoi uáidori.

²⁷ Cai Ocuíraíma ríifuedo ómoimo uai jóonenocaidícue bie ciegabe nana ámatiaimo jino omoi facádollena.

²⁸ Cai Ocuíraíma Jesucristo ómoína ñue ézicíteza. Jae ñie. Mai, daiítadeza.

MÉIFODO SAN PABLO TESALONICA IMÁCIMO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ñnotimacimo Pablo ie nabáñiairi rabe cuetiaioi

¹ Cue Páblodicue. Bie rabe Tesalónica jófue mo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidíomoi. Daje izói cai Ocuíraima Jesucristomo jaináidíomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafuemo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fñénidínona duere fñnoite

³ Amatiai, ómoiri Juzíñamuina “fere figura” daiífredicai. Daií ómoína cai daiíllifue ñue jaícina jóide, omoi ñnogafue oni aillo mónaioicailla jira. Dani conímaiaina jamánomo ñue izíruioicaidíomoi. Iemona áferi Juzíñamuina “Aillo figura” daiífredicai. ⁴ Ua omoi iere ñnogafue jáie Juzíñamuimo gairídínono aféfuere ióbioicana úriticai. Jáímaci, Jesumo ñnoñedíno, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreiñenafue jino cíotatíomoi naa ñue omoi ñnogafuiairi. ⁵ Ja duere finótagamacidíomoi, mei íadi Juzíñamui ómoimo ñue comécide ie illáimana illíruimo ñue níffuenino omoi dúcillena. Bífuemona Juzíñamui jicánuafe ñue jaícina jóinana jino náiraímo cíotate. Afe Juzíñamui illáimana illíruido duere finócaomoi.

⁶ Mei Juzíñamui ñue jaícina finódímie, omoi duere finódíno íbana duere íaioína finótallena. ⁷ Ua cai izói duere finócamacidíomoi, mei íadi Juzíñamui cai izói ómoína caimare ocózinaitate. Ua cai Ocuíraima Jesucristo bíniemo cíocaillíruimo, afémie caina caimare ocózinaitate. Aféruimo afémie ie jamánomo rírede abi imáciri monámona cíocaitate; ua réicai izoide cígido cíocaitaioi. ⁸ Juzíñamuina onócañedíno Jesucristo íaioína duere finótaíbite. Daje izói cai Ocuíraima Jesucristo ñúefuena jeire óiacañedíno duere finótaíbite. ⁹ Nana afe fñénidímacina jaca nínomo jíllóñeno duere íaioína finótaitate. Ua cai Ocuíraima uíecomona jica nínomo dótaite. Afémie ebire illánomona jica nínomo íitiaioi. Ie rínona ónoñeitiaioi. ¹⁰ Aféruido Jesucristomo jaináidíno íena “fere fígomie” dáitiaioi. Daje izói nana ie uaimo ñnotíno íena caimare íóbítaite. Ja ómoimo cai llogáfuena ñue ñnotíomoi za.

¹¹ Bífue jira ómoiri Juzíñamuimo comeci úrifredicai. Omoi níffuenino illafue Juzíñamuimo jicáfiredicai, Jesucristo jírigamacina omoi illa jira. Daje izói nana omoi comeci jítaina ñue illifue, ñue ícoímo Juzíñamui rímodo fuitállena jicádícaí. Afe izói Juzíñamui uai omoi jeire úamona finócafuaí fuitállena Moo Juzíñamuimo jicádícaí. ¹² Bífuemona cai Ocuíraima Jesucristo mámecei omoi nícidogafuedo ñue caimare úbicaitate. Afe íbana cai Moo Juzíñamui cai Ocuíraima Jesucristo diga ómoína izíruillamona ñúefuaí ómoimo nítaite.

2

Iere fiénidifuiaina oruídime billifue

1-2 Amatiai, birui jae cai Ocuíraima Jesucristo billífueña ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja ómoímo llóiacadicue. Dáarie taino llotino cai Ocuíraima billirui ja dúcidez daidíaiói. Afemona omoi comécinafueña raíre jíáfodo meídoñeilla izire jicádicaí. Daje izói jíáie taino llogafue ite. Afe taino llotino daífirediaíói:

—Cai llogafue Juzíñamui Joreñomona oga. Cristo ja bíteza, —daidíaiói; mei íadi aféfuerei jacínaiñeno omoi iri. Afe izói omoi cacana fia júfidogafuerei jacínaiñeno omoi iri. Ie emódomo nie rabe omoi llínoia cai úrilla izóidibe, aféberi jacínaiñeno omoi iri. ³ Niémoma táinofuemo jífuefiñeno abí omoi rairuiri. Ua Jesucristo billa uícodo, Juzíñamuina comíni uáitallifue uícómo cómuite. Aféruillaído iere fiénidifuiaina oruídime cíocaite. Afémie dama nine táinocaille. Daií Juzíñamui íena mamede. ⁴ Bímie Juzíñamuina bacáuaredímie. Nana Juzíñamuido mameca ráaniaína bímie uáitano niné táinocaitaíbite; daje izói nana Juzíñamuimo caimátaidinona anáfenuaíbite naa jíáie caimátailla ráaniaíri. Afémie Juzíñamuimo gairíracomo, afeco naama Juzíñamui izói, ráinazaíbite. Dámie “Cue bie Juzíñamuidicue” daíille.

⁵ ¿Nauí omoi díga cue illa llezica bifue ómoímo lloticue, íadi aféfuemo úbicaiñediómoí? ⁶ Afe fiénidifuiairedímie nai bíñeilla jízilla raana onódiómoí. Afémie billirui raíre cíocaiñellena Ñuera Joreño nai rairuide. ⁷ Afe jíáinomo lloñega fiéni illa maméinafue bie éniemo ja comuide. Aféfuena rairuídime cai cigímona oni ógana fiénidifuiái jamánomo jebuíoicaite. ⁸ Aféfuena rairuídime oni ollíruimo afe jamánamo íáíbadímie cíocaite. Iemo cai Ocuíraima Jesús ana billano, ie fuemo ite faidórafuedo afe íáíbadímiena títaite. Ua ie billa meáirenado afémiena niné táinocaitaíte. ⁹ Afe jamánomo fiénidímie Taífe táíjinafuedo bite. Aillo íemo ite ríino ácataíte. Afedo aillo cíórainina uaido finoca ráaniaído táinona jífueíte naa jíáie taino onótate ráaniaí díga. ¹⁰ Iemona afe íáíba naga fiénidifuiáído niné táinocaitallimacina jífueíte. Jae niné táinocaitallimací, Juzíñamui ua ñúefuena jeire óiacañedíno jaca jíllóñeitíaiói. ¹¹ Afe jira Juzíñamui íaiói fiénidífue ínuamona íaióina íáíbado jífueítaíte. Daje izói táinofuiaina íaióina ínotaíte. ¹² Mei fiénidifuiái Juzíñamuina ñúefue baímo íaiói gáínamona, Juzíñamui íaióina duere finótaíte.

Jíllóillena nízécano

¹³ Mei cai benómona jaca ómoíri Juzíñamuina “Iere figora” daífiredicaí. Jae cai Ocuíraima izíruíga daje ámatiaídicaí. Jaca jae nanómona Juzíñamui jíllóillena nízécamacidiómoí. Mei ua ñúefue omoi jeire úamona Juzíñamui ómoína nízedede. Daje izói caina ñúeitáte Joreñodo Juzíñamui ómoína nízedede. ¹⁴ Afe jira cai ómoímo lloga ñuera jíllona uaido Juzíñamui ómoína jírite, cai Ocuíraima Jesucristo illa ebíredífue díbénemo omoi íllena.

¹⁵ Amatiai, maí bífuemo jaícina omoi comécíri. Omoi cigíri dama cue llogáfuiaina, ie emódomo nana rabedo ómoímo cue cuezáuaína féítañeno omoi iri. ¹⁶⁻¹⁷ Maí birui cai Ocuíraima Jesucristo cai Moo Juzíñamui díga omoi comeci caímare náíretari. Mei jira cai Moo Juzíñamui ie comeci cámafuedo caina izíruíte. Afe llezica afémie cai comeci zúurenafue cámafueña méíodírede jaca nínomo caímare cai íllena. Daje izói Juzíñamuido ñue cai illífue cai úíñoillena afémie caímo jino llote. Afe izói omoi comeci

jaícina Juzíñamuimo jóillena jicádicue. Afemona bie nana ñúefuiai daiírediomoí. Daje llezica afe ñúefuiai jino comínimo ácatarediomoí.

3

“Cairi Juzíñamuimo omoí jicari”

¹ Amatiai, íraifue ómoímo llotícueza. Cairi Juzíñamuimo omoí jicari, cai Ocuíraima llogáuai nágagobiaido raire dúciiteza. Afe emodo aféuai omoí jeire ua izóí, afémaci jeire ólleza. ² Juzíñamuimo mai jiáifodo omoí jicari. Bie íáirede fiénidino cígimona cai zúitailleza, mai Juzíñamuimo omoí jicari. Mei nana comínimona nai nana ínoñediaioíza. ³ Mei íadi cai Ocuíraima jaícina uafue llotímie. Afémie jiáino fiénidifueмо omoí báíñeillena ómoína riire jaícina mozíoide. Daje izóí íaifuaímona ómoína rairuíoide. ⁴ Cai Ocuíraima ñue ínogamie ícoínia, nauí ómoímo cai ocuífauiai jeire omoí úana ñue onódicai. Iemona daje izóí aféfuaiina uire nágaruillaído jeire omoí óllena ñue onódicai. ⁵ Mai cai Ocuíraima ómoína cánoiteza, Juzíñamui ómoína izíruillafuena omoí onóillena. Daje izóí Cristo comeci jaridoñenafue ómoímo íllena jicádicue.

Naga come dani íaioí táijinamo táijirede

⁶ Amatiai, birui cai Ocuíraima Jesucristo mámecido ómoína ocuídicai. Naga táijiacañede ámamona oní omoí iri, mei afémie ómoímo cai llogáfuiai afe dibéfuemo íacañedeza. ⁷ Mei nauí omoí cígiri ómoímo cai cíotaga táijina izóí, afe izóí omoí íllena onódiomoí. Cai omoí cígiri fia táijíñeno íñédicai. ⁸ Daje izóí omoí güíllena íbáñeno fia güíñédicai. Mei jiáifodo mona naio díga ocózinaiñeno táijífiredicai, ómoímona daa cómena cai llégitañeillena. ⁹ Ua afe omoí caina canolle daií cai jicalle ríino caímo ite, mei íadi táijífiredicai ñue illáfuenta ómoímo fidítallena, bie ómoímo cue cíotagafue izóí omoí íllena. ¹⁰ Nauí omoí cígiri cai illa llezica, bie lletara uai ómoímo llotícaí: Táijiacañedímie jaca güíñeiteza. ¹¹ Mei jiáímaci caímo llotíaióí ómoímona dáarie táijíñediaioí. Táijíñeno fia illa llezica jiáíe comíni illáfuaímo afémaci gágutajífirediaioí. ¹² Afe daií ite comínina cai Ocuíraima Jesucristo ríinodo ocuídicai. Afe llezica íaioína riire daídicai: Mai ní fue lloñeno omoí táijíiri dani omoí jitaica ráaniaí omoí ólleza, daídicai.

¹³ Amatiai, omoí jetaca ñuera raana zefuíruiñeno omoí ñedóicairi. ¹⁴ Nínó dámie bie rabedo cai daináuaina jeire oñeniadi, bu mei afe uaina ínoñedimienaza mai mei omoí eróiri íena onóillena. Ie mei afe cómemona ífo oní omoí fáinocairi, ie meáidailleza. ¹⁵ Mei íadi afémiena uáíogai ímiena maméñeno omoí iri. Afémie ama izóí ñue omoí llófueri.

Íraicaiño Pablo afémaci caímare uáidonocaillafue

¹⁶ Mai cai comeci ñue uái illafue llófírede Jesús, nágaruillaído, íemo náganuíaído afe comeci ñue uái illáfuenta ómoímo llóiteza. Afe izóí cai Ocuíraima ómoína nabáífireiteza.

¹⁷ Mai, cue Páblodícue. Bie uáídua uai dama cue ónoído cuetícue; bie cuetícue cue mámece díga. Nana cue cuezabíamo daií jónefíredícue. Bie izóí cúefíredícue. ¹⁸ Cai Ocuíraima Jesucristo ézicigafuemo ítíomoíza. Jae níe. Ja daítadeza.

NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

Pablo Timotéomo cuete

¹ Páblodicue. Jesucristo ocuícamedicue. Cai Jíllotaraíma Juzíñamui cai Ocuíraíma Jesucristo diga íaillinoi daina uaido orécacue. Afe Jesucristodo cai ñue illifue abi úiñoticue. ² Juzíñamui uai coco íinogafuemo nahí cue jitó izóidío. Ie jira bibe omo cueticue. Cai Moo Juzíñamui íemo ñue cai Ocuíraíma Jesucristo diga o ézicillena iere jitáidicue. Daje izóí afe íaillinoi omo dúecaillena jitáidicue. Iemona afe íaillinoi o comeci ñue uái íllena óiacadicue.

Jiáimaci íaioi taino llúafuaido o jífueñeillena abí o rairuiri

³ Naui Macedóniamo cue jailla llezica Efeso jófuemo o fiébilla izire jicádicue. Aféruido afénomo o fiénocaidicue, afénomo itínuaímona dáarie taino llófuiana íaioina o rairuillena. ⁴ Daje llezica íaioi jaiái ninomo lloga ráfuiai naa jagai diga, áfena íaioina júfidotañeitioza. Íaioi jaiáigima lloga fuiñede ráfuiai llúana ráruitioza. Nana bífuiai taino llúafuaimo cai comécina uite. Mei íadi nana bífuiai Juzíñamui caimo jóonega íemo cai íinogafuena ñue ícoimo fuitátañede.

⁵ Juzíñamui caimo jóonega llúájillifue bie izóí joide: Illa dígamie conímana ñue izíruiredicai. Afe bie izíruilla íainide comécimona comuide. Daje izóí afe izíruilla comeci ñue úrillamona comuide; bie izíruilla afe izóí jiáimana jífueñede Juzíñamuimo íinogafuemono comuide. ⁶ Bie ñue izíruillafue dibénemona dáarie oni táifodo jáidiaioi. Afe taino llua ínota oni jiáifodo féiraitiaioi. ⁷ Afémaci Juzíñamui lletara uai llófuetinona jáiacadiaioi, mei íadi dani íaioi daina uaina onóñediaioi. Iocire llófuetiaioi íadi íaioi llócaiga uaina ñue baitáñediaioi.

⁸ Juzíñamui lloga lletara uai ñúeraza onódicai. Búaido Juzíñamui naga come lletállena mamérite. Dámie Juzíñamui mamérilla izóí afe uaimo coméciadi ñuera. ⁹ Afe lletara uai ja ñúefuiai finófiredinomo llóñega. Afena ñue onódicai. Mei jiáifodo fiénide comínimo mameca. Bie izoide comínimo Juzíñamui lletara uai dúide. Afe comini illaíma lloga uaina uáitafirediaioi. Ocuícana náfueñediaioi. Fiénidífueña finófirediaioi. Daje izóí fiéniruidinona itíaiioi. Afe izóí Juzíñamuina jacíruiñediaioi. Daje izóí Juzíñamuimo íinogafuemo náfueñediaioi. Iemo Juzíñamui lletara uai, moo ei diga fatínomo dúide. Daje izóí comínina titáfiredinomo dúide. ¹⁰ Afémaci naga ringomo fieni comeci fácajano íaire finófirediaioi, afémaci áirediaioi íadi. Daje izóí jiáie ílmana íaire finódiaioi. Juzíñamui lletara uai nana bie izoide comínimo dúide. Daje izóí cómena llaitádinomo dúide. Táinona úrifiredinomo dúide. Daje izóí uafue daíllena táinomo Juzíñamui mámece llínotinomo dúide. Iemo Juzíñamui lletara uai nana jiáifodo jífueñede llófuiafueña uáitafiredinomo dúide. ¹¹ Afe bie jiáimacina jífueñede llófueinafue Juzíñamui cuemo llogafue daje izóí jóoide. Juzíñamui cuemo lloga uai nana comini ñue jíllona uai. Afe uai oni comínimo cue llúájillena, iere ñuera Juzíñamui jóonegacue.

Juzíñamui cuena dúecaillari iere figora daidicue

¹² Cai Ocuíraíma Jesucristona “Figora” daidicue, mei afémie ie uai jino cue llúájille ríinona cuemo ígaza. Juzíñamui cuemo comécido facade: O táijinana fáicanocaiño ñue fuitáfiredío, daide. Jira bie uai llúájille táijillena Juzíñamui

cuemo jóonete. ¹³ Jaiai uieécodo Juzíñamuina íaire daífiredicue. Daje izói íemo ínotinona duere finóllena racáfiredicue. Afe llezica cue uaido Juzíñamuina icídícue. Bífuiaido Juzíñamuina duere finódícue íadi, ja birui afe Juzíñamui nana bie ñúefuiai cuemo jóonete. Jaiai aféruillaído ie uaimo cue ínoñena jira Juzíñamui iere cuemo dúecaide. Daje izói cue fínuafue cue onóñena jira cuemo dúecaide. ¹⁴ Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo ínogafue naa ie izíruillafue diga caimo comuide.

¹⁵ Bie izóidífue iere uafue. Nana áfemo ínoredicai. Bífue bie izói daide: Cristo Jesús fiénidino jíllotalena ana bíníemo bite. Afe fiénidinomona cue iere jamánomoina. ¹⁶ Mei daí iticue íadi Juzíñamui iere cuemo dúecaide. Are íllamona Juzíñamui cuemo dúecaillado náiraímo Jesucristo ie ñue comeci mánainafue cuedo jino íaíommo cíotate. Iemona comínimo ñúefuiai ja cíotatimiena jáidícue, mei fiénidífuiarede Páblodicuemo Juzíñamui iere dúecaideza. Jesumo cue ínuamona cue comeci ífuena méidoticue. Afena onóillamona nana zíñona illífue óiacadino, cue comeci ífue méidua izói, afe izói afémaci afémiemo ínota íaíoi comeci ífue ñúefuena méidoitiaíoi. ¹⁷ Ie jira jaca tíñede buna cíñena Juzíñamuina íóbítaacadícai. Afémie daade Juzíñamui, daje izói nana ráfuiaina onódimie. Afe zíñona Jamánomoidillaímamo ñue ebírede uai jaca nágarui íemo jóoneticai. Daí jóoide.

¹⁸ Cue jító Timoteo, bifue omo jóoneticue. Riire fuirídimie izói o iri. Naui Juzíñamui mámeçido odo úritino, ñue o illífue llotíaíoi. Afémaci daína izói mai birui o ínori. O comeci úrillafue ñue o jóoneri. ¹⁹ Dámierie íaíoi comeci úrillafuena náfueñenamona nocáe buíllamona táinocailla izói, íaíoi ínogafuemona oni táinocaidiaíoi. ²⁰ Himenéomo Alejandro diga afe izói comuide. Ie jira afe íaillinoi Taífemo izájidícue, Taife anamo íaillinoi daí zefuíllena. Dinomo Juzíñamui jánana úríñeíllena ónoitiaillinoi.

2

Juzíñamuimo cai úrilla lluaíue

¹ Fueñe ona dáitícue: Mai nana comíní íena Juzíñamuimo o jicáfíreiri. Afena Juzíñamuimo ínotinona o lloiri. Iemo jíái, izire comínimo ie dúecailleza mai jicari. Daí nana comíní íena Juzíñamuimo o úrifíreiri. Afe llezica nana comínido afémiena iere figora o daífíreiri. Daí féitañeno nana comínido Juzíñamuimo ñue úrifíreiri. ² Gobierno oreca omoi úíñotímie íena Juzíñamuimo jicáredío, naa jíáie jaboide illaini diga. Afémaci íena izire o jicari, áfedo nífuenino caimare cai íllena. Daje izói comeci ñue uái illáfúemo íredicai. Afe daí cai jícamona nana cai illáfúena Juzíñamuimo ñue mámeíticai. Daje izói conima diga comécina ñúeíticai. ³ Bífue iere ñuera, cai jíllotafírede Juzíñamuina ñue íóbítade. ⁴ Mei afémie comeci jítáinaíue nana comínina jíllori, daide. Daje izói afémacina ua ráfúena onoiri, daide. ⁵ Cai Juzíñamui jaca dáadeza. Daje izói Juzíñamui eróicana caina ñue finódimie caído úritímie daade. Afémie Jesucristo. Afémie íaífúenidímie íadi, cai izóidímie. ⁶ Juzíñamui mamécaruimo dúciamona Jesucristo ie abina éruíñeno nana cai jíllóillino íbana izájiga. ⁷ Iemona nana judíoñedinomo afe Juzíñamuimo ínolle ua ñúefue cue llófuiaillena orécacue. Daí jíllona uai llujáfíredímiena jóonegacue. Crístomo cue ínuamona táinofue lloñédicueza, uafue llotícue.

⁸ Ie jira nágagobiaido naga cómena: Juzíñamuimo omoi úrifireiri, daidicue. Ñue nífuenide comécido omoi jicari. Jiámamo rícañeno comécido Juzíñamuimo omoi úriri. Daje izói daní ómoimo júfidoño comécido íemo omoi jicáfíreiri. ⁹ Daje izói ringóniaí iniroi jitállifue llóiticue. Jabóidingo ringo jita izói, naga ringo jítaiteza. Ima jiruídollena jitaca abina cóitate iníroina, jítáño iri. Daje izói comini códollena ífótirai jamánomo ebire finóño iri. Jabo ifo jua figona. Daje izói quenírede raana aillo jiróño iri, naa jamánomo ráifide iniroi diga. Jámaicuro jitáoirena. ¹⁰ Mei jiáfodo comínimo dúecailla ñúefuiaido naga ringo finóbiri, naa jiáie caimare uáiduaíiaí diga. Mei nana Juzíñamui íeiena ñue finódogango bie izói íteza. ¹¹ Ringóniaí llófueinamo uai oño cacáreitaióiza. Comeci mánainafuedo afe uaina onócaítiaíoi. ¹² Nairai cigiri ringo llófuellena rairuídicue. Ringo ímana anáfenotañedicue. Mei jiáfodo, ringo ima anamo úriño uái iri, daidicue. ¹³ Mei Juzíñamui nano fueñe Adán finódeza, afe méifomo Eva finode. ¹⁴ Adán jífueñega, mei íadi ringo Taife jífuega. Iemo jífuefillamona afengo fiénidífuego baíide. ¹⁵ Mei íadi naga ringo Juzíñamuimo ñnogafuego jeire oíadi, íemo ei ocuícáfuaí ñue ícoimo fuitáadi afengo jíllote. Afe llezica afengo naga cómena izíruirede. Iemo comeci ñue finuafue dibénemo írede. Daje izói ñue jaícina macállifuego írede.

3

Ocuídillaímo jitáirede ñue illafue Pablo llote

¹ Ja cue llollifue iere ua rafue. Dámie ocuídillaímana jáiacade ñuera. Afe izói tájiaicanafue ñuera. ² Ie jira afe izoide ócuitillaíma mamécamié jaícina ñue írede. Afémie nífuenino macárede. Afe daí afémie mácafue jiámie lletánide. Afémie daango ótena figora. Ménango ónide. Afémie comínimo lloga uaido jífanodoinide. Daje izói ráfuena ñue baitádimiena írede. Naga come afémiena caimare jacíruirede. Daje izói nana afémie mácaíbitinona afémie jiáfodo comécíño ñue caimare uáidorede. Iemo jiáimacina caimare llófuerede. ³ Afémie jaca jífanide. Daje izói afémie fuirínide. Come jífuíamona oga úcubena, afémie llínonide. Mei jiáfodo jeruíño raana fecáfírede. Iemo comeci ñue uái illafue dibénemo írede. “Aillo úcubena cue ollí” daínide. ⁴ Dama íe jofe ero comini ñue ocuírede. Dama íe úrue ñue raíre cacáfíreillena lletárede. Daje izói íe úrue jiáie eicomínina ñue jacíruitarede. ⁵ Dámie íe jofona ocuállana ónoñeniadi, ¿mei nie izói Juzíñamuimo gairíracona ócuíte? ¡Ocuínide! ⁶ Ie jira como fueñe Juzíñamuimo ñnotimie, Juzíñamui íco ocuídillaímana ínide. Como fueñe Juzíñamuimo jaináitagamié raíre illáímana jóoniamona afémie íere abina ñnoite. Iemo fieni abí ñnuamona, Juzíñamui Taife ana duere finóllífuego dótaja izói, afe izói bímie daí zéfuite. ⁷ Afe Juzíñamui íco ocuídillaíma ñue jacíruigamiéna írede. Afémie daí íllamona, Crísto nái ñnoñedino ñue íena úritiaíoi; íe jánana fieni úrinidiaíoi. Afémie afe izói írede, meáfue dibénemo íe íneillena; daje izói Taife uai íena jítañeillena.

Jabóidillaímo jitáirede ñue illafue

⁸ Daje izói comini dínena nana jabóidillaíni ñue jacíruiganona írediaíoi. Daje izói íe úrilla uai jiáfodo méidonide. Iemo afémie jífanide. Daje izói come jífuíamona oga úcubena llínonide. ⁹ Afe izói caí ñnollena jino lloga ua ráfuena afémie fáicanocaiño jeire órede. Daje llezica afémie comeci úrilla uai nífuenino írede. ¹⁰ Afémaci ñuera daíllena facátagamacina írediaíoi. Facata

mei íaioi nífuena jabóidillainina írediaioi. ¹¹ Daje izói aféllaini finódogango ñue jacíruigangona írediaioi. Daje izói aféngotiai jiámamo fiénidífuenta íaioimo llónidiaioi. Iemo lloga uaido jiámamo jifánodoínidiaioi. Aféngotiai nana ocuica raana fáicanocaiñeno fuitárediaioi. ¹² Afe jabóidillaini dáangona áiredena figora. Ménango ónide. Daje izói íaioi úruiaina ñue ocuírede, naa íaioi jofuero comíniri. ¹³ Naga jabóidillaima íaioi táijiana ñue fuitáдино ñúefuena otíaioi. Comini iere ñúefue íaioimo jóoneitiaioi. Daje llezica íaioi Cristo Jesumo ínogafuena jamánomo meáiruñeno llórediaioi.

Cai ínogajai báinino llogafue ja jino uáfodo denode

¹⁴ Raíre o érozaillena comécidícue. Nai cue biñena llezica, bibe omo cueticue. ¹⁵ Mei nai are cue biñena llezica, Juzíñamuimo jaináidímie jitaiga ñue illífuenta o onóillena llóiticue. Afe Juzíñamuimo jaináidíno caade Juzíñamuimo ínotino. Afémaci Juzíñamui ua ráfuenta ñue riire úiñotiaioi. Jofuero riire mozíoide jiaíllirai izóidiaioi. Ie jira afe rafue uaina oni caitánide. ¹⁶ Jaijai báinino lloga cai ínogafue iere jamánomo ebírede; nana comini ja uáfodo onoiga. Be níuui:

Juzíñamui cai cígimo cómena jéiciaíbite. Ñuera Joreño afémiedo úrite; daide:

Bímie comécina jaícinaidímie, daide. Afémie Juzíñamui abi imácimo ácatagamie. Díga náiraiaido ie illafue llócaide. Bínemo aillo comini íemo ínotiaioi. Afe mei afémie caífo monamo abído uiga.

4

Juzíñamuimo ínogafuena féitaitino ífue

¹ Ñuera Joreño jino caimo uáfodo llote, írairuillaído dámierie íaioi ínogafuena féitaitaioi. Féitajano cómena jífue jóríai jítáinafuiaí jeire óitiaioi. Daje izói Taífemo jainaide fiénide jóríaimona onóigafuemo ínoitiaioi. ² Afe izói, comeci ífuenta jáiífo jóidíno llógana cacáreitiaioi, naa táinona úrillafuiaíri. Afe bie jífuefiredíno ja íaioi ífoci úrillafuena ja niné féideza. Uzírede llojedamo uzide onoi cacáñena izói, bie comini itíaioi. ³ Bie Juzíñamuimo ínogafuena féitate comini jáiímaci áirenana rairuíaioi; daje izói ringona: “Ínreiri,” daíñediaioi. Daje izói ñuera cai güillemona dáarie: “Güiñeno,” daídíaioi. Mei íadi afe bie güille Juzíñamui comuítaga, íemo ínotino ecállena, naa ñúefuena onódinori. Afe güilleri íóbillano Juzíñamuina “Íere figora” íemo jaináidíno daírediaioi. ⁴ Mei nana Juzíñamui finoca güille ñúeraza, bácanide. Iemona afémie caimo fecaca raana oni fáinidícaí. Mei jáiífodo Juzíñamuina “Íere figora” daínano, nana ñue llínoredícaí. ⁵ Juzíñamui uai afe güillena ñue finode. Daje izói íena figora cai daíífirena afe cai güillena ñue finode.

Jesucristo ñue ocuícamié bie izói írede

⁶ Bífuaí cai ámatiaimo o llófueia Jesucristo ñue Ocuícamiéna ítío. Afe bie llófueinafue jeire o oía bie ínofírega uai dama ñue ona comécina náiretaite. O jeire oga uaido ñue riire ítío. ⁷ Mei íadi bie fiénide énie ie ráfuiaina náfueñeno o íri, naa jáié taino jagai izóidífuaíri. Juzíñamui illa izói o íacanamo áfemo nágarui o comeci llícitairi. Afedo riire ítíoza. ⁸ Cai abi cai ríireta, daa bínie ífueimo caína canode. Mei jáiífodo Juzíñamui illa izói íllena cai nícidoia naga ñúefueimo caína canode. Daíí cai íllemona biruillaído caína canode, íemo daje izói uire bíitífueimo jaca caína cánoite. ⁹ Bífue iere nahí ua ráfueza, nana áfemo ínorediaioi nana cáioiri. ¹⁰ Afe bifue jira iere comeci fácaíticaí. Iemo áfemo zéfuidícaí. Ua zegóruioicana ñéfídicaí. Mei ñue cai íllena caade Juzíñamuimo

ocuíridicaiza. Afe caade Juzíñamui nana comini jílloaibite. Iemo ñnotino ja Jíllotatimie.

¹¹ Bífuiado nana comini o ocuífireiri. Daje izói aféfuiaí o llófueiri. ¹² O fia jitócomena jira comini o llófuiáfue jíáimana jámairuitatañeno iri. Mei jíáifodo ñue Juzíñamui izói illafue Juzíñamuimo ñnotinomo jino ciótaitimiena íitioza. Ñue o úrillafuedo afémacina onótaitioza. Daje izói comini eróicana ñue o mácafuedo íaioina onótaitioza. Iemo naga cómena ñue o izíruillado íaioina ñue cánoitioza. Cristo izói o íllamona ñue íaioina llétaitioza. Daje izói Juzíñamuimo izire o ñnogafuedo llófueitioza, naa o comeci íáinidífuiari. ¹³ Nai cue dúciñena llezica, Juzíñamui cuega uailai comínimo o facádofireiri. Daje izói cai ámatiaina o íociretari. Afémacimo ñue o llófuefireiri. ¹⁴ Juzíñamui omo iga o fibíllafuiai fáicanocaiñeno o iri, mei nauí Juzíñamuimo gairífiredino ocúidillaini. Ñuera Joreño daina izói, íaioi onoi omo bitádiaioiza.

¹⁵ Bífuiaina fáicanocaiñeno o finófireiri, o jamánomo jíáino baimo íaioi onóilleza. ¹⁶ O illafue ñue abí o rairuiri, naa jíáino o llófuiáfueri. Fáicanocaiñeno riire abí o mameri. Ñue ímana o comúilleza. Bie cue daina izói o íadi, o jíllotio, naa o uaimo cacáreidinori.

5

Crístomo ñnotino uiécomo ñue o illifue

¹ Eicomemo lléjecaiñeno o iri. Mei jíáifodo o moomo o llófuiá izói fáicana o lloíri. Jíáie jitócominina nahí o ama izói llófueiri. ² Ringóniaina jéengotiaina dama o ei izói llófueri. Daje izói jitáingotiaina nahí o miringo izói o llófueri. Íaioimo ñue comeci o facáfireiri.

³ Uáfueña raana jitaide fecíngotiaina ñue o canori. ⁴ Mei íadi jíáie jitórede daje izói enáizeñorede fecínguai ite. Afe úruiai íaioi éitiaina uzúngotiaina fueñe ñue úiñorediaioi. Daje izói nahí ie enáizeño dani íaioi uzúngona úcairediaioi, mei naga jitó enáizeño diga íaioi móotiaina izíruirediaioiza. Afe bie izói illáfueimo Juzíñamui ñue íóbideza. ⁵ Ie mei cómenide ua fecingo, dango Juzíñamuimo ñue ie finóllifue ocúiride. Daje izói Juzíñamuimo ie úrillafueña naio mona diga afengo fáicanocaiñede. ⁶ Dango ie comeci gaina izói fecingo ite. Caade íadi Juzíñamui dibénemo tíide izoide. ⁷ Bífuiaina íaioi o ocuiri, lletánidingotiaina íaioi ílleza. ⁸ Dámie ie nahí come úcaillana ráairuia ie ñnogafue táinomo jífánofide. Dama nahí comínimo ite duéredinona úcaicañedimie, Juzíñamuimo ñnoñedino fiénina baimo, afémie fiénide.

⁹ Fecíngotiai íena mámece illabe fínotio. Bie izói ñuera fecíngotiai mámece afébemo cúerena. Sesenta fimona ite fecingo mámece cúerena. Afe bie fecíngotiai, daje izói dámienda iníredingona írediaioi. Afe ízoidingo mámece cúerena. ¹⁰ Iemo jíái ie illafue ñueinamona jalléidingo afengo mámece cúerena. Iemo jíái úruiai ñue comúitáingo mámece cúerena. Jicana jíáima ie jofomo dúcia caimare uáidofiredingo mámece cúerena. Iemo jíái Juzíñamuimo ñnotinomo rairuíñeno comeci mánainado canófiredingo mámece afébemo jóonerena. Mei afengo naga jíáima cánuana ídai jócuá izóidena caimare finófiredeza. Iemo jíái duere zefuide comini canófiredingo mámece cúerena. Daje izói nana jíáie ñuefuiaí finódingo mámece jóonerena. Bie izóidífuiái nana daje fecingo finórede; íemona afengo mámece cúerena.

¹¹ Mei íadi sesenta fimona jofófenemo ite fecingo mámece jóoneño iri. Mei aféngotiaimona dáarie dani íaioi comeci óiacanamona nibai Crístona zóofeitiaioiza. Zóofiano nane meine iníreiacadiaioiza. ¹² Daí íaioi illa dani

íai*oi* ícoinia daí*í* ite. Mei fueñe íai*oi* Jesucristodo jáillena mamérrillafue ja fáicanocaidia*oi*za. ¹³ Afe baimo naga comini jofodo jáicaidia*oi*. Jáicaillamona, “Fia táijñeno daí*í* cue illi,” daidía*oi*. Afe llezica jáimana úridoicana jáidia*oi*. Iai*oi*mo dúiñede jáimacimo itífuiaimo gágutajifiredia*oi*. Comínimo ñue ñnedifuedo úrioifiredia*oi*. ¹⁴ Ie jira nai fecínaite jitáingona daidicue: Abido iníreiri. Iníreillano úruereiri. Daje izó*í* jofo náangona ñue o iri, Taifemo jaináidino ómoína úridoíñeilleza, daidicue. ¹⁵ Mei fecíngotiaimona dáarie, Juziñamuina féitano Taifedo jáidia*oi*za.

¹⁶ Crístimo ñnotinomona daa cómemo úcaille fecíng*o* íadi, afe fecíngona dama afémie úcairede. Afe fecíngona Juziñamuimo gairífredinona úcaitañeno iri. Mei afe gairífredino ua cómenide fecíngotiaína úcairedia*oi*za.

¹⁷ Jesúmo gairídino ñue ocuide éicomini, ñue táijidia*oi*za ménacaiño ibáredia*oi*. Daje izó*í* ñue íai*oi* táijinamona mai caimare íaioina omo*í* jacírui*ri*. Iere comini ñue llófuetino, iere ñue lletáidino diga jáie come iba baimo ibáredia*oi*. ¹⁸ Mei Juziñamui Cuegáu*ai* daide: “Arroz izoide trigo, juráreto gájirillena záizia llezica, áfemona íai*oi* güilleza fue ibáñeno omo*í* iri.” Iemo jáinomo jáífodo daide: “Naga táijitagamie ie táijinado ñue ibárede.”

¹⁹ Fia da come ocuide éicomemo fiénidifue jóneiadi, áfena náfueñeno o iri. Mei íadi mena nibai daámani uai nabáidimie afe izó*í* afe cómemo llóyadi, áfemo cacáreiri. ²⁰ Ocuide eicomínimona dáarie fiénidifue finóadi, nana comini eróicana afémiena o áadori, nana jáie comini ñue abi jacínaficaillena. ²¹ Juziñamui eróicana, daje izó*í* cai Ocuíraima Jesucristo eróicana bifue omo jóneticue. Daje izó*í* Juziñamui nizeca ie abi imaci eróicana omo jóneiticue. Nana bie omo cue lloga lletara uai ñue o náfu*er*i. Nana comínimo dájerize jáicina o lloiri. Dámie oni eneno mámeñeitioza. ²² Dámie ie illafue nai figo onóñena llezica, ocuidillaimana ie o maméllena raire íemo o onoi bitáñeno o iri. Bie izó*í* o íllado jáimamo ite fiénidifue*na* raire nábaizaiñeitio. Naga íaifuaimona oni o iri.

²³ Mei o ero izírefireia daa jainoi jiróñeno o iri. Iemo due vónona o jirori.

²⁴ Nai íaioimo riire jicáñoñena llezica, comínimona dáarie íaioimo ite fiénidifui*ai* uáfori cíoide. Iemo jáimacimo ite fiénidifui*ai* íai*oi* duere finoille mámia méfomo onórede. ²⁵ Daje izó*í* jáie cómemo ite ñúefui*ai* uáfodo cíocaide. Iemo jáimacimo ite ñúefui*ai* cíóñena íadi, dinó íai*oi* diga báinino íñeite.

6

¹ Táijitafiregano íai*oi* ocuidimíaina ñue jacírui*redia*oi, jáie comini Juziñamui mámeçido fi*eni* úriñeillena. Daje izó*í* cai llófueinafuena fi*eni* íai*oi* daíñeillena. ² Afe izó*í* Crístimo ñnote ocuífiredimíaina ñue jacírui*redia*oi. Juziñamuimo ñnogafuemo daje ámana íai*oi* maméiadi, nai ocuidimie ocuícamie diga conímana caimare jacírui*redia*oi. Mei jáífodo afe Juziñamuimo ñnote ámamo, jáimaci baimo, riire táijiredia*oi*. Afe riire táijina ñnotino, afe ocuidino izíruiga ámatia*i*. Afémaci dáamac*i*. Dájena Crístimo ñnotino. Bifue o llófueiri. Daje izó*í* áfedo o lletámairi.

Juziñamuimo cai ñnogana, “Figo baite” cai dáinana canode

³ Afe bie cai Ocuíraima Jesucristo lloga jáicina jóide llófueinafuemo coméçíñedimie, oni jáífodo táinofui*ai* llófuete. Daje izó*í* cai ñnoga ñuera uaina afémie figo jeire oñede. ⁴ Daítade come nífuena onóñedeza, táinodo abi ñnote. Afémaci fia fiénide uáillaimo júfiduana iere gáidia*oi*. Afe júfidogafuemon*a* aillo

úradoillafue comuide. Iemo dájena caimare iñénafue comuide, íemo jiáimana éoinafue comuide, íemo jiáimana caimare uáidoñenafue comuide. ⁵ Dáanomona féitañega fuirillafuiai, jiáifodo oni comécina jóidimacimo comuide. Bie comini ua ráfuenta onóñediaioi. “Fia cai ñnogafuedo iere cai ráanailli,” táinona comécidiaioi. Bie izoide comínimona oni o iri. ⁶ Ua onóigaza, cai ñnogafue jamánomo ráifide. Juziñamui caimo fecaca raana “Figo baite” daidímíemo, ie ñnogafue ñue ráifide. ⁷ Mei jii, biniemo fueñe cai jocoina llezica minícana atíñedicaí. Afe izói uire cai tíia minícana úiñeíticaí. ⁸ Mei biruimo cai caana llezica caimo ite güílleri, daje izói caimo ite iníroiri “Figo baite” daíredicaí.

⁹ Mei jiáifodo aillo ráanaiacadino fiéni comeci fácafue dibénemo jáidiaioi. Afémaci aillo fiéni comeci óiacanafuiai mo raamo jírude izói itíaioi. Bie izoide fiéni óiacanafuiai cómena fiéni finode. Daje izói íaioi illafue niné táinocaitate; jofo zabilla méino izói niné táinocaitate. ¹⁰ Mei jii, úcubena izíruillafue nana fiénidífuiai comuíllano aféfuiai jillaci. Dáarie iere izire úcubena óiacanamona, Juziñamuimo íaioi ñnogafuemonona oni nibéfodo jáidiaioi. Afémaci dani íaioi illáfuenta táinona iere duere finódiaioi.

Juziñamuimo cai ñnogana, fuirilla izói riire Íredicaí

¹¹ Mei íadi o Juziñamui nizécamedioza, bie ailli cue lloga izóidífuiaimona oni o iri. Ñue comécina jaícina illáfue mo o mamériri. Juziñamui illa izói mai o iri. Afémíemo ñue o ñnofireiri. Jiáie comínina ñue o izíruiri. Comeci járidoñeno o iri. Comécina mánaidímiena o iri. ¹² Mai Juziñamuimo ñnogafuemo fuirilla izói nágaruillaído riire o iri. Juziñamui omo iga ziiñona illafue ñue jeire o oíri, mei áfemo Juziñamui uáidogamedioza. Afe Crístomo o ñnogafuenta comini cíocana jino llotio. Afe bie o llúamo o uai nabáidinona aillo ite. ¹³ Ja birui Juziñamui eróicana ona ñue ócuiticue. Afe Juziñamui nana biniemo itínuiaimo íaioi cáananona fecade. Daje izói Jesucristo eróicana ona dáititcue. Afémie daje izói ñúefue jino uáfodo llote. Poncio Pilato uícomo ie illáfuenta jáanoñeno llote. Daí Moo Juziñamui, Jesucristo díga íaillínoí uícomo ona ócuiticue. ¹⁴ Omo cue ocuícana, jiáifodo méidoñeno, ñue jeire o oíri. Aféfuena ñue jeire o oíri, jiáima ona llétañeíteza. Bífuaí ua Jesucristo billíruimo jeire o ófireiri. ¹⁵ Juziñamui jaiái uícodo mamécaruimo dúcia, Jesucristo cíocaizaíbíteza. Afémie daade cai iere ñuera ríinorede Juziñamui. Daje izói afémie nana illáicomini ie Illáimaza. Daje izói afémie nana ocuífiredino Ocuídillaíma. ¹⁶ Dama afémie jaca ziiñoza, tíñede. Afémie illano jamánomo meáire egáíñoteza, buna áinozinide. Afémiena jaca bu cíóñede. Caade come jaca íena cíónide. ¡Jaca ninomo ñúefuiai afe Juziñamuimo nitácaza! ¡Aillue ñuera ríino jaca ninomo afémíemo dúideza! Aquíe izói íteza.

¹⁷ Bie éniemo aillo ráaredino abí íaioi ñnoñeílleza ñue o lloiri. Daje izói íaioimo ite raamo ócuiñeítiaioíza, mei afe ráaniaí are íñeítiaioíza. Mei jiáifodo: Dama Juziñamuimo omoí ocuíriri, o daíri. Mei afe Juziñamui ua cáadímie. Afémie jeruíñeno nana cai jitailla raana cai cánuano caimo fecade. ¹⁸ Afe ráanaitino ñue íaioi ílleza íaioimo ocuiri. “Omoí ñue fínoítifuaí ráanaitímoíza,” íaioína o daíri. “Omoímo ite ráaniaimona jeruíñeno jítáidinomo jiáifodo comécíñeno fecari,” daí íaioína o daífireiri. ¹⁹ Daí íaioi íllamona, íco cómutifue nahí raana máíñoítiaioí. Afe maíñóllena comécido ñue onódiaioí. Afe dáaruído ziiñona illífuena óítiaioí.

Iraícaíño Timotéomo jóonenocaigafue

²⁰ Timoteo, nana bie omo cue lloga ñúefuiai ñue o rairuiri. Bínemo ite táinona úrioinafuiaiimo cacáreiño o iri. Daje izói Juzíñamuina uáitafuemo cacáreiño o iri. Mei íaiói: “Iere baitádcue,” daina uai taino uaiza. ²¹ Mei bie izóidifuiái íinote comini ja baie Juzíñamuimo ínogafuiai mona oni nibéfodo jáidiaíoiza.

Mai, Juzíñamui ona ñue éziciiteza. Jae nñe. Mai daiítadeza.

MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

Pablo Timotéomo cuete

¹ Cue Páblodicue. Jesucristo ñúefue llujállena orécamiedicue. Juzíñamui comeci jítaina izói orécamiedicue. Daje izói uícodo lloga zíñona cai cáailifue llujáitagacue. Cristo Jesumo dájena cai jaináinamona afe cáailifuena óiticaí.

² Cue izíruiga jító Timotéomo bibe cuetícueza, ona Juzíñamui ñue ézicíteza, daíacadicue. Daje izói: Juzíñamui omo dúcaíteza daidicue. Iemo: Cai Moo Juzíñamuimona oga comeci ñue uái illáfue mo ítioza, daidicue. Nana bie ñúefuiai cai Ocuíraima Jesucristodo óredio.

Pablo Crístomo uai nabáiacade

³ Juzíñamuimo nágarui comécido úrifiredicue. Mona naio diga Juzíñamuimo cue úrilla llezica omo comeci uibífredicue. Omo cue úbicaillano Juzíñamuina: ìere figura, daidicue. Cue uzútiaí Juzíñamui íobitallena ie ocuífíregana ñue íñua izói, afe izói íáinide comeci úrillafuedo ie ocuífíregana ñue íñofiredicue. ⁴ O comeci zúucaifirenamo uibíoidicue; íemona ona ìere jaca cíoiacadicue, áfemona caimare cue íllena. ⁵ Taino lloñeno ñue Juzíñamuimo o íñuafue mo uibíoidicue. Afe birui Juzíñamuimo o íñogafue nano fueñe o uzungo Loida íñoga. Daje izói o ei Eunice íñoga. Iemo bífuena o jaca ñue íñofiredioza, ñue onódicue.

⁶ Ie jira bie izóidena o ócuiticue. Naui omo onoi cue bítajamona Juzíñamui omo lloga llófuella ríino féitañeno o iri. Niné ona féiza afefue nágarui meine ríire o uibíoicairi. Irai dúzaide meine boota izói o uibíoicairi. Afemona jamánomo o llófuella. ⁷ Mei Juzíñamui comeci jacíruillafuena caimo fecáñede. Mei jíáifodo comeci meáiruñenafue Juzíñamui caimo fecade; íemo jíáimana cai izíruillafue, íemo abina ñue cai onónafue diga, caimo fecade.

⁸ Ie jira cai Ocuíraima, Crístomo uai nabáillana meáiruñeno o iri. Daje izói ie uai ícoínia llavécacueza, cuena meáiruñeno o iri. Mei jíáifodo ñuera jíllona uai ícoínia comuide duere zefuíllafuena ruifíruñeno o iri. Omo cómuite duere zefuíllafuena rairuñeno o llínori. Mei Juzíñamuimo ite ríinodo cai comécina caimare fíraíteza. ⁹ Juzíñamuimo cai jaináillena afémie ñue caina jíllotate, daje izói caina uáidote, ie íaifuenide comínina cai íllena. Dani ñue cai illáfuedo Juzíñamui íena ínidicaí. Mei jíáifodo dama Juzíñamui jaiái uícodo mamérillado íeiena iticaí. Daje izói Jesucristomo cai jaináillado Juzíñamui caina izíruite. Dai caina ie izíruillado íeiena iticaí. Mei jaiái ninomo nai énie comuíñena llezica, Juzíñamui caina izíruite. ¹⁰ Mei bie caina ie izíruillafue, cai Jíllotaraima Jesucristo ana bíniemo bíllado, afefue caimo jino onótate. Afe Cristo cai tíllafuena ja jacínitade. Daje izói jíllona uai llúado, zíñona cai illafue jino uáfomo cíotate. Ua, íemo ínotino zíñona itátallena afe Juzíñamui uáfodo caimo onótate. Afe bie zíñona cai illafue buna jaca niné táinocaitainide.

¹¹ Bie ñuera uai llujállena Juzíñamui jóonegamiedicue. Judíoñedino llófuellena, Juzíñamui orécamiedicue. ¹² Iemo afe bie nana bífuiai duere zefuídicue. Mei íadi áfena meáiruñenedicue. Cue íñoga Juzíñamui comeci ífuena ñue cue onónamona, jacíruñenedicue. Mei afémie cuemo jóonenocaigafue jaca féíñeíteza. Afe bifue Juzíñamui dama Cristo bíllíruimo ñue úiñoite, mei afémie ìere ríinoredeza. Afena onódicue.

¹³ Naui jaícina joide llófueinafue o cue llófuia izói, áfena o llófuefireiri. Juziñamuimo cai ñnogafuena jeire o oíri. Daje izói Jesucristomo dájena cai jaináinamona caina ie izíruillafuemo o iri. ¹⁴ Cai diga ite Ñuera Joreño canócaza Juziñamui omo lloga ñuera rafue féitaño o iri.

¹⁵ Ja onódioza: Nana Asia énie comini ja cuena zóofetiaíoi. Afémacimona bie mena ima íaillinoi: Figelo, íemo Hermógenes. ¹⁶ Mei íadi bie afe jiáimie Onesíforo dibénedo nana ie comini diga, mei cai Ocuíraima afémacimo caimare dúcaiteza. Mei afémie diga ícaiño cue jitaica raana atífirede. Llavécacue íadi jaca meáiruñeno cuemo atífirede. Iemona Juziñamui afémie comécina náicaitaiteza. ¹⁷ Uafue, Rómamo afémie illa llezica cuena are jénua ícoinia baite. ¹⁸ Cai Ocuíraima cai comeci ifue riire jicánolliruimo afe Onesíforomo dúcairi, Juziñamuina daidicue. Ja ñue onódioza, Efésomo cai illa llezica, afe Onesíforo diga ícaiño caina canode.

2

Jesucristo dibénemo itímie ñue fuirídímie izoide

¹ Cue jitó Timoteo, Jesucristomo dájena cai jaináinamona Juziñamuimo ite ñúfuiaimo iticai. Afedo ñue o náireiri. ² Cúemona o cacánafuemo cue uai nabáidinona aillo íteza. Iemona afefue mai oni jiáie ñue ñnofredimíaimo o jóoneri. Afémaci daje izói oni jiáimacimo llófuiailleza.

³ Duere zefuillafue omo comuíadi, Jesucristo dibénemo ñuera fuiríraima izói abí riire o mameri. ⁴ Naga jiáimiena anáfenocade fuiríraima fuiríllena maméroides. Iemona uícodo nana jetáacaigafue fáicanocaite; afémie jae náamatagaza. Fáicanocaillano daa ie ocuídillaima anamo itábicaite, afe ie jíritillaima íóbitallena. ⁵ Daje izói naga jifánora raamo jifánotímie ñue jaícina jifánorede. Jifánua ocuide uai daína izói jifánorede. Afémie fieni jifánoia, minícana jiridoñeite. Táinomo jifánoteza. ⁶ Jacafai ríllamo izire tájídímie afe ie riga llizilla jeia llezica, afe ritímie fueñe ótena figura. Dama íeiena fueñe jofo óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíllanomona meine abido caade Jesucristomo o úbicairi. Daje izói afe Cristo cai jaiái illaíma David úcoidigimamona comuídímie. Afémie mo ñue o coméciri. Cue lloga ñue jíllona uai aci bie izói joide. ⁹ Bie ñúfue ícoinia duere zefuítacue. Jii, fiénidífue finódino izói maíano duere finócacue. Mei íadi Juziñamui lloga ñuera uai jaca buna llavénide. ¹⁰ Ie jira Juziñamui nizécamací cue cánua ícoinia duere zefuídícue, mei íadi áferi zúucaíño jaca caimare iticue. Afémaci ñue jíllobicaillena duere finócacue. Afe Jesucristomo dájena cai jaináinamona comuide jíllonafue iere ebírede. Iemo jaca zíiñoa fúíñeite.

¹¹ Bífue táinoñedeza, iere uafue:

Afe Cristo tílla izói cai tíadi, afémie meine abido cáadímiena jailla izói, afe izói dani cai meine cáaillano afémieoiri íticai.

¹² Afémie ícoinia duere cai zefuíaídi ie illáimana illánomo jáinaiticai. Afémiena cai jáanoiadi, afémie jáái caina jáanoite.

¹³ Afémie mo cai ñnoñeniadi, afémie jaca ie daína izói nai finófirede; Mei Juziñamui dama ie abina jáanonideza.

Ñuera daiíllena facaca tájiraíma

¹⁴ Bífuaímo jiáimacina ñue o comécitari. Daje izói bífuaí cai Ocuíraima eróicana íaímo jóoneri. Iaiói ráifiñede júfidofirega uáillaímo mai afémacina júfidotaño o iri. Afe bie izoide júfidofirenafue ráifiñedeza, buna canóñede.

Afemo cacáreidinona jiáifodo oni comécina jóitate. Daje izói íaioi íinoga ua uaina niné féitateza. ¹⁵ Juzíñamui uícomo figura daiíllena facaca táijiraima izói o iri. Iemo afe llezica jiáifodo lloñeno daje izói o illáfueña ñue jaícina o jónefireiri. Daií ñue facácamié ie meáicaillafue íñede. Daiítade come Juzíñamui ua ráfueña jaícina comínimo llófuete. ¹⁶ Biniemo ite táinona úrioinafuemona oni o iri. Daií táinona úrifiredino jamánomo fiénidifuiaimo baiídiaoiza. Anábaitagano izói íficaidiaioi. ¹⁷ Fieni íaioi llófueña uai raire jica jalleide. Come abimo comuide fiénide ñozagi jarire oni mónaioicailla izói, bimaci llófueña uai oni jalléicaide. Afe bie izói ja Jimeneo Fileto diga, bimaci izói, fieni llófuétinona jáidiaillinoi. ¹⁸ Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abido cáaillifue dibénedo llotiaillinoi: Ja záide, daidíiaillinoi. Daií jiáie comini Juzíñamuimo íinogafueña uáitacana jáidiaillinoi. ¹⁹ Mei íadi cai íinoga uai oni cáitañeillena, Juzíñamui áfemo jiáie riírede uaina nabaide. Iemona féitañeno afe Juzíñamuimo íinoicaidícaí. Afemona cai bie riire mozióiga jáillirai izóidícaí. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jiáifodo bie izói daide: Nana “Cristomo jaináidícue,” daidino fiénidifueña féitano, aféuemona ja oni írediaioi. (Bie ie nabaica uaido, Juzíñamuimo cai íinogafueña afémie riire finode.)

²⁰ Aillue jofo eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifiñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredícaí. Jiáie figo jinoñede jiróracuaido jalleide illáimana ecáñedícaí. ²¹ Afe izói naga jiáimaci canóllena Juzíñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juzíñamui íeiena ñue finóbitade. Ebena ñuera táijinanomo Juzíñamui raire íena óreite. Mei afémie íáinide ráifide oro finoina jiróraco izóidímieza.

²² Jitócomena llezica comeci fieni óiacanafuiaimona oni o iri. Mei jiáifodo come ñue jaícina illáfuedo o jairi. Daje izói Juzíñamuimo o ínofireiri, íemo jiáimana o izíruifireiri, íemo comeci mánainafuedo naga cómena o uáidofireiri. Iemo, nana comeci íaifuenino Juzíñamuimo úrifiredino diga o nabáiriri. ²³ Daje izói táinomo comécilla uáillaina náfueñeno o iri. Mei ja onódioza, bie izoide úrillafuiai fúrienaillafue comúitate. ²⁴ Juzíñamui ocuífirégamié jaca jiáima diga icírínide, íemo jiái fuirínide. Mei jiáifodo afémie nana comini diga caimare írede. Daje izói jiáimacina caimare llófuerede. Iemo afémie jiáimamo jarire úriñeno, fáicana úrerede. ²⁵ Daje izói Juzíñamui ocuífirégamié naga ie llófueñana náfueacañedinona comeci manai finuano, íaioina lletárede. Afémie daií íaioina lletárede, íaioi comeci ífue Juzíñamui méidotalleza. Iemona daje izói ua ráfueña Juzíñamui íaioina onótaiteza. ²⁶ Bie izoide llógana jámairuitino Taife írebaimo jiilla izói itíaioi. Iemo afe Taife ie comeci óiacana izói afémacina ócuite. Mei íadi ua ráfueña íaioi onónamona jíllorediaioi. Afénomo jíizaidinona oni bairórede. Afémaci inídimie como cazilla izói, abina onóitiaioi; íemona Taife anámona jíllorediaioi.

3

Comini íirairuillaído illifue

- ¹ Ja bífuiaína o onótaitícueza. Íirairuillaído jacíredíruina caimo mónaite.
- ² Aféruimo comini dani íaioi abina fieni izíruitiaioi, íemo úcubena íere

duéruitiaioi, íemo iere fiēni abi ínoitiaioi. Daje izói “Jamánomoidimedicue” dainano, cómena canóñede táinofuiaimo comécitiaioi. Iemo Juzíñamuimo fiēni úritiaioi, íemo íaioi móotiaiai ocuilla uaina náfueñeitiaioi. Iemo jíáimana “Iere figora” daíñeitiaioi. Daje izói Juzíñamuimo ínogafuena náfueñeitiaioi. ³ Afémaci jíáimana íziruiñeitiaioi, daje izói féitaño íaioimo duere finódimiemo dúecaiñeitiaioi, íemo jíáimacimo fiēni úritiaioi. Iemo íaioi comeci fiēni óiacanafuena “Dama ite” dáíñeitiaioi. Iemo jíáima íaioi íciadi ñúefuedo finóacañediaioi. Daje izói comínina iere izi cácataitaioi. Nana ñúefuiaina bacáuai ífueña mámeitiaioi. ⁴ Afémaci daní íaioi nahí comínina jíáie comínimo fállena fécajifirediaioi. Iemo “Dama cue íacana izói íredicue,” daíífirediaioi; íemo táinomo comécillano “Iere jamánomoidimedicue,” dáíitiaioi. Daje izói Juzíñamui jenóño daní íaioi comeci gáinafuiaina jénoitiaioi. ⁵ Diga jinófene íuaido “Cue bie ñuera Juzíñamui uaina ínotimedicue,” dáíitiaioi. Mei íadi jofona íaioi comeci ráatailla mei, afe ínogafuemo ite méidolle rínona jáanotiaioi.

Afe bie izoide comini diga nabáiríño o iri. ⁶ Mei bimácimona dáarie, jíáimaci jofomo jaillano comécina rínde ringóniai jífuefirediaioi. Afe ringóniai fiénidifuiaina oruide. Afe ringóniai nana fiēni óiacanafuiaina anáfenogaiaioi. ⁷ Diga ráfuiái onóiacadiaioi mei íadi Juzíñamui ua ráfueña baitánidiaioi. ⁸ Jaiai Moisés illáruillaído mena aima Janes, Jambres diga, Moisés daina uai uáitaiailinoi. Afe íaillinoi uáitaja izói, bie comini írairuillaído ua uaina uáitaitaioi. Íaioi ífoci úrillafue oni ñibéfodo jóoide. Juzíñamuimo ínogafuena fáicanocaidiaioiza; áfemo ínidiaioi, táinofue ínotiaioi.

⁹ Mei íadi bimaci are jíáimacina jífuecana úñeitiaioi. Mei íanori íllamona nana comini íaioi jífuefirenafuena fídiitiaioi. Jaiai Moisés uáitate íaillinoi táinona úrilla uaina comini fídia izói, nane afe izói bimaci táinona úrilla uaina nana comini fídiitiaioi.

Íraicaiño Pablo Timotéomo jónenocaigafue

¹⁰ Mei íadi o cue llófuiana ñue jeire otio. Cue maca izói jaca ñue macádio. Iemo cue mamérilla izói ñue mamérifiredio. Iemo Juzíñamuimo cue ínuua izói, afe izói iere ínofiredio. Cue comeci jarire úriña izói, afe izói fáicana úritio. Jíáimana cue duéruilla izói duéruitio. Diga juáredifuiái cuemo comuide, íadi fáicanocaiño Juzíñamui ñúefue llócadicue. Afe cue ocuilla izói ñue ocuoidio.

¹¹ Comini duere cue finóllena cuena racádiaioi, mei íadi áferi jacínaiño caimare iticue. Nauí Antioquía jófue mo duere cue zefuállana onódio; daje izói Iconio jofue, Lystra diga cuemo íaioi finócafueña onódio. Nana racada duere cue íaioi fínuafuiaina onódioza. Mei íadi cai Ocuíraima nana aféfuiaimona ñue cuena jíllotata. ¹² Uafue onóigaza, nana Jesucrístomo jaináinamona ñue jaícina illáfuemo íacadino, nai ínoñedimacido duere zéfuitaioi. ¹³ Iemo afe llezica fiénide jíáimana jífuefiredino jamánomo fiénidifuiaimo ana jáitiaioi. Jíáimacina íaioi jífuiía llezica, daní jíáimaci íaioina jífueitiaioi.

¹⁴ Mei jíáifodo omo llófuegafuiaimo riire o comécioicairi, mei aféfuiaimo iere ñue ínotioza. Iemo afe bífuiaina o llófuetimiena onódio. ¹⁵ Daje izói o dúemiediomona Juzíñamui ñuera Cuegáuaina fueñe onóicaidio. Aféuaimona llófuegao, jíllonafue o maíño llena. Afe jíllonafue Cristo Jesumo o ínuado o oga. ¹⁶ Nana Juzíñamui Cuegáuai, Juzíñamui afe cueraini comécimo úrilla izói ñue jaícina cuega. Bie uai iere ráifide comini ífoci déillena. Aféuaido comini llófuerega; íemo afe bíuaido táinomona lloga uaina uáitarede; íemo áfedo jíáimacina lletárede; daje izói aféuaido jaícina comini ñue illífuena íaioimo

llórede. ¹⁷ Afe daií Juzíñamui Cuegáuaido Juzíñamui ocuícamié ñue baitádimiena írede. Iemona afémie ñue finóbide, nana ñúefuiai ie finóllena.

4

¹ Juzíñamui eróicana, cai Ocuíraima Jesucristo diga, Juzíñamui uaillai o llófireillena iere omo llonódacaidicue. Mei Jesucristo biniemo illáimana bille lezica, afémie nana caade comínina, naa tíidino diga íaioimo itífueña riire jicánoiteza. ² Afémie raire bíacana jira, riire ona dáiticue: Nágarui Juzíñamui uaillai jino o llófireiri. Afemo riire o mamériori. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juzíñamui uai riire o llófireiri. Ñue riire llófireiri Juzíñamuimo nai íinoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaina, nana comeci járitañenafuedo fáicana o llófuefireiri. ³ Afe daií llófuefireiri, mei diga irui íllamona, comini ua llófueinafuemo cácañeitiaioiza. Mei jáífodo dani íaioi fieni gaina izói dani íaioi cacáacana izói, íaioi llófueitinona aillo jénoitiaioiza. ⁴ Juzíñamui ua ráfuena fáicanocaillano, nana jagai izoide táinomona llogáfuaímo náfueitiaioi. ⁵ Mei jáífodo o iri. Cáadimie izói ñue abina o onoiri. Zúufue omo comuíadi, áferi jacínaiñeno abi riire o mameri. Iemo jíllona uai o llóllemo mamériori. Juzíñamui omo jóonega táijina ñue ícoimo o fuitari.

⁶ Ja íanori íllamona Juzíñamui íóbitallena fatá fecaca rille izói, fécajigacue. Cue titáillirui ja áinozide. ⁷ Ñuera fuiríraima izói, fiénidífue anáfenua izói táijnana jae riire ñue ícoimo fuitádicue. Iemo jífanotimacimona riire aizida goal orédimie izói, afe izói cue táijina fuillánomo dúcidicue. Iemo Juzíñamuimo cai ínogafuena fáicanocaiñeno, ja ñue ícoimo ínoticue. ⁸ Iemona ja birui cai Ocuíraima cuemo fecalle fia jirídoga raa izóidífue mo ocuírídicue. Afe ie billíruimo, Juzíñamui anamo ñue níifuenidimacimo dúide zíiñona illáfuena afémie cuemo fécaite; mei afémie comínimo itífueña ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocuírídino jirídorede zíiñona illáfuena afémie fécaite.

Dama Páblomo dúidífuaí Timotéomo llote

⁹ Timoteo, mai raire cue eróizaíbiri; riire áfemo o mamériri. ¹⁰ Mei cue nabai Demas, binié ráaniaina jamánomo gánamona jae cuena zóofeteza. Zóofiana jae Tesalónica jófuemo jaide. Iemo jáíe cue nabai, Crescéntena mámeciredimie, jae Galacia éniemo jaide. Daje izói jáí Tito oni Dalmacia éniemo jae jaide. ¹¹ Dama Lucas cue diga fiébilla. O billíruimo, mai Marcos jénuailano cue diné ómicoi biri, mei afémie benó cue táijina cuena iere cánoiteza. ¹² Cue nabai Tíquico, Efeso jófuemo jae cue oreca. ¹³ O billíruimo cue fieca emódomo jítararoi o atiri. Naui Troas jófuemo ite Carpona mámeciredimie jofomo cue fieca. Daje izói cue rabénicuai o atiri. Iemo jáíe cuega rábiai féitañeno o atiri, mei afébiaina iere jítaídicueza.

¹⁴ Naui Alejandro aillo fiénidífuaí cuemo nitade. (Afémie lloéfiai ínuamo táijifiredimie.) Nana fieni ie úrillafuaí dieze cai Ocuíraima afémiemo íba óite. ¹⁵ Afe Alejándromona abí o rairuíoicairi, mei afémie cai lloga uaina iere uáitaacadeza.

¹⁶ Nano fueñe cue abi ríidollífue, ríillaini uícomo cue llua llezica, bu cuena nabáiñede. Nana cuena zóofetiaioi. Juzíñamui afefue íba íaioimo óñeillena afémiemo jícadicue. ¹⁷ Mei íadi nauí abi cue ríiduaruimo cai Ocuíraima cuena

canode. Afémie cuena ñue riire finode, jílona uai oni nana judíoñedinomo cue llujilla. Afémie afe llujillafue ñue ícoimo cuena fuitátate. Afe daií cai Ocuíraima iere jacíredifuemona ñue cuena jílolate. ¹⁸ Daje izói nana jiáie fiénidifuiamona, afémie cuena jílotaite, íemo dama íeiena cuena ráiruite, monamo ite ie illáimana illánomo cue dúcillena. Ñuera ebíredifue jaca ninomo íemo íteza. Daiítadeza.

Iraicaiño uáiduafoiaí naa ézicigafuiaí diga

¹⁹ Mai, Prisca, Aquila diga caimare uáidori, naa Onesíforo comini diga. ²⁰ Erasto Corinto jófuego fiébide. Cue nabai Trófimo ie irárenamona, Mileto jófuego cue fieca. ²¹ Mai raire rozírediruillaí nai dúciñena llezica benó o biri. Benómona jiáimaci omo uai orédiaioi, be nímaci: Eubulo, íemo Pudente, íemo Lino, íemo Claudia. Daje izói nana Crísto jainaide ámatiaí o uáidotiaioi.

²² Cai Ocuíraima Jesucristo nágarui ómoimo nabáirifireillena Juzíñamui jicádícue. Daje izói Juzíñamui nana omoi ézicillena jicádícue. Mai daiítadeza; jae ñie.

SAN PABLO TÍTOMO ORÉCABE La Carta del Apóstol San Pablo a Tito

Pablo Títomo cuete

¹ Páblodicue. Juzíñamui táijitagamiedicue. Jesucristo orécamiedicue. Juzíñamui nizécanomo ñnotalle uai cue lluájillena ie orécamiedicue. Daje izói cai ñnoga ua uai, íaiói onóillena orécacue. ² Afe bie cai ñnoga ua uai, jaca ninomo ñue cai illínomo cai ocuírinanomo móirede. Nai énie cómuñenia uícodo, Juzíñamui afe ziiñona cai cáaillinona llote. Juzíñamui jaca táinona llófinide. ³ Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraima Juzíñamui afe daje uai cue llófuecaillena cue ocuide. ⁴ Tito, daje izói Juzíñamuimo ñnoticoco, íemona nahí cue jitó izóidío. Jira bibe omo cueticue. Afe llezica, cai Moo Juzíñamui cai Ocuífirede cai Jíllotaraima Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruido caimare uái ñue o íllena jicádicue.

Tito Crétamo llófuete

⁵ Monáillai cigi idu Crétamo o cue fiénocailaruido, nai figo finóbiñede raa ñue daje dine jaícina o finózillena ona fiédicue. Aféruido naga diga jofue illánuiamo ite Juzíñamuimo jainaide gairídinomo íaiói ócuitimiena o jóneri daidicue. Ñue ócuite eicomínina jenoda o jónetadícue. Afe izói nauí uícodo omo llonódacaidicue. ⁶ Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiaí Juzíñamuimo ñue ñnorediaíoi. Afe úruiaí fiénidifuená jóneñegazana írediaíoi. Ocuilla uaina náfueñedino izói índiaíoi. ⁷ Iemo naga ócuitillaíma Juzíñamui dibénemo ocuícailaíoi. Ie jira afémie nífuenino jaícina ñue írede. Daje izói afémie “Cue bie iere ríimiedicue” daíñide. Daje izói afémie comécina éocainide. Daje izói afémie jífaifñide. Daje izói afémie illáiredimiena ínide. Daje izói afémie fia Juzíñamuimo táijinado úcube otímiena ínide. ⁸ Mei jíaífodo, afémie ie jofomo mácaíbitinona jíaífodo comécíñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuídímiena írena. Afe izói afémie comécina jaícina ítímiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletáidímiena írena. ⁹ Afémie ñue ñnofirega íemo lloga uaimo iere comécírede, jíaimaci comécina náicaitallena. Iemo jíái afémie daíí írede, nana uáitatinona uafue daíitallena.

¹⁰ Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaíoi. Afe llezica comínina jífuetiaíoi. ¹¹ Afémaci úrilla llícaitarede, mei dáarie afézie nana íaiói ñue ñnogafue dobáíñotadiaíoi. Afe llezica llófuerainina uaido llófuefirediaíoi, meáirede fínuado úcube óllena.

¹² Afe Creta énie imácimona daade uai jino lloraima, ie nabáitaido úrite. Daide: “Creta imaci táinofuerediaíoi, íemo jazici ie rílleníai izóidiaíoi, íemo iere güillárediaíoi, íemo jaca iere ráiraíediaíoi,” daide. ¹³ Afémie uafue daide. Ie jira riire íaíoi na lletari, Juzíñamuimo íaiói ñnogafuena féitañeno ñue jeire íaiói óllena. ¹⁴ Iemo daje izói ñue íaíoi na lletari, judíuai dani uibica uáillaimo íaiói náfueñeillena. Iemo jíái, ua uáimona oni jíicaidino comúitaga ocuilla uaimo íaiói cácareíñeillena.

¹⁵ Nana comécina íaifuenidimie naga raa íaifuenide. Mei jíáfodo íadi nana Juzíñamuimo íinoñedino íaifuiaredinomo naga raa íaifuiarede. Daje izói íaioi ífoci uibíllafue íairede, nana íaioi comeci úrilla uai diga. ¹⁶ Afémaci “Juzíñamuina onódicaí” daidíaioi, mei íadi íaioi finócado Juzíñamuina jáanotiaioi. Mei afémaci íairuigamacina jáidiaioiza. Iemo náfueñedino izói itíaioi; íemo due jiza ñuera raana finónidiaioi.

2

Ñuera uafue llófueina uai

¹ Tito, o daílle uailai ñue uafue llófueina izói jaca jaícina jóirede. ² Nana éicomini jaca jífáifinidinona írede. Daje izói ñúefuiaido jacíruiregaiaioi. Iemo, abina ñue onódimiaina írediaioi. Daje izói Juzíñamuimo íaioi ínogafuemo íránifinidimie izói írediaioi. Daje izói nágaruillaído ñue izíruicana ífirediaioi, íemo jíái jaca comécina járitaífinidiaioi. ³ Daje izói eiringótiaí úrioinide; íemo ñúefuedo jacíruiregaiaioi. Afe izói táinona llófinidiaioi. Iemo jíái jaca jífáirado jífaífinidiaioi. ⁴ Daí ñue íaioi íllana ácatarediaioi, jíaie ringóniaí jítaínguaí afe izói íllena. Afedo íaioi ínítiaina izíruillena llollíaioi. Daje izói jítaíngo íaioi úruiaí gáíllena llófueregaiaioi. ⁵ Afe izói íaioi abina ñue onóillena llófueregaiaioi. Daje izói íaifuiainidinona íaioi íllena llófueregaiaioi. Afe izói jofo ero finoca raa ñue úíñollena llófueregaiaioi. Daje izói illáinidíngo izói íaioi íllena llófueregaiaioi. Afe izói íaioi íni ocuícana jíeruífíreillena llófueregaiaioi. Be daí írediaioi, buna Juzíñamui lloga fieni úridoíñeillena.

⁶ Daje izói jítócomini ñue íaioi íociretari, abina ñue íaioi onóillena. ⁷ Iemo jíái, naga o jetácaga dibénedo o ñue illa izói íaioi íllena ácatari. Íaioina o llófuelle llezica, taíno jífueñeno llófuefíreiri. Daje izói jífánodoíñeno lloiri. ⁸ Daje llezica táinodo úrinidío, buna o jánari úríñeillena. Afe daí o uáitaacadino meáirutiaioi, mei ja odo fieni úrinideza.

⁹ Iemo jíái, nana ocuícano íaioi ocuídino anamo ñue íllena o llófuefíreiri. Daje izói cáimamacina íaioi íllena lloiri. Iemo uai ófíreiñedinona írediaioi. ¹⁰ Afe izói íaioi táijina llezica íaioi ocuídino ráaie meríñedinona írediaioi; mei jíáfodo naga táijnana jetátagamie ñue ínofiregamiena írede. Afe izói írediaioi, caí jíllotaraima Juzíñamui lloga uai íere ebíredeza, dani afémaci abido onótallena.

¹¹ Mei jíí, Juzíñamui caímo íe dúecaillana caímo cíotate. Afe caímo íe dúecaillado nana éniemo itino jíllorediaioi. Afe jíllorenafue Juzíñamui jae caína onótate. ¹² Afe caímo íe dúecaillamo caí coméciaí fieni illafue caí fáicanocaillena caína onótate. Afe izói bie énie imaci óiacaga caí fáicanocaillena onótagacaí. Iemo jíáfodo biruíllaido caí illafue ñue úillena caímo llote. Jaca abí ñue caí ocuífírena caímo llote, íemo caí illafue ñue jaícina caí jóoneillena caí llote. Afe izói Juzíñamuimo dúide uaina caímare finóredicaí. ¹³ Iemo daje izói Juzíñamui uícodo lloga uai, caímare zuíllemo ocuíríoiredicaí. Mei aferui íere ríinoredimie Juzíñamui, caí jíllotaraima Jesucristo caímare billíruiza. ¹⁴ Afémie caí ícoínia tííllinomo uigámie, nana fíenidífuiaimona caí jíllloillena. Daje izói nana caí íaifuaí muiñóllena uigámie. Afedo afémie íena caína mamede, ñúefue íere íocire caí finóllena.

¹⁵ Be nie o llófuereina uai. Nana náinide comini comécina náicaítari, íemo lletáredino omo íte ocuille ríino díeze íaioina lletáfíreiri. Buna ona jámaírúitañeno íri.

3

Juziñamuimo ñnotino bie izói írediaioi

¹ Jesucristomo ñnotino énie illaima anamo íaioi írena uibíñotari, naa ocuídínuaíari. Daje izói aféllaímai ocuica uai íaioi jíeruillena uibíñotari. Afe llezica ebena ñúefuiai fínuamo iere jícairediaioi. ² Daje izói jíáima jánana fiéni úrinide. Afe izói afémaci comécina caimare uái itínona írediaioi, íemo illáinidinona írediaioi. Iemo daje izói nana comínina omoi uáidua llezica, comécina mánaidimíena o illa jino íaioimo onótari.

³ Mánaidimíena íredicaí. Mei nauí uícodo daje izói cai bie jaca abina onóñedinodicaíza. Juziñamui lloga uaimo cacáreiñedicaí. Aféruimo niné féiraitino izói ífiredicaí. Daje izói nana cai comeci fiéni gáinafuiaímo riire ocuícánodicaí; íemo jíái cai íóbitade raamo riire llavécánodicaí; jaca nágarui fiéni ífiredicaí, íemo jíáimamo úradoífiredicaí. Iemo comécina éoidicaí, daje izói conímána éoicaífiredicaí. ⁴ Mei íadi cai Jíllotaraima Juziñamui íemo ite cáimafue jino caimo cíotate, íemo nana náraiaína ie izíruífírena diga. ⁵ Afémie caína jíllotaacade, mei íadi jaca nanómona cai daína ñúefuena cai fínuamona Juziñamui caína jíllotañede. Mei jíáífodo dama afémie caimo dúecaillado caína jíllotate. Caimo ite íaífuaí dama ie múíñuado caína jíllotate. Afe llezica Juziñamui Ñuera Joreño afe múíñuado, meine como jíiciganona caína finode. Iemona daje izói afe Ñuera Joreño como comuítaga ñúefuedo caína úicaite. ⁶ Cai Jíllotaraima Jesucristodo, Juziñamui ie Ñuera Joreño jeruíñeno caimo fecade. ⁷ Afe daí Juziñamui caína dúecaillano, nífuenidinodicaí izói caimo caimare éroide. Afémie daí caína itátate, cai ocuírina zíñona cai illino cai maíñóllena.

⁸ Bie uaíllai iere uáfueza. Daje izói nana bífuiai jeire íaioi ólleza ona íaioina iere llotátaiticue. Daí ona llotátaiticue Juziñamuimo ñnotino bie ñúefuiaímo nágarui íaioi jíeruillena. Comíni canóllena bífuiai nana ñuera. ⁹ Mei íadi abina onóñedino júfidogafuemonona oni o jíicairi. Daje izói jaiáidígíma díbénedo lloga íaioi comuilla tánofuiaímona oni o jíicairi. Afe izói jíáimana uáitaírenamona oni o jíicairi. Iemo jíái, Moisés lloga uaimo ite féiredífuiaído fuirídínomona oni jíicairi. Nana bie izóidífuiaí cómena canóñede. Daje izói bífuiai ífócina úriñedinomona comuide.

¹⁰ Juziñamuimo dájena jaináidino cígiri dámie eneno bozíetaiacania, íena uáidota ménacaíño lletari. Daí lletaca cacáacañeniadi, omoi cígímona íena ruííruiri. ¹¹ Uáfúena íena ruííruiri, mei ja áfemona afémie fiénidimíena onóredeza. Afémie ñúefuemonona oni níbéfodo fiénidífúemo baíídimie. Iemo dama ie finoca fiénidífúedo duere finóbide.

Pablo naa ie nabáñiaíri mamérilla uai

¹² Artémána mámeciredimie, níbai Tíquiconna mámeciredimie omo cue óreíadi méifomo, Nicópolis jofue illánomo raíre cue eróizaíbiri. Afénomo o jáillena raíre mamériri, dínomo dáanomona conímamo dúcíticocozá. Mei afénomo rozíredíruíllai záitaiacadícueza. ¹³ Iemo nane jíáífue, Zénana mámeciredimie Apolos diga nana omo ite díeze íaíllinoína canori. Afe Zena jíáímado ñue úrifíredimie. Íaíllinoi jaille llezica jitaica raana íaíllinoímo fecari, mínícana íaíllinoi jítaíñellena. ¹⁴ Iemo daa cai Juziñamuimo jaináidino ñue lloíri, ñúefuiaímo íaioi táíjífíreilleza; daje izói jíáíe come jítaíadi, íaioi jítaílla raana fecari. Iemona íaioi illafue ñue ráífíteza.

Íraícaíño uáiduano ñue íaioi íllena Pablo Juziñamuimo jícade

15 Nana cue diga itino omo uai orédiaioi. Cai izíruiga nabáiñiai daje Juzíñamui mo ínotino o uáidori. Mei Juzíñamui nana ómoina ñúefue dibénemo itáateza. Daiítateza. Jae nñe.

SAN PABLO FILEMÓMO ORÉCABE **La Carta del Apóstol San Pablo a Filemón**

Pablo Filemomo cuete

¹ Cue Páblodícue. Cristo Jesús ícoínia llavécamiedícue. Cai ama izóidímie Timoteo cue diga illa llezica, Filemomo bibe cuetícue. O coco táijinamo izíruiga nabáifiredímiedio. ² Afe llezica Juzíñamuimo ínotingo cai miringo izóidíngo Apiamo cuetícue, íemo jíái Juzíñamui uaimo iere cai nícidogafuemo nabáifiredímie Arquípomo cuetícue. Iemo jíái Filemón jofomo gairífirede Juzíñamuimo jaináidínomo cuetícue. ³ Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izói caimare uái illifue ñue ómoimo itátaiteza.

Pablo Filemón Jesucristona izíruilla íemo íe ínuana llote

⁴ Juzíñamui diga cue úrilla llezica omo uíbicaidícue. Uíbicaillano, jaca Juzíñamuina “Figora” dáíifiredícue. ⁵ Mei o ñue o finócafue fidídícueza. Cai Ocuíraima Jesuna o izíruillana íemo o ínuana diga, fidídícue. Daje izói nana Juzíñamuimo jaináidínona o izíruillana fidídícue. ⁶ Juzíñamuimo o ínuado jíáimaci afémie uai jeire o otátallena Juzíñamuimo izire jicádícue. Afémaci o diga nana Cristo Jesúmona comuítaga cai ñue ínofirenafuiai, ñue onóillena jicádícue. ⁷ Afe daí jicáfiredícue, mei ja o izíruillado íóbidícueza, daje izói áfedo cue comeci íociredeza. Daí ori íóbidícue, mei Crístomo ínotino odo comécina fíracaiaioiza.

Ríire ocuícamié Onésimomo Filemón dúecaillena Pablo íemo jicade

⁸ Iemona ja birui, Cristo orécamiéna cue íllado omo dúide finolle raana ríire ocuiredícue. ⁹ Mei íadi afe izói ócuiñeitícue. Ríire ocuilla baímo caimare jícana gáidícue. Iemo conímana coco izíruillamona ome jícaítícue. Ua ja cue éiromadícue, íemo jíái Cristo Jesús llavécamiedícue. ¹⁰ Daí cue íllamona, daa cue onóigamiemo o dúecaillena jicádícue. Benó cue llavéjina llezica afémie cue jító izóidímiena jaide, mei afémie comécina Jesucrístomo ínuua mei afémie jaináitaticueza. Afémie Onésimo. (Jesucrístomo íe ráifidímiena omo íllana jaca comécíñedio.)

¹¹ Nauí Onésimo omo ráifiñedímie izoide. Mei íadi birui cue o diga afémie ráifidímie izói táijirede. ¹² Meine abído íena omo orédícue. Afe íe cue ória cue iere izíruiga úrue ória izoide. ¹³ Nai benomo ñúefue ícoínia cue llavébilla llezica, afémiena “Benó cue diga fiebi” uáfue daííacadícue, o méifomo afémie cue canóllena. ¹⁴ Mei íadi nai o jii dáííñenia minícana ocuícacañedícue. Daí daídícue, o cue jícajana ocuilla izói íñeillena. Mei jíáfodo dama o comeci jitailla izói cue jícajana o fínuana jítáidícue. ¹⁵ Nibaí Onésimo nauí fia nígarui fidi oni o abímona jaide, meine billano biruímona o abímo afémie jaca nínomo íllena. ¹⁶ Iemona birui ríire ocuícamié izóíñeno, mei jíáfodo izíruiga ama izóidímiena afémie o diga írede. Afe jira nauí ríire ocuícamié baímo ñúemiena o diga írede. Afe bímie iere izíruitícue, mei íadi o cue baímo íena izíruiredio. Birui daa afe ñue táijítallímie izói íena izíruinidí, mei afe baímo cai Ocuíraimamo jainaide ámana o izíruilla izói, afe izói íena izíruiredio.

¹⁷ Iemona uáfue cue nabáidímie o íadi, cue o llínua izói, afémie o llínori. ¹⁸ Nibaí nano afémie fiénide raa ome finóadi, íemo jíái nibaí minica

omo íbañenia, cuemo jica, cue íbállena. ¹⁹ Ona uafue cue daiítallena cue ónoído cueticue: Afena íbaiticue. Cue Páblodicue. Mei jíáifodo cue ona uibíñotaredicue, dama o ñue méidoga abí cuemo dúide, mei Juzíñamuimo ona ínotadicueza. ²⁰ Ua mii, cai Ocuíraimamo o ínuamona, afe bímie o llínuado caimare cue itátari. Crísto mo dájena jainaide ama izói cue comeci fírari.

²¹ Omo cueticue mei o jíeruifirena ñue onódicueza. Jíái onódicue, cue ocuica baimo finóredio. ²² Afe llezica cue iníllico uiécodo raire finori. Mei bie izói ocuírivicue; Juzíñamuimo omoi jícállemona, Juzíñamui omoi cue eróizaibillena cuena óreite.

Jiraicaiño uáidua, caimare ñúefue dibénemo omoi itátallena

²³ Cristo Jesús ícoinia cue diga llavécamié Epafra uai omo orede. ²⁴ Daje izói jíáie cue táijinamo canódimaci Marcos, Aristarco, Demas, Lucas diga omo uai orédiaioi.

²⁵ Mai mei cai Ocuíraima Jesucristo ñúefue dibénemo ómoína itátaiteza. Daiítadeza. Jae ñie.

HEBREO IMÁCI MO CUEGABE

(Daa bimaci jiaífodo mameina Judíuai)

La Carta a los Hebreos

Juzíñamui ie Jitodo ja comínimo úrite

¹ Jaiai ninomo cai judíuai jaiáidigimamo Juzíñamui úrite. Ua, ie uai llórainido diga icaiño, diga jiaífodo jóoide uáillaido úrite. ² Mei íadi ja birui íirairuillaído Juzíñamui ie Jitodo caimo úrite. Bie Jitó uaido Juzíñamui jaiai bie éniena naa úcuairi finode. Iemo naga raa íeiena náamatallena Juzíñamui íena mamede. ³ Afe Jitó ie Moomo ite ebíredena jino cíotatímie. Daje llezica afémie jino náiraímo cíotaga; ua daje Juzíñamui izóidímie. Nana finoca ráaniaina afémie dájena jaináitano ie ñue riírede uáillaido nágarui ñue jaícina finócana uite. Bímie, cruzmo dama ie die tótajado cai fiénidifuiái ñue múíñua mei, caífo monamo ite Juzíñamui nabezi dibénemo ráinazaide, dinómona nahí illáimaillena.

Juzíñamui Jitó Juzíñamui abi imáciai baimo figómie

⁴ Afémie afe jamánomo riíredinomo jáillamona, nana Juzíñamui abi imáciai baimo figómiena jaide. ⁵ Juzíñamui ie abi imácimona dáamie jaca “Cue jítódio” daíñede. Ua, “Cue Jítódio, ja birui illáimana o jóoneitícue” jaca daje izóí íaíoína daíñede. Mei íadi ie Jító Jesucrístona daí daide. Daje izóí ie abi imácimona dáamiena “O moona íítícue” daíñede. Dáanomo “Cue jítótío” daíñede. Mei íadi Jesuna daí daide. ⁶ Ua Juzíñamui ie izoide daade Jitona bie éniemo comuítajano daide:

Mai, nana Juzíñamui abi imaci, bie cue jitona jacíruióicana ñue omoí íóbitari.

⁷ Mei íadi abi imácina Juzíñamui daide:

Bimaci cue abi canórainina íllamona, íaíoína ocuífiredícue. Iemona jairifo raíre náidacailla izóí, bimaci cue ocuícana raíre jetáfirediaíoí.

Afe izóí nana cue canófirede cue abi imaci jacírede boode iraíci izóí, íaíoína ocuífiredícue, —daide.

⁸ Mei jiaífodo ie Jitona daide:

Juzíñamui o íllamona, o illáimana illirui jaca ninomo zííñona íite.

Ñue comécina jaícinaíafuedo jaca illáimaífireítío.

⁹ Ua, comécina jaícinaíafuena izíruitío, mei íadi fiénidifuiáimo éoícana eróidío. Iemona Juzíñamui, ua o Juzíñamui, jae ona íóbitade.

Nana Juzíñamui uaina jíeruite o nabáíñiaí cáimadua baimo, cáimatagao, —daide.

¹⁰ Jáínomo ie Jitona Juzíñamui daide:

O Ocuíraímadío.

Naga ráaniaí o táinia mei, bie énie finódío.

Nana monamo ite naga úcuai o ónoído finócana.

¹¹ Afe énie naa úcuairi niné táinocaitiaíoí, mei íadi o jaca zííñona íítío.

Aféniaí jácara iníroillai zabilla izóí zábitiaíoí.

¹² Iemo inícuro dócoiano oni jóonia izóí, oni eneno íaíoína jóoneitío.

Iemona iníroi jíáiroína abímo jíta izóí, bínie naa ucúduairi méidoficaitiaíoí.

Mei íadi o jaca méidoñellioza, dinó nímieítío.

Omo itífue jaca zííñona íite.

¹³ ¿Ñíe mei ie abi ímieemo Juzíñamui llogámie:

O fairíconi o anamo cue anáfenotalle llezica mai benó cue nabézimo illaíma nabai izói ráinazaíbi?
 Daií dainámiena iñede. Dama ie Jitó Jesuna daií daíde. ¹⁴ Nana afe Juzíñamui abi imaci Juzíñamui ocuica canófirede jóriaíai. Ua Juzíñamui orécaiaíoi, afémiedo jíllotino ñue rairuillena.

2

Cristo caimo lluaíbiga jíllona uaimo ñue úñoredicai

¹ Ie jira Juzíñamui Jitó, Jesucristo daií naga illaíma baimo jáidimiena illamona, nana Juzíñamuimona cai cacana uailai jeire cai olle iere jitáirede; omoi jefóniai ñue jinéoiri. Aféuaimo ñue omoi cacáreiri, oni nibéfodo fiénidifue mo cai báíñeillena.

² Mei Juzíñamui jaiíai ie abi imácido llogáuai jaca oni caitánide. Naga aféuaina jeire oñédino naa cacáfinidinori raire iere duere finócaiaíoi. Mei afe fiénidifue finuamona Juzíñamui íaíoi mo jaícina íbana ote. ³ Mei íadi birui aféuai baimo jamánomo ñue riírede uaina cacádinodicaí. Ie jira bie Crístonona cai cacana uáillaina jeire cai óñenia, ¿ñífuedo jaícina íba uáfue mona jílloticaí? jíllonidicaí! Afe baimo ñue riírede uai nano fueñe Ocuíraíma Jesucristo caimo llogáuai. Ie mei ie dáinana cacádinodo aféuai jae cai uafue daíllena llotátaga. ⁴ Afe íaíoi daina uaimo onótate raado Juzíñamui ñue uai nabáitate. Iemo jíai jacírede raado, aillo cíorainina raa díga afémie ñue uai nabáitate, íaíoi daináuaimo ñue cai ínollena. Afe llezica Juzíñamui ie jitáinafue izói, ie Ñuera Joreño ñúefuiai finolle riíno, illa dígamerie íaíoi mo fecade, daje izói caimo.

Jesucristo Juzíñamui Jitó íadi afémie cai illa izói, ía cómena íficaide

⁵ Cai úrifirena ñuera úreitiruillaído nímie illáimaillena, Juzíñamui ie abi imácina: “Illáinina jáitiomoi” daíñede. ⁶ Mei jíáfodo comínina illáimaitacade. Jaiíai Juzíñamui Cuegáuaimo David Juzíñamuina daíde:

¡Ñi naga come Juzíñamui dibénedo jamáimíaina!

¿Níbái mei íaíoi mo comécidido?

¿Níbái mei íaíoi jitótiaímo járitaitio?

⁷ Mei uáfueña due jiza o abi imaci jofófenemo comínina comuítatio.

Illáima ebírenano naa ñúefue díga íaíoi mo nitáido.

⁸ Naga raa íaíoi anamo o itátatio.

Daií naga raa íima anamo itábicaillamona, jae minica ie anamo itábicaíñedena iñede. Mei íadi ja birui íima dibénedo naga raana náamatañega. Afe izóiñedeza; afémie nahí náamañede. ⁹ Mei íadi jíáfodo birui Jesuna cai onónamona íemo comécidicaí. Afémie nana íanori due jiza Juzíñamui abi imaci jofófemo jóonegamie. Aféruído afe Jesús nano cai jíáinona, tílla onóillena facade; mei afe llezica nana comini fiénidifue ícoínia Juzíñamui zóofegamieza. Ie mei tíide meine abido cáanamona jamánomoidimiena jaide. Afe mei afémie, illaíma izói, ñúefueña nitácamié, jae ebire finócamie, mei nauí ie tíllaruimo iere duere ie zefuillamona. Juzíñamui cairi dúecaillano, nana comini niné táinocaitañellena cai ícoínia Jesuna daií zefuítate.

¹⁰ Juzíñamui daií ie Jitó duere finoille caimare íemo jóbide. Ie jira Juzíñamui íaíoi na jíllotaite ífódimie duere zefuillafuedo nana cai jíllonafuena ñue fuitade. Mei jíi, naga raa Juzíñamui íeiena ie ínuamona ja birui itíaíoi. Afémie nana comínimona aillo jitótiaí jíllacade ie caimare ebírenanomo dáanomoi íaíoi dúcizaillena. ¹¹ Mei Juzíñamui dibénemo oni jóonetimie Jesús, nana Juzíñamui dibénemo oni jóonegamaci díga daje Juzíñamuina móorediaíoi.

Iemona, cai baimo jamánomoidimie íadi, Jesús “Cue ámatiaidiomoi” daií daínana meáiruiñede. ¹² Afémie Juzíñamuina daide:

O mámecei cue ámatiaimo jino llóiticue.

Nana omo gairídino cígiri rocana ñúefue omo nítaiticue.

¹³ Jiáinomo Cuegáuaimo daide:

Cue Juzíñamuidio. Omo ínoiticue.

Ie mei jiáinomo daide:

Be, benó iticue, Juzíñamui cuemo iga naa úruiairi.

¹⁴ Onódiomoiza, nana cai jae cómena comuítagacai. Daií cai íllamona, daje izói Jesús dama cómena comuíbicaide. (Ua, fia come izói jéciga.) Afe mei come abi íemo íllamona, ie tíllado cai títaite Taifena riinitade. ¹⁵ Jaiáimona nana tílle jágiedo Taifemo rairuícamacidicai. Mei íadi Jesús jae cai jacíruiñeillena nane ñue cai finode. Ja ráiruiñeganona afémie daií cai ñue orede, nana nauí cai caana llezica tíllena jacíruticai íadi. ¹⁶ Mei uáfodo onóigaza: Jesús ie bíllado Juzíñamui abi imácina cánuaibiñedeza, mei íadi cómena íficaillano nana Abrahámona comuídigimana cánuaibite naa jiáie Juzíñamuimo ínotinori. ¹⁷ Afémie cai cánuaibillemona ie ámatiai naña íaiói illa izói afémie íficaillana iere jitáiredeza, mei dúecaifirede nahí comínimona Juzíñamuimo comínido úritillaimana jáideza. Ua ínofirega Juzíñamuimo úriraimana jáiacade, afe daií ie tíllado comínimo ite fiénidifuiái oni muiñóllena. ¹⁸ Mei Jesucristo íaifue fiéni facátafuiáimona duere zefuide, aféfuemo baiñede íadi; íemona ja birui fiéni Taife facátagamacina cánua riino Crístono íteza, ja caina ñue canórede.

3

Jesús Moisés baimo jamánomoidimie

¹ Ie jira, cue ñue ámatiai, Juzíñamui uáidogamací dibénemo jaináidiomoiza, Jesumo izire comeci omoi facari; ua cai jeire oga ñúefue lluaíbitagamie mo ñue comeci omoi facari. Iemo nane Juzíñamui dibénemo caido ñue úritimie mo, mai íemo comeci omoi facari. ² Bie Jesús íena daií mamédimie ocuica uaina jaca nágaruillai ínofirede; ua, jaiáidimie Moisés nana íemo llogáuaina jeire ófirena izói, afe izói bímie nana íemo ocuica uaina jeire ófirede. ³⁻⁴ Jae onódiomoiza naga jofó come niga; dama abina niñedeza. Mei íadi naga ráaniai finódimie Juzíñamui. Iemo daje izói ja onódiomoiza, naga jofó niraíma afe nigaco baimo ñúemieza. Afémie mo jamánomo ñúefue jóonerede. Ie izói afe bie Jesús Moisés baimo ñúefuena nitáregamie, mei naga raa afémie comuítageza; íemo jiái daje izói Juzíñamuimo cai jainánana Jesús comuítateza. ⁵ Ua, afe Moisés nana Juzíñamui íemo llogáuái, Juzíñamui dibénemo tájjiacadimie izói, aféuaina ñue jaícina Juzíñamui eneno nizeca Israel náiraímo llotátate. Afe daií afémie ie méifodo bite llófuellifue mo uai nabátate. ⁶ Mei íadi Cristo, jofona náamataga Jitó izói, nana ie anamo itínona ñue jaícina ocuíoide. (Afe daií Cristo Moisés báifene ímienaza onódicai, mei naga jitó, jofó ero tájiraíma baimo itímienaza.) Iemona Cristo daínana, cai ínuafue ñue riire itífuedo are illa ícoímo jeire cai oíadi, Juzíñamui comínidicai. Afe llezica afémie mo caímare cai úíñuana jitáirede.

Juzíñamui comíni comeci caímare uái illafue

⁷ Ie jira Juzíñamui Ñuera Joreño jaiái Cuegáuaido daide:

Birui Juzíñamui daínáuái omoi cacana llezica omoi coméciai riiretañeno iri.

⁸ Jaiai énie zaféredinodo Israel comini facátaruimo afémaci íaiói comeci riire fínuano Juzíñamuina uáitataíoi.

Jíi, afe izói omoi ñeno iri, daide.

⁹ Iemo nane Juzíñamui daide:

Aféruillaído jaiiai omoi uzútiai Judíuai cuemo ñinoñeno fiene facátafuedo cuena facátataíoi.

Cuarenta diga fimónado nana íaióimo cue finócafuiaina ciódiaíoi íadi, cuemo fiene comécidiaíoi.

¹⁰ Ie jira afe bigima cuena rícaitate.

Afémacido daidícue: “Íaiói comeci cuemo figo jaináñenamona, cue lloga io onóñeno oni nibéfodo jáidinona itíaiói.”

¹¹ Iemona áferi icírillano rírede uaido daidícue: “Jaca cue lloga caimare comécina uái ocózinaillana óñeitiaíoi,” daidícue.

¹² Amatiai, daje izói figóñede, ñúefuena íáiruiga ñinoñede comécimona mai abí omoi rairuiri, afe izói omoi ñeillena. Mei afe izóidímie cai caade Juzíñamuimona oni eneno jica íteza. ¹³ Mei íadi nágaruillaído, Juzíñamui ómoína nai uáidua llezica, Juzíñamui dibénemo ñue riire jainairi. Iemo dani ómoimona ñue lletari. Daí ñue omoi llóiri, fiénidífue ie abí jífuiáfuedo buna ómoimona dáamie comécina ríreiñellena. ¹⁴ Mei nanóidemona caimo ite izire ñnogafue, riire fáicanocaiñeno uáfuena cai onóyadi, jae Cristo dibénemo jaináidinodícai. Aféfuemo rairuñeno ñue omoi jíeruiri.

¹⁵ Juzíñamui Cugáuai daí daide:

Birui Juzíñamui daínauaina omoi cacana llezica, jaiiai Israel Juzíñamuina uáitajaruimo comeci rírena izói, omoi comeci ríretaneño iri.

¹⁶ ¿Bu mei afe Juzíñamui uai cacáдино íadi, nane daánomo íena uáitate? Mei nana Egiptomona Moisés bairócamaci Juzíñamuina uáitate. ¹⁷ ¿Mei nímaci cuarenta diga fimona Juzíñamuina icíritate? Mei nana afe Juzíñamui uai ñinoñeno fiene finódino; ní afémaci ícuruai énie zaféredinomo fiénocaiga. ¹⁸ ¿Ní náiraina rírede uaido Juzíñamui daide: “Jaca cue lloga caimare comécina uái ocózinaillinomo dúciñeitiómoi?” Mei nana afe ie uaina cacádinona íadi aféuaina jeire oñédinona daí daide. ¹⁹ Daí íaióina daínana íaiói ñinoñenado jofocáimanomo dúcinidiaíoi. Ua daí ñúenomo íaiói dúciñenana onódícai.

4

¹ Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeillena daítadífuemona mai abí omoi rairuiri. ² Mei uafue cai bie ñúefuena llogámacidícai. Ua afe jaiiai Egiptomona bairócano ñúefuena llóina izói ñúefuena llogámacidícai. Mei íadi íaiói cacana uai figo íaióina canóñede; mei ñinoñediaíoi za fia táinona cacádiaíoi za. ³⁻⁴ Mei íadi Juzíñamui lloga caimare comécina uái ocózinaillinomo nahí jofocáidinodícai, mei ie uaina ñue cai ñinofirenado. Birui Jesumo cai ñnuamona, caimare comeci jacíruiñenafue dibénemo jóonegacai. Jira ocózinairanomo tájiñeno cai illa izói, jae caimare uái itícai. Ie mei uire Juzíñamui illánomo ñue afémie diga caimare uái íitícai. Jaiai ñinoñedinona Juzíñamui daide:

Íaióimo cue rícaillano ñue rírede uaido daidícue, “Afe cue lloga caimare comécina uái ocózinaillinomo jaca dúciñeitiaíoi,” daidícue.

Daí Juzíñamui íaióina daide. Mei íadi ua íaiói caimare illífue Juzíñamui are uícomo mamécaza; mei jae are énie ie comúitajaruimona, nana Juzíñamui ie

finócafuiái, naa caimare cai illífuiáiri, jae fuitádeza. Mei Juzíñamui jáinomo ie Cuegáuaimo afe ie ocózinai llaruído úrite; daide:

Juzíñamui seis dígarui táijide; ie táijina mei siete iruimo nana ie finócafuiáimona caimare uái ocózinaide.

⁵ Afe mei jáíruido ie Cuegáuaimo Juzíñamui daide:

Cue lloga caimare comécina uái ocózinai llaruído dúcineitiaíoi.

⁶ Iemo ñúefuena nanoide cacádino ñnoñenamona afénomo jofo íaíoi jáinina méifomo, áfeo nai jáíimaci jáillena túide. ⁷ Ie jira Juzíñamui díga fimona jailla mei, David roránicuaído comini uáiduoano meine jáíie billirui íaíoiimo llote. Afécuaímo, due jiza íllamona cue lloga izói, Juzíñamui daide:

Birui Juzíñamui daináuaina cacádíomoi za omoi comécina riiretañeno iri, daide.

⁸ Mei íadi Josué afe jáíáidinona nahí caimare come comeci jacíruiñenanomo uíñede. Ie jira díga fimona illa mei Juzíñamui meine abído comini caimare illíruina úrite.

⁹ Iemona afe nahí caimare come comécina uái ocózinai llaruído nai ite, Juzíñamuimo jáináidímacina dani íaíoi ena maiñóllena. Afe ñue caimare cai illí fue ocózinai llaruído cai ocózinai lla izoide. ¹⁰ Mei naga afe Juzíñamuimona oga caimare illí fue ena maiñódímie, dama ie jílluille naa ie nícidogano fáicanocaillano, caimare uái ite. Ua Juzíñamui naga ráaniai ie finua fuilla mei, ocózinai llaruído caimare uái ite. Afémie uái illa izói caimare uái iticai.

¹¹ Ie jira afe caimare cai illí fue ena mai ñue omoi maiñori. Mai benómona daí omoi ífireiri, ómoi mona buna jáíairagima bífue ena íaíoi ñnoñenado íaí fue mo baílla izói omoi baíñeillena.

¹² Nana Juzíñamui lloga uai, jaca íocire cáadímie izoide. Afe uai jaca ninomo riiredeza, buna oni caitánide uai. Aféuai comini ífóciaímo déífirede; ua íaíoi comécina zuitáfirede. Mei jí, jáire jicaica lloéfaído abí ñeta iere jofo ícurumo raíre dúcizailla izói, afe izói Juzíñamui uai nana cai comeci ífuiái onótate. Uáfue ena cai comeci facáduana naa cai comeci jítaillafuiáiri fídiano ñue uáfodo jáicina jino caímo onótate. ¹³ Nana Juzíñamui finócafuiái íemona oni retáidonide. Ua, daa Juzíñamui cióñenamien a íñede. Nana cai comécillaífuiaí cai finócafuiái díga, uáfori cai nahí jícanoraíma ui anamo ite.

Jesús Juzíñamui dibénemo caído ñue úrifiredillaíma

¹⁴ Jae Juzíñamui Jító, Jesús, mona úllie illano iere caifófenemo jaillano, Juzíñamui illánomo dúcide. Dúcillano Juzíñamuimo dibénemo caído ñue raíre úriráimana jaide; ua afémie caído úrifiredillaímana jóonega. Afe bie úriráimana caímo íllaza, mai nana afémiemo cai comécilli; afémiedo cai ñnogafuiái fáicanocaiñeno jáicina riire ñue íemo cai ñnoilli.

¹⁵ Afe caído Juzíñamuimo úrifiredillaíma nana cai abí ríidolle ríino íñénana onode. Ua afe cai ríino íñénamona cai féiraífirenana afémie onode. Ie onónamona caímo dúecaífirede; mei afémie cai izoide cómena íficaillamona, nana fiéni facátaífuiaína cai caca izói cacade íadi afe fiénidífuiaímo baíñede. Iemona Juzíñamui dínen a jáiredicai.

¹⁶ Ie jira Juzíñamui illáimana illánomo cai úrizaiilli; mai omoi jacíruiñeno afe caído úrifiredillaímad o Juzíñamuimo raíre úrifireiri. Daí íemo úriredicai caína ie dúecaillano cai fiéni finócafuiái íba caímo óñeillena; daje izói afémie cai jítaíllaruído cai canóllena, afémiemo úriredicai.

5

¹ Naga come dibéfodo Juzíñamuimo úritillaíma comínimona nízed a oga. Uano Juzíñamuimo comínido úrillena mamécamie. Daje izói afémie comini dibéfodo Juzíñamui íóbitalle ráífuiaí finófireillena mamécamie. Íaíoi Juzíñamuimo ía íga ráaniaí afémie izájite. Daje izói íaíoi fiénidí fue íba

otátañelle fia fállena fecaca tóica ríllenai afémie Juzíñamuimo izájite. ² Afémie rínide cómena íllamona, íaiói illa izóí abina onóñedimacina fáicana comeci járitañenado caimare fíraizitaite. Daje izóí oni nibéfomo baíidinona comeci járitañoeno llétaite. ³ Mei afe nizécamié cai izóí ríinidimie. Iemona dama ie íaifuiái muiñolle tóica rille jáímaci fécajilla izóí, afémie jáí fécajirede. Ua nana comini dibéfodo izáibilla izóí, dama íeiena afémie izáibirede.

⁴ Afe iere ñuera Juzíñamuimo úriraimana íllena, buna dama ie comeci jitaina izóí ínide; dama Juzíñamui jóonegamie daí írena. Afémie caimare jacíruigamie. Jáíádiruimo daí Juzíñamui Aarona uáidote. Uáiduanu, Juzíñamui íena nizeda úritillaimana jóonete. ⁵ Afe izóí Jesucristo Juzíñamuimo cominido úriraimana íllena raire dama uícoficaiñede. Mei íadi Juzíñamui daí úritillaimana ie jóoniacana llezica íena daide:

Cue jitódio; ja birui illáimana o jóoneiticue, daide.

⁶ Ie mei daí dainámiena Juzíñamui jáínomo nane daide:

Jaca ninomo Juzíñamuimo comini dibéfodo úriraimadio. Ua jaiái ninomo Juzíñamuimo úriraima Melquisedec izóí jaca ninomo Juzíñamuimo comini dibéfodo ziiñona úriraimana íitio.

Aquíe izóí Juzíñamui ie Jitó Jesuna daide. ⁷ Cristo cai come izóí bie éniédo jáicaillaruillaido, izire éecana Juzíñamuimo comeci facade. Iemo dáaruido Juzíñamuimo izire jicade. Afémie daí íena jíllotaredimie comécido úrite; daide: “Bie cue tíiacanafuemonu mai cue jíllota” daide. Iemo Moo Juzíñamui anamo afémie ñue itábicaillamona comécido Juzíñamuimo ie jícajana Juzíñamui cacade. ⁸ Daí Jesucristo Juzíñamui Jitó íadi, ie duere zefuúllafuiáido ocuilla uai anamo itábicaillana fibide. ⁹ Afemona afémie daí nana cai jíllloillifue ñue fuitállena jamánomo jáicina fibítagamiena jaide. Ie jira nana íemo ínotimaci dibénemo Jesús ziiñona Jíllotaramana jaide. Ua ziiñona jíllonafue tainédimiena jaide. ¹⁰ Mei jira Melquisedec izóidimie Juzíñamuimo comini dibéfodo ziiño úrifireitimiena, Jesús jae Juzíñamui mamécamié.

Cai ínogafue meine abido cai jáanolle iere jacírede

¹¹ Bífuiáido aillo úriacadicue, mei íadi iere cacáacañediómoi. Iemona nai figo baitáñedino izóí itíómoi. Daí omoi íllamona, bífuiái ómoimo jino cue llolle iere féirede. ¹² Naui nano Crístomo omoi ínuaruimona jae diga fimona jaide. Iemona jae oni jáímacimo omoi llófuerizaille iere jitáirede. Mei jáíafodo ja birui meine abido Juzíñamui llogáuai tainéinafuiaína ómoimo jáíama llófuelle jitáirede. Nai monoi jirode úrue izóí meine abido úruetaidíómoi; nai figo baitáñedino izóí itíómoi. Ua llíciaina nai rínide izóidinona abido jáidíómoi. ¹³ Mei jii, naga monoi jirófiredino, móonaiñena llezica nai dúetiru. Daje izóí naga Juzíñamui anamo ñue jáicina caína móonaitade llófueinafue dibénemo baitáñedimie nai úrue izoide. Mei afémaci nai móonaiñoeno úruiaí izóí baitáñediaoiza. ¹⁴ Mei jáíafodo dama móonaite éicomini llíciaina rírena. Afe izóí juárede llófueinafue ñue onona dama comécina ñue jéedimacimo dúide; mei afémaci aillo facáfírenamona ñúefue fiénidifue baímo ñue onónana fibídiaoiza.

6

¹ Ie jira afe nánoide Cristo dibéfodo llogáfuiái ómoimo llúana ja mozíñocadicue, jáíe cómfue ómoimo jino cue llóllena. Ómoimo cue llolle bie cómfue, Juzíñamui llogáuailaido ómoína ñue jáicina móonaitaite. Aféfuiaí mai jeire cai ollí. Nano uícodo lloga ñúefue jillácina meine abido diga icaiño ómoína llófueñeiticue. Afe nanóidifuiái bie izóí daide: “Ómoína jíllotañeite omoi

nícidogafuiai fáicanocaillano ñúefuena méidori. Méiduoano, mai Juzíñamuimo omoi ñnori,” daide. ² Iemo afe nanóidifuiiai báutizaafuedo úrite. Iemo dánomo onoi cómemo bitafuedo úrite. Daje izói come tílle mei, afe tíidinomona meine abido cáailifue llote. Afe emódomo, írairuimo Juzíñamui nana comínimo jicánolle mei zíñona duere finótallifuedo úrite. ³ Nana bie nanoide llogáfuiaina meine abido llófueñeiticue. Mei íadi, Juzíñamui comeci jitaina izói, afémie cue canólledo, ñue móonaitadifuiaina omoi llófueiticue.

⁴⁻⁶ Daí birui ómoimo llófueacadicueza, mei nanóidifuiaina uáitajano oni jáífodo féiraitimíai íaiói illafue nano ñue ñnogafuena jaca méidonide; mei afe ñúefuena nai náfueñediaíiza. ¡Mai, abí omoi rairuiri! Afe daítadimaci nauí dáaruina Juzíñamui llófuegamaci izóidiaíoi; ua Juzíñamui dibénedo ífócina déitaganona itíaiói. Daje izói, monamo ite Juzíñamui daína caimátallifueña facádiaíoi. Iemo daje izói afémaci Juzíñamui Ñuera Joreño úcaillana jae facádiaíoi. Afe llezica Juzíñamui ebírede daínauai cómena ñúetatífueña afe íaiói fácamona, ñúerana onódiaíoi. Afe emódomo, Juzíñamui Jitó uire illáimana illirui llezica, íemo ite comíni cáimadolle ríinodo jae bimaci canócaiaíoi. Jae nana bie núefuiaina fibídiaíoi. Mei íadi afe mei Juzíñamui ífuiaina móonaitaoiñeno, aféfuiaiana íaiói uáitaiadi ñúefuena méidofinidinona jáidiaíoi; mei daí afémaci íllamona Juzíñamui Jitona cruzmo fatátatimaci illa izói afémaci daní itíaiíiza. Ua nairaí uíécori íena jífanodoia izói íena meáidaitadiaíoi. ⁷ Bie izoide comíni comue jacafai aiñena izoide. Juzíñamui bíitaga noci naga éniemo díga ícaíño bíide. Iemona afe éniemona ñue ria aite, afe éniemo táijidino güíllena. Aféniena Juzíñamui ézicite. ⁸ Iadi jáínomo noci bíilla mei, daa figóñede éegíai ailla, naa zaie díga. Afe izóidinie ráifíñedeza; níbai íanori íllamona Juzíñamui fáidoite. Írainomo afénié jobáillamo dúide, naa afénomo zicódinuairi mei figóñedeza.

Cai úiñoigafue caina riire nabaide cai ñnogafue féñellena

⁹ Mei íadi cue izíruiga ámatiaídiomoi. Jae cue lloga faidórafue baímo jamánomo ñúefuiai dibénemo jaináidiomoi. Ua omoi jíllonafuemonona comuide cáimaduafuiai maíñófirediomoi. Aféfuena ñue onódicue. ¹⁰ Juzíñamui comécina jaícina jóidimie. Iemona nana íena omoi izíruillamona omoi finoca Juzíñamui comíni cánua ráaniaina, afémie féitañede. Daje izói aféfuiaímo nai birui jíruitíomoi. Ua Juzíñamui jaináidinona izíruillano, ñue afémacina riire canófirediomoi. ¹¹ Ie mei birui afe izire omoi nícidua izói, daje izói ómoimona illa dígamieriena Juzíñamuimo ocúiriri daídicue. Iemona omoi ñnogafuiai jeire ómoína otátaacadicue, omoi úiñoigafue táinomo fáifíñeíllena, mei jáífodo ñue jaícina omoi fuitállena. Afemo ómoína nágarui izire coméciri daídicue. ¹² Daí izire omoi comécioíllamona ráiraiédino illa izói íñeítíomoi. Mei omoi ñue comécioíllamona, jáífodo daade Juzíñamui lloga ua caimare illafue dibénemo itino illa izói ítíomoi. Afémaci íaiói ñnogafuedo íaiói abina ñue finóinafuena Juzíñamuimona otíaiói. Ua comeci járitaiñeno are illa ícoímo Juzíñamui uícodo íaióimo lloga ñúefuena maíñóroidiaíoi. Íaiói illáfueño ñue omoi coméciri, íaiói illa izói omoi íllena.

¹³ Mei jí, Juzíñamui iere ñnofiregamie. Jaíai Abraham illáruimo Juzíñamui uafue uai Abrahamo llote. “Aillo comíni jebuítaitío” jaíai uícodo íemo llote. Llua llezica uafue daíllena Juzíñamui dama ie mámecina llínote, aféfuena Abraham ñue ñnollena. Ua Juzíñamui dama ie mámecina llínote, mei jáíie baímo jamánomoidimiena íñédeza. ¹⁴ Daí Juzíñamui Abrahana daide: “Uafue iere ona ñue caimátaitaiticue. Jae cue o jítóretallemona, o erófene ígímana

jamánomo iere jebuítaiticue,” daide. ¹⁵ Iemona Abraham comeci raire járitaiñeno, diga fimona áfemo úiñoode. Daií ie ocúrina mei, afe Juzíñamui lloga caimare ie nairai jebuíllifuenta Abraham ñue maiñódeza. ¹⁶ Bínie comini cígimona dáamie uáfuenta daiíacana llezica, afémie baimo riíredimie mámeçido uafue daiítate. Daií lloga uaina buna oni caitáñede. Nana dani íaiói júfidogana záitate. ¹⁷ Daje izói Juzíñamui ie lloga finóllifue, jáíe ñue riírede uaido, aféfuenta iere uafue daide. Afémie daií dáideza, mei ie uícodo lloga ñúefuenta máíñoitíno, afefue ua jáíifodo méidonidena jino íaióimo uáfodo llóiacadeza. ¹⁸ Daií Juzíñamui mena caitánide uáillaído íaióimo llote. Afe ménacaiño ie daina dibénemo Juzíñamui táinona llónide. Afémie daií daide, áfemona cai comécina ñue íociretallena. Iemona caimo ie lloga ñue cai jíllonafuemo fáicanocaiño ínofiredicai. Mei jii, cai Jíllotaraíma Jesucrístomo jarire jaillano caina ie úiñotaga comeci íaifue dóllena raire íemo jícadicai, caimo ite fiénidifue íba óñeillena. ¹⁹ Afémie cai jíllotallena caimare úiñooidicai. Iemona afémie caina daináuai cai comeci nífuenina ñue mozóitade. Ua cai úiñoigafue caina riire nabaide cai ínogafuiai féiñellena. Daií comeci docáiño ñue riire nabáitaga jacíruiñedinodicai. Mei cai jíllotaite cai úiñogamie Jesús, caifo monamo Juzíñamui nahí ie iránomo íteza. ²⁰ Afe Jesús, cai jáillio ífódimiena afénomo jae jaide. Daií íllamona afémie jae comínido Juzíñamuimo zíñona úritillaímana jaide. Ua, jaiiai Juzíñamuimo úriraiíma Melquisedec izóinado, Jesús jaca ninomo caído úrite.

7

Jesús, jaiiai Melquisedec illa izói comínido Juzíñamuimo úriraiíma

¹ Afe Melquisedec Salem jofue illaíma. Afe llezica afémie comini dibéfodo jamánomoidé daade Juzíñamuimo úrifiredimie. Jaiiai illáruimo Abraham jáíe aféniemo ite illáinina anáfenuaide. Íaióina anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jícade. ² Afe llezica Abraham nana ie bairoca ñuera ráaniaímona, Juzíñamui íena eneno mameca ráaniaína, Melquisedécimo raiñóño fia fecade. Melquisedec nanoide daina mámeçi “Comécina jaícinaidillaíma” fueñe daiíacade. Ie mei afémie nane jáíci ote: “Salem Illaíma.” Afeci “Comini comécina caimare uái itátatillaíma,” daiíacade. ³ Afe Melquisedec moo mámeçi jaca onónide, naa ie ei mámeçi diga. Daje izói ie emódoídígima jáíi óñoñega. Daje izói afémie jocóinarui óñoñega, ie tíllarui diga. Iemona afémiena comini “Zíñona ítímie” daide. Afe Melquisedec comini cígiri illáfuedo Juzíñamui Jitó zíñona cai dibéfodo úriraiímana illáfuenta caina fidítate.

⁴⁻⁵ Mai bífuemo ñue omoi coméciri, Melquisedécimo ite jamánomoidifuenta omoi onóillena. Ua Melquisedec, cai nanoide jáíairagima Abraham baimo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jítorrede. Iemo afe jítoníai cígimona Leví comuídeza. Afémie comini dibéfodo Juzíñamuimo úrilla Juzíñamui nízedá ogámie. Ie jira nana judíuai Juzíñamuimo úriraiíni Leví úicoidígimamona comuítagaíaiói. Afe Juzíñamui nízedá Leví náiraina, Juzíñamui Moisés ocuica uaido daide: “Nana jáíe judíuai nairai imácimona Juzíñamuimo dúide ráaniaína órediómoi,” daide. Ua Leví náiraimo íbarede, nana jáíe Israel nairai daa Abrahámona comuídino íadi. Ie jira Leví comini nana afe Juzíñamuimo dúide ráaniaína línofirediaíaiói. ⁶ Mei íadi afe Melquisedec, Leví nairai izíe íeñede. Mei íadi afémie áfena líñoñeniadi afe Melquisedec,

Leví emódoidigima Abrahámona Juzíñamuimo dúide ráaniaina uáfueña llínote. Iemona Melquisedec Leví baimo jamánomoidimieza onódicaí.

Afe ráaniaí ie llínua llezica, Melquisedec Abrahamo úrite. Abraham Juzíñamui íemo ñue finóllifue, uiécodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷ ¿Ñibémie mei jamánomoidimiena? ¿Ezicitimie mei ñibai ézicigamie? Ua, ézicitimie baimo jamánomoina. Afefue buna jáanoñega. ⁸ Nane jiáifue llóiticue. Cai cígimona eneno nizeca Leví comini, Juzíñamui íena nano mameca ráaniaina llínofiredino. Mei íadi afémaci fia comíniza tíffirediaíoi. Mei jiáifodo afe jiáie llínotimie Melquisedécina mámeçiredimie Juzíñamui Cuegáuai daina izói, tíñeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino. ⁹ Iemo jiáifue Levído daiírede. Leví Abraham erófene igíma. Mei íadi afe Juzíñamui íena eneno mameca raana llínofiredimie jaiaí uécodo Melquisedécimo ie uzuma Abrahamdo Juzíñamuimo dúide raana íbade. Daií Leví comini, jaiaí uécodo Juzíñamuimo dúide raana Melquisedécimo íbádiaíoi. ¹⁰ Mei Leví nai jocóñena llezica ie comuillino nai Abrahamo íteza. Ua Melquisedec ja Abrahamo dúçinaruimo, Leví jocóillino nai jaca ie nanoide uzúmamo ite. ¹¹ Israel náiraimona eneno nizécazie Leví comini. Aféziemona nizeca nanoide Juzíñamuimo úriraima Aarón. Afémie naa ie erófene igímaíri comínido Juzíñamuimo úriraini. Ie jira afe úrirainido Israel náirai Juzíñamui ocuilla uáillaina llogáiaíoi. Mei íadi nana afe Juzíñamuimo úriraini finócafuaí comini ua zíñona jílloillena figo jínoinede. Comini comécina Juzíñamui jítaina izói nahí jaícina jóoitañede. Aarón naa ie erófene igímaíri finócafuaí figo jínoinena jira, jiáie afémie izóinede baimo jamánomoidimiena jítáidicaí, afémaci méifomo jóonellena. Ua Melquisedec zíñona illa izóidimiena jítáidicaí. (Ie jira afe Aarón comini meifo méidoitimiena Juzíñamui jae jino náiraimo çiotate. Afémie mámeçi Jesucristo. Ua Aarón comini méifomo jóonegamie Melquisedec izóidimie Jesús; afémie Aarón dibéfomo jaináñede.) ¹² Jae afe jaiaí uícomo ite Juzíñamuimo úriraini nana dáanomo jiáiena íaíoi méidua llezica, afe Moisés íaíoi mo ocuica uailai daje izói jiáifodo méidorede. ¹³ Juzíñamui Cuegáuai daií dainámie cai Ocuíraima Jesucristo. Afe como jóonega Juzíñamuimo caido úriraima Jesús, Leví náirai ímieñede. Jiáziemona comuídime. Ie náirai ímiaina jaca nizéñega, Juzíñamuimo comínido úrillena. Ua comini fia fecaca tóica ríllenai naa ráaniaí diga Juzíñamuimo izájillena, nízeñegaiaíoi. ¹⁴ Ñue onógaza cai Ocuíraima Jesús Judá náiraimona comuídime. Moisés afe náiraimo Juzíñamuimo úrirainina íllena, jaca lloñede.

¹⁵ Afe jiáie como jóonega comínido Juzíñamuimo úriraima Jesús, jino çioíllamona, bífuaína jino uáfodo baimo onódicaí; mei dama afémie Melquisedec izóinaza. ¹⁶ Bímie dama ie ñue zíñona ífirenamona comínido Juzíñamuimo úriraimana jaide. Mei jiáifodo Leví náiraimona jaiaí nizeca Juzíñamuimo úriraini ocuica uai dainado úrirainina jáidiaíoi. Afe uai ñie náiraimona nizéllena llote. ¹⁷ Mei íadi como jóonegamie Jesuna Juzíñamui ñue rírede nabáitaja uaido daide:

“Melquisedec izói jaca ninomo Juzíñamuimo comínido zíñona úriraimana ja birui itíoza,” daide.

¹⁸ Iemona afe uécodo ite ocuica uai jae oni caitaca, mei afe uai ríñideza. Iemo jiáí, aféuai comini comeci nahí duáfueña figo jínotanideza. ¹⁹ Afe Moisés ocuica

uai buna comécina nahí jaícina finóñede. Mei jiáifodo jiáie aféuai baimo, ñuera cai jílloite úiñoigamie Jesucristo jae caimo cíotaga. Afémiedo Juziñamuimo áinozifredicai, uáfodo Juziñamuimo cai úrillena.

²⁰ Afe Jesucristo Juziñamui riire nabáirede uaido jóonega. ²¹ Ie uícodo Juziñamuimo úrirainina jáidino, riirede uaido jóoneñegaiaioi. Mei íadi Jesús comínido Juziñamuimo úriraimana jáillaraimo, Juziñamui riire nabaica uaido ja daí mameca. Mei Juziñamui ie Cuegáuaimo Jesudo úrite, daide:

“Cue Juziñamuidicue. Bifue riire cue nabaica uaido daidicue. Cue comeci faca uai jaca jiáiuaina méidoñeiticue.

O ziiñona comínido Juziñamuimo úriraimana itio;

Ua Melquisedec izóidimedio,” daide.

²² Ie jira Jesucristo, Juziñamui jamánomo ñuera caimo comue finóllifue caina ñue onótate. Ua Jesucristo aféfuemo iere uafue daide. Afe finóllifue Moisés lloga nanoide finóllifue baimo ñuera. ²³ Jesucristo uícoidiruillaimo ite Leví náiraimona nizeca Juziñamuimo úriraini ua aillo ite; mei íaioi tícozifirenamona jaca jiáimiena méidofiregaiaioi. ²⁴ Mei íadi Jesús cai dibéfodo Juziñamuimo úrillana, jaca jiáimiena méidonide; mei afémie jaca ninomo ziiñona itímieza. ²⁵ Iemona Jesús nana íedo Juziñamuimo úrizabitinona, jaca ninomo jaícina ñue jílloarede, mei afe Jesús, íaioiri Juziñamuimo ziiñona úriraimana íllaza.

²⁶ Ua, afémie izoide Juziñamuimo comínido úritillaimana jaiái ninómona jitáidicai. Ñue cai jílloillifue afémie caimo ñue zúitaitimie, mei afémie nahí ñuera nífuenidimieza. Afe llezica afémie nana fiénidimaci íaifuemona oni eneno rairuicamie. Ie mei afémie mona ero úcuai illa caifomo, Juziñamui nahí illánomo uigámie. ²⁷ Jaiái uícomo ite Juziñamuimo úritillaini nágaruillaido tóica rílleniaina fatá Juziñamuimo izájifrediaioi. Nano fueñe dani íaioimo ite íaifue ícoinia áfeniaina izájidiaioi. Afe mei comínimo ite íaifue ícoinia áfeniaina izájifrediaioi. Mei íadi Jesús afe izói finuana jitáíñede. Afémie dácaiño nana comini íaifue ícoinia dama ie abi Juziñamuimo fecade. Ua cruzmo ie duere zefuida tíllado abi fecade. ²⁸ Afe Cristo uécodo lloga ocuíllafuedo llotino, jiáie jamai figo nahí jaícina finótañede comínimona Juziñamuimo úritillainina mamédiaioi. Mei jiáifodo, afémaci méifomo jóonega úritillaima Jesucristo, Juziñamui ñue riire nabaica uaido jóonega. Afémie jaca ninomo nahí jaícina itaga Juziñamui Jitó.

8

Juziñamui caimo cómuena finóllifue, Jesús caimo jino denódimie

¹ Nana cai daináfuaimona llógana bie ñue nahífuena ómoimo llóiticue: Como lloga caimo ñue jóobide caido Juziñamuimo úriraima birui ja caimo ite. Afémie caifo monamo ite Juziñamui nabézimo ráinazaide. ² Dinomo Juziñamui nahí illánomo Jesús íllamona, jamánomo ñuera Juziñamui uícomo Jesús caido úricabite, cai jílloillifue ñue caimo zúillena. Afe Juziñamuimo cai nahí áinozirano comini fínoñega. Jaiái biniemo ite Juziñamuimo áinoziraco comini niga. ³ Naga Juziñamuimo úritillaima, fia iga ráaniai, tóica rílleniái diga Juziñamuimo fecáfireitimiena mameca. Ie jira cai dibéfodo Juziñamuimo úriraima Jesús, daje izói dama ie fécajille raa jitáirede. ⁴ Biniemo afémie nibai abido ie bia, afémie caido Juziñamuimo due jiza úriraimañeite, mei Moisés ocuícuaí daina izói Juziñamuimo caido úriraini biniemo nai íteza. Daje izói bimaci nai benó Juziñamuimo fia fecaca raana íemo izájifrediaioiza. (Ie

jira caído ziiño úriraima Jesús, caifo monamo Juzíñamuimo cai ie canólledo úricabite.) ⁵ Biniemo ite Juzíñamuimo úriraini aillo ráfuiado nícidotiai. Nana íai. nícidogafui. jánana mameide. Iai. finócafui. caifo monamo ite Juzíñamui nahífuina caina fiditate. Daje izói biniemo ite jai. Juzíñamuimo ánoziraco, Juzíñamui nahífuena cai fiditaraco. Afena onódicaiza, mei Moisés afeco nitáacanaruimo, Juzíñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶ Mei íadi biniemo ite Juzíñamuimo úriraini nícidogafue iere afe baimo, cai caifo monamo ite úritillaima Jesús caído jamánomo ñúfuena nícidote. Mei jii, afe Jesucristo caimo zuitaca Juzíñamui ñuera cairi comue finóllifue, jai. Moisés lloga finóllifue baimo ñuera. Mei Moisés ocuica uai baimo, Juzíñamui uícodo lloga cómfue jamánomo ñuera uáimona comúdeza. ⁷ Afe Moisés lloga nanoide finóllifue, comini jilloillena ñue jinoiadi, ji. uire iite ñue finolle uai jitañeitiai. Mei íadi afe naonide uai íai. jilloillena figo jinoñede. ⁸ Afe nano ocuica uai jeire otino nahí jaícinaidifue figo dúciñediai. Dúciñediai. mona, Juzíñamui ie Cuegáuaimo íai. daide:

“Uire jaíruido nana Israel náiraimo comue ñue cue finóllifue ócuiticue, naa Judá náirari.

⁹ Jai. íai. uzúti. cue da. ocuica uai izói, ócuiñeiticue.

Jai. aféruillado Egipto éniemona afémaci billa llezica íai. ifódicue:

Ua afémacina izire úcaidicue.

Mei íadi cue lloga ocuica uaina nano íanori fáicanocaillano, áfena figo náfueñediai.

Afe jira íai. zóofeticue,” Juzíñamui daide.

¹⁰ Nai nane íai. lluno Juzíñamui daide:

“Uíreitiruillado Israel imácimo bie izói cue ñue comue finóllifue ócuiticue.

Aféruillado cue ocuica uáillana íai. ifócimo jaícina déitaiticue.

Ua aféuaina íai. comécido jeire íai. otátaiticue.

Iemona afémacina dama cúeiena nane meine abido máñoiticue.

Afe llezica íai. nahí Juzíñamuina íiticue.

Iemo cue náiraina íitiai.

¹¹ Aféruillado nana afémaci uáfodo ñue cuena ónodiaiza, cuena íai. onóillena abí. dí. ji. llónide.

Iemona ie abí. imi. bun. Juzíñamuina onótanide. Daje izói dáme ie ámamo Juzíñamuina onóillena llóñeite; mei nana cuena ónodiaiza.

Naga jamáime, íemo ji. naga jamánomoide riédillaima, nana daje izói cuena ónoitiai.

¹² Nana íai. cue dúcaillamona íai. fi. finócafui. ibana óñeiticue.

Nana íai. comeci íaifuina jaca ninomo féitaiticue.

Aféfuina úbiñoñeiticue,” dí. Juzíñamui daide.

¹³ Bie méfodo lloga Juzíñamui finóllifue, cómfuena méiduamona, afe uícodo Moisés lloga finóllifue jae jai. feide. Afena Juzíñamui dai. uáfodo llote. Iemo naga jai. raa zabízaillamona raire oni dotánocaiga; oni dotánocailleza cíñelle.

9

Biniemo ite Juzíñamuimo ánozirano, jana izói ji. monamo ite Juzíñamuimo ánozirano cai fiditate

¹ Afe nauí nano lloga finóllifue llua llezica, Juzíñamui íemo ánoziraco nitátate. Afe nitátaja dáaruido, comini Juzíñamuina íóbitalle uailai afémacimo daje izói lloga. ² Afe lloga Juzíñamuimo ánoziraco Moisés nitátaga. Afeco

ere niñeno jédaciede iníroina ibáicaco. Afe áreco ero ménaco titaca. Jinóidico Juzíñamui Núeco daina. Afeco eromo áillue mechera izoide egáñora ite. Siete diga dájemona boode raa ite. Dáanomo Juzíñamui dibénemo oni enénorie rairuica pan jónerabani ite, naa afe páaniari. ³ Afe ánoziraco jofóidico Jamánomo Ñuera Rairuícaco daina. Afe jofóidico daje izói jédaciede iníroina ruica diné eróicana nacona ibaica. Jédaciede jígari izóidena fetaca. ⁴ Afe fetaca jédaciroi abimo uguci jobáirabani ite. Bibani lláide órona jinófene aifítaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aifítaga. Afe éenoraco eromo Juzíñamui nofici ibícimo cuega ocuica uailai ite. Ie jira afeco nofíbicimo cuega Juzíñamui cai ocuilla éenuacona mameina. Iemo afénomo daa oro finoina nogo ite. Afégomo ite Juzíñamui monámona cocítaga güille. Afe güille mámece maná. Daa afe éenoracomo Aarón jigüida izoide radozi ite. Afe idozi jamai jazici radozi óinaza dúididozi. (Zícorede juzítófe izóíñede.) Mei íadi Juzíñamui afe idózina éniemo riñeno, fia táinomona zicótano raire ñue llizítate. ⁵ Afe éenoraco ibáirabici emódomo mena oro finoina Juzíñamui abi imácina eroide jana naidáide. Mei íadi afe íaillinoi íaicorede. (Afe íaillinoi mámece ráimona “Querubines.”) Afe íaillinoi conima uíecomo eróidiaillinoi. Iaillinoi naidaina cígimo Juzíñamui cíocafirede. Afe Juzíñamuina cíóñenaza; dama ie abi egáñuana cíófirena. Afénomo faga tóinai díena recuífirediaioi. Daí recuífirediaioi, Juzíñamui meine abido comínimo dúecaillano, íaioimo ite fiénidifue iba íaioimo óñeillena, ua afe ícoinia íaioina duere fínoñeillena. Nana afe dibénemo ite duera nícidogafuina ja birui benomo llónide.

⁶ Afe ocuica ánoziraco nilla mei, íemo naa ie jofo ero ráaniari fínua mei, comínido Juzíñamuimo úriraini jinóidicomo jáifirediaioi. Afénomo íaioimo ocuica comínido Juzíñamui ióbitalle ráaniai finófirediaioi. ⁷ Mei íadi afe jofóidicomo, dama Juzíñamuimo úritillaíma jáifirena. Aféllaíma naga fimónaíaido dácaiño afeco jofo eromo jáirede. Faga tóinai díena jaca jofo úifirede. Dama íemo ite onóñeno finoca fiénidifue ícoinia daí díena Juzíñamuimo izájide. Ie mei nane nana comini íaifue ícoinia jáie díena Juzíñamuimo izájide. ⁸ Bífuaído Juzíñamui Ñuera Joreño daa jáífueña cai fidítaiacade. Afefue daide: “Baie jinóidico nai illa llezica, jofóidicomo jiba comini jaille nai rairuicide. Ua aféruillaído jofo dama Juzíñamui illánomo jáinidiaioi. ⁹ Nana bie Moisés illágmado nícidogafuiai birui cai onóillena canode. Ua comínimo ácatafirega raa izoide, aféruído Juzíñamuimo ánozillena nigaco, naa afe eromo íaioi nícidogafuiai, ñue jáicina caina onótate. Biruillaído judíuai aillo faga tóinai jáie fia fecaca raa diga, Juzíñamuimo nai izájifirediaioi. Mei íadi afe bíedo íaioi comeci Juzíñamuimo ñue jáicina jóitanide, mei íaioi comécimo ite fiénidifuai nai féitañegaza, fia ibaica izói íteza. ¹⁰ Nana afe íaioi nícidogafuiai fia jinófene ífuaí. Nñe izói lítiaioi daide. Dárie íaioi güille, jirolle diga fímairillafuedo úrite. Afe izói fia emódoide múiñuafuedo úrite. Nana bífuaí fia nano nié dno comínimo ocuica, mei Juzíñamui jáífueña méidolliruimo nai dúciñedeza. Ie jira aféfuiai daa aféruillai íena ráifide.

¹¹ Mei íadi caído Juzíñamuimo úrifireitillaímo Jesucristo, jae caímo dúcide. Afémiedo ñuera cáimafuiai caímo zúide, mei ua nahí Juzíñamuimo ánoziracomo afémie jaináideza. Afe jaíai bíniemo ite comini niga Juzíñamuimo ánoziraco jaboide. Afécomona cai ióbillafue baímo, Jesucristo jamánomo ñuera

jíllonafue, caifo monámona ana caimo zúitaibite. Afémie afe nahí Juzíñamuimo áinoziracomo dúide; afeco bínie comini níñega. Dama ie nahico monamo ite. ¹² Nana comini íena, dácaiño afeco eromo ite jofóidicomo afémie jaide. Ie jailla llezica chivo die, juráreto jiza die diga uiñede; mei jáífodo dama ie die uite. Mei jii, afémie íaifuenidimiená íllamona, cruzmo cai ifomo tíllano, ie die tótado zíñona cai jíllonafue ote. ¹³ Jaiái Moisés dáina izói, íaicaillamie íemo ite íaifue bie izói muiñórede. Múíñoñegamie Juzíñamuimo dúide comini cígido macánide. Daje izói afémie Juzíñamuimo nabáirinide. Ie jira faga tóiníai die atírede. Iemo jáíe Juzíñamuimo mameca juráreto jiza jobailla afe jízechoma atírede. Ie mei afe íaicaillamie aféchoma júdairede. Iemona afémie íaicaíñegamiená jaide. Mei jínofena muiñócaza. Ja Juzíñamui comínimo meine abido caimare úrerede. ¹⁴ Mei jii, Juzíñamui dánamona afe tóiníai die rírede, come jinóidífuomo muiñóllena. Afefue daítania, ua onódicaíza. Mei Jesucristo die jamánomo rírede. Ua dama afémie ñue nífuenidimienado Juzíñamuimo ie abi dama izáibite. Afe ziiño Ñuera Joreño ie cánuado Jesucristo dama ie abi Juzíñamuimo izájide. Iemona ie die tótamona nana cai comécimo ite íaífuiainá muiñótate. Ua nana cai jáíáimona nícidogafuíai caína zíñona cáatañede. Mei íadi Jesucristo díedo cai comeci múíñua mei, ua zíñona cáatagacai, afe jaca nahí caade Juzíñamui ocuícano ráiruñeno cai jetállena.

¹⁵ Ie jira Jesucristo jae Juzíñamui comue finóllifue caimo jino zúitaitimie. Afémiedo nana Juzíñamui nízcáno uafue uícomo lloga zíñona cáimaduafuena maiñóritiaíoi. Juzíñamui daí nana comini jíllóillifue uícodo mamede, mei dama Cristo tíllado comini fiénidífuiái Juzíñamui dote. Ua jaiái uícodo lloga nanoide finóllifue illa llezica, nana aféruimo afémaci fiéni finócafuíai ja birui Cristo tílla jírrari, Juzíñamui dote; duano, nana íemo ínotinona jíllotate. Daí Juzíñamuimo zíñona caimare nabáirillafue maiñódiaíoi. ¹⁶⁻¹⁷ Afe maiñórrillafue, come tílla méifomo íitífue izoide. Dámie tíadi ie fiébide feci raa jáímie oni llínoga. Afémie nai tíñenia, feci raa oni llínoitímie mínica raana nai llínonide. Ie jira oni llínoitímie íemo dúide raa maiñóllena, afe raa naama tílla jítaírede. Daje izói Juzíñamuimo caimare nabáirillafue cai maiñóllena, Cristo tílla jítaírede. ¹⁸ Afe jira jaiái uícodo lloga Juzíñamui ñue finóllifue tániaruimo díena recuíñorediaíoi. ¹⁹ Moisés nana afe ocuica uailái nana comínimo jino llua mei, afe uailái cuiábicimo faga tóiníai díena cuirínote. Daje izói afe mei nana comínimo cuirínote. Ua llua mei, Moisés duera “hisopo” dáina raroci llínote. Llínuano, afécimo jáirede oveja itárainá maíte. Iemo jáinoina jáicuica díedo afe rarócina riáitate. Ríáitano, ocuilla uai cuiábici naa comíniri díena cuirínote. ²⁰ Cuirínua llezica Moisés daíde: “Juzíñamui ómoiená ocuica ie finóllifue bie die uafue daítate,” daíde. ²¹ Daje izói aféruillaído Moisés íaíoi iniroi finoina Juzíñamuimo áinoziracomo díena cuirínote. Daje izói nana afeco eromo ite Juzíñamui íóbifirena raamo díena cuirínote. ²² Ua, Moisés ocuica uai dáina izói jamánomo diga raa, díedo Juzíñamui dibénemo dua izói ñue finoca. Iemona die tótañegana comini comeci íaífuiái íba jaca órede.

Cristo dama ie abi Juzíñamuimo izájille comini fiénidífuiainá muiñode

²³ Afe comini niga Juzíñamuimo áinoziraco Juzíñamui ocuide, naa afeco eromo ite ráaniaíri. Iemona nana afeco eromo ite ráaniaíri Juzíñamui dibénemo ite nahífuiainá jánana cai ciona izói caína onótate. Nana bíníemo

ite afeco ero ráaniai Juzíñamui illánomo nahí itífuiái jana. Ie jira biniemo ite ráaniai dibénemo figura Juzíñamui daiíllena, bie die recuille jitáirede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájifireille raa jitáirede, afémacina Juzíñamui iere figura daiíllena. Ua tóiníai die baimo Jesucristo jamánomo ñuera die jitáirede. ²⁴ Iemona Cristo tílla llezica, afe Cristo biniemo ite comini niga Juzíñamuimo ánoziracomo eromo jofo jáiñede. Afe bico fia nahico jana. Mei jáifodo Cristo, Juzíñamui nahí illánomo caído úrillena jae cíocaizaide. ²⁵ Afénomo Cristo dama ie abina, diga icaiño meine nane izájiñede. Mei íadi biniemo ite Juzíñamuimo comínido úritillaíma, naga fimónado faga tóiníai die uillano, afe Juzíñamuimo jáiraco jofoide iere ñuera rairuiredicomo jaide. ²⁶ Afémaci jáifirena izói Cristo jáifiredena figóñede. Mei nibai afémie daií diga icaiño jáiadi, íemo énie finuaruimona afémie afe izói diga icaiño meine abido tíirede; mei íadi afe izóiñedeza. Afémie cai illáruillaído jaíai lloga Juzíñamui finóllifue fuilla llezica, dácaiño fia cómena íficaillano caímo cíocaizaibite. Ua afémie biniemo cai jáinona ie tíizaibillado, nana caímo ite fiénidífuiái niné féillena oni dote. ²⁷ Ja onógaza, naga come biniemo dácaiño tíide. Tílla mei, íaiói illafue Juzíñamui jáicina jicánoite. Aféfuena daje izói ñue onódicai. ²⁸ Daje izói Jesucristo, comini fiénidífuiái oni dóllena dácaiño tíizaibite. Ie mei uire jáíruido afémie fiénidífuiáina duáibiñeite; mei jaíai ie dógaza. Mei íadi afémie uafue meine dáanomo cíocaizaibite, nana íena izire úiñoidinona jílloano monamo ie illánomo úillena.

10

¹ Mei jaíai Moisés ocuica uai naa ie lloga níciduairi, íco nirui bite caímare illífuiái jana. Afe ie lloga jáiaí fue nahífueñede. Moisés bie íco zúitífue cai onóillena jana uícodo llote. Iemona naga fimónaíaido faga tóiníaina íaiói úifirena, íaiói comécina figo jáicina jóitañede. Mei uáfueña, afe faga tóiníai íaiói úifirena Juzíñamuimo ánozidino nahí íaífuenidínona jáitañedeza. ² Mei daií uafue íaífuenidínona íaiói jáiadi, nibai afe tóiníaina izájifirenana fáicanocaidiaíoi; mei jáifodo fáicanocaiñediaíoi, nai comécina jáicina jóoneñegaíaióiza. Daje izói áfedo Juzíñamuimo ánozidino comécina íaífueña nahí nífuenidínona jáiadi, nibai jae íaiói fiénidífue izire íaíoímo iñede. Mei íadi íaíoí fiénidífue jaca izire íaíoímo ite. Iemona onódicai, tóiníai fecáfirena íaífueña figo doñede. ³ Mei íadi afe fatá Juzíñamuimo izájitaga tóiníaina ciónamona, comini íaíoí fiénidífue naga fimónaíaido úbicaitagaíaiói. ⁴ Mei jii, juráretuai, chívuai die diga, jaca come fiénidífuiái dónide. Mei áfemo ua dolle ríno iñédeza. ⁵ Ie jira Jesucristo biniemo bícana llezica ie Moo Juzíñamuina daide:

Omo fia fecaca faga tóiníaina gáíñedioza, comínina iere figura o daiíllena. Mei jáifodo énie cómena ja cuena jécitaitío.

Afemona cue tílledo íaíoína óiena nífuenidínona jáitaitíue.

⁶ Ua comini íaífue ícoínia jobaica tóiníai ja birui ona íóbitañede.

⁷ Ie jira ciegánico cuedo úrilla izói birui ona daídíue:

“Moo Juzíñamui benó biniemo o comeci jitáillafue finuaíbitíue,” daide.

⁸ Nano fueñe afémie daide, nana afe Juzíñamuimo fia fecaca tóiníai, íaífue ícoínia jobaica tóiníai diga Juzíñamui comécina zuitáñede. Ua íena íóbitañede, nana afe nícidogafue jaíai ocuilla uai daína íadi. ⁹ Afe emódomo Jesús daide: “Moo Juzíñamui, ja o comeci jitáillafue birui benomo finuaíbitíue.” Daií

Juzíñamui nana afe jai ai ocuica nícidogafuiaina zóofete. Zóofiano, afe méifomo Cristo dama ie abi cruzmo izájillafue Juzíñamui jeire ote, ñue comínimo caimare érocaillena. ¹⁰ Daií Jesucristo, ie Moo Juzíñamui comeci jítainafue izói finode. Daií ie finuamona jae dama Juzíñamui nabaina ñue finócamacina jáidicai. Mei jii, Jesucristo dácaiño jaícina nana cai fiénidifue oni eneno féitate. Mei ninomo féiñeitena cruzmo dama ie abi Juzíñamuimo izájideza.

¹¹ Naga judío Juzíñamuimo comínido úriraima nágaruillaido naidáillano daje izói faga tóiniana Juzíñamuimo izájifrede; mei íadi afe rilledo comini íaifui ai dónide. ¹² Mei jíáfodo Jesuscristo dácaiño comini fiénidifue ícoinia duere zefuida, tízaibite, afe izói dánomo íñeillena. Ie tílla mei meine abido cáaillano caifo monamo Juzíñamui nabézimo ráinazaide, nana comini íaifue múiñuana fuilla jira. ¹³ Dinomo, nana ie fairíconi ie anamo íai oi itábicaillena afémie úiñoide. ¹⁴ Mei jii, Jesucristo, dácaiño ie Moo Juzíñamuimo ie abina izájide. Afe izájillafuedo, nii cruzmo ie tíllamona, nana caina ie nabaina ñue finode. Jae nana cai comeci íaifuenta ñue múiñuano jaca ninomo caimo caimare érocaide. ¹⁵ Aféfuemo Juzíñamui Ñuera Joreño uaina nabáide, iere uafue cai daíllena. Ñuera Joreño Cuegáuaimo daide:

¹⁶ Juzíñamui daide: “Uire jíairuillaido cue comínimo bie izói jíáie como cue finóllifue llóiticue, naa jíáie cuemo ínotinori.

Aféruillaido cue ocuica uáillaina íai oi comécimo jaícina onótaiticue.

Ua afe uail lai íai oi ífócimo ñue jino denótaiticue,” daide.

¹⁷ Ie mei nane emódomo daide:

“Nana íai oi fieni finócafui ai ibana otátañeiticue.

Daií oñena llezica, íai oi comécimo ite íaifuiaina jaca niné féitaredicue.”

Dinori Juzíñamui daide. ¹⁸ Nana comini fiénidifui ai daií dua mei, jíái íaifue ícoinia dóllena fatá fecaca tóinai jae jítaiñega.

Juzíñamuimo cai ánozillena jítáirede

¹⁹ Iemona, ámatiai, cácarei. Jae Juzíñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicai; mei Jesús cairi tízaibillano caina Juzíñamuina éoitadifue oni muiñócaza. ²⁰ Afémie tuiñoca io ñuera rairuiredico jédaciede ibáiraroido joide. Jira Juzíñamui illánomo cómena cáataite comue io Jesús tuiñuano, afe iodo afémie caina ífode. Afe io tuiñóllena dama ie abi izi cácatate, íemo cruzmo duere zefuírede. ²¹ Iemona Jesús nana Juzíñamuimo ínotinodo Juzíñamuimo Uritillaimana jae jaide. ²² Afémie ja cairi úrioinamona, mai Juzíñamuimo jacíruiñeno omoi ánoziri, mei íemo ñue cai ínuamona jae meáiruiñedinona mamécacai za. Ie jira jífuenide comécido, mai omoi ánoziri. Ainozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoido jocoina izói comécina muiñócacai. ²³ Afe uáfodo jino comínimo cai lloga Juzíñamuimo caimare cai úrillafuenta, mai fáicanocaiñeno áfemo izire cai ínofireilli, mei afefue caimo llotimie Jesús jaca ínofiregamieza. ²⁴ Daje llezica illa dígamierie, mai conímamo ñue cai comécilli, conímamo cai izíruillino cai jenóllena. Daje izói jíáimana ñúefuiaina rairuñeno jíeruillinona jenóredicai. ²⁵ Daje izói omoi Juzíñamuimo gairífirenafuenta mai féitañeno iri. Dáarie aféfuena féitafirediai oi. Daií illa fiénide. Mei jíáfodo, Jesucristo meine billirui

raire dúciacanana omoi onónamona, mai conímana ñue úrillauaido comécina caimare cai náireitalli, nana cai ñnogafue féiñellena.

²⁶ Juzíñamui llogafue daide: Jaca dama Jesús tíllamo cai ñnuamona jílloredicai. Aféfuena cai ie onótaja mei, mei íadi afe uaina nai cai ruifíruioiadi jae abi dine jíaie cai íaifue múiñoitena iñede. ²⁷ Daií ruifíruioiadicimo jamánomo izire jácifue zúite, mei Juzíñamui duere íaioi finóllifue mo jae áinozideza. Afémie iere íaioimo rícaillano iere boode jíáfodo joide iraimo íaioina duere zefuítaite. Ua nana Juzíñamuina bacáuairedinona irai amena cuarita izóidemo, Juzíñamui íaioina dinomo zíiñona duere zefuítaite. ²⁸ Moisés ocuica uaina ruifíruitimiena raire titádiaioi. Ua, mena nibai daámani uai nabáiraini daína uáimona, íemo dúecaiñeno íena titádiaioi. ²⁹ Mei Moisés ocuica uaina ruifíruitimiena daií duere finóbiteza, Juzíñamui Jitona ruifíruitimie mo jamánomo izire duere finóllifue, afémie mo zúiteza. Afémie Jesús díena jamairuitimie. Afe tíllamo totaca díedo, afémie nauí dácaiño Juzíñamuimo oni eneno nizécamienna jaide. Mei íadi Jesuna ruifíruitimie caimo dúecafirede Ñuera Joréñona íaire daiífiredimiena jaide. Daií itimiena iere Juzíñamui duere finórede. ³⁰ Ja birui daií itimie fiénidifue iba ófiredimiena onódicai, nímie cai Moo Juzíñamuina. Afémie daide: “Afe iba ófiredimiedicue. Ua nana íaifuiái íbana duere finótafiredimiedicue,” dáideza. Jíáinomo Juzíñamui Cuegáuai daide: “Juzíñamui ie comini comeci ífuena jáicína jícanoite. Jicánuano íaioimo dúide duere finóllifue ócuite,” daide. ³¹ Daií ie úrillana cai onónamona, caade Juzíñamuimo duere finóllena izájina jamánomo jacírede.

³² Mei íadi nauí íanori omoi illáfuemo uibíoiri. Aféruimo ñúefuena omoi onona mei, aillo duere zefuídiomoi, mei íadi aféruimo omoi ñnogafue fáicanocaiñeno ñue ocuídíomoi. ³³ Dáruillaído uáfori comini eróicana báíñuano duere finócaomoi. Jíáiruillaído daií finócamacimo omoi nabáillamona duere zefuítagaomoi. ³⁴ Afe llezica llaveca ámatíaimo dúecafiredíomoi. Afe baimo, ómoimo ite ráaniaína jíáimaci báiruana caimare rairuñediomoi, mei onódiomoi za, bíníemo ite raa baimo, jamánomo ñuera jaca bairónide raa ómoiena monamo íteza. ³⁵ Ie jira nauí izire omoi ñnoga uaina mai birui omoi féitañeno iri. Aféuaina ñue omoi ñnofireiri, mei ícoimo iere ñuera jíridoga ízoide raa máíñoitiomoi za. ³⁶ Juzíñamui jítainafuena omoi jíeruilla llezica raire comeci járidoñeno írediomoi. Ua, omoi ñnoga ñúefue, omoi are jáicína llocana uille mei, Juzíñamui uícodo lloga caimare jíllonafuena máíñoitiomoi za. ³⁷ Mei jí Juzíñamui Cuegáuaimo daide:

“Ja íanori íllamona, uícodo lloga bíitimie Jesucristo, jíziñeno raire dúcizaíbite.

³⁸ Afémie nai biñena llezica, níífuenidena cue mamécamié, cuemo ie ñnuado nágaruillaído caimare ie illano, cuena íóbítaite.

Mei íadi afémie afe ie ñnoga uaina meine abído féitaiadi, afémieri íobiñeiticue,” díno Juzíñamui daide.

³⁹ Mei íadi meine abído féitatino dibénemo jáináíñedicai. Afémaci daií íaioi ñnoñenamona jíllóñeitíai. Mei jíáfodo cai bie Jesucristomo ñnotinodicai, daií dani cai jíllotagacai.

11

Juzíñamuimo cai ñnuafue

¹ Mei ¿mínica ñnuafuena? Ñnuafue Juzíñamui daína uaina jeire cai uafue. Ñnuamona cai úiñoga cámafue jeire cai ollínona onódicai. Daje izói Juzíñamuimo ñnuamona, ie lloga cáiena mameca ñuera raa cióñena íadi, afefue

ua illana comécido ua onódicaí. ² Ua, ínuafuedo judíuai jaiáidigimamona Juzíñamuimo jaináidimíai, Juzíñamui comeci jítaillamacina jáidiaioi.

³ Juzíñamuimo cai ínuamona, Juzíñamui ie úrilla uaido bínie fínuana onódicaí. Daí ie fínuado nana bie cai ciona énie, táinomona Juzíñamui comuítate. Ua, minícana iñédeza cióñena ráamona naga ráaniai comuíbicaide.

⁴ Juzíñamuimo ínuano Abel, Caín fecaca baimo, ñuera Juzíñamui ióbitalle raa fécaibite. Iemona Abel Juzíñamui dibénemo jaícina itímiena jaide. Juzíñamui jieruigamiena jaide. Mei Juzíñamui Abel fécaibiga raa llínuamona, Juzíñamui comeci Abelna jítainana onódicaí. Daí Juzíñamui íena jieruillafuedo Abel jaícinaidifueмо Juzíñamui uai nabaide. Afe Abel, jaiái uícodo Juzíñamuimo ie ínuado ñue illáfuedo jaide. Aféfuena cai fídiamona, afémie titácamié íadi, ie ínogafue, úrillauai izói caimo úrite. “Juzíñamuimo ñue cai ínolli,” caína daide.

⁵ Iemo Enoc Juzíñamuimo ie ínuado tíñeno caifo monamo uiga. Daí tíllana ie ónoñeillena, cáanori monamo Juzíñamui uiga. Afe mei afémie biniemo cióñenamie, mei afémie Juzíñamui úigaza. Afémie nai úiñega Juzíñamui ióbitadimie dainámie. ⁶ Mei jii, Juzíñamuimo cai ínoñenia jaca íena ióbitanidicaí. Dámie Juzíñamuimo áinoziacania, Juzíñamui nahí illánona uícodo ie ínolle jítáirede. Nane íemo nana izire íena onóiacadino, ñue íbana dama ie abi ífuenta íaioina onótaite. Aféfuemo uícodo daje izói ínorediaioi.

⁷ Daje izói Noé, Juzíñamui lloga raire biite nai cióñena duere finóllifuenta fídiano Juzíñamuimo ñue ínote. Ínuano áillue jofóredicae finode, áfedo nana dama ie comini daí jilloillena. Noé daí dama Juzíñamuimo ínuado, nana jíáie ínoñede comínimo duere finótatiuai jino íaioimo llote. Afe izói Juzíñamuimo ínuado Juzíñamui comeci jítaina nífuenidimiena jaide.

⁸ Afe mei jaiáidiruimo Juzíñamui Abrahana jíirite, jíáie éniemo jaiánillena, áfeniena íco jíáiruido íeiena maiñóllena. Abraham Juzíñamuimo ínuamona afe jíirilla uaina cacáillano, raire ie illániemona oni jíáinomo jáizaide, ie dúcillino nai ónoñega íadi. ⁹ Abraham nai Juzíñamuimo ínuamona, Juzíñamui íemo fecáacaiga éniemo fia jicánemiena diga fimona fia ite. Ua, iníroi niina úcaifirega jofomo aféniemo are íoide. Daje izói Abraham comuítaga jító Isaac, dinómona Jacob diga afénomo daje izoide iníroi nillácuaimo are itíaiillinoi naa ie cominiri. Juzíñamui daje éniema fecalle uaina Abrahamo llua izói, afe íaillinoimo uícodo llote. ¹⁰ Ua Abraham afe jamai illácuaimo dama íeieñede éniemo caimare íoide. Afémie caimare ite, mei Juzíñamui dibénemo ite caimare táinocaitanide illínomo dúcillena afémie úiñoideza. Afe caimare illico Juzíñamui mamérillano dama ie uaido niga.

¹¹ Daje izói Abraham ai, Sara, Juzíñamuimo ínuamona, jamánomo jónaite íadi, fueñe úruerena ríino ote. Iemona daa jító jocode, mei Juzíñamui aféngona aféfuena uícodo daína uai, afengo íere ñue ínoteza. Afengo bie izói daide: Bímie ie daína uaina jíáifo méidofinidimie. ¹² Iemona Abraham íere jónaite íadi, íere aillo erófene igímaiaína jebuítate. Ua jamánomo diga nairai jebuide; nii ja lloga monamo ite facádonide úcuai izói itíaiioi. Nane monáillai fuédamo ite facádonide guamai izói jebuídiaioi.

¹³ Nana cai lloga comini Juzíñamuimo nai íaioi ínoina llezica tídiaioi; nana Juzíñamui uícodo lloga ñúefuiaína nai llínoñediaioi, tílla. Mei íadi afe lloga ñúefuiai íco jíáiruimo zúillena jicana fídíaioi. Fídiano caimare aféfuemo ínuano comécidiaioi, mei biniemo ónoñega jicánemacina íaioi illa

raire méaicaiñeno llotíaiõiza. Uáfueña bíniedo jaiánicana jáidiaiõ. ¹⁴ Nana daií llotino, dani íaiõ nahí illínomo íaiõ jáiacanana llotíaiõ. Ua jáie éniemo jáillana íaiõ úiñoïnana caina fiditate. ¹⁵ Daií íaiõ dáinamona, mei nibai jaiái íaiõ illániemo comécidiaiõ. Daií íaiõ coméciaidi diga icaiño meine abido afénomo jáirediaiõ. Mei íadi abido afénomo jáiñediaiõ. ¹⁶ Mei jáinomo comécidiaiõ. Jáie jamánomo ñuera illánomo, monamo ite Juzíñamuimo nabáirizaillinomo izire úiñoidiaiõ. Daií Juzíñamuimo íaiõ ínuamona, Juzíñamui iere ióbite. Bie jaiánicana jáidino Juzíñamuina dáiaidi: “O cue Juzíñamuidio,” daií íaiõ dáinari Juzíñamui méaicaiñede. Mei íaiõ jofue izoide ñuera illino, dinomo Juzíñamui diga zíñona nabáirizaillena, Juzíñamui jae finócaza.

¹⁷⁻¹⁸ Naui Isaac jocoina llezica Juzíñamui Abrahana daide:

“O úicoitigima bie jitó Isáacimona aillo jébutiaíõiza,” daide. Diga iruillai íllamona Juzíñamui dáaruimo Abrahana ínuafue facátate. Iemo Juzíñamui ocuilla izói, Abraham nai Juzíñamuimo izire ínuano, ie jitó oni uite, titada Juzíñamuimo fecállena. ¹⁹ Mei Abraham Juzíñamuimo ñue ínuano comeci facade: “Juzíñamui jamánomo ñue ríinoredimie; tíide come meine cáataite ríino íemo ite. Cue jitó tíidena Juzíñamui meine íena cáatarede,” daií Abraham comeci anado daide. Iemo, Abraham ie jitona fáiacana llezica Juzíñamui afémiemo raire úrillano, ie daade jitona jíllotate. Abraham ie jitona fañede. Ie jira jáífodo daírede, tíllanomona Abraham ie jitona meine abido ote.

²⁰ Daje izói Juzíñamuimo ínuamona Isaac ie jitó íaillinoi Jacóbomo Esaú diga uire Juzíñamui orelle caimátaillifue ua llote.

²¹ Daje izói Juzíñamuimo ínuamona Jacob, ie tíizailliruimo José jitó íaillinoimo úrite. Urillano ie enaize íaillinoimo uire Juzíñamui orelle caimátaillifue jino llote. Afe llezica ie macara jigüida llínota ie abi mozíñuano caimare Juzíñamuimo úrite, ie ióbitallena. ²² Daje izói Juzíñamuimo ínuamona José ie tíizaillirui ánozillano, Israel comini Egipto éniemona uire oni dani íaiõ éniemo jáillifue llote. Afe llezica ie ícuruai aféniemo fiéñeno oni úillena, uícodo uai íaioimo jónete.

²³ Diga fimona jailla mei, Egipto ríillaima nana Israel como jéciga jitótiaina fazítate. Mei íadi Moisés jocoina mei, ie moo íaillinoi Juzíñamuimo ínuamona, illáimana jacíruiño Moisená retáidotiaillinoi. Dauíamani íena retáidotiaillinoi, afeza iere ñuezana jira. ²⁴ Aféllaima jiza Moisená náamatata mei, Moisés móonailla llezica Moisés aféngomo dúillana ruifruite; mei aféme Juzíñamui dibénemo jaináideza. Ie jira Juzíñamuimo ínuamona Moisés afe mámece oni faite. ²⁵ Mei jáífodo Juzíñamuimo jaináidino cigiri íllana, aféme jamánomo gaide, nana duere zefuídiaiõ íadi. Daje izói ie comínina fieni ie zóofiamona raire féite jabo ióbillafue dibénemo íllana aféme gáñede. Moisés Juzíñamuimo ínuano ñue comécide.

²⁶ Biedo aféme comécide: “Nana Egipto énie ebírede ráaniai baímo, Juzíñamui dibénemo ie dáme illa jamánomo ráifide, duere aféme zefuide íadi.” Aféme daií comeci facade. Ua Moisés, Cristo ícoina zefuíllano, féitaño daií comécioifirede; mei Juzíñamuimo ínuamona baímo ñuera féinide raa izóidifue afe ie jíridollena aféme onódeza. ²⁷ Iemona Moisés Juzíñamuimo ínuamona, afe Egipto illáimamo ite ríinona jacíruiño Egiptomona botade. Ua jacíruiño afe Moisés oni jaide, mei buna cióñena Juzíñamuimo

fáicanocaiñeno ñue nágarui comécifiredeza. Daií ie comécinamona, uído ciónamiemo ínua izói, Moisés Juzíñamuimo iere ínnote.

²⁸ Daje izói Moisés Juzíñamuimo ínua mona, Juzíñamui lloga pascua rafue como fueñe finode. Ua Juzíñamui llua izói, Moisés íaioi jofóniai naze fuédamo oveja díena jíritate. Daií ínua mona, Juzíñamui oreca títaite abi ímie nana Israel nano fueñe jococa jitótiaimona buna titáñede, aillo Egipto imaci jitótiai tícoizítiaioi íadi. ²⁹ Daje izói Juzíñamuimo ínua mona nana Israel aillo comini “Jíairede” daina monáillai ñue zaférede iodo ruícafenemo jaitádiaioi, mei afe monáillai jainoi Juzíñamui oni gaitácaza, íaioi ruica jáillio tuiñóllena. Mei íadi Egíptomona racádino afémaci jailla izói jáidiaoimo, meine io jáinoina íbábicaillari coróbaitiaioi.

³⁰ Iemo Israel comini Jericó jofue anáfenoacadiaioi. Afe jofue riire naidároga noñibanina cirínoga. Iemo Juzíñamuimo ínua mona ie daina izói, siete dígarui afe riire ibaica jofue jinófenedo ífoina macáoidiaioi. Iemona icoi iruimo afe caifo nitaca noñici finoina jofue jinófene cirínuabani, Juzíñamui ana éniemo caitade. ³¹ Daje izói Juzíñamuimo ínua mona nauí uícodo fiénidíngo, Rahab fañega, nana jíaie afe jófuego ite ínnoñedino fazícaicioi íadi; mei Juzíñamui cominimona oreca éniena ñue onóillena méiñoitinona afengo caimare cánuano jofo uáidoteza.

³² Nai jino lloñega aillo ite jíaie jaii Juzíñamuimo ínnoñedino. Bibedo íaioi illáfuiaina cue llóllena cue abi juánideza, nana llónidícue. Fia íaioi mámeçiai jino llóitícue, íaioimo omoi ñue comécioillena. Afémaci Gedeón, Barac, Sansón, Jefte, David, Samuel; daje izói Juzíñamui uai jino llóraini ite.

³³ Bimácimona dámerie Juzíñamuimo ínua mona jíaie náiraina anáfenodiaioi. Jáimaci Juzíñamuimo ínua mona Juzíñamui jáicina jóidífueña cominimo ocuide. Dáarie Juzíñamuimo ínua mona ie uícodo llua izói, Juzíñamui canócaiaioi. Dáarie Juzíñamuimo ínua mona riirede jánallarillai fueña ibaica izói finode, íena íaioi riñeillena. ³⁴ Jáimaci uzírede iraimo dotácaiaioi ía, nai Juzíñamuimo íaioi ínua mona afe iráimona uzíñeno jino bitíaioi. Dáarie Juzíñamuimo ínua mona fuiríllafuiaimona otábiñeno jino ñue jíllodiaioi. Iemo jóbairo illa llezica Juzíñamuimo ínua mona dáarie maíriñedimíai ñue máirimíaina jaide. Daií Juzíñamuimo ínua mona onina bite fuirírainina abido rainódiaioi. ³⁵ Daje izói Juzíñamuimo ínua mona dáarie ringóniaimona íaioi úruiai tíide íadi, meine abido íaioimo cáataga.

Mei íadi jáimaci nai Juzíñamuimo ínua llezica, íbátarede tíide jíllotafueña lloñédiaioi, mei aféfuedo Juzíñamuina jáanotaiticai, daidíaioi, íadi Juzíñamuina jáanotanidiaioi. Ie jira iere duere zefuítano titácaiaioi. Daiítadena lloñédiaioi; mei afémaci meine abido caana mei, jamánomo ñuera zíñona illáfueña méaicaiñeno maíñoacadiaioiza. ³⁶ Nai jáimaci Juzíñamuimo ínua llezica, fiénide zánonafuiaimona duere finóbidaioi. Jáimaci riire zechénogaiaioi. Ua dáarie Juzíñamuimo íaioi ínua mona cúinajano llavécaiaioi. ³⁷ Daje izói jíaie Juzíñamuimo ínnotino noñiciaina níjicaiaioi; jáimaci dáafemíaido amena dera izóidedo ñetácaiaioi; jáimaci caimare taino uáillaído bifuegaiaioi, íaioi ínua fue facátallena, íemo lloéfaido fagáiaioi. Jáie Juzíñamuimo ínnotino, íaioi ínroinina jira, tóica rille igórainna jitáoidiaioi. Daií fia macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéni finócaiaioi. ³⁸ Daií finócaiaioi íadi, Juzíñamuimo íaioi ínogafueña fáicanocaiñediaioi. Iemona bimaci Juzíñamui dibénemo iere izíruigano; mei

íadi bíniemo ite ínoñedino afe Juzíñamui uaina jeire otínona jámairuitiaioi. Ie jira ínotino afe ínoñedimaci cígiri íllena, ínoñedimacimo figo dúíñede, mei ínoñedimaci comeci iere íáiredeza. Ínotinona jámairuillano, íaioina oni jiúfirediaioi. Iemona ínotinomona dáamierie zaféredizicimo jáidiaioi. Jiámaci caifóneduai illánomo botádiaioi. Iaiioi jaillánomo ite ífuaimo ífirediaioi, naa íduai ana ífuairi. ³⁹ Nana bimaci Juzíñamuimo ínuamona, ñue “figora” daínamacina jáidiaioi. Mei íadi nana Juzíñamui uícodo lloga caimare ñue illífuaiina figo maiñóñediaioi; jabo maiñódiaioi. ⁴⁰ Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jílloillifue. Daí jaii ua Juzíñamuimo ínotino naa cai diga, birui dáanomo jaii Juzíñamui mameca nahí jílloillifueмо dúciiticaí. Ua afémaci naa cai diga, Juzíñamuimo caimare nabáirillafuena jeire óiticaí.

12

Jesumo ñue jaícina omoi comécioiri

¹ Ie jira, cue ámatiai, comécido ñue omoi facari. Ua aillo jamánomo Juzíñamuimo izire ínotino bíniemo cai uícodo macáoidiaioi. Afémaci Juzíñamui cai íóbitallifueña caina ífode. Afémaci cai ínogafueмо jaícina ífoite uai nabáiraini. Cai abido ífoina itíaioi. Afémacimo cai comécillamona, nana cai jízitacana uite fiénidifuii mai oni cai féitalli. Ua, caimo ite fiénidifue, abi llótaidote iniroi izói caimo jíide. Jínamona jaca caina aruire itátate. Afena fáicanocaillano, Juzíñamui íóbitallifueмо zefuíruiñeno mai izire cai nícidolli. ² Afe llezica duere cai zefuíllano féitano, mai Jesumo comeci cai facalli; mei afémie Juzíñamui íóbitalliodo, ínuafuedo cai jáillena cai ífódimeza. Mei afémie ie Moo Juzíñamuina féitañeno ie fáainaruimo nai íemo izire ínoide. Daí ie ínuua, afémie izói jaícina cai ínollena, afémie cai ífode. Iemona afémie cai ínogafue ñue ícoimo fuitádimie. Ua, Jesús duere zefuide, íadi afe duere zefuilla méifomo íte cáimafueмо, afémie ñue comécide. Afemo comécioillano uái daí cruzmo tízaide; mei áfedo nana íemo ínotino caimare jíllobicaitiaioiza, afémie onode. Iemo afe meáirede tíllana náfueñeno, abido meine cáadimiena jaide. Afe daí jaillano caifo Juzíñamui nabézimo Jesús ráinazaide.

³ Ie jira, cai jiáinona duere zefuítagamie Jesumo mai ñue omoi comécioiri, omoi duere finóbicaillamona omoi zefuiruiñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiñeno Juzíñamuimo ínoicaide, fiénidino íena uáitajano duere ie finódiaioi íadi.

⁴ Fiénidifue omoi comécina jíriode, íadi nágarui áfemona abi ráiruiñediomoi. Afemona abi rairuíllano iere juárede. Iemona jabo duere finócaomoi. Mei íadi fiénidifueña omoi anáfenoacanamona nai tíñediomoi. Dama Jesús ícoinia jabo duere zefuídiomoi. ⁵ Afe llezica Juzíñamui caimare llogáuaina nibai jae féitatiomoi. Aféuaido Juzíñamui ie úruiai izói, ómoina llófue; ona riire daide:

“Cue jitó, o Ocuíraima Juzíñamui omo oreca duere zefuítajafueña jámairuiñeno iri, mei áfedo afémie ñue ona rairuíllano lletádeza.

Daje izói fiéni o ínuamona afémie duere o finóadi, comécina rinidimie izói iñeno iri.

Mei jiáifodo, abi mámano, ie llétafueña ñue jeire oíri, ñúemiena o jáilleza.

⁶ Mei Ocuíraima Juzíñamui nana ie izíruiganona fáicana lletáfiredeza, íaifuenidínona íaioi jáillena.

Afe izói nana ie ua onoiga jitótiaina llorebai mailla izói due ízitate, mei afémaci dama íeieza,” daide.

⁷ Omoina izíruillamona Juzíñamui afe daí ómoina duere zefuítate, ómoimo llófuellena, baimo ñuera ie jitótiaina omoi jáillena. Ie jira duere zefuítagaomoi. Mei onódiomoiza, biniemo ite moo llétañega jitó ñue móonaiñeiteza. Iemona afe moo nana ie jitótiaina llorebai mailla izói ízitate. ⁸ Ie jira Juzíñamui ízitañegamie nibai ie nahí jitóñedeza, móonidiza; mei nana nahí ie jitótiaizi cácatagaiaioiza. ⁹⁻¹⁰ Afe emódomo cai biniemo ite móotiai nauí ñue cai móonaillena, ñue comeci íaioi fácamona, izire caina lletádiaioi. Ua nano íanori illáruillaido caina duere finuafuedo lletádiaioi. Ua izi cácatagacai. Afe llezica nai cai moona caimare jacíruiticai; jacíruiouillano ñue íaioi anamo itábicaidicai. Daje izói cai monamo ite Moo anamo jamánomo caimare itábicairedicai; mei afémiemo cai ínuano, nahí ie jitótiaina comuítagacaiza. Nana afémie duere cai finuafue cai dibénemo aillo ráifide, afémie ebire ñuera illa izói, daje izói cai íllena. ¹¹ Ua, ja onódiomoiza nana izi cácatafuemo illa llezica, áfena gáñedicaí. Mei íadi afe izi cácatafue záilla mei, áfedo lletácana, Juzíñamui anamo ñue jaícina íficaillano, comécina jacíruiñedinona caimare jáiticaí.

Juzíñamui uaina ruiñruilla iere jacírede

¹² Juzíñamui daí omoi llétajana omoi onónamona, mai abí omoi mame. Ja abina náinidino izói omoi íñeno iri. Omoi zúurede comeci náiretari. ¹³ Afe llezica omoi duere zefuúllafuemo, mai bífuemo jaícina comeci facádori. Aféfuemo daíri “Juzíñamui íóbille jitótiaina móonaitagacai.” Daí o dáinamona, jáíie ómoimona Jesumo ínogana féitaacadino, comécina caimare náiretairio. Daí ie náireillamona afémie meine abido Jesús uaina izire ínocana jeire óite.

¹⁴ Afe emódomo nana comíni cígiri, mai comeci rícaitañeno cáimafuemo omoi iri. Daje llezica, Juzíñamui ebire ñue illa izói, afe dibénemo mai omoi abí ífuiái nágarui méidocana uiri. Bie izóidifuemo omoi nai íñeniadi jaca buna Juzíñamuina cíoneille. Mei íadi comeci íaininafuemo cai íadi, íena cíoiticaí. ¹⁵ Juzíñamui caimo fecaca cai ie cánuafue aillo ite. Bifue nana jeire omoi ófireilleza izire omoi coméciri. Daí íllamona buna fiénidifuemo oni nibéfodo báíñeiteza. Daa daí oni fiénidifue dibénemo baídimie nana jáíimaci comécina fiéni finode. Mei jíi, duere zefuúllamona Cristo dibénemo figo jaináiacañedimie, jucúrede juia izoide. Mei afe juia illemo totáa, nana áfeji jucúredijina jaide. Daítade come nana ie aino comínina daje izói figóruiñede. Afemona abí omoi rairuiri. ¹⁶ Daje izói nana jiruírenafuíaímona abí omoi rairuiri. Afe llezica ómoimona dámie Esaú illa izói íñeno iri, mei afe Esaú jaca Juzíñamui jítainafuemo figo coméciiñedeza. Aféfuena jámairuillano, afémie nánoramie íadi, íemo ite maiñórrille ríino, fia due jiza güille íbana fecade. ¹⁷ Afe Esaú illáfuenta ñue onódiomoiza; mai aféfuemo omoi comécioiri. Ico írairuimo ie moo ézicirafuena Esaú maiñóacade, íadi ie moo ja íena ruiñruite. Afémie comeci ífue méiduano éecana ie moomo izire jicade; íadi “Jii” daíñede. Afe nauí Esaú jámairuillafue jaca méidonide.

¹⁸ Ja birui Juzíñamuimo caimare nabáirillanomo dúcidíomoi. Jaiái Juzíñamui comíni áillue caifónedumo áinozidiaioi, Juzíñamui daina uaina cacáillena. Afedu mámeceí Sinaí. Afedu náaduna irai izói boode, aillo úillie díga. Afe llezica iere jacire nairíbicaide. Nairíbicaillano, jairifo ríire jaiñode. ¹⁹ Aféruimo bainada izoide ficire cácaacade. Afe llezica áillue come úrilla uai íaioimo ficire cácaacade. Afe uai iere jacírede cacaide. Afemona, áfena cacádino jáíie emódomo lletara

uaina llóñellena izire jicádiaioi. ²⁰ Afe íaioi cacana íaioimo lloga lletara uai jamánomo iere Juárezdeza. Aféuai daide:

“Bie óode íduna omoi jetáiñeno iri. Ninena daa rille bídumo bíadi, raire nofíciado fáiri. Daje izói ninena bídumo bite come fáiri,” daide.

²¹ Uafue, afe cacánafue naa cíocaidífue diga iere jacírenamona, dama Moisés uai ua: “Aferi iere jacínaiticue. Jacíruillano cuidíriticue,” daide.

²² Mei íadi, jae jíáifodo Jesucrístomo omoi ínuamona, ja birui Juzíñamuimo ite jacínide caimare nabáirillafue dibénemo dúcidiomoi. Ie mei ícoimo monamo ite jaca caade Juzíñamui uícomo úrizaitiomoi. Juzíñamui illa jofue, “mona ero ie Jerusalén” mámecirede. Iemo jíáifodo “Sión Caifónedu” daína. Afémiemo ja omoi caimare nabáirillamona diga íeza facádonide Juzíñamui abí imaci Juzíñamuina ióbioicana iráizitiaioi. ²³ Ua, omoi ínuamona Juzíñamui ómoína daide: “Ja cue daade Jitó Jesucristo izóidinodiomoi. Cuemo ie dúina izói, afe izói ja cuemo jaináidíomoi,” daide. Afemona nana Juzíñamui íena comuítagamacimo jae jaináidíomoi. Nana afe íemo jaináidíno mámeciaí jae monamo cueba. Ie jira nana Moo Juzíñamui ie comuítaganona, ñue jicánuana fibídímie izói, ñue íaioina ríidoite, mei afémie nana nairaí Mooza. Jaiaí ie anamo ñue ítino, jae tídiaioi, mei íadi íaioi ñuera joreño nai figo caimare íñédiaioi. Ja biruíllaido Cristo cairi tíllano caina jíllotate. Daí nana íemo ínotinona jíllotano, afe tíidíno ñuera joréñuai ñue jaícina caimare itátagaiaioi.

²⁴ Uafue, Juzíñamui comue caimare caimo fecállífue caimo llóiacade. Afefue caimo lluíbitímie Jesús, mei ie cruzmo ie die tótajado caimare íaífuenidínona finócacaiza. Ie jira ie die, úrilla uai izói jamánomo ñúefue caí ífócimo denode. Mei jíáifodo Abel die tóilla afe izói caimare ñúefuaí caimo lloñede.

²⁵ Nana bie caimare Juzíñamui caimo llotátagafuaína jae onódiomoi. Afena omoi onónamona, afefue ómoimo llotímie mai omoi ruifíruíñeno iri. Afe íena ruifíruíllamona abí omoi rairuiri. Mei jaiaí bíníemo Juzíñamui jónega lletárama dáinana ruifíruitíno, duere íaioi finóinamona jaca jíllóñediaioi. Afe baimo birui monámona caimo llotímie dáinana caí ruifíruiaí, daje izói ua jíllóñeiticaí. ²⁶ Jaiaí aféruimo ie úrilla uai éniéna diga icaiño riire docáitate. Mei íadi birui afémie uafue llote: “Nane afe emódomo dáacaiño éniéna riire docáitaiticue, naa caífo ite monániaíri,” daide. ²⁷ Afémie daína “Nane afe emódomo éniéna dáacaiño docáitaiticue” Juzíñamui íraíruíllaido finóllífue caina daide. Aféruimo nana ie finoca raa, ranítado izírilla izói níraidoite. Afe níraíduado nana níraírede ráaniaína, afémie oni niné táinocaitaite. Mei íadi níraínide ráaniaí jaca méidonide; fiébillano zíiñona íitiaioi. ²⁸ Ja birui Juzíñamui méidonide illáimana illánomo jaináitagacaí. Iemona íena “Iere figora” caí daíífireilli. Afe llezica caimare úrillafuedo mai íemo caí íóbilli. Ua, ñue jacíruioicana ie uáillaimo mai ñue caí cacáreilli. ²⁹ Mei jíi, caí Juzíñamui, irai amena cuarilla izói, nana íaífueredínona jaca zíiñona íaioína duere fínoite.

13

¿Nie izói Juzíñamuina ióbitaredícaí?

¹ Amataí, mai conímana omoi izírufíreiri. ² Daje izói onina bitínona mai dúecaillano ñue caimare uáidori, mei daí dárie jíáimana íaioi caimare uáidofírenamona ónonino Juzíñamui abí ímíiaína jofo llínotiaioi.

³ Iemo Jesumo ínuamona llavécamacimo ñue omoi úibicaíri. Ua dájena llavécano izói, mai íaioimo comeci omoi facari, íaioína omoi canóllena. Daje izói duere finoca Jesumo jaináidímacimo, mai omoi ñue comécíiri, mei dani

omoi abina jiáimaci duere zefuítarede; íemo bimaci diga daí zéfuitiomoiza. (Dáamacidiomoiza.)

⁴ Daa come daje ringona áireia ñuera. Afémie dama ie ai abina onona ñuera. Hima dama ie ai jeta ñuera. Mai bifue íáiño ñue omoi fímairi. Mei Juzíñamui nana jiruiredinona izire jicánuano íaioina duere fínoiteza, naa dama áireiño ringo diga itínori.

⁵ Daje izói omoi comeci ífueña ñue onoiri. Ucubena aillo jitailla fiénide. Afemona abí omoi rairuiri. Mei jiáfodo ómoimo due jiza ite ráaniairi júfidoño caimare uái iri, mei Juzíñamui uafue dáideza: “Ona fáicanocaiñeticue. Daje izói jaca ona zóofeñeticue,” daide. ⁶ Iemona minícana jizireño dairedicai:

“Juzíñamui cuena canófredimie; íemona fieni cue finócadimiena jáciruiñeticue.”

⁷ Iemo mai Juzíñamui uai ómoimo nano fueñe jino llófuetinomo ñue omoi uibóiri, mei ñueodo ómoina ifódiaioiza. Iaiomona comuide ñúefuiaimo, féitaño mai ñue omoi comécioiri. Afémaci Jesús ícoinia titácaiaioi, mei íadi afémaci fáicanocaiño Jesumo ínua izói, afe izói féitaño mai omoi ínofireiri.

⁸ Mei jii, Jesucristo nanómona ie illa izói, ja birui jiáfodo méidoño dáameoicaide. Ua afémie jaca ziiño dáameite. ⁹ Ja birui diga jiáfodo caicaide onina bite ónoñega fieni llófueinafuiái ite. Aféfuai ñueomona oni nibéfodo omoi baítaiacadeza; áfemona abí omoi rairuiri. Juzíñamui cairi dúecaillano cai cánuano cai comeci náirecaitate. Afe ie cai comeci náiretaja ñuera. Mei íadi afe jicana lluáibiga güille rairuinafuiaina jeire cai óiadi, caina ñue cánoñeite. Daje izói afe uai jeire otínona canóñede.

¹⁰ Jesucristo cai ifomo fécafue Juzíñamuimo caimare cai nabáirillena dani caimo dúide. Nana Judúaido Juzíñamuimo úriraini, ie jaiai gairíracomo aillo Juzíñamuimo ánozille nícidogafuiái finódiaioi. Mei íadi afémaci Jesús dibénemo ite cámafuiaina llínonidiaioi.

¹¹ Judúaimona comínido Juzíñamuimo úritillaíma dáacaiño naga fimona afe faga rille die Juzíñamui icomo uite. Afe Juzíñamui icomo ite jofuide ñue rairuícacomo comini íaifue ícoinia díena uite. Mei íadi afe faga rille, comini illácuai jinomo jobáifrediaioi. ¹² Afe izói Jesús Jerusalén jinomo duere zefuide, dama ie die tóillado nana comini fiénidifue oni dóllena. Daí duano íaioina Juzíñamui íena mamede. ¹³ Ie jira nana Judúai Juzíñamuimo ánozille nícidogafuiaina féitajano, mai dama Jesumo jaca cai ínolli. Ua, daí íemo caimare cai jaináinamona jílloticaí. Ie meáire duere zéfuilla izói, duere cai zefuádi, áfena náfueño nai caimare íemo jáinaiticaí. ¹⁴ Ja biniemo ñuera méidoñega illano caimo íñede; mei íadi Juzíñamui finoca monamo ite méidonide cai illínomo izire úiñoídicaí, caimare ziiño ie diga cai nabáirizaillena. ¹⁵ Iemo, Jesús caido Juzíñamuimo nahí úriraimana íllamona, mai Jesudo nágaruillai Juzíñamuimo ñúefue cai nitalli. Ua, cai fuemo ite uaido Juzíñamuina caimátaitaredicai. Cai Ocuíraima Jesús mámedido cai úriadi, jaca Juzíñamuina ebire íóbitaredicai. ¹⁶ Daje izói nágarui jiáima canolle ñúefue jeire o úana, mai féitaño iri. Aféruído jítáidinomo ómoimo ite raana jeruíño fecari; mei aféfuaina Juzíñamui iere íóbideza.

¹⁷ Omoi illaini llogáuaimo ñue omoi cacáreiri. Aféuai anamo ñue omoi itábicairi; mei omoi comeci ñue íllena aféllaini nágarui ómoina rairuífrediaioiza. Ua aféllaini ómoina rairuilla nie izói íadi, afémaci Juzíñamuimo jino llórediaioi.

Ie jira íaioi táijinana omoi daidóñeno iri; mei jíáifodo ñue íaioi anamo omoi itábicaíri. Afedo aféllaini Juzíñamui ocuica táijinana caimare fínoite. Mei íadi afémaci afe táijinana zúurecana finóadi, figo cánoñegaomoi.

¹⁸ Mai birui caído Juzíñamuimo omoi úriri, afe Juzíñamui cai canólleza, mei cai comeci ifue íáinideza. Mei jii, nágaruillai náganuiamo illa dígamie íaioi eróicana ñue jaícina fígomiena íacadicaí. ¹⁹ Ua, cuedo Juzíñamuimo comécido omoi úrillena izire jicádicue, raire meine abido omoi cigimo Juzíñamui cue orélleza.

Iraicaiño uáidota ñue ézicinoçailafue

²⁰ Ja birui Juzíñamui ñue omoi ézicillena jicádicue; Moo Juzíñamui, comécina uái illafue comínimo fécaitimie. Iemona cai Ocuíraima Jesuna tíllanomona Juzíñamui meine abido cáatate, mei Jesús ie die tóillado nana caimo ite fiénidifuiaina muiñoðeza. Múñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úñoraíma izoide. Afémie ovejai rairuilla izói, caina úñofirede, comécina uái cai íllena. ²¹ Afe bie Juzíñamuimo omoi comeci náireillena jicádicue. Ua nana ie ñuera ríinodo omoi comécina ñue jaícina caimare náireillena jicádicue. Afe bie cue jicácado ie jitáinafuenta ñue comini eróicana fínoitíomoi. Afe llezica Juzíñamui comeci óiacana izói dani caimo zúillena izire íemo jicádicue. Mei daí jamánomo ebírenafue Jesucrístomo, ninomo fúñeítana nitáredicaíza. Mai, daí íteza.

²² Amatiai, nana bie ómoímo cue cuega lletárafuiamo járitaño fia omoi comécíiri. Afena izire ómoíena jicádicue, mei bie ómoímo cue cuegáuai íanorideza. ²³ Iemo jíáifuena ómoímo fidítaacadícue. Jae cai ama Timoteo llavéinanomona jae jino zuitaca. Omoi dine nai jáñeíticuemo, afémie cue illánomo raire dúciadi, nibai daane omoi éroizaíbitícoco.

²⁴ Nana omoi llófuete illáinina cuedo ñue uáidori, naa afénomo ite Jesumo ínotinori. Itáliamona benomo cai bite ámatiai ómoímo uailai orédiaíoi.

²⁵ Juzíñamui nana ñue omoi íllena ñue ézicíteza. Mai.

Daítadeza. Jae nñe.

SANTIAGO CUEGABE La Carta de Santiago

Ráidozitinomo Santiago cuete

¹ Cue Santiágodicue. Juzíñamui táijitagamiedicue. Daje izói cai Ocuíraima Jesucristo táijitagamiedicue. Israel náiraimona doce dígazie nana éniédo ráidozitinona uáidotícue.

Juzíñamuimona oga onónafue

² Cue ámatiai cácarei, ñie facátafuiai ómoimo jíriadi iere caimare omoi iri. ³ Mei jii omoi ínuafue facátaficaiadi áfedo baimo comécina járidoñenafuena onótalliomoi. Mei áfena onódiomoi. ⁴ Afe comécina járidoñenafue ñue jeire omoi móonaitari. Afedo jáicina jéetagamacina ítiomoi; omoi jítáillifuenta íñeite.

⁵ Omoimona dáamie figo onóñenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruíñeno nágamiaimo onóillifuenta fecáfirede. Afémie icíriñeno comínimo fecáfirede. ⁶ Mei íadi ínuafuedo o jicari. Daí jítáirede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷ Daítadimie Ocuíraimamona minícana óllena comécimo facáñeno iri. ⁸ Aféfuena onóigaza. Níimie birui bie raa óiacade, uire jíaiena óiacade, ñue jáicina macánide.

⁹ ¡Ráanide ama, caimare o iri! Juzíñamui caifófenemo ona jóonelle jira. ¹⁰ Ráaredimie, o anáfeficaiadi, áfena náfueñeno caimare o iri. Mei ráaredino ráitie záfia izóideza. Afe záfia are íñeite. ¹¹ Jitoma bíllamona íena iere llirítaite. Caigáillamona afe záfia ana júide. Daí ie ebírenano fuite. Daje izói ráaredimie ie nícidocaigafuiai cígiri táinocaite.

Facátafuiai fiénidemo baiítafuiai diga

¹² Dáamie facátafuiai járitañeno llínoiadi afémie caimare ite. Facátafuemona ñue oni jaillano ícoinia fia iga raa jíridoite, ñue facátaoicailla jira. Afe ícoinia fia iga raa ñuicirai izóidifue. Afe iga raa ua Juzíñamui ie illa zíiñona cáataitinona. Ua Juzíñamuina izíruitinomo uícodo lloga zíiñona cáataitinona íaioimo fécaite. ¹³ Dámie íaifue mo baiítafuena cacáadi, afe Juzíñamui orécaza comécina facáñeno o iri, mei jira afe daítadifue Juzíñamui jaca jítáíñede. Daje izói Juzíñamui bumo afe íaifue mo baiítafuena comuítañede. ¹⁴ Mei afefue jíáifodo bite. Dáamie dama ie comeci fieni jítainafuiaiido comeci óiadi, áfedo íaifue mo báite. Afe izói dáamie ie fieni jítainafuiaiido jífueficailla; íemo afe jífuiafuedo afémie meine íaifue mo báite. ¹⁵ Afe bie comeci fiénino jítainafuiaiimona íaifue comuide. Ie mei afe íaifue jae oruíbicaillamona tíllafue comuide. ¹⁶ Cue izíruiga ámatiai jífuefizaiñeno iri. ¹⁷ Nana ñuera caimo iga raa, nana caimo jáicina jóbidifuiiai diga, caifona Juzíñamuimona bite. Afémie nana monamo ite egáíñotinona finode. Juzíñamui jaca dáamie; afémiemo jíáifodo meídogafuena íñede. ¹⁸ Afémie uáfuena úrilla uaido cáatatinona caina comuítate. Afena finode ie finócafuiamona como fueñe oga llízie izói cai íllena; mei ie comeci jítaina izói finode.

Uáfuena Juzíñamuimo cai comécinafue

19 Ie jira izíruiga ámatiai cacai. Omoimona nágamiai jaca jefo jinéoiri, mei íadi fáicana o úriri, daje izói fáicana ráicairi. 20 Mei jii, ráicaidimie Juzíñamuina ióbitañede. 21 Mei daí nana íáiredifuiái omoi fáicanocairi, jamánomo móonaioicaide fiénidifuiái diga. Omoi comécimo lloga uai Juzíñamui úrilla uaina comeci mánainafuedo jeire omoi oíri. Mei jii afe úrillauai rínorede omoi joreño jíllloillena.

22 Jira úrillauai ómoimo lloga ráfuena fino. Fia aféfuemo táinona cacáreiño. Fia táinona omoi cacáadi dani abi jífueitíomoi. 23 Afe úrillafue fia táinona cacádimie aféfuena iere cácañenia, afémie acáranimo uiéco ciona izóidimie. 24 Afémie ie izóidena ciode, mei íadi raire jailla lezica, ie izóidena féitate. 25 Cacánafuena féitañedimie jamánomo ñuera ocuífafuena jeire ófirede. Afe jamánomo ñuera ocuífafue caimo rairuíñenafuena itátaga. Aféfuemo méidoño afémie íoide. Afe ocuífafue afémie íinota finode. Daí finódimie nana ie finócafuiáido caimare ite.

26 Dámie Juzíñamuimo comécidimie comeci facáoiadi, mei íadi fuena rairuíño úriadi, afémie dama abi jífueite. Afémie comécinafue táinobicaide. 27 Nífuenide comécinafue, Moo Juzíñamuimo eróicana íáinidifue bie izói ite; ñue Juzíñamuimo comécidimie móonidizaiai íemo éinidizaiai diga, íaioina duéruillano canófirede. Daje izói fecínguaína íaioi duéruillano canófirede. Afe lezica éniemo ite Juzíñamuina éoidimaci íaifuiáido ñuémie abina íaidoñede.

2

Conímána énenoruiño iri

1 Cue ámatiai, cai ebíruigamie Ocuíraíma Jesucrístomo íinotimaciíomoi. Daí omoi ínua lezica comínimona dáarie enénotaño iri. 2-3 Acatagafuedo dáitícue: Omoi gairíllanomo queníredena onoi icuíforedimie, ráifide inícuíro jítaoidimie bíadi, afémiena daíífirediomoi: “Bie ñúenomo ráíi.” Mei íadi afe lezica dúeredimie tíbaizarodo bíadi, afémiena jíáfodo líinota níbai dáitío: “Batí naidai,” o níbai dáitío: “Ana benó éniemo ráíi.” Daí ráanaitimiena raire ñue líinotíomoi, mei íadi dúeredimie buna náfuéñega. 4 Ie jira daí dani ómoimona dáarie énenoruidíomoi. Daí cómemo jícanotimiena dani omoi abi maméíomoi, mei íadi fiénidemo comécinafuedo abi maméíomoi.

5 Cue izíruiga ámatiai, bíemo omoi cácarei. Bie éniemo úcubenidínona Juzíñamui nízedede, íaioi ínuafue jamánomo jebuíllena. Daa afe izói íaioina Juzíñamui nízedede, feci raa izói ie illáimana illáruina maíñóllena. Juzíñamui ie uícode lloga uai daína izói afe illáimainanona íena izíruitimacimo fécaite. 6 Mei íadi dúeredimacina meáidaitadiomoi. ¿Uáfueñede, ráaredimaci ómoína llégitafirediaioi? Jii, uafue. ¿Ríiredimaci uícomo ómoína gugúrioicana uitíaioi? Jii, uitíaioi. 7 ¿Ñie afe ráanaitimaci Crístona íáiruioidíno? Jii, níimaci. Mei íadi afémie ñue izíruiga mámedido Cristo íeííomoi.

8 Cuegáuaimona lloga jamánomo ocuífafue omoi jíeruiadi ñue finóíomoi. Afefue daide: “O aino cómena izíruiri, dama o abina o izíruilla izói.” 9 Mei íadi conímána dámie omoi énenorua, íaifueimo baíííomoi. Juzíñamui ocuífafue omoi ícoína jae daí ite. 10 Dámie naga ocuífafue iere cacáadi, mei íadi dáallegoi ocuícallegoi nai fuitáñeniadi dama afémie ícoína daí ite. Uafue nana ocuífafuiái fuitáñedimie zefuille izói dáallegoi fuitáñedimie daí daje izói zéfuite. 11 Mei daje Juzíñamui daide: “Jíruireño iri,” afémie dánomo daide: “Cóména titáño iri.” Daa come jíruireñenia mei íadi cómena fáíadi, jae ocuífafuena iere cacáñede. 12 Jira ñue o úriri; o illafue jaícina o jóneri. Caimo

rairuínhenafue itátaite ocuífafuedo jicánollícaí, ie jira ñue cai íllana jítáirede. ¹³ Mei jii, nana jiáimacina duéruíñedino, afe íbana duéruíñeno, jicánollícaí. Mei íadí jiáimacina duéruitino nie izóí níbaiñegaza ñue jáite, duéruillafue jicánollífue baimo ñue illa jírari.

Ínuafue níciduafue díga jítáirede

¹⁴ Cue ámatíai cacai. Dáamie ñúefuena finóñeniadí, mei íadí “Ínotícue” daííadí ¿níífueña ñuera? ¡Afe fue ñúeñeitel! ¿Afe daína ínuafue jíllotaite? Jíllotañeite. ¹⁵ Acatagafuedo dáítícue. Íncuironide güíllenide ama miringo izóidino omoí cígimo íadí, ¹⁶ mei íadí ómoimona dáamie fia uaido daííadí: “Ñue o iri. Rólliemona jíforiri. Mai güiri,” mei íadí aféruimo ie abímo jitaica raa o fecáñeniadí, ¿nie izóí ñue ite? ¡Ñúeñeitel! ¹⁷ Cai ínuafuemo daje izóí ite. Dáamie ie ínuafuemo níciduafuedo ácatañenia afe ínuafue jae nine táinocaide, afe ie ínuafue nabáinina jírari.

¹⁸ Mei níbai, dáamie cuena dáíte: “Ínuafue omo ite mei íadí cue nícidofiredícue.” Mei jira cue uai óítícue: ¡O ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo cíotaitícue. ¹⁹ Daade Juzíñamui íllana ínotío. Afe dínomo o ínuafue ñue baite. Mei íadí aféfuena fiénide janábaíai daje izóí ínotíai. Iemona afe jácieri cuidíridíai. ²⁰ Abina onóñedimíedio. ¿Jaícina jáidífuena onóacañedio? Dáanomo dáítícue: Ñue níciduafuedo cíotañega ínuafue jaca nine táinocaide. ²¹ Cai jaíáigima ímie Abrahana ie íáfuenidímie izóinado Juzíñamui ñue íena jíeruite. Ua Juzíñamui íáfuenidímiena íena ñue llínote. Mei ie jító Isaac tílada Juzíñamui fecaca raana izóí fecáacana jira, daí íena llínote. ²² Jira Abraham ínuafuemo bie uáfueña cíodio. Abraham ie níciduafuedo ie ínuafuena ñue jino cíotate. Daje llezica afe bie níciduafuedo ie ínuafue ñue jaícina móonaíocaide. ²³ Daíí Cuegáuai dáinana ñue fuitade. Aféuai daide: “Abraham Juzíñamui llínote. Ie jira Juzíñamui íemo comeci facade: Afémie cuemo ínuafue ñue baite íena íáfuenidímiena cue llínollena, —daide.” Mei Abraham Juzíñamui nabaina mamécamie.

²⁴ Mei áfemona come níciduafuedo Juzíñamui íena íáfuenidímiena llínufuena ónoítíomoi; dama ie ínuafuemonna llínoñedeza. ²⁵ Afe bifue izóí Rahábamo daíí íficaide. Afengo jiruíredíngo. Mei íadí énie fidítaraini caimare llínuamona, íaíoína canode oni jaíígodo ñue íaíoí jáillena. Afe íaíoímo nícidua jira Juzíñamui aféngona íáfuenidíngona izóí ñue llínote. ²⁶ Mei daíí omoí ónoígafuemonna llóítícue. Naga joréñonide abí tíide, afe izóí níciduafuedo nabáinide ínuafue nine táinocaide.

3

Cai fue rafue

¹ Cue ámatíai cacai. Omoimona aillo llófueraimana íacadino izóí íñeno omoí iri. Mei jii, nana llófueridino, cue izóidino baimo izire jicánollícaí. Afena onódíomoi. ² Nana cai aillo fiénidílligoí finódícaí. Dáamie minícana fiénidílligoí ie daínáfueño íñeniadí, afémie ñue comécina fígomie, ñue jaícinaidímie. Afémie nana ie abí rairuíllana onode. ³ Mozíñoragai caballo fuemo cai jóoneadí caina iere íaíoí ínollena, ie ífo oni datállena finóredícaí. Afemona nana ie abí díga dájade. ⁴ Daje izóí áillue jofóredícaemo comeci omoí faca. Afecae jamánomo áillue íadí, afe llezica rírede jairífoto ñuitáocaide. Mei

Íadi datáramo duera jiza datárabeñodo ie jáiacana diné datáocaide. ⁵ Afe izói cai fue ite. Cai abí aillona mei íadi fue duera. Mei íadi afe fueo jamánomo áillue ráfuiái finórede. Uafue duera jiza récimona áillue icáiena bóotate. ⁶ Jae come fue irai izoide. Afe fueo jamánomo facádonide íaifuiái ite. Afe bie fue Juzíñamui cai abímo finoca; mei íadi afe fue nana cai abina íaire finode. Fieni comíni duere finóllirai ite; afe iráimona uneca izói cai fueo fieni úrioidino ite. Iemona nana cai caana llezica finótagafuiái bóobicaide. ⁷ Ímado nana riire rílleníai tóirede, féedino, jaióníairi, naa buináizairi. Nana áfeníai fibítagaíai. ⁸ Mei íadi fuena buna fibítanide. Cai fueo bite íairede raana jaca buna líicaitanide. Aillo fieni úritadino, titade juia izói cai fueo ite. ⁹ Afe daje fueo cai Moo Juzíñamuimo caimátaioidícai; ie llezica Juzíñamui finoca cómena faidódícai. Uafue Juzíñamui dama ie eroille izói cómena finode. ¹⁰ Daje fueo caimátailafue jino bite faidórrillafuiái diga. Cue ámatíai, cacai. Bifue izói omoi íñeno iri. ¹¹ ¿Daje jainoi ifómoma toráfomona ñúje eríredíji diga jino tórede? ¡Tónide! ¹² Cue ámatíai, cacai. ¿Noménamona comáijina órede? ¡Onide! ¿Jíriconamo cineci llízirede, meita áfena? ¡Lízínide! Afe daje izói cúeredíji naiméredíji diga daje jainoi ifómoma toráfomona jaca jino tónide. (Ie jira omoi fue rairuiri, fieni úrillafue o fueo jino bíñeilla. Mei jira Juzíñamui imácidíomoi.)

Uáfueña ñue onónafue

¹³ Omoimo dáamie onódímie, ñue baitádímie íadi, afe ie onógafue nágarui ñue ie illáfueo ácatari. Ua ie fibíllafueo fecaca comeci mánainafueo ie finócafuiái cíotari. ¹⁴ Mei íadi omoi comécimo izire úradoillafue íadi, afe llezica omoi finoca ráfuiaina járidotíomoi; bie omoi fibilla abí ínuafueo comeciñeno omoi iri. Afe izóidífuíai tánofuíai, uáfueña jáanote. ¹⁵ Afe izoide fibíllafue Juzíñamuimona biñede, mei íadi afe fibíllafue bíníe comíni comeci úrillafue; Juzíñamuina éoidímaci onógafue; dama Taife ifue. ¹⁶ Aillo úradoillafue, jarire úcodo máíñuafue diga illánomo, afénomo aillo júdaízítífue ite naa fiénidífuíairi. ¹⁷ Mei íadi Juzíñamuimona fibíllafue otímaci nano fueñe nífuenino macádiaíoi. Ie mei afémaci mánaidímaci; ríifueo ocuñediaíoi; jíámíemo úcodo comécitadiaíoi. Afémaci dúcaillafueña oruídino; ñúfueña finófrediaíoi. Afémaci uáfodo úritímaci; jífuériñediaíoi. ¹⁸ Comeci ñue uái illáfueo comútatino afefue rigájíai izói comínido fecádiaíoi. Afemona ria llizilla izoide comeci jaícina ñúeitaitino llínótiaíoi.

4

Eníemo ite Juzíñamuina éoidímacimo nabáirillafue

¹ Omoimo ite fuiríllafuiái ¿nínena bite, júfiduafuiái diga? Omoi fieni comeci óiacanafuiáimona bite. Aféfuíai omoi comécina jaca éoitade. ² Omoi daa raana jitáíadi, áfena ómoimo llínónina jira fatíomoi. Jíáie raamo omoi úradoíadi áfena ónidíomoi, jira fuiríllano jóbairítíomoi. Omoi jitaiga raa oñédíomoi, Juzíñamuimo jicáñena jira. ³ Afémíemo omoi jicáadi llínoñédíomoi, íaire jica ícoínia. Mei jíí áfena óiacadíomoi fia omoi caimare íacanafuiáimo dotállena. ⁴ Jíáífodo fiénidímacidíomoi. Bíníemo ite Juzíñamuina éoidímacimo nabáiriacadino Juzíñamui fairíconina jáite. ¿Omoi meita bífueña onóñédíomoi? Níímie éoidímacimo nabaina maméidímie Juzíñamui fairícomana dóbaicaide. ⁵ Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoína izói caína izíruite,” daide. ⁶ Mei íadi

Juzíñamui caina ríiduaafuedo baimo caina cánuaibite. Mei jii Cuegáuai daide: “Juzíñamui afe abi ínotinona rairuide; mei íadi comécina mánaidimacina íaioina ríiduaafuedo íaioina cánuaibite.” ⁷ Juzíñamui anamo mai omoi itábicairei. Taifemo omoi mameri, íemona ómoimona oni bótaiteza. ⁸ Mai Juzíñamuimo ánozillano caimare omoi úriri; afe ibana afémie ómoimo caimare úrite. Íáifueredino, mai omoi comeci íaifuiaí doíri. Juzíñamuina izíruiacadino íemo dáanomo íena éoidimacina izíruintino, mai omoi comeci íáinitari. ⁹ Omoi zúureficairi; omoi cáillicailli eeri. Omoi zadáilla jeme; jíáfodo meídocairi. Afe izói omoi cáimafue zúucaillano méidori. ¹⁰ Cai Ocuíraima Jesucristo uíécomo omoi manánairi, íemona afémie ómoína caífo naidáneiteza.

Cai ama fñócafue fieni jicánuafue

¹¹ Amatiai, jíáimana fieni omoi úriñeno iri. Amana fieni úritimie daje izói ocuífafuemo fieni úrite. Afe izói ámana fieni jicánotimie, daíí ocuífafuemo fieni fairíote. Mei jira ocuífafuemo fieni o fairíoadi, jira ocuífafuena íere cacáñedimiedio. Jae jicánoraimana íitio. ¹² Mei íadi daade ocuífafue llotímie; afe llezica afémie jicánoitimie. Dama afémie cai jíllotaraíma, jíáie izói afémie cai táinocaitaraíma. Mei, o, ¿níimiedio jíáimamo itífuiaí o jicánodoillena?

Úreitirui mona monáillirui onónide

¹³ Mai bíemo omoi cacai, omoi úrilla uaina daidino. Bie izói daíífredíomoi: “Birui nibai uire jítiramo jíáie jófuemo jáiticaí. Dinomo daa fimona fecárizaiticaí, úcube cai óllena,” daídíomoi. ¹⁴ Mei íadi due onóñediomoi uire jiti caimo íitífueña. Mei jii ¿mínica mei cai cáatatínona? Cai cáatatíno daallu cíocaizaibite úillie izói. Iemona afe úillie nine táinocaide. ¹⁵ Bifue izói omoi daíírede: “Juzíñamui jítaíadi íiticaí. Iemona aféfuena nibai jíáífuena fínoíticaí.” ¹⁶ Mei íadi afe ibana, o dáinana meídoiacañeno nai abi ínocana úritiomoi. Nana afe abi ínuafue fiénide. ¹⁷ Níúfuena fínuana onódimie afefue fínoñenia afémie fiénidífuemo báide.

5

Ráaredimaci llétafue

¹ ¡Ráaredimaci, bífuemo omoi cácarei! Cáillicailli eeri, aillo duere fínóbillífuiaí ómoimo íiteza. Aféfuemo duere zéfuitiomoi. ² Omoi ebírede ráaie jae rifaide. Omoi ñuera íniróillai ícuai güiga. ³ Omoi úcube quenírede ráaniaí diga jae éezite. Afe éeíafue fiénidífuemo ómoimo nítaite, ie mei bie éeíafue omoi comeci duere fínoite; irai amena cuarítaoína izói ómoína fínoite. Afe birui íirairuimo omoi ráaíeniaí jae ofítatiomoi. ⁴ Omoi güillena óinaruillaido tájítagamací úcube jeruídiomoi. Afe jeruica úcube ómoimo riire jíáfodo dájecana úrite. Nana nairai illaíma Juzíñamui bie tájítagamací éecana dáinana cacade. ⁵ Bie éniemo jamánomo ñue ebírede ráaniaí ómoimo ífírede. Dani nana omoi comeci jítaílla izói ífírediomoi. Fia güillárenamona mero izói farédiomoi. Afe llezica fazíllirui dúcizaide. ⁶ Nano fueñe nífuenidimacina titátatiomoi, ie mei afémacina fatíomoi. Afe nífuenidino ómoimo abi zóofetiaíoi, mei íadi íaioimo dúecaiñeno fatíomoi.

Comeci járidoñenafue

⁷ Ie jira, ámatiai, cai Ocuíraima Jesucristo billíruimo comeci járidoñeno omoi iri. Jacáfaimo tájídimie ráífide llizíllaniaína járidoñeno úiñote. Ua nano fueñeide uáici mei nai úiñoide. Iiraie uáici mei afe llizíllaniaína óite. ⁸ Daje izói omoi járidoñeno. Omoi comeci mame; cai Ocuíraima billírui jae ánozideza. ⁹ Amatiai, conímamo ríiriñeno omoi iri, jicánollimacina omoi íñeillena. Mei

jii, Juziñamui dama Jicánoraíma; afémie cai finócafuiái jicánollirui jae áinozide.

¹⁰ Cue ámatiaí, uai llórainimo comeci uibíoiri. Iaiói nágarui ñue illafue caimo ácataiteza. Juziñamui mámedido íaiói úrillamona iere duere zefuídiaíoi, mei íadi jaca járidoñediaíoi. ¹¹ Duere zéfuillafuemona zefui cácañedino caimare itíaíoi daiífiredicai. Jáiaigíma Job ie járidoñenafuena cacádiomoi. Afe llezica Juziñamui íemo írainomo finócafueña onódiomoi. Mei jii, Juziñamui cai Ocuíraíma caimo dúecaífirede, fiénidífuíai iba are ninomo caimo óñeite.

¹² Cue ámatiaí cacai. Jamánomoidífue llóiticue. Juziñamui mámece uafue daiíllena táinomo llínoñeno iri; afe daií mona mámece énie mámece diga táinomo llínoñeno iri, ñie jáie raana táinomo llínuano uafue daiíllena daiíñeno iri. “Jii” o daiía ñe izói íteza. “Teñede” o daiía íeñeiteza. Afe izói mai omoi úriri Juziñamui duere omoi fínoñeilleza.

¹³ Omoímona dáamie duere zéfuía afémie dama Juziñamuimo úriri. Dáamie caimare íadi afémie ñúefue nitada róiri. ¹⁴ Dáamie iráreia, gairíraco imácimona eicomínina jírízairi, afémieri Juziñamuimo íaiói úrillena. Afe llezica afémie mo Juziñamui mámedido cáiredijina jóoneitiaíoi. ¹⁵ Hínuafuedo Juziñamuimo íaiói úriadi iráredimie jíllobicaite, ie mei Moo Juziñamui íena náidacaitaite. Íairedífuiaímo nauí ie baíadi, afe íaífuiái oni dófinamona, ñue nífuenidimíena Juziñamui íena llínoite. ¹⁶ Ie jira omoi íaífuiái jofo conímamo omoi lloiri. Afena jáanoñeno iri. Afe mei conímamo Juziñamuimo omoi jicari, íemona ñue omoi jílloilieza. Fígomie izire Juziñamuimo úrillafue iere rínorede. ¹⁷ Uai lloráima Elías jiba cai izóidimie. Juziñamuimo ie úrillado noci bíñeilleña Juziñamuimo jicade. Jícamona jae dafimonaámani átuedo éniemo nocina bíñede. ¹⁸ Ie mei dáanomo Juziñamuimo jícamona meine bízaide; áfemona énie naa llízieri zicode.

¹⁹ Cue ámatiaí, ómoímona dáamie ua uáimona oni fiéni níbéfodo jáiadi, jáimie íena meine abido atídema ñuera. ²⁰ Bífuena omoi onóilleza. Fiénidimie ie íáirede íomona meine atídime afe fiénidimie joreño tíllanomona jíllotaite. Afe llezica aillo íaífuiái oni dóficaite. Jae ñie.

SAN PEDRO NANOIDE CUEGABE Primera Carta del Apóstol San Pedro

Jesumo ñnote ráidozitinomo Pedro cuete

¹ Cue Pédrodicue; Jesucristo orécamiedicue. Bibe Jesumo ñnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniáido júdaizitagaomoi. ² Mei íadi Moo Juziñamui nizécamacidiomoi. Jaiai ie mamérilla izói, ja ie nizécanodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juziñamui eróicana omoi jáillena, jae mamécaomoi. Mei Juziñamui ómoína aillo ézicíteza, íemo comeci caimare uái illafue ómoímo llóiteza.

Juziñamui daina ñue uáfueña zúitifuemo caimare comécifredicai

³ Cai Ocuíraima Jesucristo Moo Juziñamuina mai cai ióbioitalli. Mei nano fueñe afémie jamánomo caimo dúecaide. Dúecaillano como meine nane caina jécitaacade. Ie jira Juziñamui Jesucristona tídinuiaimona meine abido cáatate. Afe Jesús meine cáanamona Juziñamui ua como meine jécigacai. Afe bie cai comue dáanomoi jécinafue ñue Juziñamui caimo fecállifueño caina nágarui úiñotate. (Afefue cai ziiñona illifue.) ⁴ Afefue amena záfia izóiñede. Amena záfia jaca llirífiredé, mei íadi afefue ziiñona jaca ninomo lliríñede. Ua, Juziñamui ómoína dainafue, monamo ite ñuera feci raa izóidena ómoína onótate. Afena Juziñamui ómoína jóoneoide, omoi como meine jéciamona íco jíáiruido omoi maiñóllena. Afe feci raa izóidena, jaca niné táinocaitanide. Daje izói afe raa jaca íaidonide. ⁵ Juziñamuimo omoi ínuado íemo ite ñuera ríinodo ómoína ríidote. Ua ómoína ríidote, íemo ite jíllonafue díbenemo omoi dúcállena. Afe omoi ziiñona jíllonafue afémie ñue finode, írairuillaído jino ñue onótallena.

⁶ Bífuiaído omoi jamánomo caimare itíomoi. Mei íadi dáaruirie jíáfodorie duere zefuúrediomoi. Afefue nibai jabo jítaírede. ⁷ Omoímo ite Juziñamuimo ínogafue, oro izoide. Naga oro iraimo facaca, bie ua oro daíllena. Afe izói ómoímo ite Juziñamuimo ínogafue facárede. Caimo íficáfirede facátafuiai oro zia irai izoide. Nana bie facátafuiaimona nibáinino ñue jino bite Juziñamuimo ínogafue, aillo ráifide. Ua afe ñue ínogafue oro baimo jamánomo ráifide, mei afe oro fúiteza. Mei jira ja daí facátagamie íemo ite ie ínogafue ñuera. Ie ínogafue ja nibáinino ñue jino jailla, áfemona ja figora. Jesucristo cíocaizaíbilliruimo afémie ñue facátagamiena jáite. Dáaruina Juziñamuimo ite ebírenafue llíinoite. Daje llezica aféruimo ñúefuena Juziñamui íemo nitárede.

⁸ Jesucristona cíóñediomoi íadi, íena izíruiomoi. Afémiena cíóñediomoi íadi íemo ínotiomoi. Afe omoi ínuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafueri omoi daílluai íñede. ⁹ Omoi ínogafue ícoína omoi comeci jíllona máíñoitíomoi.

¹⁰ Jaiáidígima illáruillaído Juziñamui uai jino lloraini afe bie jíllonafue riire jícanotíai. Afe dáaruído bie jíllonafuena uáfodo onóillena jícájicanodíai. Afe uai lloraini Juziñamui ómoímo finóllifue uícodo llote. Ua uire Juziñamui ómoímo dúecaillano ómoímo fecállifuiái raire uícodo llotíai. ¹¹ Cristo Joreño afe uai llorainimo Cristo uire duere finóbillifue raire uícodo fidítate. Afe

dáaruído Crístomo ebire nitállifuenta íaioimo daje izói fidítai bite. Afe íaioimo ite Joreño íaioimo llúaibigafuiai ñue onóillena, comécido jenódiaioi. “Bie llúaibigafue ¿bumo dúide?” daidíaioi. Afe emódomo: “¿Niruido bie llogáfuiiai zúite?” daidíaioi. ¹² Iemona Juzíñamui jiáifuena íaioimo fidítate. Afefue daide: “Íaioi uícodo llogáuaido aféruido itínuiaina figo canóñediaioi. Mei íadi nana caína ñue cánoitiaioi.” Daí Juzíñamui íaioimo llote. Jae biruillaido ómoimo llogáfuiiai afe bie jaiai llogáuai izói jóide. Birui ñue omoi jilloilluaina llotino, Ñuera Joreño rínodo úritiaioi. Afe Ñuera Joreño monámona ana oreca. Afe bífuiaina Juzíñamui abi imaci dani comécido onóacadiaioi.

Juzíñamui íaifuenino cai íllena ocuide

¹³ Mei jira nana omoi jetáacaga raamo ñue comeci facari. Omoi comeci ñúfuedo omoi úrifireiri, mei Juzíñamui íco nírui íeiena ómoina uáidoiteza. Ua Jesucristo cíocailliruido Juzíñamui ómoimo dúecailluaimo daa áfemo izire omoi comeciiri. ¹⁴ Ocuíllana jéruite úruiai izói omoi iri. Jaiai Juzíñamuina omoi ónoñena llezica ómoimo ite comeci jitáillafue izói, omoi íñeno iri. ¹⁵ Mei birui jiáfodo ñue omoi iri. Nana omoi jetáacagafuiaimo, jamánomo ñue íaifuenino mai omoi iri, mei ómoina uáidote Juzíñamui íaifuenidimeza. ¹⁶ Mei Juzíñamui Cuegáuai daí daide: “Cue íaifuenidimedieza, cue izói íaifuenino omoi iri,” daí Juzíñamui daide.

¹⁷ Juzíñamui illa dígamie íaioi illáfuiai riire jicánoite. Ua illáicomínimo, jamáicomínimo dámie fiéñeno daje izói nana riire jicánoite. Ja birui afe bie Juzíñamuina “Cai Moo” daidíomoi. Afemona afémiena mai caimare omoi jacírui. Ua bie éniemo omoi ille dinó bie izói omoi iri. ¹⁸ Mei Juzíñamui omoi illa tánofuiaimona ja ómoina jíllotateza. Afe ómoimo ite tánofuiaiai omoi jaiáidigimamona otíomoi. Afe jíllonafue ráifinana ñue onódiomoi. Bie ráifina órodo íbánide. Daje izói plátado íbánide, naa jiáie úcubetunido. ¹⁹ Afe jíllonafue dama Cristo ráifide díedo íbátarede. Mei Jesucristo cruzmo, íainide boáfenide ovéjatiru izóidime, Juzíñamuimo fállena fecaca. ²⁰ Jaiai ninomo bie énie nai cómuitañenia Cristo daí mameca, mei íadi are illa ícoimo, benó cai illa llezica, afémie cíocaizaibite ñue omoi íllena. ²¹ Afe bie Crístodo Juzíñamuimo ínotíomoi. Tíidímacimona Juzíñamui bie Crístona meine cáatate. Afe méifodo Juzíñamui ñúfue íemo nitade. Afemona afémiedo Juzíñamuimo ínotíomoi. Afe izói ja Juzíñamuimo izire comeciidiomoi.

²² Ja birui ua llogáuaina Ñuera Joreño omoi jieruillamona omoi comeci íaifuiiai muiñódiomoi. Afe omoi comeci íaifue múiñuamona omoi ámatiaina uáfuenta nahí izíruiredíomoi. Afe daí conímana mai omoi comécido, naa omoi rínodo izírui. ²³ Mei jii, como meine jéicigaomoi. Come móomona meine jéicíñegaomoi mei tíitiaioiza. Mei íadi Juzíñamui uaido meine jéicigaomoi. Afémie uai jaca ninomo féiñeno zíñona ite. ²⁴ Jaiai Juzíñamui Cuegáuai daje izói llote. Aféuai daide:

Nana bíniemo ite náiraímona illa dígamie jaca ráitiai izoide.

Íaioi jamánomo jalléinafue ráitiai záfia izoide.

Afe ráitiai dúifirede; dúillamona ie záfia uaide.

²⁵ Mei íadi cai Ocuídime uai féiñeno jaca zíñona ite.

Afe bie uai, ua ómoimo lloga ñue jíllona uai.

2

¹ Mei jira nana ómoimo ite éoicana finócafuiái fáicanocairi. Daje izói jiáimana o jífueacanafue abido oñeno fáicanocairi. Comeci íairena mei, emodo ífuedo comínina ñue úritimie izóidifue omoi féitari. Daje izói jiáimamo omoi úradoñeno iri. Afe mei naga jiáimana ebena úacaillafuiái mai omoi féitaziri. ² Mei afe méifodo como jococa úrue izói comece náiretaite jirole jenori. Ua, monoí ii jírúa izói Juzíñamui lloga íáinino, juánide uailái mai izire omoi jenori, nágarui áfemo omoi comécillena. Afedo ñue riire móonaitiomoiza. Daje izói aféuaido nanómona omoi íñoia, jilloitio moi. ³ Ua daíí omoi jenori, mei cai Ocuíraima comécina ñuénana onódiomoiza.

Jesucristo cómena zliñona cáatate nofici izóidimie

⁴ Ie jira cai Ocuíraimamo mai omoi ánoziri; afémie cómena cáatate nofici izóidimieza. Afémie comínimona fiénide nofici ruifíruillano oni dotaca izóidimie. Mei íadi Juzíñamui dibénedo afémie iere ráifide nizeca nofici izóidimie. ⁵ Afe izói omoi cáatate noficiái izóidimacidiomoi. Iemona Juzíñamui ómoína óiacade, ie cióñena ua ífirenaco níllena. Afemona abina omoi rairuíñeno iri. Daje izói Juzíñamui íeiena mameca, Juzíñamui comínido úrirainina dáaziena ómoína jóoneacade. Daíí omoi jáillemona, uaido Juzíñamui ióbillena fecácafue íemo Jesucristodo fécaitiomoi. Afena Juzíñamui jeire óiteza. ⁶ Cai Ocuíraima Jesucristo bie nofici izóidimie. Ie jira Juzíñamui Cuegáuai uícodo daje izói llote; aféuaido Juzíñamui daide:

Afe cue irácomo, nii Sión dainácomo, dámie jóneticue.

Afémie iere ráifide nizeca ñue riire mozíoide nofici izóidimie.

Nana afémiemo ínotino meáidaiñeno táinomo fáifíñeitiaíoi, daide.

⁷⁻⁸ Ja birui afémiemo ñue ínotimacidiomoi. Omoi bie nofici izóidimie jamánomo ráifide. Mei íadi afémiemo ínoñeite comini, écitailla izói, afémiemo baíidiaíoi. Ua Cuegáuai benomo daína izói ja íaíomoi zuide. Aféuai daide:

Afémie éicitaitate nofici izói ite.

Ua áillue noficiemo éicitaide baíilla izói afémie íemo ínoñedinona báitite.

Mei afe llogáuai jeire oñenamona, écitaidimie izói baíidiaíoi. Afe íaíoi baíille jaiái ninomo daíí mamécamaci. Daje izói afe ñue riire nofici izóidimieemo íaíoi ínoñenamona nane jiáie daínáuai íaíomoi zuide. Íaíoi ínoñegamie dibénedo aféuai daide:

Jofo níraini oni dotaca nofici jae ua riire mozíoide nofici izói jaide.

Juzíñamui jaináidimacidiomoi

⁹ Mei íadi nizécaziomoi. Afe izói Jamánomoidillaíma Juzíñamui iédiomoi. Juzíñamui ocuífirega afémiemo comínido úrirainidiomoi. Afe emódomo Juzíñamui ñue finoca ie ocuífirega náiraidiomoi. Daje izói dama Juzíñamui jainaide comínidiomoi. Bífuiái bie izói jóide, Juzíñamui cai jilloillena uaido jamánomo ebire finócafuiái jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jírrite. ¹⁰ Jaiái illáruido Juzíñamui ómoína daide: “Cue comíñediomoi,” mei íadi ja birui Juzíñamui jainaide náiraidiomoi. Jaiái ómoimo buna dúecaíñede, mei íadi birui Juzíñamui duéruigamacidiomoi.

Afe jaináidino Juzíñamui tájítaganona itíai

¹¹ Izíruga ámatiai, Juzíñamui ínoñedino cígiri itíomoiiza, jicánemaci izóidiomoi. Ie jira izire jicádícue, bie éniemo ite táinomo come abí jitailla fiénidifuiáimona mai abí omoi rairuiri, mei afe abí jítáinafuiái omoi comécimo

bacáuaina íoideza. ¹² Juzíñamuimo íñoñedino cígiri omoi illa dinó ñue illa dibénedo mai omoi iri. Mei birui afémaci fiénidimacidi omoi izói, ómoína uáitaoidiaíoi. Mei íadi afe ómoína uáitaoidino, omoi ñue illáfuena íaíoi cíónamona, nibai íaíoi comécimo ite fiénidifuiái ñúefuiaina méidoitiaíoi. Iemona Juzíñamui íaíoina dúecaizaibilliruimo afémaci daje izói Juzíñamui íóbioitaitiaíoi.

¹³ Cai Ocuíraimana ícoinia, nana comini jóonega ríimaci anamo, mai omoi itábicaíri. Daje izói jabóidillaíma nahíllaíma anamo omoi itábicaíri. Afe nahíllaíma jamánomo ocuídímie. ¹⁴ Afe nahíllaíma oreca jabóidillaíni, fiénidinona duere fínoitiaíoi, mei íadi ñúefue dibénemo itínona ébitaitiaíoi. Iemona íaíoi anamo ífireíri. ¹⁵ Mei jira Juzíñamui ñue illáfuemo omoi íllana jitaide, áfedo abina onóñedimaci, comécinino úritimaci diga íaíoi táinodo úrillauai omoi fáinocaitallena.

¹⁶ Ráiruiñegamací izói ñue omoi macari. Mei íadi afe omoi rairuíñenafuedo fiénicana abina omoi íñoñeno iri. Dáarie afe rairuíñenafuedo abí ínuamona fiénidífue finócadiaíoi. Afe izói omoi íñeno iri. Mei íadi Juzíñamui izire rairuica táijitagano izói omoi macari. Daí omoi íadi iere ñuera. ¹⁷ Dámie jámairuíñeno nana íaíoi íllaze ñue caimare jacíruioíri. Nana ámatiaína daje izói omoi izíruíri. Juzíñamuimo ñue izire omoi jacíruioíri. Daje izói nahíllaímana uáitañeno ñue omoi jacíruioíri.

Cristo nauí duere zefuúllafue afe izói cai íllena caímo cíotote

¹⁸ Táijitagamací, omoi ocuídímiaína ñue jacíruioicana íaíoi anamo mai omoi itábicaíri. Omoímo dúecaífirede caimare ocuídímiaí, mai íaíoi anamo itábicaíri. Daje izói jíáie riire táijítate ocuídímiaí anamo mai omoi itábicaíri. ¹⁹ Nágamiaí taino abiri duere zefuútaadí, mei íadi afe llezica Juzíñamuimo comécinamona afémaci nai caimare ía, afe Juzíñamuína íóbitade. Juzíñamui ñue facátainafue afémacimo jóoneite. ²⁰ Mei jááfodo fiénidífue omoi finóadí, íemona ómoína duere íaíoi finolle llezica nai járidoñeno omoi ía, onóigaza afefue figo jínoñeite. Mei íadi ñúefue omoi fínuamona ómoína duere íaíoi zefuútaadí nai járidoñeno omoi ía, ja omoi illafue Juzíñamui eróicana figora. ²¹ Ua afe daí omoi íllena Juzíñamui mamécamacidi omoi. Mei jí omoi ícoinia Cristo iere duere finócaza. Afe íe duere zefuúllafue omoi fidítate, afémie illa izói omoi íllena. ²² Afémie jaca due fiénidífue finóñede. Daje izói jaca buna jífueñede. ²³ Fiénidíuailaí Jesumo íaíoi nita llezica, íba olle fiénidíuailaína afémie lloñede. Izire íena zefuútatiaíoi, Jesús riire íbana otátañede; mei íadi dama afémie Juzíñamuimo dama íe uai jóonete, mei Juzíñamui ñue jaícina jóonefirede riire jícanoraímanaza. ²⁴ Daje Cristo cruzmo illa llezica, dama íe abido cai fiénidífuiaina abíocaíga izói uite. Ua afémie cai fiénidífuiái uíga, aféfuíái dibénemo tídinuiaí izói cai íllena. (Daí aféfuíaina fínoñeiticaí.) Mei afe méífodo, nífuenino Moo Juzíñamui ío dibénemo ñue jaícina íredicaí. Afémie aillo bofécamiena jaide ñue jíllotagamacina omoi jáíllena. ²⁵ Nauí úíñoñega júdaízite ovejaí izói ebena macadí omoi; mei íadi birui Crísto mo ja meine abido dúcidi omoi. Ovejaí úíñoraíma izói afémie ómoína úíñoñefirede. Afe izói afémie omoi comeci rairuítagamie.

3

Airedino íniredino diga íaíoi ñue íllena llétafue

¹ Nana ríimaci anamo cai itábicaílla izói, nana ómoímona íniredingotiaí dani omoi ínítiaí anamo ñue omoi itábicaíri. Mei omoi ínítiaímona nibai dárie Juzíñamui llogáuaina nai íñoñediaíoi; mei íadi omoi ñue illáfuena íaíoi

ciónamona, íaioi comeci ifue nibai ñúefuena méidotaite, jíáie uáillaina nai omoi llóñeniadi. ²Ua omoi íaioi anamo ñue íáinino itábicaillafue áfena íaioi ciónamona, daje izói Jesumo ínoitiaioi. ³Jamángotiai fiérilla izói mai omoi fiériri. Mei aillo jino abimo jitaca raa izóidedo fiériñediaioi. Mei jira fia abi fiédua ráifide oro finoína raana jitáñeno omoi iri. Afe izói jamánomo féirede ifóti nillado fiériñeno iri. Daje izói aillo ráifide iníroína jitáñeno iri. ⁴Mei íadi omoi comécina ebire fiérilla izói ñue omoi finori. Afe omoi comécina mánainafuena járidoñenafue diga omoi fiérta afe iere ñuera. Afe bie féiñede ebíredifue Juzíñamui erócana jamánomo aillo ráifide. ⁵Afe daí jaiáidinomo ite Juzíñamuimo ínofirede íáfuenidingotiai comécina ñue fiéritadiaioi. Afe llezica íaioi inítiai anamo ñue itábicaidiaioi. ⁶Ua daí Sara Abraham daínafuena jeire ote. Afe daí úamona afengo íena: “Cue ocuíraimadio,” uáidofirede. Ja birui nífuemo omoi jacínaiñeno, ñúefue omoi jeire oía, Sara izóidingotiana jáitiomoi.

⁷Afe dáanomo nana ómoimona áiredimíai cácarei. Caimare omoi áitiaimo comécillano, daní íaioimo dúide ñúefuena íaioimo nitari. Mei ringóniai íima jofófemo jabócana mairídeza. Daje izói Juzíñamui ómoimo dúecaillano fecaca zíiñona illifue, dájeze ringóniaimo fecaca. Afemona cámafuedo íaioimo úrirediomoi. Afe izói omoi iri, omoi Juzíñamuimo úrilla uai jíziñeilleza.

Ñue omoi illa ícoínia duere zefuítagaomoi

⁸Nana bífuiaimona daa ráifidíuaido nana ómoimo úriticue. Mai dáafuemo comeci fácano, conímána caimare omoi canori. Daje izói conímána omoi duériuri. Ua nahí ámatiai izói conímána omoi izíruiri. Come dúecaillano comécina mánaidimacina omoi iri. ⁹Daje izói fiénidifue comuía afe íbana oñeno iri. Afe izói báíñuafue comuía, íbana báíñoñeno iri. Mei jíáifo dájecana ñúefue íba íaioimo oíri; Juzíñamui ómoína íe ñúefue llínollena mamédeza.

¹⁰Mei jíi; Juzíñamui Cuegáuai bie izói daide:

Biruíllaido ñue illáfuea izíruitimie, caimare are íacadimie diga, fieni úrillafuemoná mai íe fue ráiruíteza.

Afe izói dámie caimare íllado are íacade íe fue rairuíteza.

Iemo daje izói tánofuíaína mai afémie llóñeíteza.

¹¹Fiénidifuíai afémie fáicanocaillano mai ñúefuemo comécíteza;

Iemo conímána comeci caimare uái illafue jenórede.

Afe mei afémie nágarui áfeodo jáiredeza.

¹²Mei cai Ocuíraíma comécina jáicina jóidimacina rairuíllano ñue úiñoteza.

Daje izói afémiemo íaioi úriadi, íaioimo cacáreide.

Mei íadi fiénidifue finódinomona íe uiéco oni jíicaide.

¹³Jíáímamo ñue finóllino jaca izire omoi jenóadi, íraamo omoi jíritaitimíena íñeíte! ¹⁴Mei íadi omoi jáicina ñue illáfuedo omoi duere zefuí daí, caimare íitiomoi. Buna jacíruiñeno iri; daje izói áfedo comeci llícitaiñeno omoi iri.

¹⁵Mei íadi Cristo omoi comécido nahí Ocuídillaímana mai omoi mameri. Mai uícomo ñue omoi finóbiri, ómoimo ite úiñogafue jícanotimaci uai omoi ólleza. Mei íadi jacíruioicana comeci mánainafuedo afe fairíoína uai omoi oíri. ¹⁶Omoi illafue ñue jáicina mameri, omoi comeci úrillafue nífuenino uái íllena. Ja Crístomo omoi ínuamona, omoi illafue ñuera. Afe omoi ñue illáfuedo fieni úritino ite. Íe jira ua omoi abi illafue ñue jáicina jóonefireiri, ómoimo fieni úritino daní íaioi fieni úrilla uáillairi meáidállena. ¹⁷Juzíñamui jítaíadi ñúefue ícoínia duere omoi zefuíadi afefue ñuera. Juzíñamuína íóbitade. Mei íadi omoi fieni finócafue ícoínia duere omoi zefuíadi afefue figo jínoñede. Afefue Juzíñamuína íóbitañede.

18 Mei dama Cristo cai fiénidifue ícoinia, dama abido tíñellinomo, dácaño duere zefuillano tíide. Afémie iere figomie, mei íadi cai fiénina ícoinia cáiconi duere zefuízaibite, Juzíñamui illánomo cai jáillena. Ie abi íeizi dibénedo titácamié, mei íadi Juzíñamui Joréñodo meine abido cáadimie. 19 Ie mei Cristo ie joréñodo, nai meine caífo náidañena llezica, jáinomo íbaicoga tíidino joréñuai afémie llétajide. 20 Bimaci jaiái ninomo Noé illáruido llogáuaina jieruíñedino. Aféruillaído áillue nocáe Noé fínua llezica, fiénidino duere finólliruimo Juzíñamui comeci raire járidoñeno, fíaicana áfemo úiñoide. Afe áillue nocaedo nana dane ocho dígamie jíllodiaíoi. Ua Juzíñamui izire comini duere fínua mona, afe aillo jainoi cígimona jíllodiaíoi. 21 Afe jáinoimo cai uibíllano, íaiíoi jílluafue caina onótate. Ie jira afe jainoi báutiza jainoi izoide; mei báutiza jáinoido fiénidifue mona cai jílluana onótagacaiza. Bautismo ráifinafue fia abi íaifue duáfueñede. Mei íadi ñue íainide comeci úrillafue Juzíñamuimo cai jícafue dibénemo bautismo ráifinafue comuide. Afe íainide comeci úrillafue afémiemo jíca redicai, mei Jesucristo tíide meine cáanafuedo jíllotagacaiza. 22 Afémie meine cáaillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaiíoi, naa jíaíe ríimaciri. Ua nana máirimaci baimo afémie ríinorede.

4

Juzíñamui caimo fecaca eróicana, come máirie illa dieze, íemo táijiredicai

1 Mei jira, Cristo dama ie abido duere zefuilla izói, dani omoi abina Crístodo duere zefuillena daíí finóbirediomoí. Afena rairuíñeno omoi iri. Mei Cristo ícoinia abina izi cácatagamie abido fiénidifuiaina finóacañede. 2 Iemona nana ie cáanaruillaído Juzíñamui comeci jítainafue izói iite. Afémie bie éniemo jaináidino comeci jítáioinafuiaina fuitállena jénoñeite. 3 Afe Juzíñamuina onóñedino gáinafuiái izói jamánomo jaiái ninomo are omoi illa ja daíí itíomoiiza; meine daje izói iñeno omoi iri. Naui aféruillaído fiénidifue diné jaináidíomoi. Omoi comeci fiéni jítainafuiáimo íoidíomoi. Daje izói jamánomo fiénidíji omoi jíruamona jífáifiredíomoi. Omoi dáanomó aillo güilláruillaído fiénidifuiári faíllíñáifiredíomoi. Daje izói jánaraimo gairífiredíomoi, afe jánarai íóbitallena. Daíí gairíllano aillo bie izoide íaifuiái finófiredíomoi. 4 Ja birui bie Juzíñamuina onóñedino, ja aillo jamánomo íaifue dibénemo itíaiíoi. Iemona íaiíoi omoi fiéni nabáíñenari, fáigacaidiaíoi. Iemona ómoimo fiéni úritiaíoi. 5 Mei íadi afe fiénidimaci íaiíoi comeci ífue jino Juzíñamuimo llórediaíoi naa íaiíoi finócafuiári. Ua cáadino tíidino díga afémie íanori íllamona iere riire jícanoite. 6 Mei jíí, Juzíñamui dáina jíllona uai tíidimacimo uícodo llotátaga, afe tíidino joreño dibénedo Juzíñamui illa izói íaiíoi íllena. Jíái íemo baimaci, nana bínie comini tíilla izói tíítiaíoi íadi, ja Juzíñamui illa izói cáaitimacina írediaíoi.

7 Ja naga ráfuiái fuizáíllinomo áinozide. Mei jira ñúefuemo comécidimacina omoi iri. Afe izói Juzíñamuimo ñue úrillafuemo jífanodoíñeno izire omoi facáoiri. 8 Omoi finoca naga jíaíe raa baimo, conímana iere omoi izíruiiri; mei izíruiillafue aillo íaifuiaina eníaitaga izói niné féitateza. 9 Conímaíaina ómoimo mácaíbitinona díga, omoi jofomo comécido ruifíruiñeno caimare llínofireiri. 10 Illa dígamaci Juzíñamui ómoimo iga táijina ríino dáina izói jíáimana canóredíomoi. Afe izói omoi íllamona Juzíñamui ómoimo fecaca jíaífodo onógafuiaina ñue dájerize fecáramacina ítíomoi. 11 Dámie uaillai jino llóiacania, comini llófuellena, Juzíñamui dáina uaillai jino llórede. Dámie

jiáimana canóadi, Juzíñamui fecaca ríinodo canórede. Nana omoi táijinafuedo ñúefue Juzíñamuimo nitárediomoí. Jesucristo cai diga íllamona daií Juzíñamuina ióbitaredicai. Mei afe Crístomo nana ebirede ñúefue, daje izói ríino diga jaca afémiemo zíiñona dúideza. Aquíe izói jóideza.

Jesucristo cai jainaina ícoinia duere finócanodicaí mei íadi meáiruiñedicai

¹² Izíruiga ámatiai, ómoimo cómuite izire facátainafueri fáigacaiñeno iri. Aféfuiaina jánaidífue daiíñeno iri. ¹³ Mei jiáifodo aféfuemo omoi caimátaioiri; ja Cristo duere zefuúllafuiai dibénomo dúirediomoíza. Afe izói omoi íadi, Jesucristo ebire bíllana omoi cíoillemona jamánomo ióbicaitiomoí. ¹⁴ Cristo ícoinia omoi íaioí báíñoia, cáimafue dibénomo ítiomoí; mei Juzíñamui ebírede Joreño úicaigaomoíza. Omoi báíñotino Crístori fieni úritiaioí, mei íadi omoi dibénomona ñúefuedo íemo úritiomoí. ¹⁵ Omoimona dámie duere zefuúadi, come fáfiredimie, mei nibai merírifiredimie dibéfuemo duere zefuúñeno iri. Daje izói íáibadimie, jiáie come ífuemo gágutajidimie dibénomo duere zefuúñeno iri. ¹⁶ Mei jiáifodo, Crístomo ínotinona omoi mameina ícoinia, duere omoi zefuúadi, áfena meáiruiñeno iri. Ua meáiruiñeno aféfuerei Juzíñamuina omoi ióbioitari.

¹⁷ Mei ja Juzíñamui cai lletálliruimo dúcizaide. Ua dani Juzíñamuimo jaináidinomo jaícina llétafue fueñe táiniaide. Mei afe jaícina llétafue daií caimo tainéiadi, ¿nie izói Juzíñamui llogáuaina jeire oñédino, írairuimo dúcille llezica, ítiaioí? Afémaci lletállífue jamánomo riire zúite. ¹⁸ Fígomaci dibénomo jílloillífue juare ia, Juzíñamui ñue jacíruíñedino jílloillino iere féirede. ¿Nie izói nibáilliaioí? ¡Níbaiñeitiaioí! ¹⁹ Ie jira Juzíñamui comeci jítailla izói duere zefuúidino, naga ñúefuiaina finóicairediaioí. Afe llezica íaioí coméciaí Juzíñamuina rairuítarediaioí. Mei Juzíñamui méidoñeno ínofiredimieza, íaioí comuítatimieza.

5

Crístomo ínotino llóina uai

¹ Omoi gairífirena cígimo ite ocuide eicomínimo cue llóina uai llóiticue; cue ja afémaci izói eicómedicueza. Daje izói Cristo duere zefuúilla uai nabáidimiedicue. Ico nárui Cristo bille llezica ie ebíredífue cíocaillíruimo, afe ie ebi omoi cácaille izói, afe izói ie ebi cácaiticue. ² Nana omoi uai anamo itínuiái ñue íaioina omoi úíñori, oveja úíñoraíma ie ovéjaíai úíñua ízoi. Ráairuiñeno, Juzíñamui jitailla izói, omoi comeci figónamona íaioina omoi úíñori. Jiáima izire ocuilla izói íaioina omoi úíñoñeno iri. Dama úcube óllena úíñua izói íaioina omoi úíñoñeno iri. Dama omoi comeci óiacana izói caimare omoi táijiri. ³ Omoi uai anamo itínona ríirerie comécina éoide comini úíñotimie úíñua izói omoi úíñoñeno iri. Mei jiáifodo omoi illafue ñue jaícina omoi mameri, omoi illa izói íaioí ílleza. Mei daií ñue illafue fueñe íaioimo jino llotímiediomíza. ⁴ Afe jira Nahí Uíñoraíma Cristo cíocaillíruimo ebírede ñúefue ómoimo nítaite. Afefue jaca ninomo féiñeite. (Comini dibénomona cómemo fecaca raa, jamánomoidimie daiíllena, fia rábiaí finoina ífo icuifoí. Afécuifoí etuda niné táinocaite, mei íadi omoi maiñóredífue jaca niné táinocaiñeite.)

⁵ Afe daje izói, jítócomini, mai omoi ocuide éinamaci ñuera ríuui anamo itábicaíri. Ua nana omoi conímana comeci mánainafuedo daje anamo dájena itábicairediomoí. Mei jiaíai Juzíñamui Cuegáuai daide:

Juzíñamui, nana fiēni abí ñnotinona uáitaoide; ua íaioimona ie uiéco oni jíicaide.

Mei íadi nana comécina mánaidinona afémie dúcaifirede.

⁶ Mei jira Juzíñamui ñue riírede uai anamo riiriñeno comécina mánaidimiena omoi iri. Afemona ie comeci daiílliruido afémie ómoina jamánomoidimiena jóneite. ⁷ Nana omoi izire comeci lícidifuiái Juzíñamuimo uáfodo lloíri; mei afémie ómoina iere rairuídeza.

⁸ Ñue cáadimie izói abí omoi rairuíoiri; mei cai bacáuai ímie Taife caina jenódeza. Ua jufíruite jánallari rille jénua izói afémie caina jenódeza. Ua jenode caina fiénidifueмо ifóllena. ⁹ Afémiemo omoi ñnogafuedo izire uáitaoicana abí omoi mameri. Mei nágagobiaimo ite omoi ámatiaí dáafueri duere zefuíaiaioiza onódiomoiza. ¹⁰ Mei íadi nano íanori duere omoi zefuilla mei, Juzíñamui meine abido caimare duere zefuíñena dibénomo ómoina itátaite. Afe llezica íaifueмо comécina féitanide cómena ómoina mámeite. Ua dáaruido ómoina riire nibáinino nabéfuena náretataite. Afe daje Juzíñamui fiénidifueмона abí rairuíllafuena cai ite, naa jíaie canóinafuiari. Dáamie íemo ite ziiño ebírenafueмо ebi cai cácaillena, afémie áfemo caina mamede; mei Jesucrístomo cai jaináillamona, áfemo ebi cácaiticaí. ¹¹ Uafue, afe Crístomo nana ebirede ñúefue, ríino diga jaca ziiñona dúide. Aquíe izói íteza.

Iraifuena facádua uai

¹² Bie íanori cue cuegabe Silvánodo ómoimo orédicue. Afémie ñue ñnofirede ámaza comécido onódicue. Afe bibedo ñúefueмо omoi íllena omoi llófueticue. Ja aillo Juzíñamui ézicigafuiaina jeire otíomoi. Iemona afémie ómoina iere izíruiteza ua onódiomoi. Aféfuedo riire nibáinino ómoina mamédicue, uáfodo omoi onóillena. Bifue nágarui jaícina jeire omoi oíri.

¹³ Babilonia jófueмо ite Juzíñamuimo gairídino, Juzíñamui omoi izói eneno nizécano, ómoimo uailaí orédiaioi. Daje izói cuedo jáicadimie Marcos ómoina uáidote. ¹⁴ Nahí ámana izíruilla izói caimare conímana omoi uáidori. Nana omoi Jesucrístomo jaináidinodíomoiza, mai caimare uái omoi iri. Mai; jae ñie.

SAN PEDRO MÉIFODO CUEGABE **Segunda Carta del Apóstol San Pedro**

Jesumo ñnotinomo Pedro cuete

¹ Cue Simón Pédrodicue. Jesucristo ocuífirgamiedicue. Daje izói ie oréfirgamiedicue. Iere ráifide ñnuafue jeire otínomo bibe cueticue. Omoi ñnogafue daa cai ñnogafue izói ráifide. Aféfuena ja fairíotiomoi, mei cai Jíllotatimie Jesucristo Juzíñamui diga comécina ñue jaícina jóidimieza. ² Cai Ocuíraima Jesús, Juzíñamui diga, omoi onónamona diga éziciafuiái, daje izói comeci caimare uái illáfuiái dibénomo omoi iri.

Crístomo jaináidinomo ite ñie izóidifuiái

³ Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaina caimo ite. Ua dama íemo ite ñúefuiaido afémie caina íemo ñnotade. Daje izói ie fáigacailla ebire finócafuiuido íemo caina ñnotade. ⁴ Iemona ie jífueñeno fecalle uai caimo llote. Bie caimo llogáuai iere aillo ráifide uai. Afe uáillaído Juzíñamui illa izói íitiomoiiza. Nana comini íaifue dibénomo fieni comeci jítainafuiaido uigámaci; mei íadi Juzíñamui ómoimo llogáuuido afe íaifuemona jae jíllodiomoi. Iemona Juzíñamui ñue illafue dibénomo íitiomoi. ⁵ Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶ afe caimare fibíllafuemo, dama abina rairuúllifue omoi nabáicana uiri; afe dama abina rairuúllafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare comeciillifue dájemo nabáicana uiri; ⁷ afe Juzíñamuimo caimare comeciillafuemo ámatiaina duéruillafue dájemo nabáicana uiri; afe ámatiaina duéruillafuemo nahí izíruillafue mai izire dájemo nabáicana uiri.

⁸ Nana bie izói daináfuiái jeire omoi óiadi, afe llezica aféfuái ñue omoi móonaitaiadi, omoi illafue táinomo báíñeite. Daje izói cai Ocuíraima Jesucrístona omoi onónafue táinoñeite. ⁹ Mei íadi bífuiaina jeire oñédino uínidimie illa izói ite; jica cióñeno áinori ciódimie izói ite. Jaiái ie finoca fiénidifuiái dóinamo ja comeciñede. ¹⁰ Mei jira, ámatiai, Juzíñamui uáidota eneno nizécamacidiomoiiza onódiomoiiza. Iemona jíredimaci izói omoi iri, aféfuái omoi comécimo riire amena jáinao izói íllena. Afe izói omoi íadi, jaca Cristo íomona oni nibéfodo jáiñeitiomoi. ¹¹ Bifue daina izói omoi íadi, cai ocuide Jíllotaraíma Jesucristo zíñona illáimana illánomo, rairuúñeno caimare jofo uáidolliomoi.

¹² Mei íemona bífuiaimo omoi comeciioitaiticue; aféfuái onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina comeciioitaiticue. ¹³ Bie ñue llóinafue uáfodo ómoimo cue lletalle nai cue jáicana llezica, cúemona ñue jaícina cíoide. ¹⁴ Mei jii, nauí cai Ocuíraima Jesucristo benó illa llezica, raire cue tíllano bie éniemo cue íñeillena cuena daide. Afémie cuemo llua izói ja raire íficaite. ¹⁵ Ie jira birui nana cue ríinodo llófueriticue, cue tílla méifomo bífuiaimo jaca ñue omoi comeciillena.

Pedro Cristo jamánomo ñuera ébifuena ciónana jino llote

16 Naui cue nabáiñiai cue diga cai Ocuíraima Jesucrístomo ite ñuera ríino ífuena omoi llófueticaí, ie meine abido billífue diga. Nana afe llófueinafuiaí dani cai comécimo comuídífueñede. Táinofuena lloñédicaí, mei íadi dani cai uído ie jamánomo ñuera ébífueña ciódnodicaí. Iemona uafue lloticaí. 17 Ie Moo Juzíñamui íemo ñúefue nítana, jíaíe ebíredífue íemo fécana dani cai uído ciódicaí. Juzíñamui ebire ie uaido daide: “Bie cue izíruiga jító. Afémieri iere ióbioidicue,” daide. 18 Aquíe izói monámona Moo dáinana dani cai jefodo cacádicaí; mei afe ñue eneno nizeca ídumo afe cai Ocuíraimaioiri jáidicaíza.

19 Bie como cai llogafue baimo, jíaíe nahí ua llogafue ite. Bie nahí uafue jaiaí uícodo uai jino llóraini lloga cuegáuai. Afe cuegáuai cai llogáuaina nabaide. Bínie nai jítifomo illa llezica bíuaina ráiruiñeno iere jeire órediomoi. Aféuai mechera naio bóua jítifo egáiñua izoide. Ua aféuai nai mona mónaiñenia, jítifo egáiñua izói omoi comécina egáiñote. Afe mona monailla llezica monáiracudu izóidimie billano, omoi comécina ñue jaícina déitaitaite. 20 Mei fueñe bífuego omoi coméciri: Cuegáuailaimo ite uícodo jino lloga daínafuiaí dama afe uai lloráimamona llóñega. 21 Mei onódicaíza, uai llóraini jaca dani íaioi comeci jítainafuiaído úriñediaíoi. Mei jíáfodo afe Juzíñamui íeíena maiñócamaci afémie dibéfodo úritiaíoi; mei Ñuera Joreño ífócaiaíoi za.

2

Táinofuiaína llófuefiredino (Jud 4-13)

1 Mei íadi afe dáaruillaído Israel comini cígiri táinofuiaí jino llóraini ite. Afe izói omoi cígiri táinofuiaído llófueritino íte. Afémaci dani fieni finode ífoci úrillafuena báinino omoi llófueítiaíoi, comini Juzíñamui íaioi íinogafue féitallena. Daí aféuaído íaioína jíllotaitaite Ocuíraimana jáanoítiaíoi. Afemona íaioi niné raíre táinocaillífue dani íaioímo zúite. 2 Íaioímo ite fiénidífue dibénedo aillo comini jáítiaíoi. Dani afémaci ícoína cai ua ñue jaille iori fieni úritiaíoi. Bie ñue ua cai jaille io Juzíñamui ñúefue. 3 Íaioi aillo úcube llínoiacanamona, táinofuiaído omoi íaioi jífuiado úcubena llínoítiaíoi. Mei íadi íaioi niné táinocaitaimie, íaioi finócafuiaina cíoillano daí íaioi táinocaillífueña fáicanocaiñeno maméoi. Mei jaiaí ninomo íaioi duere finóllena mamécaiaíoi za.

4 Juzíñamui abi imácimona dáarie fiénidífueño baíidiaíoi. Afémaci íaífueña Juzíñamui doñede. Doñeno duere zefuille iraimo íaioína orede. Jítifomo íaioína fiénocai. Dinomo íco izire jícanolliruiamo bai óllena cuinácaiaíoi.

5 Daje izói Noé illáxima llezica fiénide comini íaífueña Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náiraímona dama Noéna naa siete diga ie comíniri Juzíñamui jíllotate. Afe Noé jaícina ñúefuedo íaioína lletade íadi jamáiena faitíaíoi.

6 Bífue mei, daje izói Juzíñamui Sodoma jofue, Gomorra jofue imaci diga niné táinocaitate. Ua nana íaioi jofue bóua mei, daa ímuícaí fiébilla. Ua daí izire niné táinocaitate, ie méifodo fieni íitino, bífueña cíoillano, Juzíñamui fiénidino izire duere finófirede daíllena. 7 Afeno bóocuamona Lot daínámie comeci ñuénado íena jíllotate. Lot afe íairede comini fieni illáfueña ie cíonamona ie comeci jamánomo zúucaide. 8 Bie comécina ñúemie Lot, nágarui fiénide comini cígiri ie íllari, íaioi fieni finócafuiaina cíode; íaioi fieni úrillafuiaina cacade. Aféfuiaí ie ñuera comécina zuure finode. 9 Daí cai Ocuíraima nana íena ñue jacíruitino íaioi comeci fieni facátafuiaímona íaioi jíllóillena ñue onode.

Daje izói afémie nana fiénidino ico líraicaiño iere jicánolliruimo duere finóllena oni eneno jóoniana ñue onode.

¹⁰ Nana íaire comeci jítainafue jeire óiacadinona Juzíñamui iere duere fínoite. Cai Ocuíraima ríinona jámairuitinona daje izói duere zéfuitaitiaioi. Afémaci llétana cacáacaiñedino. Illáimana jacíruiñedino. Daje izói monamo ite jóriai izoide ríinoredinona báíñuana jacíruiñediaioi. ¹¹ Juzíñamui abi imaci afe fiénidino baimo ríinorediaioi. Daí íaioi illa íadi, afémaci afe jóriai izoide ríinoredinona fieni daiñediaioi. Ua cai Ocuíraima uiecori afémacina báíñuafuedo “Duere zéfuitiomoi,” daiñediaioi.

¹² Afe fiénidino rílleniai izói abina onóñediaioi. Afe rílleniai da ebena illáfue mo itíaioi. Nñue fue dine comeciñediaioi. Fia llaitada fállena jocócaiaioi. Bie izói itímiiai ónoñegafuedo fieni úrtiaioi. Mei íadi afémaci jiba rille izói títiaioi. ¹³ Jiáie comini duere íaioi zefuítado duere finóbitiaioi. Ianori caimátaillifuedo jiáie iere íóbitadinodicaí, daiñirediaioi. Afémaci meáidaitadimaci. Comeci fieni finode raa izói omoi cígiri itíaioi. Daje llezica omoi finoca ráfuiado nabáiriacadiaioi ómoína íaire finóllena. Táinona jífue te caimátailla raado jífanotiaioi.

¹⁴ Afémaci nana ciona ringomo fia érocaineno llaitada jiruifue finóacadiaioi. Afémaci fiénidifue fínuana iere gáidiaioi. Afena fáicanocaiacañediaioi. Comécina náinidinona bífueta íaifue mo uitíaioi. Naga raana izire máíñuana iere fibídiaioi. Afe izoide comini íaire faidócana. ¹⁵ Afémaci Moo Juzíñamui ñuera íomona oni fiénidiodo jáidiaioi. Jaiái uai llóraima Balaam ífuedo jáidiaioi. Afe Balaam Beor jító. Afe Balaam fiénidifuiái ie fínuado aillo úcubena llínoiacade. ¹⁶ Mei jiáifodo áfemona uáinide burra Balaam fiénidifuiái diné íena lletade. Afe burra come izói úrillano, Balaana uáiritaidimie úrilla izói rairuúllano íena úritañede.

¹⁷ Nana bie táinofuena llófueridino jainoi iñeno jainoi orano zafénailla izóidiaioi. Jairífodo oni niné ñaitaca mona úillie izóidiaioi. Jamánomo jítirede jítinomo zíñona íllena riire faidócaiaioi. ¹⁸ Mei aillo abi ínua uáillaído naa taino uaillai diga, ñuemacina jífuecana uitíaioi. Íaioi íaifuiado, comini abi jítainafuiái diga jiáimacina bífuetiaioi. Ua íaifue dibénemo itínomona uáfue na jíllodinona meine íaifue mo nane bífuiaidiaioi. ¹⁹ Uícodo raire llotíaioi: “Uafue ráiruñega comini izói ítíomoi,” daiñirediaioi. Mei íadi afe daína llezica, dani afémaci íaifue dibénemo izire jaináitaganona itíaioi. Iemona afémaci fiénidifue fínuana fáicanocainidiaioi. Illa dígamie íena anáfenode raa íena náamatade. Iemo áfemo izire jaináitagamiéna jaide. ²⁰ Mei cai jíllotate Ocuíraima Jesucrístonona onódimaci, éniemo ite íaifuiáimona oni jíllodiaioi. Bimácimona dáarie íaioi jíllua mei nauí íaioi anáfenogafue mo abído íaioi baíadi, nano íaioi illa baimo, jamánomo fígoñeite. ²¹ Juzíñamui ñuera iona íaioi onóñenia afefue afémacimona fígoñede. Mei íadi ja Juzíñamui iona onona mei, íaioimo iga ñuera lletárafuiaina féitaadi, afefue jamánomo fiénide. ²² Jaiái daína ua uai como afémacimo zúilla. Aféuai daide: “Jico ie cicúecana abído güízajide. Daje izói mero abina ñue jococa nane dama ie íaibímo nane jabíjabízajide,” daide.

3

Cai Ocuíraima billifue

¹ Cue izíruiga ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoína abi jífueño bífue mo

comécitadacue. Ñue llófueinafuedo ómoína comécitadacue. ² Afe jira jaiái ñuera uai lloraini caimo llogáfue mo moí uibíoiri. Daje izói Cristo orécamaci ómoimo lloga jíllotate Ocuíraíma lletara uaimo féitañeno áfemo mo moí comécíiri.

³ Nano fueñe bífue mo moí uibíoiri: ico íraíruillaído Juzíñamui lloga ñúefuina zanófredino bíitiaoíza. Afémaci daní íaíoi comeci fiéni óiacanafuíaído itíaoí. ⁴ Afémaci ómoimo zanoda jícanoítiaíoi: “¿Ninomo ite ómoimo lloga meine bite Cristo? ¿Néemei afe? Cai jáiaigima tiilla méifomo naga raa daje izói ite. Ua énie comuillarumona naga rafue daje izói jáioicaide.”

⁵ Daií llóitiaoí, mei jaiái ninomo monana Juzíñamui ie uaido finuafue mo comécíacañediaíza. Afe izói Juzíñamui uaido ocuillamona, zocade raa zocai ízoi, bínie jáinoimona comuide. Iemo jainoi cígido bínie Juzíñamui ie uaido riire itábicaítate. Aféfuena náfueñeno bie zanófredino onóacañediaíoi. ⁶ Afe mei daje izói énie anábaitade áillue noci aféruillaído bie éniemo ite cáadinuina niné táinocaitabite. ⁷ Mei íadi birui ite mona énie diga daje Juzíñamui daína uaido táinocaitalle irai íena oni jóoneoiga. Afe irai fiénidinuiaí niné táinocaillirumo ico íraícaíño iere jícanollirumo afe bíniena naa mona diga cuarítaite.

⁸ Izíruiga ámatiaí, bie emódomo ífue mo moí féitañeno iri. Cai Ocuíraímamona daa mona mil fimona izóideza. Daje izói aféniemona mil fimona daa mona izóideza. ⁹ Cai Ocuíraíma ie daínafuíaí fuitállirumo dúcia bai jáíruimo dúiñoñeite. Dámierie afémiena jáíruimo dúiñoite daiífrediaíoi. Mei íadi afémie cairi járitaiñede. Afémie buna oni fáiaacañede, mei jáífodo caimo ite fiénidífuiaí ñúefuena méidollena afémie iere jitaide. Afémie aféruina bai jáíruimo dúiñoñeite. Féitañeno ie mamécarumo zúite.

¹⁰ Cai Ocuíraíma billíruí meríriraíma naío billa izói, naí due ócuiríñeítiaíoi mo déizaíbiteza. Afe billíruimo mona naa íemo ite ráaniaíri jacire niné táinoficaite; áfena iere ficire cácaite. Nana afe mona finua ráaniaí naa úcuairi iraimo niné táinocaitate. Afe llezica bínie naa íemo ite itínuaíri cúarite.

¹¹ Ja nana daií táinocaillífue mo moí fidínamona, nana íaífuemona abí mo moí rairuillífue iere jítáirede; benómona afémiena caimare íóbitaredicaí. Ua Juzíñamui íeiena mo moí illífue iere jítáirede. ¹² Mai Juzíñamui ie nahí illáimana cíocaizaíbillirumo mo moí úiñori. Uíñua llezica, mo moí onóigafuedo aféruina raíre mai mo moí járidori. Aféruillaído mona ero iraido niné táinocaitate. Nana énie finua ráaniaí iraimo niné íbina jáitiaíoi. ¹³ Mei íadi Juzíñamui uícodo caimo lloga comue monamo comue éniemo ocuírídicaí. Afe comue éniemo mona diga, nana raa ñue jáícina jóite. Naga raa níífuenite.

¹⁴ Izíruiga ámatiaí, mei benómona naí bífue mo moí úiñoína llezica, nana ómoimo ite ríinodo mo moí illafue jáícina jóneri. Daií mo moí comeci caimare uái illafue dibénemo íllamona Juzíñamui ómoimo eróicaizaíbilleza. Afe izói mo moí comeci íaicaiñeno nífuenino Juzíñamui ómoimo cíoizaíbilleza.

¹⁵ Nane jáífuemo mo moí comécioiri. Afefue daíde: Cai Ocuíraíma comínimo járitaiñenafue, ua cai jíllóillífue. Daa bíuai cai izíruiga ama Pablo ómoimo cuete. Juzíñamui íemo lloga comeci jáícina fibíllafuedo cúefirede. ¹⁶ Nana afémie orécabiamo daa bífuiaí llote. Mei íadi dáarie ie uailaí ñue onóillena iere féirede. Abina onóñedino afe féiredíuaina jáífodo mamédiaíoi. Afe izói jabo ínotino aféuaina jáífodo dobáiñotiaíoi. Daje izói jáíe Juzíñamui Cuegáuai lloga uáillaina oni jáífodo áífedotiaíoi. Afemona afémaci daní abí niné táinocaitaitiaíoi.

¹⁷ Izíruiga ámatiaí, nana bífuiaína ja uícodo onódiomoíza, mai fiénidinomona abí mo moí rairuiri, afémaci jífuérillafuedo meine abído íaífuemo mo moí báiza;

omoi jeire oga ñúfueña niné féiza. ¹⁸ Mei jíáfodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ifue aillo oni móonaitaocairi. Iere ebire ñúfue dama Jesucrístomo mai birui omoi nitari. Daje izói zíñona ebíredifue afémiemo mai omoi nitáfireiri. Mai. Jae ñie.

NANOIDE SAN JUAN CUEGABE

Primera Carta del Apóstol San Juan

Cáatate úrilla uai

¹ Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoído jetádicai. Afémie Juzíñamuimona uailai lluíbitimie. Afémie uai caina cáatate. ² Afe cáatatena itímie cai onóillena caimo cíocaide. Afémiena cioillanona íemo uai faiticai. Afémie fecalle ziiñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. ³ Jira cai cacánafue cai ciónafue diga uáfueña jino lloticai, daaco comínina omoi cai diga íllena. Ua afe izói uáfueña Moo Juzíñamuimo dájena jaináidicai. Daje izói ie Jitó Jesucristomo jaináidicai. ⁴ Jira aféfuina ómoimo cueticai aféuaido jamánomo caimare ñue omoi íllena.

Juzíñamui nairai comeci egáioidimie

⁵ Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidimie. Afémiemo jaca jítinona íñede. ⁶ Dájena afémiemo jaináidicai cai daiíadi, íadi afe llezica jítifodo cai macáadi, taino lloticai. Daje izói táinona finódicai. ⁷ Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tíllamona, ie die tótajamona nana cai fiénidifuiái dote.

⁸ Cai fiénidifue íñede cai dáiiadi, cai abi jífueticai. Táinofuefiredimacidicai. ⁹ Mei íadi Juzíñamui ñue jaícina finóllifueño afemo ínoredicai cai fiénidifuiái jino cai llóadi, uáfueña afe fiénidifuiaina afémie dóite. Nana íemo fieni cai finócafue íbana caimo óñeite. ¹⁰ Cai fiénidifuiái finóñedicai cai daiíadi, Juzíñamui táinofueredena cíotataiticai. Ie úrilla uaina uáfueña jeire oñedicai.

2

Cristo cáiconi ñue úriraíma

¹ Cue jítotíai, bífuiaí ómoimo cueticue, íáiredifuiáimo omoi báiiñellena. Mei íadi dámie íáiredifuiái finóadi, Moo uíecomo cáiconi ñue úritimie ite. Afémie Jesucristo. Ñue jaícina itímie. ² Jesucristo cai fiénidifuiái ícoínia fagámie. Dama cai ícoíniañedeza, mei íadi nana énie comíni fiénidifuiái ícoínia.

³ Juzíñamui ocuífufuíaí iere cai cacáreadi íena onódicaíza fíiditícaí. ⁴ Mei íadi dámie “Iena onódicue” daiíadi ie ocuífufuíaí iere cácareñeniadi, afémie taino lloraíma, ua táinofuefiredimie. ⁵ Mei ie íbana Juzíñamui ocuífufuena finódimie, jae Juzíñamuina nabéfuena izíruite. Daií áfedo íemo cai jaináinana fídídicaí. ⁶ “Juzíñamuimo jaináidicue” dámie daiíadi Cristo maca izói ie macállino jítáirede.

Comue ocuífufue

⁷ Cue izíruigamaci, comue ocuífufue ómoimo cueñédicue. Afefue nanómona ómoimo itífue. Afe jaiái rafue daje omoi cacana úrillafue. ⁸ Mei íadi ómoimo cue cuezafue comue ocuífufue izói ómoimo íficaízaíbite. Bie ocuífufue Crístomo nahí ua ráfuena ite. Afe izói bie ocuífufue ómoimo nahí ua ráfuena íite. Afefue ua nahífue, jítino oní jáioicaídeza. Jae ua comécina egáíñollena ñue egáioínaza.

⁹ Dámie “úzfefomo iticue” daiíadi, íadi jiáimana nai éoia, afemie nai jítifomo ite. ¹⁰ Ie ámana izíruitimie úzfefomo ite. Afémiemo minícana fiénidifuiamo baiítaitena iñede. ¹¹ Mei íadi ie ámana éoicaidimie nai jítifomo ite; ua jítifodo macade. Niné jáideza onóñede, jítino uina cíoitañena jira.

¹² Jitótiai, jomoi cacai! Juzíñamui Jesucristo titáinanomo omoi fiénidifuiiai ibana ote. Ie jira bifue ómoimo cueticue. ¹³ Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. ¹⁴ Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi riíredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

¹⁵ Biniemo ite Juzíñamuina bacáuairédino finócafuiaina izíruiñeno omoi iri. Daje izói íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina íziruiñeite. ¹⁶ Nana íaioimona lloga ráfuiiai minícana Juzíñamuimona biñede. Fia dani íaioi cigimona comuide. Comécina íáiredemona fiéni óiacanafue bite. Cai ui ióbicailla jitaillamona jiáie fiéni óiacanafue bite. Caimo ite ráaniaimona fiéni abi ínuafue bite. Nana afe billáfuiiai biniemo ite Juzíñamuina bacáuairédino llóolloga. ¹⁷ Afena bacáuairédino fúioicaide, naa íaioimo ite fiéni óiacanafuiiai diga. Mei íadi Juzíñamui jitáinafue finódimie jaca ninomo ziiñona ite.

Uafue tánofue diga dájemo jaináñede

¹⁸ Jitótiai, jae írairuimo dúcideza. Cristo uáitaoidimie bíllana cacádiomoi. Ja birui aillo Cristo uáitaoidino cíocaide. Ie jira birui írairuina onódicaí. ¹⁹ Afémaci cáimona jino jáidiaioi. Mei íadi uáfueña cáieñediaioi. Uáfueña cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaioiza uáfodo daií áfedo onóillena.

²⁰ Mei íadi Cristo Ñuera Joréñona igáomoi; íemona afémiedo onótagaomoi. ²¹ Omoimo cueticue mei, uáfueña omoi onona jira. Uáfueña omoi onóñenamona cueñédicue. Uáfueña jiáie daa tánofueña comúinide. Jae onódiomoiza.

²² ¿Bu tánofueredimie? Jesuna Crístonede daidímie, afemie dama tánofueredimiena. Nímie Crístona uáitaoidimie. Afemie Moo Juzíñamuina jáanote. Afe izói ie Jitona jáanote. ²³ Jitona jáanotimie afémiemo daje izói Moona iñede. Mei íadi Crístona jíruitimie daje izói Moona onode.

²⁴ Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi comécia Juzíñamui Jitomo dájena íitiomoi. Afe llezica cai Moori dájena íitiomoi. ²⁵ Jesús uáfueña uícodo llote, ziiñona cáananona caimo fecállena.

²⁶ Omoi jífueiacadinodo bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daií buna ómoimo llófuenidiaioi.

Daje Ñuera Joreño nana ráfuiaina ómoína llófullofuede. Afemie llogafue uafue; tánofueñede. Jira daií Crístono dájena omoi iri, Ñuera Joreño ómoimo llua izói.

²⁸ Jitótiai, mai birui Crístono dájena jaináicairi, afemie cíocailiruimo ie dainana ñue cai ínollena. Daií ie bíllemo ie uiécona méairuiñeiticaí. ²⁹ Ja onódiomoiza Jesucristo ñue jaícina finódimie. Afemona daje izói nana jaícina finódiño Juzíñamui jitótiaiza ónoitiomoi.

3

Juzíñamui jítótiai

¹ Mai ¡comécimo faca! Nii jamánomo Juzíñamui caina izíruilla. Iemona ie jítótiaina maméidicai. Jae áfedicai. Ie jira éniemo ite Juzíñamuina éoidino cai izói comécíñediaioi, mei Juzíñamuina íaioi onóñena jira. ² Izíruiga ámatiai, jae Juzíñamui jítódicai. Iirairuimo cai íficaillifuenta nai caimo ácatañega. Mei íadi onódicaiza, Jesucristo cíocaia afémie izói íiticaí, ie illa izói námiena cai ciona jira. ³ Nana afémiemo daí comécidimaci dani dáamací nana íaifuiamona ñue dóficaitadiaioi, mei Jesucristo íaífuenidimie illa izói íiticaí.

⁴ Mei íadi nana fiénidifue finódimaci Juzíñamui ocuícáfue uáitajano jámairuite. Mei jira fiénidifue ocuina ráfuenta uáitaoina. ⁵ Jae Jesucristo bie éniemo cai fiénidifue oni duábillana onódiomoi. Daje izói afémiemo nifue iñénana onódiomoi. ⁶ Mei jira nana afémiemo dájena jaináioicaidimaci fiéni macánidiaioi; mei íadi nana fiéni macáfiredimaci afémiena jaca cióñediaioi; íena onóñediaioi. ⁷ Cue jítótiai cacai. Buna ómoína jífueñellena nane dáitícue; ñúefue finófiredimie ñúemie, Jesucristo ñúemiena illa izói. ⁸ Mei íadi fiéni macáfiredimie Taífemo jaináidimie, mei nanómona Taífe fiénidifuiaredimiena ite. Uafue Juzíñamui Jitó Taífe finócafuiái táinocaitaíbite.

⁹ Juzíñamui jítótiaimona jaca buna figóíñeno macáoicaiñede, Juzíñamui íemo iga cáanano íemo illa jira. Afémie fiénidifuenta finófinide, Juzíñamui jitoza. ¹⁰ Afedo bu mei Juzíñamui úruiaínaza, bu mei Taífe úruiaínaza onódiomoi. Uafue nímierie ñúefuenta finóñenia, ie ama íziruiñenia, afémie Juzíñamui dibénemo itímieñede.

Conímana cai izíruillafue jítáirede

¹¹ Mei jii nanómona omoi cacana úrilla uai, be nie uai: conímana cai izíruillafue jítáirede. ¹² Caín izói omoi iñeno iri. Afémie Taífe dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

¹³ Cue ámatiai, Juzíñamuina bacáuaredino ómoína éoinamona fáigacaiñeno iri. ¹⁴ Jae tíizaille íomona ziiñona cáailliomoi dóbaicaidicai. Afena onódicai, Jesuna ínotinona cai izíruilla jira. Mei íadi izíruiñedimie tíizailliodo jaide. ¹⁵ Nágamie ie abí cómena éoidimie cómena titádimie izói ite. Iemo come titádimie comécimo ziiñona cáanano iñénana onódiomoi. ¹⁶ Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínotinori daí abina zóoferedicai. ¹⁷ Dámie ie illínomo jítáirede raa ítemo, ie aino come jitaica raa iñénana cíóillano, mei íadi íemona jeruide, ¿nie izói Juzíñamuimo izíruillafue ie comécimo íteza? ¡Iñede! ¹⁸ Cue jítótiai, ¡fia fuenta daína uaido mai cai izíruiñeno iri! ¡Mei íadi ñue finóllifuiáido uafue izíruillafuedo mai conímana cai izírui!

Juzíñamui uiécomo ñue íena ínofirenafue

¹⁹ Jira daí uáfue mo jaináidimacidicai onódicaiza; nane aféfuemona Juzíñamui uiécomo ñue íena ínofiredinodicaí. ²⁰ Cai comeci cai ícoína llóyadi, Juzíñamui cai comeci baimo aillo ñúemienaza onódicai. Afémie nágafuiái onode. Iemona afe ícoína caimo ibana óite. ²¹ Mei jira, izíruiga ámatiai, cai comeci cai ícoína lloñeniadi Juzíñamui uiécomo ñue íena ínofiredinodicaí. ²² Nana íemo cai jicaca raana fécaite, ie ocuícáfuiaina jeire cai úamona; ua íena cai íóbitamona áfeniaina caimo fécaite. ²³ Afémie ocuícáfue daide: “Ie Jitó Jesucristomo cai ínori. Afe emódomo cai conímana cai izírui afémie cai ocuilla izói,” daí daíñocaide.

19 Cai Juzíñamuina izírúiticaí, nano fueñe caina ie izíruilla jira. 20 Dámie daiíadi “Juzíñamuina izírúiticae” mei íadi afe llezica ie daano cómena éoia, afémie táinofueredimie. Uafue dámie ie ciona daano cómena izírúine, afe llezica cióñena Juzíñamuina izírúinide. 21 Juzíñamui caimo iga daa ocuícáfue. Afe bie ocuícáfue daide: “Juzíñamuina izírúitimie daje izói ie aino cómena izírúiri,” daide.

5

Cai dinena bíniemo ite fiénidifuiaina anáfenoiticaí

1 Nágamie Jesús Crístona ínotimie Juzíñamui jító. Dámie come moona izírúitimie afe izói afe moo jítótiaina izírúite. 2 Moo Juzíñamuina cai izírúia, afe llezica ie ocuícáfuea cai finóadi, Juzíñamui jítótiaina cai izírúillana ja ónoiticaí. 3 ¿Minica Juzíñamuina izírúillafuea? Mei ie ocuícáfuiaina jeire cai ua. Ie ocuícáfuiái llégienide; 4 mei naga Juzíñamui jító éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicaí. 5 Dama Jesús Juzíñamui Jitona ínotimie éniemo ite fiénidifuiaina anáfenorede.

Juzíñamui Jitomo uai nabáillafue

6 Jesucristo jainoi die diga ciócaizaíbitimie. Ie báutizaillarui mo Juzíñamui Jitona comini fidítagaiaíoi. Afe izói ie tízaillarui mo, dama ie abi zóofiano, ie die tóillamona áfedo comini onótagaiaíoi. Fia jáinoiñedeza, íadi jainoi die diga bite. Jesús Juzíñamui Jitónafuemo Ñuera Joreño uai nabáiraíma. Ñuera Joreño llogafue uafue. 7 Afe Jesús Juzíñamui Jitónafuemo damieámami uai nabáiraíma monamo ite: Moo Juzíñamui, Juzíñamuimona Uaillai Lluáiíbitimie, Ñuera Joreño diga. Bie daámami come daínauai dáamiemo jainaide. 8 Eniemo daje izói daámami uai nabáiraíma ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiede.

9 Comini uai nabáillafue llínofiredicaí, mei íadi Juzíñamui uai nabáillafue jamánomoide, ie jira ie Jitori uai nabáillafuea cai ínolle iere jítáirede. 10 Juzíñamui Jitona ínotimie bie uai nabáillafue dama ie comécido úicade. Juzíñamuimo ínoñedimie Juzíñamui táinofueredena ciótate, Juzíñamui ie Jitori uai nabáillafue daínana ie ínoñena jira. 11 Afe daínáfuedo Juzíñamui daide: ziiñona cáanano afémie caimo iga. Afe cáanano ie Jitodo bite. 12 Juzíñamui Jitona comécido llínnotimie afe ziiñona cáanano ite. Mei íadi Juzíñamui Jító comécido llínnoñedimie afe cáanano íñede.

Juan íraicaiño lluífuiaí fuizáillafue diga úrite

13 Ja Juzíñamui Jitona ínotimoi. Jira bifue ómoimo cueticue ziiñona cáanano ómoimo íllana omoi onóillena.

14 Juzíñamui uáfuea caimo cacáfirenana ínofiredicaí. Daa minícana cai jicáadi ie comeci jítaina izói, afémie cai daína cacana onódicaí. 15 Mei jira afémiemo cai úrillana Juzíñamui cacáfirenana onódicaí. Afena onónamona cai jicácana afémie caimo fécana daje izói onódicaí.

16 Cómena títañeite fiénidifue ite. Dámie ie aino come afe fiénidifue ínuana cióadi, Juzíñamuimo afémieri jicari. Iemona Juzíñamui cáananona ímo fécaite. Títade fiénidifue ite. Afemo Juzíñamuimo omoi jicari daiíñedicue. 17 Nana fiénidifuiái íaifue; come comécina títañeite. Mei íadi jíaie íaifue ite; afefue cómena títañeite.

18 Juzíñamuina Móoredimie íaifuedo macáñedeza onódicaí; mei Juzíñamui Jító íena úiñoteza. Ie jira Taife íena ocuínide.

¹⁹ Juzíñamui íedicaiza onódicaí. Afe izói nana bínie comini Taife ocuífue anamo itíaióiza onódicaí.

²⁰ Juzíñamui Jitó jaiái bíllana onódicaí. Afémiedo ua nahí Juzíñamuina onótagacaí. Afe Uámiemo jaináicana iticaí. Afefue daiíacade Juzíñamui Jitó Jesucristo dibénemo iticaí. Afémie nahí Juzíñamui. Afémiemo jaináicana cai íadi zíñona caina cáataite. ²¹ Jitótiai, mai jánaraimo caimátaiñeno omoi iri; daje izói nana jíáie jífujete jóriaimona abi omoi rairuíri. Jae nñe.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹ Ja éicomedicue; ocuiraímadicue. Jae Juzíñamui nizeca cue miringo izóidingodío. Bie rabe ómoímo cueticue naa o úruiaíri. (Bimaci iglesia daina Juzíñamuimo gairífiredino.) Naa o diga afémacina uáfueña izíruiticue, mei dama cúeñedeza. Nana uáfueña onódino daje izóí afémacina naa ori izíruitiaíoi.

² Ñue uafue ícoínia ómoína izíruiticue. Afe uafue cai comécimo ite; ie mei afefue jaca ninomo caíri iite. ³ Moo Juzíñamui ie Jitó cai Ocuiraíma Jesucristo diga, ómoína cáimacaitaite. Afémie dúecaillano jamánomo izíruillafueña ómoímo llóite, naa comeci caimare uái illafue diga. Izíruillafueña uáfueña nana aféfuiaína cai onótate.

⁴ O jitótiaímona dáarie uafue daina izóí mácana fidídicue. Afefue cuena ióbitade, mei Moo Juzíñamui daí cai ocuúdeza. ⁵ Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícáfueñede. Mei íadi afefue nanómona caímo ite. ⁶ Bie izíruillafue daííacade Juzíñamui ocuilla izóí cai finóllena. Ja nanómona omoí cacana izóí afe ocuícáfue daide: “Izíruillafuedo omoí macari.”

Jífuerrairai ifue

⁷ Mei jii, aillo jífuerridino bie éniado macádiaíoi. Afémaci Jesucristo ua come izóí bíllana uáitatiaíoi. Daítadímie jífuerrairaima. Afémie Crístona uáitaoide. ⁸ Afémiemona abí omoí rairuíoiri o táijinamona oga comeci ñúefue táinocaiñeillena. Iemo jíái afémiemona abí omoí rairuiri nana o táijina íba ñue Crístomona jaícina óllena.

⁹ Níimie Cristo llogáfueño comécíñeno nibéfodo jáidímie, afémie comécimo Juzíñamui íñede. Mei íadi Cristo llogáuaimo comécíidímie comécimo Moo Juzíñamui ite, ie Jitó diga. ¹⁰ Dámie ómoína llófuiaíbiadi, íemo bie Cristo llogáfueña atíñeniadi, íena uáidoñeno, jofo eromo llínoñeno omoí iri. ¹¹ Iena uáidotímie, afémie lloga íaífue dáafueña llínoiteza.

Fuizájidíuui

¹² Omoína aillo daííacadicue, mei íadi rabedo cúeiacañedicue. Omoí dani conima uíécomo cue úrizaillena úiñoiticue. Afe daíí cai cáimafue jaícina íficaite. ¹³ Omoí ebuño izoide benomo ite iglesia daina Juzíñamuimo jaínáidino daje izóí Juzíñamui nizécamaci. Afémaci omo uai orédiaíoi. Jae ñie.

IIRAIBE SAN JUAN CUEGABE

Tercera Carta de San Juan

Gáyodo ñuefuena úritimaci

¹ Ja éicomedicue, ocuíraimadicue. Cue izíruiga nabaimo bibe cueticue. Bímie mámece Gayo. Afémiena uáfueña izíruiticue.

² Cue izíruiga ama, ori Juzíñamuimo jicáfiredicue áfedo nana o finócafuiái ñue móonaillena. O abí caimare náireillena jicádícue, o joreño ñue nífuenina izói. ³ O ñuefuedo macáfírenafue dáarie ámatiaimona cue fídiamona, afe cuena iere ióbitade; mei ua onódícueza o jaca ñuefuedo macáfíredío. ⁴ Ua ie baimo cue ióbillena iñede. Afe cue cacana cue jitótiaí uáfuemo comécídiaíoi; áferi jamánomo ióbidicue.

⁵ Izíruiga ama, o illánomo ite ámatiaína o canóllena figura. Ie mei oni jíainomona bite ámatiaína o canóllena jamánomo ñuera. ⁶ Juzíñamui mámeceido gairídímaci uícomo íaíoiña o izíruillafue jino llotíaíoi. Izire daídícue: Mai íaíoi cano; íaíoi jáilliruimo jitaica raana íaíoi mo ine; áfedo caimare íaíoi jáilleza. Ua Juzíñamuimo ióbillena izói íaíoi cano. ⁷ Mei jira afémaci Jesucristo tájinafuedo jáizaidiaíoi. Afe cánuana Juzíñamuina ónoñegamacimona llínoñediaíoi. ⁸ Ie jira íaíoi jitaica raana caí finóredicaí, afémacina caí canóredicaí. Afedo íaíoi uáfueña llúana canódicaí.

Diótrefes fiénino mácafue

⁹ Juzíñamui mámeceido gairífiredinomo cuegafue lluabe nauí orédícue, mei íadi Diótrefes caí ocuilla ríinona óiacañede, íaíoi cígimo úicofiacadímie illa jira. ¹⁰ Ie jira cue jáiadi ie fiéni mácafue jino uáfodo onótaiticue, nana ie fiéni úrioinafue, ie táinofuerena caína uáitaoinafue díga. Ie mei afe baimo bitino ámatiaína afémie llínoñede. Afe llezica afe bitino llínoacadímacina rairuillano, afémie gairídímacimona íaíoiña jino jiude. ¹¹ Izíruiga ámatiaí, fiéni onótarafuiaido jáiñeno iri. Ñúefue finori. Ñúefueña finódímie Juzíñamui ímie, mei íadi íaífuiaí finódímie Juzíñamuina jaca onóñede.

Demetrio ñuera onótafue

¹² Nana comini Demétriori ñue úritiaíoi, mei afémie ñue mácafue uáfori cióideza. Dani caí nane aféfuemo ñue uai nabáiraímacídicaí. Iemona uáfueña caí daífirenana onódiomoi.

Uai Fuizájillauai

¹³ Ona aillo daííacadícue, mei íadi rabedo cúeiacañedicue. ¹⁴ Ona raíre cíoiillena úiñoticue. Aféruido conima uícomo eróicana úriticoco.

¹⁵ Comece caimare uái illáfuemo o iri. Benomo ite nabáíñiaí omo uai orédiaíoi. Izire daídícue nágamierie coco nabáíñiaímo conima uícomo o uáidori. Jae níe.

SAN JUDAS CUEGABE

La Carta del Apóstol San Judas Judas Juzíñamui uáidoganomo cuete

¹ Jesucristo táijitagamie Júdadícue. Santiago ámadícue. Bibe Juzíñamui mamécánomo cueticue. Ua cai Moo Juzíñamui uáidoganodiómoi, íeiena ñue finoda maiñócanomo omoi íllena. Jesucrístomo omoi jaináinamona ñue eneno rairuícánodiómoi. ² Mei Juzíñamui jamánomo aillo caimo ie dúcaillafue, íemo jiái ñue uái omoi illíufue, íemo jiái ñue izíruillafue, dígafue ómoimo llóiteza.

Táinofuiaina llófuefredino (2 Pe 2.1-7)

³ Izíruiga ámatiaí, cai comeci jíllouillífuendo izire ómoimo cúeiacadícue; mei afe jíllouillena Juzíñamuimo cue ínuua izói, afe izói iere ínotíomoiza. Mei íadi ómoína jiáífuendo rabedo llóredícue. Táinofuiaí lluaíbitino omoi jeire ogáfueña féitaiacadiaíoi; ie jira izire ómoína daidícue: Ríire abí omoi mameri. Iaiói díga fuirilla izói omoi iri, omoi ínogafue íaiói féitañeilleza. Afefue nauí nana Juzíñamuimo jaináidinomo dácaíño iga. ⁴ Mei omoi cígimo ninena dámerie táinofue lluaíbitiaíoi. Afémacina Juzíñamui Cuegáuailaí jaiái uícodo íaiói olle duere finóllífuena llote. Afémaci íáibaníai. Afe íñiaí daide: “Juzíñamui ñúefueña jeire óiticaí;” mei íadi afe dánado rairuíneno fiénidífuena iere nícidotiaíoi. Afémaci daade cai Naama Juzíñamuina ruifíruitiaíoi. Daje izói cai Ocuíraíma Jesucristo llogáuaina uátitaiáoi.

⁵ Mei ja onódiómoi íadi, como cue daííacanafuemo ómoína uibíoitaacadícue. Juzíñamui Israel comínina Egipto éniemona oni orede. Oni uano daí nana íaióina ñue jíllotate. Mei íadi, íaiói cígimona dáarie íinoñena jírari, Juzíñamui afe íinoñedinona jiáíruido niné táinocaitate.

⁶ Afe izói Juzíñamui abí imácimona dáarie Juzíñamui anamo ñue íaiói illáfueña fáicanocaiacadiaíoi. Afe mei dani íaiói illánona fáicanocaillano oni jiáínomo jáidiaíoi. Ie jira Juzíñamui íaióina ico izire íraicaiño iere jicánollíruimo íaióina maitá jae ibaica. Afémaci jae jítinomo iere zábiñede llójejina maigáiaíoi.

⁷ Daje izói Juzíñamui Sodoma jofue íemo Gomorra jofue díga bóotate, naa afe ánorí ite jófueniaíri. Mei afécuaí comíni Juzíñamui abí imácimona fiénina jira dáarie llavécamací izóidiaíoi. Afe bimaci jamánomo dani jofo conímari ébecotaífirediaíoi. Naga Juzíñamui comínimo mameca ñue illáfueña jiruíreillena uátáfirediaíoi. Daí íaiói íllamona ziiño iraimo duere finócaiaíoi. Afe bifue, afémaci izói cai íñeillena, caimo cíotaga.

⁸ Afe emódomo bie táino lluaíbitino íaiói táinomo comécillafuiaído dani íaiói abína bácadiaíoi. Daje llezica cai Ocuíraíma ríinona uátitaiáoi. Caífo monamo ite jóriaí izoide ríinoredinona íaire dáíífirediaíoi. ⁹ Mei íadi Juzíñamui abí imácimona illaíma Miguel, Taífe díga fuirízailla llezica ñúefodo úrite. Tíide Moisés abína júfidotiaíllinoi. “¿Buna náamareite?” daídíaíllinoi. Aféruimo Miguel íairede uaido íena faidóñede, mei íadi fia íena daide: “Ocuíraíma Juzíñamui ona izire llétaiteza,” daide. ¹⁰ Mei bie táinodo llotínuaí íaiói ónoñega ráfuedo fiéni úritiaíoi. Mei íadi comécina onóñede rílleníai izói itíaíoi. Fia íaiói abí jítaina ráfuedo comécioidiaíoi. Daí comécillano áfuedo jáillamona dani íaiói niné táinocaitalliaíoi.

11 ¡Nii íaioina dúerena! Caín dibéfuedo jáidiaioi. Aillo úcube óiacanamona Baalam izói oni íaifuemo baízaidiaioi. Daje izói jaiái ite Corena mámece redimie, Moisés dotáacanamona niné táinocaite naa íemo jaináidnori. Afe izói birui omoi cígiri ite fiénidifuiái llotino llícaitiaioi. 12 Omoi finoca conímana izíruilla ráfuiái cígiri meáire finódinona itíaioi. Juzíñamuina jacíruiñeno omoi cígiri caimare güillano jifáizabitiaioi. Jiáimacina ñue úiñoñeno daní íaioi abí úiñotiaioi. Jairifo oni niné ñaitaca mona úillie izóidiaioi. Ríaniaimona daana llizíllaruimo dúcide íadi llizíñede zena izóidiaioi. Afe izói bie cominí itíaioi. Afe amena are llizíñenia dúilla llezica aiñoda dotácaza. (Daje izói bimaci ráifiñenamona táinocaitiaioi.) 13 Monáillai jacire bagua izói itíaioi. Iaioimo ite meáire fiénidifuiái bagua mulle izói, cominí eróicana jino cíotafirediaioi. Daje izói úcuai íaioi íómona oni jiáioimo féiraila izói itíaioi. Jamánomo jítirede jítinomo zíiñona íllena riire mamécaiaioi, dinomo duere zefuíllena.

14 Ua bimáciri jaiáidigima Enoc úrite. Adán jító dinómona ie jító, dinómona nane ie jító, siete dígafue daíí illa emódomo, bie Enoc mámece redimie jocoina. Afémie bie taino llófuetinodo uícodo úrite. Juzíñamui Joreño do úrillano daide: “Cai Ocuíraima jamánomo aillo ie abí náirairi bíllana cíodícue. 15 Afémie nana fiénide comínimo ite fiénidifuiái iere riire jicánuaibite. Daje izói nana íaioi íáire illáfuiái iere jicánuano duere íaioina finótaite. Fiénidino riire daináuaido cai Ocuíraimana uáitaoidiaioi; bífuemona daje izói duere zéfuitalliaioi.” Daíí Enoc bie fiénidimacido úrite. 16 Afémaci iere fiéni cáillirediaioi; ñue caimátaiñediaioi. Daní íaioi comeci fiéni jítáinafuiái jino denólledo úritiaioi. Urillano aféfuiaína uáfueña finódiaioi. Daní abí íaioi íinua uáillaído ficire úritiaioi, “Aillo jácimacidicai,” daííllena. Daje izói caimare comínimo úritiaioi, íaioina bífuellena.

Crístomo íinotino ñue lleta uaillai

17 Cue izíruiga ámatiai, cai Ocuíraima Jesucristo orécamaci ómoína daináfuemo omoi coméciri. 18 Afémaci ómoína daide: “Íco íirairuillaído ñúefuiaína zánoitinona íteza. Íaioi comeci íáire óiacanafuiaído íitiaioiza.” 19 Bimaci dáanomo ñue itínomona oni eneno bózietaidiaioi. Daní íaioi abí óiacanafue jeire otíaioi. Mei afémaci Juzíñamui Joreño úicaiñegaiáioiza.

20 Mei íadi izíruiga ámatiai, omoi jeire Juzíñamuimona ogáfuemo riire omoi jaináicairi. Daje izói Ñuera Joreño ríinodo Juzíñamuimo omoi úrifireiri. 21 Juzíñamui omoi izíruillafue dibéfuedo omoi iri. Cai Ocuíraima Jesucristo caimo dúecaillano zíiñona cai illíruimo omoi úiñoiri.

22 Nai jabóicana jizire íinotinona jaícina llóiri, ñúefueña jeire íaioi ólleza. 23 Iráimona bairoca izói íaioina jíllotari. Jiáimacimo omoi dúecairi; mei íadi íaioimo ite íaifuemo jíricaiñeno omoi iri. Afe fiénidifue íáirede iniroi izoide. Íaioi abímo jíideza; áfemona iere abí omoi rairuiri.

Juzíñamuimo íiraicaiño cai caimátailafue

24-25 Cai daade Juzíñamui jamánomo nágafuiái baitádimie. Afémie Jesucristodo cai Jíllotaraima. Iemona cai fiénidifuedo báiiñelle rairuilla ríino íemo ite. Daje izói afémie caina íaifuenino caimare dama ie ebírede uiécomo caina izájirede. Afe Juzíñamuimo ebire ñúefuiái íteza. Jamánomo ñuera ébífue íemo íteza. Daje izói nana ñuera ríino íemo íteza. Daje izói nana riire ocuíllafuiái íemo íteza. Nana bífuiaína cai Ocuíraima Jesucristodo nauí, íemo birui, íemo jiái uire daíí jaca ninomo, Juzíñamuimo dúicaiteza. Mai. Jae níie.

HIRAIRUILLARDO ITIFUIAI JINO CIOTAINA

Juziñamui San Juaamo Jino Ciotagafue

EL APOCALIPSIS

O Revelación a San Juan

Jesucristo jino onóitagafue

¹ Bifue uire íitifuiaí jino ciótinafue. Juziñamui bífuiaína Jesucristomo ciótate, afémie ie ocuífireganomo ácatallena. Daíi Cristo uáfue na raire ífcaítifuena jino íaíoimo ácatate. Jesucristo ie ángel daína abí ímiedo bie jino ciótagna ie ocuífiregamie Juaamo onótate. ² Afe Juan nana ie ciónana uáfue na jino llote. Daje izói afémie Juziñamui lloga uaina nabáífirede. Afe Juziñamui lloga uai Jesucristodo ñue jaícina llócaiga. ³ Bie Juziñamuimona oga uaina jaímacimo facáduana cacáduo caimare itíaioi. Daje izói bie rabénicomo cuega uaina cacáillano ñue náfuetino caimare íóbitaioi. Mei bie rabénicomo llogáfuiaí zúitirui ja ánozideza.

Siete dígade iglésiaí daína Juziñamuimo gáirifredinomo Juan cuete

⁴ Asia éniemo ite siete dígade iglésiaí daína Juziñamuimo gáirifredinomo cueticue. Cue Juáadicue. Mai Juziñamui ñúefuiaí dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiaí itímieza, íemo uire jaca ninomo ítímieza. Daje izói ie ráirano uícomo siete dígade ñuera jóriaí ite. Afe jóriaí Juziñamui Ñuera Joreño jana. Afémie ñúefue dibénemo omoi iri. ⁵ Iemo daje izói Jesucristo lloga ñúefuiaí jeire omoi oíri. Afémie jaífo méidofinide uai nabáiraíma. Daje izói afémie nano tíllanomoná abido meine tíñellena cáatagamie. Iemo jaí afémie bínie illáicomini ocuilla ríno ite. Afe Cristo caina izíruillano ie totaca díedo caí fiénidifuiaína oni dote. ⁶ Iemo nane illáicomínina caina itátate ie Moo Juziñamuimo caí jaínáillena. Daje izói comínido Juziñamuimo úrifredinona caina jóonete. Afe Juziñamui íena jóonegacáí. Ie jira jaca ninomo áillue ébifue naa ocuilla ríno díga afémie íena íteza. Aquíe izóideza.

⁷ ¡Ero, Cristo mona uílliedo bite! Nana comini íena cíotiaioi. Daje izói ie fatino íena cíotiaioi. Iemo nana bínie nairaí afémie bíllana cíóillano éenaitaioi. Jíí, uafue daítadeza.

⁸ Caí jamánomo riire Ocuídímie bie izói daíde: “Nana ráfuiaí naí cómuíñenia uícodo itímiedicue. Daje izói fuizájillanomo itímiedicue. Abecedario A-do táinia izói nánoramiedicue. Daje izói abecedario Z-mo fuizailla izói íraímiedicue,” daíde. Afémie birui itímie, íemo jaca nanómona itímie, íemo uire jaca ninomo ítímieza.

Ebírede Cristo nicáirilla izói ciona

⁹ Omoi ama Juáadicue. Omoi duere zefuilla izói daane duere zefuídicue. Daa omoi izói Juziñamui illáimana illánomo jaínáidicue. Iemo Jesucristo omoi úíñotaja izói daa omoi díga úíñotagacue. Jesucristodo fairíotaga Juziñamui ñuera uai jino cue llócailla jira llavécacue. Pátmosmo mámeccirede monaíllai cigí ídumo llavécamedicue. ¹⁰ Iemo afénomo caí Ocuíraíma caí ocózinaitaruimo Juziñamui Ñuera Joreño náamatagacue. Afe llezica vudugoí fúunua izoide ficírede uaina cue méifomo cacádicue. ¹¹ Afe uai cuena daíde:

—Naga ráfuiai uícodo itímiedicue. Daje izói fuizájillanomo itímiedicue. Abecedario A-do taineca, íemo Z-mo fuilla izóidimiedicue. Mai nana o ciona diga daa rabénicomo cúeiri. Cuiano, Asia éniemo ite siete dígade iglésiai daína Juzíñamuimo gairífredinomo o oreri. Afe jófueniai mámečiai: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹² Bu cuemo úrilla daiíllena abido gírecaidicue. Gírecaillano, siete dígade oro finoina mechérana ciódicue. ¹³ Afe cígimo cómemona comuídímiena eróidena ciódicue. Afémie jitáoigaroi éiba ícoimo dúcide. Ie jogóbemo lláidife oro finoina. ¹⁴ Afémie ifótirai iere úzerede, jaillici úzerena izói úzerede. Iemo jíái nieve izói úzerede. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete diga ucudu lláide. Ie fuémoma iere jáirede llojéfaí izoide raa jino billa; afefai nágafene jáirede. Ie uíeco jitoma iere riire egáiñua izói riire egáiñote.

¹⁷ Afémiena cíollano, ie anamo tíidímie izói baiídicue. Mei íadi afémie ie nabezi cuemo bíitano cuena daide:

—Jacíruiñeno o iri. Cue bie nanóidimiedicue; dáamiedicue fuizájillanomo íitímiedicue. ¹⁸ Birui cáadimiedicue. Mei nauí tíidicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniai cuemo ite. ¹⁹ O ciona diga mai cúeiri; birui itífuiai cúeiri, íemo uire cómuitífuiai cúeiri. ²⁰ Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígaze Juzíñamuimo gairídino uai llócaítino jana. Iemo afe siete dígade mechera siete dígaze Juzíñamuimo gairífredino jana, —daí afémie cuena daide.

2

Siete dígade iglésiai daína Juzíñamuimo gairífredinomo lollíuui: Efésomo ite íinotínomo llogáuui

¹ Cue cíonamie dáanomo cuena daide:

Efésomo ite Juzíñamuimo gairídino úiñoraímamo bíuai cúeiri: “Afe nabézido siete dígade ucúduai llíidímie daje izói siete dígade oro finoina mechera cígido macáfírede. (Afémie mechera cígido mácafírena izói, comíni ñue úiñolle jana.) Afémie afe úiñoraímama bie izói daide: ² Nana o finócafuiaina onódicue. O riíredemo táijidízoa onódicue, naa o comeci járitaiñedeza. Daje izói fiénidino fiéni illáfuiaina iere izire o rairuíllana onódicue. Iemo jíái táinona “Jesucristo orécanodicai” daidínona facátatízoa onódicue. Afemona afémaci taino llúana baitíoza. ³ Jaca o comeci járidoñedio, íemo iere cuedo o táijina llezica cue ícoínia iere duere zefuídízoa. Afe llezica zefuíruiñeno ñue táijidio. ⁴ Mei íadi daa figóñedífuena omo ite. Nano fueñe cue o izíruilla izói birui cuena izíruíñedio. ⁵ Ie jira ninómona oni nibéfodo baiídízoa comeci uibi. Mai omo ití fue méidori. Fueñe o illa izói o iri. Bífuena o méidoñenia omo riire bíitícue, omo ite egáiñote raa oní óllena. ⁶ Mei jíáfodo, daa ñúefuena nai omo ite. Afe nicolaítas fiéni finócafuiaimo naa íaíoi fiéni jíáfodo llógamo éoicana eróidí. Cue daje izói áfena éoidicue. ⁷ Ñuera Joreño Juzíñamuimo jaináidínona dáinamo cacáacadímie áfemo cacai. Afe Ñuera Joreño bie izói

daíacade: “Fiénidena anáfenodinona jáidimacina Juzíñamui nífueninano ite cáatate amena lizíllana güitátaiticue,” daide.

Esmírnamo ite ñnotinomo llogáuai

⁸ Daje izói Esmírnamo ite Juzíñamuimo gairídino úiñoraimamo búai cúeiri: “Nanóidimie dáamie íraimiena ómoimo úrite. Naui bíniemo tídimie, íemo meine abido nane cáadimiena jaide. Afémie ona daide: ⁹ Nana o finócana onódicue. Daje izói o duere zefuállana onódicue, naa o ráanina diga. Mei íadi uáfueza Cristo dibénedo iere ráaredio. Jáimaci fiéni omo úrillana onódicue. Afémaci, “Juzíñamui nizeca Judíodicaí” daidíaiói, mei íadi íeñediaíói. Afémaci dani Taife dibénemo jaináidino. ¹⁰ Duere o zefuállamo jacínaiño o iri. Mei ómoimona dámerie Taife llavéracomo llavétaiteza, nana omoi facátallena. Daíí omoi comeci ífue onóillena facátallíomoi. Diez dígarui duere zefuiredíomoi. Mei íadi o tíllinomo zóofeño ñnofireiri. Daíí o íadi zíñona cáallena o jirídotaiticue. ¹¹ Ñuera Joreño Juzíñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daíacade: “Fiénidena anáfenodinona jáidimaci nane méifodo tíllamo raamo jiríñeitiaíói,” daide.

Pérgamomo ite ñnotinomo llogáuai

¹² Daje izói Pérgamomo ite Juzíñamuimo jaináidino úiñoraimamo búai cúeiri: “Afe nágafene jáirede lloefai llíidimie bie izói ona daide: ¹³ Nana o finócana onódicue. Afe izói Taife ocuícano cígimo itízoza onódicue. Afénomo itíío íadi zóofeño cuemo ñue o ñnuana onódicue. Daje izói cuemo o ñnuana fáicanocaiñedio. Afe izói Antipas mámeciredimie cue ñue jaícina cue uai nabáifiredimie. Afémie omoi cígiri fatíaiói. Ie fáinaruido, cuemo omoi ñnuana zóofeñediomoi, Taife illánomo itíomoi íadi. ¹⁴ Mei íadi cue lletárafuiana ómoimo ite. Omoimona dáarie jadí Pérgamomo Balaam llófuiana fáicanocaiacañediaíói. Afe Balaam jaii Balacna llófuete Israel comini fiéni finuaillena. Afe Balac Balaam llófuiaimona Israel comínina jánaraimo fecaca rílleniaina ritátate. Afe dáaruído afémacina iere jiruítetade. ¹⁵ Nane jáíie cue lletárafuena ómoimo ite. Omoi cígimo dáarie afe nicolaítas lloga uaina féitaiacañedino ite. Afémacina éoidicue. ¹⁶ Ie jira mai omoi comeci ífue méidori; mei íadi omoi méidoñenia, raire omoi diga fuirízaíbiticue. Uáfueza cue fuémona bite jáirede lloéfaido omoi fiéni finódinona fáziaíbiticue. ¹⁷ Ñuera Joreño Juzíñamuimo jaináidinona dáinamo cacáacadimie, áfemo cacai. Afe Ñuera Joreño bie izói daíacade, “Fiénidena anáfenodimiena jáitimie afe báinino ite maná daina monámona cocide güíllena güitátaiticue. (Bie maná Juzíñamui íaiói comécina náiretaillena jana.) Iemo afémiemo úzerede nofítofena fécaíticue. Afe nofítofemo buna óñoñega comue mámecei cuelle. Dama afe nofítofe llínoitimie áfena onóille.” Aquíe izói daide.

Tiatíramo ite ñnotinomo llogáuai

¹⁸ Daje izói Tiatíramo ite Juzíñamuimo jaináidino úiñoraimamo búai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronze izói quenírede. Afémie bie izói ómoína daide. ¹⁹ Nana omoi finócana onódicue. Cuena omoi izíruillana onódicue, naa cuemo omoi ñnuana diga. Daje izói cue dibénedo ñue omoi tájicaillana onódicue, naa omoi comeci járitaiñena diga. Fueñe omoi táinia baimo birui jamánomo finócaidíomoi. ²⁰ Mei íadi ómoimo daa cue lletárafuena nai ite. Afe Jezabel mámeciredingo llógana rairuíñediomoi. Afengo, “Juzíñamui dibénedo úriticue,” daífirede,

mei íadi fienu ie llócaigafuedo cue ocuífireganona jífuete. Afe jífuia uaido íaioina iere jiruítetade. Daje izói jánaraimo fecaca rílleniaina íaioina ritátate áfemo caimátaillena. ²¹ Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífueña fáicanocaiacañede. ²² Mei jira birui afémaci afengo finócafuena fáicanocaiñenia, aféngona iere izire iráretaiticue. Daje llezica nana afengo diga jiruiredinona duere zefuítaiticue. ²³ Afengo úruiaina títaiticue. (Afe úruiai daína afengo llógamo jíruitino.) Afemona naga come ifoci úrillana, ie comeci ifue diga ñue ícoimo cue onónana, nana Juziñamuimo gairídino fídítiaioi. Iemo ómoimona illa dígamie fienu omoi fínuaze ómoína duere fñoiticue. ²⁴ Mei íadi ómoimona Tiatíramo ite jáimaci afe Jezabel omoi llófua fiénide uaina náfueñediomoi. Afe Jezabélmo jaináidino íaioi llófueinana daidíaoi, “Cai llófueina uai Taife ie, iere báinide nai uáfodo ónonidífuiaí,” daidíaoi. Afe llófueinana onótañegaomoi. Iemo ómoimo ite nauí cue lloga baímo jáiiena ómoína ócuiñeiticue. ²⁵ Daa bie llóiticue: Omoimo ite ñúefuiai ñue rairuiri, nai cue bíñeille dino. ²⁶ Fiénidena anáfenodinona jáitínona náiraiai ócuitimacina jóneiticue. Afémaci cue jítainana ñue ícoimo fuitáidino. Ocuille ríino íaioimo jóneiticue, ²⁷ mei daí cue Moo cue ocuille rínona cuemo jóneteza. Iemona náiraiaína rírede lloébici izóidedo ríre ócuitiaioi. Íaioimo cacáreacañedinona ícíruai lláia jéenino llairúngotailla izói, afe izói íaioína duere fñoitiaioi. ²⁸ Daje izói monáiracudu iere ebire egáíñua izói, afémacina ebire fñoiticue. ²⁹ Ñuera Joreño Juziñamuimo jaináidinona dáinamo cacáacadimie mai áfemo cacai.” Aquíe izói daide.

3

Sárdismo ite ñnotinomo llogáuai

¹ Daje izói Sárdismo ite Juziñamuimo jaináidino úiñoraimamo búuai cúeiri: “Afe siete dígade Juziñamui jóriaredimie, ñi afe Juziñamui Ñuera Joreñoredimie Cristo, íemo afe siete dígade ucúduai llíidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izói itio. ² Come cazilla izói mai abina onoiri. Nai omo due jiza fiébide ñnogafuiaina meine ríre finori, mei aféfuiai jae táinocaiacadeza. Eróidicuemo o finócafuiai cue Juziñamui erócana ñue jáicina jóíñedeza. ³ O fueñe ñnoga íaioi llófuiamo uibíoicairi. Afena jeire o oíri. Afe llezica o comécimo itifue ñúefuena méidori. O abina ñue onóñenia, merírifiredimie ónonino billa izói, duere omo fínuaibiiticueza. Cue billíruina ónoñeitio. ⁴ Mei íadi ómoimona jadí Sárdismo dáarie comécina ñúemacina ite. Afémaci ínóroina íáiñedinó izoide. Afémaci úzecuiruai jitada cue diga jáitíaoi, mei afe daí íaioimo dúideza. ⁵ Fiénidena anáfenodinona jáidino úzecuirona jítaitiaioi. Iemo zíiñona cáaitino mámecei cuiánicomona íaioi mámeceiaína dóñeiticue. Iemo daje izói cue Moo Juziñamui uícomo “Bie cúemaci” dáititicue; daje izói ie abi imaci ángeles daínamaci uícomo “Bie cúemaci” dáititicue. ⁶ Ñuera Joreño Juziñamuimo jaináidinona dáinamo cacáacadimie mai áfemo cacai.” Aquíe izói daide.

Filadélfiamo ite ñnotinomo llogáuai

⁷ Daje izói Filadélfiamo ite Juziñamuimo jaináidino úiñoraimamo búuai cúeiri: “Afe nífuenidimie omo úrite. Afémie uáfueña úrifiredimie. Afémie jaiái illaíma David naze tuiñora llave ite. Afémie Juziñamui illaímana illano tuiñóadi buna íbáinide. Daje izói afémie íbáia, buna zuitánide. ⁸ Bímie

bie izói ona daide: Nana o finócana onódicue. Buna ibáinide túide naze o uiecori jóneticue. Mei figo mairíñedio, íadi cue uaina náfuetio; cuena jaca jáanofinidio. ⁹ Iemona Taifemo jaináidinona o anamo caiñícido ana íaioi dújutano óreiticue. Afémaci táinona úrillano bie izói daiñirediaioi: “Cai bie Juzíñamui nizeca judíuaidicai” daidíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídítiaioi. ¹⁰ Cue ocuica uai jeire o úamona aféuai daína izói comécina járidoñedio. Ie jira nana bíniemo bite facátalliruimona ona ñue ráiruiticue. Aféruido nana bíniemo ite comíni facátalliaioi. ¹¹ Raire biticue. Omo ite ñuefuiai ñue rairuiri, o jirídolle raa bu báiroñeilleza. ¹² Fiénidena anáfenodinona jáitinona cúeiena máiñoiticue. Máinuano cue Juzíñamui gairíracomo ite mairide jáillirai izói íaioina óreiticue. Iemona Juzíñamui illánomona jaca jino jáiñeitiaioi. Iaiommo cue Juzíñamui mámecei cúeiticue. Daje izói cue Juzíñamui jofue mámecei íaiommo cúeiticue. Afe jofue mámecei “Comue Jerusalén.” Afe jofue cue Juzíñamuimona caifo monámona ana bite. Daje izói afe fiénidena anáfenodinomo cue comue mámecei cúeiticue. ¹³ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Laodicéamo ite íinotínomo llogáuai

¹⁴ Daje izói Laodicéamo ite Juzíñamuimo jaináidino úiñoraímamo bíuai cúeiri: “Uáfuenta llotímie omo úrite. Afémie jáicina uai nabáífredimie; daje izói jaca méidoñeno uáfuenta úrifredimie. Afémie nana Juzíñamui finócana tainérama. ¹⁵ Afémie bie izói ona daide: Nana o finócafuiaina onódicue. Ráairuillano figo o íinoñenana onódicue. O íinoga ñue uzíredíji izóiñede. Daje izói o íinoga caimare mánaidíji izóiñede. Ñue o uzírenana jitáidicue, níbaí jááfodo o mánainana jitáidicue. ¹⁶ Mei íadi jabo uzíredíji izóidíio. Iemona jabo uzíredíji jino tua izói ona jino dótaiticue. ¹⁷ Bie izói daiñiredio: “Ráaredimiedicue,” daidíio. Iemo “Nana cue illafue ñue jóide. Cue jitaica raana íñede,” daiñiredio. Mei íadi jááfodo o íllana onóñedio. Juzíñamui eróicana bu cáimadoñegamiedio. Iemo daje izói iere duere zefuíttagao, íemo iere dúeredimiedio, íemo uina cíoiñedimie izóidíio. Iemo jáíi ínícuironino emuíromade izóidíio. Afe bie izói o íllana jaca onóñedio. ¹⁸ Mei jira omo llóiticue, “Traimo ñue finoca órona cúemona íba, uáfuenta ráaredimiena o jáillena. Daje izói cúemona úzerede ínícuirona íba, o meáire emuíromana íbáillena. Daje izói ui manórajina cúemona íba, o uimo jóoniamona ñue o cíoilena. ¹⁹ Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o ínofireiri. O comeci ífuiai méidori, ona duere cue fínoiza. ²⁰ Ero cacai, come comeci naze ízoinamo iticue. Dinómona jáiriticue. Cue uaimo cacáreitímie ie naze tuiñóadi cue llínollena, afémie illánomo jofu jáititicue. Jáillano dájena afémie díga nabáiriticue. Daje izói conima díga caimare úriticoco. ²¹ Fiénidena anáfenodinona jáitinona, illáimana cue ráíiranomo afémiena cue díga ráítaiticue. Mei daiñí fiénidena cue anáfenuamona cue Moo illáimana ráíiranomo ráinazaidicueza. ²² Ñuera Joreño Juzíñamuimo jaináidinona dáinamo cacáacadimie, mai áfemo cacai.” Aquíe izói daide.

4

Monamo Crístomo lloga cáimafuiai

¹ Bie méifomo éroidicuemo, monamo ite naze túinana cíódicue. Fueñe cue cacana uaina meine nane cacádicue. Afe uai vudugoi ficírena izói cacaide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataticue, — daide.

² Afe llezica Ñuera Joreño anamo itábicaidicue. Iemona monamo ite illaíma ráiirana ciódicue. Afénomo dáamie ráiinana ciódicue. ³ Afémie iere quérede ‘jaspe’ daina ráifide nofiji izói éroide. Aféjina jiáifo daina ‘cornalina.’ Afe ráiirano abido rózigüeo nágafene ífoina ite. Afe rózigüeo ‘esmeralda’ daina ráifide nofiji quenírena izói quenírede. ⁴ Iemo afe ráiirano abido veinticuatro diga jiáie illaíma ráiiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráidiaioi. Afémaci úzerede iníroillai jitádiaioi. Iaiói ifomo oro finoína illaíma jitáfíregacuifoí jiiena. ⁵ Afe áillue ráiiranomona aillo boride. Afe llezica afénomona iere ficire mona gíría cácaide. Iemo afe ráiirano uícomo siete dígade áillue bobáieniai bóoide. Afe siete diga bóoide bobáieniai Juzíñamui Ñuera Joreño jana. ⁶ Dáanomó afe ráiirano uícomo, daa monáillaina eroide illa. Afe monáillai anáfenemo ñue cíoide vidrio izoide.

Afe ráiirano abido cuatro diga cáadimíai ífoina itíaioi. Afémaci erófene dibénemo aillo uíjai ite. Daje izói emodo dibénemo ite. ⁷ Bimácimona daa jánallarina eroide. Iemo jiáie juráreto ítona eroide. Iemo jiáie uíeco, come uíeconna eroide. Iemo jiáie feede máajaiñona eroide. ⁸ Afe cuatro diga cáadimíaimo illa dígamíemo seis diga íaicuai ite. Afe íaicuai erófenemo uíjaiina oruide; daje izói emodo dibénemo ite. Afémaci mona naió diga llícaíñeno úritiaioi; Juzíñamuina daiíoidiaioi:

¡Iere íaifuenidío! ¡Iere íaifuenidío! ¡Iere íaifuenidío!

Iere ñuera cai Ocuíraimadio.

Jamánomo ríinorede Juzíñamuidío.

Jaca nanómona itímiedío,

Iemo nai birui itímiedíoza,

Iemo uire jaca ninomo ziiñona íitimiedíoza, —daií daiíofirediaioi.

⁹ Illa dígacaiño afe cáadimaci, ráiiranomo ráide Moo Juzíñamuimo ebíredifue nitáadi, íemo ñúefue jóoneadi, íemo jiái figora íena dáiiadi, ¹⁰ afe llezica afe veinticuatro diga ocuide éicomini áillue ráiiranomo ite Juzíñamui anamo dújufirediaioi. Iemo afe jaca ninomo ziiñona itímiena caimátaidiaioi. Afe llezica íaioi oro finoína illaíma ífo icuífuiái ráiirano uícomo jóonefirediaioi. Jóneta daiífirediaioi:

¹¹ Cai Ocuíraíma Juzíñamui,

Iere ebíredifue omo nitáregaza,

Daje izói ñúefuiái omo jóonefíregaza.

O jamánomo ríinorenana omo nitáregaza.

Nana aféfuíai ona náamaredeza.

Mei naga ráaniai o comuítaga.

Iemo o comeci jítaina izói itíaioíza.

Daje izói o comeci óiacanamona finócaiaioi.

Aquíe izói daiífirediaioi.

5

Ráidimie llíga rabéniconna ciódicue naa Cordero daínámie Cristo diga

¹ Afe méifomo illaíma ráiiranomo ráidimie nabézimo ite rabéniconna ciódicue. Afénico ferínoga rabe. Erófenemo cuega, daje izói jinófenemo jiái cuega. Afénico siete diga sello daina ñue ibaira raado ibaica. ² Iemo rírede

ángel daina Juzíñamui abi ímiena ciódicue. Afémie ficírede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñoállena? — daide.

³ Mei íadi afénico tuiñoitimiena iñede. Caifo monamo iñede. Bíniamo iñede, íemo bínie anamo tíidino illánomo jíai daje izói iñede. Daje izói afénicomo buna eróinide afe facádollena. ⁴ Afénico tuiñoite comécina ñúemiena baiñenamona iere éedicue. Daje izói afénico facádoitimie iñenamona, íemo jíai afénicomo eróillano ónoitimie iñenamona, iere éedicue. ⁵ Iemona veinticuatro diga eicomínimona dámie cuena daide:

—Mai benómona éeñeno o iri, mei Judá nairai illaíma Jánallarina mamécamié, fiénidena jae ñue anáfenotateza. Afémie jaiái illaíma David erófene igímamona comuídimie. Afe ie anáfenuamona afémie binico tuiñoille ríino ote. Daje izói afe siete dígade sello cuatalle ríino íemo ite, —daide.

⁶ Iemona afe ráirano cígimo, íemo afe cuatro diga cáadimíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táide, mei íadi Juzíñamuimo fia fecállena ie íaíoi fáina meifo cíuide. Afe Cordero siete diga zícairede, íemo ie ui siete dígade. Afe siete dígade uíjiaí naga éniíaimo oreca Juzíñamui Ñuera Joreño jana. ⁷ Afe Cordero illaíma ráiranomo ráiidimie nabézimo ite rabénicono llínuaide. ⁸ Afémie afénico llínua llezica afe cuatro dígade cáadimíai, íemo afe veinticuatro dígade ocuide éicomini afe Cordero anamo dújudiaíoi. Afe eicomínimona illa dígamie ‘arpa’ daina rua roia taiga raa llíiediaíoi. Daje llezica afémaci oro finoína ugúciaína oruide ichecoí llíidiaíoi. Afeniaí Juzíñamuimo jaináidino afémiemo jicara uailaí jana. ⁹ Afe éicomini bie comue rua rotíaíoi:

O iere comécina ñúemienamona bie rabénico llínnota tuiñoille omo dúide.

Mei nauí Juzíñamuimo fatá fecácamiedioza.

Caina o die tóillado Juzíñamui íena ibádiaíoi.

Uáfuenta nágaziemona,

Iemo nana jíáifo úritinomona,

Iemo naga comini jófuaíaimona,

Iemo nana náiraiaimona Juzíñamui íena caina ibádiaíoi.

¹⁰ Cai Juzíñamui ie illáinina caina jáitatio;

Daje izói comínido Juzíñamuimo úrifireitínona caina jóonetio;

Iemona énie náiraiaina ócuiticaí.

Aquíe izói rotíaíoi.

¹¹ Afe mei eróidicue. Iemo aillo afe illaíma ráiranomo ífoína ite ángeles daina Juzíñamui abi imaci úrilla uaina cacádicue. Daje llezica afe cuatro diga cáadimíai uaina cacádicue. Iemo dáaruido éicomini uaina cacádicue. Afe Juzíñamui abi imaci iere jamánomo aillo itíaíoi. Ua millones y millones dánaze itíaíoi. ¹² Afémaci ficírerie úritiaíoi; daidiaíoi:

Fatá Juzíñamuimo fecaca Cordero comécina iere ñúenamona ñuera ríino maiñoille afémiemo dúide.

Daje izói aillo ráifide ráaniaí dáamiemo dúide.

Iemo ifoci déillafuaí dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

¹³ Afe llezica nana Juzíñamui comuítaganuaí úrilla uaina cacádicue: nana monamo itínuaí, daje izói éniemo itínuaí, daje izói énie anamo itínuaí,

daje izói monáillaimo itínui, naa afénuiaimo itínui úrilla uaina cacádicue. Daidíai:

Nana caimátaille uailai illaíma ráiranomo ráide Moo Juzíñamuimo íredeza, Daje izói jíai Cordéromo íredeza.

Afe izói ñúefue afe íaillinoimo nitáredeza, naa ñuera ébifue diga,

Iemo ñuera ríino íaillinoimo íredeza.

Nana aféfuai íaillinoimo nana fimónaído, jaca ninomo zíñona daí daiírenaza.

¹⁴ Iemo afe cuatro diga cáadimíai aíaírilla izói daidíai:

—¡Daiítadeza! —daiíofirediaí.

Iemo afe veinticuatro dígade éicomini ana dújuillano, jaca ninomo zíñona cáadimíemo caimátaiíofirediaí.

6

Siete dígade sello daina rabénico íbaira rafue

¹ Cordero afe siete dígade séllomona nánora tuíñuana ciódicue. Daje llezica cuatro dígade cáadimíaimona dáamie dainana cacádicue. Ie úrilla uai, mona gíria ficirena izói ficirede. Daide:

—Mai eróizaíbi, —daide.

² Cue eroilla llezica úzerede cabállona ciódicue. Afe emódomo ráicaidimie zicuirá llícaide. Iemo illaíma ífo icuífoina íe jítdaíai. Jita mei afémie naga náiraina anáfenocana jaide. Ie mei nágaruillado afémie íaíoi anáfenofiredi.

³ Méifoide séllona Cordero cuata llezica, tórna éroide cáadimie úrillana cacádicue. Afémie:

—Mai eróizaíbi, —daide.

⁴ Afe llezica jáirede caballo jino bíllana ciódicue. Afe emódomo ráicaidimíemo féitalle ríino afémíemo iga. Afémie nana nairai caimare uái illa féitaité, comini conímana fazítallena. Afe llezica áillue lloébicina afémíemo iga.

⁵ Iemo Cordero nane jíaíe tercer daina sello cuata llezica, jíaíe cáadimie úrillana cacádicue. Afémie:

—Mai eróizaíbi, —daide.

Jira eróidicue. Eróidicueemo daa jíírede cabállona ciódicue. Afe emódomo ráicaidimie mérenana onóillena facara raa llícaide. ⁶ Iemo cáadimíai cígimona dáamie úrilla uai cacádicue. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino diga jaca jeruíredeza, mei afe íballe úcube íñédeza, —daide.

⁷ Afe mei Cordero jíaíe ‘cuarto’ daina sello cuata llezica, cáadimíaimona íraimie úrillana cacádicue. Afémie:

—Mai, eróizaíbi, —daide.

⁸ Eróidicueemo borárede cabállona ciódicue. Afe emódomo ráicaidimie títdíredimie dainámie. Afémie óodana tíidino illano jana maméidimie bite. Enie cuatro diga fecácamona dáanie íemo iga, afénomo ríire ocuillena. Afénomo comínina fuirillado íaíoi tícoizitaite. Iemo daje izói júbiedo íaíoi tícoizitaite. Iemo dúcuaido íaíoi tícoizitaite. Iemo éniemo ite illárede ríllenai íaíoi tícoizitaite.

⁹ Afe mei Cordero jíaíe ‘quinto’ daina sello cuata llezica, ‘altar’ daina Juzíñamui caimátaitarano anamo ite, tíaca comini comécaína ciódicue. Afémaci Juzíñamui uai llócailla ícoína títaíai. ¹⁰ Afe bimaci ficire úritiaí; daidíai:

—Iaifuenide cai Ocuídime, uícodo o llógana méidoñoño ñue fuitáfiredio. Eniemo ite cai titádino iere jicánota duere o finóllena, ¿níé dinó nai moziñoitio? Cai fatino iba o ollirui, ¿nigarui nai bai dúiñoitio? —daídíaioi.

¹¹ Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tíilla izói uire titállino, Juzíñamui mámanomo nai dúciñede. Afe titállino, nauí íaioi titaca ámatiai izói, Cristo uaimo tájifirediaioi.

¹² Cordero nane jíáie ‘sexto’ daina sello cuata llezica, eróidicue, énie iere jacire docaide. Iemo jitoma zúunaillana, jítaca jítiroi izói éroide. Afe llezica fui náauina jáirede die izói méidoficaide. ¹³ Afe dáaruido mona ero ucúduai cocídiaioi. Ua, higuera daina amena llizilla, jairifo riire begüñuamona cócia izói, afe izói ucúduai ana bíñiemo cocídiaioi. ¹⁴ Afe llezica, rabe jofo ferírioicailla izói, mona ferírioicaide. Iemona cióbicañena. Iemo dáaruido nana caifóneduai naa monáillai cigi íduai íaioi illánomona oni jírecaide. ¹⁵ Iemona nairai illaini caifóneduai anamo ite ífuaimo, naa jéerie nofíciiai cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuiríraini illáicomini, íemo iere ríredinuiái, íemo nana jacire rairuícano, daje izói buna ráiruiñegano, nana afénomo retáiritiaioi. ¹⁶ Afémaci caifóneduaina jéerie nofíciaina daiífirediaioi:

—¡Mai caimo bai! Mai caina jiita, baie illaima ráiranomo ráide Juzíñamuimona caina rétaido. Cordero finolle jacire cai duere finóllifuemona caina rétaido, —daiífirediaioi. ¹⁷ Mei jii, iere jacire comini duere finóllirui jae dúcidez. ¿Bu mei áfena moziñoñena?

7

Israel náiraimona náamana onóillena cuezámaciai

¹ Bie méifomo bínie fuédaiaimo cuatro dígade ángeles daina Juzíñamui abi ímíiai, naidáienana ciódicue. Afémaci nágafeniaimona jairifo jáiñuana moziñoitiaioi. Afe éniemo jairífona jáiñoñañediaioi, daje izói monáillaimo jáiñoñañediaioi, íemo jíái aménaiaimo jáiñoñañediaioi. ² Iemo jíáie Juzíñamui abi ímiena mona móimona bíllana ciódicue. Afémie caade Juzíñamui íeie daiíllena sello daina jóonelle raa llícabite. Afémie ficire úrite. Enie fuédaiaimo cuatro díga naidáidimíiaimo úrite. Afémaci bínie fiene íaioi finolle, naa monáillai díga ríinona igámaci. Afémacina bímie daide:

³ —Cai Juzíñamui ocuífíreganomo, íaioi ozócimo náamana onóillena mámecei nai jóoneña llezica, nai bíniena duere finóñoño iri. Daje izói monáillai naa aménaiai raire duere finóñoño iri.

⁴ Jóonia mei, nígamaci náamana onóillena mámeceina jóonegano íaioi número na cacádicue. Nana Israel náiraimo itíziaimona afe cuezgano ciento cuarenta y cuatro mil dígade.

⁵ Judá izíemona doce mil díga cúefide.

Iemo Rubén izíemona doce mil díga cúefide.

Iemo Gad izíemona doce mil díga cúefide.

⁶ Iemo Aser izíemona doce mil díga cúefide.

Iemo Neftalí izíemona doce mil díga cúefide.

Iemo Manasés izíemona doce mil díga cúefide.

⁷ Iemo Simeón izíemona doce mil díga cúefide.

Iemo Leví izíemona doce mil díga cúefide.

Iemo Isacar izíemona doce mil díga cúefide.

8 Iemo Zabulón izíemona doce mil diga cúefide.
Iemo José izíemona doce mil diga cúefide.
Iemo Benjamín izíemona doce mil diga cúefide.

Aillo dáanomo úzecuiruai jitada gairídino

9 Afe méifomo eróillano jamánomo aillo comínina ciódicue. Nana náiraiamona dáanomo bitíai. Daje izói nágaziemona bitíai. Iemo daje izói jáifo úritinuiamona bitíai. Iemo daje izói naga jófuiamona bitíai. Nana bimaci illaíma ráirano uícomo naidáidiai. Daje izói Cordero uícomo naidáidiai. Afénomo aillo itíaiiza buna facádonide. Nana afémaci úzecuiruai jitáoidiai. Daje llezica afémaci rafóruai llíediai. 10 Nana fícirerie daidiai: Cai jíllonano, illaíma ráiranomo ráide cai Juzíñamuimona comuide. Daje izói cai jíllonano Cordéromona comuide, daidiai.

11 Afe llezica nana Juzíñamui abi imáciai, illaíma ráirano onido ífoina naidáediai. Daje izói veinticuatro dígade éicomini onido ífoina naidáediai. Iemo jái cuatro diga cáadimiai onido ífoina naidáidiai. Afémaci afe ráiranomo ráidimie anamo éniemo fueco diné bíjicaidiai. Bíjicaillano Juzíñamuimo camátaidiai. 12 Daidiai:

¡Bie izóideza! Ñúefui nitalle cai Juzíñamuimo dúide, ñue ebíredifui diga.

Daje izói nana ñue onóigafue íemo dúide, naa figora daífírena diga.

Daje izói aféniemo nitárede ñúefue dáamiemo dúide, naa áillue máiríe diga.

Nana bífui cai Juzíñamuina jaca ninomo zíñona daí daírenaza.

Aquíe izóideza, —daidiai.

13 Afe mei afe eicomínimona dáamie cuemo jicánote:

—¿Baie buoi úzecuiruai jitáoina? ¿Afémaci mei ninena bitíai? —daide.

14 Jira íena daidicue:

—Afena onóñedicue. O ñue onódio, —daidicue.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íai íllena ja Cordero díedo muiñócaza. Afémaci iere úzecuiro inícuiro illa izói itíai. 15 Ie jira Juzíñamui ráirano uícomo itíai. Afe llezica nágaruillai, mona naio diga, Juzíñamui gairíraco ero ie ocuállana finófrediai. Iemo afe ráiranomo ráide Moo Juzíñamui, íai diga íllado jácifuemona íaoina ráiruite.

16 Afémaci jaca júbiemona duere finóbiñeítiai. Daje izói jiróacanari duere zéfuiñeítiai. Iemo jitoma íaoina jái úzitañeite. Daje izói uzírediruimo mona uzírena íaioimo uzire cácañeite. 17 Mei illaíma ráirano abímo ite Cordero, ovejai uíñua izói íaoina uíñoiteza. Afe llezica ñuera jainoi jino toránuaio íaoina ífóicaite. Afe jainoi zíñona cáatatíi. Iemo afémaci éeadi Juzíñamui íai ui jeme nana oni dóite.

8

Iraie sello cúatajana cioide, oro finoína uguci uillítara diga

1 Iemo Cordero llíiga rabénicomo ite íraie sello daina íbaíoi de raa cuata llezica, daa hora átuedo mona tí daíñocaide. 2 Afe mei siete dígade Juzíñamui abi imaci Juzíñamui uícomo naidáienana ciódicue. Afémaci siete diga vudugoi izoide raana igáiai. 3 Afe mei jáie ángel daínámie Juzíñamui abi ímie oro finoína uguci uillítara llícabillana ciódicue. Afémie altar daina Juzíñamui camátairano uícomo naidaide. Iemo aillo ugúciai aféniemo fecácaza, áfena Juzíñamuimo uillítallena. Mei nana Juzíñamuimo jaináidino

afémiemo íaioi jicáfírena uaillai llua llezica, bímie dáanomo afe ugúciai Juzíñamuimo uillítaiteza.

Afe Juzíñamui ráirano uícomo ite oro finoina ie caimátairanomo, bímie afe ugúciai jutade; íemo afe llezica afe Juzíñamuimo jaináidino jicáfírena uaillai llócaigaza. ⁴ Afe uguci uillie, Juzíñamui abi ímie áfena altarmo juta mei, Juzíñamui uícomo caifo uillíoicaide, nana Juzíñamuimo jaináidino jicáfírena uaillai diga. ⁵ Afe mei Juzíñamui abi ímie uguci uillítara raa llínote. Llínuano altármona oga caade iráiciaina áfena orúitate. Daí finuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

Siete dígade vudúgoína eroide raa

⁶ Iemo afe siete dígade vudúgoína eroide llíide Juzíñamui abi imáciai afe vudugoi fúunollena maméritiaioi.

⁷ Nanóidímie fúunua llezica, jéerie nocíjiaí éniemo cocítate. Afe dáaruido réici diga die taméricaide éniemo cocítate. Afe cóciamona éniemona jarífenie boode. Daje izói nana aménaiamona jarífenaiaí boode. Daje izói nana caade ráitiaimona jarífene boode.

⁸ Afe meifo Juzíñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide.

⁹ Afemona nana afénomo ite caade chámuniaimona jarífeniaí aillo tícoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

¹⁰ Iemo jíaie Juzíñamui abi ímie ie vudugoi fúunua llezica, áillue ucudu monámona éniemo baíide. Afe ucudu bobaie izói boode. Afe bóodicudu nana imánillaimona jarífemanimo baíide. Daje izói éniemona jainoi jino toránuiaimo baílla. ¹¹ Afe ucudu mámece Eríredicudu. Iemona nana imánillaimona jarífemanillaí eríriede. Iemona afe jainoi eríre jáillamona aillo comini tíidiaioi.

¹² Ie mei nane jíaie Juzíñamui abi ímie ie vudugoi fúunua llezica, jítómamona jarífetomado jítirecaide. Daje izói fiuímona jarífeuido jítirecaide. Iemo jíai ucúduaimona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáíñoñediaioi.

¹³ Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficíre úrioicaide. Daide:

—Aii. Eniemo ite comini nái dúerena; mei Juzíñamui abi imáximona daámansi nai fiébide vudugoi fúunollena. Afémaci fúunua llezica énie imaci, ¡Nái duere zéfuitiaioi! —daide.

9

¹ Iemo nane jíaie Juzíñamui abi ímie ie vudugoi fúunua llezica, daa ucudu monámona éniemo baiillana ciódicue. Iemo fiénide joríaí íbáirafo zuitara llave afe ucúduimo iga. ² Afemona afécudu aféfona tuiñode. Tuiñuamona aféfomona jacafai bóua uillia izói caifo uillide. Aféfomona caifo uillide uillie jítómana dúitate. Afe llezica mona erona jítire finode. ³ Afe uilliemona bíniedo feede fiuai comuide. Afémaci, éniemo ite acáiduai izói molléroirediaioi. ⁴ Afémaci ráitie güllena rairuicaiaioi. Daje izói nana amena rábiaina guitatañegaiaioi, naa jíaie mócore zicode ráaniaí diga. Daa comini duere finóllena orécaiaioi. Mei íadi daní Juzíñamui ie daítate mámece ozócimo cúeñeganona, afe fiuai duere fínoitiaioi. ⁵ Mei íadi afe fiuai comínina títatañegaiaioi. Mei jíáfodo afémaci cinco diga fiui comínina izi cácataitiaioi. Afe fiuai mailla, acaido come mailla

izói izíreite. ⁶ Iemona aféruillaído comini, “Raire cue túlli” dáitíaiói, mei íadi tíñeitiaíói. Iere tíacaitíaiói íadi, tíáfírede raa afémacimona oni jica jáite.

⁷ Afe fíuai jóbairizaillena mamérilla cabállona eróidiaíói. Iaiói ifócimo oro finoina illaíma ifo icuífoina éroide jíina. Iemo íaiói uieco come uiecona éroide. ⁸ Iaiói ifótti ringo ifóttina éroide. Iaiói ízie ‘león’ daina jánallari íziena éroide. ⁹ Iemo llojécuiroi izoide abi ríidote icogi íaiói jogóbemo jíide. Iaiói féeoína jamánomo ficírede. Uafue, jóbairizailla caballo zonóicaiga ‘cárronia’ ficírena izói ficírede. ¹⁰ Iemo afémacimo ite ooda acaído ooda izói molléroírede. Afe óodamo cinco díga fiui comini duere finolle riino ite. ¹¹ Afe fíuai illaíma ite. Afémie fiénide jóríai íbáirafo úiñotímie. Afémie mámecei hebreo uaido Abadón; íemo griego uaido Apolión. Afeci daííacade “Niné táinocaitaitímie.”

¹² Nanoide jacire izi cacánafue jae záaide. Mei íadi nai mena fiévide.

¹³ Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoina altar daina afémiemo caimátairanomona úrilla uaina cacádícue. Afe uai afe caimátairanomo ite cuatro dígade caífo fáíide zicai cígimona cácaíde. ¹⁴ Afe uai jae vudugoi fúunote Juzíñamui abi ímiena daíde: —Afe cuatro dígade Eufrates imani abímo cuinaca ángeles izóidino mai zuitari, —daíde.

¹⁵ Jira zuitácaiaíói, nana comini jarífenairaido tíállena. Mei aféruimo dúcinamona baí óllena eneno mamécaiaíói. Daje izói biruimo dúcinamona mamécaiaíói. Daje izói bie fiui íena mamécaiaíói. Iemo daje izói bie fimona íena mamécaiaíói. ¹⁶ Afe cuatro díga ángeles ocuállino aillo ite. Nana afémaci cabálloniai emódomo ráiíediaíói. Iemo afémaci dígadíaíói daínana cacádícue. Afémaci doscientos millones dígadíaíói.

¹⁷ Bie izói éroide cabálluai nícaído ciona izói cíódícue. Afe cabálluai emódomo ráiídino jogóbiaímo llojeco jítaíodiaíói. Afe llojécuiromo jíaire, mócore, borare cuega. Iaiói cabálluai ifo ‘león’ daina jánallari ifona éroide. Afémaci fuémona irai izói jino bite, íemo uíllie bite, íemo daje fuémona nairai iere uzire cónaitalle raa jino bite. ¹⁸ Afe cabálluai fuémona bite daámani jacire táinocaitate ráamona aillo nairai fuite. Uafue, nana comínimona jarífenairai tíidiaíói. ¹⁹ Daje izói afe cabálluai óodamo jacire títaite riino ite, mei afe ooda jaiona eróideza; ifóredeza. Afedo comínina ainízicana uite.

²⁰ Mei íadi tíidínomona fiébidino, baie daámani jacíredemona tííñedino, íaiói finófireiga fiénidífuai féitaacañediaíói. Daje izói fiénide jóríaimo caimátaitajana fáicanocaiñediaíói, naa jíáíforie finoca jánaraíaina. Dáarie afe jánaraíai oro finoina, jíáie plata finoina, jíáie bronce finoina; íemo jíáie nofici finoina, íemo jíáie amena finoina. Nana bie jánaraíai jaca cíóñede; daje izói minícana cacáñede, íemo daje izói macáñede. ²¹ Afe fiébidino jíáímaci méiniana fáicanocaiñediaíói. Daje izói jíáíma fue gáiana fáicanocaiñediaíói. Daje izói íaiói jírúírenana féitañediaíói. Daje izói íaiói merírifirenana féitañediaíói.

10

Daa ángel daínámie Juzíñamui abi ímie duera rabénico líide

¹ Afe méifodo riírede Juzíñamui abi ímie monámona ana bíllana cíódícue. Afémie uíllie cígido bite; íemo afémie ifomo rózigüeo izoide jíina. Ie uieco jíitoma egáíñua izói quenírede. Iemo ie ídai boode jíaíllirai izói éroide. ² Afémie daa duera rabénico tuiñoda líide. Ie ídai nabezi monáillaimo bídade, íemo ie jarífezi éniemo bídade. ³ Iemo jánallari ficíre írilla izói ficíre úrite. Afémie úrilla mei, mona siete dígacaiño giride; ie gíría come úrilla izói cácaíde. ⁴ Afe siete

dígacaiño mona gíría llícailla mei, íaiói daina uailai cúeiacadicue. Mei íadi cúeiacadicuemo monámona daa uai cuemo úrillana cacádicue; daide:

—Afe siete dígacaiño mona gíría uailai rabemo cueñeno iri; báinino comécimo o jóoneri, —daide.

⁵ Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáaide. ⁶ Afe llezica zíñona ite Juzíñamui mámecei llínvano riire úrite. Afe dáaruido énie comútatímie mámecei, daje izói monáillai comútatímie mámecei, íemo nana afénomo ite cáadinuiai comútatímie mámecei llínnota riire daide:

—Benómona jaca ja móziñoñelleza. ⁷ Jabe siete dígademona íraimie Juzíñamui abi ímie ie vudugoi fúunolliruimo dúcille llezica, Juzíñamui jaca ia comécido báinino mamécáfue, ñue ícoimo zaité. Daí Juzíñamui ie uai jino llórainimo jaiái uícodo llote. Afémaci dani ie ocuífirégano, —aquíe izói daide.

⁸ Naui monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llínvai, —daide.

⁹ Jira afe Juzíñamui abi ímiemo afe duera rabénico jícajidícue. Jicádicuemo afémie cuena daide:

—Llínnota mai güi. Afe duera rabénico o fuemo cíiji naimérena izói cácaite, mei íadi o jébemo erire cácaite, —daide.

¹⁰ Mei jira Juzíñamui abi ímie ónoimona afe duera rabénico llínnota güitícue. Güitícuemo cue fuemo cíiji izói naimere cácaide. Mei íadi afe ja cue güilla méifodo cue jébemo erire cácaide. ¹¹ Afe mei cuena daidíaiói:

—Juzíñamui daina aillo comini jófuiaimo cómutifuiái, meine dáanomo llóredioza. Daje izói aillo náiraiaina Juzíñamui dánana llóredioza. Iemo daje izói jíáiforie úritinona Juzíñamui dánana llóredioza. Iemo jíái aillo illánina Juzíñamui dánana llóredioza, —aquíe izói daidíaiói.

11

Uai nabáifrede íaillinoi

¹ Afe mei árrera rázina cuemo itíaiói. Afezi jofo facáradozina eroide. Afezi cuemo fécano cuena daidíaiói:

—Mai náidacaillano dama Juzíñamui gairíracó nie dinóride fácaji. Daje izói Juzíñamuimo caimátairano o fácaji nie dinóride. Afe llezica afénomo nieze afémiemo caimátaidímacina ite mai fácado. ² Mei íadi afeco jinófebiri facáñeno o iri; mei afeno jícanemacimo dúideza. Afémaci Jerusalén daina íaifuenide jófuena cuarenta y dos díga fiuido fiéni anáfenoitiaíoi. ³ Iemo cue dibénedo úrillena uai nabáifrede íaillinoína óreitícue; come zuure ia jítaca jítcuiro, jítaitiaillinoi. Afe íaillinoi mil doscientos sesenta dígaruillai cuédo úritiaillinoi. (Afe mil doscientos sesenta dígarui, cuarenta y dos díga fiui.)

⁴ Bie cue uai nabáifrede íaillinoi ménade olivo amena izóidiaillinoi. Daje izói afe íaillinoi bínie comútate Juzíñamui uícomo jóonega mena boode áillue lámpara izóidiaillinoi. ⁵ Dáamie íaillinoína fiéni finóacaniadi, afe íaillinoi fuémona irai orédiaillinoi, afe íaillinoi fáiacadinona náamiena cuarítallena. Nana íaillinoína fiéni finóacadinona daí titaiteza. ⁶ Bie cue uai nabáifrede íaillinoimo monámona noci bítañede ríino ite. Afe íaillinoi Juzíñamui dibénedo úricaille dinó, nocina bítañeitiaillinoi. Daje izói jainoi díena ória ríino íaillinoimo ite. Iemo jíái comini duere fínoite nana jacírede duico comútaja ríino afe íaillinoimo ite. Afe íaillinoi comeci óiacana dinori comínina duere finórediaillinoi. ⁷ Mei íadi afe íaillinoi tájina fuilla mei, iere jacire éroide caade

rille afe fiénide jóríai íbáirafomona jino bite. Jino billano afe íaillinoi díga fúirite. Fuiríllano íaillinoina anáfenoite. Anáfenua mei íaillinoina títaite. ⁸ Íaillinoi tílle mei, cai Ocuíraima coráinanomo, níi afe Jerusalemo, afe áillue jofue cigi iomo, íaillinoi tíide abi fiénocaigaiaillinoi. Afe jofue mámecei, fiene íllana onótate uaido Sodoma daina. Daje izói jíái Egípto daina. ⁹ Iemo daruíamani átuedo díga jófuiaí nairai afe íaillinoi abi tíillamo acáritiaioi. Iemo íaillinoi abina raitátañeitiaioi. Daje izói dígazie íaillinoi abi bíinamo acáritiaioi, naa jíáfodo úritinuiaíri. ¹⁰ Bíniemo ite comíni afe íaillinoi tíllari iere íóbidiaioi. Daje izói caimare íitiaioi. Afe caimare íaioi íllamona conímamo ráaniaina raiñóñeno fécaitiaioi. Mei afe íaillinoi Juzíñamui dibénedo úricailla llezica, bimácina iere duere zefuítatiaillinoiza. ¹¹ Mei íadi daruíamani átuedo jailla méifomo Juzíñamui afe íaillinoina meine abido cáatate. Iemo meine abido íaillinoina macátate. Iemona íaillinoimo acáritino jamánomo jacínaitiaioi. ¹² Afe mei afe uai nabáífirede íaillinoi monámona ficírede uaina cacade. Aféuai íaillinoina daide:

—Caifo bené bi, —daide.

Jira íaillinoina éoidino éroidemo, caifo mona uílliedo monamo jáidiaillinoi. ¹³ Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comíni tícoizitiaioi. Afemona fiébidino iere jacínaitiaioi. Jacínaillano monamo ite Juzíñamuina caimátadiaioi.

¹⁴ Méifoide iere jácifue ja záide, mei íadi íiraie bille ja raírede.

Siete dígade vudugoi fúunotinomona ja íiraimie fúunote

¹⁵ Siete dígade ángeles dainámacei Juzíñamui abi ímíiaimona íiraimie ie vudugoi fúunote. Fúunua llezica, monámona díga ficíre úrilla uailai cácailla; daidíaioi:

—Nana bínie illaini illáimaillano naa íaioi ocuícánuaíri ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuífireite, —daidíaioi.

¹⁶ Iemona Juzíñamui uícomo ráide veinticuatro dígade éicomíni íaioi illaíma ráiranomona ana bíjicaidiaioi. Uáfueza, afe úrilla llezica éniemo fueco díne bíjicaillano, Juzíñamuina caimátaitadiaioi. ¹⁷ Iena daidíaioi:

Ona figora daidicai.

Jamánomo ocuide Juzíñamuidioza.

Birui íitimiedioza, íemo jaii nanómona íitimiedioza, íemo jíái jaca ninomo zíñona íitimiedioza.

Figora ona daidicai, mei o áillue ríino maiñódioza.

Máíñuano ja nane como ocuízaidioza.

¹⁸ Náirai íicírinaizitiaioi, mei íadi íaioi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibénedo úrite o ocuífíreganomo íaioiena o mameca ñúefuiaína íaioimo fécaítio.

Daje izói o uaina ñue ínofírede ñue finócanomo íaioimo dúide ñúefuiaína fécaítio;

íemo daje izói o mámeceina jífánodoiñeno ñue llínotinomo íitio.

Uáfueza, jamánomoidimiemo,

daje izói jamáimiemo íaioimo dúide raana íaioimo ífíredio.

Daje izói bínie ñúemacina fiénirutadino o táinocaitalliruimo ja dúcizaide.

Aquíe izói afe éicomíni daidíaioi.

¹⁹ Iemona monamo ite Juziñamui gairíraco tújicaide. Afénomo Juziñamui comini diga caimare úrira raa uáfori cíocaide. Afe úrira raa emodo órona ibaica caja. Afe eromo Juziñamui lloga uaillai éenotiaioi. Afe gairíraco tújicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere mairide nocíjiaí cocide.

12

Ringo íemo jacírede zicínaimana eróidimie diga monamo cíocaide

¹ Afe mei monámona jacírede onótate raa cíocaide. Afénomo iníroido ferínua izói, jitómado ferínoga ringo cíoina. Afengo idai anamo fiui cíoina, íemo afengo ifomo doce dígade ucudu illácuifoí, illaíma jitáfiregacuifoí izoide jitáoi. ² Afe ringo úrue jocóacade izínailla. Afe iere izírenari caillícade; mei afengo úrue jéiciacana llezica iere duere zefuídeza. ³ Afe méifodo jíáie jacírede onótate raa monamo cíocaide. Afénomo áillue jáirede jacírede zicínaimana eróidimie cíocailla. Afémie siete diga ifórede. Iemo afémie diez diga zícáirede. Afe ifóciaímo illa dígacimo illaíma jitáracuifoí jíina. Daa ie mámei Taife. ⁴ Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daina zicínaimana éroidimie, afe úrue jocóacade ringo uíecomo jóoneoide, afe ie jocóacaga úrue jócuá llezica raíre ríllena. ⁵ Iemo afe ringo íza jocode. Afémie uire móonaia nana náiraiaína llojébici izóidedo riire ócuífireite. Afe úrue jócuá méifodo Juziñamui bairoca. Bairoda ie illáimana ráiranomo uiga. ⁶ Afe llezica afe ringo táizicimo botade. Afe dinomo afengo retáirillino uícodo Juziñamui finoca. Afénomo mil doscientos sesenta diga mona afengo ecáecaille.

⁷ Afe méifodo áillue fuiríacana caífo mona eromo comuide. Afénomo Juziñamui abi imaci illaíma Miguel naa jíáie Juziñamui abi imáciaíri afe dragón diga fuirídiaioi. Daje izói afe dragón naa ie abi imáciaíri fuirídiaioi, ⁸ mei íadi afémaci Miguel náiraína anáfenonidiaioi. Iemona dragón imaci illino monamo íñede. ⁹ Afe ie illino íñena jira afe riirede dragón monámona ja jino dotaca. Afe jaiaí nínomo ite jaio dainámie jíáifodo mameina Taife, íemo Satanás, íemo dáamie nana náiraína jífuefiredimie. Afémie naa ie abi imácri ana éniemo dotácaiaioi.

¹⁰ Afe méifomo monámona ficírede uaina cacádicue. Afe uai daide:

—Cai Juziñamui bínie comini jíllloillena mámiaruímo ja dúcide. Daje izói íemo ite ríino facálliruímo ja dúcide. Iemo daje izói illáimana ie illíruímo ja dúcide. Daje izói ie jitó Cristo riire ocuálliruímo ja dúcide. Mei cai ámatiaímo fiénidífue nitáfiredimie ja jino dotácaza. Afémie nágaruillai, mona naíio diga cai Juziñamui uíecori afémacimo fiénidífue nitáfiredimie. ¹¹ Cai ámatiaí Cordero díedo fiénidífue anáfenodiaioi. Daje izói íaíoi jino meáiruíñeno lloga Juziñamui uáillaido caifófecaídiaioi, mei jaca tíllana jacíruiñediaioíza; mei jíáifodo jaca tíllemo ñue finóbidiaioíza. ¹² Iemona, mona naa afénomo ite cáadinuiaíri mai omoí íóbiri. Mei íadi éniemo itino níi dúerena, naa monáillaimo itínuiaíri, mei Taife ómoímo ana iere icírrillano jáideza. Afémie nano íanori ie íllena onódeza.

¹³ Afe dragón ana éniemo ie dótajana onóillano, nauí íza jocódingo racade. ¹⁴ Mei íadi afe ringo mena áillue máajaiño íaícona iga, áfedo afe jaio dainámie dragómona jica táizicimo afengo féellena. Afénomo daámani fimona átuedo afengo ecáecaiga. ¹⁵ Iemo jaio dainámie áillue jainoi ie fuémona orede, imánina comuíllena, mei afe imánido afe ringo coróbaitallena. ¹⁶ Mei íadi énie ringona

ríidote, mei afe dáaruido énie bóccaillano, afe dragón fuémona oreca imánina naitateza. ¹⁷⁻¹⁸ Afe bíemona afe dragón ringomo iere ríicaide. Ríicaillano aféngomona fiévide ie erófene igímaiai diga fuirízaide. Afémaci Juzíñamui ocuica uaillai jeire otíai. Daje izói afémaci Jesucristo lloga ua ráfuenta fáicanocaiñeno nágarui jeire ófiredia.oi.

13

Mena áillue jacire eroide rille cíocaide

¹ Monáillai fuédamo cue naidáillano monáillaimona iere jacire eroide rille caifo bíllana cíódicue. Afémie ifo siete dígade, daje izói afémie diez diga zícairede. Afe illa diga zícaimo illaíma jítaracuifoi jíina. Afémie ifóciaimo Juzíñamuina fienni dáina mámecei cúeina. ² Afe cue ciona jacírede rille jánallarina eroide. Ie ídaiai oso ídáina eroína, íemo ie fue león fuena eroide. Bímiemo dragón íemo ite ríino naa ie illáimaillano diga afémiemo fecade. Afe llezica riire ocuífírenafue afémiemo lloga. ³ Afe jacírede rille ifóciaimona daaci titade áillue boáfena eroide illa. Mei íadi afe titáacade áillue boafe raire jacaide. Iemona nana énie náiraiai áferi iere jacínaitia.oi. Jacínailano afémiemo ínotia.oi. ⁴ Afémaci dragón uícomo éniemo fueco diné bíjicaillano íemo caimátaidia.oi, mei dragón riire ocuille ríino afe jacírede rillemo ígaza. Iemo daje llezica jacírede rillemo caimátaidia.oi. Caimátaillano daidía.oi:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! —daidía.oi.

⁵ Afe llezica afe jacírede rille afémie úrilla bu llétañega. Iemona Juzíñamuina íaire dáina uaina llote, naa fienni abi ínuafuiai. Afe izói cuarenta y dos diga fiui, daí ie ocuilla buna ráiruiñega. ⁶ Iemona afémie bie izói fínode; Juzíñamuina uáitano, ie mámeceina íaire daíioide. Daje izói Juzíñamuimo úriranona íaire daíioide. Iemo monamo itínuiaina daje izói íaire daíioide. ⁷ Iemo jíai daje izói Juzíñamuimo jaináidino diga ie fuirilla buna ráiruiñega. Daje izói afémaci ie anáfenolle buna ráiruiñega. Iemo nágazie ocuille ríino afémiemo fecaca. Daje izói nana comíni jófuiái ócuífíreite, íemo daje izói nana jíáifodo úritínuiai ócuífíreite, íemo daje izói nana náiraiaína ócuite. ⁸ Nana bíniemo itino afe jacírede rillemo caimátaidia.oi. Afémaci mámeceiai zíiñona ítino rabénicomo cúeñega. Ua énie taineina llezica baimaci mámeceiai afénicomo cúeñega, mei afémaci íinoñena jira. Afénico nauí titaca Cordero ie.

⁹ Bífuemo cacáacadimie mai bíemo cácarei. ¹⁰ Jíáimacina maitá uitino méifodo nane maitá uille. Iemo jíai lloéfaido jíáimacina titádino méifodo afémie daje izói lloéfaido titalle. Mei jira Juzíñamuimo jaináidino coméceina járidonidia.oi; daje izói jíai ñue ínoredia.oi.

¹¹ Afe méifodo jíaiie jacire eroide rille éniemona caifo bíllana cíódicue. Afémiemo mena zicai ite; cordero zícaina eroide. Mei íadi afémie dragón úrilla izói úrite. ¹² Nauí monáillaimona bite nanoide jacire éroide rillemo ite riire ocuille ríino, daje izói bie méifoidimie ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuiái, nanoide jacírede rillemo caimátaillena ocuide. Afe nanóidimie ifomo ite áillue boafe raire jacáidimie. ¹³ Iemo afe méifoidimie daje izói iere jácimie daítate raana cíotate. Mei uafue, afémie nana comíni eróicana monámona iraicí ana éniemo cocítate. ¹⁴ Iemo afe nanoide jacírede rille uícomo buna

ráiruñega ie finócaigado nana biniemo itinuiaina jífuate. Afémacina jífuiano afe aillo bofédaite jacírede rillena eroide jánaraina afémacina finótate. Afe bofédaite jacírede rille lloéfaido aillo bofeca, mei íadi nai caade. ¹⁵ Iemo afe méifoide jacírede rillemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate. ¹⁶ Nana afe baimo, nana náiraiaina bie izói itátate; nana jabóidimaci naa jamánomoidimiai diga, nana ráaredino naa dúeredino diga, nana ráiruñegano naa rairuícano diga, íaiói onoi nabézimo daa onótate número jóonetade. Afe onótate número nabézimo jóoneñenia íaiói ozócimo jóonerede. ¹⁷ Naga afe onótate númerona cúeñegamie jaca ibárinide, daje izói raana fecánide. Afe número nanoide jacírede rille ie. Afe número afémiemo dúide mámece daíacade. ¹⁸ Bifue onóillena iere báitajamo dúide. Afena onódimie, mai afe jacire eroide rille número faca. Afémie número ima ie. Afe número seiscientos sesenta y seis.

14

144,000 dígadino roga rua

¹ Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámece naa ie Moo mámece diga cúeina. ² Iemo monámona ficírede raana cacádicue, Afe ficirena aillo imánillai nofíco tua ficirena izoide. Jáí riire mona giria ficirena izoide. Iemo jáí aillo arpa daína, rua roia taiga ráaniai ficirena izoide. ³ Afe llezica illaíma ráirano uícomo afémaci comue rua rotíaiói. Daje izói cuatro diga cáadimiai, íemo éicomini uícomo rotíaiói. Afe rúana jaca buna ónide. Dani afe ciento cuarenta y cuatro mil diga éniemona jíllode comini afe rúana onona. ⁴ Afe bimaci ringomo jíriñedino, mei afémaci jaca íaifuenidino; dani íaiói abi rairuídíaiói. Daje izói afémaci Cordéromo jaináitagamaci. Afémaci cominimona jíllotagamaci, Juzíñamuimo nanóidino ie dúidimacina íaiói illena. Daje izói Cordéromo nanoide dúidino itíaiói. ⁵ Afémaci jaca táinona úriñediaói, mei afémaci Juzíñamui illáimana ráirano uícori íaifuenino itínoza.

Daámani ángeles daínamaci Juzíñamui abi ímie íllócaiga uai

⁶ Afe mei jáíie Juzíñamui abi ímie mona dáafenedo féiana ciódicue. Afémiemo zíiñona jíllolluui illa, biniemo itinomo llóllena. Nana énie náiraiaimo llórede, íemo nana jáíziemo. Daje izói nana jáífodo úritinomo llórede, íemo daje izói nana comini jófuiado. ⁷ Afémie ficírede uaido daide:

—Juzíñamuina ñue omoi jacíruiri; ñúfuiaina afémiemo omoi nitari, mei afémie iere riire jicánolliruimo ja dúcideza. Mai mona finódimie, daje izói énie finódimie, íemo monáillai finódimie, íemo éniemona jainoi jino torano finódimie; afémiemo omoi caimátáifireiri, —daide.

⁸ Iemo nane jáíie Juzíñamui abi ímie méifodo cíocaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruífuiái izoide íaifuiái omoi finofirenado, nana nairai jífáidino izói itátatiomoiza, —daide.

⁹ Afe méifodo íirai Juzíñamui abi ímie ficire daíioicaide:

—Dámie jacírede rillemo caimátaiadi, íemo jáí afe jánaraimo caimátaiadi, íemo daje izói afe rille mámece ozócimo ninena ónoimo cuetátaiadi, ¹⁰ afe izóidino Juzíñamui lloga jamánomo duere finóllinomo orélliaói. Mei afe

izóidinomo afémie iere ríicaide; ríicaillano afémie duere íaioi finolle, féiñellena ríire íaioimo mamécaza. Iemo Juzíñamui abi imaci uícomo, daje izói Cordero uícomo, iraido íaioina iere izi cácatalliaioi. Iemo daje izói nairai iere uzire cóonaitalle raado afe izóidinona iere izi cácatalliaioi. ¹¹ Duere íaioi zefuítate irai uíllie jaca ninomo llíicaiñeno caifo uíllioide. Afe jacírede ríllemono caimátaitino mona naio diga afe duere finóinamona jaca ócozinaiñeitiaioi. Afémaci naa afe ríllena eroide jánaraimo caimátaidinori, íemo jíái ie mámecina onótate número otino diga nana jaca ócozinaiñeitiaioi. ¹² Mei jira Juzíñamuimo jainaide ie ocuica uaimo jíeruitino, naa Jesudo fáicanocaiñede jáidino diga, comécina járidonidiaioi.

¹³ Nane afe méifomo monámona daa uai cuemo úrillana cacádícue; daide:

—Bie cúeiri: “Benómona cai Ocuíraimamo ínote títino caimare íitiaioi.” Afena Juzíñamui Ñuera Joreño “Jii” dáideza, mei afémaci íaioi táijinamona ocózinaitiaioiza. Daje izói íaioi finócano, jíáima diga nabáirilla izói féitañegaza, —daí daide.

Ria llizilla óina izói, énie comini jofo ollíruimo dúcide, Juzíñamui duere íaioi finóllena

¹⁴ Afe mei eróillano úzerede mona ero uílliena ciódícue. Afe uíllie emódomo Nanoide fima Jitona Jesuna éroidímie ráiina. Ie ífomo oro finoína illaíma jítaracuifoí jíina. Daje izói hozna mámecirede arroz izoide llízíe ñetara llíide. (Afe raa jofo icuífoína néfide jáirede lloefai izoide.) ¹⁵ Iemo nane jíáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidímiena daide:

—O llíiga llízíe ñetara raado táijiri. Ja jeede diga mai jofo ono. Ja jofo ollíruimo dúcideza. Enie comini finócafuiai ja jeede ríaniai izói fiénidífuenta iere oruídeza, —daide.

¹⁶ Afe mei uíllie emódomo ráiidímie ie llíiga llízíe ñetara raado énie comínimo táijizaide. Afedo fiénidífuenta oruídino jofo ote.

¹⁷ Afe mei jíáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízíe ñetara raa llíicabite. ¹⁸ Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitalle ríinona ite. Iemo afémie, jáirede ñetara raa llíidímiena ficire jíirillano daide:

—Mai omo ite jáirede ñetara raado táijiri; éniemo ite jíricoillai ollíruimo ja dúcideza. (Afe jíricoillai fiénide comini jana.) Mai jofo ono, mei afe jíricoillai ja iere jíduídeza, —daide.

¹⁹ Iemo afe jíáie Juzíñamui abi ímie, ie jáirede ñetara raado énie comínimo táijizaide. Afedo éniemo ite jeede jíricoillai izoide fiénidino jofo ote. Uano áillue iduíriraco izóidinomo jofo díte, afénomo ríire iduíllena. Bie iduílla Juzíñamui bie izói duere afémacina finolle jana. ²⁰ Afe jíricoillai izoide fiénidino áillue comini jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa díinori afórede. Daje izói áfeji trescientos kilómetros díno tote.

15

Íraie siete dígade jacírede duere finóllífuaia Juzíñamui abi imaci mameca

¹ Iemo monámona jíáie jacínaitade áillue raa jánana ciódícue. Siete dígade Juzíñamui abi imaci íraie siete dígade jacírede duere finóllífuaia lluíbitiaioi. Afedo Juzíñamui ríicaillana záate.

² Daje izói, vídriona finóinana eroide monáillajina ciódicue. Afeji réici diga taméricaide; daíi eroide. Jacírede ríllena anáfenodino afe fuédamo naidáiediaioi; daje izói ie jánaraina anáfenodino; íemo jái afe ie número mámecina ozócimo cúeñegano diga. Nana dáanomo afe vídriona eroide monáillai fuédamo naidáiediaioi. Nana bimaci Juzíñamui íaioimo fecaca ‘arpa’ daína rua roia taiga raa líiediaioi. ³ Afémaci Juzíñamui jaiái ocuífregamie Moisés rua rotíaioi. Daje izói jái Cordero rua rotíaioi. Aférúa bie izói daide: Ocuíraima, nana o finócanuai iere ebíriede.

Jamánomo ríinorede Juzíñamuidio.

Náiraiái Illaíma, nana o jáifirena io uáfueña jaícina jóide.

⁴ Ocuíraima, ona ñue jáciruíneitimiena íñede.

Daje izói omo ñúefueña jóoneñeitimiena íñede.

Mei dama o íaifuenidimienaza.

Naga náiraiái omo caimátaizaibitiaioi, mei o jaícina finóifregafuíaína ciódiaioiza.

Aquíe izói rotíaioi.

⁵ Bie méifodo, monamo ite Juzíñamui gairíraco tújicaillana ciódicue. Afeco nofíbicimo cuega Juzíñamui ocuica uailai éenorano. ⁶ Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jítáoidiaioi. Iaiói llaitáoiga oro finoina ciraigi ife jogóbemo dúcide. ⁷ Ie mei cuatro dígade cáadimíaimona dáamie afe siete dígade Juzíñamui abi imácimona illa dígamie oro finoina ichecoí fecade. Aféhecoí jaca ninomo ziiñona ite Juzíñamui ocuica duere finóllifueña oruide. ⁸ Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izói ie iere ríinorenaymona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záíñena llezica buna jofo afécomo jáinide.

16

Juzíñamui duere finóllifueña oruide ichécuaí

¹ Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuiimona bite siete dígade duere finuana oruídichecuaí ana éniemo tótaji, —daide.

² Nanoide Juzíñamui abi ímie jaillano, afémiemo ite ichecoí ana éniemo totade. Afemona nana jacírede rille mámecina ciegánomo jacírede duico comuide. Afémacimo izírede jíllotañede ñozagi izoide duico comuide, daje izói afe rille jánaraimo caimátaifiredinomo.

³ Iemo méifoide Juzíñamui abi ímie afémiemo itíchechoí monáillaimo totade. Tótamona afe monáillai jainoi tídimie die izói jaide. Iemona nana monáillaimo ite cáadinuai tícoizite.

⁴ Iemo nane jáie Juzíñamui abi ímie afémiemo itíchechoí imánillaimo, daje izói éniemona jainoi jino toránuaímo totade. Iemona afeno jáinoillai díena jaide. ⁵ Afe mei jainoi fiéni finótate Juzíñamui abi ímie dánana cacádicue; daide:

—Ocuíraima, íaifuenide Juzíñamuidio. Bie izói comini duere o finóllena iere comécina jaícina jóidimiedio. ⁶ Mei omo jaináidinona tíitano íaioí díena nauí

totádiaioiza. Daje izói o dibénedo úritino díena totádiaioiza. Iemo birui afe ibana o afémacina díena jirótatio, mei daí afémacimo dúideza.

⁷ Afe mei nane Juzíñamuimo caimátairanomona dámie dánana cacádicue; daide:

—Jii, uáfueza, cai Ocuíraima, o jamánomo riirede Juzíñamuidio. Uáfueña ñue jaícina iere riire jicánotio, —daide.

⁸ Ie mei nane jiáie Juzíñamui abi ímie afémiemo itíhecoi jitómamo totade. Afemona afe jitoma comini cónaitalle riino iga. ⁹ Iemona nana comini jamánomo cónaizitiaioi. Mei íadi íaioi comeci itífuiaina méidoñediaioi. Daje izói Juzíñamuimo caimátaiñediaioi. Mei jiáifodo afe jacirede duere finóllifuiái ocuidimiena faidófrediaioi.

¹⁰ Iemo nane jiáie Juzíñamui abi ímie afémiemo itíhecoi jacire eroide rille illáimana ráiranomo totade. Afe llezica afémie náamataga illano jítirecaide. Iemona nana comini afe uícodo íaioimo comuide duícuai izírenari daní abi ainízitiaioi. ¹¹ Mei daí itíaioi íadi, íaioi finoca fiénidifuiái fáicanocaiñediaioi. Mei jiáifodo, izi íaioi cácana ícoina, daje izói jacire íaioi ñozánaillamona, monamo ite Juzíñamuina íaire daidíaioi.

¹² Iemo nane jiáie Juzíñamui abi ímie afémiemo itíhecoi áillue Eufrates mámecirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioi fuirírainiri jitoma caifo biránomona bitíaioi.

¹³ Afe mei dragón dainámie fuémona, daje izói jacire eroide rille fuémona, daje izói taino uai jino llófredimie fuémona daámanide cúuraícina eroide fiénide joríaí jino bíllana ciódicue. ¹⁴ Afe daámanidino Taife joríaí. Afémaci cíorainina raana cíotafiredino. Bie damieámanidino nana énie illaini naa íaioi fuirírainiri dáanomomo gairítate, jamánomo riinorede Juzíñamui diga fuiríllena. Aferui Juzíñamui aillo iba ollirui.

¹⁵ Aféruido monámona Cristo úrillana cacádicue; daide:

—Ero, cacai. Merízaibitimie billa izói, comini nai cuemo comeciñediaioimo déizaibiticue. Cue bille llezica iníñeno cuemo comeci facáoidimie caimare íite. Daje izói emuíroma mácañeillena iníroina ñue úiñotimie izói, íaifuemona abina ráiruitimie méairuiñeite, —daide.

¹⁶ Iemo afe daámanide fiénide joríaí, nana illáinina dáanomomo gairítate. Afeno mámecei hebreo uaido daína Armagedón.

¹⁷ Iemo siete dígademonas íraie Juzíñamui abi ímie afémiemo itíhecoi caifo táifomo totade. Tota llezica monamo ite gairíracomona ficírede uai cácaide. Afe uai illaíma ráiranomona jino bite; daide:

—Ja fuite, —daide.

¹⁸ Afe méifodo, améuai llairilla. Mona gíría naa ficíriede ráaniaí diga cácaide. Afe llezica énie iere riire docaide. Nanómona biniemo comini ía docáifirena baimo, jamánomo riire docaide. ¹⁹ Iemona afe áillue comini jofue daámani dieze bójicaide. Jiáie biniemo ite jofue jáicoizite. Afe llezica Juzíñamui áillue Babilonia jófueмо úibicaide, duere íaioina finóllena. Afe duere finóllifue comini títaite ríiji jírua izói íite. Afémie ríicaillano daí íaioina fínoite. ²⁰ Afe dáaruido nana monáillaji cigí íduai naa jiáie caifóneduairi niné táinocaide. ²¹ Afe llezica aillo jéerie nocíjiaina monámona cominimo cocide. Aféjiaimona dáarie cuarenta kilos méere. Iemona afénomo ite comini afe áillue nocíjiaí cóciari Juzíñamuina íaire daidíaioi, mei afe bimaci duere fínua iere jamánomoideza.

17

Jamánomo jiruiredingo duere finóinafue

¹ Afe méifomo siete dígachecoí llíide Juziñamui abi imácimona dáamie cuemo úrizabite. Cuená daide:

—Eróizabi. Jamánomo jiruiredo izoide íaifueredingo duere finóinana omo ácatatícue. Afengo monáillajillaimo ite. Afe bie izóí daííacade aillo nairai afengo anamo itíaioi. ² Bíníe illaini afengo díga aillo fiénide íaifuiái finófirediaioi. Iemo bíníe comíni afengo íaifuerenamona jífaíiredino izóí íáire jáidiaioi, —daide.

³ Afe mei Juziñamui Ñuera Joreño nicáirilla izóí cuemo ácataja llezica, daa Juziñamui abi ímie táizicimo cue uite. Afénomo daa ringo jáirede jacire eroide rille emódomo ráinana ciódicue. Afe rillemo díga Juziñamui íáire dáina uallai cúeina. Afe rille siete díga ifócirede, daje izóí afémie zicai diez dígade. ⁴ Afe ringo jítaoigacuiro jáirede, íemo morádoná eroide. Afengo oro finoina íena ebire finóbide, íemo ráifide ñue finoca noficiaína, íemo ‘perla’ dáina zíriona finóbide. Iemo afengo oro finoina ichecoí llíide. Aféchechoí íáirede raana oruide, íemo jáí afengo jiruirena llezica finoca íaifuiaina oruide. ⁵ Afengo ozócimo cuetá jónega ónonide mámece illa. Afeci bie izóí daide: “Aillue Babilonia jofue, nana fiénidifuiái jillaci, aféfuíai ei dáina izóí mameide. Iemo nana bíníemo ite éoigafuiái ei dáina izóí mameide.” ⁶ Iemo díga Juziñamuimo jáináidino afe ringo ícoína fazícaiaioi. Afémaci Jesús uai llócaína jira afengo titácaiaioi. Iaiói fazícanori afengo, come jífaífirena izóí, iere íóbide. Afena cíoillano iere jacire fáigacaidicue. ⁷ Ie jira Juziñamui abi ímie cuena daide:

—¿Mínícarí jacínaitio? Afe ringo ónonino daííacanafue jino omo onótatícue. Daje izóí afengo uífirede jacirede rille maméinafuena omo onótatícue. Afe rille ifo siete dígade, íemo diez díga zícairede. ⁸ Afe o ciona jacirede rille jaiaí nino itímie, mei íadi ie tílla mei jae íñede. Mei íadi afémie íraicaiño ie tílle uícodo meine abido fiénide jóriai íbáirafomona caífo biite. Mei íadi billano zíñona ie duere finóllinomo orelle. Eníemo ite comínimona zíñona ille rabénícomo énie táineína llezica mámeceína cúeñegano, afe rillena cíoillano iere jacínaificaitiaioi, mei afémie jaiaí íteza, íemo biruí jae íñédeza, íemo meine abido uire bíteza.

⁹ Biruí caí uaina féiruíñedinomo nai benó jáíie llollífuena ite: Cácarei. Afe siete dígade ifócaí baie ringo ráína siete dígade caifóneduai jana. ¹⁰ Iemo afe llezica afe siete dígade ifoci daje izóí siete dígade illaini jana. Afe siete dígade illáinimona cinco díga ja dotácaiaioi. Afe mena fiébidemona daa nai illáimana ite. Iemo jáímie nai illáimaizaíbiñede. Afémacimona íraillaima bíadi are íñeno táinocaite. ¹¹ Nauí caade íocirede rille, tíide íadi, nane biruí caade illaima. Afémie siete dígademoná afémaci emódoidillaima. Mei íadi afémie siete dígademoná dáamie. Afe mei afémie íraicaiño ie tíllinomo jáite.

¹² Afe o ciona diez dígade zicai, diez dígade nai illáinina jáíñedino jana. Mei íadi jacirede rille díga dáaruido afémaci nano íanori díeze illaini ocuífirena ríino llínoítiaioi. ¹³ Bie diez dígade illaini conímamo daje izóí comécidiaioi. Iemo íaíoimo ite ocuille ríino jacirede rillemo fécaítiaioi. ¹⁴ Iemona Cordero dáina Jesucristo díga fúiritiaioi; mei íadi Cordero íaíoína anáfenoite. Mei afémie nana ocuídinomona Jamánomo Ocuídímieza. Daje izóí afémie nana illáinimona Jamánomoidillaimaza. Afémie díga jáicadino Juziñamui nízedá jírigano. Daje

izói afémaci fáicanocaiñeno Juzíñamuimo ñue ínofiredino, —daí afémie cuena daide.

¹⁵ Juzíñamui abi ímie nane dáanomo cuena daide:

—O ciona monáillajillai, nii afe íaífueredingo illano, afe monáillajillai aillo jófueniai jana. Daje izói aillo comini jana, íemo jíáíforie úritino jana, íemo aillo náirai jana. ¹⁶ Jacire eroide ríllemo o ciona zícainiai jíáie illáimaiai jana. Afémaci bie jiruiredingona éoitiaioi. Eoillano aféngona zóofeitiaoioi, íemo jíái aféngona emuírogi óreitiaoioi. Afe mei afengo íeizina rítiaoioi. Iemo jíái aféngona iraimo cónaitaitiaoioi. ¹⁷ Juzíñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena comécidiaioi íaioimo ite jacire ocuille ríino jacírede ríllemo fecállena. Iemona afémie jamánomo rírede. Daí Juzíñamui daina uáillaina fuillíruimo dúcia llezica finófrediaoioi. Iemona afémie daina uaina ñue ícoimo záitaitiaoioi. ¹⁸ Afe nauí o ciona jiruiredingo, nana énie jamánomo ocuífredillaíma illágobe jana, —aquíe izói daide.

18

Babilonia jofue táinoicailla

¹ Bie méfodo monámona jíáie ángel dainámie, Juzíñamui abi ímie ana bíllana ciódicue. Afémie aillo ríino diga bite. Afe llezica ie quenire bóodedo bínie egáíñote. ² Afe llezica afémie ficire úrite; daide:

—Aillue Babilonia jofue ja jáicoizite, ja táinocaide. Taífe ocuífíregano illánona jaide. Daje izói nana jíáíforiede íáirede jóriai uíñoracona jaide. Afe izói nana íáire féedino jilláillinona jaide, naa jíái cai éoiga féedinuiai. ³ Mei aillo fiénide íaífuiái afengo finófirenado, nana nairai jífáidino izói itíaiioza. Iemo naga énie illaini afengo diga aillo jiruífue izoide íaífuiaina finófrediaoioi. Bíniemo ráaniai fecáfiredino iere úcuberedinona jáidiaioi. Mei uafue, afe áillue jofue comini izire jicaca táinomo faitátate ráaniai íaioi jícáfírenamona bimaci aillo úcubenaídiaioi.

⁴ Afe mei monámona jíáie uaina cacádicue; daide:

—Omoi cúeiediomoza bie jófuemona oni omoi jai; íaioi finoca fiénidífue afémaci fínua izói omoi fínoñeilleza. Daje izói íaioimo zúite jacíredífuiái ómoimo jíriñeilleza. ⁵ Mei afémacimo ite fiénidífuiái ofilla ja monamo dúcideza. Íaioi finoca fiénidífuiáimo Juzíñamui ja uíbicaideza. ⁶ Iemo Juzíñamuina daide:

—Jíáímacimo íaioi feca izói, afe izói íaioimo fecari. Íaioi fiéni fínua izói, afe baímo ménacaiño afémacimo finori. Afémaci ñúemacimo eríredena jóneta jirota izói duere íaioina finódiaoioi. Afe íaioi fínua izói, afe íbana ménacaiño afémacimo ríire duere íaioina finori. ⁷ Aillo táinodo abi íaioi íñua dieze, íemo cómena canóñedemo fáíífirena dieze, áfeze afémacina duere finori; afe izói íaioina duere zefuítari. Mei bie ringo izoide jofue comini afengo ie comécido daífíredeza: “Benomo illáingona ráidicue. Jaca fécinaiñeíticue; jaca dúeníticue,” —afengo daide. ⁸ Ie jira bie izói úrillamona, dáaruido omo dúide jacíredífuiái cómuite: tílla íemo duere zefuilla, íemo júbie. Iemo iraimo cónaitio. Mei o duere finótate Juzíñamui jamánomo ríinoredeza. Afémie jaca cai Ocuíraíma.

⁹ Afengo diga jiruírede bínie illáicomini, daje izói afengo diga cómena canóñedemo fáíífidino aféngori iere éenaitiaoioi. Mei uafue, afengo cónailla uílliena cióillamona aféngori cáillicailli éeitiaoioi. ¹⁰ Afengo iere duere finóinari jacínaillamona oni jica íítiaoioi. Afemona dáítiaoioi:

—¡Aii, nii o dúerenal! Jamánomo riirede Babilonia jófuedio, ¡nii duere o zefuilla! ¡Mei raire dáaruido o duere finoína comuíbicaide! —dáitiaoí.

¹¹ Bínie ráaniai fecáfiredino aféngori cáillicailli éenaitiaoí, mei ja íaioí atíca ráaie íbaitino íñede. ¹² Iaioí atífirega ráaniai, be nñe: Oro, plata, ráifide nofíciai, ‘perla’ daina ráifide zírío, ráifide úzecuiro, íemo jáirede ‘sédacuiro,’ morádona eroide seda diga, íemo jái diga jáífodo zióriede aménai, íemo ebírede ‘marfil’ daina elefante zicai finoína ráifide raana, íemo ráifide amena finoína raa, íemo ‘bronce’ daina borárede lloébici finoína raa, íemo jamai lloébici finoína raa, íemo ‘marmol’ daina nofici finoína raa, ¹³ daje izói ‘canela’ daina güillemo faiga raa, íemo jáíforie ráifide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jirórají, íemo cáiredíj, íemo ñuera pan finófirena harina, íemo trigo, íemo daje izói abífirede cáadino, íemo ovéjaiaí, íemo cabálluai, íemo ‘carros’ daina arínellai, daje izói jacire rairuica comínina fecádiaoí. Bie izói daina cáadino ima ringo diga jáímacimo fecádiaoí riire íaioí ocuállena. ¹⁴ Afe jofue comínina dáitiaoí:

—¡Baie omoi gaiga caimárede amena llizíllaniai izoide ráaie jae íñede. Nana omoi ofítaga ebírede ráaniai ja táinocaide! —dáitiaoí.

¹⁵ Afe ráaniai fécajano íba úcube ófiredino bie áillue jofue comínimona otíaoí. Uano aillo úcuberediaoí. Mei íadi aféruído afe jofue íere duere finóinari jacinaillamona oni jica íitiaoí. Afénomona aféngori cáillicailli éeítiaoí. ¹⁶ Iemo dáitiaoí:

—¡Aii. Aillue jófuedio nii dúerenal! Naui ñuera ráifide úzecuiro jítádingo izóidío. Daje izói o comíni jáirede ráifide iníroi, íemo morádona eroide ráifide iníroi jítáfrediaoí. Afe llezica oro íena finóritiaoí; daje izói ráifide nofici finoína raana finóritiaoí, íemo jái ‘perla’ daina zíriona jítáfrediaoí. ¹⁷ Iemo dáaruido naado aillo ráaniai niné táinocaide.

Daje izói nana ‘barco’ daina áillue nocáe ocuídillaini, naa afécaedo jáidino diga, áfena jacíruillano oni jícarie itíaoí; daje izói afécaedo tájídínori naa jáífodo monáillajimo tájide comíniri oni jícarie itíaoí. ¹⁸ Iemo afe jofue bóua úilliana cíóillano caillídiaoí:

—Bie izoide nauí áillue jófuenta, ¿Nínomo cíoiticaí? Bie izoide jofue jaca íñeite, —daídiaoí.

¹⁹ Íere zúucaillano íaioí ífomo énie júdaídiaoí. Daí ñiano cáillicailli éediaoí. Daídiaoí:

—¡Aii! ¡Aillue jofue nii dúerenal! Nana monáillajido ráaniai fecáfiredino afe ráaniai o comíni úamona afémaci aillo úcuberediaoí. ¡Mei íadi dáaruido afe áillue comíni jofue ja niné táinocailla! —daídiaoí.

²⁰ Afe mei áfena cíódimie daide:

—Monamo itínuaí, mai afe áillue jofue táinocaillari omoi íóbiri. Uáfueza, Jesucristo orécano, naa Juzíñamui díbenedo úritínori mai íóbiri, naa Juzíñamuímo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina íba ote, —daide.

²¹ Afe mei riirede Juzíñamui abi ímie áillue nofici caífo raiñode. Afeci áillue ‘molina’ daina trigo llaira mérede nofici finoína eroide. Caífo ráíñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca nínomo meine cíóñeille. ²² Benómoma jaca o cígido joide iomo ‘arpa’ daina rua roia taíga raa rúaniaina meine cácaíñeille. Daje izói totíbacui uai naa bainada uai diga ja meine cácaíñeille. Afe izói nana jáíforie tájiana baitádnomona buna fiébiñena. Iemo daje izói dobérilla ficírena izói ‘molina’ daina nofici

uaina cácañeille. ²³ Afe daje llezica o jófuiái eromo bóofirede mechera izói boode ráaniai abido bóoñeite. Iemo aféruimo áirena llezica iráizie caimare fíçirerie íaiói úrilla uáillaina meine jaca cácañeille. Mei nauí omo ite ráaniai fecáfiredino bínie comínimona jamánomoidiaíoi íadi, ja biruí afe caimárede uailái cácañeille. Nauí aféruimo aima bífuefirena uai izóidedo náiraiaina jífuefireño; mei íadi afe jífuefirena ona nabáñede.

²⁴ Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jíáie bínie mo fagano díena afénomo ciona. Afe ciona die, afe jofue comini jíáimaci títaja ícoinia daí illa jana, —daide.

19

¹ Afe bie méifomo monamo ite aillo comini fíçirede uáillaina cacádícue. Daidíaíoi:

¡Aleluya! Cai jíllonano cai Juzíñamuimo dúide.

Daje izói iere ebíredífue afémiemo mamérede, íemo naa ñuera ríino díga.

² Mei afémie ñue jaícina ua uaido iere riire jicánofiredeza.

Afe iere jiruíredingona afémie riire duere finótateza.

Afengo iere ie jiruírenado énie comínina íaire finode.

Juzíñamuimo táijitagano tilla iba aféngomo oga, daidíaíoi.

³ Nane dáanomoda daidíaíoi:

—¡Aleluya! mei afengo jobailla uíllie jaca ninomo líicaiñeno uillíoite, —daidíaíoi.

⁴ Afe llezica veinticuatro dígade éicomini, íemo jíái cuatro díga cáadimíai díga, ana éniemo bíjicaillano, Juzíñamuimo caimátaidíaíoi. Illaíma ráiranomoda ráide Juzíñamuimo caimátaillano daidíaíoi:

—¡Daiítadeza! ¡Aleluya! —daidíaíoi.

⁵ Nane afe mei illaíma ráiranomoda jíáie uaina cacádícue; aféuai daide:

—Cai Juzíñamuimo nana afémie ocuícana afémiemo ñúfuiái omoi mameri.

Daje izói íena caimare jacíruitino, illáicomini naa jíba comíniri, ñúfuiái afémiemo jóonefireiri.

Cordero daína Cristo áirena rafue

⁶ Nane daje izói aillo comini uailái izóidena cacádícue. Afe uailái aillo imánillai fíçirena izói fíçirede, íemo jíái afe uailái fíçire mona gíría fíçirena izói fíçirede. Afe uailái daide:

¡Aleluya! Jamánomo riirede cai ocuide Juzíñamui nane meine como ócuite.

⁷ Mai cai ióbilli; daje izói iere caimare cai illi.

Afémiemo ebíredífue cai mamelli.

Mei Cordero áirena izóidíruimo ja dúcideza.

Afémie ai izóidinona jáitino ja ñue finóbidaíoi. Afémaci Crístomo ua ínotimaci.

⁸ Ráífide úzecuirona jíárediaíoi.

Mei uafue, íainino queníredíroi Juzíñamui afémacina jíátaga.

Mei afe ñuera ráífide úzecuiro Juzíñamuimo jaináidino comécina jaícina jóoina jánaza.

⁹ Iemo Juzíñamui abi ímie cuena daide:

—Mai cúeiri: Cordero áirena ráfue mo uáidogano ja caimare itíaíoi, —daide.

Nane cuena daide:

—Bíuai Juzíñamui lloga ua uai, —daide.

¹⁰ Iemona afe Juzíñamui abi ímiemo cue caimátaillena ie anamo dújudícue. Mei íadi afémie cuena daide:

—Cuemo daí iñeno, mei o izói cue Juzíñamui ocuícamedicueza. Jii, Jesús llócaiga ua uaimo féitañeno ñnote o ámatiai izóidicue. ¡Cuemo caimátaiñeno; Juzíñamuimo cáimatai! —daide.

Mei afe Jesús llócaiga ua uai, Juzíñamui dibénedo lloga uailai jino llotino comeci úritade.

Uzerede cabállomo ráicaidimie

¹¹ Nane afe méifomo mona tuíñuana ciódicue. Afénomo úzerede caballo cíocaide. Afe emódomo ráicaidimie mámecei “Fiel” íemo jái “Verdadero” dainámie. Mei afémie ñue jaícina illáfuedo ocuúdeza; daje izói áfedo fiénidino diga fuirítateza. ¹² Ie ui irai bóua izói quere cíoide. Ie ifócimo diga illaíma jítaracuífoi jítáoide. Daje izói afénomo dama ie onoiga mámecei cúeina. ¹³ Afémie jítacacuíro díemo mutácaroi. Afémie mámecei Juzíñamui Uai. ¹⁴ Afe llezica nana monamo ite Juzíñamui ocuica fuirídino afémie óodana jáidiaioi. Afémacei ráifide úzecuíro jítáoidiaioi. Aferoi jaca íáinide. Baie nana afémiedo jáidino úzerede cabállomo ráicaidiaioi.

¹⁵ Afémacei ifódimie fuémoma jáirede lloefai jino bite, áfedo nana nairai boféllena. Afe llezica afémie lloébici izóidedo náiraiaina ócuite. Vino finóacanomo úvaiai iduállena riire záizía izói, afe izói afémie afémacimo iere riire jicánoite. Iemo jamánomo riinorede Juzíñamui ráicaillamona cómuite iere duere finóillifue, vino jirótaja izói afémacina duere finótaiteza. ¹⁶ Ie inícuíro emódomo jítacacuíromo cuega mámecei illa. Daje izói ie riáizimo cuega. Afeci daide: “Nana illáinimona Jamánomoidillaíma,” íemo jái “Nana Ocuídinomona Jamánomo Ocuídime.” Afémie ñi cai Ocuíraíma Cristo.

¹⁷ Afe mei Juzíñamui abi ímie jitoma riire egáñuanomo naidáinana ciódicue. Afémie nana mona erodo féedinuiai ficire jírrite; daide:

—Juzíñamui finoca áillue güille nana dáanomo omoi riáibi, ¹⁸ mei benomo illaini íeizi ríitiomoiza, naa fuiríraini illáicomini íeizi diga. Dáanomo íocirede fuirífiredino íeizi ríitiomoi, naa caballo íeizi diga. Daje izói afe emódodo ráicaidino íeizi ríitiomoi. Iemo nana fiébidino íeizi ríitiomoi. Buna ráiruñegano, daje izói jacire rairuícano, íemo jái jamáimacei íeizi, naa jamánomoidimacei diga daje izói ríitiomoiza, —daide.

¹⁹ Afe mei afe jacire eroide ríllena ciódicue naa bínie illáicomini naa íaioi fuirírainiai diga. Nana bimacei fuiríllena dáanomo ofidiaioi. Afémacei afe úzerede cabállomo ráicaidimie diga fuirízaibitiaioi. Afémie “Juzíñamui Uai” dainámie. Daje izói afémie canode fuiríraini diga fuiríllena maméritiaioi. ²⁰ Afe mei afe jacirede rille, taino uai jino llócaidimie diga ja llaveca. Afe taino uai jino llotímie, jacirede rille eróicana, jacínaitade cíorainina raa ciótate. Aféfuiaido afe taino uai jino llotímie, nana afe jacirede rille mámeceina cuetátaganona jífuete. Daje izói afe jacirede rille jánaraimo caimátaidinona afémie jífuete. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoi. Afe jorai izoide duere finóllino iere uzire boode. ²¹ Nana afemona fiébidino úzerede cabállomo ráicaidimie fuémoma bite lloéfaido titácaiaioi. Iemona nana féedinuiai bie titácano riáibillano íaioi íeiziri jéirediaioi.

20

Mil diga fimona dino comini caimare íitiaioi

¹ Bifue méifomo ángel dainámie Juzíñamui abi ímie monámona ana bíllana ciódicue. Afémie afe fiénide joríaí íbáirafo zuitara llave naa áillue llójeo diga

llícabite. ² Afe bie Juzíñamui abi ímie ‘dragón’ daina jáiaira áillue jaio lláitano anáfenode. Afe jaio jáífodo mameina Taife, dáamie Satanás. Anáfenuano afémiena mil diga fimona llaveca. ³ Ana fiénide jóriai ibáirafomo óriano íena llavede. Lláviano afe nazemo ‘sello’ daina “buna zuitánide” daide raa jónete. Daií finoca náiraiaina mil diga fimona dinori jífueñeillena. Afe mil diga fimona jaille méifomo, afémie nano íanori zuitalle.

⁴ Afe mei illaini ráiranuaina ciódicue. Afénomo ráiedino iere riire jicánolle rínona igáiaioi. Afe dáaruido ifóciaina jáicoicano coméciana ciódicue. Afémaci Jesús jaícina lloga Juzíñamui uai íaioi llócailla ícoinia ifócina jaitácaiaioi. Afémaci afe jacire eroide ríllemo caimátaiñediaioi; daje izói afe jánaraimo caimátaiñediaioi. Daje izói afémaci ozócimo ie mámecei cuetátañediaioi, íemo daje izói íaioi ónoimo. Afémaci abi meine abido cáaillano mil fimona dino Cristo diga illáimaitiaioi. ⁵ Afe bie meine abido cáadino, nanóidino meine cáailliruimo abido cáaitiaioi, jae cai daina Cristo diga illáimaillena. (Mei íadi jáie tíidino mil diga fimona záíñena dino meine abido cáaiñeitiaioi.) ⁶ Nana afe nanoide cáailliruimo meine abido cáaitino caimare itiaioi. Daje izói afémaci Juzíñamui ñue finócano. Afe meífoide tílle afémacimo jaca jírñeite. Mei íadi afémaci comínido Juzíñamuimo úrifireitinona íitiaioi; daje izói Cristo íeiena zííñona íitiaioi. Iemona mil fimona dino afe Cristo diga illáimaitiaioi.

⁷ Afe mil diga fimona záilla méifomo, Taife ie llavéinafomona zuitalle. ⁸ Jáillano nana énie náiraiaina jífueite. Aféruído “Gogna” mámeceirede náiraina jífuaite, “Magog” daina náiraina diga. Afe náiraiái fúiritinuiaína Taife dáanomo jofo óite, íiraicaiño fuiríllena. Afémaci monáillajimo ite guamai dígadeza facádonidiaioi. ⁹ Afemona énie nániena afémaci iere oruúbicaite. Iemona Juzíñamuimo jaináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámona irai afémacimo orede. Afe iraido fiébiñeno cóonaitiaioi. ¹⁰ Afe llezica afémaci jífueoicaide Taife boode jóramo dotaca. Afe jorai iere uzire boode. Afe dáanomo jacire eroide rílle, íemo jáí taino uai jino llócaidímie nauí dotaca. Afénomo mona naio diga jaca ninomo zííñona iere duere finócaiaioi.

Aillue úzere de ráirano illaíma ie, íemo afe uícomo iere riire jicánollino cioina

¹¹ Afe méifodo áillue úzere de ráirano illaíma íena ciódicue. Iemo afénomo ráiidímiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi. ¹² Daje llezica Juzíñamui uícomo nauí Juzíñamuimo íinoñeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuaí cuiánicuaí túide. Daje izói afénomo jáie zííñona íitino mámecei cuiánico túide. Bie tíidino íaioi finócafuaí íllaze riire jicánogaiaioi, mei afe íaioi finócafuaí cuiánicomo cúeina dieze riire jicánogaiaioi. ¹³ Afe llezica monáillajimo báide tíidino meine abido Juzíñamui uícomo caífo náidacaitagaiaioi. Daje izói nana jáíforie tíidinuiaí íaioi tíillanomona meine abido Juzíñamui uícomo caífo náidacaitagaiaioi. Afe nana náidacaitagano íaioi finócafuaí íllaze afémacimo riire jicánogaiaioi. ¹⁴ Afe mei ‘muerte’ daina comini tíillafue boode jóramo dotaca, ie mei niné táinocaide. Daje izói dáanomo nauí tíidino íbáinaco afénomo dotaca. Dotaca mei niné táinocaide. Afe bie boode jorai, íiraie tíillana mameide. ¹⁵ Iemo afe zííñona íitino mámecei cuiánicomo mámeceina cúeñegano afe boode jóramo dotácaiaioi.

21

Comue mona comue énie diga

¹ Afe méifodo comue mona, comue énie diga ciódicue. Mei nanoide mona nanoide énie diga ja niné cióbicañenaza. Daje llezica monaillai jae ñede.

² Afe llezica comue Jerusalén daina íaifuenide jofue, Juzíñamui uicomona monámona ana bíllana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina izói ebire cíoide. ³ Iemo monámona ficire dáinana cacádícue. Afe uai daide:

—Ero, comini cigiri birui Juzíñamui illa. Afémaci diga ífireite, íemo afémaci afémie comínina ítiaioi. Ja birui dama afémie afémaci cigiri íte, afémaci Juzíñamuina ie íllena. ⁴ Juzíñamui afémaci ui jémena zafénaitaite. Aféruimo tílle íñeite. Daje izói eia íñeite, íemo jíái duere zefuállamona eia íñeite. Daje izói comini abi izírena íñeite, mei jaiái itífuiaí jae záaideza.

⁵ Iemo illaíma ráíiranomo ráíidímie cuena daide:

—Ero. Nana cómuena méidotícue.

Iemo nane daide:

—Bie uai iere ua uaiza, mai cúeiri. Daje izói bie uai iere ínofiregaza, —daide.

⁶ Nane afe mei cuena daide:

—Ja ñue ícoímo finócaza. Cue bie naga ráfuiaína nai cómuñenia uícodo itímiedicue. Daje izói dáamiedicue fuillínomo itímiedicue. Abecedario A-mona táinia izóidímiedicue. Daje izói abecedario Z-mo fuizajilla izóidímiedicue. Jáinoina jiróacadímie ñúejina jirótaja izói, afe izói ñúefuiaí dibénemo íacadímie mo ráíñóñeno afémie mo zííñona illáfueña ífireitícue. ⁷ Fíenidena anáfenodímie nana bíena feci raa fia máíñua izói, máíñoite. Afe llezica afémie Juzíñamuitícue, íemo daje llezica afémie cue jitóite.

⁸ Mei íadi nana ínoñedino dibéfodo duere zefuille afémacimo dúide. Uáfueza, ñúefueña jacíruitino daje izói ínoñedino, íemo jíáimana éoidino, íemo jíáimana titádino, íemo jíái jiruífueña finófiredino, íemo jíáima fue gáiana fibídino, íemo jíái jánaraimo caimáaidino, íemo nana táinona úritino; nana bie izóidino boode jóraimo dotárediaioi. Afe jorai iere uzire boode. Afe bie boode jorai íraie tíllana mameide, mei afénomo dotácano jaca ninomo Juzíñamuimona oni eneno duere finócanona ítiaioiza.

Comue Jerusalén

⁹ Afe mei siete dígade ángeles daínamací Juzíñamui abi imácimona daa cuemo úrizaíbite. Afémie nauí Juzíñamui ocuica siete dígade íraie jacírede duere fínuana oruide ichecoí uitímie. Afémie cuena daide:

—Ero, Cordero ai izóidena jáitínona o ácatatícue, —daide.

¹⁰ Iemo Juzíñamui Ñuera Joreño bie izóidena nícaí anado cuena cíotate. Afe Juzíñamui abi ímie áillue caifónedumo cue uite. Afénomo monámona Juzíñamui uicomona ana bite jamánomo ñuera Jerusalén jofue cuemo ácatate. ¹¹ Juzíñamui abi ebire quenírena izói afe jofue quenírie cíoide. Daje izói iere ráifide nofici quenírena izói queníriede. ‘Jaspe’ daina nofici vidrio enéfecomo cíoina izói cíoide. ¹² Afe jofue jinófenedo nágafene áillue cirínuabairo raa ite. Afe cirínogamo doce dígabe naze ite. Iemo illa diga nazemo Juzíñamui abi ímie naidaina. Iemo afe náziaimo doce dígade Israel nairai mámeciaí cúeina. ¹³ Afe jofue náziaimona, fuirífenemo dazeámani ite. Iemo jíáie dazeámani onífenemo ite; íemo jíáie dazeámani féifenemo ite; íemo jíáie dazeámani afáifenemo ite. ¹⁴ Afe jofue jinófene cirínua anamo nofici finoina mozíoidibani doce dígade.

Illa dígabanimu Cordero nágagobiaimo orécano ‘apóstoles’ dainámaci mámeceiai cúeina.

¹⁵ Afe cue diga úrite Juzíñamui abí ímie, oro finoína facáradozi llíide, afe jofue facállena. Daje izói ie náziai facállena, íemo jíái afe jinófene cirínua facállena. ¹⁶ Afe jofue fueda nagaámariede; nágafene daje dinóriede. Ie árrera dibene daje dinóriede; íemo ie ruica dibene daje dinóriede. Afe Juzíñamui abí ímie ie llíiga radózido jofue facade. Facádemo dos mil doscientos kilómetros árrera. Daje izói ruica diné eróicana dos mil doscientos kilómetros. Iemo caifo diné eróicana jíái daje izói dos mil doscientos kilómetros. Nágafeniai daje dinóriede. ¹⁷ Afe mei jinófene cirínuabani facade. Facádemo sesenta y cuatro metros caifo ite. Afena Juzíñamui abí ímie come facáfírena izói facade.

¹⁸ Afe jinófene cirínuabani ‘jaspe’ daina nofíci finoína. Afe jofue íáinide oro niina. Ñue enéfecomo cíoide vídriona eroide. ¹⁹ Jinófene cirínua anamo mozíoidibani nana jíáiforiede ráifide nofíciado ebire ñue finoína. Nanóidibani ‘jaspe’ daina nofíciado ebire ñue finoína, íemo jíáibani ‘zafiro’ daina nofíciado ebire ñue finoína, íemo jíáibani ‘ágata’ daina nofíciado ebire ñue finoína, íemo jíáibani ‘esmeralda’ daina nofíciado ebire ñue finoína, ²⁰ íemo jíáibani ‘ónice’ daina nofíciado ebire ñue finoína, íemo jíáibani ‘cornalina’ daina nofíciado ebire ñue finoína, íemo jíáibani ‘crisólito’ daina nofíciado ebire ñue finoína, íemo jíáibani ‘berilo’ daina nofíciado ebire ñue finoína, íemo jíáibani ‘topacio’ daina nofíciado ebire ñue finoína, íemo jíáibani ‘crisoprasa’ daina nofíciado ebire ñue finoína, íemo jíáibani ‘jacinto’ daina nofíciado ebire ñue finoína, íemo jíáibani ‘amatista’ daina nofíciado ebire ñue finoína. ²¹ Afe doce dígade naze íbáirabici áillue perla. Illa dígaze daa perla ie finoína. Afe jofue cígido joide áillue macárao íáinide oro finoína. Afe macárao enéfecomo ñue cíoide vídriona eroide.

²² Afe jofue eromo Juzíñamuimo gairíracu jaca ninó daa cíoñedicue; mei jamánomo ríinorede Juzíñamuimo ebena nágafeniaimo caimátaidíai. Afémiena jíáfodo daina caí Ocuíraima. (Afe jofue gairíracu Juzíñamui abíza. Daje izói jíái Cordero abíza.) ²³ Afe jofue jítomado egáíñuamo dúíñede; daje izói íuideo egáíñonide. Mei afe jofue Juzíñamui abímo ite ebírede quenírededo egáíñogaza. Daje izói jíái Juzíñamui Cordero afe jofue egáíñogaza. ²⁴ Nana jíllotaga náirai afe jofue egáíñuado mácaítiaí. Bíníe náirai íllainí afe jófuemo íaímo ite aillo ebíriede íllaima daíllena ráaniaína átítiaí. Atiano Juzíñamuimo, íemo jíái Crístomo ízáítiaí. Daje llezica afe jofue ocuídímie íaíllinoímo aillo ñúefuena mámeítiaí. ²⁵ Afe jofue naze jaca monarí íbaíñelle. Iemo afénomo jaca mona náuíñeite. Jira náziai íbáílliruí íñeite. ²⁶ Eníe náirai íaímo ite ebíriede ráaniaína afénomo átítiaí. Daje izói afénomo aillo ñúefuíaí mámeítiaí. ²⁷ Mei íadi comécina íáiredino jaca afénomo jofo jáinide. Daje izói comécina éoidino dínomo jofo jáinide, naa táino llotínori. Dama zíñona ítino mámecei cueránícomo mámeceina cuezámaci dani afénomo jofo jaille. Afénico Cordero daina Jesucrístomo ite.

22

¹ Afe mei Juzíñamui abí ímie íáinide ímánina cue ácatate. Afémiani jáinoi cómena zíñona cáatate. Afejí vídrío enéfenemo uáfori cíoina izói cíoide. Afe ímani Juzíñamui ílláimana ráíiranomona tote. Afe ráíirano daje izói Cordero íe. ² Afe jofue cígido áillue macárao ílla. Afe macárao dáafenedo comínina

ziiiñona cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fiui llizífirede. Iemo jiái afe aménaiai íbiai nairai ñue manóllena ite. ³ Aféruillaido afénomo faidórafuena jae íñeite. Juzíñamui illáimana ráirano afe jófuemo ite; daje izói Cordero ráirano afénomo ite. Ie ocuífiregano daa afémiemo caimátaitiaioi. ⁴ Afe llezica afémaci Juzíñamuimo, meáiruñeno jofo conímamo éroitiaioi. Afémaci ozócimo afémie mámecei cúeina. ⁵ Afénomo mona jaca náuiñeite. Afénomo itino mechera izoide egáiñuana jítaiñeitiaioi. Daje izói jítoma egáiñuana jítaiñeitiaioi, mei cai Ocuide Juzíñamui íaioina egáioite. Iemo afémaci jaca ninomo ziiiñona illáimaitiaioi.

Jesucristo billirui ja ánozide

⁶ Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómutifuiaina onótallena, —daide.

⁷ Iemo Jesucristo daide:

—¡Raire biticue! Binícomo cuega Juzíñamui uáillaina jíeruitimie caimare ite, —daide.

⁸ Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, íemo daje izói cue ciona méifomo, cuemo ácatate Juzíñamui abi ímie anamo dújudicue afémiemo caimátaillena. ⁹ Mei íadi afémie cuena daide:

—Jadíe izói cuemo íñeno. O izói Juzíñamui ocuícamiedicue. Daje izói Juzíñamui dibénedo úrifirede o ámatiai izóidicue. Iemo jiái binícomo cuega uáillaina náfuetino izóidicue. Cuemo caimátaiñeno; dama Juzíñamuimo caimátaiñeiri, —daide.

¹⁰ Nane dáanomo cuena daide:

—Binícomo cuega Juzíñamui uaina báinino o comécimo jóoneño o iri. Mei bífuiái ícoimo ñue fuizájillirui ja ánozideza. ¹¹ Nai bie fuiñena llezica, fiénidimaci íaioi finófirega fiénidifuenta dama íaioi finócaza. Fia eroi, mei afe izói íaioi íllado jamánomo duere finólliaioiza. Daje izói comécina íáiredino dama comécina íáreoicaideza. Fia eroi, mei áfedo duere finólliaioiza. Mei íadi ñue itino íaioi illa baimo ñue iri. Daje izói Juzíñamui íena ñue finócamie fáicanocaiñeno afémie íena ífireiri, —daide.

¹² Iemo Jesucristo daide:

—Jii, raire biticue. Illa dígamie mo cue fecalle fia jirídogo izoide raa atídicue. Illa dígamie mo afémie finoca dieze fécaiticue. ¹³ Nanóidimedicue. Iemo jiái íiraimedicue. Daje izói naga ráfuiái uícodo itímiedicue. Daje izói fuizájillanomo itímiedicue. Iemo jiái abecedario A-mona táinia izóidimedicue. Daje izói abecedario Z-mo fuizájilla izóidimedicue.

¹⁴ Íaioi ínirina jocófiredino izói, comeci ifue ñuérana méidotino caimare itíai. Íemona cáatate amena llizíllana gürediaioi. Afe bie izói daiíacade ziiiñona íaioi íllena. Daje izói íaioi ínirioi ñue jócuamona, afe jofue nazedo Juzíñamui illánomo jofo jáirediaioi. ¹⁵ Mei íadi comécina íáiredino afénomo jofo jáinidiaioi. Iemo daje izói jiáima fue gáiana fibídino, íemo daje izói nana jiáiforiede jirufue finódino, daje izói cómena méinetino, daje izói jánaraimo caimátaidino, daje izói jiáie comínina iere jífuefiredino, naa afe izoide fibídnori; nana bie izoide comini afe jófuemo jofo jáinidiaioi; jáiñeno jino fiébitiaioi.

¹⁶ Cue Jesúsicue. Juzíñamuimo ua jáináidinomo nana bífuiái jino llóllena cue abi ímie ja cue oreca. Jaiái illaíma David comuilla moi ímiedicue; daje izói afémiemona jebuídino comuítagamiedicue. Iemo iere egáiñote monáiracudu izóidimedicue, —daide.

¹⁷ Iemona Juzíñamui Ñuera Joreño daide:

—Mai bi, —daide.

Daje izói Cordero ai daina afémiemo ua jaináidino íena daide:

—Mai bi, —daide.

Daje izói búuailaina cacáidino afémiena:

—Mai bi, —omoi daíri.

Iemo Cristo daide:

—Jiróacaitimie zíñona cáataite jáinoína íbáñeno mai fia júruaíbiri. Afe bie izói daiíacade zíñona illáfuenta óiacadimie mai cuemo bi; raiñóñeno omo fécaíticueza.

¹⁸ Nana binícomo cuega Juzíñamui uaimo cacáreidínona bie izói llétaiticueza, cacai: Dáamie bie ráfuenta baímo zotáadi, Juzíñamui binícomo cuega jacírede duere fínuaníaina afémiemo jóoneite. ¹⁹ Daje izói binícomo cuega Juzíñamui uáimona dáamie daa uai oni óiadi, Juzíñamui afe zíñona cáaitino mámecei cuiánícomo cuega afémie mámeceina oni óite. Daje izói binícomo lloga nífuenide jófue mo Juzíñamui afémiena jofo jáitañeite. ²⁰ Bifue jino llotímie nane dánomo lote:

—Jii, raíre biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

²¹ Cai Ocuíraíma Jesucristo nana ómoína ñue fínóiteza. Daiítadeza. Jae níie.